

50 D 15109

h/

S
20/6/06
779

2448

1358/C

24

H.I.F.
18

ct

5 Vols.

Splendid copy

Rare

L 3 11 3 11 9



H. Blom Low up

DISPUTATIONES
CHIRURGICÆ
SELECTÆ,

COLLEGIT, EDIDIT, PRÆFATUS EST
ALBERTUS HALLERUS.

TOMUS PRIMUS.



D. Pelon pinx.

L. Joubert orn. et sculp. Lugd.

VENETIIS,
Sumptibus HÆREDUM BAGLIONI.

MDCCLV.

I L L U S T R I

A C A D E M I Æ R E G I Æ

C H I R U R G O R U M

P A R I S I N Æ,

P R Æ S I D I, D I R E C T O R I,

S O D A L I B U S

V I R I S

E X P E R I E N T I A, D E X T E R I T A T E,

I N D U S T R I A

E M I N E N T I B U S;

** **

H A N C

HANC COLLECTIONEM

A D

CONSERVANDA FUGITIVA

ARTIS UTILISSIMÆ MONUMENTA


NATA M

D. D. D.

MARCUS-MICHAEL BOUSQUET.



ALBERTUS HALLERUS
LECTORI BENEVOLO.



*Q*uod anno 1752 publice promulgavi consi-
lium edendarum Disputationum Chirur-
gicarum, id nunc exsequor, prelo usus
MARCI-MICHAELIS BOUSQUET, qui nihil re-
liqui fecit, quin mundissime & emendatissime hac edi-
tio prodiret: eo purior mendis futura, quod singu-
las schedas non absque sumtu mihi missas ipse corre-
xerim. Erunt autem ejusmodi disputationes, quibus
vel plenæ, & accuratæ morbi alicujus chirurgici tracta-
tiones continebuntur, vel certe memoria dignæ observa-
tiones, instrumenta nova, & præsidia non vulgaria.
Alias, meræ lectionis disputationes omnino omittendas
censui. Deinde nolui recudi, quæ aliis collectionibus
continentur, adeoque neque PLATNERI eruditæ thesæ,

P R Æ F A T I O.

neque HOFMANNI hic locum invenerunt. HEISTERIANAS, quæ sunt ex desideratissimis, venia prius ab ILL. AUCTORE accepta, non omnes quidem, aliquas tamen easque precipuas, ornamento toti operi futuras addidimus. Tomos efficiemus aut quatuor aut quinque, aliquanto minus crassos Gottingensibus, atque nunc una duos emittimus, proxime adjecturi reliquos, uti quam ocysissime sculptor tabulas expediet. Si quis lectorum aliquas possidet, dignas conservatu, neque hic editas, eum virum exoratum volo, ut pretio adjecto aut ipsas, aut descripta exemplaria communicet; atque paupertati nostræ subveniat, si eam prehenderit. ANTONII certe FERREIN de morbis oculi dissertationem dudum desideratam, denuo publice desideramus, quam nemo hætenus procurare potuit. Practicas inde, sed solas bonas, quantum quidem iudicio valemus, istis submittemus.

Bernæ die 20 Januar. 1755.

1

DISSERTATIO

MEDICO-CHIRURGICA

INAUGURALIS, EXHIBENS CASUM

DE

VULNERE FRONTI INFLECTO;

Quam pro gradu Doctoratus defendet

JOHAN. ANDREAS CONRADI

Osteroda - Hannoveranus.

Lugduni Batavorum 9 Januario Anno 1722.

THE UNIVERSITY OF

CHICAGO

LIBRARY

OF THE

CHICAGO

LIBRARY

OF THE

CHICAGO

HISTORIA MORBI



Nno MDCCXIX, primo mensis Martii die ex Ducatus Grubenhagensis quadam urbe, quæ *Osteroda* antiquitus appellata fuit, miles quidam gregarius, ætatis 54 annorum, temperamenti sanguineo-melancholici, ad conquirendum lignum in silvam se contulit; cum enim in patrio solo hoc beneficii genus ad omnes infimæ fortis homines redundet, modo arboribus vivis parcant, ille, ab officio sibi consueto tunc temporis liber, hancce occasionem amplectebatur. Dum vero in terra, nive ea tempestate non parum adhuc referta, nihil vel parum admodum reperit, altam conscendit abietem, ut voti sui compos citius redderetur. Indutus erat veste viridis coloris, capitisque partem superiorem, ad arandum frigus, obduxerat mitrâ e pellibus confectâ; in patria dicunt: *Er hatte eine rauhe mütze, oder Kappe, auff.* Tunc accedit casu saltuarius, ligni curam gerens, bombardâ, ad insequendos quadrupedes, ante infractâ instructus, qui, dum quidquam in arbore quod movebatur animadvertit, attente in id direxit oculos: quo viso, tremebundus armiger in arbore se abscondere conatur, atque nec corpus, nec vocem movere audet, sed transitum saltuarii anxie expectat. (Hi enim homines, concessâ a Magistratu veniâ, omnes punire valent, quoscunque securem in vegetantes commisisse arbores deprehendunt.) Hic interim nihil præter illam mitram distincte observans, cum vestimenta ejus reliqua eundem abietis colorem viridem referrent, eam pro bruto, Martis nomine insignito, uti quidem dixit, reputat, hujusque amore ductus, directam in hunc miserum bombardam explodit: sed loco quod sperati sui laboris prædam reportaret, heu! in conspectum venit, præter voluntatem, ut videtur, vulneratus miles, atque de hac illata injuria, læsoque sibi capite vehementer conqueritur. Ille, de inopinato hæc factum perterritus, commissum erroneum crimen sedulo explicat, veniamque ab eo precatur, examinatum autem caput præter dictam mitram strophio munit, utque Chirurgo se committeret sanandum, serio eum admonet, cujus salutari consilio auscultans, sumpta secure, quod mirandum certe, dimidiæ fere horæ spatio ab urbe distans nemus deserit, utque domum revertetur omnes intendit nervos; vix autem urbem ingressus, non sine magna conjugis atque hinc inde concurrentis vulgi compassione, quid sibi factum sit gemebundus narrat, & ad sanandum vulnus chirurgi implorat auxilium: qui simul ac accessit, capiti impositam mitram cum strophio removet, vulnusque explorat, quod eo tutius peragere potuit, cum fere nihil efflueret san-

guinis, qui alias chirurgum vel operantem, vel corpus vulneratum visitantem, non parum impedit. Anguem vero sub herba latitare ratus, *Parentis mei* in Patria Physici ordinarii efflagitat praesentiam, qui eo mecum sese statim contulit. Capite igitur sedulo examinato, duo oculis nostris se offerebant vulnera, quorum alterum in ossis frontis parte inferiore, duobus cum dimidio circiter a radice nasi digitis transversis, eo fere loco quo in infantibus & paucis adultis futura sagittalis pergit, prope venam frontalem, reperiebatur. Alterum vero in ejusdem ossis latere dextro, ad os temporum spectante, ejusdem a superciliis ferme distantiae, majoris vero momenti, advertebatur. Situs, quem laesus eo tempore habuit, ab aegroto quidem ignorabatur, pervestigatio vero specilli clare patefecit, talem eum extitisse, ut globulus directe cranium pertundere potuerit. Distantiam, quae inter laedentem & laesum intercessit, determinare non possum, cum ipsemet praesens non fuerim, neque ex aegrotante explorare eam potuerim. Verosimile tamen est, laedentem laeso non adeo propinquum fuisse, partim, quoniam duo tantum globuli militis caput attigerunt, quod fieri non facile potuisset, si ei proximus fuisset; dum globuli eo magis disperguntur, quo magis remotum est corpus quod ab homine sclopetum explodente petitur, uti hoc illis, quibus saepe cum sclopetis res est, constat: partim, quia alias distinctius forte hominem cognovisset saltuarius. Globuli vero isti plumbei, qui solutionem continui hic effecerunt, magnitudinem pisi nondum aequabant, quorum prior saltem per integumenta capitis communia, oblique in musculum frontalem usque penetravit; quo cum aliis particulis alienis à Chirurgo semoto, vulnus iuxta methodo tractatum, paucis praeterlapsis diebus sanatum est. Alter vero globulus in dextro latere diametraliter (pari modo ac globulus per asserem e bombardâ trajicitur,) sine fissura, aut alia cranii laesione, per integumenta capitis communia, musculum frontalem, pericranium, cranii lamellam externam, diploën, cranii lamellam internam sive vitream, omnes meninges, in cerebri substantiam ipsam erat impulsus, variaque ejusdem superficiem perreptantia dilaceraverat vasa; quod exinde nobis constat, quia cum caute intromisso specillo nulla prorsus dabatur resistantia, tum illud extractum cerebri portiunculis sanguine permixtis commaculatum conspiciebatur: Ex quibus haud difficulter colligitur, quanti illud fuerit momenti. Datâ nunc historiâ morbi, ordine sequitur ipsius.

C U R A.

Simulac Chirurgus accessit, vulnus ab omnibus statim corporibus vulneri p. n. inhaerentibus, quantum fieri poterat, (globulum enim ex hoc vulnere Chirurgus neutiquam eximere potuit,) repurgatum, vino calido mundificatum, ab aëre externo, ope mastichis, thuris &c. carbonibus non fumantibus injecti, puriori reddito, defensum, atque emplastro infra nominato munitum, ac debito modo deligatum fuit; deinde, ad diminuendum majorem

jorem ad has partes sanguinis adfluxum, præcavendamque periculofam ejus obstructionem, & hanc excipientem inflammationem, sanguis e Vena in brachio missus est. Quo vero cetera averterentur, quæ alias presso pede ejusmodi vulnerationes insequi solent, symptomata, nempe vomitus biliosus, febris vulneraria, syncope, convulsiones, delirium, inquietudo &c. medicamenta tam externe, quam interne, ad finem curationis adnexa, propinata sunt: injungendo simul regimen exactum, in gravioribus vulnerationibus necessarium, & observando VI. illas res, a Veteribus *non naturales* dictas. Quibus omnibus optatum nostrum finem, non sine magno ægroti gaudio, conjugisque & percutientis solatio, adjuvante summo Archiatro, sufficientissime impetravimus: nullis enim aliis vexabatur symptomatibus, quam anorexia, somni per paucas saltem noctes interceptione, capitisque obtuso dolore; febris quidem adfuit, sed non adeo diris, ut alias solet, stipata symptomatis. Sic quoque absurda pauca quandoque protulisse adstantes referebant, vix autem tanti ea fuisse credo, ut pro delirio perfecto reputari possint; primum igitur gradum ejus appellare liceat. Ne autem præter intentionem nostram, & ante omnem materiæ expurgationem, justo citius concreveret vulnus, emplastrum in turundæ formam redactum vulneri immissum est, quo in deligatione, sæpius facta, extracto, capiteque ad terram paululum inclinato, ac spontanea excitata tussicula, vel aëris, obturatis naribus, momentanea in pulmonibus retentione, materia prioribus diebus subalbida, perfecte cerebrum referens, & sanguine commixta adeo copiose in quavis vulneris inspectione prodiit, ut instrumentum digitalis nomine notum, quo netrices vulgo utuntur, commode eadem impleri potuerit: quæ vero postea in pus conversa indies ad finem curationis usque successive minuebatur. Interim antea quidem quibusdam laborasse morbis retulit, vulneratus autem & multum temporis ante hoc acceptum vulnus satis bene sese habuit; per totum etiam morbi decursum alvus nullo stimulo egebat, sed libere respondebat. Sequuntur nunc ea, quæ in Cura de die ad diem a *Parente meo* præscripta sunt remedia; primo scilicet Martii die his prospexit ei formulis: Rec. Empl. de Beton. ℥ij. D.S. [1] *Haupt-pflaster*. quod super lintea molliora extensum Chirurgus vulneri applicuit. Rec. Rad. Pœon. ℥jβ. Irid. Florent. aristoloch. rotund. ana ℥j. Herb. Beton. Majoran. serpill. ana Mij. Flor. Lavend. Primul. Ver. Til. ana p. ij. Conc. & Cont. qu. op. D. S. species zu [2] *Hauptküssen in wein zu kochen*. Hæ species cephalicæ & antepilecticæ inter sacculos ex linteis mundis confectos confutæ, & in vino coctæ iteratis vicibus capiti calide superpositæ sunt, magnamque exhibuere efficaciam. Rec. Aqu. flor. sambuc. ℥iv. Cordial. frigid. ℥ij. pulv. Marchion. contr. Casum ana ℥ij. antimon. diaphoret. ℥j. cinnab. nat. select. ℥j. Syrup. pœon. ℥iij. M. D. S. [3] *Wundtranch*. De hac mixtura, ante usum parum commota, ægro omni bihorio duo cochlearia propinata sunt. Die secundo Martii: Rec. Aqu. Chærophyll. flor. Sambuc. borrag. ana ℥iijβ. pulv. Marchion. contra cas. ana ℥β. bezoard. mineral. gr. xij. cinnab. nat. select. ℥β. syrup. flor. nymph. ℥β. M. D. S.

[1] Em-
plastrum
Cephalicum

[2] Pro-
cucupha in
vino co-
quendum.

[3] Potio
Vulneraria.

[1] Mixtura Cephalica.
[2] Effentia pro usu externo.

[3] Mixtura confortativa cephalica.

[4] Pro cucupha cephalica.

[5] Balsamus pro usu interno & externo.

[6] Mixtura confortativa.

[7] Pulvis cephalicus.

[8] Balsamus externus.

[9] Aqua confortativa.

[10] Pro odore.

[1] *Haupt Mixtur*. Hac Mixtura simili modo, ac ea, quæ antecessit, æger noster usus est. Die quarto: Rec. mell. ros. ℥iij. Ess. myrrh. ℥j. Tinct. Croc. ℥β. M. D. S. [2] *Eüßerliche Essenz*. Hanc effentiam Chirurgus externe vulnere successive applicuit. Rec. Aqu. Borrag. Bugloss. ana ℥ij. Cerasor. nigr. flor. acac. ana ℥iβ. pulv. Cephalic. Marchion. ana ℥β. antimon. diaphor. martial. ℥j. cinnab. nat. sel. ℥j. Julep. ros. ℥β. M. D. [3] *Haupt-stärckende Mixtur*. Hæc Mixtura ut præcedentes adhibita fuit. Rec. Rad. Pœon. Aristol. rotund. ana ℥j. Herb. majoran. ferpill. betonic. ana Mij. Flor. lavendul. sambuc. ana Mij. anth. p. ij. C. & C. q. o. M. D. S. species [4] *zu Haupt-küssen*. Cum supra præscriptæ species pro cucuphis consumptæ essent, hæc iterum in eundem usum substitutæ sunt. Die sexto Rec. Bals. de Copaib. ℥ij. D. S. [5] *In-und Eüßerlicher Balsam*. Hic interne a gutt. viii. ad x. in debito vehiculo, & externe pro vulnere à Chirurgo adhibitus fuit. Die octavo: Rec. Aqu. flor. Acac. ℥iv. ceras. n. Cinnam. Cydon. ana ℥iβ. pulv. Cordial. Dorncreill. ℥β. bezoard. mineral. gr. xv. Corn: Cerv: philos. præparat. Matr. perlar. ana ℥j. syrup. flor. nymph. ℥β. M. D. S. [6] *Stärck-Mixtur*. Hæc Mixtura ut præcedentes exhibita est. Rec. C. C. phce. præparat Matr. perl. ana ℥j. pulver. Cord. Dorncr. Nitr. antimoniat. ana ℥β. Cinnab. antimon. ℥j. M. Divid. in viii. pt. æqu. D. S. 8. [7] *Haupt-pulver*. De quibus æger sæpius de die unum adsumsit. Die decimo quinto: Rec. pulv. thur. Oliban. ana ℥β. mell. ros. ℥iij. Ess. alœet gt. xv. M. D. S. [8] *Eüßerlicher Balsam*. Hoc balsamo Chirurgus in deligationibus suis, pro mundificando ac exsiccando vulnere usus est. Rec. Aqu. Cordial. frigid. ℥j. Cinnam. c. Vino, meliss. f. V. ana ℥ij. syrup. de ros. sic. ℥β. M. D. S. [9] *Stärckwasser*. Hac aqua vires ægri labefactatas revocavimus. Rec. spirit. falis ammoniac. C. C. rectific. ana ℥j. M. D. S. Spiritus [10] *Zum anriechen*. Hicce spiritus naribus ægroti sæpius oblatus fuit.

Et hisce medicamentis, quæ successive usu, ad Præscriptum Parentis, adhibita sunt, dextraque Chirurgi manu æger noster trium mensium spatio, auxiliante Divino Numine, restitutus est, atque in hodiernum usque diem vita ac sanitate gaudet, neque de aliis queritur molestiis, quam quod à mutatione aëris tempestatumque alterationibus dolorem parvum obtusum in capite perferat. Cum vero, partim ob ætatem, quam agit, proveciorem, partim vero ob gravia, quæ fortasse incurrere potuisset incommoda, ex ordine militari exclusus sit, victum suum & amictum ex negotiis œconomicis hoc tempore quærit, & cum conjuge, atque ex hac sibi natis liberis tranquillam vitam ducit.

R E S O L U T I O.

Præsens, qui hic sistitur, affectus referendus est ad Contusionem, juncta cum cranii fractura; qui non levis est considerationis, quoniam a corpore obtuso profectus est, & partes non tam externæ, ut imprimis pericranium, quod a dura matre formatur, quemadmodum probe demonstrat *Clopt. Havers*,

vers, cranium item, quam capitis partes quædam internæ nobiliores simul læsæ deprehensæ sunt. Cumque *Contusio accumulatio vulnuscule* cum attritu solidorum & vasculorum sit, ut optime in egregio libello *Aphorismorum de cognoscendis & curandis morbis* notat *Excellentissimus & nunquam sine honoris præfamine nominandus* D. HERMANNUS BOERHAAVE, *Præceptor ac Fautor meus semper magni habendus, & celeberrimus* quoque, olim Altorfienſium, nunc vero Helmſtadienſis *Profeſſor, D. Heiſterus*, in Chirurgia ſua, non ita pridem edita, monuit; adeoque his incommotis jungatur, ut partes fortius commoveat, vaſa dilaceret, ſuppurationem difficiliorem reddat, & ſanationi minus obtemperet, periculo omnino non vacavit, ſed lethalis fieri facillime potuiſſet. Tali etenim in caſu ob majorem ſanguinis adfluxum, ejuſdemque promptiorem obſtructionem plerumque oboriuntur acerrimi dolores, ingentes inflammationes, offium caries, atque corruptio, gangræna, ſphacelus, & hunc tandem excipiens mors: inprimis ſi ætas proſectior, corpus debile, aut morbis ante labefactatum, anni tempus frigidum coincidit, quod teſte *Hippocrate ſect. V. Aphor. IIX. offibus, nervis, & cerebro inimicum exiſtit, & ſect. ead. Aphor: XX. cutem obdurat, dolorem inſuppurabilem facit.* Si præter hæc error in diæta, vel pravum regimen accedit, non mirandum, quod vulnera, quamvis leviffima, quandoque lethalia reddantur. Qui hac de re dubitat, adeat *Celeberrimi* noſtri BOERHAAVI ſupra citatum librum, ubi claram aſſerti hujus confirmationem inveniet. Sicuti proinde omnia ea, quæ ſanguinem in vaſis obſtructum reſolvunt, attenuant, in motum redigunt, inflammationem minuunt, & gangrænam ipſam avertunt, quam maxime proficua ſunt, & in noſtro affectu optimo cum ſucceſſu propinata fuerunt; ita e contrario cuncta, quæ contrarium effectum edunt, nociva eſſe, facile intelligitur. Hinc porro in omnibus vulneribus, ubi offa, tendines, ligamenta, nervi, membranæ, cerebrum &c. denudata ſunt oleoſa ac pingua, quemadmodum & hic factum vides, cane pejus & angue vitanda ſunt. Hæc enim ſubſtantia ſua viſcoſa ac unctuoſa poros obſtruunt, neque emolliunt, particulis ramoſis non penetrant, neque ſtagnantes humores movent, ſed tranſpirationem impediunt, inflammationem augent, ſeparationem prohibent, offibus cariẽm, atque corruptionem inducunt, cerebrumque putreſcere faciunt, quod bene obſervavit *Scultetus in Armamentario ſuo Chirurgico, Tab. XXXII. p. 114.* Et *Paulus Barbette Obſ. I. Cap. de vuln. capitis p. 62.* inquit: *Omnia pingua, (loquitur de vulnere quo cranium quoque læſum fuit) hic ſedulo vitavi, quia particulis ſuis ramoſis valde anguſtos cranii tubulos ſatis pertinaciter obſtruunt, atque ita efficiunt, ut Humores ſtagnent, aceſcant, & cranium corrumpant, cariẽmque inducunt.* &c. Mirabitur hic forſan quis, cur ex cavitate cranii globulus ille non extractus fuerit; ſcias autem, hoc minime neglectum eſſe ex imprudentia quadam aut oſcitantia Medici, vel Chirurgi incuria, ſed datâ operâ: quoniam ille nempe ex tam anguſto foramine ſine magno dolore, partium dilaceratione, ac percuſiſſimis exſpectandis ſymptomatibus eximi non potuit. (ſæpe-

numero

numero accidit, ut Lithotomi exercitatissimi non invenire possint calculum, qui in vesicæ urinariæ tam ingenti cavo hæret, quanto magis se subducere potest glans plumbea tam exiguæ molis, intra partes solidas, quale est cerebrum, ejusque meninges, adacta.) Præterea cerebrum, tam nobilis corporis nostri pars, non permittit instrumentis multum in eo circumvagari. Bene hinc inquit *Doctissimus* atque *Experientissimus* D. D. *Henricus Nicolai*, *Reverendus Practicus Argentinensis* in *Diss. Argentorati 1675. de vuln. sclopet. habita: Cavendum ne Chirurghi plus noceat manus, quam quæ alias vulneribus sunt infixa. Quæcunque enim corpora metallica, ossea, aut lignea manibus aut instrumentis chirurgicis, citra insignem dolorem, partium dilacerationem aut noxam extrahi nequeunt, Natura sunt relinquenda; Quæ quid, sibi relicta, efficiat, præter alia videri potest in stupendo exemplo, hominis 24 annorum Abrah. Esternmann, in Patria Sinsenheim prope Heidelbergam nati, qui a dolio ingentis magnitudinis, vino impleto, circa medium ossis frontis non modo enormem integumentorum contusionem, sed & ossis fracturam, cum insigni partium comminutione, cerebrique commotione, passus est; portionibus integumentorum & fragmentorum ossium, sine Medici aut Chirurghi opera, postea separatis. Divina vero annuente gratia, amissam recuperavit valetudinem, ac per 40 annos servatus est. Qua de re legi meretur *Dissertatio* D. Jo. Gambs, habita sub Præsidio celeberrimi D. D. SALZMANNI, *Anat: ac Chirurg. h. t. Professoris Ordinarii, Præceptoris ac Fautoris mei æstumatissimi*. Ut taceam alias notatu dignas observationes, apud varios Auctores reperiundas. De naturæ vero in sanandis morbis efficacia vid: *Præceptoris quondam Honoratissimi* D. FRIDERICI HOFMANNI, *Professoris Hallensium Celeberrimi, doctissime conscripta Dissertatio, De Natura, morborum medicatrice*. Sed ut ad propositum redeam, constat quod globulus dictus intra calvariam relictus fuerit, nec alia ratione, quam per terebrationem quæri, vix tamen reperiri potuerit, quæ vero non solum supervacanea atque hic loci quam maxime periculosa, sed etiam valde dubia fuisset; quod sequentia facile probabunt argumenta: Primo enim a posteriori nobis jam cognitum est, illam ad salvandum ægrum absolute necessariam non fuisse: Secundo a priori argumenta etiam habemus non levis momenti; quorum.*

1. Est: Quod hæc operatio valde dubii sit eventus, & si male cedit non pauci infelicem exitum non tam morbo, quam operationi ipsi tribuunt: unde sicut non nimium illa, secundum *Hippocrat.* & omnes Chirurgiæ peritos, procrastinari debet, ita etiam non nimis promte ad eam convolandum.

2. Læsiones cranii & cerebri insignes absque ejus administratione curatas legimus; Vid. *Jean-Baptiste Verduc, dans le Traité des Operations de Chirurgie, Chapitre XIX. des fractures du Crane, & de l'operation du Trepan*, ubi plura notatu dignissima exhibet exempla gravissime capite vulneratorum, & sine terebratione felicissime sanatorum. it. *Frid. Ruysch. Amstælodamensium illud decus in Observationibus Anatomico-Chirurgicis obs. 60.*

3. Globuli majores, & hinc magis minores, uti in aliis corporis partibus;
ita

ita etiam in aliquibus capitis diu absque insigni noxa haud raro latent. Globulum plumbeum per longum temporis intervallum, nullo superveniente symptomate, in cerebro contentum vide apud *Fabr. Hildanum Cent II. Obs. 2.* Sic multæ quoque observationes aliæ, quas hic recensere chartæ angustum spatium prohibet, huic rei fidem faciunt.

4. Terebratio ita comparata est, ut nisi omnes circumstantiæ & cautelæ adhibitæ fuerint, illa, secundum artem perite administrata, sinistri eventus causa fieri possit. Notari enim meretur, quod fere omnes, qui *Parisiis Lutetiorum* in nosocomio, *l'Hotel-Dieu* dicto, terebrantur, vitam cum morte mutant, cum plerumque ii, qui ibidem in nosocomio, *la Charité* appellato, vel aliis Xenodochiis, in & circa hanc urbem collocatis, hanc operationem sustinent, salvi evadant. Ratio hujus phænomeni aëri, qui in priori non ita, ac in his, purus existit, regiminique, ob magnum decumbentium numerum, non ita exacte observato, minime vero Chirurgis, operationem dictam exercentibus, adscribitur.

5. Nonnullæ circumstantiæ non contemnendæ dictam operationem dissuadere videbantur; scilicet ætas subjecti provectior, (quinquagenario enim major erat,) corpus a morbis prægressis debilitatum: ut taceam alias infirmitates, quas ab aëris injuriis, aliisque vitæ militaris incommodis contraxerat.

6. Quod omnem fere paginam absolvit, & Medicum æque ac Chirurgum ab ejusdem administratione deterrere poterat, est, quod determinare non licuit, quò in loco trepanum applicandum. In ipso vulneris loco illud applicare ratio dissuadebat, quia in tali loco erat, ubi propter duræ matris cohæsionem terebrare vix licet, vid. *Ambros. Paræus*, secundo: quia ejusmodi corpora in eo loco, in quem primum adiguntur, subsistere non solent, sed situm & locum mutant. Germani illud efferunt: *Sie sencken sich*. Posito hoc, verosimile est, grandinem sursum adscendisse, ubi terebratio facilis fuisset, sed uti ex principiis physicis demonstratu facile est, deorsum eum latum esse conjicere licet. Ergo vel ad basin cranii, vel in sede frontis inferioris hærebat; illo in loco terebrationem fieri impossibile est, in hoc minus consultum, quia os frontis sinu ibidem excavatum esse, autopsiâ anatomicâ constat. Quando & ubi trepanandum sit, docet præter alios *Excellentissimus D. BOERHAAVE* in *Aphorismis de cognoscendis & curandis morbis*, & *Bohnius* in libro de *renunciatione Vulnerum*, item *Fabrit. ab Aquapend. Chirurg. l. 2.*

7. Cui accedit, quod necessitas nulla fuerit, quoniam ex inflicto per sclopetum foramine materia purulenta, (propter quam illa præprimis institui debuisset,) fat magna in copia exiit, & ægri symptomata tanti non fuerint, ut dictam operationem pro certissimo & infallibili indicato adsumeremus. Quare neutiquam ejus intermissio culpanda, sed approbanda erit.

Quæritur nunc, qualis materiâ illa, quæ e vulnere prodiit, fuerit, & unde copiosus ipsius proventus? Ex historia morbi constat, illam prioribus diebus ad integram usque hebdomadam nihil aliud, quam cerebri portiunculas sanguine intermixtas retulisse; hinc credibile est globulum, dum quadam vi

ad cerebrum appulsus est, vascula arteriosa ac venosa dilacerasse, cerebrumque fortius commovisse: unde sanguis, in istis antea contentus, extravasatus, ac cerebri particulæ à globulo conquassatæ & abreptæ per apertam viam facili negotio exitum invenire potuerunt, non sine magno ægri levamine. Globulus quoque cerebro contiguus, continuata pressione, non parum ad copiosum hunc materiæ effluxum fecisse videtur; postquam vero mole propria commodiorem nactus est sedem, & vasa illa progressu temporis concretata, ac iterum consolidata sunt, materia quoque, progressu temporis sensim, accedentibus exsiccantibus remediis diminuta est. Quod vero cerebri pars sine vitæ periculo amitti queat, præter alios probat *Neucrantzius*, in *Dissert. de Vulner. lethalibus*, exemplo puellæ 7 annorum, quæ portionem cerebri ingentem, magnitudine pomi, ex vulnere ab equo inflictio perdidit. Vid: quoque hanc in rem *Barbette*, *Valleriola*, *Riolanus*, & *Scenckius* imo & *Galenus* ipse, ubi plura reperiuntur exempla. Sic memini, a PARENTE MEO DILECTISSIMO sæpe mihi mentionem factam hominis cujusdam, agriculturam exercentis, cui æstivo tempore, inter colligendum fœnum, instrumentum non exiguæ molis, & furcæ nomine notum, quo frumentorum quævis genera in currum deponunt, ab alto in ædibus forte delapsum, contusionem & fracturam cranii adeo insignem excitavit, ut furcæ illi, cranio tam diu infixæ, donec ab adcurrentibus demum extracta fuit, cerebri magna copia adhæserit, & major adhuc inter morbi decursum separata fuerit. Qui vero quoque, adspirante Divino favore, sub *Parentis mei* regimine servatus est, & longum temporis spatium supervixit. Notatu digna vero est historia puellæ sine cerebro natæ, quæ in *Zodiaco Medic. Gallico Ann. 3 Obs. 3* refertur, & illa, quam *Zacutus Lusitanus Tom. II. Prax. Med. mirabil. L. I. Observ. 5* de puero, qui 3 annis sine cerebro vixit, exhibet. Erit porro cuidam hic copia dubitandi, num globulus ille, qui diametraliter per cranium trajectus est, adhuc intra calvariam reperiatur, an vero vel cum sanguine statim a vulnere egresso, vel cum portiunculis cerebri, vel cum materia purulenta jam dum exiverit. Quod vero factum non esse, sequentia persuadent:

(α) Non ignoramus, illum per integumenta capitis communia, musculum frontalem, cranium &c. non exigua vi ac impetu ad cerebrum usque perpulsum esse.

(β) Probabile admodum videtur, cerebrum ejusque membranas, eum obvolvendo undique, ejus reditum impedivisse.

(γ) Defuit vis motrix, quæ eum eò redegit.

(δ) Introiens solus erat, exeunti autem sanguis, particulæque cerebri viam intercluserunt. Quando enim, ut ex mechanicis patet, duo vel plura corpora uno momento ad idem foramen appelluntur, alterum alteri impedimento est, obicemque quasi ponit.

(ϵ) Post illam contusionem externæ capitis partes mox intumuerunt, & sic ei exitum denegarunt.

(ζ) Ob

(2) Ob gravitatem, quod ex physicis intelligitur, sine dubio locum paulisper mutavit, [1] *Er hat sich gesencket.*

[1] deficit

(7) Postea vero in quavis deligatione omni industria in eum attente animadversum fuit, non vero observatus est.

(9) Copiosa e vulnere profluens materia, & diuturna curationis protractio, de ejus in calvaria præsentia testatur.

(1) Dolor ille obtusus, quem æger ante sanationem, & adhuc hodie à mutationibus aëris perſentit, non leve ejus in ventre supremo existentiae dat argumentum.

(x) Globulus dum ad cranium allidit, sæpius applanatur. vid. *Purmann. Schusswunden* p. 74 & 179. Quod si factum & hic est, commodius adhuc inherere cranio poterit.

Quæ omnia collective sumpta, probeque expensa, nullum amplius hujus rei dubitandi relinquunt locum. Quo verò demum ille abierit, hoc certe determinare non licet, nisi opinionem solida ratione destitutam aliis obtrudere vellem: Probabile vero est, ad basin cranii, mole propria, & aliquali duræ matris contractione, arteriarumque pulsu, eum esse delatum. Haud quidem ignoro, dari nonnullos, qui meningibus motum contractorium proprium denegant, quorum princeps est *Perſpicacissimus Dominus Mery, Hist. Acad. Reg. Scient*; contrariæ vero parti patrocinantur inprimis *Experientissimus olim Romanorum Baglivus cum Pachiono, Medico Secundario in Nosocomio Consolationis*. Quam autem controversiam meam non facio, inprimis cum hi præclari ultimi Viri in suis Scriptis, & *Excellentissimus SALZMANNUS in Dissertatione supra citata* §. 18 & 19 fusius de hac re egerint, ad quos Lectorem Benevolum propterea remitto. Tandiu itaque judicium nostrum in hoc quæsito suspendendum erit, donec forſan, extincto nostro subjecto, caput perſcrutari licebit. Quæritur nunc ultimo, cur vulnus nostrum non lethale redditum fuerit?

(I) Si de altero globulo, qui obliquo cursu contusionem in medio frontis fecit, quæris? ille minori cum impetu integumenta penetravit;

(II) Si de eo, qui rectâ, & diametraliter impetum in os frontis & partes internas fecit? illum non levem fuisse largior, quia tamen

(III) rotundus erat, non magnæ etiam molis.

(IV) Absque magna cerebri commotione, quæ, omnium Medicorum consensu, funesta ut plurimum esse solet, penetravit.

(V) Per calvariam transiens multum de virtute sua amisit, & non omnem suum impetum meningibus atque cerebro communicare potuit, præsertim si cranium solito crassius fuit, qualia recensent passim Auctores, & ipse met *Parisiis* æque, ac *Argentorati* vidi.

(VI) Vulnus anticæ cerebri parti infligebatur, quæ tanti momenti non fuit ac illa, quæ in parte postica occurrunt, ob cerebelli, nervorum, & medullæ spinalis viciniam; item quæ temporibus infliguntur, cum terebratio ibidem vel plane non, vel maximo tamen cum periculo, institui possit, eo,

quod muscoli temporales a pericranio cingantur. Tum & considerari meretur

(VII) Diæta, & vitæ genus prægressum non minus, quam post læsionem in cura observatum; qui enim rudiori ab ineunte ætate adsueverunt victus generi, ad graviora perferenda præparantur, & quasi indurantur. Optime huc quadrat *Aphor. 49. Sect. II. Hipp.* Hoc insuper vulnere nostro proficuum extitit, quod ope fornacis aer in hypocausto ægri pro lubitu temperari potuerit, secus ac fit in iis regionibus, ubi caminis utuntur incolæ.

(VIII) Temperamentum ægri multum quoque ad feliciorum peragendam curam contulit; qui enim cholericæ temperie gaudent, ad inflammationes periculosiores proclives observantur, & in affectibus animi, præcipue ira, non tam bene moderare se possunt, Phlegmatici autem ob vasorum exilium copiam, hincque sanguinis promptiorem obstructionem, quoque periclitantur.

(IX) Clima, quod in Patria non nimis calidum æstare, nec nimis frigidum hyberno tempore existit, sed ad temperiem inclinat.

(X) Anni tempus Vernale, quo omnes morbi curatu faciliores sunt, quam autumno, vel summo existente frigore, aut media æstare.

(XI) Quod nulla symptomata vel e vestigio, vel post aliquod demum tempus supervenerint.

(XII) Quia extravasatus sanguis & materia deinceps purulenta statim exitum invenire, adeoque cerebro non molesta fuerunt.

(XIII) Ex his & similibus conjecturari licet, eum non adeo profunde in cerebri interiora penetrasse, sed in superficie ejus corticali potius hæsisse.

Hæc sunt potiora, quæ circa præsentem casum annotare potui: antequam nunc vela contraho, liceat adhuc paucis monere, quod in omni capitis læsione, ubi vel sub integumentis, vel intra cranium sanguis extravasatus hæret, foci vel ejusmodi sacculi cephalici in vino cocti, calideque applicati, summo cum fructu adhibeantur, nec ullo modo negligendi sint. Deinde lenes purgationes, & clysmata ex emollientibus parata, quæ hic non opus erant, proficua admodum reperiuntur. Tandem quam maxime observent hic ii quibus vulnere curatio contingit, quomodo emplastrum hic applicitum fuerit; nempe in turundæ formam redactum. Eo namque omnis nostra intentio vergebatur, ne ante omnem materiæ intus contentæ eliminationem vulnus coiret, aut justo citius concreveret, alias sine dubio ad fati limen esset deductus æger. Peccatur in eo sæpissime à Chirurgis, quorum deinceps imperitiam terra tegit. Quale Exemplum prope *Helmstadium* ante triginta aliquot accidisse annos, PATER MEUS VENERANDUS mihi jam olim retulit: ubi cuidam in capite vulnus inflictum fuit, quod à Chirurgo, vel barbitonfore potius, per mensem & quod forte excurrit, tractatum, spem non mediocrem reconvalescentiæ dedit, quare ille, nihil mali metuens, consolidationem labiorum vulneris promovit, atque optima quæque promisit: Cum vero materia intus contenta exitum deinde ob clausam viam non impetravit, hem! æger præter cogitationem exstinguitur, ac postmodum terræ mandatur. Hujus

jus vero cognatis contra commissum Rei homicidium apud Judicem insurgentibus, hic, impunitatem quærens, Advocati in Medicina Forensi exercitati usus est opera, qui vulnus ex negligentia Chirurghi, neque ex natura vulneris ipsius lethale factum asserens, eò Magistratum demum, elapsâ jam una vel altera septimana, redegit, ut cadaver effoderetur, effossique inspiceretur: quod dum in *Excellentissimi* quondam *Meibomii*, & inter alios, *Parentis mei* (illius tunc utens instructione Medica) præsentia factum est, evidentissime pus intra cranium & duram matrem collectum, adeoque vera mortis causa detecta est, quæ Reo impunitatem, Chirurgo vero sinistram famam, atque ad aliquot annos extra oppidum proscriptionem procuravit. Utinam omnes Chirurgorum & quandoque Medicorum sic detegerentur crassi errores, quo cautius mercari discant. Atque sic, ni fallor, absolvi quod suscepturum promisi: reperiuntur forte alia, quæ annotatione digna sunt, cum vero quilibet in arte Medica leviter saltem versatus ea facile dijudicare possit, temporique parcam, filum hic abrumpo; nihil magis in votis habens, quam ut utilitatem quandam unus vel alter Philiatrorum exinde percipiat, quorum in gratiam hæc tantum conscripsi. Deo itaque Ter Optimo Maximo pro concessis hæcenus in studiis meis viribus, donataque in regionibus externis firma valetudine, gratias immortales persolvo, Eumque supplex veneror, ut porro conatibus meis Gratia sua adesse dignetur.

F I N I S.



II.

DISSERTATIO MEDICA

INAUGURALIS,

DE

CONTRAFISSURA;

Quam Præside

GEORGIO WOLFGANGO WEDELIO,

Pro Doctoratu obtinendo defendet

RUDOLPHUS CHRISTIANUS WAGNERUS

MATHESEOS PROFESSOR.

Jenæ mense Decembris Anno 1708.

DISSERTATIO MEDICA

IN AUGUSTIS

D. E.

CONTRA EISURAS

per Georg. W. Wedel.

GEORGIO WOLFGANGO WEDELIO

per Georg. W. Wedel.

ADOLPHUS CHRISTIANUS WAGNERUS

per Georg. W. Wedel.

per Georg. W. Wedel.

S E C T I O P R I M A.

D E L Æ S I O N I S H U J U S C O G N I T I O N E.

M E M B R U M I.

De ejusdem Existentia.

QUOD a multis retro temporibus inter naturæ scrutatores non modo , verum & medicos obtinuit , uti , dimisso sensu , rei cujusdam existentiam manifeste monstrante , multis nihilominus ratiociniorum momentis in subsidium vocatis , eandem in dubium vocarent , illud certe læsionibus , quas in præsentī exponere animus nobis est , non uno accidit tempore.

Jam enim olim non modo magnus ille naturæ Genius , divinusque vir , quo elogio a doctissimo *Pavio* , ex merito , ornatur , *Hippocrates* , verum & *Celsus* , atque alii , mox nominandi , oculis suis usurpaverant lugendam illam capitis vulnerum speciem , qua , ab ictu quodam & plaga capiti inflicta , cranium non illō , sed alio in loco fissum fuerat deprehensum , cum subtus extra vasa sua emisso sanguine , in putrilaginem vel jam converso , vel tamen abituro.

Confirmaverant idem frequentioribus exemplis recentiores , ac præter hæc , quandoque talem sanguinem extravasatum , sectione , post mortem , instituta , alio quam in ictus loco invenerant , tegmine , modo dicto osseo , seu calvaria , nihilo secius integra , & sine ulla fissura observata. Unde *Hippocrates l. de cap. vulneribus c. 9.* præmissis quatuor , capitis læsionum , generibus , Fissuræ , Contusioni , Depressioni , Telique sedi , quintum , sub *Calamitatis* seu *Infortunii* , nomine verbis sequentibus non modo subjunxerat : *t. 1. Si verò alia capitis parte vulneratur (quam qua) & ulcus habet homo , & os carni denudatum est , quintus hic modus est : verum & sanationis difficultatem , vel potius impossibilitatem , hunc in modum expresserat : & hanc Calamitatem , ubi facta est , nulla re juvare queas. Nam si passus est hoc malum , non est , quod ex ipso exquirere possis , an passus sit hoc malum , neque qua capitis parte.*

Et *Celsus l. 8. c. 4. p. 704.* Solet etiam evenire , ut altera parte fuerit ictus , & os altera fiderit , quam læsionem hac investigare nititur ratione : *Itaque si graviter aliquis percussus est , si mala indicia subsecuta sunt , neque ea parte , qua cutis disscissa est , rima reperitur , non incommodum est , parte altera considerare , numquid locus mollior sit & tumeat , eumque aperire. Siquidem ibi fissum os reperietur ; addita , si quando operatio fuerit frustra suscepta , haud difficilis consolidationis , spe : nec tamen magno negotio cutis sanescit , etiam si frustra desecta est.*

His, præter Soranum, accesserunt Ebnfina, Gentilis de Fulgineo, Nicolaus Florentinus, Jo. de Vigo, Ambr. Paræus, Jo. Andr. a Cruce, Anutius Foësius, Pet. Pavius, Franc. Plazzonus, Hieron. Fabr. ab Aquapendente, Jo. Marcus Marci; observationum scriptores, Jo. Schenckius, Petrus Forestus, Nic. Tulpius, Ido. Wolfius, Iobus van Meckren, Stalpartus van der Wiel, & ex recentioribus expertissimi medici, B. Paulus Ammannus, Cl. Bohnius, B. Jo. Doleus, B. Christ. Jo. Langius, Dionis cum aliis quamplurimis.

Contra hos vero nihilominus insurgunt, & existentiam contrassurarum infringere laborant Paulus Ægineta, Guido de Cauliaco, Dinus de Garbo, Amatus Lusitanus, Jo. Bapt. Carcanus, Petrus Tronius, Jac. Berengarius Carpensius, Gabr. Fallopius, Jo. Bapt. Cortesius, & ex recentioribus Munnicks, & Dimerbræckius, variis ratiociniis, desumptis vel a præsentia futurarum, ad inhibendum fissurarum progressum, a natura productarum, ex Galen. l. 9. de usu partium c. 17. vel a dispari calvariae cum vasis vitreis, vel testaceis, cucurbitis siccis, vel aliis solidis, ratione, quas leges apud Ambr. Paræum Chirurg. l. 9. c. 8. Jo. Andr. a Cruce Chirurg. univers. Tract. 2. l. 1. c. 2. Gabr. Fallopium in Hippocr. de vulnerib. capit. c. 14. Jo. Bapt. Cortesium in eundem p. 125. Jac. Berengarium Carpensium de fractur. cran. part. 2. c. 2.

Recensetur porro a Jo. Bapt. Cortesio, modo nominato, cit. loc. p. 126. tertia classis, medium inter utrosque tenentium, id est, partim affirmantium, partim negantium contrassuras, ad quam refert Jac. Berengarium Carpensium, Gabrielem Fallopium, Jo. a Cruce, & Franc. Vertumnianum.

Verum, quemadmodum non diffiteor, Berengarium, & Gabr. Fallopium sibi non esse æque constantes, pro affirmativa tamen appositas & graves afferre rationes, imo ipsam experientiam Fallopium: ita Jo. Andr. a Cruce affirmantibus prorsus jungere nullus dubito. Argumentis vero eorundem discutiendis in præsentia haud immorabor, cum horum rebus jam tum a Paræo, a Cruce aliisque, satis sit infractum.

Quin potius, cum præsertim plurima recentiorum exempla, uti dictum, lugendum hoc læsionum genus satis dederint confirmatum, rectissime cum Paræo cit. loc. concludo: Ratum ergo illud est, ex Hippocratis autoritate, ratione & experientia confirmatum, alia parte ictum, & alia fracturam esse posse.

SECT. I. MEMBRUM II.

De Contrassuræ Essentia.

DE existentia harum læsionum certus, ulterius de essentia earundem dispicio, quid sibi velint expositurus. Monendum autem in limine statim hujus operæ, contrassuram commode horum in censu posse venire, quæ Philosophis communia πρὸς ἓν ἢ ἀφ' ἑνὸς, ad unum vel ab uno vocantur, seu quæ

quæ uni primario, alteri autem non nisi secundario competant, atque hac ratione aliam appellari *proprie*, aliam *improprie* sic dictam.

Illa erit fissum ipsius cranii, alio, quam in ictus loco, contingens, a flexione, particularum compagem superante, producta. Hæc vero, ruptura vasorum, vel meningum, vel cerebri ipsius, loco quam in ictus loco eveniens, ab eorum, illo in loco, allisu aborta

Definitum utrobique est *contrafissura*, seu *resonitus* vocabulum, quorum illud ex præpositione seu adverbio & substantivo, hoc ex eodem & præpositione conflatum, quasi dicas, fissuram contra, & e regione ictus opposita, excitatam; sonitum percussum, resolventem. Quamvis enim, quod prius nomen concernit, uti inferius de contrafissurarum differentiis dicetur, læsiones tales non semper in opposito ictui loco eveniant; cum tamen hæ reliquis observatæ vel priores, vel frequentiores; tum a potiori desumendam & hoc loco judicarunt autores denominationem.

Vocabulum namque *contra* ex terminis *ICTorum*, contra legem facere; contra fundum piscationem exercere, contravenire; medicorum contraindicatione, architectorum militarium contraminire, contrescarp; notissimisque alijs, contradicere, contra niti, contra putare, contrarium & oppositum denotare, ampla haud eget deductione.

Fissura pariter medicis rima audit, a findendo derivata, partibus magis duris ac solidis, ossibus, verbi causa, conveniens, quorum unitatem seu continuitatem, non in transversum, sed secundum eorum longitudinem, solutam *fissuram* vocant, uti inferius, sub generis explicatione, dicetur.

Perinde ac illud *resonitus* nomen, a *Paulo Ægineta*, & Græcis alijs, *ἀπήχημα* appellatum, metonymice causam pro effectu allegando, est adhibitum, quoniam, quemadmodum sono accommodis corporibus & angulis allidente echo; sic capite, gravius præsertim, percusso, alia quam in ictus parte *ἀπήχημα* seu ab echo responsio oboritur, vel minimum est metuenda.

Eodem vero *contrafissuræ* nomine medicis quoque veniunt, latius tamen paullo, illæ cranii fracturæ, ubi lamina calvariæ exteriori integra existente, interior nihilominus & quidem eodem in plagæ loco, est diffissa. *Pavius l. c. p. 79.* hanc equidem tertiam nominat *rimarum* speciem, & *rimam cæcam* vocat, & postmodum fusius de hac *p. 107* sub *contrafissurarum* differentiis differit.

Huc & referre poteris illam, quæ in partibus mollibus quandoque contigit, fissurarum speciem, ubi salvis extimis, interiora viscera fissa & dilacerata observata, hepatis a contusione molendini; lienis a verbere ter fissi. Imo & analogæ hisce ista læsio, quando a contusione abdominis materni violenta, eodem tamen haud dilacerato, embryo miserandus brachium vel pedem fractum reportavit. Vid. *D. Præsidis Pathol. dogmat. sect. 1. c. 6. p. 98.* & *S. 2. c. 13. p. 413.*

Missis hisce, modo memoratis singulis, in præsentia de illis modo dicam læsionibus, quarum, in superioribus, definitiones exhibui. Harum varia

apud autores occurrunt synonyma. *Hippocrates c. l.* vocat *ἔμφρασην*, (*Am-
tius Foessius* ejus interpretes *ἔμφρασην*) infortunium, calamitatem, quia ju-
dicante *Pavio c. l.* vere infelices ac infortunati ejusmodi ægri, qui nec ipsi
sciunt, an & quomodo sint læsi, nec medicus, aut chirurgus hac de re sit
certior, nisi cum jam est conclamatum.

Paulus Ægineta & alii *ἀπήχημα*, resonitum appellarunt, ex rationibus
jam memoratis. *Job. Andr. à Cruce*, & *Gelmanus oppositionem*, cum læsio
plurimum in loco plagæ opposito sit observata. Galli vocibus *contresente*, *con-
trafissura*, & *contrecoup*, *resonitus*, promiscue, hoc tamen frequentius utun-
tur. Germani nominant *ein Wiederbruch*, *Wiederschlag*.

Genus remotum in prima definitione *fissura* nomen constituit. Per hanc
intelligimus alteram illam quarti solutæ unitatis morbi, fracturæ nimirum,
speciem, qua corporum durorum seu solidorum ossium, v. c. particulis,
suis ex locis prorsus expulsis, eadem non in transversum, sed secundum eo-
rum *longitudinem fracta*, seu actu ipso & in instanti, violentaque ratione
divulsa redduntur, quarum læsionum accuratam notionem nobis exhibet *D.
Præses* in laudatæ *Patholog. dogmat. Sect. I. c. 6.*

Proximum genus, in eadem definitione a *subjecto* læso est desumptum, ca-
pitis nimirum parte superiore seu operculo osseo, fornicis in modum extruc-
to, *cranio*, *calva*, seu *calvaria*, de cujus constitutione pro scopo præsentis
notandum (1) cranium non ex unico ac continuo, sed multis ossibus,
id est, corporibus, *solidis* particulis gaudentibus, esse combinatum, in ex-
tremis ferræ ad instar dentatis, ac affabre & firmiter implexis, quarum
commissurarum vestigia futuræ vocantur, interdum situ, structura, & co-
hæsionis modo differentes.

(2) Meningem crassam intra cranium cum contento cerebro e cranio sus-
pendi, propaginibus per futuras ad pericranium emissis, hisque etiam cum
illo communicare.

(3) Plurimis in locis ossa capitis notabili equidem gaudere crassitie, di-
versis in subjectis nihilominus variante, ac triplici ex lamina conflata, dua-
bus osseis & media pumicosa, multisque cellulis osseis, hexangulis & qua-
drangulis, in quibus medulla hæret sanguinolenta, distincta.

Hæc, sicuti nutrimentum ossibus hisce præbet, ita laminarum extrema in-
timam crassitie, hæc vero illam duritie, hincque fragilitate antecellit, adeo,
uti hanc ob rationem *vitrea* medicis audiat.

(4) Quibusdam in locis os magis simplex, tenue pellucidum, ac du-
rum apparet, v. gr. in bregmate, squamosisque ossium temporibus.

Debilitatem ossium horum modo allegatam (5) multum promovent,
tum ossibus occipitis, tum frontis apppositi processus, illa erismatum (*der
Strebe - Pfeiler*) ad instar fulcientes; tum capitis circumscriptio, temporum
uti & bregmatis in locis, magis depressa.

Unde (6) attendenda quoque totius cranii figura, non elliptica, sed
oviformis magis, diversas apud nationes denuo varians, ac Turcis, Groen-
lan-

landis, Abissinis, notante *Pavio c. l.* rotunda ac compressa, Germanis contra plerumque productior ac oblongior.

Differentiam porro subjecti læsi *locus* patefacit, dum dicitur fissura cranii alio quam in ictus loco contingens. *Hippocrates c. l. c. 11.* inquit: ὅς ἐόν, τιτρώσκεται ἄλλη τῆς κεφαλῆς, ἢ ἢ τὸ ἑλκεῖ ἔχει ἄνθρωπος, καὶ τὸ ὅς ἐόν ἐψιλώθη τῆς σαρκός.

Horum verborum sensus commentatoribus æque ac medicis valde est controversus. *Jo. Bapt. Cortesius* enim, quantum ex ejus, obscure fatis exposita, mente constat, allegato *l. p. 119.* vult, in omnibus Græcis, sibi oblatis, exemplaribus repertum textus principium ita scriptum: τιτρώσκεται ἄλλη τῆς κεφαλῆς, omisso vocabulo ὅς ἐόν. Unde, cum præter os plures in capite sint partes, tum per aliam *capitis* partem non statim esse intelligendam aliam *ossis calvariae*, cum potissimum paulo post sit scriptum: καὶ τὸ ὅς ἐόν ἐψιλώθη τῆς σαρκός, ἔσ os nudatum carne.

De duplici igitur læsione hic differi, una quando os ex vulnere detectum, quo in loco ossis mentionem haberi; altera, quando *alia pars* lædatur. Primam esse patentem & conspicuam, alteram vero omnino latentem, textus sine id ipsum magis confirmante. Spectaret proinde huc exemplum *Amati Lusitani, cent. 3. curat. 100.* reperiundum, ubi utraque tabula calvariae integra quidem, at sub eadem parte intus exporrectæ venæ & arteriæ ruptæ fuere inventæ.

Aliis hoc ἄλλη τῆς κεφαλῆς de *Hippocratis* illa rimarum specie intelligitur, quam *Pavius c. l. p. 79.* cœcam seu occultam, ἀπήχημα Græci vocarunt, & quam sub contrafissuræ homonymia in superioribus dedi expositam, quarum recensiones prostant apud *Paræum l. 9. c. 8. Jo. Matthæum relat. 7. & Pavium* sæpius nominatum *p. 108.*

Nostra quidem ex sententia *Celsus* scopum propius tetigit, qui *l. 8. c. 4.* locum *Hippocratis* ita vertit: Solet etiam evenire, ut altera parte fuerit ictus, ἔσ os altera fiderit, præsertim cum idem vocabulum ἄλλη per alibi, alio, alio loco, a probatissimis reddatur autoribus, ut ἄλλη τῆς τείχους, alibi contra murum, in alia muri parte apud *Rob. Constantinum p. 95.* Unde cum medicis celeberrimis, superius nominatis, exemplis præterea hodie quamplurimis idem extra omnem dubitationis aleam ponentibus, per *aliam* hanc *capitis partem* intelligendam existimamus *diversam*, ita, ut os, inter hanc & plagæ inflictæ locum interceptum prorsus sit integrum, sive in opposito, sive ad latus, sive extrinsecus & in calvaria, sive intrinsecus & sub calvaria, de quo in secunda dicitur definitione, iste fuerit.

Quid enim quæso obstat, quo minus *Hippocratem* ex *Hippocrate* explicemus, atque ex ejusdem *l. c. 13.* elegantem locum proferamus sequentem: Quæcumque vero illabentia in caput tela ad os vulnerant, ex his id, quod ex altissimo loco illapsum est, ἔσ minime ex plano, ἔσ quod durissimum ac obtusissimum, ἔσ gravissimum ac minime leve est, ἔσ quod minime acutum ac molle: hoc ἔσ ruperit os, ἔσ contuderit: ἔσ maxime sane periculum est, ut os hæc patiatur,

tiatur, cum & hæc fiant, & e directo adversus telum (κατ' ἀντίον) os sauciari contingat. Qua de re, quando asserit Hippocrates, recensitas ossis rupturas dictis ex causis quasi necessario fieri, quandoque vero & id contingere, uti e directo, e diametro, & ex opposito adversus telum, adversus locum plagæ, seu ictus teli os saucietur, inde, quomodo clarius Contrafissuram indicare potuerit idem, non videmus.

Quanquam vero summus vir hoc in textu partem intelligat plagæ oppositam, notanter tamen addit *contingere*, non semper idem evenire. Unde salva manet & superior ejus sententia, alio quocunque, quam in ictus loco evenire hoc posse infortunium, nullumque ex hoc iis est præsidium, qui ad producendum Contrafissuram requiri semper partem stricte dictam oppositam judicant.

Egregie hoc in loco mentem divi senis affectus est Fallopius in *exposit. lib. Hippocr. de vulner. cap. c. 14.* circa finem hujus capituli, cujus textui B. Ammannus disput. de resonitu, paucis quandoque verbis interspersis, majorem insuper affudit lucem. Unde ex *ejusd. c. 2. §. 5.* Fallopius de hoc ἀλλῇ seu alibi Hippocratis ita scribentem sistemus: Per illam particulam (ALIBI) non intelligimus præcise & semper partem oppositam, sed distantem a loco affecto, & quamvis per aliam partem possimus oppositam aliquando intelligere, non tamen præcise & semper, verum etiam aliam capitis partem ejusdem ossis: potest enim esse, ut contrahatur rima in parte alia, quam ubi contunditur os, hac ratione, quia superficies in medio robustior est, quam in extremis, & ideo potest contingere, ut percutiatur frons in media parte, & fiat rima in alia parte ejusdem frontis, hac de causa dico, quod per aliam partem non possimus semper & præcise partem oppositam intelligere, quoniam pars opposita est una, at, si Hippocrates loqueretur de parte præcise opposita, non esset periculosum, quia sciremus, quod in parte opposita esset rima, cum videremus, symptomata & partem affectam non habere læsionem: verum Hippocrates scripsit, quod hoc non potest sciri ab agro, & sic, per aliam partem, intelligimus interdum vel stricte oppositam, vel etiam non nimis distantem ejusdem ossis, & hæc partes (ante sectionem) non cognoscuntur, quia nescitur, an læsa sit pars magis in uno, quam altero extremo.

Differentiæ, quam dedimus enodatio nos porro ad illas manu quasi ducit operas, per quas in Contrafissuræ notitiam est deveniendum. Unde tum illa signa, quæ ipsi cum reliquis cranii tam fracturis, quam fissuris intercedunt, communia, inde dicta, veniunt lustranda, tum quæ pressius eandem manifestant, ac propria audiunt, inquirenda & eruenda. Sensus ergo, quoad fieri potest, primo consulendi, quæ vero recondita magis, intimiusque latent, solerti & prudenti ratiocinio indaganda.

Visu namque usurpanda (I) læsionis instrumentum, si adsit, ejusque substantia, an sit corpus durum, lapis, lignum, ferrum, glans plumbea; an molle, pyrum vel pomum immaturum; quantitas, an longum, breve, moles, an leve, ponderosum; figura, an asperum, læve, an rotundum,

dum, angulatum, an acutum, obtusum. (2) Eodem & *auditu* adhibito percipienda, *lædens* an sit vel fuerit juvenis, senex, an robustus, debilis, an ira cummutus, animo tranquillus (3) *locus*, ex quo læsio processit, an ex altiori, depressiori; an fuerit distans, propinquus. (4) *Impetus*, an fortior, vel remissior; (5) *via impactus* an directa, vel obliqua. Ferro enim longo, ponderoso, angulato, quando robustus & juvenis, cominus fortiter & directe caput petiit, quis ibi non gravem læsionem augurabitur?

Atque, cum cætera sint notiora, tum de ultimo & via impulsus, quod directus magis lædat obliquo, elegans est ratio mechanica, impulsus obliqui, corporis A fig. 1. in corpus obvium DC magnitudinem esse ad illam ejusdem corporis impulsus recti, uti sinus AD anguli incidentiæ ACD ad radium AC.

(6) *Corpus delicti* vocandum, vulnerati nimirum ætas, robur vel debilitas, ac conformatio, tum totius, tum capitis. Unde *loci læsi* lustrationem institurus chirurgus, caput, num pileo vel mitra; num densa vel rara cæsarie obtectum, vel prorsus depile, prius consideret.

Dein, *Hippocratis* gravissimo ex præcepto, videndum, num sit in osse calvariæ robusto, an debili, densa vel tenui, cute oblecto. Num capilli a percussione disiecti, num vulnere immergi, redeundesque erecti. Illud enim ossis denudati, hoc læsi signum.

Partes porro cranio *superpositas*, cutem ac carnem, imo pericranium, in loco, quem color mutatus, vel tumor, vel divulsio ostendet, lustrat, factaque incisione, pro situ plagarum, diversa modo sub forma X vel T, modo N aut V (de quibus evolvens *Dionis* tractatus Gallicus, *Cours d'operations de Chirurgie*, inscriptus, hocque demum anno editus p. 344.) singulas, lege artis, removeat. Illarum læsionem minora, hujus autem graviora symptomata concomitantur, inferius statim nominanda.

Visu ulterius & *tactu*, oculis & manibus exploret, num vulnus cum contusione insigni conjunctum. Intueatur ipsum cranium, ejusque ex lævitate aut asperitate, nisi a futuris hæc ipsa proveniat, de calvariæ vel continuitate, vel fractura judicet, adhibito præprimis specillo convenienti, non nimis tenui, nec acuto, nec nimis pleno. Fissura si oculo haud pateat, tum partem, leniter derafam, medicamento nigro *Hippocratis*, seu atramento scriptorio chirurgorum illiniat, ubi, si vel capillaris adsit, eadem in conspectum veniet, insinuata localiter tinctura.

Deprehensa sic fissura, num per omnes cranii laminas penetret, vel dera-dendo, vel ita explorabit, jubens, uti vulneratus spiritum cohibitum, qua poterit contentione, sursum adigat. Humiditas vel sanies cruenta si per rimam egrediatur, de eo nullum amplius dubium. Locum vero idem potius habebit apud vulneratos, & mentis compotes, & dolorum cruciatibus haud adeo afflictos.

Inveniens apud chirurgos plures adhuc operas, verbi causa, dum vel per funiculum, sub dentibus vulnerati, manibusque chirurgi, fortiter eun-

dem

dem extensum pulsantis; vel per dentium, baculo vel ferro, seu spatula, administratam pulsationem; vel per testarum, nucum avellandarum aut juglandium, dentibus tentatam comminutionem, cranium, num, & quo loco, fractum sit, dijudicare conantur. *Hippocrates* ipse jam dudum hæc tetigit in *Coacis*, c. 3. t. 374. ubi, an sit os fissum, nec ne, sic judicare oportet, *inquit*, adhibendo mandendum utraque bucca caulem asphodeli, vel ferulam; & reliqua Vid. *Duret. comment. in h. l. p. 412.* ubi plura, & egregia, habentur. Verum, infidis forte his, eventibusque contrariis suo de valore dejectis operationibus, agenda sua committere, recte cum *Bereng. Carpenfi* & *Paræo* inconsultum judicat B. MEIBOMIUS, rebus humanis ac Academiæ Juliæ cum aliis celeberrimis viris intempestive ereptus, in eruditissima *de lésionibus cranii a causa externa violenta* dissertatione.

Fissura inventa, præcipue patentiori, partes etiam cranii *internæ* inspectandæ, considerateque observandum, num sanguis extra vasa emissus ibidem, vel extra, vel intra meninges hæreat; num hæc integræ, vel disruptæ, verbo, quousque læsio pertenderit, cunctaque sedulo, atque ita tractanda, ne chirurgum vel medicum quidquam fugiat, quod & læsionem ipsam magis manifestet, atque insinuat e salute vulnerati esse queat.

Unde porro, lustrato plagæ loco, (hæc enim opera reliquas ea propter antecedere debet, uti, quale sit læsionum genus, constet,) omnem moveat lapidem, quo *signa* contrafissuram *specialius notantia* eruat. *Celsi* itaque lib. 8. c. 4. de hoc monitum observet, inquiringis: *Si graviter aliquis percussus est, si mala indicia subsequuta sint, neque ex parte, qua cutis discissa est, rimia reperitur, non incommodum est, parte altera considerare, num quis locus mollior sit, & tumeat eumque aperire.*

Jungat eidem *Hieron. Fabr. ab Aquapendente*, qui, præter hæc, *Oper. chirurgic. part. I. l. 2. c. 15. p. m. 100.* observationes, ex praxi deductas, nominavit sequentes, quibus contrafissuram in parte contusioni vicina factam concludit: (1) vulnus ea parte, qua respicit os fractum haud sanari, in aliis vero cicatrice obduci. (2) Ex eadem parte, tenuem quendam ichorem exire. (3) Saniem hanc copiosiore, quam pro ratione magnitudinis vulneris, adesse. (4) Carnem mollem, laxam, hebetem, & flaccidam ex ea parte subscrescere, (5) per intervalla febriculam accedere. (6) Stylo immisso, cutem a cranio separatam reperiri.

Nec inutile erit, ex præcepto *Guidonis de Cauliaco* & B. Chr. *Ioh. Langii*, *Operum*, hujus, *chirurg. c. 5. capiti*, ex toto prius raso, circumjicere massam quandam, farinaceam, vel unguentum ex albumine ovorum & mastiche factum, applicatisque linteaminibus calidis (quod ipsum non præcipit *Guido*, sed per diem dimittit, contra ea vero tunc *ficcum* considerat locum) observare accurate, ex *humida linea* relicta, in reliqua massa perfecte exsiccata, ubi, & qualis sit illa fractura. Quem indagandi modum B. Vir certiores judicat, ipsa sola symptomatum, scotomiæ, vertiginis, vomitus biliosi &c. consideratione.

Et,

Et, quemadmodum hic humida linea attenditur; ita *Franc. Arcæus de reſta curandorum vulnerum* ratione lib. 1. c. 5. pileolum ad *Bertapalia* mentem, ex ceræ citrin. thur. ſand. ana ꝑij. tereb. acet. fortiffim. & farin. fabar. a. 3j. invicem ſubactis formare, & capiti, abraſis capillis, extendere jubet, hocque per aliquot dies relicto inſpicere, & ex parte ejus exſiccata fracturam deliteſcentem credere. Huic tantum tribuit chirurgus, uſu & exercitio multo alias præſtans, ut *certam experimenti rationem* vocet p. 41.

Alii cum eodem *Bertapalia* idem tale ex thuris, ceræ, laudani a. ꝑiij. mixtis componunt, eademque ratione applicant, ſicque cum *Paræol.* 9. c. 8. contraſiſſuræ dignotionem, de qua deſperat *Hippocrates*, exquiri poſſe exiſtimant. Tentari hoc poterit minimum, quando ſanies nondum eſt generata, vel hæc potius anteverti, & præſumptive pejora quævis argui debent.

Inprimis vero non tantum ex ægro præter ea, quæ viſu deprehenderis, jubente *Hippocrate cit. libro*, ſciſcitantum, *qualiter & quo pacto vulneratus*; id eſt, num in ipſo percuſſionis momento ſtridorem quaſi offis fracti perceperit, unde & experimento illo in *Coacis l. c.* inquit, num ipſi os aliquod ſtrepere inde videatur &c.; verum & probe obſervandum, quemnam capitis locum ſubinde, & conſtanter magis, contrectet. Quando enim, ſive delirans, ſive mente haud captus, manum uni eidemque loco ſemper admovet; tum vel ibi calvariæ fracturam, vel vaſorum ſubtus latentium rupturam ſubefſe, minimum ſuſpicandam, quis dubitet, penſitatis præſertim pluribus, eandem læſionem coindicantibus circumſtantiis?

Unde ab *Ebuſina* temporibus, ejuſque autoritate, idem inter ſigna hæc admodum invaluit, adeo, ut de eodem non incongrue ſcribat *Jo. Bereng. Carpenſis de fract. cran. part. 2. c. 1. p. m. 13.* Hoc apparet in quocunque, quod, ubi eſt aliquis dolor, patiens ipſe ſtatim ſuccurrit, ſaltem cum manu. Et hoc omnibus eſt notum: non mirum ergo eſt, ſi *Avicenna* poſuit tactum cum manu pro ſigno læſionis loci, cui applicatur manus, ſive ager ſit in bono intellectu, ſive non, & non ſaltim ſuccurrit manu, etiam caput hinc inde movet, quærens lenimen.

Neque vero ſoli ſenſuum indagini ac judicio hæc ipſa committat chirurgus & medicus, verum & *ratiociniis*, ingenioſis ſtatim luſtret actiones læſas, ſymptomataque tum præſentia, v. gr. vertiginem, caliginem, collapſum, obmutefcentiam, vomitum adſumtorum ac bilis ſanguinis ex naribus, ore, vel auribus effluxum; tum poſthæc *ſupervenientia*, febrim, deliria, convuſiones, epilepſiam, paralyſin, apoplexiam, torporem ac carum. Verbo, ſingula conjungat, ex ſignis ſeligat pathognomica a communibus, omnibuſque inter ſe collatis agenda, & ad medelam ſpectantia, determinet, nullo non tempore grave illud medicorum monitum: OMNIA SUSPICARI, & NUSQUAM TUTA FIDES animo revolvens.

Quid ſi καὶ ἀπορίῃ procedendo contraſiſſuram, ejuſque locum inquireat, atque, haud ſeſe oſtendentibus *Hippocratis* læſionem capitis ſummis generibus, *ſiſſura*, *contuſione*, *depreſſione* ac *ſede teli*, præſentibus nihilominus ac-

tionibus læsis *contrafissuram*, seu vasorum tamen ruptiones sub cranio concludat?

Haud equidem nos latent dubia, tum contra communium, tum propriorum signorum valorem, ab autoribus hinc inde in medium prolata. Unde, ut, crescente præter opinionem schediasmate, de primis saltem *contrafissuræ* notis ex *Celfo* depromptis nunc dicamus, haud procul invenies, cum *Pavio* objicere & interrogare paratos: Quid si nihil tumoris aut mollitiei alter quidam locus ostendat? ex *Celsi* cerebro, haud læsionum inspectione, hæc enata, cum *Cortefio*, cogitantes.

Verum contrarium patebit ex observationibus binis egregiis anni 1690. *Dionis* chirurgi Gallorum primarii, quas *cit. libr. p. 339. seqq.* insertas exhibet. Ex ictus nimirum loco in coronæ regione, trepani ope, eduxerat sanguinem, usus tamen rationis viro ex lapsu vulnerato haud redierat. Tertio proinde, post hæc, die in occipite *tumore* observato, trepano locum etiam subjecerat, sanguinem ibidem inventum exemerat, atque, sic deliriis statim profligatis, eundem successive sanitati restituerat. Perinde ac *contrafissuram* ex *tumore* loci recte judicatam addit, in infante novem annorum, globo, sub trunculorum lusu, percusso, regionibus hujus & ictus admodum vicinis.

Singulis ergo recensitis signis pathognomicis memoriæ mandatis chirurgus accedat, & quænam se ex iisdem offerant, probe observet. Ita vero rectissime, uti credimus, sibi consulet, neque, justo longius expensis hujusmodi difficultatibus magis conturbatus, timidus ac agendorum ignarus reddetur. DEUM enimvero devote invocanti, methodi medendi gnaro, ac solerti indagatori, sæpius in arena proficua sese offerent signorum argumenta; auxilium contra vel paucas in horas dilatum percussum in perniciem vitæ potius deducet.

SECT. I. MEMBRUM III.

De Contrafissuræ Causa.

Quemadmodum pro *contrafissurarum* existentia diversa contulerunt symbola autores, sic & in earundem causa alleganda iidem variant. Quidam cum *Hieron. Febr. ab Aquapendente Oper. Chirurg. part. prior. l. 2. c. 14.* ad aërem cranio inclusum confugiunt, existimantes, ipsum ex ictu commotum totam cranii substantiam pervagare, in parte opposita allidi, renitensque os illud findere.

Jo. Andr. a Cruce quamvis *Chirurg. universal. tract. 2. de vulnerib. l. 1. c. 3.* remotas & procatarticas, de instrumentis nimirum lædentibus differens, nonnisi explicet, capite tamen præcedente modo motum vehementem reflexivum, modo pressius, tum agitationem aëris, tum substantiæ spiritu abundantis, in calvæ cavitate contentorum, nominat.

Perinde ac *Gabr. Fallopius* in *expos. Hipporatis de vulnerib. cap. c. 14. &*, qui

qui ejus sententiam laudat B. *Ammannus cit. loc. l. i. §. 5. & cap. 2. §. 1.* agitationem spiritibus, intra corpus contentis, ab ictu communicatam, inque parte opposita duplicatam accusat. Nec displicet *Fallopio* huic conjungere ipsius calvæ constitutionem, quando *eodem cap.* verbis superius allegatis inquit: *Potest esse, ut contrahatur rima in parte alia, quam ubi contunditur os, hac ratione, quia superficies in medio robustior est, quam in extremis.*

Inclytus mathematicus ac medicus quondam Cæsareus *Jo. Marcus Marci*, in suo de *Proportionibus motus figurarum rectilinearum & circuli quadratura ex motu tractatu, part. 4. de percussionibus cap. de contrafissura*, duo allegare, inque his suum, hac de causa, assensum firmare videtur, (1) figuram cranii sphæroidem, (2) impulsus, ad majus intervallum destinati, violentiam.

Verba ejus sunt sequentia: *An ergo dicendum, in figura cranii sphæroide sitam esse causam? quod partes ab extra pressæ magis stentur, magisque resistent divisioni; a centro autem facto motu, a se invicem diducantur? Ita enim fornices onera videmus sustinere & contra niti; quod si a parte interna seu cava urgeantur, fatiscere ac dissolvi. Cum ergo cranium in modum fornices sit reductum, non facile a plaga ab extra incidente dissolvi potest; parte vero opposita, quia impetus extra fertur, est que a centro perpendicularis, nihil mirum, dissolvi illam continuitatem. Accedit, quod impulsus, facto principio motus a plaga, non conquiescit in parte opposita; cujus violentia ad majus intervallum destinatur. Cum itaque reflecti sit necesse: & pars sinistra dextrorsum, hæc sinistrorsum abeat; in illa motuum contrarietate, partibus a se divulsis, accidit fissura.*

Ut vero de causis allatis breviter nostram dicamus sententiam: prima, de commoto intra cranium existente, ac concluso, inque partem oppositam fortiter allidente, eamque frangente aëre, nulla est; cum nulla fiat ejus compressio, & quantum pars cranii percussa introcedit, tantum inter locum ictus & oppositum sita intermedia extravertitur. Exemplum phialæ percussæ, & in opposita fractæ, non probant quod est probandum, cum aëris circulatio ibi haud sit impedita. Unde nulla compressio, nullaque inde fractura poterit oboriri.

Dicta hæc optime confirmat experimentum, a Doctore ac Professore medico *ERNESTO HENRICO WEDELIO*, filio D. Præsidis natu maximo, hisce diebus, hanc in rem, institutum, obtenta campanula ænea, cui fundus, ex tornatoris incuria, prorsus erat excisus. Suspensa hæc ex filo, prout *Fig. 2.* monstrat, itu redituque aëris sic liberrimo, malleolo percutiebatur aliquoties in *a*. Hoc facto in loco ictui opposito *b*. statim aderat contrafissura. Unde ictu uno adhuc, uti pateret, quorsum se fissura esset extensura, absoluto, etiam in loco ictus, prorsusque diametraliter duas in partes campanula diffindebatur.

Experientia a montibus vel turribus per aërem scissis huc quoque minus facit, quandoquidem is ibidem coarctatus, per spiritus autem subterraneos valde elasticos, uti naturam ars in cuniculis [1] *denen Minen* est imitata, valide expansus, non potest non, carceris impatiens, obstantia quæque

disjicere. Agitatio vero spirituum, intra corpus contentorum, quæ *Fallopii* erat sententia, symptomatum potius, contrafissuræ comitum, quam ipsius contrafissuræ causa existet.

Job. M. Marci tandem rationes, quamvis propius scopum feriant, dum in figura cranii & impulsu illato causam quærent, aliqua tamen egent & explicatione, & ad causam contrafissuræ proximam deductione, tum ex ejus *Othosophia* seu *impulsus philosophia* petendis, tum nostris ex placitis facile supplendis.

Qua de re CAUSAM contrafissuræ primi generis IMMEDIATAM ac proximam in flexione, compagem particularum cranii superante collocamus. Enimvero cranium, ut *Membr. II.* dictum, ex particulis constat, inter molles ac duras medium quasi locum obtinentibus, quæ alias ab autoribus *solidæ* vocantur, fluidis, quæ nullam habent consistentiam, oppositæ.

Dictæ hæ particulæ cohærentes ac conjunctæ, cum non undiquaque se contingant, sed innumeras cavitates, quas, cum omnia sint in mundo hoc plena, massa quædam subtilis ac agitativissima perluit, interspersas habeant, possunt, expulsa tantisper illa, comprimi, atque ad se propius accedere. Quoniam vero materia illa, recepto nunc in scholis nomine *ætherea* appellata, istis cavitatibus, tanquam totidem carceribus inclusa, reluctatur, fit, ut particulæ cranii, sub hac compressione, instar machinæ, resiliant, renitentur, ac reagant, indeque corpus constituent, quod compressibilibus, seu *elasticis*, accensetur.

Inde porro illud efficitur, uti, quotiescunque cranium, accepto ictu ita *inflectitur*, ut particulæ ejus solidæ aliquem quidem motum ac transpositionem patiantur, ex suis tamen locis haud prorsus expellantur, sed ad priora redeant; caput, communi cum solidis ac duris corporibus ratione, dum ætheris, per ictum suis e porulis ejecti, alterni reditus illud vibrant, *tremere* ac concuti incipiat.

Redibit tamen pristinam ad figuram ac statum cranium, nulla oborta fissura, quando præcise potentiæ comprimenti *æqualis* erit resistentia compagis partium ejus solidarum. Ictu autem priori vel statim aliquoties, cessante nondum pristino capitis tremore, repetito, vel fortiori, *flexionem*, partium cohæSIONEM *superantem*, efficiente, inflicto, præsto erit *fissura*, particulis suis ex locis longinquius, ac ultra earum elaterem, quasi specialem, dimotis.

Sufficit enim nobis in præsentī, illam particularum cohæSIONEM ac compagem, sensibus obviam, nominasse. Nec attinebit summorum virorum disceptationes, an a vi magnetica *Archimedis* ac *Borelli*; glutine quodam vel hamulis *Gassendi*; funiculo *Lini*; gravitate ac pressione ætheris *Bernoullii*, seu undeunque veniat illa, facere nostras; quamvis, ut verum fateamur, ultima, peculiari de *gravitate ætheris* tractatu a B. Viro ingeniose admodum ostensa, reliquis palmam reddere dubiam videatur.

Ita namque in via regia artis cultorem deducunt, nec in compitis, jantum satis frequentibus, eundem errare permittunt verba *patholog. dogmat.*

Wedeliana

Wedeliana Sect. 2. c. 13. p. 407. de hac solidorum divulsionis causa solide, atque ex legibus mechanicis prorsus concludentia: *Quaecunque partes solidas, naturaliter indivulsas, quoquo modo praternaturaliter divellere, & a se invicem separare possunt, illa in genere causæ sunt solutæ unitatis.* Nihil enim aliud sunt morbi hi, quam species divulsionis, ut fiat *διασπασίων συνφύτων μερῶν*, connatarum partium divisio. Jam vero flexio in locis contrafissuræ contingens fortior, quam uti compages particularum illud ferat hoc efficit: Ergo erit causa immediata ac proxima contrafissuræ.

Quidquid autem flexionem illam producere valebit, hoc ipsum CAUSÆ MEDIATÆ PROXIMIORIS nomen merebitur. Est igitur illud extra omne dubium *ictus*, seu *impulsus*, alio quam contrafissuræ in loco, capiti impressus. Dicit hic ac denotat validam non minus, imo validiorem particularum cranii solidarum compressionem, ita tamen *limitatam*, ut nulla ibidem fiat actualis earundem ab invicem divulsio. Dum enim nonnisi de contrafissura agimus, facile patet, ad nos non spectare illos casus, ex placitis nostris æque, ac haud difficulter, exponendos, ubi a vehementiori ictu locus uterque validius inflectitur, indeque finditur, oborta sic fissura cum contrafissura.

Oritur nominatus *ictus* in illa actione, quæ *percussio* vocatur, a corpore quodam *extrinseco*, ac *impellente*, violenter contra caput adacto. Causa igitur mediata hæc denuo aliam, *aliunde* venientem PROCATARCTICAM Græcis dictam, supponit. Viso proinde corpore *impulso*, patiente, agentique resistente, lustrandum porro *impellens*, agens, resistens illud vincens, atque in motum abripiens.

Corporum nempe *impellentium* nomine veniunt omnia illa, quæ unitatem vel continuitatem cranii reddere possunt quovis modo solutam, qualia sunt non tantum omnia solida ac dura, verum quandoque & mollia. Notatu enim dignum Magnif. D. SLEVOGTIUS in egregia sua de *cranii carie* dissertatione recenset exemplum, ubi pirum immaturum ex alto, in dextrum sinciput, pueri octennis, projectum, hujus & infecutæ mortis causa extitit. Longum nimis foret, totidem ex recensitionibus sistere læsionum hæc instrumenta, lignea, lapidea, plumbea, ferrea, aliaque, in ministerium iræ ac vindictæ, imo hinc cædium sæpius, uti furor arma ministrat, adhibita, quorum variantes rationes jamtum sub signorum, in quantum ad illa faciebant, recensione, fuere pensitatæ.

Visis hinc causis singulis, conjectura haud difficili erit assequenda ratio, qua excitata ac in motum deducta procatarctica, tandem contrafissura oboritur. Siquidem exempli loco considerato fuisse, communi admodum armorum genere, talibus in dissidiis arrepto, certum est ex rationibus mechanicis, in unaquaque ejus particula contineri impetum, adeo, ut si in motu avellatur, ipsa mobile impellat. Jam vero, quoniam partes fustis percutientis sunt cohærentes, ea propter totus impetus cogitur in illud extremum fustis, quod mobile impellit. Quo longior ergo fustis, eò plures ejus partes impetum, in se, continentes: Ergo eo fortior impetus, in ejus apicem a plu-

ribus collectus. Unde, fuste longiori exceptas pilas luforias, ad majorem distantiam excuti notissimum est.

Fustis proinde talis in caput obvium violenter impulsus, eidem suum erat communicaturus motum. Ante vero quam totum hoc cedat, prius cedit pars, cum, ex corporum constitutione, & quoniam nullum datur solidum infinitæ duritiei, constet, nunquam impelli posse ac cedere totum, nisi prius cedat ejus pars.

Jam multo gravior foret læsio, si fustis talis immediate in solidam calvariae substantiam adigeretur. Provida ergo utilitatum natura cranium cute, crassitie insigni, & eo voluit sine investitum, ut vim fortuitorum facilius eluderet, dum non firmum & rigidum, sed molle & cedens obstaculum offendentibus iisdem vis ictus non parum frustratur, ac postea continenter, ab illa mollitie & partium flexibilitate imminuitur, præprimis si in caput immittatur foecunda ac frequenti cæsarie, pileoque vel mitra densioribus munitum.

Ictu ergo, seu plaga inflicta, partes capitis, seu cranii potius, de quo nobis est sermo, hanc sustinentes, utpote propiores, non modo *prius* moventur reliquis tanquam remotioribus, verum & *fortius*, plusque virium impenditur hunc in locum, quam reliquas partes; cum in circumjacentes distributas, magisque dispersus impetus, non possit non fieri magis remissus. Id quod minus observarunt, neque cum legibus motus concilianda posuerunt *Fallopins* & alii quidam, locis, superius allegatis, affirmantes ictum reflexum recto longe esse validiorem.

A loco igitur plagæ ad sequentes & oppositas partes, uniformiter difformiter, uti loquuntur autores mechanici, fit impetus propagatio, & quidem propemodum momentanea. Dico vero *propemodum momentanea*, cum impossibile sit, ut eodem instanti, in quo extremitas capitis, tanquam corporis cujusdam concreti, percutitur, simul agitentur omnes ejus partes.

Quamvis itaque cranii particulæ solidæ in loco ictus majorem patiantur compressionem, majoremque inde motum ac transpositionem, verbo, figuræ mutationem; nihilominus non ibidem, sed alio in loco contingit fissura, idque non modo ratione *figuræ*, verum etiam, & quidem magis, ratione *texture*.

Atque, cum regularia sint mensura irregularium, ponamus primo figuram cranii perfecte circularem, *a c b d*, *figur. 3.* dein. texturam ejus uniformem, & tertio, æqualem quoque, accepto in *d.* ictu, in singulis circumferentiæ partibus vim impendi. Hoc posito, majorem effectum exhibebit impetus illis in locis, ubi majorem producere poterit *figuræ mutationem*, id est, in quatuor verticibus *a b c* & *d.* Unde, ictu in *d* inflicto, ex figura circulari, fiet *elliptica* reddeturque eadem in *e* & *f* acuta, in *g* & *h* obtusa, ibi extra circumferentiam promotis, hic intra eandem reductis terminis. Hac ratione mutata figura, facilis erit tum in verticibus axis majoris *e* & *f* tum in minoris *g* & *h* fractura, ultra compagem & elaterem earum, uti supra dictum, dimotis ejus particulis solidis.

Atque

Atque hæc, ex percussione solidorum, figuræ mutatio tam certa est, ut experimentis hodiè facile constet, vel a minimo eam produci posse ictu. Sonus enim, quem statim reddunt, idem satis confirmat, qui produci non posset, nisi repetitis ex vibrationibus ætheris corpus tremere, id est, figuram pristinam sæpius mutare inciperet. Adeas insuper *Borellum*, qui libro eleganti *de vi percussionis p. m. 205.* experimentis in statera factis, dedit demonstratum, ab ictu perexigui corporis, pondus nihilominus vastum fuisse aliquantisper concussum ac sublevatum.

Quocirca, ne ullum, de hac figuræ, in solidis, ex percussione, mutatione restet dubium, en aliud ab Illustri, ac supra omnem laudem posito Dn. LEIBNITIO, gratiose nobiscum communicatum, ac *fig. 4.* delineatum: Annulum majorem ferreum diametri quatuor pedum (quo major, eo melius res succedit,) tribus funiculis in *a b c* alligatum, ex unco *m* ita suspensum curavimus, uti situm teneret horizontalem. Deinde globulum æneum *e* ex alio unco *f* filo sic demissum dedimus, uti interioram annuli oram in *e* stricte contingeret.

Singulis ita quiescentibus, in *g*, diametraliter huic opposito, exterius annulum percussimus. Hoc impulsu statim annulus ellipticus factus globulum æneum *e* versus nos excussit, eadem prorsus ratione, ac si ex opposita parte in loco *e* extrinsecus fuisset ictu exceptus annulus. Fieri illud haud potuisset, nisi partes annuli *g* & *e* introrsum, *b* & *i* vero extrorsum fuissent adactæ.

Pro eodem confirmando, uti inventis facile est addere, duos adhuc globulos ex ejusdem conclavis laquearibus uncis *k* & *l* ita filis suspensos demissimus, uti annulum in verticibus *i* & *b* extrinsecus stricte attingerent. Cunctis iterum quieti datis, annulum in loco *g* denuo percussimus, & statim globus *e* versus nos, globus autem in *i* dextrorsum, alter in *b* sinistrorsum excutiebantur, indicio manifesto ex ictu axem *b i* elongari, alterum vero *e g* abbreviari, & sic annulum figuram ellipticam induere. Notabilis quoque erat tremor diu durans, & globulos per aliquod temporis spatium pulsans. Quod si annulus non ictu, sed manu leviter suo ex loco versus *e* dimovebatur, figura adeo salva, globuli singuli quieti remanebant, amotis ita locis annuli singulis a globulis suspensis in *e b* & *i*.

Judicabimus nunc ex hisce, quid contingat in cranio *figur. 5.* non rotundo, sed oviformi, primo, solius respectu figuræ. Hoc ipsum in occipite *a* figura sphæroide ampliori, in fronte sphæroide arctiori; in temporibus autem *c* & *d* depressa magis, est circumscriptum. Ex quo patet, cranii fornicem anteriorem constrictum injuriis hostilibus, quas adversa facie excipiunt fortiores, magis expositum validius resistere, præ postico ampliore. Valde debiliter autem depressæ temporum regiones idem agunt. Unde non mirum, ictuum etiam, vel ab antica, vel a postica parte exceptorum vehementiam, in has facile exonerari partes, observatasque in iisdem frequentiores contrafissuras. Quorsum & multum confert *textura* ossium cranii, in illis temporum, & in bregmatis locis tenuis & fragilis magis, uti jam superius

rius fuit annotatum; in fronte ac occipite fortior, & præter hæc appositis processibus, tanquam anteridibus, fulcita.

Si proinde figura texturaque craniorum non tantum, per transversum & horizontaliter, *fig. 5.* verum & per longitudinem seu perpendiculariter *fig. 6.* imo & oblique sectorum inspiciatur, singula probe conjungantur, & expendantur, patebit ratio, quare fronte icta integra, fissum sit occiput, allis in casibus non hoc, sed vel bregma, vel os aliquod temporum; icto bregmatis osse sinistro, qua lambdoidi jungitur, fissum sincipitis os dextrum prope bregma, quales & variæ aliæ contrafissurarum historiæ occurrunt apud superius nominatos, tum observationum scriptores, tum medicos, ibidem evolvendæ, & adductis ex principiis nostris facile explicandæ.

Siquidem, exempli causa, accepto in occipitis latere dextro *e* ictu, illa pars introrsum flexa equidem, non vero ob robur fissæ, idem cranium in locis *f* & *g* ob singulorum ossium contiguitatem, validamque in futuris implicationem, extravertit, nec ibi tamen, ob laminarum robur, fractum deprehensum fuit. Ast in opposito magis ictui loco, ac tenuiori, solidoque temporum esse *e* contrafissura aparuit, introflexo eodem facile oborta.

Contra vero accepta, frontis in parte dextra *b*, plaga, nec hæc, nec opposita occipitis in *i* introactæ equidem, ob firmitudinem tamen haud fissæ fuere, sicuti nec locus *g* extraversus, eandem ob causam. Verum os idem temporis *c*. debilius, quamvis haud oppositum, sed quarta circiter parte distans extra actum, fissuram fuit passum. Perinde ac percusso *fig. 6.* vel osse frontis *a* vel occipitis *b* nullum horum, vel ictum excipiens, vel oppositum fuit fractum, sed fissum deprehensum modo os bregmatis sinistrum in *c*, modo dextrum, extra coacta, & ob eorum, in his locis, extremitatem, fortius concussa atque inflexa.

Idem hoc nobis in testarum fragmentis majoribus pluribus accidit, in museo superius laudati Doctoris ac Professoris Medici, *Wedelii*, eodemque præfente, malleo percussis, quorum unum, quoniam dicta, de bregmatis ossis contrafissura, egregie illustrat; *figur. 7.* exhibet. Malleo nimirum leviter percussa testa in *a* tremorem ejus undique tactu explorabamus, fortissimum in apice *c*. Unde, validiore sub ictu, ibidem potius, quam aliis in locis, oborturam fracturam, edicebamus. Respondebat eventus, siquidem facto eodem, in *b* diffringebatur. In alia tali testa idem contingebat, cum repetitis statim, nondumque a priori pulsu cessante tremore, ictibus, quamvis minus fortibus. eandem exciperemus.

Progredimur ad contrafissurarum DIFFERENTIAS, quas ad octonarum numerum adscendentes recenset *B. Ammanus Disp. de resonitu alleg. cap. 2. §. 5.* facile tamen contrahendas. Nimirum, ut statim ab exordio hujus argumenti allatam præsentibus denuo accenseam, contrafissura alia erit in capitis partibus *continentibus*, cranio nimirum, alia in *contentis*, vasis nempe, tum meningum, tum cerebri ipsius. Illa vel est in *propinquo* plagæ inflictæ, dum v. gr. os idem frontis in sinistra parte percutitur, finditur in dextra,

dextra, aut osse bregmatis sinistro icto, finditur sincipitis os dextrum prope bregma; vel in *remotiore* aut *opposito* loco, dum osse occipitis percusso finditur vel bregma, vel frontis illud.

Utraque denuo vel fissuram exhibet, unam tantum laminam, sive internam, sive externam, vel utramque penetrantem. Imo & casus dantur, ubi salvis prioribus, intermedia medullaris læsionem est sortita, sanieque inde orta ac febris, longo demum post tempore vitam vulnerati cum morte commutarunt.

Tandem & contrafissuræ cum fissuris occurrunt, id est, non tantum locus alius, sed & locus plagæ fissi fuere deprehensi, quoniam fortior ictus non modo locum ictus, verum & alium, præsertim debiliorem, validius inflexos indeque fractos dedit. Illam vero contrafissuram, ubi in loco ictus, lamina calvariæ externa integra, interna fuit fissa, imo quandoque testas & fragmenta, meninges, vel cerebrum ipsum, pungentia emisit, ad nos non spectare, superius jamtum est dictum.

SECT. I. MEMBRUM IV.

De secunda Specie Contrafissura.

QUandoquidem plura, in superioribus jam recensita, considerationem hujus læsionis adjuvant, tum singula hujus cognitionem concernentia membro præsentī dabimus breviter expedita, visoque ejus *definito*, de *genere* ejusdem *remoto* dispiciemus. Hoc denotat *rupturæ* vox, secundus nempe *solutæ unitatis* morbus, atque *divulsionis* species, in qua parietibus, tum membranarum, tum vasorum, his intertextorum, in sua unitate solutis, actuque ipso divisīs, divulsis, ab invicem sejunctis, quod vehunt, fluidum extravasatur.

Utut enim ruptura, herniarum exemplo, quandoque in sensu latiori pro laxatione, eamque consequente dilatatione, accipiatur; stricte tamen disruptionem, actu factam, indigitat. Unde hac ex causa, & quoniam hæc denominatio (quod denuo D. *Præses patholog. dogm. Sect. I. c. 6.* gravissime innuit) partibus magis mollibus, continentibus; hisque interum potissimum internis, salvis & illæsis externis, est conveniens, *rupturæ* nomen usurpavimus.

Proximum autem *genus* a *subjecto* non minus est petitum, *vasis* nimirum vel *meningum*, vel ipsius *cerebri*. Vasorum appellatione intelligimus quoscunque tubulos, *fluidum* quoddam vehentes, sive id sanguinis, sive lymphæ, sive his adhuc subtilioris cujusdam in censu veniat, quosque tum meningibus, tum cerebro ipsi artificiosissime videmus interspersos.

Nec etenim sola *fibrarum*, ex quibus meninges sunt contextæ, divisio gravem hanc pareret noxam, utpote sæpius a chirurgis, pro eximendo san-

guine subtus jacente, data opera incisarum, verum eadem horum vasorum dilacerationi, indeque effuso eorum liquido, venit adscribenda.

Differentia porro eadem est cum priori, *alius* nimirum locus, quam is, qui ictum excepit, ex genere facile limitandus, intelligendusque non partium continentium, & cranii, sed contentorum, & subtus latentium, vel meningum, vel ipsius cerebri.

Locus autem hic ex signis superioribus, jamtum memoratis, mutatis mutandis, erit investigandus, atque inprimis, cum is ad interiora magis secesserit, symptomatum ratio habenda. Unde, verbi causa, ex vertigine, caligine, obmutescencia, vomitu adsumtorum, ac bilis, labes nervoso generi illata; ex sanguinis per nares, aut aures eruptione ruptum in interioribus vas quoddam sanguiferum; ex inflammationum signis, vigiliis contumacibus, febribus, deliriis, convulsionibus &c. invicem se consequentibus, fluidorum in putrilaginem vergens status, concludenda.

Perinde ac dolorem, v. g. pungitivum, ac fixum indicante ægro, atque oculorum rubedinem, singultus, vomitus, passiones colicas; & similia, ostendente eodem, de meningum læsionibus erit cogitandum. Locus etiam hic considerate notandus, si cui frequentius manum admoveat.

Sic & remote denuo hæc magis patebunt, quando nec æger ossis, tamquam fracti, stridorem, sub percussione, perceptum indicabit, nec cranium, ex monitis superioribus, denudatum fissuram ullam monstrabit. Quemadmodum de hisce, læsiones internas manifestantibus signis fusius, & distinctis capitibus agit *Berengarius lib. cit. part. II. c. 3. 4. 5.*

Causa immediata nomen *allisus* tuetur, facile concipiendus, & exemplis, vel mollium in solidis continentibus, vel undarum adversus littora agitarum illustrandus. Duo ergo ad allisum hunc producendum concurrunt: (1) Corpus *solidum*, & quadantenus durum, ad quod fit *alifio*, osseum nimirum calvariæ tegmen, in quo cerebrum, pellibus suis investitum, tanquam in vase; seu, ut pretiosissimæ merces in suo involucre, est reconditum. (2) Corpus *allidens molle*, ex particulis, aliquam tamen consistentiam habentibus, indeque resistentibus, coagmentatum, meningum nimirum, cum cerebri haud exigua mole, multisque vasorum tubulis intercepta, inclusa.

Duo hæc corpora, cum sint diversæ admodum texturæ, tum facile est iudicatu, facta *percussione*, quæ denuo, ex dictis *Membr. III. causæ mediata* fungitur vicibus, indeque in motum abrepto vase calvariæ continente, quid contingat.

Sua enim in figura, ex demonstratis nostris, mutatum, atque intus, & sic retroflexum cranium particulas suas solidas, tanquam totidem cuneos, in fibrosam, ac mollem meningum & vasorum ejus substantiam adigit, vim quoque illatam, per hanc, ulterius ad cerebri vasa propagat, illorumque unitatem ea ratione solvit, uti fluidum, quod vehunt, cujusque partes jamtum in continuo versantur motu, suis terminis ac alveis evolvatur, aliasque
cavita-

cavitates occupans, *σάσι* concipiat, stagnet, ichore scat, gravissimorumque malorum causa existat. Ideo namque requirebatur continuitas, ut fluida, alienis terminis contineri solita, proprio nescia, alveis suis contenta, legitimo ordine & motu possent contineri, æque ac moveri.

Hujus tandem contrafissuræ non alia est *differentia*; quam, quod, pro ratione plagæ inflictæ, alia *levioribus*, medicamentisque accommodis citius amovendis, alia *gravioribus*, pericula graviora, imo vitæ ipsius discrimen, minitantibus, sit stipata symptomatibus.

SECTIO SECUNDA.

DE CONTRAFISSURÆ CURATIONE.

MEMBRUM I.

De ejusdem Prognosi.

QUoniam gravissimo Celsi l. 5, c. 26. ex monito, *prudentis est hominis, primum eum, qui servari non potest, non attingere, nec subire speciem ejus ut occisi, quem sors ipsius peremit; Deinde autem, ubi gravis metus, sine certa tamen desperatione est, indicare necessariis periclitantis, in difficili rem esse, ne, si victa ars malo fuerit, vel ignorasse, vel fefellisse videatur: ea propter commodum erit, ipsi curationi præmittere considerationem de ejusdem difficultate, seu expendere, quomodo contrafissuræ prognosis sit formanda.*

Hoc ergo in negotio denuo ad rem pertinebit, divinum audire senem loco illustri L. de Loc. in Hom. c. 43. ubi sub titulo fracturis capitis præmisso: *si quidem scribit, os fractum fuerit & contritum, periculo vacat, & curare oportet hinc humectantibus medicamentis. Sin rumpatur & fissura fiat, periculosum est.*

Singula quasi accurate observanda monet, in *prædictione & curatione*, suo tunc tempore in usum vocata. Vulgaris quippe fractura quæcunque, habito nempe ad alia respectu, haud adeo perniciosa, vel lethum inferens est, modo non negligatur. Ast fissura, & gradu majori contrafissura revera *infortunii* loco habenda, &, tanquam ad stygias umbras missura, timenda.

Patebit autem hæc prædictio magis, si primo læsionum *genus, subjectum & causam* gravissimam lustremus. *Fissura* hæc concussionem, conquassationem, extravasationem infert, eamque ut plurimum summam. Quot verba igitur, tot momenta periculi longe maximi: inde spiritus, humores & pori ipsi suos experiuntur ac patiuntur manes, totique machinæ ruina præceps imminet, ipsa basi velut subruta, atque ex ordine dimota.

Variant tamen hæc gradu ac discrimine non uno, diversis in *subjectis*, tum ratione totius, tum capitis, tum loci tandem ejusdem læsi. Juvenis siquidem

aut Vir in Germania, ejusque locis Septentrionalioribus, degens, tempore hiemali, sustinendis hisce periculis valentior est sene, Italo, Gallo, Hispano &c. æstate percusso, cujus calva durior ac velut vitrea, fragilis magis, facilisque accessus convulsionum, ipsiusque apoplexiæ.

Perinde ac, uti personarum, ita & *capitum* varietas, in eorundem circumscriptione, sive figura, crassitie & futuris, quod olim in Persarum & Græcorum capitibus a prælio refertur observatum, & cujus alia, notatu digna, nobis exhibet exempla *Pavus cit. l. p. 14.* occurrit non una.

Nec etiam, judice *Hippocrate*, indifferens est, *qua* quis *capitis parte* vulneretur. Unde ob tenuitatem ac vitream quasi duritiem ossium temporum & bregmatis frequentiores & fissuræ & contrafissuræ circa hæc loca, quæ certe periculis haud vacant, diligenter recensitis, tum ab *Hippocrate, cit. l.* tum *Pavio p. 5. 45. 49. 51. 55. &c.* Sic & frontis *a* percussiones, ab altiori præcipue loco descendentes, facile in ossibus illis tenuibus, orbitas oculorum cingentibus *d* contrafissuras, hincque humorum extraversiones, ulcera ægræ sanabilia, vitæque adeo perniciem excitant. Vid. *fig. 6.* Suturarum quoque contusiones, ob membranarum, ipsis insertarum, cum interioribus communionem, periculosiores.

Quandocunque ergo ultra sphæram & æquatorem quasi naturæ, ejusque tolerantiam hæc contingunt, eadem morbo succumbere cogitur, damnoque existente irreparabili, remediis generosis non juvantibus, vitæ lucula extinguitur. Horum remediorum bigam *cit. l.* adducit *Cous (1) humectantia*, seu lotionem, quorum nomine ipsi veniunt vina sola, eaque optima, fomenta, mox memoranda. Quæ vero intelligat, innuit *l. de ulcer. cap. c. 1. t. 1.* nempe, non aquea, nec frigida, sed *vinum*.

(2) *Serram*, per quam trepanum intelligit. Nec enim aliud quidpiam est idem, quam ferra orbicularis, in rotam vel circulum acta, ad cranium perterebrandum. Addit enim finem, qui idem confirmat, *ad exitum saniei concedendum, & ingressum præcavendum.*

Causa pariter consideratio læsionis periculum fati innuit. Extra enim controversiam, nostris in scholis, est positum, morborum solutæ unitatis speciem, longe gravissimam, esse *contusionem*, si cum cæteris eadem æstimetur proportionem. Orta enim inde divulsio, quasi de industria se abscondens est, atque interiora petens, exterius periculi minoris equidem faciem multoties ostendens, interiori verò cuncta ad stragem truculentam edendam disponens, poros alios obstruens, alios divellens, vasa dilacerans, latices eorum excutens. Quibus si succurri mature haud poterit, obstructum aperiri, divulsum consolidari, extravasatum vel in circulum priorem redigi, vel auferri atque extrahi, conclamatum est.

Hæc ergo, medicis *essentialiter inherencia*, dicta, quemadmodum in prognosi sedulo, sic & *postessentialia*, seu læsionem factam consequentia, illisque prioribus velificantia, considerate veniunt attendenda. Pessima est, *Hippocratis* elogio, inflammatio, eamque presso consequens pede phrenitis, quam
manix

maniæ generali nomine exprimit. Par est ratio convulsionum, epilepsiæ ipsius, paralyseos, hemiplexiæ, quæ singula si eveniant, mortem instantem minantur.

Ex adverso autem, si hæc præcaveri atque anteverti queant, tum a robore naturæ, (cui tamen soli minus fidendum) tum artis, eandem adjuvantibus, salutaribus præsiidiis, servari poterit homo, vel spes minimum affulget, futurum id esse, idque omni modo procurandum.

Accensendum his est coma, vel ἀποπλεκτικόν. Æger si sit excitabilis, speranda erunt meliora; sin minus, contra; nec tamen omnis statim fiducia abjicienda, sed & hic locum habet seu invenit expectatio, modo medelæ opera continuetur provida ac indefessa.

Pulsus quoque habenda erit ratio, qui, quamvis sæpius indifferens, magnus tamen celeri, & longe magis frequenti est anteponendus & attendendus. Quo enim magis ad incitas est redacta natura, eo magis urget usus, & contra. Neque tamen solo ex pulsu magno salus est præfagienda, nisi sit constans, & pororum cerebri remeabilis, ac medicamentis accommodis tollenda, obstructio, cujus interiora & quasi castellum hostis jam tenet obsessum. Hisce igitur fundamentis universa salutis & mortis, seu eventus prædictio erit inædificanda. Reliqua enim omnia iisdem sunt subordinata, & ad hæc referenda.

Neque *Tempus eventus* indictum erit dimittendum. Omnia capitis vulnera acutorum veniunt in censu, & contrassura in specie acutorum primi generis. Hinc si quatrimum attigerint, secundi gradus erunt ex ordine, atque sic ulterius, spei, eventusque ad salutem tendentis crescit augmentum. Normam ergo cuncta hæc accipiunt ab intrinseco equidem, a læsionis gravitate; ab extrinseco autem a regimine decenti administrato, vel neglecto.

Prostant nihilominus & longius productarum harum etiam læsionum exempla, quandoquidem, Deo fortunante, pristinas sensim resumere vires valet natura, haud vero in instanti, induciis quasi, ad idem, cum hoste pactis. Quin per aliquot menses, ne annum & ultra dicamus, videas producta symptomata. Satis est, produci vitæ fabulam, mortis tragædiis dilatis, singulis iterum pro dictorum, aliarumque circumstantiarum mensura ac modulo variantibus.

Modus eventus terminabitur, ad salutem quidem, evenientibus jamtum sub causæ, hac in prognosi, consideratione recensitis, sensim scilicet ac sensim in ordinem redigendo humorum vitalium circulo, respondentibusque naturæ viribus, & dissipata extravasatione: robore spirituum, actionibus æque ac virtutibus animalibus, principiisque vitalibus in integrum restituendis.

Ad mortem autem tendet, indiciis vel ex ipsius vulneris tum in loco plagæ, inflictæ, tum alia in parte existentis adspectu, colore ipsius pallido, subflavo, livido, labris ejusdem simis ac collabentibus; ossis itidem asperitate ac livore &c. vel ex rigore, convulsionibus, apoplecticis potissimum, ex facie Hippocratica, linguæ pustulis ac febre, inflammationis comite, desumen-

dis. Sæpenumero quoque alium in capitis morbum abit ac solvitur, vel subitaneum, vel paulatinum ac lentum. Medio vero modo se habent vertigo, epilepsia, melancholia, dolorumque varietas, in praxi occurrentia, atque ægro non modo, verum & medico ejus, multum molestiarum creantia.

S E C T. II. M E M B R U M II.

De Methodo Medendi & ipsa contrasiffura curatione.

Cum tam aliorum testimonio, quam frequentioribus constet observationibus, de gravi hoc contrasiffuræ malo nec medicos, nec chirurgos certiores fuisse factos, nisi postquam jam fuit conclamatum: videri primo posset intuitu frustranea omnis opera, in tentata ejus curatione collocata, mali utpote desperati, & vulneris, pro lethali, per se, habendi. Attamen, quoniam nihilominus consideratiori ac experto magis præsentis ævo curatarum etiam harum læsionum prostant exempla; ea propter spe salutaris eventus haud prorsus decollante, atque in dubio adhuc posita, magis erit consultum, omni in id anniti ope, ut vita servetur, nullo vero modo deferere ægrum, vel prognostico relinquere.

Ut autem hoc ipsum omni dexteritate, atque ex artis præscriptis, fiat opus erit ad normam methodi medendi procedere, quæ fili instar Ariadnei est, quo duce exitus prosper, hoc ex labyrintho, sperandus, progrediendo secundum indicationes, erutas, ex modulo læsionis, natura partis affectæ, & aliis: uti tam morbo, quam causis & symptomatibus, communibus æque, ac specialibus & urgentibus, considerate ac decenter prospiciatur. Operam autem, in utroque contrasiffuræ, usque huc explicato, genere, collocandam uno eodemque hoc membro absolvemus, facile limitandis, ac eligendis, quæ uni, quæ itidem alteri debentur.

Fractura hæc cranii, etiam occulta, efficacem sibi exposcit unionem, si-
ve cum, si-ve sine vulnere appareat, atque si unquam, hic certe solerter & circumspecte singula tractanda, uti pateat, medicum ultra chirurgorum vulgus sapuisse. Comitem habent, ex contusione oborta, læsiones nominatæ, concussionem, imo sæpius & conquassationem cerebri. Removendæ igitur mature causæ morbificæ posteriores, exitiales alioquin futuræ, si mora nectatur. Sanguinis & lymphæ quicquid est extravasatum vel priori, si fieri poterit circuitui ac circulo restituendum, vel extrahendum & amovendum, ne in grumos, ichorem & suppurationem abeat, neve obstruat poros ac cavitates cerebri ipsiusque spinalis medullæ principium. Tentata igitur discussione motus fluidorum procurandus, referandi pori, revocandi fatiscientes spiritus, cerebrum, in sua œconomia conturbatum, roborandum, atque ab iis, quæ ejus intima petere volunt, injuriis tutandum. Virium debilitati prospiciendum, sedandi, vel leniendi minimum, dolores, procuranda quies, respicienda

picienda mora functionum sensus & motus, arcendi sopor ac stupor, convulsiones, paralyfis, apoplexia, præcavendæ.

Singulis hisce eo melius uti satisfiat; tum & hic fontes, usu præstantes ac consueti, chirurgici, pharmaceutici, & diætetici visitandi, quorum rivulos confectabimur ex methodo Dogmatica; Clinica enim erit varians, pro cuiusvis individui constitutione.

Quoniam autem ordinarie quasi, & hisce in læsionibus, primus advocari solet chirurgus, ejus etiam opera reliquas antecedit; ea propter hanc prius lustrabimus. Primum ergo ejus studium in vulneris, seu partis læsæ, examine erit ponendum, dispiciendo, ubi, quomodo, quo gradu, idem sit factum, atque observando, præter *τρόπος* seu modos curatissimos divi *Senis*, ea, quæ de hujus dignotione superiori *Seçt. Membr. II.* jamtum fuere tradita, atque, ex reliquorum capitis vulnerum summorum generum absentia, læsionis gravitate, aliisque jam dictis, de contrafissura arguendo.

Facit huc *abrasio* capillorum, uti & visu usurpari, & tactu explorari locus læsus possit. Quo facto illitio concedi potest, etiam solo ex oleo rutaceo, calide applicato, cum leni blandaque frictione. Apparanda hinc reliqua intus & extus administranda, cum primis vero *fotus*, omnium laudatissimi & probatissimi, cum sacculis, uno vel pluribus, vel toti quoque capiti, qua parte capillis obsitum est, applicandis.

Visa sunt non una vice perquam absurde a rerum ignaris, præcipue balneatoribus ac tonforibus, in usum vocata, modo epithemata frigida, modo emplastrum sticticum, & similis farinæ alia, quæ certe negligentia haud toleranda, hinc, quasi re bene gesta, discedendo. Sacculi igitur, quorum facta est mentio, nostri seculi inventum, usus sunt longe præstantissimi, omnibus, quæ occurrunt, indicationibus debiti, omneque punctum, modo mature applicentur, absoluturi, discutientes & roborantes, v. c. ex rad. pæon. herb. verben. rut. salu. rosmarin. betonice inprimis; flor. stoech. arab. paralyf. anthos, sambuc. rosar. rubr. chamom. lil. conuall. thure, mastiche, myrrha ipsa, cubebis, & similibus.

Hisce fotibus de die & nocte sedulo continuatis visi sunt evasisse, desperatorum censui jamtum adscripti; contra ea vero quocunque modo tractati, mortui, qui servari potuissent. Succurritque ex institutionibus chirurgicis *Meibomianis* summum, de iisdem, elogium, quò, indefessa hac opera, quamplurimos se dedisse restitutos, trepano jamtum destinatos, B. *Vir* sancte affirmabat. Huic enim remedio locus est, ubi trepano minus, v. c. in futuris, quarum quando occurrit læsio, tum aurem tibi semper vellicet verissimum illud *Coi*, nullum capitis vulnus esse negligendum, & maxime circa futuras, tanquam commissuras speciales.

Neque tamen hisce solis omnem committimus agendorum provinciam, sed & adhibenda *emplastra*, uti instar omnium illud de betonica, & similia; balsama quoque vulneraria, si vulnus insimul occurrat apertum, bals. de Peru, mel rosatum, & reliqua. Stare tamen potius hæc debent post principia,
loco

loco principi relicto laudatis fotibus & facculis interpassatis, cum vino coctis, adhibitis, atque, aliquam post moram, quam fas erit concedere, repetitis. Vidit inde D. *Præses* capite læsum, post annum demum ex integro, & ut pristinas obire posset functiones, restitutum, per plures dehinc annos superstitem ac sanissimum.

Nec omittenda *vena sectio*, si indicetur a plethora, vel vires eandem concedant, depletio utpote necessaria, ad inhibendum sanguinis affluxum, sublevandum archeum; & restituendum liquoribus vitalibus circulum, etiam minor & parcior, ad excitandum ægrum, instituendam revulsionem, v. c. in pedibus administrata, vel etiam sub lingua, si apoplecticum quid timeatur, & nihil obstat. Non enim promiscue hæc in usum vocanda & suadenda, sed tum vires, tum aliæ, diversum jubentes, circumstantiæ sollicitè æstimaendæ.

Scarificatione vero in bregmate, vel cucurbitula, rarius utimur, cum vires horum reddant, ac efficacius juvent fatus nominati, ob vini, contentis roborantibus juncta, effluvia, calore suo altius penetrantia. Hisce, eventu certiori idem confirmante, motus humorum aptius promovetur, ex adverso autem vitium capiunt, ni moveantur aquæ, imo & spiritus ipsi animales, hac ratione excitati & roborati, qui alias, agilitate amissa, uti astronomorum voce utamur, stationarii redderentur.

Quorsum & multum facient acclamations, & excitationes, per frictiones plantarum pedum, odorama fortiora, refocillationes, inprimis in sopore detentis, cum vel sine pavoribus, etiam pulsu tardo & integro observato. Morbo enim adscribendus somnus iste, etiam quandoque ad triduum visus productus, qui omni modo arcendus.

Postulat porro instituti ratio, ut de *trepanatione* dicamus, remedio, cui vulgo primæ deferuntur partes, tanquam summo, unico, & ultimo, Italis, Gallis, Hispanis atque Belgis, adeo frequenti, uti *Stalp. van der Wiel, observ. rarior. Tom. I. cent. I. obs. 8.* testimonium *Philippi Nassavii*, chirurgi, qui contrassuram inquisiverat, datum referat sequens: *Ego infra scriptus attestor, me ab Henr. Chadborn, chirurgo Neomagensi, postquam vigesies septies (mirum dictu) mihi caput perforasset, recte fuisse sanatum.* Non negamus, & huic suas deberi laudes, nec rite institutam exitialem insequi sortem, etiam apud ætate proVectos, cujus operationis exemplum, Hanoveræ, jussu Experientissimi Aulæ Electoralis medici B. D. K O T Z E B U E, pro eo, quo nos complectebatur favore, videre licuit in sene, plus quam septuagenario, felici eventu, administratum.

Nec vero etiam diffitemur, cum soli huic ac potissimum debeatur indicationi, educendi humores extravasatos, illi autem magis amient decubitus; tum & hanc, & alias nonnumquam difficultates huic operationi obstare quamplurimas, quas, ex more suo, id est doctissime exposuit CL. *Bohnius de renunciat. vulner. p. 205. seqq.* Unde satius fuerit, uti B. *Meibomius cit. l. præcipit.*, non nimis temerarium esse in cranio perforando, sed fotibus memoratis,

moratis, sanguinis & lymphæ, extra suos alveos latorum, discussionem tentare, laticesque dictos priorem in motum evocare. Multijuga enim constat experientia, natura sibi quærente, & inveniente, vias, vel resorberi sensim particulas in orbem eundem ac pristinum abreptas, vel per os, nares ac aures effundi, quicquid erat extra vasa emissum. Quousque itaque medicamentis quidpiam effici poterit, per concessa, eousque nec ferrum, nec ignem in partes, judicamus, vocanda, nec, ad ostendendam, uti quandoque contingit, artem, afflictis addita afflictione, de alienis ac vulneratorum offibus temere ludendum.

Quando igitur, nec per fatus & sacculos exterius, nec interius, per resolutiva & discutientia, utrobique adhibita, quidquam obtinendum; tum in ancipiti, & gravi discrimine, urgenteque necessitate, uti cuncta artis præsidia, sic & hæc operatio heroica tentanda. Administranda autem erit ex legibus artis, petendis, ne longius his occupemur, ex chirurgorum institutionibus, atque edicto periculo, ne, si male res cedat, stipendii loco medicus ac chirurgus, crudelis notæ, & incassum cruciantis, nomen ferant.

Par erit ratio hirudinum, vesicatoriorum, ipsiusque, in progressu, setacei, quippe, quæ admotione directa haud equidem pollent, requisita tamen non minus præsto esse debent, atque usurpanda.

Hiscæ præsidiis socianda porro *pharmaceutica*, generosa, remedia, paucis etiam lustranda. Respondere & hæc debent indicationibus præsentibus, indeque memorari merentur *lenientia*, benedicta, ἐκκοπρωτικά, subducentia, alvo præprimis non respondente, quod obvium magis, ob torporem spirituum, quietem & decubitum, alia. Præstant igitur hoc fine, tum aloetica, præsertim fermentata, uti pilulæ aloeticæ, aloephanginæ, Francofurtenses, tartareæ; tum etiam fennata, & maxime omnium rhabarbarina, alvum referandi, resolvendi, & roborandi officio gaudentia, ne tamarindos, hisque affinia alia, iisdem accenseamus.

Ex hisce, quæ minus ingrata, poterunt in substantia adhiberi; palato contra ea minus accepta, in decocto, in infuso, potiunculis, ipsisque etiam clysteribus. Ita enim natura ad opera consueta, alvumque expediendam, vocata, iis, quæ ipsi oneri erant futura, commode se subducit, atque ad promovendum humorum circulum egregie sollicitatur.

Materia dictorum erunt notiora illa, emollientia, cephalicis accommodis juncta, magis in decoctis, etiam pugillaribus, vel pulveribus mitioribus, quam infusis, sine vino potius, parandis. Alvum enim liberam & expeditam esse, quemadmodum in morbis capitis in genere; ita magis adhuc in læsionibus nostris, erit proficuum. De clysteribus vel verbulo monemus, illos, pro circumstantiarum ratione & acuendos, & repetendos.

Atque, cum ex dictis superioribus facile constet, in acutorum morborum ordine militare læsiones nostras, symptomatice etiam quandoque vomitibus supervenientibus; tum facile patet artis cultori, purgantia non modo, verum & vomitoria consultius omitti, nisi singularis eadem sibi deposcat ratio,

nec faciendum in his cum fece empiricorum, *μοχλοῖς* talibus strenue, in vita sæpius etiam Minerva, militante.

Neque etiam recto deerraverit, quicumque reliqua levamenta universalia medelæ in subsidium vocaverit, quo nomine & *diaphoretica* varii generis merentur saluari. Hæc enim humores vitales, interceptos & turbatos, ordini & motui pristino, si quæ alia, restitunt, nec ipsa tamen unius generis, sed provide seligenda. Dictorum in fidem nominamus volatilia, quorum in statu soporoso, tanquam excitativorum insignium, cautelis debitis observatis applicatorum, egregius est usus, etiam minori & refracta, uti agendorum ratio idem feret, dosi, nec nimis camphoratorum, capiti quippe debili minus commodorum, alias vero innoxiorum ac minus metuendorum. Tale punctum prorsus ferent media & fixa, mixtura simplex, usu pollens maximo, per se, & per destillationem rectificata, ac dulcis reddita, etiam refractæ & modice camphorata, tinctura item bezoartica essentificata, liquor C. C. succinatus, retuso sic alcali volatili, & cum his mixta, etiam minima dosi, anodyna. Sylviano enim elogio, & per mechanicam sulphuris cum sale volatili combinationem intimam, resolvunt, placant archeum, spiritus dissipatos & in fugam conversos congregant, atque insimul sudorem blande promonent.

Perinde ac antimonium diaphoreticum, ejusque magisterium, bezoardicum minerale, martiale, joviale, pulveres bezoardici, major & minor, bezoar ipse orientalis, theriaca cœlestis, generosa existunt remedia, ut diascordium Fracastorii, hujusque census alia, usu solenni instaurata, latius haud commemoremus. Ita enim & febris inflammatoria arceri poterit, & fermenta putredinosa averti, ne emicent, ac vires fumant, negotiumque faceant, æque ac ichorescentia, & ab hac dependentia plura incommoda, amoveri.

Neque prætereunda ex *diureticis* resolventia temperata, præcipitantia, & blande invertentia, & his accensenda quoque alterantia. Quibus officiis non uno modo præesse possunt nitrosa & alcalina, inter quæ omnium instar laudari merebuntur oculi cancrorum, etiam hic, non una ratione, polychresti. Cum acidis vero caute potius erit mercandum, sulphurea autem temperata, uti semen lycopodii, rob Alkekengi, ipsiusque etiam ebuli, commodo se usu commendabunt.

Recensitis hisce colophonem addent *alterantia* & *confortantia*, tum generalia, tum specifica. Horum in censu venient (1) *bezoardica*, quæ miscelam sanguinis tutantur, turbatam ferenant, ac priori nobilitati restitunt, fermenta peregrina accessura avertunt, præsentia delent, qualia jamtum sub diaphoreticis nominavimus, & facile iisdem alia accensenda, v. c. extractum & decoctum scorzonæræ, cum C. C. & hordeo, vel magis, si necessum fuerit, compositum, aqua scorzonæ cordial. Herc. Sax. frigida, ceras nigræ cum nucleis destillata, simplex & composita, rubi item ideæ, & reliqua. (2) *Cephalica*, per se, & cum reliquis combinanda, uti, pulv. epilept. Marchion. cinnab. nat. & antimonii, specific. cephalic. corall. perl. spec. cordial. temperat.

temperat. pulv. e chelis cancr. Londin. & similia. (3) *Traumatica*, uti oculi cancrorum, jamtum laudati, essentia traumatica, summi usus, & omnibus indicationibus accommoda, pulveres ad casum, essent, mumiae ipsa, aliaque. (4) Ex recensitis *mixta & composita*, varia sub forma, pulverum, pilularum, potionum, emulsionum, (quorum usus est in praxi frequens & quotidianus,) prostantia, ut reliqua communia, certisque symptomatibus debita, cordialia, stomachica &c. suis e loculis petenda fusius haud delibemus. Prioris generis sunt gelatina C. C. sirupus granorum chermes, gemmatus, confectio de hyacintho, & reliqua.

Neque vero obstat, commemoratorum tam generalium, quam specialium in omnibus vulnerum capitis speciebus esse usum. Indicationes enim, quæ utrisque in multis sunt communes, communem quoque sibi medelam exposcunt; speciales autem, in hac occurrentes, & periculi ex gravitate maxima provenientes, sedulam magis, cautamque operam, ad salvandum hominem. Atque quemadmodum hinc inde in morbis, sic & in vulneribus capitis multis hinc fiunt monstra, sive miracula, insolita, ac minus consueta, sæpius phænomena ostendentia.

Quamobrem etiam diversum quid haud sentiendum de alterantibus & confortantibus *Topicis* seu *externis* medicamentis. Commoda enim hic & generalia communia, aquæ, mixturæ, & epithemata ad pulsus, balsama confortantia, non nimis calida, unguentum præcipue alabastrinum, temporibus applicandum, multisque ac maximis encomiis *Langio* in *epistolis* ornatum. Tacemus Topica specialia, quæ fissuris cranii debentur, earumque accidentibus, cum primis in majoribus contusionibus, quales ex bello solent reportari, ubi defensiva balsamica magni, & prorsus eximii, sunt usus.

Ita recensitionem pharmaceuticam remediorum, in compendio & summis in capitibus datam, finimus, artique servandorum horum, in discrimine hoc versantium, additum, plura desiderantem ad Practicos, *Berengarium* de *fractura cranii*, *Forestum* in *observationibus chirurgicis*, *Stalpartum* [1] *van der Wiel* in *Observ. rarior.* *Sennertum* in *praxi*, *Doleum* in *encyclopadia*, ut & superius jam laudatos antiquos, & recentioris ævi *chirurgos*, ablegamus.

Diaeta tandem paucis etiam erit commemoranda, ex regimine sex rerum non naturalium dependens & sedulo observanda. Aer ergo cordi habendus temperatus, & siccus magis, vitato frigido & humido austrino, radiis lunæ exposito, quæ arte sunt corrigendi. Unde & in deligatione vulneris sartago ferrea, carbonibus plena, chirurgis est ad manus. Alimenta, primis præsertim diebus, sint tenuia, nec valde nutrientia, haud flatulenta, aut caput obnubilantia, vel difficilis concoctionis. Abstinentum a calidis, aromaticis, & vino, ira, veneris amplexibus & affectibus animi; atque solatiis magis levandus, erigendusque æger, quam instantium extremorum, quod tonforum plebi maxime est consuetum, commemoratione, temere perterrefaciendus. De quiete jamtum dictum, quæ omni modo restituenda, abactis vigiliis. Alvus sui officii, si sit adstricta, admonenda, atque hinc reliqua excreta &


retenta

retenta moderanda, de quibus, ut & diæta univerſa ordinanda, evolvendus quoque *Berengarius*, & alii. Verbo, ſingula eo dirigenda, ut etiam hoc opus optatus coronet.

FINIS.



Fig. 5.



Tab. 1.

Fig. 6.




Fig. 4.




Fig. 1.




Fig. 2.





Fig. 3.



Fig. 5.



III.

DISSERTATIO

DE

TUMORE CAPITIS FUNGOSO

POST CARIEM CRANII EXORTO.

Quam Præside

JOHAN. FREDERICO CRELLIO,

Pro Doctoris gradu defendet

JOH. PHILIPPUS KAUFMAN,

LUNEBURGENSIS.

Helmſtad 6 Decembris 1743.

DISSEMINATION

OF

TUMORS OF THE UTERUS

AND OF THE VAGINA

AND OF THE

PERITONEUM

AND OF THE

BLADDER

AND OF THE

RECTUM

D I S S E R T A T I O

D E

T U M O R E C A P I T I S F U N G O S O

P O S T C A R I E M C R A N I I E X O R T O.

Quanquam ossa partes corporis humani sint fortissimæ ac robustissimæ, reliquisque quibus illud efformatum est pro fundamento ac fulcro interferviant, adeoque injuriis, quibus partes molliores obnoxix sunt, facilius resistere integritatemque suam conservare posse videantur, attamen nec ea a variis calamitatibus & afflictionibus immunia permanere teste experientia docemur. Mittimus in præsentem eas ossium ægritudines, quæ ipsis a vi externa, substantiam eorum diffringente & contundente, aut connexionem cum aliis turbante, imminere solent. Graves hæ utique, & molestæ admodum sunt, tamen apta peritæ manus repositione & deligatione facilius sanantur. Nec jam varii generis tumores, qui passim circa ossa observantur, & majorem jamdum in structura illorum interiore corruptionem testantur, prolixè commemorabimus: siquidem de his ex instituto in erudita Dissertatione anno 1741. in hac alma sub præsid. Illustr. HEISTERI nostri habita egit Clar. D. D. GOECKELIUS, ad quam plura de his doceri cupientem ablegamus. Illud tamen morborum genus silentio præterire non possumus, quod caries ossium in scholis medicorum appellari solet; hanc enim omnium læsionum esse maximam ac gravissimam, quæ si latius serpat, omnem sæpius medentium eludit operam, nec nisi tristissima membrorum extirpatione subinde tolli potest, scriptorum fide, & experientiæ suffragio, & rationis autoritate constare arbitramur. Inter has vero ossium afflictiones, quæ unicuique quidem ex eorum familia inimicæ ac perniciosæ sunt, nulla mihi ferocior nulla acerbior, magisque funesta videtur, quam quæ ossa cranii, quæ cerebrum animæ sedem ac domicilium cingunt ac muniunt, contaminare ac exulcerare solet. Et licet non ignota sint exempla eorum qui a carie cranii vindicati & integræ sanitati restituti sunt, ea tamen vel ad mitiores cariei gradus pertinere, vel eorum sanationem sæpius singulari naturæ robori in acceptis ferendam esse censeo, cum graviori quidem valentissima etiam corpora succumbere cogantur. In cujus rei testimonium ad illum casum provocamus, quem circa initium præter lapsæ ætatis hic observavimus, qui multa sane admiratione digna præbuit phænomena, ut paucos huic similes in practicum observationibus relatos esse recordemur. Quamobrem, cum studiis in Academiis ad finem fere perductis, mihi lauream doctoralem ambienti specimen qualiscunque doctrinæ medicæ typis exhibendum sit, hujus potissimum explicationem Benevolo Lectori exhibere consultum visum est; cum imprimis Ill. HEISTER-

R U S

R U S cranium illud, quod in instructissimo suo rariorum anatomicorum & chirurgicorum musæo asservat; pro singulari sua in me benevolentia mecum communicaverit, utque illud æri incidi curarem humanissime permiserit. Quod si in expositione gravissimi hujus casus non ubique lectorum expectationi satisfecero, ut primos hosce meos conatus benigna excipiant censura enixe rogo.

C A S U S.

Vir procerioris staturæ atque habitus corporis athletici, Potentissimi Regis Borussia militiæ adscriptus, triginta circiter & quatuor annos habens, non minus strenuus in castris Veneris miles, inde etiam consueta hujus militiæ præmia retulerat, cumque mala inde percepta aliquantum sopita potius quam penitus e corpore sublata essent, tandem fatalem illum morbum, quo e vivis sublatus est, contraxerat. Siquidem corpore impuris fuccis scatente castra sequi tenebatur, in quibus, præter victus inevitabilem ataxiam variisque aëris injurias ac vicissitudines, sæpius in locis udis ac paludosis requiescere, somnumque capere coactus fuit, corpore & imprimis capite non satis semper tecto atque munito. Unde factum, ut tumorem in latere capitis sinistro perciperet, initio vix nucem juglandem magnitudine excedentem, at temporis progressu tantam in molem excrecentem, ut non tantum os bregmatis sinistrum fere totum, sed & partem ossis bregmatis dextri, ultra futuram sagittalem occuparet, pugniue magnitudinem æquaret, cujus faciem prout exterius apparebat Fig. I. repræsentare studuimus. Licet æger nullum præter gravativum quendam capitis sub initium sentiret dolorem, tamen pejora metuens, medelam crescentis in dies mali circumspicere cœpit, cumque Medici & Chirurgi castrenses, post varia incassum tentata, infausa quæque ominarentur, & tristissima eum defererent prognosi, Helmstadium nostrum, ejusque decus immortale, Ill. D. Consiliar. Aul. HEISTERUM, Patronum Hospitem & Præceptorem meum ad urnam usque colendum adibat, ejusque non tantum consilium sed & auxilium si possibile foret implorabat. Hic re uti solet curatius explorata atque perpensa, dum tumor perquam durus ac immobilis fere erat, atque alios fere similes jam alias scalpello curaverat, nullam aliam præter operationem manualetn superesse opem pronuntiavit, nec tamen certum ipsi polliceri posse auxilium, dum, quam profunde descendat, & quomodo forte cranium imo ipsum cerebrum læserit, perspicere non posset, præsertim cum jam sæpius sensus sibi haud leviter turbari conquestus fuerit, sed casum hunc esse ejusmodi, de quibus Celsus scripsit, melius esse experiri remedium anceps, quam nullum. Cum itaque ægrotus recuperandæ valetudinis desiderio ad subeundam eam animum confirmasset, præparato convenientibus remediis corpore, horis matutinis frustulum lapidis caustici, quo Ill. D. HEISTERUS sæpius ad omnis generis tumores aperiendos utitur, qui ex calce viva & sale alcalino paratus erat, ad aperiendum & hunc

hunc tumorem imponebatur. Verum enim vero tribus vix elapsis horis largum, ut videbatur ex vasis cutis sanguiferis, insequabatur cruoris profuvium, quod tamen cum linamentis & spiritu vini rectificatissimo superimpositis rursus compesceretur, æger bene se habebat, & vires admodum constabant. Circa vesperam ejusdem diei tumore a fasciis spleniis ac emplastro, quod causticum suis coercebat limitibus, denudato, & quantum circumstantiæ postulabant dilatato, ob hæmorrhagiam iterum mox deligabatur. Vincitura satis iterum firmata nihil equidem incommodi sentiebat, hinc nimis audax in eo haud levem æger admittebat errorem, quod corpus, infcio & invito suo medico, externo frigidiusculo nimium exposuerit aëri, & per binas integras horas in area domus, rudibus tunc temporis ventis undique pervia, steterit atque ambulaverit; unde factum, ut brevi post horrore ac postea membrorum omnium lassitudine, extremarum partium horripilatione, motuque contremiscente, postque aliquot horas æstu ac pulsu febrili, sudore deinde largo per universum corpus prorumpente corriperebatur, quæ febris, ordinatis licet convenientibus remediis, illum per totum morbi decursum non deserebat. Postridie cum Ill. D. HEISTERUS, comitantibus ipsum compluribus Medicinæ studiosis, quibus & ego semper interfui, ægrotum renovandæ deligationis causa visitaret, novus apparebat tumor inflammatorius, qui totum os frontis lateris sinistri usque ad oculi sinistri palpebram occupabat, cui discutiendo accommodatum epithema imponebatur; antiquo vero tumori, ex quo remotis fasciis ichor cruentus effluebat, unguentum ex terebinthina & melle rosarum applicabatur, interim vires frangebantur, & cum inquieta corporis jactatione etiam delirium, quod, non obstantibus remediis præstantissimis, augebatur, accedebat. Cum sequenti die accederemus, ægrotum oculis clausis & labiis lividis moribundo similem deprehendebamus, ut non nisi difficulter ad novam excitari posset deligationem. Quæ peracta, aliquamdiu post, convulsiones utriusque pedis accedebant, tandemque circa meridiem viribus penitus fractis miseram mortalium cum vita feliciori commutabat. Cadaver postea ab Excell. Dom. PRÆSIDE dissectum sequentia obtulit phænomena: Integumentis capitis studiose separatim in conspectum veniebat tumor fungosus, ex rubro nigrescens, ex ipso cavo cranii perforati emergens; eo enim ope cultri anatomici exterius remoto cranii subiecta pars fœda carie exesa ac consumpta apparebat. Cujus veram constitutionem figura secunda & tertia a parte cranii exteriori & interiori exhibui. Totum os bregmatis sinistrum usque ad illum locum, ubi musculus temporalis eidem adhæret, asperum, porosum, & in minutas squamulas inordinato tractu reptantes, interjectis foraminulis resolutum, ita ut super coronalem etiam futuram cariola illa erosio versus ossis frontis dexteriores partem excurreret, & ad dextrum etiam os parietale trium digitorum latitudine spargeretur, in medio hiatus ingens, cujus diameter tres pollices magnitudine æquabat, conspicuus erat, ut tota illa portio ossis bregmatis consumpta, futura sagittalis deleta, & pars aliqua dextri etiam ossis ablata

esset, tota peripheria hujus foraminis inæqualis & prominentiis acutis, aliis longioribus, aliis minoribus, exasperata erat. Digiti circiter transversi, ab hoc majori, distantia, aliud minus foramen immediate supra lambdoideam futuram in sinistro bregmatis osse comparebat, pollicis circiter latitudine, ubi tamen lamina interior nondum penitus consumpta erat. Parte cranii superiori ablata in interna lamina latius adhuc proserpsisse cariem cernere licebat, ut non solum hiatus ille magnus interius latiore peripheriam occuparet, superstiti undiquaque in margine ad digiti latitudinem exteriore lamina, sed etiam arrosio illa morbida versus magnam partem ossis frontis, eo loco ubi processus falciformis duræ matris adhæret, excurreret, & ad latera quoque profundius quam in superiori tabula descenderet. Cranio itaque remoto, fungosam illam excrecentiam e dura matre ipsoque cerebro vitiato enatam esse manifestius patebat, cujus parte superiori horizontaliter resecta, ventriculum superiorem lateris sinistri ichore corrupto nigricante repletum, substantiam ejus inflammata ac sphacelata, ac inferiorem etiam medullarem partem ad basin fere cranii usque e regione ossis petrosi consumptam, plexum etiam choroideum affectum, sicque ad tertium ventriculum malum propagatum cernebatur. Etsi vero ex his sedes mali mortisque causa satis appareret, tamen in adiutorium gratiam thorax etiam & abdomeni aperiebantur, in quibus pleraque viscera sana reperiiebantur, nisi quod lobus dexter pulmonum pleuræ & inferius diaphragmati, sinister pericardio & diaphragmati valide adhæreret, substantia, hinc inde tuberculis scirrhis repleta; etsi nunquam de difficili respiratione conquestum esse constaret. In abdomine hepar in molem insignem excreverat, & pluribus quam consueto more locis cohærebat, omentum etiam inferius juxta pelvim cum utroque peritonæi latere & colo adjacente adeo firmiter concreverat, ut in latere dextro arcum coli multum deorsum traxerit, alterique ejus portioni veluti alligaverit: quæ dissertationem Excellentissimi D. PRÆSIDIS, de viscerum nexibus insolitis, iisdem diebus propositam, egregie illustrabant atque confirmabant.

§. I.

Ossa corporis humani, etsi firmiore fibrarum suarum arctissime sibi applicatarum cohæsione omnem fere vasorum accessum arcere, adeoque a læsionibus etiam, quæ a fluidorum corruptione in partibus mollioribus excitari solent, immunia esse primo intuitu videantur, accuratius tamen considerata, pluribus abundare vasibus, vitalem laticem ad nutritionem eorum afferentibus reperiuntur. Periostium enim, sensilissima illa membrana, eadem non solum cingit, sed fibras etiam intra eorum substantiam immittit, quæ nihil aliud, nisi subtilissimæ vasculorum, quibus ipsum abundat, propagines esse videntur, quæ non solum, per omnem eorum substantiam dispersæ, materiam nutritiam apponunt, sed & subtile ibidem oleum lubricandis iisdem necessarium secernunt, & pro diversa eorum fabrica, nunc in ossibus extremitatum cylin-

cylindricis in cavitates interiores sub nomine medullæ recondunt, nunc in spongiosis ossibus intra cellulas eorum deponunt, in cranii vero ossibus ad diploen utrique illorum laminæ interjectam conveyunt. Quamdiu itaque vitalis humorum circuitus per hæc vasa viget, integritas ipsorum ossium conservatur, eademque colore suo ex albo coerulescente, superficieque æquali & polita, sanitatis notam præ se ferunt.

§. II.

Quamprimum vero sanguinis lymphæque ad hæc loca accessus intercipitur, vel progressus per eadem impeditur, omnia illa mala, quæ in partibus corporis nostri reliquis ab obstructione, stagnatione, inflammatione, aliisque humorum corruptione excitari solent, in ossibus etiam metuenda sunt, tanto majori cum periculo, quo magis illa in abscondito latent, adeoque tam internorum quam externorum remediorum ad partem adfectam adplicationem, indeque sperandam restitutionem, difficiliorē reddunt: unde brevi ipsius ossis corruptio sequitur, quod proinde colorem suum naturalem amittit, & sub initio pallide albicantem, mox flavum, denique nigrescentem adsumit, superficies illius aspera & inæqualis apparet, denique vero substantia ejus friabilis redditur, penitusque exeditur, & in foetidum ichorem colliquatur.

§. III.

Facile patet, hanc ossium læsionem nunc ab injuriis externis, nunc ab interna humorum dispositione originem suam ducere posse. Omnia enim vulnera, quæ ad ossa usque penetrant, simulque periostium adficiunt, ejusque cum osse subjecto cohæsionem tollunt, in parte hac membrana nudata commercium vasorum tollunt, debitoque illam nutrimento privant, sicque partem ad citam necrosin disponunt, tanto certius secuturam, si pars ista ossis aperti aeris exterioris accessui exponatur, indeque vascula ejus constringantur, vel pinguibus aliisque unguinosi obstruantur. Imo etiam in ejusmodi læsionibus, quæ clausis adhuc tegumentis externis ad periostium penetrant, materiaque acri purulenta eo deposita illud corrumpunt, similis effectus vix evitari potest. In eo tamen hæc ossis, a periostio ab externa violentia male adfecto, corruptio, si corpus ceteroquin sanum, humoresque blandi & euchymi fuerint, meliora sperare jubet, quod læsi separatio, deperditique restitutio facilius succedat: siquidem etsi vasa loco læso immediate substrata soluta fuerint, eadem tamen succo laudabili a vicinis suppeditato prompte satis regenerantur. Multiplex enim experientia docuit, ex interioribus succrescentia vasa brevi iterum membranam deficientem restituisse, sicque os ab ulteriore ejus corruptione præservasse, dummodo aeris externi frigus provide arceatur, utpote qui tenera illa vascula, a quorum integritate omnis sanationis spes pendet, constringendo, ea ad transmittendos succos

inepta reddit atque emortua; quod idem de pinguibus observatur, quæ poros subtilissimos obstruendo regenerationem impediunt. Quodsi etiam exterior una alterave ossis lamina jamdum a causis commemoratis corrupta fuerit, ut cum sanis amplius cohærere nequeat, sed tanquam pars vita carens separari debeat, hoc ejusdem naturæ beneficio fieri videmus: siquidem vasa substrata adhuc integra sensim succrescentia superiorem à nexu cum reliquis dissolvunt, atque separant, quod *exfoliationem* appellamus, novamque in illius locum restituunt, dummodo impedimenta exterius removeantur, & balsamicis congruis vasa roborentur. Quodsi difficilius etiam tardiusve hæc corrupti a sano separatio succedat, si soli naturæ relinquatur, ars illam promoveri multis modis valebit: ut enim acriorum remediorum adplicationem nunc taceamus, vel solam terebrationem in pluribus ossis adfecti punctis institutam vasorum suppositorum citiorem proventum, sicque corrupti secessum insigniter promoveri compertum est, ut ad fortiora illa remedia, quæ omnia ossa ferre non possunt, accedere necesse non sit; siquidem alias in profundiori ossis corruptione nunc lima vel scalprum rasorium, quibus pars mortua auferitur, donec ad sanum pervenisse color naturalis testatur, nunc cauteria eundem effectum præstitura, commendantur. De quorum adplicatione tanto minus prolixi erimus, quo luculentius hæc a præstantissimis nostri ævi Chirurgis exposita sunt, quos inter Celeberr. HEISTERI Chirurgiam P. I. L. V. C. VIII. plura de his scire cupienti commendamus. Illud tamen omnibus his modis obtinetur, ut sic pars illa, ab injuria externa destructa, a commercio cum sanis, quam primum fieri potest, removeatur, atque in locum illius, ope laudabilium succorum a vasis suppositis atque vicinis allatorum, nova restituatur, suoque perioestio denuo oblecta externi etiam vulneris coactum permittat. Quamdiu enim ossis corruptio aliqua adhuc superest, neque partium incumbantium consolidatio succedit, neque si etiam cicatrix aliqua obducatur, diu illæsa manebit; sed osse latius interea destructo, molles etiam partes inflammatione & ulcere mali moris denuo corripientur. Unde etiam potissima hæc medentium cura esse debet, ut si in ejusmodi læsionibus gravioribus signa aliqua ossis labe infecti compareant, atque accessus oculis manibusque ad sedem mali non pateat, eam in aprico, dilatato exteriori vulnere, sistant, ne dum illa intacta relinquitur, ulterius progrediendo immedicabile demum malum reddatur; quod notabili inter alia exemplo Celeb. SLEVOGTIUS Diff. de *Cariæ Cranii* Jen. 1695 habita confirmat; dum chirurgus læsionem cranii ab immaturo piro, ex alto in dextrum sinciput projecto, non obstantibus gravioribus symptomatibus tanquam læsionem solorum integumentorum tractaverat, & neque puri exitum procuraverat, neque os læsum detexerat, donec cranio secundum tractum totius futuræ sagittalis penitus exeso, materia ad duram matrem delata eandem simul corruerit; miserumque ad mortem deduxerit.

§. IV.

Ex quo satis intelligitur, quanto deterioris conditionis illi censendi sint, quibus ejusmodi vitia ex prava humorum dispositione interna oboriuntur, siquidem illa tacite sub initium radices agunt, neque ante facile manifesta sui indicia edunt, quam magnam jamdum ossium labem ægre reparandam induxerint, neque etiam, si demum, exterioribus in consensum tractis, erumpant, promptam admittunt medelam, cum a vitiatis humoribus succus ille blandus, qui ad corruptas partes separandas, atque novas restaurandas adeo necessarius est, suppeditari nequeat. Sæpius autem prohi dolor contingit, ut in corporibus impuris, fluidorum visciditate atque acrimonia laborantibus, materia peccans circa ossa hæreat, atque in subtilissimis vasculis, quæ partim intra laminas substantiam eorum constituentes decurrunt, partim ad medullam feruntur, stagnando inflammationes pessimi generis excitet, siquidem ichor ex minus laudabili suppuratione generatus, cum nullum exitum inveniat, quo diutius ibidem hæret, eo majorem acrimoniam contrahit, vicinas undique partes inficit, & medullæ inprimis oleo junctus pessimam naturam induit. Unde vel in tumores demum ad exteriora vergentes ossa elevat, nunc vehementissimo dolore spinæ ad instar infixæ molestos, quos *spina ventosa* nomine propterea insigniverunt, nunc magis indolentes, *exostoseos* nomine venientes, vel latissime serpente carie omnem ossis substantiam depascit. Quicquid itaque naturales excretiones, quibus alias excrementitiæ partes e corpore proscribuntur, sufflaminat, atque constricto inprimis corporis habitu, motum humorum ad interiora auctiorem reddit, periculosos ejusmodi in ossibus morbos metuere jubet: inprimis si humores jamdum a naturali temperie declinantes peccantis materiæ exitum in exterioribus partibus quæsierint, inde vero perversis artificiis retropulsæ, aut aliis ex causis retrocedentes, acquisita deteriori indole ad penetralia corporis ruant.

§. V.

Inprimis si venereo miafmate inquinati fuerint humores, illius vehementia sæpius tristes ejusmodi eventus in ossibus producere deprehensa est. Uti vero illud sæpissime impuro cum infectis commercio contrahitur, suamque vim sub initium potissimum circa partes, quibus conceptum est, exferit, partesque genitales varie inflammando atque rodendo primum se manifestat: ita exulcerata proflata, indeque per gonorrhœam facta puris excretionem, non facile latius serpit, quamdiu materiæ corruptæ evacuatio per has vias succedit, aut in proximas forte glandulas inguinales, mediantibus vasis lymphaticis cum genitalibus communicantes, deposita excitatis bubonibus exitum quærit. Si vero imprudenti, at nimis frequenter ab imperitis probato, consilio sine sufficienti correctione gonorrhœa præmature sistitur, aut bubo-

nes repellentibus dissipantur, intra vasa receptum virus totam humorum massam contaminat, viresque acquirit eundo, & non solum partes molliores ac glandulosas, inprimisque palati & faucium regiones occupat, pessimisque ulceribus depascit, sed demum etiam in ipsis ossibus figitur. Si enim vegeto satis humorum circuitu subtilior, at simul etiam acrior reddita fuerit, ut per reliquas laxiores partes sine adhæsione transire possit, majorem tamen resistantiam in transitu suo per ossium vasa deprehendit, ibidemque sistitur. Uti vero extremitatum ossa majora subinde occupat, ita frequenter admodum cranii ossa densiora petit, ibidemque excitatis gravissimis plerumque doloribus, noctu inprimis sævientibus, non solum vasa periostii destruit, sed intra diploen illorum hærens longe lateque serpit, donec exesa utraque lamina corruptum liquamen partim ad exteriora effundit, & sic integumenta quoque lædit, partim ad duram matrem deponit, pessimisque symptomatibus eandem afficit. Quantum in ossibus cranii erodendis valeat venereum virus ex CHESLEDENII splendida Osteographia inter alia discere possumus; in qua cum morbidorum etiam ossium varias deformationes exponat, Tab. XLI. XLII. tria crania exhibet, in quibus non solum substantia ossea late erosa, & inæqualis reddita sistitur, sed variis etiam locis utraque tabula consumpta cernitur, ut dura sub his mater in conspectum prodierit; insimulque notat, quod in una ægra, cujus cranium illa tabula exhibetur, nullum fere os sanum integrumque post mortem deprehensum sit, unde Tab. XLVIII. os femoris, tibiæ, fibulæ, humerique misere in eodem subjecto carie defœdata delineat.

§. VI.

Eandem etiam funestæ, quæ nostræ objectum est dissertationis, cariei causam extitisse, ipsius ægri, dum viveret, relatio confirmabat, utpote qui nullius læsionis externæ, olim in loco adfecto acceptæ, memor, a qua prima stagnationis aut effusionis humorum indeque secutæ cariei origo repeti potuisset, lue tamen venerea, quæ gonorrhœa virulenta & bubonibus se manifestaverat, antea se laborasse confitebatur, quibus cohibitis & repulsis se ab omni ulteriori periculo immunem esse credidisset. At vero non penitus infractam fuisse acrimoniam, sed effectus duntaxat in exterioribus perceptos suppressos, ipsamque labem ad interiora delatam esse tristis demum eventus docuit. Ille nihilominus de tam periculoso, quem intra sinum fovebat, hoste nimis securus, castra secutus adversus hostes alios vadit, ibidemque omnibus injuriis, quæ expeditionem, hybernæ inprimis, comitantur, expositus, graviora contraxit mala. Siquidem a frigidiore humidoque aëre, in quo dies noctesque degere, somnumque sæpe locis paludosis humi prostratus capere coactus fuit, omnem per habitum corporis expirationem, qua ceteroquin multæ impuritates e corpore proscribuntur, cohibitam, sicque constrictis exterioribus, ad nobiliores partes compulsos fuisse humores facile colligitur. Ipsis præterea gravioribus, quæ in itinere, vigiliis nocturnis, aliisque belli-

cis occupationibus militi fubeundi sunt laboribus, ut alios forte in diæta commissos errores taciti prætereamus, humores vehementius commotos, indeque magis acres redditos, tanto majori impetu in vasis suis destruendis egisse, non obscurum esse potest; cumque per ossium inprimis compactiorum substantiam trajiciendos humores maxima invenire obstacula supra jam monitum sit, in cranii potissimum ossibus sedem suam fixit, ibidemque late diffusam cariem induxit, Qua occasione illud mirum videri poterat, quod de vehementioribus doloribus illo tempore perceptis non conquestus fuerit, qui alias, acrimonia venerea hæc loca arrodente, noctu inprimis molesti, & fere intolerabiles esse solent; attamen cum hos eo potissimum tempore, quo calore lecti humores rarefacti ad locum adfectum ruunt, percipi constet, extra hunc minus atrociter sævientes, hinc forte contigit, ut minus inter arma illis adfligeretur: ut taceamus insignem etiam subjectorum in ferendis doloribus diversitatem, qua alii confirmatori habitu gaudentes vix ab iis adficiuntur, quæ delicatioribus non sustinenda videntur. Semel vero corrupto pericranio, sensu exquisitiori prædito, inde per ipsam ossis substantiam latius proserpens malum vix adeo insignem sævitix suæ perceptionem excitabit. Sic itaque tacitis progressibus increfcens malum, demum ad ipsas meninges perrexit, & prima tumoris fundamenta jecit.

§. VII.

Optimo sane consilio sibi prospexisset, si vel hæc novo phænomeno commotus statim de conveniente medela sollicitus peritis rem aperuisset, neque, quod in his casibus sæpissime magno ægrorum damno fieri solet, parva hæc initia contempsisset. Spes enim erat, tunc non solum internis remediis humorum intemperiem corrigi, sicque ulteriorem mali progressum impediri potuisse; atque, licet his etiam corrupta ossis pars iterum emendari non potuisset, fonte mali integumentis remotis detecto demortuum a sano separari, & sic perditam restitui potuisse sanitatem non dubitamus. Siquidem plura apud Chirurgiæ Scriptores præstant exempla, quod insignes ossium etiam cranii partes carie corruptæ, si tempestive ad illa removenda accesserint artifices, tam felici successu ablatae fuerint, ut novum deinde tegmen mollius sub initium, demum callosum redditum, succrescens ea ex voto consolidaverit. Memorabile inter alia exemplum Clariss. GOTHOFREDUS SAND Dissertatione, quam *de fungo cerebri feliciter exstirpato* conscripsit, & Regiomonti anno 1700 edidit, latioris cariei, ab inflammatione & pure sub cranio collecto inductæ, consignavit. Siquidem post cephalalgiam insignem, indeque ortum integumentorum capitis tumorem inflammatorium, cum abscessu, licet aperto, & quantum fieri posset mundato, vulnus ad coalitum perducere non posset, sed tenuis sanies profundius originem ducens ex eo promanaret, & immisso in orificium stilo, ad interiora malum tendere innotesceret, ac denudato osse, illud in concursu sagittalis non minus & coronalis futuræ aspe-

rum

rum & scabrum deprehenderetur, adplicato trepano exemptum officulum tota interiore lamina cariem passum, atque sub illo fungosa caro latius expansa cum pure erumpente cernerentur, aliam viam nullam superesse intelligebant medentes, quam ut tribus distinctis locis ossis sani partem trepano perforarent, & ferrulis minoribus interstitia foraminum modiolis factorum discinderent, atque elevatorio postea adplicato reliquas ossis partes eximerent, sicque omni carioso remoto, ipsam etiam inchoantem duræ matris in fungosam carnem mutationem convenientibus remediis tollere studerent; quibus ex voto succedentibus, facta marginum ossis desquamatione, post aliquod tempus interstitium illud nova carne sensim indurata replebatur, atque a capitis dolore & ab omni labe immunis diu superstes remanebat. Non minus elegantes, ac notatu dignæ, de magna ossium cariosorum parte, pluribus trepanis feliciter excisa, observationes in Tomo I. Commentariorum Academiæ Regiæ Parisiensis Chirurgicæ, qui hoc anno Parisiis prodiit, Dissertatione *de cranio pluribus locis per trepanum aperiendo* pag. 262 seqq. occurrunt: siquidem in alio post tumorem in vertice apertum, pus foetidum admodum plorantem, caries palmæ latitudine, cum foramine amplo in medio conspicuo inveniebatur, ad quam tollendam, cum alia remedia frustra tentata essent, ad trepanum confugiendum erat, quod octo distinctis locis in peripheria ossis cariosi, applicari debebat, ut illud totum auferri posset: in alio, qui simili tumore correptus erat, unde potissimum interior tabula latius quam externa exesa erat, ut ipsa etiam duræ matris & cerebri superficies, duorum digitorum latitudine, male affectæ essent, trepano variis in locis applicato, aliorumque instrumentorum apparatu, tantum de ossibus auferendum erat, ut hiatus, quinque pollices longus, quatuor latus, pateret; Nihilominus in utroque, prægressa exfoliatione, magnum illud interstitium nova carne repletum, ægrofque, cicatrice integumentis inducta, perfecte sanatos dimissos esse memoratur. Qua occasione pag. 268 de modo, quo ejusmodi foramina, sive ampliora, sive minora, obturentur, disquiritur, & carnem illa replentem, postea in callum indurandam, nunc e dura matre exsurgere, & solam sufficere, nunc cum alia ex diploe ossis residui emergente jungi, sicque deperditum restitui notatur; Quam diversitatem C E L S U S jamdum annotavit, dum Lib. VIII. c. 4. circa finem de calvæ consolidatione his verbis concludit: Si bene res cedit, incipit ab ipsa membrana, vel si os eo loco duplex est, inde quoque caro increfcens, id, quod inter ossa vacuum est, replet. Quem ultimum modum pro maxime naturali atque perfectissimo habemus, siquidem cum illo, quo alia etiam ossa, fibris e parte sana productis, regenerari novimus, quemve etiam in partium mollium vulneribus consolidandis obtinere quotidie cernimus, maxime convenit: minimum illæ productiones, quæ a sola meninge enatæ, & cum integumentis externis junctæ sunt, tantam soliditatem vix nanciscentur, quanta ab osseo tegmine expectari poterat, etsi ad defendendum aliqua ex parte cerebrum forte sufficiant.

§. VIII.

Verum enim vero, cum æger ne illo quidem tempore de tollendo malo sollicitus esset, in pejus quotidie ruere, difficilioremque reddere medelam cœpit. Siquidem cum ichor ille, ex destructis diploes vasis generatus, nullum inveniret exitum, internam cranii tabulam, quam ob teneritatem, qua externam multum superat, vitream appellant, demum perrumpebat; hanc enim, ut in plerisque hujus generis observationibus notatur, in nostro etiam casu citius latiusque exesam fuisse, autopsia dempto cranio evincebat, uti figura nostra tertia illud exprimere studuimus, & in recensione casus fusius descripsimus. Supra duram vero meningem deposita sanies, fibras ejus arrodens, primam fungosæ protuberantiæ occasionem dedit, siquidem continuante in suppositis vasis adhuc integris vitalium humorum adpulsu, læsæ quidem fibræ denuo succrescunt, at superficie non debite mundata in carnem ejusmodi luxuriantem attolluntur. Cum vero demum externa etiam ossis lamina exederetur, atque totum os latius in dies consumeretur, sicque tegmen illud osseum, quod substratas partes coercet, removeretur, intra ipsum ossis hiatus meninx ascendebat, atque ab inæquali foraminis margine, protuberantibus hinc inde acutis festucis, perpetuo irritabatur, majorque sic humorum affluxus concitatus largius etiam tumoris incrementum promovebat. Cum vero laxata sic tunica minus valide subjectum cerebrum constringeret, ipsius etiam substantia humorum, valida satis vi cordis eo adpellentium, impetui cedebat, & sensim in tumorem pariter fungosum assurgebat.

§. IX.

Duplicis esse generis fungos post læsionem cranii emergentes, alios, qui duræ solum matri adhæreant, alios, qui ex ipsa cerebri substantia emergant, jamdum Wilhelm. Fabric. HILDANUS Observat. Chirurg. Cent. II. Obs. 36. notavit. Priores integra dura matre enascentes rarius, nisi affluxus humorum supra modum magnus sit, adeo magnos fieri censet, ut extra vulnus promineant, faciliusque medelam admittere; posteriores vero, rupta dura meninge, promptius multo, elevata pia matre, in altum assurgere, atque extra oras vulneris protuberare, omniumque esse periculosissimos, atque ut plurimum lethales, monet. Ad priorum sensum pertinuisse crediderim, fungum illum, de quo Cl. SANDTIUS in Dissertatione superius commemorata egit, utpote quem duræ matris solum exteriori parti sub osse corrupto adhæsisse, neque adeo insignia incrementa cœpisse, cerebrum vero sub illa integrum mansisse, accuratius inspicienti patet; unde etiam detecta mali sede facilem satis medelam admisit, minus vero accurate fungus cerebri in rubro appellatus esse videtur. Neque vero folius etiam duræ matris fungos adeo arctis semper limitibus contineri, exemplum a Cel. IO. SALTZMANNO

adnotatum docere poterit, quod magnam cum nostro analogiam præ se fert, nisi quod ab ictu externo prima ejus origo deducatur: illud non solum in Commentariis Acad. Scient. Petropolitanæ Tom. III. pag. 275. ex ejus literis excerptum breviter commemoratur, sed fusius etiam in Actis Acad. Cæsar. Nat. Cur. Vol. II. Observat. C. ab eodem descriptum legitur. Tumor ille, os frontis & bregmatis lateris sinistri occupans, ad ovi gallinacei magnitudinem sub integumentis excreverat, qui, ob concitatos vehementes dolores inicifus, parum materiæ purulentæ fuderat, cumque, portione ejus resecta, reliquias suppuratione, sub initium ex voto succedente, tollere studerent, undecimo tamen die, vomitu bilioso & deliriis correptus æger obierat, spemque medentium frustraverat. Impetrata sectione, in ipso cranio hiatus insignis magnitudine ovi gallinacei patebat, interna tabula magis quam externa carie exesa erat, dura mater eo in loco in plicas corrugata & velut callosa reperiiebatur, e qua caro fungosa enata, eique firmissime adnata esse videbatur: inter duram matrem & cranium latius expansa atque multum compressa, foramini firmiter impacta, & undique adhærens, ejus inæqualitates profunde subiit, ut cranium vi avellendum esset, tumorque situm mutare non posset; de læsa vero substantia cerebri nihil additur, quod profecto ab accuratissimo anatomico, si quid in eo notatu dignum occurrisset, non fuisse omissum certo confidimus. Ut adeo injuria C E L S U M qui tale duræ matris incrementum præternaturale Lib. VIII. c. 4. commemorat, a Cl. GERARDO VAN SWIETEN accusari crediderim, ac si cerebri ipsius fungum pro duræ matris tumore perperam habuerit. Siquidem ordo propositorum satis evidenter ostendit, eum accurate de duræ matris vitiis a se observatis agere. Primo enim de inflammatione duræ matris his verbis tradit: *Si membrana per inflammationem intumuerit, infundenda erit rosa tepida.* Post subjicit: *Si usque eo tumebit, ut super ossa quoque emineat, coercebit eam bene trita lenticula, vel folia vitis contrita, & cum recenti vel butyro vel adipe anserino mixta;* Atque his statim annectit: *At, si parum pura membrana videbitur, par modus ejus emplastri & mellis miscendus erit.* Tales vero tumores neutiquam inter mera figmenta referendos, sed duræ matris fungos potius accurate ab iis, qui cerebri substantiam occupant, distinguendos esse, vel ea exempla quæ, hoc paragrapho adduximus, evincere possunt; unde potius ab aliis autoribus subinde minus accurate indagatos falso nomine pro cerebri fungis descriptos, sicque rariorem priorum mentionem factam esse censeo.

§ X.

De ipsius cerebri fungis recte quidem modo laudatus Cl. VAN SWIETEN T. I. Commentarii in BOERHAAVII Aphorismos de cognoscendis & curandis morbis p. 439. & 484. monet, quamdiu dura mater adhuc integra sit, raro ipsius cerebri fungos enasci, siquidem firma hæc membrana sat arcte conf-

constringat suppositam cerebri substantiam, hac vero demum soluta vasa cerebri, hic tunicis elasticis destituta, fluidis, valida cordis contractione eo propulsis, minus resistere posse, adeoque quam maxime dilatari, & in mirros illos tumores elevari. Interim nec hoc in universum obtinere insigne inter alia exemplum, in supra citatis Commentariis Acad. Chirurg. Paris. p. 227. relatum, confirmat. Cum enim ægra acerbis per plures annos capitis doloribus vexata, adhibito frustra trepano, ubi nulli sub cranio effusi humores, nulla meningis corruptio, præter majorem ejus tensionem comparebat, hujus etiam incisio nullum levamen afferebat, tandem obiret, post sectionem cranio ablato tres cerebri fungi in conspectum venerunt, e substantia ejus corticali enati, duræque matri adhærentes, quæ illo loco admodum crassa inveniebatur, os vero superimpositum ita attenuatum erat, ut vix folium chartæ, qua ad scribendum utimur, crassitie æquaret. Ex quo satis apparet, tantum interdum esse humorum impetum, ut non mollis solum cerebri substantia, sed superincumbens etiam membrana, imo os ipsum cedere, etsi non sine insigni dolorum exacerbatione, cogatur. Multo igitur facilius continget, si parte calvariæ cariosa corruptione ablata, meninx, eo loco a pressione libera, relaxata, atque intra hiatum propulsa fuerit, ut aliqua naturali major expansio, ob imminutam duræ matris constrictionem, in ipso etiam cerebro insequatur; etsi illam multo celerius diffundi facile largiamur, si, prorsus aperta meninge, nullum plane obstaculum humores vasa debilia dilatantes inveniunt. A subito enim incremento, una cum texturæ laxæ & spongiosæ similitudine, fungorum nomen his tumoribus adhæsisse facile conjicimus. Mira satis ejusmodi tumorum celerrime incrementum exempla HILDANUS in suis observationibus nobis exhibet: non solum enim Cent. I. Observ. 15. pueri quatuordecim annorum meminit, in quo, post cranii fracturam & meningis dilacerationem, exortus sit e vulnere fungus, qui intra viginti quatuor horas ita excreverit, ut magnitudine ovi gallinacei extra cranium emineret, qui tamen ab ipso fomentis & pulveribus nervinis atque exsiccantibus percuratus fuerit, ut intra quatuordecim dies subsederit. Sed longe magis admiranda, imo stupenda prorsus videtur historia Centur. IV. Obser. III. ex litteris JOANNIS DE BURGO deprompta, qua puer memoratur, ex cujus cranio post trepanationem ob pus intus latens, quod sub ipsa operatione cum impetu proruperat, institutam, membrana fungi instar eminuerit, quæ cum cohiberi, quo minus latius expanderetur, non posset, filo circumligato constricta atque resecta fuerit, ubi tamen brevi nova portio ad trium digitorum altitudinem succreverit, denuo rescecanda, quod aliquoties iteratum fuerit, ut cerebri portio ad pugni magnitudinem excisa fuerit, ægro nihilominus, etsi negligentius tractaretur, præter spem convalescente, postquam reliqua cerebri portio paulatim subsedisset, callusque foramini innatus esset. Felices merito prædicandi, qui tam atroci malo correpti, tandem tamen medentis dexteritate, naturæ robore, ne dicam fato, adjuta, ex eodem eluctantur; sæpius enim vel providissimam curam ob indicatio-

num hic observandarum gravitatem irritam fore facile perspicimus ; partim enim luxurians illa portio, quæ ad priores angustias reduci nequit, removenda est, partim vero subito nimis renascentia hæc, hydræ instar lerneæ, stamina coercenda sunt. Uti compressionem validam, ita pariter ligaturam, quæ tamen potissimum hic requirerentur, vix ferre poterunt tam tenera cerebri vascula, ut subjectæ partes putridæ corruptionis periculo non exponantur, ad quam illo tempore jamdum proclives esse solent hæ partes, ut vel sibi relictæ in eandem ruant. Hoc enim fato sæpius ejusmodi ægros interiisse binis tantum observationibus, ex pluribus, quæ hinc inde prostant, confirmasse sufficiat. Priorem Cl. K O E N I G in Miscell. Nat. Cur. Dec. II. Ann. I. Observ. 167. consignavit ; dum post cranium carcinomate exesum, denudatamque & disruptam duram matrem, sensim e foramine ampliore reddito cortex cerebri, tenui meninge adhuc ex parte obductus, prorupit, in diesque auctus pomi magnitudine extra cranium in conspectum venit, unde tandem ægra post deliria sopore fatali correpta obierat : post sectionem, cerebrum in parte affecta corruptum & quasi sphacelatum apparuit, multoque pure viridescente repletum, cujus non parva copia etiam circa principium medullæ spinalis & cerebellum hæsit. Alterum a Cl. A N H O R N I O copiose relatam in eorundem Ephemer. Dec. II. Anno IX. Obs. 174. notamus, ubi post lapsum pueri ex equo, indeque læsum dextrum bregmatis os, fungus ex cranio pertuso emerfit, primo digitum crassus, pollicem longus, qui per aliquod tempus exsiccantibus tractatus, parumve mutatus, tandem largius succrescere cœpit, unde pulvere ex Euphorbio & alumine usto insperfo sublatum fuit ; intra viginti quatuor horas vero alius ovi gallinacei magnitudinē excrevit, in quo valida vasorum pulsatio percepta fuit, quem cum rodentibus frustra tentari cernerent, filo circa angustiores radicem constrinxere, donec maxima pars cum insigni foetore tandem decideret, reliquæve corruptæ separarentur, quas tamen statim alius cinericei coloris, nucis juglandis magnitudine excepit, qui itidem post paucos dies sponte quidem subsedit, relicto insigni hiato in substantiam cerebri penetrante, qui tamen unius noctis spatium totus novo fungo oppletus fuit : donec tandem sub gravissimis symptomatibus quarto post acceptum vulnus mense interiit ; quorum mentione prætermittam, interiorem solum cerebri, prout post sectionem deprehensa fuit, faciem adhuc commemorabimus ; siquidem insignis pars de substantia cerebri ad basim ejusdem usque absumpta cernebatur, ventriculi cum omnibus encephali internis meatibus pure insigniter foetente inundati, plexus choroidei putridi, nigricantes & corrupti erant, inferiora cerebelli etiam imprimis dextro in latere sanie foetida consumpta reperiabantur, quin imo cum medulla spinali intra vertebrarum specum pus descenderat.

§. XI.

Eadem fere nostri ægri fata fuisse ex historia sub initium enarrata patet ;
siqui

siquidem hic pariter pus copiosum ad ventriculos cerebri depositum, non eos solum cum plexibus choroidæis infecerat, sed medullarem substantiam ad basim fere usque cranii in ichorem putridum converterat. Neque enim bonæ notæ pus in molli hac & friabili fabrica, tot tamen vasis irrigata, & humorum copiosiori affluxui obnoxia, expectandum erit, imprimis si humores jamdum acriores, aliave labe infecti fuerunt, sed potius inflammatione in ejusmodi ægris excitata loco legitimæ suppurationis funesta gangræna metuenda erit. Forte quidam læsos, in quibus magna etiam substantiæ cerebri pars ablata fuerit, melioribus fati restitutos fuisse objicient, atque ad HILDANI experientiam, pluribus exemplis in Centur. I. observ. 13. confirmatam provocabunt, cui etiam recentiores Chirurghi Galli in suis Commentariis p. 310. seq. adstipulentur, qui proluxa de vulneribus cerebri dissertatione, illud sine certo mortis periculo varias sectiones admittere posse crebriorum casuum eventu docere, atque chirurgos ad tentanda in extremis periculis extrema etiam remedia, præter spem sæpe feliciter cessura, excitare studuerint. At vero uti hæc felicitis eventus exempla inter rariora potius & singularia referenda esse, quam ut similem successum ubique sperare liceat, ipsi fateri coguntur; ita non negligendum videtur discrimen, quod inter læsiones a causa externa inflictas, & puris generationem a causa interna intercedit. Si enim homines ceteroquin valentes, bonisque succis gaudentes, forte fortuna ita vulnerentur, ut dissecto cranio pars simul cerebri tollatur, lætiora omnino sperare licet, quoniam patente plaga remediis congruis accessus, puri vero liberior exitus, patet, atque blandis humoribus deperditum prompte restituitur: longe tamen deteriora secutura esse intelligimus, si malum a causa interna obortum fuit, aut ubi externæ etiam injuriæ præcesserint, ab hac tamen sustentatur, integumentis vero integris, vel exigua rima patentibus, aut exitu a fungo obturato, pus ibidem generatum intus occlusum detinetur, sicque temporis tractu acrius redditum profundius medullarem substantiam exedit. Quale exemplum in Ephemer. N. C. Cent. VIII. obs. 21. de carie ossis bregmatis & temporum dextri cum cerebri putrefactione, in foemina, quæ antea ulceribus venereis laboraverat, refertur: atque non minoris momenti in eorundem Actis physico-medicis Vol. IV. observat. 100. exhibetur; dum foemina a contusione exiguum sub initium tumorem acceperat, qui vero post mensium cessationem in dies adauctus, & cum carie cranii conjunctus, demum ob pessimam inflammationem, quæ magnam utriusque cerebri substantiæ partem corruperat, & pus foeditissimum intus cumulatam funestus extitit: ut alia nunc his similia taceamus. Quod si enim sub initium, quamdiu intra corticalem substantiam hæret, aut exiguum cerebri ambitum occupat, sua etiam functionibus cerebri integritas constet, latius tamen intra medullarem substantiam propagata, atque ad corpus usque callosum, imo ipsam medullam oblongatam penetrans corruptio, tristissima profecto symptomata generabit. Oppressis enim aut arrosis staminibus, a quibus tubuli nervosi originem ducunt, sensuum pariter ac motuum turbas excitari

neceſſe eſt; indeque vertigines, ſcptomias, deliria, ſoporofos atque paralyticos affectus, aut motus convulſivos nunc particulares, nunc univerſales, intus latentis mali gravitatem indicare, brevique interitum accelerare cognoviſcimus.

§ XII.

Non dubito fore, qui illud timidorum, ſuæque magis exiſtimationi quam miſerorum ſaluti proſpicientium, conſilium, *deſperatos non eſſe attingendos*, probantes, noſtrum etiam ægrum, tam gravibus malis correptum, ſuo potius fato relinquendum, quam ancipiti medelæ ſubjiciendum fuiſſe, judicio ex eventu deprompto, arbitrentur. Verum enim vero, quamdiu tumor hic ſub tegumentis externis, quæ in parte capitis capillata præ ceteris partibus craſſiora ſunt, latebat, a quibus citum nimis ejus incrementum aliquantum coercebatur, phænomena in eodem obvia non omnem ſpem feliciſſimi ſucceſſus tollebant. Siquidem tactu exploratus, durus atque immobilis deprehendebatur, & tumoris cſtici, vel peculiaris abſceſſus, qui haud raro & in capite obſervantur, faciem præ ſe ferebat, quales ſæpius optato cum ſucceſſu illuſtris H E I S T E R U S extirpaverat. Hos vero ſibi relictos non ſolum mole in dies augeri, ſicque pondere moleſtos fieri, ſed non raro materia intus contenta acriori reddita, folliculo demum deſtructo, partes vicinas quoque corrumpere conſtat; & in noſtro etiam pericranium partesque ſubſtratas nobiliores affici, ſenſus ille vertiginis non raro perceptus indicabat, hinc tanto magis ad promptam medelam, quæ ulteriorem ejus progreſſum ſiſteret, ferendam excitabat. Cum vero de cætero ſenſus ſatis ſibi conſtarent, atque in motibus animalibus exercendis adhuc vegetus eſſet, & in ipſius tumoris exploratione graviores moleſtias non perciperet, tam profundas malum radices egiſſe, atque ipſum cerebrum ſimul occupaviſſe, & tam graviter læſiſſe, nullo certo indicio conſtabat. Imo licet aliqua ſuſpicio cranii forte ex parte corrupti oriretur, multiplex tamen experientia, quod hujus etiam caries, licet & calvariam omnino perforaverit, meningibus præſertim adhuc integris, feliciter correctæ atque ſublata fuerit, in propoſito confirmabat; et, ſi deterior etiam, quam indicia ſpondebant, interiorum ſtatus reperiretur, illud tamen ſimul intelligebatur, fonte mali non detecto illud emendari non poſſe, ſed ſibi etiam relictum in pejus certo ruiturum, cum tempeſtively adhuc adhibita medela forte funeſtus exitus averti poſſet. Quare merito graviſſimis expertiſſimorum Medicorum atque Chirurgorum monitis obtemperandum erat, qui feliciſſimum præter ſpem etiam eventum exemplis nos, in gravibus & interitum minitantibus caſibus ad cuncta, quæ in artis proteſtate ſunt, potius experienda, excitari volunt, quam ut omni auxilio deſtitutos deſeramus ægros. Quod ſi maturius ab iis, qui curam noſtri antea ſuſceperant, initum fuiſſet conſilium, felicioſiorem curationis ſucceſſum expectandum fuiſſe nulli dubitamus.

Fig. 1.



Fig. 2.



Fig. 3.



B

IV.

DISSERTATIO
MEDICO-CHIRURGICA
INAUGURALIS

DE
EXOSTOSI CRANII RARIORE;

Quam pro Doctoratu obtinendo tuebitur;

JOAN. CASPART,
CANTSTAD. WIRTEMB. SUEVUS.

Argentorati, mense Decembris 1730.

THE

OTTAWA JOURNAL

OF THE

PROVINCE

OF ONTARIO

AND

THE

ADJUTANT GENERAL

OF THE

IN NOMINE JESU.

PRO OE M I U M.

Postquam in materia Dissertationis Inauguralis seligenda diu hæsitavi, inque evolutione variorum Scriptorum ad Medicinam spectantium selectum meum incertum imo nullum animadverti, eo quod tantam rerum copiam, qua forum Medicum jam est refertum, invenerim, ita, ut non solum meæ tenuitati se statim sisterent plures objectiones, me dehortantes, ne aliquem locum a majori jam occupatum turbarem, sed etiam ne ex crambe bis aut pluries recocta tandem insipidi quid atque ingrati proferrem, quo ipso **BENEVOLI LECTORIS** calculo omnino me indignum redderem; Tandem insignis observationum & casuum tum Medicorum tum etiam Chirurgicorum ad rem Medicam amplificandam utilitas ex occasione præfationis **Cl. BAGLIVI** Praxi suæ Medicæ præmissæ viam menti meæ aperuit, cogitandi de Excrefcentiis Osseis, Exostosisibus alias dictis. Ast cum neque ingenii mei vires neque tempus de dictis Excrefcentiis in genere atque propiori modo scribere mihi permiserint, in specie tantum inque rarioris explanatione Casus de Exostosi Cranii sive hujus Excrefcentia Ossea pro hac vice subsistere mecum constitui; id quod eo lubentius in me suscepi, quo magis **Exc. Dn. SALZMANNUS** Anatomix & Chirurgiæ Professor Publicus Celeberrimus, Fautor ac Præceptor omni tempore pie atque æterne Colendus, eundem Casum, quem ante aliquod temporis spatium anno superiore Ephemeridibus Naturæ Curiosorum jam insinuavit, ulterius explicandi veniam mihi concessit. Quare operæ pretium esse duxi, illustrationis gratia Figuras Dissertationis meæ calci annectere. Quo rarior vero est hic affectus, quoque majore attentione dignus, eo minus **B. L.** sinistram in partem interpretaturum spero, si rem acu non tetigero, enixe rogans, velit ille qualescumque meos conatus æqui bonique consulere, quippe quem non latet, me ob virium mearum imbecillitatem in affectus hujus resolutione non ex omnibus officio meo satisfacisse. Attamen quoniam mihi incubuit, qualescumque meos in Arte Medica profectus in medium producere, me excusatum fore duxi, si qualicumque mea tractatione evitarem, ne in errorem supra notatum incurrerem. **DEUS T. O. M.** meo huic conamini clementer assistat, atque hunc laborem ita dirigat, ut in Ejus Gloriam, Proximi emolumentum, meumque commodum cedere jubeat.

HISTORIA.

F Aber ferrarius XLIII. circiter annorum, temperamenti sanguineo-melan-
cholici & habitus macilenti Bacchoq. non modice litans, hic Argentorati
anno MDCCXXIII. mens. Jun. dolore pectoris gravativo & vomendi conati-
bus subito corripiebatur, gravativo capitis dolore & horrore totius corporis pau-
lo post superveniente; quæ symptomata ab assumpto vomitorio & V. S. in pede
administrata evanere, ita ut laboribus suis satis bene defungi denuo valuerit;
donec anni insequentis mense Julio rixis cum uxore abortis iraq. gravi percitus si-
mili cephalalgia & vomitu bilioso repetito affligeretur, quæ a remediorum usu
rursus cessarunt. Postea victu ex necessitate inordinato uti coactus, & de fide uxo-
ris cum aliis commercium habentis non injustam suspicionem fovens, & ipse vitam
improbam agere cepit, atq. non solum Baccho, uti antea jam solitus erat, strenue
litavit, sed & illicitæ clandestinaeq. Veneri se dedit, a qua gonorrhæam & penis
exulcerationem cum inflammatione conjunctam sibi contraxit, quod malum ex
intempestivo pudore, quem antea quidem exuerat, Medico celavit, illudq. a va-
riis indiscriminatim adhibitis auxit. Tandem Chirurgi ope, quam implorare co-
actus fuerat, pristinae sanitati utcumq. restitutus est. Et ita per trimestre temporis
spatium satis bene se habuit, opificio suo vacans remq. domesticam gerens, nisi
quod consuetum alias vigorem in actionibus suis haud monstraverit. Quo præter-
lapso aliquoties cephalalgia gravissima ex improvviso correptus est, & tertia vice
ab incude recedens subito vertiginosus in terram procidit nomen J E S U inge-
niscens. Domestici accurrentes & totum quantum rigidum frigidumq. depre-
hendentes, Dn. D. a L I N D E R N Fautoris ac Patroni mei omni observantia
cølendi forte fortuna prætereuntis auxilium implorarunt, qui agrum sensibus pri-
vatum cum frigore extremorum absq. tamen stertore videns venam illico secari,
spiritum excitantem naribus admoveri & clysterem acriorem applicari jussit, a
quibus adhibitis intra VI. horarum spatium excitatus ad se rediit atq. voce libe-
riore edita, quis eum expergefecerit, quæsit: Diebus insequentibus melius se ha-
buit, præter quod de deglutiendi difficultate & virgæ circa glandem ardore con-
questus fuerit, è quibus uti & aliis symptomatibus haud obscure suspicatus est su-
pra laudatus Medicus agrum lue venerea infectum esse, huicq. cephalalgiam ali-
quoties recurrentem deberi. Quare medicamentis mercurialibus in auxilium vo-
catis ipsum cura salivatorie cum euphoria subjecit, a qua pristina, uti quidem
videbatur, sanitati restitutus a dictis symptomatibus immunis vixit usq. ad me-
dium mens. Mart. MDCCXXVII. quo tempore a porrecto in alienis adibus po-
culo & epoto mox tormina in abdomine gravia sensit & paucis horis interjectis
convulsionibus correptus fatis cessit.

Quia vero assumpti veneni suspicio non levis aderat, Incliti hujus Urbis Ma-
gistratus jussu cadaver cultro anatomico subjectum est, eum in finem ut viscerum
inter-

interiorum status examinaretur. Et quia in sinistra capitis sede tumor non levis facile apparebat, ejus integumenta simul remota sunt, quo facto Exostosis seu excrescentia ossea & quidem spongiosa ab osse bregmatis sinistro duobus digitis transversis a latere suturæ sagittalis enata oculis se sistebat, antè super coronalem suturam ad os frontis sese extendens, inferius vero versus mendosam seu spuriam, quæ dictum os sincipitis cum illo temporum committit, exporrecta, os temporale vix attigit, & superiore sui sede magis, quam inferna protuberans, quæ Exostosis pericranii lamellas & simul musculum crotaphitem non parum elevavit, insuper pluribus hinc inde eminentiis exasperata & sinibus excavata erat, præprimis sulcum fere semilunarem a parte anteriore ad posticam transversim excurrentem in medio sui habebat. Cranio serra dissecto & remoto in interna ejus facie similis Exostosis raro spectaculo conspiciebatur. Hæc interior ab externa pluribus discrepabat, erat quippe (1) major & longius latiusq. se extendens (2) magis rotunda & hemisphærium exactius figura referens quam externa, cujus circumferentia pariter ac pars elevata magis inequalis extiterat. (3) substantia ejus osseo spongiosa paulo mollior erat, e fibris osseis tenerioribus constans, & plura eaq. majora interstitia intus in sinu suo fovens, laminaq. tenuissima extus munita. (4) inferius magis quam superna facie protuberabat, cum e contrario exterior supra magis quam infra elevata erat; (5) circumferentia tumoris ossei interna satis equalis erat & magis rotunda quam externi, in qua plura hinc inde tubercula ad latus excurrere visa sunt, (6) crassa meninx illæsa huic tumori interno adhaerebat.

Conjectu igitur facile est, qua vi dura mater cerebrumq. ipsum ab hoc tumore osseo compressum fuerit, unde illius vasa valde turgescencia eadem vestigia, quæ ossi bregmatis costas folii ficus alias representantia imprimunt, in dicto tumore reliquerunt, a qua compressione ultima, quæ in hoc subjecto observata fuere, symptomata potissimum derivanda sunt.

R E S O L U T I O.

Quoniam in admiranda machinæ humanæ structura ossa duriora sua texture naturali, debita figura, situ, atque firma consistentia tum reliquis partibus solidis pro fulcro & motu, tum fluidis ipsis pro naturali æquilibrio, conamine hinc inde sese movendi & debitum atque ordinatum fluxum observandi &c. sicque harmonice inservire debent, corruptis vero, deformatis ac destructis iisdem non longe abest, quin reliquæ corporis partes illis superstructæ & miro modo connexæ varia inde damna accipiant, & pro causarum circumstantiis insigne detrimentum imo plenariam corruptionem patiantur. Quid igitur mirum est? Si hic affectus, qui argumentum præsentis dissertationis constituit, nempe cranii, quod nobilissimam Microcosmi partem in sinu suo continet, Exostosis sive excrescentia tam multiplicia symptomatum schemata produxerit, tandemque hoc subjectum inter acutissimos dolores vitam cum morte commutare coegerit. Sed jam difficultates non leves occurrunt circa hujus Exostoseos originem, variorum item phænomenorum in & ante gonorrhæam & luem veneream explicationem, ut & ipsam Exostoseos curationem. Quæritur enim 1. utrum hic affectus rarissimus ortus fuerit ante gonorrhæam & symptomata illam subsecuta, ipsamque luem veneream nec ne? 2. An illa phænomena in Historia ante gonorrhæam recensita ab hac Exostosi tanquam causa efficiente deducenda sint? Ad hæc respondeo, quod hæc Exostosis, post inquinamentum venereum in totam massam sanguineam diffusum radices potissimum egerit, nempe prædisposita partium capitis atonia (§. VI.) (uti tristis ejusmodi dispositionis effectum haud raro observamus v. g. in renum, hepatis & pulmonum affectibus, &c.) Bacchum, vitium inordinatum & animi affectus infecuta virus venereum sanguinis serum coagulavit, quod lentore suo cranii tubulos exilissimos ægre permeans tandem ipsam hujus substantiam osseam affecit; Præterea si hæc Exostosis ante gonorrhæam & luem veneream jam adfuisset, vomitorium propinatum symptomata ab initio casus memorata non sustulisset, sed potius illa exacerbasset. 3. An certa hujus Exostoseos signa ars nobis subministrasset. 4. Num cura salivatoria dicta malo huic curando sufficiens fuerit, &c. Sed de his quæstionibus plura in sequentibus Paragraphis.

§. I. Affectus, de quo agimus, in Medicorum Scholis dicitur Græce *Εξόστωσις*, ab *ἐξ*, ex, & *ὄστέον*, os. Lat. Exostatio, ossis Eminentia & Excrescentia, Tumor osseus, Gall. Exostose, ou une Tumeur de l'os, Germ. *Eine Herrorragung oder Aufswachs eines Beins*; & est generaliter accepta tumor ossis in ejus superficie generatus & magis minusve protuberans cum dolore nunc majore nunc minore conjunctus, qui tumor, ubi crescit & augeatur, fibras osseas distendit, adeo, ut illæ rumpantur. Inde continui solutio & in osse & in periosteo sequitur, & velut nova vegetatio contingit, dum succus nutritivus extravasatus in interstitium ossis substantiæ & periosteo inter

terjectum effluit, ab humoribus acribus ibidem stagnantibus proveniens. Interdum nova hæc progenies cum osse in unam substantiam coalescit [a], interdum ejus superficiei solum quasi adnata est. Specialiter autem Exostosis cranii in nostro subiecto fuit tumor sive excreſcētia ossea lamella ossea tenuissima obducta ultra naturalem modum, situm, figuram & dimensionem in ejus tam interna quam externa superficiei facta ab humore nutritio per virus potissimum venereum corrupto & intra utramque cranii tabulam in diploë collecto, tractuque temporis ob hujus vasculorum atque tubulorum erosionem extravasato doloremque non levem excitantem originem ducens. E quibus aliquo modo patet, hanc Exostosim non inepte cariem occultam (§. IX.) sive Cariem ossis absque fistula aut ulcere fordido appellari quoque posse, quam copiosi humores seroso-lymphatici ac nutritii perpetuo affluentes atque acrimoniam acido-corrosivam diluentes ab ulteriore labe præservarunt. Et quominus in perfectam Cariem ille degeneraverit, vel carnis & pinguedinis præprimis in cavitate cranii absentia vel cura salivatoria massæ sanguineæ acrimoniam non parum corrigens, vel etiam cranii textura hoc potissimum in loco non adeo cavernosa, uti illa aliorum ossium facilius materiam viscidam acrem in se recipientium & foventium &c. impedierunt [b]. Subiectum principale fuerunt vascula & tubuli ossei minores in diploë cranii & quidem speciatim ossis bregmatis partim etiam ossis frontis sinistri lateris in quibus humor nutritius per humores vitiosos & potissimum per virus venereum corruptus succedanea erosione Exostosim generans, colligebatur. (conf. §. VI. VII. VIII. IX.)

§. II. Osse igitur bregmatis sinistro & frontis ejusdem lateris pro subiecto Exostoseos nostræ denominatis par esset, ut jam de Ossium structura, figura, situ, differentia, generatione, nutritione atque generali usu quædam præmitterem, quia vero Rerum Medicarum Scriptores Clarissimi [c] hoc labore egregie defuncti sunt, ego in vastum huncce campum excurrere non audeo, quin potius, ne Dissertationis limites transgrediar, de horum ossium speciali differentia & usu, in quibus Exostoseos fomes latebat, quædam breviter enarrabo. In fibris ossium major durities, firmior cohæſio, minor flexibilitasprehenditur quam in illis reliquarum partium solidarum, unde ossis textura solidior, magis compacta & vi externæ resistendi aptior existit, quæ dispositio a diverso particularum componentium principio, situ, combinatione,

[a] uti in monstrosa illa exostosi condylorum ossis femoris in quodam milite observata, de qua vid. *Act. Acad. Reg. Scient. ann. 1706. p. 318.*

[b] conf. HERM. BOERHAV. *Aphor. de cognosc. & curand. morb. cap. de Morb. Oss.*

[c] Præ aliis GAGLIARDI, *Anat. Oss.* nec non GEORG. BAGLIVUS *Specim. L. I. de Fibr. motr.* JO. CHRIST. HEYNE. *Tentam. Chirurg. Med. de præcip. Oss. Morb. Exc.* JO. SALZMANNI. *Dissert. de Ossificatione P. N. Argent. 1720.* & CHRIST. MICH. ADOLPHI. *de Spina Ventosa, §. VII. Hal. Magdeb. 1705.* COURTIAL. *Observ. des Os. aliique.*

ne, qualitate, quantitate & nutritione dependet, quam in ipsis etiam ossibus differre, eaque distinguere, nemini non notum est. Uti enim ossa in genere partes corporis nostri durissimæ, & fulciendis, defendendisque mollioribus destinatae sunt; Ita supra dicta ossa, scilicet bregmatis & frontis illis trunci extremitatibus supra memoratis proprietatibus antecellunt, quia una cum reliquis cranium componentibus adeo nobilem & a providentia divina in prima creatione mirifice fabrefactam visceris partem scilicet ἐγκέφαλον in se continent atque defendunt, ita ut his destructis omnium nobilissimæ machinæ nostræ actiones in illo perficiendæ sufflaminentur & dissolvantur; Quapropter etiam Sapientissimus universi Conditor illis, quæ cranio propria sunt, sphæroideam externe convexam, interne vero concavam figuram, futuras, & strictiorem fibrarum ossæarum absque notabili cavitate interna connexionem largitus est, ne per allisionem a vi externa factam, aut humorum affluxum cerebrum interius dilatantem, visceri huic nulla pinguedine munito noxa facile inferretur. Dum autem hæc stabilio, non ignoro objicere mihi posse, (1.) os bregmatis eo in loco, cui Exostosis nostra infederat, tenuius esse, quam reliquis in locis, aut etiam quam alia cranii ossa, unde ut e Chirurgicis hoc repetamus, ictus huic sedi inflictos præter alias rationes ob ossis tenuitatem graviores quam alibi esse. (2.) utramque tabulam fere contiguam nulla vel pauca satis diploë interjacente deprehendi, in qua tamen tumorem nostrum osseum primas egisse radices supra diximus; Sed respondeo, utrumque verum esse de parte ossis inferiore, quæ ad temporale pertinet, non æque de osse bregmatis, e quo tumor noster enatus fuerat, utut non negem, multis aliis in locis cranii ossa crassiora quam hoc ipsum reperi, sed silentio prætereundum quoque non est. (1.) hanc diploë crassitiem pro subjectorum varietate differre. (2.) plura in dicto osse maxime in interiori ejus tabula foraminula conspici, per quæ arteriolæ intrantes non parum humoris deponunt. E quibus horum ossium differentia aliquatenus apparet.

§. III. Quod vero Exostosium species attinet, multi Auctorum inveniuntur, qui plures numero observationes earum partim a succis nutritiis mucosoferosi, partim venereis, scorbuticis tubulorum osseorum dispositionem mutantibus genitarum recensent [d]. Quibus adhuc alii adjungi possent, nisi verba proœmii & ratio (§. II.) dicta obstitissent.

§. IV

[d] *Act. Acad. Reg. Scient.* (§. I.) *Cent. V. & VI. Obs. XXI. de Exostosi cranii interiore, cum polypo auris sinistra & ossiculis duobus duræ matris prope falcem incumben- tibus.* MARC. AUREL. SEVERINUS. in *Pyrotechn. Chirurg. L. II. Part. I. Cap. CX. de Gummi & Exostosi Calvariae præsertim a venerea lue profectis, & unctione tractatis.* Idem SEVERINUS. *Chir. efficac. Part. II. Enarrat. Cap. XXIX.*

§. IV. His igitur præmissis nostra Exostoseos species consideranda venit, circa cuius situm, figuram, longitudinem, latitudinem, crassitiem, duri-
tiem, & denique partem ipsam affectam cum suis partibus tam internis quam
externis ac-&incumbentibus prolixus non ero, quia hæc ipsa tum ex histo-
ria perlecta tum ex inspectis figuris abunde, uti opinor, patent; liceat tamen
hic repetere istam sinistro capitis ossi, quod sincipitis seu bregmatis vocatur,
duobus digitis transversis a latere futuræ sagittalis insedisse, & antè coronalem
transgressam ad os frontis pollicis crassitie ultra hanc se extendisse, in-
ferius vero ad futuram mendosam & os temporum exterius desisse, interius
iisdem limitibus circumscriptam fuisse, nisi quod ad inferiora magis exporri-
geretur. Figuram internæ magis semiglobosam & in medio maxime elevatam
fuisse, externæ vero superius magis protuberasse, quam inferius, adeoque
huius longitudinem ab osse frontis versus illud occipitis latitudinem superasse.
Crassitiem utriusque una cum cranio unius digiti & 8. linearum & internam
crassitie cranii maiorem quam externam extitisse. Duritiem item exterioris
superasse illam interioris, quæ e substantia ossea spongiosa rariore constabat
lamella ossea tenuissima extus munita, illa paulo firmiore existente, huius
superficiem inæqualem, illius vero fatis æqualem fuisse, nisi quod varii sulci,
qui interna sincipitis facie alias conspiciuntur, huic pariter impressi fuerint.
De reliquis, quæ huc pertinent, inferius agetur.

§. V. Aliqua etiam nunc de specifica nostræ Exostoseos differentia præter
varias Exostoses (§. III.) recensitas proferri possent, nempe uti a reliquis
ossium tumoribus magis vel minus duris, v. g. a tumoribus gummatosis [e],
Gan-

XXIX. de sectione festina cutis, cui subest
Exostosis aut Gummi ossis & quidem frontis.
Item Cap. XII. de Exostosi quapiam dera-
denda. GODEFR. BIDLOO. Exerc. A-
nat. Chir. 9. Decad. II. de Exostosi minimi
digiti in dextra manu cuiusdam juvenis
XXV. annorum, sic & in osse femoris viri
LII. annorum. PETIT. l'Art de guerir les
maladies des os. L. 3. &c. chap. 1. de l'E-
xostose. THEOPH. BONETUS. in Se-
pulchr. sive Anat. Pract. L. IV. Sect. IX.
de Lue vener. Obs. I. §. 10. inter alia de
Exostosi sequentia habet verba ex RIO-
LANI Enchirid. Anat. L. 6. cap. 5. Con-

sid. Med. p. 426. 445: & ROLFING.
Diff. Anat. L. 2. cap. 11. desumpta: Non-
nunquam inter duas cranii tabulas trans-
colatione quadam humor colligitur, qui
tractu temporis vitiat, acerbissimos cru-
ciatus & febres inducit, quod sæpius acci-
dit in lue venerea, inveterata & tum Exos-
tosi quadam cranium protuberat.

[e] Huius exemplum in osse frontis in
virgine quadam reperti & feliciter curati
nobis exhibet. NIC. GUILL. BECKERS.
in Eph. Germ. Dec. 1. Ao. 11. Obs.
XXXIII.

Ganglio, lupia, fungo, nodo [f], tophis [g], spina ventosa [h], & denique a carie & rachitide sese distinguat [i]. Sed quoniam in antecedentibus Paragraphis (§. II. & III.) jam mentem meam exposui, nemo mihi vitio vertet, si prolixiorē hujus differentiæ explicationem hic prætermitto, eo minus, quo magis Auctores (§. I. II. III. V.) allegati hunc defectum sup-
plent.

§. VI. Nunc ordo postulat symptomata in nostra Historia recensita eorumque causas, quantum possibile erit, breviter enarrare. Prius vero quam Exostoseos causas in medium proferam, ad illa, quæ gonorrhœam prægressa sunt, explicanda me accingo; ubi & in nostro subjecto Temperamenti Sanguineo-melancholici potatio Scythica sive Bacchus, tanquam fons plurimorum malorum illis ad tristitia sanitatis detrimenta viam paravit; v. g. Dolori pectoris & capitis gravativo, subitaneis vomendi conatibus, & horrore totius corporis paulo post supervenienti ab assumpto vomitorio & V. S. in pede rursus profligatis. Quis est, qui non videat? hæc symptomata profluxisse a plenitudine [k] humorum vasa nimis distendentium, cerebri meninges & nervos comprimantium, a colluvie [l] ferosa inde deducta & acrimonia biliosa organa cerebri obstruentibus & vellicantibus, & ebrietate [m] orgasmum humorum æstuosum & indigestiones producente; Dum enim plerumque nimia meri copia ventriculus obruitur, & nimis distenditur, a qua distensione passiva non solum diaphragma in suo motu elastico præsertim vero renitente impeditur, unde turbatus sanguinis in pulmonibus circulus & gravativus pectoris dolor oriuntur, sed etiam reliquæ partes ac & succumbentes v. g. pancreas, hepar & intestina comprimuntur, & debita menstruorum ad chylicationem destinata secretio retardatur, unde fit, ut assumptorum indigestio & loco chyli laudabilis pravorum humorum generatio contingat, qui, dum M. S. subeunt, inque magna quantitate cerebrum intrant, vasa &

[f] Jo. MUSITANUS. T. II. de Tumor. cap. XXVII. ubi de Exostosis in genere tractat.

[g] Jo. DOLÆI Encyclop. Chir. Ration. L. VI. cap. VII.

[h] HERM. BOERHAV. (§. I.) PETIT. (§. III.) cit. Jo. CHRIST. HEINE. vid. (§. II.) CHR. MICH. ADOLPHI. Dissert. (ibid.)

[i] conf. h.)

[k] GALENUS de Loc. affect. L. III. cap. XIII. de Cephalæa, Hemicrania & reliquis capitis doloribus asserit: Dolores a plenitudine genitos gravitatis sensum asferre.

[l] PISO. Obs. II. de Morb. capit. intern.

[m] GALENUS. l. c. Nonnullis, in-

quit; caput assidue dolere contingit, ubi vel paulo liberalius vinum hiberint, vel meracius; idque eo magis, si natura calidum fuerit. DAN. SENNER. T. II. L. I. Part. III. Sect. I. cap. III. de dolore capitis sequentia habet: Dolor capitis ab ebrietate, & si præsidia medica mereri non videatur, tamen quia ebriis gravissima symptomata accidunt, qualia sunt delirium, vertigo, tremor, convulsio, apoplexia, & denique mors ipsa, plane negligi non debet. Perficitur autem materia evacuatione & a capite repulsione, & intemperiei si quæ inducta est, alteratione. (quæ a nostro subjecto fuit neglecta) Itaque si crudum vinum in ventriculo fluctuat, ager mox evomat. &c.

& meninges suo elatere & renitentia privant, ibique ob illarum particularum firmam cohæſionem acrimoniam acido-ſulphuream in ſinu ſuo ſoventium atque difficulter tubulos ſive vaſcula cerebri permeantium dolorem capitis gravativum, obtuſum & quaſi prementem efficiunt; menſtrua vero modo dicta a longiore mora acrimoniam acquirunt, quæ ſi vel in ſanguinem tandem iterum recipiuntur, circulum humorum turbant, vel ſi etiam uſque ad novam chyli præparationem ibi ſubſiſtunt, nil aliud, quam chylum minus laudabilem generant, qui, quo avidius tale ſubjectum Baccho litat, magis vel minus corruptus in M. S. tranſit. Sic & quando vinum magno hauſtu ingurgitatum etiamnum ventriculo inhæret, plurima corpori mala infert; deſtruit enim liquorem gaſtricum & humores ſalivales affluentes, quibus præter quod ſaburra humorum in ventriculo oriatur, hujus tunicam nerveam afficit, ventriculi debilitatem, indeque ortum dolorem capitis ſympathicum plerumque gravativum, ingenii ſtupiditatem, ſomnolentiam, nervorum debilitatem, alioſque circa vaſa minima in C. H. affectus procreat. Nam qualis conſpirationis ſenſus inter ventriculum & caput ſit, experientia in curatione morborum ex vitio primarum viarum genitorum quotidie docet. Sæpius enim ab ejuſmodi bibonibus audimus, quod plerumque de ventriculi debilitate & capitis dolore querantur. Anno inſequenti rixis cum uxore obortis iraque gravi percitus noſter deſunctus ſimilem cephalalgiam & repetitum vomitum bilioſum expertus eſt. Quid talis cauſa immaterialis, ſi fortis eſt, & cauſæ prædiſponentes adſunt, in C. H. efficere queat, obſervationes practicæ ſatis teſtantur; tendendo enim, vellicando atque irritando nervos cerebri in motus ſpaſmodicos & inordinatos cogit, vaſa cerebri & duræ matris ſanguinem advehentia & revehentia turgida reddit, quæ, dum in actione æquali nutritia & ſecretoria impediuntur, non ſolum atonia tentantur, ſed & ipſum ſyſtema nervoſum in motum extraordinarium rapitur, quo ſupradicta capitis cum ventriculo harmonia cumque reliquis abdominis viſceribus perturbatur, bilis in ventriculum impellitur, quibus accedit irritatio in cerebri meningibus, fiunt motus ſpaſmodici fibrarum muſculoſo-nervearum œſophagi & ventriculi, motus inteſtinorum periltaltici inverſio, ſimulque validæ convulſivæ muſculorum abdominalium & diaphragmatis conſtrictiones, tenſiones, &c. inde cephalalgia, inde vomitus bilioſus. Porro præter memorata mala (§. VI.) de fide uxoris ſuſpicionem junctâ Baccho magis, quam antea, indulgens etiam victu inordinato ſanitatem ſuam peſſumdedit; replevit enim non ſolum ventriculum quantitate aſſumptorum, quibus variæ cruditates in primis viis induci ſolent, tam vigorem & vim menſtruorum cibos digerentium obtundentes, quam etiam flatuum copiam producentes, dum enim cibus juſto copioſior ſufficienter ſubjugari nequit, viſcidus manet, & tandem cachexiæ & obſtructionum cauſa evadit; Sed etiam in qualitate ciborum peccavit, qui, ſi vel ſolidiores & viſcidiores vel alterius incongruæ naturæ ſunt, plane a ventriculo ejuſque calore & menſtruis digeri nequeunt, unde neceſſario crudus, viſcidus & corruptus fit chylus, & talis quoque

producitur sanguis ; Sic etiam victu utendi modus erat inordinatus, novimus quippe, diversi generis cibum & potum absque temporis discrimine ingurgitatos C. H. valde nocere, præsertim non bene disposito, imo & laudabilem alias victum noxam inferre constat, si quando justo tempore non assumitur, & prioribus ingestis nondum vero digestis nec in intestina promotis nova statim suggeruntur. Eundem quoque effectum edunt potulenta in primis spirituosæ, quæ inconcinno tempore nempe somni justo copiosius ingurgitamus, tunc ventriculi coctio turbatur, excretiones naturales impediuntur, & pro dispositione subjecti & dictorum abusu cachexiæ, paralyfes, hydro pes, tremores cephalalgæ &c. oriuntur; materia enim potulenta in ventriculo restitans irritat hujus tunicam nerveam, & si copiosa est, supra dicto modo agit, si denique M. S. intravit, subsistit circa vasa capitis & genus nervosum, & quia ab hac etiam particulæ acriores in sanguine cumulantur, quas sæpius pustulæ in facie satis demonstrant, istæ fibras nerveas vellicant, vel nimis quoque vasa distendunt, unde tremores, cephalalgæ variæque ægritudines humorum [n] deducuntur, quæ, prout a reliquis rebus naturalibus, n. n. & p. n. (§. VI. VII.) diversam indolem acquirunt, citius vel tardius aut magis minusve graviter ipsa solida in corpore infestant.

§. VII. Tandem modo descriptam vitam Epicuream egisse non contentus Bacchum cum Venere infelici connubio maritalit, a qua mercedis loco gonorrhœam & penis exulcerationem cum inflammatione conjunctam reportavit, atque malum a variis absque discrimine adhibitis remediis adauxit; & quamvis Chirurgi ope utcumque pristinæ sanitati restitutus esse videretur, uti Historia docet, tamen consuetum alias vigorem in actionibus suis haud monstravit, & de lassitudine conquestus est, id quod inde proveniebat, uti ex reliquis Historiæ symptomatibus concludere licet, quod fermenti venerei virus non radicitus [o] evulsum universum corpus inquinaverit; Istud enim, nisi plenarie supprimitur, solet hic morbus lentæ ac diuturnæ indolis altas figere radices, & quamquam mitior apparet, intus tamen alit venas, & ita incrementum capit: Quia vero Bacchus etiam hoc malum non parum auxit,

[n] HIERON. MERCURIALIS. *Consult. Med. T. III. asserit: Ægritudines, quæ ab humoribus originem suscipiunt, non alio modo magis augeri, quam a cibis & potibus, quibus ipsi non solum generationem sed & incrementum acceptum habent (nam sanguinis luxuriam gignunt) ut ob hoc magnopere invigilare debeamus, ne vinis generosis & copiosis utamur neq. cibis crassioribus & viscidioribus, v. g. Ostracea, vetustorum animalium carnes, bulbacea, item aromatica, salita, acria cuncta effugiamus, tandemque a jugibus indigestioni-*

bus nos abstineamus, quas non immerito defluxionum matres appellabat AVICENNAS.

[o] IDEM T. II. *Consult. Med. XXIX. inquit. Ubi hæc penitus radix gallici tibi evelli non potest, qualibet vel minima illius portio alicui parti infixæ non modo diu citra apparentem læsionem remanet, verum etiam paulatim & latenter succrescens, tandem erumpit, suaq. symptomata non absq. laborantium molestia manifeste & abundanter ostendit, &c.*

auxit, materia intus contenta congestiones in capite (§. VI.) produxit, & notum est, partes genitales & caput magno consensu inter se gaudere, uti id videmus in subjectis castra venerea strenue secutis, quod tandem stupida redantur, imo & in iis, quibus voluptatem suam explendi occasio denegatur, mania quandoque superveniat; Ab impetuosa enim tali congestione oritur distensio partium in capite, quæ relaxatæ elasticitatem & renitentiam in fluida a partium inferiorum constrictione appulsa amittunt, sicque humorum propulsioni non sufficiunt; Unde in dictis partibus tanquam debilioribus inflammationes, stagnationes, stases, variæque corruptiones pro circumstantiarum varietate generantur; Et cum præterea fermentum venereum quantitatem humorum vitiosorum mediante impuro phlegmate suo acri rodente procreet, quo serum in sanguine corrumpitur, fit inde, ut calor humorum naturalis perturbetur, &c. Quid ergo mirum est, si crassa meninx hujusque vasa antea (§. VI.) male disposita [p] ostiolis osseis lenta propagatione offibregmatis & frontis (§. I. II.) sanguinem quantitate & qualitate peccantem transmiserint, adeoque serum potissimum a sordibus venereis substantiæ ossæ maxime infensis conspurcatum ibidem restagnaverit, & interne minima vascula cum tubulis osseis horumque vesiculis (§. VIII.) arroserit, sicque tumorem horum ossium (§. I. II.) progeneraverit, de quo sub causis (§. VIII.) nostræ Exostoseos cranii dicetur. Antea autem, quam in reliquorum symp-

[p] IDEM. *Tr. de Morb. Gallic. L. III. cap. II. de causis morb. gallic. ita ratiocinatur; Quare hic morbus modo pilos modo nervos, modo alias partes infestet, nempe: Præter errorem in omnibus rebus n. n. alii qui uno coitu lue veneream contrahunt, alii ex vix innumeris, a varia & diversa corporum dispositione, unde fit, ut qui magis dispositi sunt, ad morbum hunc capiendum, citius illum contrahant, qui vero minus, tardius inquinantur, Quæ ratio est, quod, quibus aliqua corporis pars laborat, semper morbum in ea parte concipiant citius. v. g. si quis podagrâ laborat, & capitur gallico scil. morbo, videtur hæc pestis magis grassari in pedes: Ita quoq. si quis oculos laesos habet, & gallico scil. morbo tentatur, magis oculi infestantur, &c & paulo post: Variæ partes a lue gallica inficiuntur, vel quia magis dispositæ sunt & præparatæ ad eam recipiendam, vel quia minus repellunt: unde quando carnes magis dispositæ & minus resistentes, tum ipsæ potius tentantur; rursus quando ossa sunt magis disposita, in ipsis magis ponitur & habitat*

ipse morbus, &c. GEORG. BAGLIV. Specim. L. I. de Fibr. motr. Quod si pars ante morbum debilis sit, laxiorisq. fibrarum toni, fluida ibidem suum focus sive sedem figent; Est enim natura sic comparata teste Dureto coac. 100. Ut si pars aliqua in vitio sit ante morbum, in ea se morbi acuti primario & secundario foco obfirmant. BOERHAV. Instit. Med. Ætiolog. Patholog. §. 794. Materia morbi in parte agra hærens, pro causa agnoscit inertiam partis solida non subigentis, nec expellentis id, quod formari incipit, aut præsentis jam alibi materiæ peccantis in partem, quæ nunc obsidetur, derivationem. Vid. Exc. DAN. HOFFMANNI. Dissert. de Historia rarissimâ sanationis Cerebri quassati cum deperditione substantiæ notabili. Tubing. Ann. 1719. p. ii. ubi in eodem hujus casus subjecto ulcera antiqua ante aliquot annos jam consolidata, saniem quamdam ratione coloris cum illa vulneris capitis convenientem rursus stillare inceperunt, quibus ab eodem VIRO Celeberrimo alia exempla annexa sunt.

symptomatum explicatione pergam, ad causas memoratæ Exostoseos pedem promoveo.

§. VIII. His itaque (§. VI. VII.) breviter examinatis ad causas nostræ Exostoseos Cranii propius accedo, exinde concludens, quod hujus affectus causa proxima fuerit humoris nutritii depravati (§. cit.) in vasculis ossium (§. I. II.) stagnatio, horumque minimorum tubulorum osseorum prægresso p. n. calore, dolore, inflammatione [q.] &c. vesicularum oleo subtili medulloso refertarum & periostei interni lenta (§. I.) erosio. Hæc stagnatio (§. VII. VIII.) etiam a mala duræ matris periostei vices in concava cranii parte sustinentis dispositione pullulabat, quippe, quæ membrana est quam maxime elastica & sensibilis, (unde cautelæ in trepanatione & vulneribus cerebri observandæ) quæque vasa inter illam & dictorum ossium (§. I. II.) superficiem reptantia mediante sua elasticitate comprimit, sicque circulationem humorum ibidem multum promovet; quare elater ejus a causis (§. VI. VII.) allegatis destructus stagnationi, obstructioni, & ob causas mox dicendas Exostosi ansam præbuit. Erosio autem originem suam ab acrimonia acido-corrosiva in §phis modo dictis descripta trahebat, quæ rodendo vesiculas & tubulos minimos dissolvebat, & quasi emolliebat, humorem vero nutritium crassum ossibus infensum advehendo aliqualem exulcerationem producebat; in quo casu igitur aliquatenus cum partium molliorum tumoribus ad abscessum vel ulcus tendentibus convenit, qualem Arteriæ Aortæ adnatum & ultra sibiß. ponderantem Stutgardiæ Ann. 1728. in summæ syphilidis subjecto masculino post nimios motus convulsivos extincto observavi, quem, ut brevibus dicam, cum ventriculi parte superiore, rene sinistro, ac duobus lumborum vertebra a carie ultra dimidiam partem excavatis nempe prima & secunda quoad suum tumorem carnosum & excretum atque propria membrana firma non parum vasculosa circumdatum in sectione inveni, eumque adhuc confervo; defunctus in vita sua per 4. annos dictum tumorem circa cartilaginem xiphoideam cum dolore lancinante & motu pulsorio &c. gestavit. Ex his (§. VII. VIII.) ergo ruptura in ossium (§. I. II.) meditullio facta succus nutritius extravasatus est, quem *natura nunquam otiosa* [r.] (quam diu calor & motus propulsivus & continuus in sanguine a motu cordis & respiratione sustentati perdurant) *acsi humores affluentes ob eorum ineptitudinem vel etiam partis debilitatem in illorum alimentum vertere non possit, in eam, quam potest, naturam convertit*; Et quoniam a rupto tubulo æqualis affluxus humorum nutrientium turbatur, a continua vero fibrarum appositione secundum Clar. BOERHAVIUM aliosque novi tubuli gignuntur, ad quorum proventum acrimonia succorum continuo irritans in nostro subjecto non parum contribuit, illaque luxuries tubulorum tam diu continuat, (teste excre-

centia

[q] HERM. BOERHAV. *Aphor. de cognosc. & curand. morb. cap. de Inflammat. & Morb. oss.* JOAN. CHRIST. HEYNE. *Tentam. Chir. Med. de præcip. off. morb.*
 [r] DAN. SENNERT. T. II. L. I. Part. I. Cap. XXV. de *Fungis Cerebri.*

centia carnosâ & fungosâ) quam diu a partibus adjacentibus vel remediis topicis nulla resistentia, in humoribus nulla correctio, nullaque vitiatae partis ablatio fit, hinc (§. I. a VI. ad VIII.) ratio datur, ob quam nostra Exostosis formata, ut & cur interne major, mollior, externe minor & durior fuerit. Causæ hujus Exostoseos proximæ causas magis remotas nunc adjungere par esset, sed quia in antecedentibus (§. VI. VII. VIII.), quantum credo, sufficienter de istis dictum fuit, B. L. eo remitto.

§. IX. Ne autem reliqua in casu commemorata Symptomata intacta relinquam, pauca quædam de illis, quantum instituti ratio (§. III.) permittet, in medium proferam; Nam felix qui potuit cognoscere causas & morborum & symptomatum, scilicet defunctus noster post aliquod temporis spatium cephalalgia gravissima subinde ex improvise correptus fuit, & tertia vice ab incude recedens subito vertiginosus in terram procidit &c. Si jam hæc symptomata in animum revocando (§. I. VI. VII. VIII.) rationis incudi subjiciuntur, exinde forsan haud obscure judicare licet, illa originem suam humoribus [s.] venerea labe infectis & tumori incrementi debuisse; illi acrimonia sua meninges atque nervos non parum vellicabant, hic vero scil. tumor vasa cerebri ejusque substantiam comprimendo, & ictus fortiores malleo in incudem continuati motuque tremulo caput & universum genus nervosum concutientes sanguinem affluentem & reffluentem ex parte retardantes ejus circulum turbabant, (quibus etiam ramus ille arteriæ carotidis internæ secundum par nervorum nempe opticum prætergrediens & justo magis dilatatus motu suo pulsatorio aucto in dictos nervos impetum fecit,) unde functiones animales impeditæ fuerunt, & cephalalgia gravissima [t] vertigo tenebricosa [v] rigor [x] frigus [y] ortum traxerunt, Hinc etiam ex (§. VIII. IX.) ratio patet, cur V. S., spiritus excitantes naribus admoti & clyf-

[s] Conf. THEOPH. BONET. (§. III.) cit. Obs. C. II. de dolore capitis ab humore virulento inter cranii laminas contento.

[t] M. A. SEVERINUS. Pyrotechn. Chir. l. 2. p. 1. c. 110. qui ex simili Exostosi derivat Gummata gallica cum cephalæa conjuncta. THEOPH. BONET. l. c.

[v] Celeberr. BOERHAV. Symptom. Patolog. §. 863. de Vertigine. GALENUS de Loc. affect. L. III. cap. XII. de Vertig. tenebr. T. VII. cum Archigene contendit: Ubi ex primaria cerebri affectione obtenebratio dependet, aurium sonos & capitis dolores, gravitatesque præcedere &c.

[x] GALENUS. T. VII. de Plenitud. Cap. VIII. Pruritus inter eos movent, qui modice vellicant, his mordaciores ulcerosum sensum faciunt; his adhuc vehementius mor-

dentes horrorem; mordacissimi rigorem. Videmus enim, quod a puncto vel irritato nervo superveniant rigores; contractiones partium, convulsiones, tensiones ingentes, idemque pariter facere solet acrimonia humorum in nervis atque cerebri meningibus, de quibus GEORG. BAGLIV. de Fibr. motr. Cap. V. de Comparat. mot. Cord. & dur. matr. &c. p. 272. plura exempla profert. Et quid non videmus a festucis offe- seis post fracturam cranii meninges pungentibus vel prementibus aliisque capitis læsionibus JUNCER. Consp. Chir. Tab. LIII. de Vulner. Capit.

[y] Quod si pars quædam nobilior in C. H. a materia peccante graviter afficiatur, novimus experientia, quod in extremitatibus tanquam partibus ignobilioribus contractio oriatur, quæ in causa est, ut san-

elyster acrior tantummodo remedia palliativa fuerint, item cur mercurialia sola & cura salivatoria hoc syphilidis subjectum non integre [z] restituerint, dumque M. S. cum suo sero innatante & humores seroso-salivales obtundendo, dissolvendo & evacuando acrimoniam veneream in istis existentem edulcarunt, cur hic tumor cranii (§. I.) in cariem non abierit? Quoniam autem in corpore nostro naturaliter constituto inter fluida ac solida debita proportio, qualitas, quantitas, elater & renisus &c. adesse debent, & jam (§. VIII.) dictum fuit, quod a rupto tubulo æqualis affluxus humorum nutrientium turbetur &c. & nisi causa partis affectæ removeatur, progerminatio tubulorum continuet; Hinc præter memorata (§. VIII. IX.) nostræ Exostoseos incrementum atque magnitudo, quam figuræ, præsertim Tab. II. demonstrant, facile concipiuntur; Neque mirum, a porrecto poculo & epoto tanquam causa procatarctica (conf. §. VI.) tormina in abdomine mox gravia secuta & tumorem (§. I.) tanquam violentam causam vasa cerebri & meningum turgida reddentem, medullamque encephali & nervos in functione vitali atque animali fortiter comprimendo [a] impredientem convulsio-num [b] & denique ipsius apoplexiæ [c] lethalis causam extitisse. Itaque hæc (§. VIII. IX.) nos monent de illis, quæ THEOPH. BONET. modo citatus in Schol. p. 2. habet. *Singularem solertiam requirit affectus idiopathici ab eo, qui per consensum est, dignotio, ne pars innocens plectatur, rea vero absolvatur; Recte enim monet Rondeletius Galenum secutus, dicens: Non raro accidere, ut dolor, qui a consensu partium initium accepit, in affectum proprium desinat. adeo ut partis primario laborantis affectu sublato posterior per se subsistat quod in cephalalgicis frequentissimum esse ait: Imbecillitas enim tandem & non debilis διάθεσις parti inducitur, a qua congestionis supervacaneorum occasio &c.* Id pariter in nostro casu contigit, in quo nullus mortalium caput internum immediate & idiopathice affectum esse credebat, hoc tanquam insens pronuntiatum fuit, culpa unice aliis partibus adscripta; Quod enim cephalalgia (§. IX.) in nostro subjecto sympathici doloris fidem facere videbatur,

guis minori in copia ipsis affluat, in majori autem parti affectæ immitatur, & motu nervorum tremulo illiusque calore naturali atque arteriarum pulsu materiæ parti infusæ dissolutio & expulsio a natura intendantur, hinc frigus in extremis, hinc calor in internis partibus est.

[z] Quod confirmat Cl. JUNCCK. in *Consp. Med.* Tab. XCV. de *Lue vener.* sub Caut. & Obs. Pract. §. 28. *Quando malum, iniquiens, quibuscumque methodis non cedit, tum iusta suspicio subest, quod in illo loco, ubi profundiores ardores sentiuntur, ossis arrosi corruptio bareat, & chirurgicam manum expectet, v. g. cranium arrosum*

dolores capitis continuos per aliquot sæpe annos excitat, & omnem medicationem internam adspernit. Et hæc pariter huic Celeberr. Viro assenritur. M. A. SEVERINUS. (§. III.) cit.

[a] Celeberr. BOERHAV. *Physiolog.* §. 284. de *Nervis.*

[b] IDEM. *Symptomatolog. Pathalog.* §. 864. de *Convulsione.*

[c] IDEM. l. c. §. 860. de *Apoplexia.* THEOPH. BONET. sæpius jam cit. L. I. Sect. I. Obs. I. de *Capitis dolore diuturno, in apoplexiam definente, a sanguine vasa dura meningis, parte præsertim sinistra, distendente, &c.*

batur, id exinde proveniebat, quoniam illius vehementia subinde remittente tumoreque externo jam tum temporis præfente nemo existentiam internæ Exostoseos ominabatur. Quod vero cephalalgia nunc remiserit, nunc vero iterum exacerbata fuerit, æstui & orgasmo sanguinis a causis (§. VI. VII. VIII. IX.) internis vel extrinsecus advenientibus inducto, sive uberiori humorum peccantium & succi nutritii modo majori modo minori acredine gaudens affluxui caputque diversimode afficienti merito adscribo. Quibus accedit, quod medicamenta evacuantia, corrigentia & resolventia variaque topica adhibita illas causas (§. VIII. IX.) aliquo modo mitigarint; Tumor (Tab. II.) autem nihilominus continuo incrementum (§. IX.) fumens ipsam cerebri substantiam cum suis vasculis & nervis magis magisque comprimebat, sicque humorum circulatio, quæ in principio tantum impediabatur, ob notabilem, uti (§. cit.) dictum fuit, magnitudinem tandem omnino sublata fuit.

§. X. Quibus pro virili expositis ad signa tumoris (Tab. I. II.) nostri & quidem diagnostica progrediendum nobis est, circa quorum enarrationem prolixi non erimus, quia externus tactui atque visui facile patere potuit, interni vero vix certa indicia dabantur. Ille quippe cutim hujus loci & reliqua integumenta in tumorem satis manifestum superiore (Tab. I. lit. 1.) potissimum sede elevavit, qui partem affectam intuentibus satis superque conspiciendum se præbuit, & quia tactu exploratus duritiem & manui seu digitis renitentiam præ se tulit, facile inde conjicere licuit, illum non tam partem molliorem quam potius duram atque solidam occupare. Me quidem non latet tumores in partibus mollioribus hærentes insignem quandoque duritiem acquirere, si quando vel in glandulis sedem habent, vel sub cute aut alia membrana firmiore & multum extensa latent, vel etiam juxta ossa enati sunt, vel denique e materia magis compacta ex. gr. carne constant; Nunquam tamen tantam duritiem nanciscuntur, ut digito prementi prorsus non cedant, adeoque hoc nomine ab osseis distinguuntur; quibus accedit, quod ab ejusmodi tumoris ossei attactu etiam rudiore nullus ab ægro dolor percipiatur, aut si quis sentitur, ille non ab osse, sed potius a periosteo illud cingente oriatur, quod dum assero, in partibus etiam mollioribus indolentes reperiri tumores non inficior. Quod jam illum, qui interiorem cranii tabulam obse- dit, attinet, ejus diagnosi valde difficilis erat; Neque enim cephalalgia ægrum sæpius affligens, neque actiones (§. VI. VII. VIII. IX.) in illo labefactatæ, neque tumor externus manifesta ejus indicia præbuerunt; Quis enim Medicorum vel peritissimorum hariolari potuit, alium internum externo similem e cranio enatum esse; hoc unico, quantum intelligo, interior hæc excrescentia detegi potuisset, si exterior, uti artis est, ablata fuisset, quo facto interior in conspectum facile venisset. Cum ergo omnis exostoseos affectus sit in se curatu admodum difficilis [d], noster (§. I. IV.) præ aliis diffi-

[d] CAR. MUSITANUS. T. II. c. 27. *Exostosis difficulter curatur, inveterata*

difficilior cenferi meretur. (I.) ob notabilem ejus extensionem (Tab. I. II.) (2.) propter locum & ossa præstantissimum usum (§. II.) habentia. (3.) ob destructionem non modo externæ sed & internæ illorum tabulæ. (4.) ob insignem cerebri, meningum vasorumque compressionem (§. VII. VIII. IX.). (5.) ob nostræ Exostoseos originem atque moram (§. cit.)

§. XI. Hæc omnia (§. I. ad IX.) dicta in ejusmodi casu admodum difficilem & ancipitem curationem nobis promittunt; Nam *omnis accessio gravis mali ad grave malum facile lethalis* [e] est. Nihilominus autem talis ægrotus, quia necessitas caret legibus, & suo jam tempore HIPPOCRATES noster *Aphor. 6. Sect. I.* pronuntiavit: *Ad extremos morbos, extrema remedia exquisite optima esse*, ab omni ope & auxilio non est destituendus; Præterea, si stupendos casus ab Auctoribus hinc inde annotatos perlegimus, non solum vulnera cranii sed & ipsius cerebri cum substantiæ deperditione gravissima, sanata [f]prehendimus. Videamus ergo præsupposita labis venereæ a convenientibus remediis correctione [g], ut & patientis consensu, quid auxilii hac in re ab Arte Chirurgica sit expectandum. Equidem variæ methodi ab Auctoribus (§. III.) citatis nobis exhibentur, quibus urendo, corrodendo, dissolvendo, excindendo atque radendo, ope instrumentorum chirurgicorum malo obviam ire tentarunt; Aggrediamur autem ultimam, quæ præ reliquis tutius peragi videtur. I. Priusquam id fiat, corpus debite est præparandum V. S. in pede, medicamento purgante propinato v. g. infuso ex Fol. Senn. f. f. Tamarind. Passul. min. Rhab. ver. Tart. solub. aliove sale digestivo, Cinam. opt. Mann. Calabr. Syr. de Cichor. cum Rhab. vel de Pom. Laxat. Item Temperantibus, Absorbentibus, lenibusque Diapnoicis, v. g. C. C. phil. ppt. Oc. canor, ppt. Nitr. depur. Antim. diaph. Cinnab. Ant. ppt., ne ab irritatione in & post operationem metuenda copiosior sanguinis quantitas ad caput ab operatione debilitatum ruat, nimiumque orgasmum inducat, aut humores vitii in corpore adhuc hærentes curationem difficiliorem reddant. II. Aliqui aures vel etiam nares lana gossipii aliquatenus obturant, eum in finem, ne strepitum æger inter radendum multum percipiat,

¶ *indurata nunquam*; de qua vero paulo mitius sentit M. AUREL. SEVERINUS. (§. III.) alleg. de *Generatione tumoris ossei & lue venerea potissimum producti*, ita disserens: *Hic si caput supremum occupavit, omnium difficillimus deterrimusque est, propterea, quod principem imbecillam ossæam cavam & immedicabilem ferme subiit partem* &c. & conf. (§. III. XI.)

[e] GEORG. BAGLIV. de *Morb. success.* &c.

[f] JOAN. BOHNIUS. de *Renunc. Vuln. Sect. I. Cap. II. de Lethal. Vuln. in*

genere. EXC. JOAN. SALZMANNI *Diff. de Mira cranii Fract. in homine per XL. annos superstita.* Arg. 1718. DAN. HOFFMANNI *Dissert.* (§. VIII.) annot. JOAN. JUNK. *Conspect. Chir. Med.* Tab. LXXXVI. de *Trepanat.* aliique plures.

[g] GEORG. BAGLIV. l. c. inquit: *Sicuti fluidorum morbi vitio solidorum facti non curantur, nisi solidis ante curatis; Ita contra morbi solidorum a fluidis vitiosis producti sanari nequeunt, nisi sanato prius fluido.*

piat, quod tamen supervacaneum esse credimus. III. Tunc abrasis prius capillis æger in situm operatori commodum collocetur, & Chirurgus sub directione divina sinceraque animi religione operationem incipiat, & supra tumorem incisionem cruciatam ad os usque cum scalpello incisorio, Gall. *Bistouri* dicto, rite faciat, & quidem suspenfa manu, uti in Trepanatione fieri solet, scil. a parte integra ad primam incisionem transversim institutam tendendo, & inferiorem prius faciendo, ne sanguis e superiore profluens ipsam operationem turbet; Labia a fibrosa adhæsione mediante instrumento separatorio modeste removeat, eaque ministro adstanti tenenda præbeat, probe observans, ut una cum cute pericranium uno ictu incidat, atque exacte deradat, ne, si portio quædam ejus remaneat, & ab instrumento raspatorio dilaceretur, gravia symptomata sequantur. IV. Quibus probe peractis tumorem sensim sensimque instrumento, scalpro rasorio dicto, radat, aut illo ferrulam rectam æmulante, cujus iconem JOAN. SCULTE T. *Armament. Chir.* Tab. VI. fig. I. II. exhibet, tumoris circumferentiam ferrando extirpet, idque eo facilius, quo mollior & spongiosior ejus textura interior fuerat. V. Factis hisce pars affecta, ne aer externus subintret, cito sequentem in modum deliganda est: Margines cavitatis ossæ in circumferentia cultello lenticulari lævigentur, hiatui sindones melle rosato & Aq. Regin. Hung. parum vel Spir. vin. cum ol. rosac. humectatæ ope Meningophylacis indantur, lamina etiam plumbea foraminulis prædita & a BELLOSTE depicta modo dictis super applicetur, super impositis spleniis, & plumaceolis ficcis in circumferentia Pulv. Rad. Irid. Florent. & Aristoloch. rot. Thur. Myrrh. inspersis, ad ossa a corruptione ulcerosa præcavenda, ut & alia splenia pro implenda cavitate applicentur, tunc labia cutis in situm naturalem reponantur, ne crispatura, Gall. *Bourrelet*, dicta, oriatur; omnibus denique imponatur facculus calidus e discutientibus, nervinis, aromaticis atque roborantibus paratus, ex. gr. Rad. Imperat. Angelic. Caryophyllat. Irid. Florent. Siggill. Salom. Bryon. Aristoloch. rot. Herb. Betonic. Salv. Marrub. Hyssop. Fl. Lavend. Ros. rubr. Chamomill. Til. Lil. convall. Sem. Anis. Nigell. Lign. Sassafr. Junip. &c. qui in vino rubro coquatur, & uti moris est, humiditas probe exprimatur. VI. Tandem totus hic apparatus Fascia, Capitium magnum vel Tegumentum Capitis magnum, Gall. *Grand couvre chef*, dictum, firmetur.

§. XII. Quibus omnibus juxta artis præscripta peractis (§. XI.) sequentes cautelæ sunt observandæ (1.) Post operationem alvus libera fervetur Laxantibus, Clysteribus emollientibus, carminativis & abstergentibus. (2.) V. S. in altero pede ob supra (§. XI. I.) allegatas rationes reiteretur. (3.) Æger remediis internis cephalicis, nervinis & analepticis temperatis refocilletur, v. gr. Aq. fl. Til. Lil. convall. Anhalt. Schroed. Cephalic. & Antepilept. August. Epilept. Lang. Spirit. C. C. fuccinat. Conf. Alkerm. incompl. Specif. cephal. Mich. Pulv. epilept. March. Syr. Pocon. Julep. Violar. De his æger mane sumat; Vesperis autem absorbens, temperans & humorum

acrimoniam corrigens, e. gr. Lap. cancr. ppt. Nitr. Depur. Antimoniat. Antim. diaph. Rhabarb. ver. Cinnab. Antim. vel nat. ppt. Eleofacch. Succin. (4.) Quia in assumptione ciborum diætam exactam observare debet, nutritionis gratia quandoque in jussulo carniū juniorum animalium Gelat. C. C. & Ebor. sumat. (5.) Ejus potus ordinarius constet ex Speciebus temperantibus, demulcentibus & expectorantibus, v. g. Rad. Gram. Liquirit. Paf. ful. min. Raf. Ebor. C. C. ust. Sem. Anis. &c. Sed absit nimia dulcedo, ne ructus & flatus inde oriantur, atque caput labefactatum per consensum patiatur. (6.) In deligatione vulneris Chirurgus foculum cum carbonibus ardentibus vel lignis juniperi accensis, imo etiam in ipsa operatione, temperiei aëris gratia proxime appositum habeat. Hisce (1. 2. 3. 4. 5.) est continuandum, prout ægri status hæc vel illa magis minusve requirit; iisque potus theiformes calidi ex appropriatis interponi possunt, ut: Herb. Thee. Orient. Veron. Beton. Capill. Vener. Fl. Papav. rhoead. Ras. Lign. Sanct. Rad. Salsæparill. Liquirit. &c. (7.) Instrumentum rasorium sæpius tollendum est, ne per nimiam incalescentiam illud hebescat, offique detrimento [h] sit, uti & eam ob causam, ut scobes ei adhærentes detergantur, insuper status offis & profunditas explorentur. (8.) Vulnus contra aërem externum vel nimis frigidum vel nimis calidum muniatur, ille partes constringendo, hic autem rarefaciendo nocet; Uti enim in omnibus capitis vulneribus æger in temperato calore est servandus, ita in hoc casu ob magnam substantiæ offæ (Tab. I. II.) deperditionem ille eo magis est necessarius. (9.) Sit bene tranquillus laterique vulneris opposito ad cerebri relapsum impediendum, aliaque symptomata inde metuenda incumbat, neque sit in loco nimis obscuro neque nimis sereno, donec pro circumstantiarum varietate mutatio concedi queat. (10.) Quoad cibum & potum acida, falsa, acria spirituosā, pingua nimis, oleracea &c. (non neglectis aliis rebus n. & n. n.) ut & fermocinatio multa sunt evitanda. (11.) Usus mere spirituosorum in vulnere hic exulet; irritant quippe meninges, sanguinis motus orgasticos & convulsivos, inflammationes cerebri & meningum producant, inque his sanguinem stagnare faciunt, unde pro subjecti conditione apoplexia, gangræna, sphacelus imo & ipsa mors sequuntur. (12.) Hæc operationis methodus & deligationis apparatus (§. XI.) illud commodi habent, quod in ista Operator magis in potestate sua habeat instrumentum (§. XI. IV.), eoque tam diu agere valeat, quousque pars corrupta a sana sit separata; Ab hoc vero impeditur, quod cerebrum & meninges hætenus a tumore compressa non tam cito resiliant, indeque major sanguinis affluxus variaque symptomata (10.) excitentur. (13.) Denique omnia illa sunt fugienda, quæ vulnere nocent ac corruptionem inducunt, v. g. oleosa obstipantia, humida putrescentia, emplastica, unctuosā obstruentia, acria suppurantia. Sic natura, impedimentis omnibus remotis succo glutinoso membranā vel cartilaginē formando jacturā of-

fis

sis refarcit. Sub calcem hujus tractationis non diffiteor, plura curationi nostræ Exostoseos addi potuisse, sed quia talia sub Titulis de Trepanatione, Vulneribus Capitis, Lethalitate Vulnerum apud Auctores Chirurgico-Medicos satis inveniuntur, ideo illa omittere non diu hæsitavi. Et hæc sunt, quæ ob exiguas ingenii vires de hac observatione conscribere mihi licuit, & quia quandoque bonus dormitat Homerus, spes me alit, fore, ut si in multis erravero, B. L. hocce meum levidense de illa redditum judicium tamen æquo animo excipiat, meosque conatus, si vires defecerunt, non male interprete-
tur. Ceterum D E O T. O. M., cui, quicquid sum, debeo, sit Laus, Ho-
nos & Gloria in secula seculorum. Amen!



T A B. I.


- a a a a. Circumferentia Exostoseos , quæ a tabula cranii externa excrevit.
 b b. Ejus longitudo ab osse occipitis ad os frontis se extendens , quæ pedis Regii Parisiensis 3. digitorum 5. linearum est.
 c c. Latitudo 2. digitos 10. lineas æquans.
 d. Os frontis.
 e e. Os sincipitis sinistri lateris.
 f f. Sutura sagittalis.
 g g. Sutura coronalis.
 h h. Pars futuræ lambdoideæ.
 i i i. Substantia osseo-spongiosa denudata , quia lamella ossea cum pericranio secessit.
 k k. Sulcus fere semilunaris per medium tumoris a parte antica versus posticam transversim excurrentis.
 l. Pars tumoris superior magis protuberans.

T A B. II.

- a a a a. Tumor osseo-spongiosus e tabula cranii interna enatus.
 b b. Longitudo ejus 3. digitorum & 6. linearum.
 c c. Latitudo 3. digit. 1 $\frac{1}{2}$ lineæ.
 d d d. Sulci , quos arteria duræ matris tumori impressit.
 e e e e. Substantia osseo-spongiosa denudata , quia lamella illam cooperiens cum dura matre ablata fuit. Crassities seu protuberantia utriusque tumoris una cum cranio erat 1. digiti 8. linearum.
 f f. Sutura sagittalis.
 g g. Sutura lambdoidea.

F I N I S.

Tab. I.



Tab. II.



Tab. III.

V.

DISSERTATIO MEDICA

EXHIBENS CASUM MEMORABILEM,

DE

CARIE CRANII,

Quam pro Aggregatione obtinenda defendet

JO. HADRIANUS SLEVOGTIUS,

M. D. P. P. O.

Jenæ, 27. Maii 1695.

DISSENT TO MIND

THE NEW YORK PUBLIC LIBRARY

ASTEN LENOX TILDEN FOUNDATION

500 N. 5TH ST. NEW YORK, N.Y.

1900

THE NEW YORK PUBLIC LIBRARY

ASTEN LENOX TILDEN FOUNDATION

500 N. 5TH ST. NEW YORK, N.Y.

1900

Q. D. B. V.

H I S T O R I A.

Puer octo annorum, temperamenti laudabilis, & floridi corporis habitus; die 15. Sept. anni 1689, in vicina urbe mane scholam petens, ab immaturo piro, ex alto in dextrum sinciput projecto, caligine oculorum & vertigine correptus concidebat, & aphonus domum deportabatur; ubi sine sensu, usque ad meridiem, jacens, tandem post repetitam evomitionem jentaculi, & multabilis, vocalis iterum redditus, manu locum laesum monstrabat, & de insigni dolore capitis conquerebatur: Cumque dextrum sinciput & vertex admodum intumescerent, nec vinum calidum, cum butyro & duplicato linteo adhibitum, sufficere videretur, chirurgus cura ægroti demandabatur. Hic, quod cutem integram cerneret, super imposito emplastro, plagam nullius momenti esse pronuntiabat, nec diætæ curiosus, de aeris aut victus decente usurpatione quicquam precipiebat. Imo cum, mense dimidio elapso, per lanceolam puri, sub cute latenti, exitum pararet, istudque satis coctum efflueret, presentibus signis læsi cranii, dolore continuo pulsante, stupore, masticandi difficultate, appetitu debili, somno turbulento; spem tamen parentibus facere audebat, intra octiduum curationi finem impositum iri. Sed irriti successu: quippe, utut quotidie tam per modo memoratum, arte factum, vulnus, quam per aliud novum, non longe ab isto, sponte natum foramen, haud parum crudi liquaminis excerneretur, non tamen tumor inde subsidebat, sed ultra principium quinti mensis perdurabat, & tandem ne levissimum contactum quidem, sine magno dolore admittebat. Cujus moræ parentes & agnati impatientes, postquam reliquorum chirurgorum istius loci, perversæ curationis tristem exitum subolentium, majoremque existimationis suæ, quam charitatis erga proximum, rationem habentium, fores frustra pulsassent; die 21. Januarii, anni 90, puerum huc ad avunculum suum, Danielemanum, optimæ notæ chirurgum, deducebant, a quo ego in consilium accitus in dextro sincipite, juxta suturam sagittalem, duo ulcuscula lentiformia, & dimidium pollicem a se invicem distantia deprehendebam. Hæc ichore plena erant quem ad singulos cordis pulsus modice subsultantem cernebam; cumque totus ambitus ultra suturam coronalem, atque λαμβδοειδὴν, elatior esset, & tangenti fungosus intusque cavus videretur, ac insuper leniter pressus, cum ejulatu ægri, prædictum ichorem ex ambobus ostiis emitteret; non sine ratione cranium subtus corruptum esse, & sine mora detegendum statuebam. Præmissis igitur leni evacuantibus, d. 23. explorata per specillum ulceris profunditate, & demptis forfice capillis, per decussatim factam sectionem ex cute copiosus sanguis niger propullulabat. Vulnere lege artis deligato, & quæ circa diætam, internaque remedia necessaria videbantur, rite dispositis, statim sequente die illud labia, multo quam antea, graciliora habebat; cumque tertium religaretur, portionem tabulæ cranii superioris, a reliquo osse solutæ, in fundo gerebat, & crassitie papirum, foraminibus cribrum, ambituque schema. I. exhibebat. Hac sublata, medullosa cal-

varie

variae substantia nuda, vitrea vero tabula exiguo foramine pertusa apparebat, ex quo tenuis flavescens liquor, juxta rythmum vasorum durae matris pulsantium, expellebatur. Manifesto indicio, intra cranium rem minime salvam esse, & hoc liquamen, quod maxima sui parte nutrimentum calvariae fuerat, ex erosiss tubulis stillando, a vicinis humoribus corruptis characterem vitiosum contraxisse. Cum itaque curationem solertem, atque industriam operam deposci palam fieret, haud contemnenda simul prosperi successus fiducia nascebatur, quod nec ulceris conditio adeo mali moris, nec caries ossis insuperabilis videretur, nec circa principes functiones aliquid magna formidine dignum extaret; sensim redeuntibus quiete, comedendi desiderio, masticatione expeditiore, animique alacritate: unica tussi excepta, quae cum insigni violentia & molestissimo capitis dolore, tribus ab hinc hebdomadis tenellum corpus concusserat.

Verum obstabat inemendabilis aegri, ex puerili ἀρρώστια τῆς διανοίας fluens morositas; dum dolorum, in prima sectione perpefforum memor, neque blanditiis, neque minis permoveri poterat, ut a clamore & corporis jactatione, qua chirurgi operationes turbabat, & vix ac ne vix quidem ulceris deterfionem concedebat, desisteret. Accedebat inepta agnatorum misericordia, qui fletu pueri commoti, jam omnem ferri usum detestabantur, nec misellum ulteriori cruciatui, ita vocabant scalpturam cranii, committere volebant: mori satius esse reputantes, quam tot ferramentorum crudelitatem in vivo corpore experiri.

Quibus rebus fiebat, ut post imprudentem cunctationem, tandem, penitus absumpta magna cranii parte, medio Februarii, dura mater per foramina A & B, in secunda & tertia figura notata, nuda in conspectum veniret, & curioso spectaculo tres distinctos motus, cordis pulsui, respirationi & tussi respondentes exhiberet. Cum autem interim novus tumor in occipite suboriretur, & ad educendam putrilaginem ferro uti prohibitum esset, d. 16. per potentiale cauterium eum aperire reliquum erat. D. 20. Puer solito somnolentior fiebat, & sensim p. n. calere incipiebat, cessabat appetitus, viresque imminuebantur sensibilibus, donec d. 25, 26, 27 & 28. aucta dormiendi libidine, quam crebri pavores comitabantur, febriliter caleret, & aut plane non, aut incongrue ad quaesita responderet, dieque 1. Martii fatis cederet.

Cranium resectum quatuor in locis perforatum visebatur, & in concava sui parte, ubi late serpens caries magnam interioris laminae partem absumserat, mucore albo & inaequali superficie praedito, oblitum erat; quo cum etiam dura mater, quousque ab arroso osse adhuc tecta erat; ad straminis crassitiem obducta esset, primo intuitu pene eam hoc loco exulceratam dixissemus: Sed accuratiori examine adhibito, adhuc integra, omnisque lesionis expers inveniebatur. Magna autem huic & cranio, unde deciderat, adherens, armato oculo innumerorum verniculorum, lento humori implicatorum, congeries apparebat; quorum multi, aquae tepidae injecti, motitatione sua vitalitatis indicia edebant. Vasa meningis ad rupturam atro sanguine turgebant, & candicans alias cerebri substantia rosea fere & spississimis punctis rubris conferta videbatur. Ventriculi flavo sero distenti erant, quod, quamprimum illi cultri apice vulnerabantur, cum impetu profiliebat.

Εξήγησις.

Εξήγησις.

§. I.

T Alis fuit lamentabilis vitæ terminus pueri optimi, cui longioris vitæ ufuram ars promittebat, si & in tempore convenientia remedia adhibita fuissent, & cum eadem postmodum adhiberentur, æger non minus quam adstantes, ad monitum Hippocratis, ἐωυτὲς παρέχειν τὰ δέοντα ποιεῖοντες decrevissent.

§. II. Cum vero, ut vulgata fert sententia, *dimidium curationis cognitio morbi absolvat*; & statim in principio, quæ a divino Sene, ejusque sectatore Celso, ad diagnosim rite formandam præcipiuntur, obiter habita fuerint, mirum non est, hinc infidam prognosim, erroneamque curationem originem traxisse.

§. III. Ut igitur, quam promptum fuerit hunc lapsum evitare, ostendamus, ea quæ Artis Parens, in aureo de *capitis vulneribus* libello, Celsusque passim præstantissima proponunt monita, ita præsentī circumstantiarum feriei applicabimus, ut primo omnium *ad subjectum*, deinde *ad locum affectum*, postmodum *ad instrumentum*, ceu causam, *modumque ledendi* & denique *ad παρακολυθησίαν*, in ægro emergentes, animum adhibeamus; quibus ultimo prognoseos ergo, *tempus anni* quoque subjungemus.

§. IV. Subjecto merito hic primas deferimus, quia ejus cognitio adeo necessaria est, ut nisi de eo constet, indagatio *indicationum* frustranea, *indican- tium* dignotio impossibilis, *indicatorum* applicatio autem inepta ac prorsus cœca existere soleat.

§. V. Quod nostrum attinet, ne ex ætate puerili & laudata corporis *εὐε- ξία* prior chirurgus oscitantia suæ excusationem petat; quasi vero, cum Celsus puerorum & adolescentium vulnera citius sanari statuatur, præsentē in- super in nostro humorum *εὐκρασία*, a *mediocri* ejusmodi *læsione* per *pirum*, & *sine sanguine* facta, non adeo facilis pravorum symptomatum *ἐπιγένεσις* metuenda fuerit: Sciendum est, Celsum *lib. 5. c. 26. p. 302.* eatenus tantum recentiori florentique ætati promptiorem reconvalescentiam spondere, quatenus illa senio, humorum balsamica dulcedine & *γλισχροτήτι*, calidique nativi vigore destituto opponitur. Deinde neminem latere putamus quam pronum in febres ac putredines sanguineorum temperamentum existat, & quam exquisito tenera puerilium nervorum compages, ad leves vellicatio- nes, sensu polleat, dolorumque impatientissima sit. Ut taceam, effato *magni Æsculapii* Lycei hujus, ut Imperatori & Medico, ita & Chirurgo turpe esse, dicere: *Non putaram.*

§. VI. Secunda consideratio locum affectum concernit, caput scilicet, re- gionem corporis nobilissimam; Et sicut nec minimas hujus læsiones contem- ni debere, unanimis peritorum vox est; ita quæ ossi sincipitis atque futuris

accidunt, periculosissimas esse, post Hippocratem receptissima in scholis medentium opinio fuit.

§. VII. Os vero aut fissum aut fractum fuisse, ipsamque futuram labem accepisse, tria potissimum argumenta probabile reddunt; Horum primum partium harum constitutio suppeditat: *Universi enim, inquit Hipp. l. c. text. 3. capitis os tenuissimum ac debilissimum est, quod circa sinciput, & carnem paucissimam ac tenuissimam hac parte os super seipso habet. & text. 15. Proclive est os circa futuram rumpi ac dissolvi, propter ossis hac parte debilitatem & raritatem, & propterea, quod parata sit sutura, ut rumpatur ac dissolvatur: nam reliqua ossa, futuram ambientia, ruptionis exortia manere possunt, eo quod robustiora sunt, quam sutura.*

§. VIII. Nec obstat, aut effugiendi ansam imperito homini & excusationem parit, quod juniorum crania, præ adultis, singulari privilegio gaudeant, ut cum mollitie simul tenacia existant, & duriori corpori allisa cedant, *Θάλασσαν* potius, quam fissuram aut fracturam patientia. A qua etiam ut restituantur, non æque cutis dissectione & vectibus, aut operosis elevatoriis monopodibus, bipedibus tripedibusque opus habeant; sed vel per suctum, ad modum antiquatæ scarificationis, vel per cucurbitam cum multa flamma, aut enchiresim Hildanianam, emplastrum scil. firmiter affixum, subitoque iterum, beneficio funiculi abstractum, ad naturalem statum reducantur: imo quod sponte, & sine artis ope, nonnunquam eleventur. Cujus phænomeni exemplum ante aliquot annos heic loci me vidisse memini: cum enim puer quinquennis ex fenestra in aquæ ductus marginem præcipitatus, insignem foveam in sinistro sincipite reportaret, & *ἀναίσθητος*, morientique similis, *ῥογχάζων* jaceret, locus depressus autem cum facculis cephalicis & vino calido foveretur, paulo post, me atque chirurgo præsentem, vi excitatæ sternutationis, sensim resurgente cranio, vocem & sensum recuperabat.

§. IX. Verum sicut hæc omnia verissima sunt, ita nihilominus juniorum calvarias etiam frangi posse, certissimum est; quin & hoc insuper vitii habent, ut non solum, ceu reliqua ossa fracta, *nisi succursum est*, verbis Celsi, lib. 8. c. 4. *gravibus inflammationibus afficiantur, difficilisque postmodum tractentur*: sed etiam non fracta, dum secundum text. 25. l. c. Hipp. *τῶν παιδίων τὰ ὀστέα ἐναιμότερά ἐστι*, puerorum ossa magis sanguinolenta sunt, ut ex nostri, post mortem & aliquot annorum decursum, adhuc rubella calvaria cognoscere datur; ideo *καὶ μᾶλλον καὶ θάσσον ὑποπνίσκειται*, magis ac citius supparantur. Sicubi scilicet, contra apertam Hippocratis doctrinam, text. 22. *ulcus carnis ambientis non statim repurgatum, & ad siccitatis statum reductum fuerit; sed diu, (hoc loco ultra quadrimestre) humidum & putrescens relictum manserit.*

§. X. Alterum cranii læsionem suspicandi argumentum instrumentum lædens offert, de quo Hippocrates text. 14. *Profecto ex telis maxime os rumpunt & manifestis & obscuris fissuris, & intro cedere faciunt, quæ sunt rotunda, orbicularia & obtusa & gravia & dura.* Tale autem pirum immaturum fuisse,

fuisse, vero simillimum est; imprimis cum lædendi modus accesserit singularis, per hunc enim, quod ἀπὸ ὑψιλοτάτης, ex altissimo descendit, & ἐξ ἰθὺς, è directo caput petiit, vi textus 13, μάλιστα γὰρ ταῦτα πάσχειν τὸ ὄσθον κίνδυνός ἐστι, maxime sane, ut hoc os patiatur, periculum est.

§. XI. Restat tertium argumentum, ex iis, quæ ictum secuta sunt, symptomatis depromendum. De his post Hipp. Celsus lib. 8. c. 4. p. 545, ita loquitur: *Ubi calvaria percussa, protinus requirendum est, num bilem is homo vomuerit, num oculi ejus obcæcati sint, num obmutuerit, num per nares auresve sanguis ei effluxerit; num ceciderit; num sine sensu, quasi dormiens jacuerit? Hæc enim non nisi osse fracto eveniunt.*

§. XII. Licet autem assertio hæc, de eo tantum, quod ὡς ἐπὶ τὸ πλεῖστον fieri solet, accipi debeat; quatenus læsioni cranii ordinarie quidem hæc & similia phænomena, dolor v. g. masticatio impedita &c. superveniunt; nec viceversa tamen ex præsentia eorum omnium indubitanter de rupto osse pronunciare licet: in nostro certe ipse effectus, enormis ista caries, sinciput ab initio statim, una cum futura, fissum fuisse, testari potest. Inde enim evenit, ut portio, quæ d. 24. Januarii de superiori tabula recessit, mox in primo ictu, per conquassationem ad insequentem separationem disposita, intus vero integra pene futura successivæ consumptioni subjecta fuerit, quia in hac, ceu magis succulenta, prima sanguinis stagnatio atque corruptio sedem habuit.

§. XIII. Hæc de diagnosi: quæ cum fundamento caruerit, necessario infidam prognosim post se trahere debuit; cum tamen eam rationi & effectui conformem reddere facile fuisset, modo, quæ Hipp. clarissimis verbis de tenera & putredini obnoxia textura craniorum puerilium docet, chirurgus cum læsionis organo, & inde ortis incommodis comparasset; sique porro ex text. 3. l. c. *Contusiones & ruptiones sincipitis, ob cerebrum plurimum ibi subsistens, lethaliiores, ac ad curandum & effugiendam mortem difficiliiores existere didicisset*: Si præter hæc ad tempus autumnale ac hybernale respexisset, quod capitibus læsis Celsus l. 5. c. 26. aliique veterum *perniciosissimum judicarunt*; si acerbissimis, vereque ulcerosis miselli doloribus indoluisset: Si denique ad ea, quæ oculis cernere, manibusque palpare poterat, animum advertisset: tunc ex stabili loci affecti tumore, continuum affluxum & ῥάσιν p. n. sanguinis; ex nova, eaque spontanea cutis perforatione, magnam humorum acrimoniam, ex putredine conceptam; ex vulneris tamdiu frustra tentata consolidatione, & crudi liquaminis excretionem, ossis corruptionem, semper & usque ulceris sanationem impredientem; ex motu denique ichoris, pulsui arteriarum concordante, cranii profundissimam læsionem conclusisset; nec proinde restitutionem ægri, ut in principio garriverat, octo dierum opus statuisset; sed potius cum Celso, l. 8. c. 4. p. 545. *Hæc non nisi osse fracto evenire, & ubi inciderunt, necessariam quidem, sed difficilem esse curationem pronuntiasset.*

§. XIV. Tantum etiam de prognosi: cui jam curationem quoque appo-

nere par esset, si, præter emplastri atque lanceolæ nomen, quicquam de eâ nobis innotuisset. Ut tamen, ubi istam ratio defecerit, pateat, breviter, qua methodo a nobis ulcus tractatum sit, exponere, ordineque, non quidem ἐπισημονικῶς, sed tumultuario, prout scilicet historiæ decursus sese obtulit, recensere animus est.

§. XV. Antequam aliquid tentaretur, opportunum videbatur, leni laxante primas vias expurgare. Quod etsi Overkampio aliisque neotericis superfluum videatur, sua tamen utilitate non caret. Deinde cum capillorum remotio tam ad dignotionem loci affecti accuratiorem, quam ad aptiorem remediorum applicationem, perquam necessaria esset, nec tamen acerbissimus dolor in rubella, & ab expansione fibrarum fungosa reddita cute, novaculæ rasuram admitteret, forfice eos chirurgus refecare cogeatur.

§. XVI. Circa explorationem profunditatis dubium nascebatur; cum enim styli beneficio, quousque cultri acies adigenda esset metiremur, & ille in duro corpore subsisteret, nec statim ad duram matrem descenderet, cranium integrum, nec, uti ex adeo manifesto ichoris subsultu conjiciebamus, perforatum esse mirabamur. Cumque sequente die post exemptam portionem tabulæ superioris, passim foraminulis scatentem, quæ stylum heri exceperat, conjecturam nostram omnino fundamentum habuisse cerneremus, experientia convicti, specillum non omnis erroris expers esse concludebamus; quamvis Hippocrates atque Celsus hoc, ceu fide dignum testem laudent, qui an vulnus aut caries in ossæ adhuc sedem habeat, an vero istud penetrarit, perspicue doceat.

§. XVII. Detecta itaque plagæ altitudine, restabat, ut cutis ad cranium usque, & quidem decussatim dissecaretur; cum & ulceris cavitas latenque caries sectionem indicarent, locusque affectus eam permetteret, & Hippocrates Celsusque postularent. Sectionem indicari patebat ex textu 18, l. c. *Ulcera, quæ non habent sufficientem magnitudinem longitudinis ac latitudinis, ad ossis inspectionem, an quid mali passum sit a telo, & quale id passum sit, & quantum caro contusa est, & quantum os lesionem habet: & rursus, an illæsum sit os a telo; & nihil mali passum sit: & ad curationem, quali nam opus habeat ulcus, & caro, & ossis affectio, τὰ δὲ τοιαῦτα τῶν ἐλατέων τομῆς δεῖται, talia sane ulcera sectione opus habent.* Permitti autem sectionem ex text. 19. disciebamus, quia omnes partes eam sustinent, præter tempora & venam, quæ super tempora fertur, nec, Celso teste, magno negotio cutis sanescit, etiamsi frustra secetur. In specie vero a Celso sectio, quæ ex duabus transversis lineis litteræ X figuram accipit, commendabatur, ut deinde a singulis præcedentibus angulis cutis subsecetur.

§. XVIII. Cutis aperta uncialis crassitudinis deprehendebatur, & faciem uteri dissecti, cum ultimis mensibus instar spongiæ sanguine turgere solet, representabat. Sanguinem per moram inspissatum & hinc nigriorem apparentem, utut affatim efflueret, reprimere inconsultum ducentes, nec monitum Celsi, qui p. 548. *sanguinem, inter secandum effluentem, spongia, subinde in*
aceto

aceto (huic regioni minus conveniente) *tincta*, *cohibendum* *objectisque* *linamentis* *occupandum* esse scribit, observare; nec reliqua *ἐναίμα*, *ἰσχυαίμα καὶ συπτικὰ* remedia in usum vocare poteramus: Cum enim partem sectam, alias minus succulentam esse, & per se non admodum sanguine abundare, sed per frequentem vociferationem sursum protrusum, nunc p. n. tam copiosum possidere crederemus: idcirco leniter labia vulneris demulcendo, exitum ejus promovendum potius, quam retardandum, putabamus.

§. XIX. Vulneri balsamum chirurgi ex myrrha, mumia, aloe, sanguis draconis, mastiche, sarcocolla, melle rosaceo atque rutaceo concinnatum, carptoque linteo exceptum imponebatur, cum labia prius ooo chamom. rosac. mastichin. anethin. quibus modicum ooo philosophor. & ceræ rectif. admixtum erat, uncta essent; mox emplastrum sticticum Croll. & de betonica applicabatur, quod aliud latius, defensivum dictum, tegebat; tandem saccus latus, fol. beton. rut. scord. rosar. salv. veron. organ. flor. rosar. melilot. stœchad. arab. & baccis lauri, gr. m. concis. & contus. impletus, vinoque ad tolerantiam ægri calido, madens, reliqua omnia amplectebatur, quem fascia per multiplicem circumductionem in sede sua confirmabat.

§. XX. Studio integrum apparatus recensere volui, ut pateat, solum emplastrum, cujuscumque bonitatis etiam illud primi chirurgi fuerit, minime sufficiens fuisse. Accuratius enim caput custodiendum est, talibusque munitis utendum, quæ non aëris accessum solum arcent, sed virtute insuper sua nervina resolvente, & balsamica roborant, *σάσι* humorum præcavent ac tollunt, corruptionique resistunt. Hujus indolis sunt dicta remedia, inter quæ sacculus non infimum locum meretur: talibusque hodie a nostris chirurgis in dies gravissimæ capitis læsiones corriguntur, quæ olim sectionibus, usionibus, scalpturis, terebrationibus, aliisque horribilibus operationibus opus habebant.

§. XXI. Pro interno usu Eff. traumat. ill. Wed. c. Eff. lign. aloes, anod. El. propr. f. acido mixta, pulvis item oc. oo cinnab. Hung, corall. medull. faxor. o d. rad. pœon. sperm. cet. offerebantur, & de liquido non minus, quam sicco medicamento bis quotidie guttæ 15. scrupulusque dimidius, vel grana 12. porrigebantur. Ne vero uniformia medicamenta fastidium parent, modo pulveres cum aquis distillatis extractis atque sirubis appropriatis in potiunculas, usus tempore concutiendas, mutabantur, modo decocta rad. rubiæ, chinæ, liquirit. symphyt. herb. scab. mille fol. agrimon. plantag. parabantur. Omnia eo fine, ut si sanguini aliquid peregrini inesset, istud emendaretur, tussique, ab irritatione duræ matris magis, quam pectoris vitio ortæ, *παρέργως* prospiceretur.

§. XXII. Et quia, maximo errore, diætæ moderamen in principio plane neglectum erat, in cibo & potu acida, salsa, acria, spirituosâ, vetabantur, ne scilicet vitium, chylo impressum, in sanguinem redundans, ulceris gravitatem exasperaret. Imprimis autem aër tepidus ac quies commendabantur, ne scil. a frigore *σάσις*, ab æstu fornacis vero nimio fusio humoribus indu-

ceretur, nec etiam a motu corporis, risu, sermone claro, æger tussim & capitis concussionem dolentissimam pati cogeretur.

§. XXIII. Quæ si cuncta rite observata fuissent, nec ægro sæpissime, brumali tempore, per plateam ambulare, & cibus insuper omnis generis uti, vinumque forbillare, blanda agnatorum indulgentia permisisset; sed contra ea hi ipsi, sub deligatione ulceris flente puero, non tam collacrymassent, quam fortiter potius prehenso refractarii capite, operanti chirurgo adstitissent; tunc non solum, cum lamella cribriformis separaretur, ampliato magis ulcere, cariosa cranii regio scalpro ad sani ossis apparitionem excindi, complanari, & hoc modo ad suscipiendam novam carnem aptari, ulcusque feliciter atque perfecte percurari potuisset: sed postmodum etiam, cum jam per protractum reluctandi *κακότητες* ingens intra cranium exesum porta pateret, haud omnino nulla ægrum conservandi spes affulgebat; quia & signa quædam, inter salutaria a Celso relata, *meningis* scil. *bonus color*, *hujusque* *ἑ* *cervicis ac maxillæ liber motus*, *febris quoque absentia* *ἑ* *mentis integritas* supererant; & nunc τὸν *μενιγγοφύλακα* commodè immittere ac sectione omne cariosum ad sani ossis margines auferre licebat.

§. XXIX. Quæ omnia eo felicius in nostro processissent, quo meliori corporis temperamento cæteroquin is pollebat. Hujus enim ope fiebat, ut simul ac die 23. per sectionem cutis a superfluis humoribus liberaretur, ulcusque dilataretur, & duræ matri ab imminente ichore per vitreæ tabulæ foramen sese purgandi commodior via concederetur, statim dolor remitteret, & a doloris cessatione quies, a quiete autem ventriculo vigor redderetur.

§. XXV. Verum enim vero cum nec sanioribus consiliis aures adstantium paterent, nec a tristi prognostico eorum animi terrerentur, aucta tandem in cerebro mole sanguinis ac feri, quam nec vesicatoria extrahere, nec alia interna externaque remedia resolvere, atque divertere poterant, lethalis torpor spiritibus imprimebatur; donec per lethargicum soporem miser somni fratri traderetur, ubi

*ipsi, cum semel occidit brevis lux,
nox est perpetuo una dormienda.*

§. XXVI. Commoda hic de causis lethargi & cur æger non motibus convulsivis potius, ut alii similiter affecti solent, perierit; cur item terminum vitæ, ab Hippocrate hoc modo vulneratis definitum, longe superarit, differendi occasio esset: cui etiam ætiologia cariei verminosæ, pluraque alia addi possent: sed quia ista persequi, præsens instituti, merum historiæ examen concernentis, negotiorumque ratio prohibet, reliqua alio tempore exponenda silentio præterire placet.

S O L I D E O G L O R I A !

T A B.

Fig. 1. est lamina ossea tenuis & perforata, portio scil. tabulæ exterioris cranii, a reliquo osse per cariem separata.

Fig. 2. exhibet exteriorem faciem cranii,

A. Est primum foramen majus, a quo præcedens lamina ablata fuit, quod cum B postmodum in unum foramen coalescebat.

B. alterum foramen majus.

CC. duo alia foramina minora,

DD. futura sagittalis prorsus corrupta.

E. futura coronalis.

F. futura lambdoides.

G. ossiculum Wormianum.

aaa. loca cariosa in extrema superficie.

bbbbbb. ostiola vasorum sanguiferorum, calvariam penetrantium.

Fig. 3. representat cranii faciem internam.

A, B, CC. sunt quatuor foramina.

DD, E, F. futura sagittalis, coronalis & lambdoides.

G. ossiculi Wormiani facies interior.

aaaaaa. peripheria cariei, quæ os partim penitus consumpserat, partim admodum asperum & tenue reddiderat.

bbbbbb. vestigia ramificationum vasorum duræ matris, ossi impressa.

F I N I S.



Fig. II.




Fig. I.



Fig. III.



Tab. IV.



[Faint, illegible handwritten text, possibly bleed-through from the reverse side of the page.]

VI.

QUÆSTIO MEDICO-CHIRURGICA

QUAM PRÆSIDE

M. GASP. COCHON DUPUY,

MEDIC. DOCT.

Tuebitur

BARTHOLOMÆUS MURRY,

Laonensis Hybernus, Baccalaureus.

SUB HAC VERBORUM SERIE:

An post gravem, ab Ictu vel Casu Capitis percussione,

non juvante etiam iterata terebratione, dura

Meninx incisione aperienda?

Lutetiæ Parisiorum 16. Februarii 1736.

THEOLOGICAL CHURCH

OF THE CITY OF NEW YORK

AND OF THE DISTRICT OF COLUMBIA

AND OF THE TERRITORIES

OF THE UNITED STATES

AND OF THE DISTRICT OF COLUMBIA

AND OF THE TERRITORIES

AND OF THE DISTRICT OF COLUMBIA

AND OF THE TERRITORIES

AND OF THE DISTRICT OF COLUMBIA

AND OF THE TERRITORIES

I.

Cerebrum, corporis pars nobilissima & delicatissima, singulis, tum animalibus, tum vitalibus, tum naturalibus functionibus necessaria, ossa pyxide cranio nempe, extus tegumentis plurimis, intus vero dura matre firmato & vestito) tamquam galea, non minori soliditate, quam admirabili artificio constructa, includitur. Hæc prudentis Naturæ præsidia, quibus cerebrum ab injuriis exterioribus defenderet, functionumque ejus libertatem firmaret, illud ab effectu percussione violentæ cædentis contundentisve non omnino vindicant. Instrumenta cædentia manifestum oculis & specillo produnt effectum, contundentia vero non semper vulnus aperiunt; verum sive partem solvant, sive non, inde ut plurimum obscuriora sequuntur signa, quæ sola prudenti inquisitione & ratiocinio patefient. Capitis partem casu vel ictu contusam; contundentis instrumenti figuram & pondus; ferientis vim; aut corporis, in quod violenter caput imegit, figuram & duritiem; quomodo ceciderit æger, ipsiusque pondus; loci excelsitatem; ac demum symptomata eorumque momentum & numerum colligere debet Medicus & meditari. His attente perpensis, de morbi magnitudine & periculo integre judicans, operationis speciem & modum, pro rei gravitate, imperabit. Itaque si post gravem, ab ictu vel casu, capitis percussione, homo concidat exanimis; vomituriat; sanguinem auribus, naribusve excernat; delirio, motu convulsivo, lethargo aut apoplexia corripiatur; tunc periculosam calvariae, meningum, aut cerebri ipsius læsionem judica. Tegumentis autem adest vulnus aut contusio, aut neque vulnus adest neque contusio. Ecce vulnus apparet, specillo calvariam explora, num nudata sit. Attamen sive vulnere nudatum os comperias, sive simplex adsit contusio, utrobique morbi sedem habes. At si neque vulnus, neque sit contusio; tum aliquando sibi redditus æger, partem casu vel ictu affectam ipse declarat, vel oculati testes indicant. Si denique dubiæ stent res; eraditur caput, & cessata novaculæ rubedine, lividitas aut inflammatio levis ictus sedem denotat. Re tandem mature perpensa, inciditur cutis, in loco vulnere aut contusione aut prudenti inquisitione notato. Incisione facta, si adsit fractura, pro circumstantiis proficitur. Una aliquando ossis diffracti portio detracta, terebrationis loco est. Sæpius tamen ad terebrationem etiam iteratam devenire necessum est: hac via licebit ossis fragmenta subjectis infesta meningibus vecte elevare, vellsellis eximere, cruorem effusum exhaurire vel saniem. Quod si nudatum os integrum & sincerum appareat, ni remittant symptomata, effusus intra cranium stagnat humor, ad quem terebratione sola pertinges. At vero dura matre recusa, num pro certo effusum humorem invenies? Minime: atque etiam si adfuerit, quis altius aliud non latere affirmare audeat? Si igitur, operatione peracta, stent adhuc symptomata; sive intra cranium reperiatur effusus cruor, saniesve, sive non; duram inter & piam matrem, morbi sedem

judicat perspicax Medicus. Non sola symptomatum existentia res ita constituitur; ictus gravitas & altitudo, modusque casus; duræ matris intumescencia, inflammatio, ipsiusque a cerebro impressi motus cessatio, firmant conjecturam; [i] quin imo, licet gravia symptomata a violento ictu casuve ab alto oborto cessent, attendendum adhuc ad cerebrum violento lapsu commotum, aut forte cranii ipsius duritie offensum; tunc enim vasorum ruptionis, cerebri ipsius sub dura meninge suppurationis metum ad plures hebdomadas subesse merito affirmaveris.

II.

Ut vehementis capitis percussione effectus nitidius perspiciantur, structuram, connexionem, mutuamque partium capitis consensum quæ gravi ictu vel casu ab alto lædi possunt, nunc rimemur oculis. Cutis extus capillata, crassiorique instructa Epidermide, cranium vestit, intus vero corpore celluloso tenui & densato, cui calantica subjicitur aponeurotica, in quam tendinosa muscutorum frontaliū & occipitaliū feruntur stamina, cuti intime unita. Huic subjacet membrana exquisitissimo sensu donata, Pericranium nempe, cranium immediate vestiens plurimis compositum ossibus, futuris non modo firmiter conjunctis, verum etiam multiplici & reciproca denticulorum serie commissis: Cranium duabus constat tabulis, quarum una exterior & spissior, interior altera & tenuior; has inter media est diploe, ossea scilicet substantia cellulosa, delicatissima, succo medullari sanguinolento referta. Dura meninx internam cranii tabulam induit, cui, ut pericranium exteriori, adhærescit. Ex his utraque non solum inter se sanguineis vasibus, nerveis, tendineisque staminibus per futuras aut foraminula, quibus tota conspergitur cranii superficies, trajectis; verum iisdem propaginibus cum musculis frontalibus, occipitalibus, calantica aponeurotica & cute itidem communicant. Igitur dura mater duplex, fortis & tendinosa, prima cerebri membranâ olim credita, cranii tabulæ internæ ubique connexa [k], ad eam pertinet. Cranii scissuræ interiores a prima ætate impressæ, in divellendo resistentia, vasorum a divulsione ruptorum orificia sanguineis distincta maculis, membranam cranio adhærescentem demonstrant; cujus interior lamella lævis & lubrica, piæ matri absque ullo nexu instrata, dum ab exteriori sejungitur, sepimenta efformat, quibus cerebri & cerebelli hæmisphæria inter se, ut cerebrum a cerebello separatur. Lamellæ hujus interioris duræ meningis plicaturæ, antiquorum recentiorumque sinus effingunt, dum exterior firmiora ad cranium efformat vincula. Cutis itaque, calantica aponeurotica, pericranium, cranium, & ipsa dura mater, plurimæ sunt lamellæ, tum membranosæ, tum osseæ, quibus conflatur pyxis cerebrum pia matre obvolutum complectens. Tota cerebri moles nullum alium in pyxide ne-

xum

[i] Jacobus Berengarius, *passim*.[k] Jacobus Berengarius, *Carpensis* Fabr. Hildanus *Cent. 1. observ. 7.*

xum habet, præter eum quem accipit a vasibus sanguinis circulationi in hac parte dicatis, nervis e cranio prodeuntibus & medulla oblongata: ita ut, sub duræ matris lamella interiori libera, sepimentorum ejus ope fulciatur tantummodo, non constringatur. Pia autem mater, sola cerebri membrana propria, tenuissima, duplici tamen lamella constat, ut dura meninx; quarum exterior arachnoidea dicta, extus lævis & lubrica admodum, subtus delicatissime cellulosa, interiori lamellæ laxè cohæret; adeoque quod hæc intus, illa extus habet. Utriusque speciei vasa sanguinea sustinet lamella interior, quæ non substantiæ corticalis anfractibus modo inferuntur, verum etiam glomerum glandularumve substantiam penetrant, quas ipsa concludit, conjungit, firmat, quibusque mollem & congruam conciliat stabilitatem. Contundentis instrumenti in partem tanto munitam apparatu, tamque delicatam & fragilem, nunc perpendamus effectum. Contundentis instrumenti caput ferientis ictus, cerebri pyxidis integumentorumque ejus apparatus omnem celeriter pellit adversus substantiam cerebri mollem & sub dura matre liberam, qua vi cerebri moles retropulsa ictum fugere videatur. Hujusmodi percussio, pro instrumenti specie, tegumentis contusionem, cum, aut sine ruptione infligere valet, & tamen cranium ita concutere, ut duram meningem ab eo divellat. Tunc inter eam & cranii tabulam internam, etiam absque tegumentorum solutione, aut nulla cranio apparente rima, fit sanguinis sub divulsione effusio. Fieri itidem potest, quod ictus vehementis ad perpendiculum tanta sit percussio, ut mollioris cineritiæ cerebri substantiæ vasa delicatissima, interna piæ matris lamella fulta, singulisque ejus partibus in infinitum distributa, & ipsa etiam vasa majora concussione rumpantur. Contra autem casus ab alto, cerebri portionem capitis impulsui respondentem ad cranium solidum & durum abripit, tuncque cutis, calantica aponeurotica, pericranium, cranium & dura mater, corporis duri affectum extra recipiunt, cerebri vero massa, proprio impulsu violenter impingit in duram cranii substantiam, qua contunditur: tunc evenit sæpissime, ut, illæsis exterioribus cerebri munimentis, ipsa cerebri substantia concussa, contusa, obscura & lenta suppuratione detrimentum omne patiatur.

III.

In tanto, tam intimo, tam præcipiti rerum discrimine, quodnam adhibendum auxilii genus? Duram meningem trepanum patefaciet, liquoribus inter eam & cranium effusis, liberum præbebit exitum. Hæc est omnis simplicis terebrationis vis & ratio. Num igitur nullum aliud superest auxilium, si non remittant symptomata? Num in diæta, venæ sectione, fomentationibus aromaticis, ac Ruyschio ultra modum laudatis, melle rosaceo spiritu vini diluto, aut balsamo Fioraventi albo, duræ meningi sindone applicito, hærebimus? Ab experientia discite materias puriformes duram inter & piam matrem effusas, mucii naturam plerumque præ se ferre, tenaciores quam ut

possint duram matrem, membranam duplicem transsudatione trajicere. Num ejus sunt indolis quæ venas sanguineas cerebri denuo subire possint? Si adsit extra venas effusus sanguis, num in fluentem redire potest? An expectabimus dum una aut altera ex his effusionibus cerebrum duramque meningem putredine inficiat. Miserabile perfugium! cui epileptici insulsus, paraly- sis oppositam semper suffusionis partem occupans, apoplexia, partis denique putredo nulla arte farcienda, superveniunt. Quid, duram meningem incisione attingemus? Nec dubites. Hac sola via funestos vitabis eventus. Perseverant & augentur symptomata? Violenta capitis percussio argumentum præbet, duram matrem inter & calvariam mali sedem non existere; verum profundius latere designat. Scalpelli igitur cuspide, sufficienti incisione, qua tamen non lædatur cerebri substantia, duram meningem audacter attingere ne dubites; cavendo ne in membranæ superficie repentes arteriarum ramuli aperiantur. Neque astantium metu, lanceolam linamento involvas, inepta & crudeli forsan providentia; cuspis enim subtilis & acuta, quæ imminenti periculo necessaria & salutaris, aperte adhibenda est, ut eam possit Chirurgus tuto & dextre regere inter operandum. Revera hæc lanceolæ linamento armatæ cautio, a singulis commendata Chirurgis, duræ meningis aperiendæ si adfuerit duram inter & piam matrem effusio, necessitatem illis cognitam fuisse demonstrat; hanc vero operationem ita periculofam & infrequenter habuerunt, ut eam semper occulte timidoque exercuerint animo. Num igitur omnia tuta sunt in Chirurgia? Curata sæpe & feliciter duræ meningis vulnera, nonne ejus incidendæ, quoties necesse fuerit, opportunitatem arguunt & firmant? Certe hanc operationem, quantumvis periculofam, dum unicum est in desperatis perfugium, pertimescere, renuere, protrahere longius, neque humanitati congruit neque rationi. Raram esse incidendæ duræ meningis necessitatem supponitur gratis. Aliter existimaverit quicumque diligenti & accurata sectione cadaverum, improvisorum & lethalium symptomatum causas, post ictum vehementem casumve ab alto, indagaverit. Fatendum tamen primis diebus incerta esse & dubia contusionis effusionisve sub dura matre signa, quæ tamen diligenti inquisitione & meditatione assidua elucescant. De iis audiamus Berengarium Carpensem. *Dico, inquit, quod in istis signis distinguendis est magna difficultas, & non cognoscantur nisi a valde experto, qui conjectura aliqua hoc cognoscet; quia hæc signa non possunt integre scribi, sed solum a bono ingenio diligenter ruminante, dividente & componente & longo tempore in similibus experto possunt comprehendendi & judicari; quia multa sunt in Medico quæ non possunt scribi, ut continue videmus.*

IV.

Duram meningem utili incisione attingere ne timeas, cum membranæ istius vulnera licet periculofa, non semper & necessario sunt lethifera [1].

Capi-

[1] Schenckius *obs.* pag. 19. 23. 24. 25. 26. 28.

Capitis vulnerum cum duræ meningis læsione feliciter sanatorum plurimæ extant in libris observationes Chirurgicæ, nec defunt effusi stagnantisve inter eam & piam matrem liquoris incisione commode ejecti, exempla [m]. Quod si sanabilia sint ejusmodi vulnera; cur ea arte infligere dubitabimus, ubi necessitas postulat! Unde membranæ necessariam incisionem lethalem existimabimus? Hæc enim incisio fibras relaxando, dolorem sedat, suppurationique favendo gangrænam præcavet. In abdominis operationibus, peritonæi punctiōnem incisionemve, ut & pleuræ in empyemate quis timeat? Nemo sane. Quare igitur duræ meningis incisio, cranium intus vestientis ut pectus pleura, timenda magis? E contra, quo magis nervosa, exquisitiori sensu donata, tensa, vasibusque onusta sanguineis; eo ubi adest inflammatio, evidentior est incisione laxandi necessitas. At forte, inquiet aliquis, integritate sua cerebrum complectitur, continet, impeditque quo minus hæc pars mollis, infinitoque arteriarum numero onusta, tumescat, aut calvariæ foramine foras protrudatur. Minime: nisi capitis vulnere solutum cerebrum, aut violenta contusione discerptum, aut in pus resolutum; quæ quidem sunt mollioris cerebri substantiæ, piæque matris ruptæ effectus; non vero duræ meningis incisæ: quæ cum internæ cranii tabulæ ubique adhæreat, operculum quidem est quo cerebrum includitur, non vero membrana proxime vestiens & fulciens. Cerebri autem moles hac in cavitate libera, toto piæ matris fulcimento, arteriarum pulsus absque ruptione sustinet. Revera mollis est, delicata, & fragilis cerebri substantia; verum pia mater anfractus omnes, glomeres, lobos & lobulos arctissime cingit, arteriasque multiplici spirarum convolutionumque specie substantiam ejus componentes comitatur & fulcit, quo stabilitatem functionibus idoneam ipsi suppeditat. Esto tamen: pia matre disrupta, cerebro ipso contrito putrive, ut aliquoties visum est, incisione duræ matris, effluet ipsa cerebri substantia. Quid inde? hujusmodi deploratis vulneribus, aliquos superstites fuisse narrant observationum Chirurgicorum scriptores: nec alia est præter incisionem via, qua, vel curari possint, vel præcaveri. Adeoque ubi adest in piam matrem liquoris effusio, cerebrique contusio; timendum est ne putredine inficiatur cerebrum, aut laceffita dura mater inflammetur liquore extra venas effuso acri & pungente, aut denique una cum cerebro in pus resolvatur, ut videre licet cadaverum inspectione. Unica igitur via superest, incisio nempe, cujus ope aperiendo, relaxandoque duram meningem; inflammationi, dirisque medebimur symptomatibus, liquoque intra membranas effuso parabimus exitum.

V.

Si quarumlibet cerebri partium functiones & usus dilucida paterent perspicuitate, certiora fortasse contusionum cerebri, effusionumve sub dura meninge, organique laborantis signa haberemus. Verum expectandum nobis

[m] Append. ad Armament. *Scoulteti obs.* 10. 12. 36. 37. & 41.

bis est, dum abstrusa hæc indefesso Physicorum rebus anatomicis instantium labore magis elucescant. Interea ratione ducti, assidua capitis vulnerum observatione, improvise symptomata, eorumque eventus notantes, diligenti cadaverum sectione causas indagantes, leges experientia fultas sancire conemur [n]. Jam in libris hac de re plurimæ extant observationes, in maritimis arcibus communes, ubi frequentes sunt capitis ictus a durioribus, gravioribusve instrumentis, casusque ab alto in inferiora navium. Qui post tales capitis percussiones, etiam iterata terebratione moriuntur, cerebri, duram inter & piam matrem, suppuratione pereunt, etiam si quandoque levamento fuisse visa sit trepanatio; quod & accidit nonnullis, quibus integra & absque contusionis nota capitis integumenta, subitaque a venæ sectionibus & diæta levatio, nihil mali subesse suadent. In iis gravissima & lethalia symptomata per plures dies, imo & hebdomadas affatim erumpunt. Apertis cadaveribus, pus invenies infra duram, aliquando infra piam matrem, glutinosum, viscidum, mucii tenacioris consistentiam præ se ferens. Qua via erumpet, nisi per duræ matris aperturam? Membrænæ istius rigidior, crassiorque textura, quam sola putredinis erosionem perforare valeat, impedit etiam ne effusi liquoris prominentia abscessus intus latentis sedem designet. Pulsatorii motus ab arteriis cerebri duræ meningi impressi cessatio, sive effusis comprimantur liquoribus, sive suppuratione marcescant, sive trepida commotione deleta sit vis earum tonica, morbi sedis indicium est omnium certissimum. Exempla duo nuperrima ex Nosocomio Portus Rupifortensis in lucem afferam, alterum ictus vehementis, alterum casus ab alto. Nauta gravi assidis in caput ictu, in navis pontem sternitur. Concidit exanimis, vomuit, sanguinem naribus excrevit, ad se paulo post rediit. Dilatatur vulnus in media ossis coronalis parte cui rima apparuit. Iteratis venæ sectionibus & diæta sedata febre, remissisque symptomatibus, trepanum differre usquedum nova apparent symptomata visum est. Ad sextum usque & decimum diem, tranquillus fuit æger, qua die, sopore gravi cum pulsu duro correptus est. Tunc prope fracturam applicatur trepanum, a quo sanguis fluidus & rubicundus ductus est: mox convulsione corripitur: alterum postridie ad anteriorem parietalis dextri partem applicatur trepanum: utraque apertura immota apparuit dura mater: tandem sopore convulsionibus interpolato perseverante, die vigesima-sexta fato functus est. Aperto cranio, duræ meningi inflammatio nulla, nulla in superficie sanguinis aut puris aderat effusio; verum duram inter & piam matrem, circa dextri ossis temporalis squammosam partem, parietalis inferiorem anteriorem, & posteriorem inferiorem coronalis, integra tamen & sana pia matre cerebrique substantia existente, quatuor vel quinque puris unciiis cerebrum depressum erat. Nonne duræ meningis incidendæ is erat locus? Illæsa pia meninx, cerebrique molis integritas, nonne ægrum salutari hac incisione servari potuisse arguunt? Miles in profundum navis viginti duorum pedum altitudinis a ponte in caput prolapsus, concidit

exanimis

[n] Sculteti armamentas. Chirug. obs. 8. 10. 11.

exanimis ; sanguinem auribus naribusve excernit , nullo apparente contusionis in capite vestigio. Brevi repetitis venæ sectionibus animum recepit. Primis diebus febre mediocri capitisque aliquali perturbatione laborabat , quibus sola diæta brevi desinentibus , convalescens habebatur. Morbi die vigesima-octava , violenta febre delirio comitata corripitur , & triginta horarum spatium animam efflavit. Capitis investigatione , duram inter & piam matrem , ab utroque mediæ falcis latere , reperitur abscessus ; effuso liquore leviter afficiebatur cerebrum , aderat duræ meningi puris impressio , ipsi tabulæ cranii internæ alte insculpta ; sic afflictis ægroti rebus , quoniam remedio illum a morte tam funesta vindicabis ? Unica est via , trepanum scilicet , vertici ex utroque sagittalis futuræ latere applicatum , ut deinceps duræ meningis incisione effusum intra membranas liquorem exhaustias. Casus altitudo & modus non ignorabatur , nec erat incerta pars contusa ; cerebrum proprio impulsu contra cranii parietes impingendo , violenter contundi debuerat. Prima morbi indicia contusionem arguebant. Celeris tamen levaminis incauta securitas principiis nostris prævaluit. Nonne igitur concludendum venit post gravem , ab ictu vel casu , capitis percussione , incerta primis diebus cerebri contusione aut in piam matrem liquorum effusione , ubi symptomata ingruunt , mox ad terebram & duræ meningis apertionem properandum esse ? Similiter mature adhibita inutiliterque iterata terebratione , perseverantibus symptomatibus , æque tutam ac necessariam esse hanc duræ meningis incisionem ; ut cerebrum , indefinente suo motu sub membranæ istius superficie interna , lævi , liquorem effusum ad aperturam ducat , hacque ope se ab humore acri & pungente , putredinemque inferente vindicet ? Quod quidem rationi , partiumque naturali conformationi ita consentaneum est , ut duræ meningis superficies interna , lævis , oscillationisque cerebri in cranii cavitate motus , ad hoc salutare præsidium a summo rerum opifice parata esse videantur.

Ergo post gravem , ab ictu vel casu , capitis percussione , non juvante etiam iterata terebratione , dura meninx incisione aperienda.

F I N I S.



VII.

DISSERTATIO MEDICA
INAUGURALIS;

Exibens

RARISSIMAM SANATIONEM
CEREBRI QUASSATI, CUM NOTABILI
SUBSTANTIÆ DEPERDITIONE.

Quam Præside

DAN. HOFFMANN O
M. P. E. ACAD. NAT. CUR. SOCIO,

Defendet

JO. CHRISTOPHORUS CAMERARIUS.

Tubingæ mense Augusto 1719.

ANALYSIS OF MEDICAL

IN A U R A L I S

AND

OF THE SANITATION

OF THE CITY OF LONDON

IN THE YEAR 1848

OF THE

OF THE CITY OF LONDON

OF THE CITY OF LONDON

OF THE

OF THE CITY OF LONDON

OF THE CITY OF LONDON

Magnus inter Græcos Medicæ Artis Antistes, Coæ fulgidum Lumen Scholæ Hippocrates, inter innumeras Ideas exquisitas, atque effata solidissima *Θεῖον* quoque suum scholis Medicorum reliquit. Non id quidem intelligimus *Θεῖον*, quod vel *Φλογιστὸν* illud concretum, sulphureum notat, neque id quod senex *νοσερὰν* in aëre infecto vocat *διάκρισιν*, sed divinum illud, occultumque *Θεῖον*, quod in morbis toties obvium agnovit atque veneratus est. Neque existimet modernæ evidentix nimius admirator, esse asyllum ignorantix *Θεῖον* illud, utut divini quid sonans, parique cum occultis qualitatibus passu ambulare, ad quas confugere haud decorum sit in hac scientiarum luce, occultum enim est *τὸ Θεῖον*, sed non ad qualitarum occultarum censum ignobilem detrudendum; est enim haud rarò in principio occultum, in decursu autem manifestissimum providentiæ divinæ ac luculentum prorsus argumentum.

Vidimus nuper atque admirati sumus vestigia ejus insignia in puero, cujus Historiam damus, cujus cerebrum, haud exigua sui parte conquassatum violenter, cum præsentissimam ipsi intentaret mortem, ita sub occultis providentiæ viis medicam admisit operam, ut nullibi manifestius *Θεῖον* illud, seu abstrusæ opitulantis *DEI* semitæ eluxisse censendæ sint. Quotus quisque enim est, qui ignoret nobilitatem Cerebri, quantumque illud dignitate aliis antecellat corporis partibus; Hanc animæ arcem omnes venerantur, sive eam velint illi inclusam, sive toti corpori ac cuivis parti totam vindicare malint; Hic agit anima, si quid agat! Sive enim asseras, eam per Animales Spiritus, partes *ἐνορμῶντας*, agere in corpus, ac pati à corpore, seu percipere objectorum impressiones in nervulis organorum factas, sive cum Malebranchio vim omnem à *DEO*, ad nutum animæ æterno movente statuto derives, sive Leibnitianam Harmoniam Præstabilitam, transcendentem subtilitate enatam, in subsidium malis advocare, semper tamen recurrendum erit ad organum hoc molle, tenerum, valido osse cinctum, quod læsiones impunè haud ferat, quod & vulgus & peritorum ordo omnis fatetur, agnoscitque inviolabile mentis sacrarium ac vitæ fontem atque scaturiginem tenerrimam. Nullum capitis vulnus periculo carere omnium consensu firmatum est, etiam si ad intima haud penetraverit; tener enim pericranii, meninge connexi sensus, festucarum à cranio fissò periculum, meningis tensæ sensilesque fibræ, cerebri mollities, tum in corticali ac cinerea, tum & in candida medullari substantia, gravitatem periculi, si lædantur violentius istæ partes, abunde innuunt. Accedamus vero ad ipsam Historiæ recensionem.

Annorum duodecim Puer, paulo ante meridiem domo egressus, contentaque pileo fraga manducans, subito ponderosa quinque librarum tegula ex sublimi vicinix tecto ruente, sinistrumque capitis latus feriente, prosternitur. Præteriens vir, mortuum eum credens, tollit humo prostratum, brachisque impositum in ædes defert, videns largissimos arteriarum sanguinem in

arcus ejaculantium rivulos continuo profilientes, cerebri unum alterumque gyrum, tunicæ suæ illapsum, obvio offert chirurgus, pueroque in lectulum reposito, majorem aliam cerebri portionem adhuc vulnere adhærentem, una cum portione capillorum, novacula quasi abscissorum cerebroque adhærentium, Chirurgus cochleari, obvio tum, excipit, offertque mox accedenti Medico D. Prof. Eliæ Camerario, (Præsidis Honorat. Socero ac Respondentis Parenti) qui ut præesset curæ, vocatus mox fuerat, gyros aliquot cerebri adhuc quasi calentes, pia matre egregie investitos, vasculis capillo tenuioribus mirifice exornatos, ac arbusculis quasi tenerrimis purpureisque confusos, non meram exhibentes corticis cerebri superficialem lamellam, sed profundius paulo excussam, candicantisque etiam substantiæ stamina ostentantes, cerebri hac portione longitudine digitum, latitudine lineas quinque, profunditate quatuor, non eadem tamen ubique densitate, excedente; (nec unquam tamen primo morbi octiduo reclusum est vulnus absque novo cerebri propulsi dispendio, adeo, ut vel octava die prodiret portiuncula, pisi majoris quantitate, tota nitidissime candicans, nec quidquam admixtum habens cinerei) obstupuerunt innumeri spectatores, conspecta hac nitidissima cerebri portione, vixque oculis credidere etiam rerum istarum periti, ea potissimum, quam describere mox dabitur vulnere ratione, perspecta.

Qui eum ulnis exceperat Vir robustus, inter gestandum vacillationem ossium cranii fractorum probe sensit, Medicoque mox indicavit, monens simul, puerum digitos mox manuum constrinxisse arctius, magnaue vi spasmos extremorum passum: hinc & lecto decumbens vehementissime ac continuo sinistram agitavit pedem, dextro latere mox comparente resoluta, clamores simul enormes aut ululatus potius penetrantissimos ejaculante thorace, oculis distortis, corneis, ac subclausis, conniventibus palpebris, sensibus amissis. Ictus ac prostrationis violentia, lapidis pondus, teneraque ætas, magnum indicabant vulnus, autopsia vero parvum id exhibuit, vulnus enim integumentorum capitis ne digitum quidem æquabat longitudinem, lateribus parum hiantibus, intus vero latuit terribilis effectus tanti ponderis; Locus vulnere fuit in summo osse frontis lateris sinistri, præcisius determinandus, si concipias Triangulum Iosceles, cujus basim, distantiam nempe inter sinistri oculi canthum externum, ac principium meatus auditorii, æqualia latera in vulnere centro coeuntia, integro ad minimum pollice superabant magnitudine; nec tamen trianguli hujus apex mali centrum fuit, sed fracturæ quasi initium, ossis enim frustum depressum duos digitos latitudine non attingens longitudine eos excedebat, protensum quippe à vulnere versus latus dextrum, vacillans admoto specillo, depressumque, figuræ Trapezoidis, à cujus angulo inferiore magna fissura descendebat per os frontis totum ipsamque oculi orbitam, lato hiato tactui obvius. Vis scilicet pondusque tegulæ, qua marginem acutæ, non capillos modo conscidit, sed depressit frustum illud cranii violenter, perrupit impetu illo duram matrem, conquassavit subito cerebri substantiam teneram, frustum ejus expressit, ejecitque per fissuram

suram à vulnere distantiore, via tamen, eliso cerebro, ad externa patente, quoniam summa violentia integumenta à depresso cranii frusto mox separaverat, hinc protrusum cerebrum, qua structuram portionis illius integrum & pulcherrimum, per foramen vulneris longe minus atque arctius. Quanta hæc in capite confusio fuit, quam dissipati, imo suffocati ac stupefacti Spiritus, turbatus sanguinis circulus, nervorum fibrillæ in spasmos actæ, concussæ, convulsæ partim, partim relaxatæ, inde mox spasmi, ejulatus, agitationes partium variarum, resolutio dextri lateris, mirandumque potius, potuisse his violentiis naturam resistere, nec secutam mox esse mortem, totiusque destructionem Machinæ.

Non multum libuit in vulnere agitare stylos, tentare fissuras, earumque progressus rimari, ne graviore irritatione, læsum tam enormiter cerebrum, novis stimulis ulterius labefactaretur. Chirurgi egerunt, quod ipsorum est; non describemus sacculos Cephalicos, inunctiones Spiritu Vini camphorato factas, hunc cum matricali spiritu vulnere instillatum, linteisque multiplicibus impositum affusumque; Exhibitas mox per intervalla mixturas Nervinas, confortantes, cordiales, exteriusque adhibita, inunctaque varia, spiritus, balsama, elixiria. &c.

Principalis hic quæstio fuit de facienda incisione, ac vulneris dilatatione, cum id videretur justo arctius, imminebat jam vulnere novacula, cohibita tamen pondere rationum; Urgebat vulneris angustia, recentiorum unanimis commendatio incisionum, ac dilatationum in vulneribus minoribus; sed suadebat tamen contrarium patula via, quæ deesse non poterat saniei, ac puri, cum tot sanguinis exsurgentis rivulis, imo tam notabili cerebri portioni, rima ipsius vel cranii, vel vulneris, longe majori ac latiori, concesserit exitum; hanc natura viam non videbatur neglectura, soliciteque conservatura; Idemque est, quod suadent recentiorum plurimi, non statim accedendum ad incisiones sine gravi causa; occurrebat maxime animo Ruyfchii, Amstelodamensis, at quanti Viri, monitum: Etiam in vera cranii fractura, in qua symptomata non augentur, haud statim ad incisionem & terebrationem esse confugiendum; ac præstare ejusmodi adhibere fomenta cephalica, quæ non parce, nec linteis exiguis, sed latioribus pannis, etiam laneis, calide sint applicanda, caputque totum iis obvolvendum. Sic non raro opem se tulisse felicissimam iis, quorum capitibus jam scalpellum incisorem imminuerit. Ac recordor nunc ista scribens, eandem nuper viam ingressum esse Experientissimum Chirurgum Parisiensem D. Pinçon, Serenissimi Hohenzollerani Principis Primarium Chirurgum, in rustico fuste graviter percusso, quique sine voce per decem decubuit dies; sola hic fomenta, inunctiones, sacculique Cephalici sine ulla incisione feliciter restituere ægrum pro desperato habitum. Tam dura subinde sunt rusticorum capita. Differendum itaque erat & hoc remedii genus, & ipsa de Trepano deliberatio, quod quidem depresso ossi applicari haud poterat, nec requirebatur, uti ex post facto evidens erat; utile in se remedium ac frequentissimum auxilium, sed & frustra sæpe & non
fatis

fatis apte adhibitum; latius tamen hodie patens quam olim, quippe aliis quoque ossibus, cariosis maxime, superficietenus applicandum ad exfoliationem promovendam in lue venerea maxime. &c. Vomitus inter prima obortus est symptomata, frequensque porro rediit, tinctus etiam aliquando cruore. Interea Mixturæ Confortantes cum Liq. Corn. Cerv. succ. & castoreatis ori infundebantur, exteriusque ea omnia naribus, vertici, temporibus, pulsibusque adhibebantur, quæ in casibus tam repentinis admoveere consuevit sollicitudo adstantium ac consternatio.

Hæc agebantur 10. Jun. 1718. diesque illa & nox eam insequens eosdem inter spasmos, sinistri pedis agitationes violentissimas, clamores, stridoresque horrendos transacta est. Mane vero diei Jun. 11. ultima vice vomuit, iidem inter deligandum clamores, idem cætera stupor ac torpor; facie partibusque ejus singulis magis magisque intumescantibus, ac ipso illo tumore deformatis. 12. Jun. die plena lateris dextri immobilitas, ob impeditum valde spirituum animalium in partes ejus lateris, concussis violenter ac contortis quasi nervorum fibrillis, influxum, involuntariaque fecum alvinarum cum urina excretio, funestum sæpius signum, observabantur; nihilominus tamen jusculum carnis ipsi propinatum deglutivit, variaque medicamenta scopo convenienter ordinata, & hoc quidem die mixturam confortantem ex aq. fl. til. unic. ver. margarit. or. ppt. Corn. Cerv. aurat. Conf. alkerm. compl. atque Julep. violar. officiosa Parentum manu oblata admisit subinde, ac per intervalla. Ad confortandum caput enormiter læsum concussumque; balsamum ex balsam. apoplect. lavendul. anth. succin. ruth. nuchæ ac temporibus, spiritusque nervini ex spir. lil. convall. lumbric. aq. anhaltin. partibus non solum resolutis, sed & universæ dorsi spinæ, ad refocillandam labefactatam ejus medullam, seu continuatum inversumque cerebrum, largissime inungebantur imo infundebantur, ut scilicet hoc quoque modo ac tentamine, eo citius influxus spirituum animalium in partes illas externas resolutas iterum obtineretur, ac invitaretur, quo etiam confortandi scopo, epithema cordiale ex Elix. vit. spir. lil. convall. anth. mediante panno coccineo scrobiculo cordis imponebatur, pulsibusque admovebatur. Nec deerant adstantibus signa, quibus suspicabantur, visus auditusque aliquod subinde exercitium puero competiisse. Die 13. subsequente iterum agitationes, inquietudines ægrum torquebant, mentis tamen attentione transparente, nec minus clamoribus adhuc adstantibus erat molestus, facie magis magisque in tumorem inæqualem informemque elata ac deformata; Urina multa, tincta, non turbata, nubi- busque gravis conspiciebatur, qualis & Jun. d. 14. prodiit, quam diutius, quam par erat, retinuerat, succedente tandem, post inunctiones hypogastrii largiores, fluxu ejusdem liberiore, fibris tonum naturalem recuperantibus, spasmisque cessantibus; non amplius tam stentoree clamabat, nisi a spiritu vini camphorato cum Spiritu matricali commixto, vulnere partibusque illis nerveis, teneris, atque adeo graviter læsis, infuso, qui scilicet debebat, laudabili chirurgorum providentia, cohibere atque arcere inflammationem
atque

atque dehinc gangrænam ac putredinem, parti tam nobili funestissimam, maximeque metuendam. Cæterum tincta illa plurimum, sed non turbata. urina, febrem vulnerariam æque ac citatior pulsus indicabat, quæ non poterat non in tam gravi læsione nobilissimæ partis supervenire, purulentis moleculis Massæ Sanguinæ largiter jam admixtis, ejusque mixtionem turbantibus; neque enim facile dixeris, animam febrim hanc excitasse per providentiam suam, quæ orta est à suppuratione sanguinem turbante, nec adhiberet anima tam vile instrumentum, quale pus est, ad scopum suum, cum in id nullum ipsi imperium competat, toto quippe genere, tota substantia peccans. Cum vero ista dextri lateris omnimoda paralyxis & graviolem videretur indicare principii nervorum læsionem, & penitiores canaliculorum nervorum obturationes, vel etiam relaxationes, aut alibi stricturas spasmodicas, hinc assiduo insistendum erat confortationi nervorum, totusque dorso tractus oleo quodam nervino ex ol. lumbricor. ruth. castor. mastichin. lavendul. succin. bis de die inungebatur; Ob pulsum fortiolem caloremque totius corporis manifestiolem, status febrilis incrementis & signa & symptomata, visum fuit pulvisculos quosdam nervino-refrigerantes, ex pulv. pannon. compl. unicorn. ver. Corn. Cerv. aurat. Lap. smaragd. ppt. Margarit. or. ppt. Nitr. crystallin. atque Cinnab. nat. ppt. præscribere atque exhibere frequentius, ad sedandum æstuantis sanguinis ardorem, temperandamque ejus turgescientiam, nervorumque ac spirituum animalium (quos, nonnullis quidem hodie ingratos in Medico systemate, natura ipsa jubente, servandos credimus) confortationem. Noctem quiete transigebat, alteroque die 15. scilicet Jun. motus lateris dextri resoluti, non sine magno parentum aliorumque gaudio, haud obscuris sese prodebat initiis, qui indies, quamquam tardiori gradu & incrementis lentioribus, magis magisque crescebat, liberiori scilicet sensim sensimque reddito spirituum animalium, in partes illas, antea iis destitutas, vel saltim parcioribus eorum copiis imbutas, influxu; carnis juscula aliquoties, redeunte jam appetitu, comedebat, urinam non ita tinctam reddens, (febre jam mitigata) illius vero excretionem, profluvium materiæ cujusdam pultaceæ albicantis, statimque in urina subsidentis, subsequēbatur, profluebat enim hæc chyloso-pultacea, vel si mavis, blandior purulenta materia, demum reddita urina, seorsim prolabens per urethram; Horis ejusdem diei vespertinis, adstantibus admirationi fuit, dum mente, ob recollectos jam spiritus, nervosque ad tonum suum redeuntes, vigorem aliquem novum exerente, organisque loquelæ destinatis jam melius constitutis, distincta claraque satis voce, utut languida ac tarda pronuntiatione, integram Orationem Dominicam recitaret. 16. Jun. die Portio quædam substantiæ cerebri candidissima ex vulnere, cum sanie quadam spumosa flavescēte, prodibat, ægerque de dolore cardialgico sæpius conquerebatur, unde una cum mixturis supra memoratis nervinis, confortantibus, pulvisculos pariter confortantes, statis temporibus ægro exhibendos, ex pulv. epil. mir. M. pannon. compl. unicorn. ver. spec. diacret. Corn. Cerv. aurat. & Nitr. crystall.

crySTALLIN. placuit commendare; Qui tamen stomachi dolor 17. die, post excretionem retentorum diutius fecum alvinarum, multum remisit, urina interim, tinctura intensiore nondum penitus destituta, & offerente una sedimentum illud supra memoratum, pultaceum, seorsim excretum; Cæterum à prima inde læsionis quasi hora, stagnantibus, in faciei musculorum tubulorumque cavitatibus, viscidis humoribus ac purulentia tinctis, facies magis magisque intumuerat, nunc elato maxime tumore, formaque faciei pristina ablata; Altero mane, nocte sat bene transacta (die. 18.) nec visus nec memoria videbatur recte se habere; adeo spiritus adhuc vacillabant undulabantque præ debilitate instabiles; unde pulvisculi ex specif. Ceph. M. Antim. diaphor. Corn. Cerv. aurat. Margarit. or. ppt. Nitr. crySTALLIN. præscribebantur, Liquori Cornu Cervi, aliisque analepticiis interponendi, appetitus vero auctus frequentius postulabat, quod offerret latranti stomacho. Dudum palpebræ, (ad quam rima fissuræ cranii protendebatur) oculi sinistri, tumor elatior coeperat fieri, ac turgentior, hac quidem die magis tumens, rubensque, suppuratione jam crescente, frequentius ridebat æger, mente debili, debilibus spiritibus, haud graviter satis imperante in tanta adhuc turbatione, dumque adstantes canebant, ipse lacrymas profundeabat, ejusdem spirituum instabilium teneritudinis soboles indicesque. Sequentie die 19. de dolore oculi illius sinistri querelas movebat acerbiores, idem de cætero appetitus, eademque semper hætenus urina; noctem quippe satis tranquillam secuta erat dies tolerabilis, transactus inter comestiones, vagos ineptosque sæpe risus ac faciei elatiorem adhuc tumorem: Tumor vero palpebræ, in acumen attolli rubicundius, videbatur. d. 20. Calor totius corporis circa vesperam erat intensior, pulsus per consequens citatior fortiorque, hinc pulvisculis additus fuit pulv. pannon. compl. ac antifebrilia; memoriæ vero læsio in hoc maxime sese manifestabat, quod multa, ipsi alias maxime familiaria, suis nominibus indigitare, ac denominare non potuerit, manifesto debilitatis ac teneritudinis spirituum, summe antea dissipatorum, tantaque vi prostratorum, indicio; mereturque id imprimis notari, quod læsio memoriæ circa solstitium maxime se exeruerit, postea sensim, recolligentibus quoque se spiritibus, evanescens; Nescias autem, an de sede memoriæ hic concludere ex situ vulneris liceat, remotioris scilicet ab occipite; quamquam istæ animæ functiones pendere vix à situ partium cerebri videantur; Jun. 21. Palpebra superior oculi sinistri in abscessum elevata, cultello incisorio aperiiebatur, quæ multum puris laudabilis fundebat, quo facto dein, sine ullo fere impedimento, oculo illius lateris videre potuit; ab octava enim inde morbi die, facies prætumida cœpit detumescere plurimum, sola nunc palpebra tumente, qua inter fletus aperta, mox omnia erant ferentiora. Mansit tamen in fronte, deducta inde à vulnere, latior linea seu rima hians, molliuscula, tumida, in palpebram desinens, licet aperto tumore jam minus turgida; unde etiam altero die 22. erectus in publicum, fenestris tamen clausis, prospiciebat, urinam sine consueto sedimento pultaceo reddebat, cætera bene

bene se habens, adeo, ut per totam fere noctem quiete dormiverit, alteroque mane diei Jun. 23. integro appetitu jusculum carnis forbillaverit.

Oculus dextri lateris liberius nunc, tumore subsidente, aperitur, utroque sic liber oculo prospicit, fortius ac frequentius pro more ridens, duriora etiam, e. g. pyrum conditum, non sine stridore dentium masticat, imo magno cum impetu, sine ullo doloris sensu, sternutat, unde spem de fissuris, indubie præsentibus, saltem haud malam licebat concipere, cum talia ferrent. Mane diei 24. Jun. parum admodum puris, tam ex vulnere capitis, quam palpebræ promanabat, nec spiritus matricalis intra vulnus adeo libere, uti alias, admittebatur atque absorbebatur; in deligatione tamen vespertina plus puris effluxisse vidimus, alvus libera, urina iterum sedimento pultaceo foeta fuit; maxime autem notari meretur, quod ulcera antiqua, brachii atque femoris ejusdem lateris, post extracta ossicula quædam (ex brachio maxime) cariosa, ante aliquot annos jam consolidata, à triduo saniem quamdam, ratione coloris cum illa vulneris capitis convenientem, stillare incœperint; Adeo largiter sanguineæ massæ innatavit admixta ex vulnere sanies; adeo tota massa vitalis fermentescebat, excitata à peregrino hoc fermento, ac qua data porta proruebat sanies, quod in parte debili, atque olim graviter læsa, contigit facilius, cicatrice rupta, novaque puri aperta janua; vidimus simile nuper exemplum in Illustri Viro, cujus ulcera antiqua, ab aliquot lustris occlusa, post expeditionem febremque Hungaricam denuo aperta, gravissime ipsum afflixerunt. Vivumque circumfert in corpore exemplum D. Respondens noster, ulcera antiqua, data per sanguinis turbas occasione, facile nova exundare sanie; quicquid enim tum in sanguine sordium est, ad consuetam veteremque facile amandatur cloacam seu fistulam, utut consolidatam apparenter, clausamque, quod & in hoc puero nostro factum esse agnoscet, quisquis circumstantias ponderabit; ac memorabile sane est, latus ejus sinistrum, tot jam injuriis malisque fuisse subjectum, dextro semper salvo. Interim usui medicamentorum omni cura insistendum duximus, ut & sanguinis impuritas corrigeretur, & foeda miasmata ex universa ejus massa ejicerentur.

Die 25. Jun. Urina mane parum offert sedimenti, vesperti pallidior atque turbida; cicatrix brachii continuo materiæ purulentæ particulam protrudebat, cui etiam, incisione cultello facta, via atque exitus parabatur, femoris cicatrice per se liberius fluente; Cæterum læsio memoriæ, qua voces ac nomina, nondum cessabat, manifesto indicio, & spiritus adhuc teneros vacillantes, eccentricosque esse, & cerebri fibrillarum tonum ad pristinum statum atque æquilibrium necdum rediisse, unde nec anima distinctas satis formabat ideas. Nocte bene transacta d. 26. idem materiæ purulentæ status in partibus singulis, eadem urina; Cæterum confortandi, viscerum tonum roborandi, sanguinemque emendandi scopo, Electuarium ex Conf. cichor. rosar. rubr. cydon. condit. Nuc. indic. condit. Syr. rub. id. Julep. violar. ut

& Elix. aperit. Cl. Tinct. Mart. cydon. assidue, cum cæteris remediis, ægro propinabantur.

Mane diei 27. urina erat flava cum sedimento, vesperi vero pallida itidem cum sedimento; Capilli capitis, sine ullo doloris sensu ac innoxie, fluctuante adhuc sub pelle purulenta materia, novacula refecabantur, (hactenus enim sacculis cephalicis, vino fervente imbutis, tegebatur vulnus, capitique partes, fatis prius spiritu matricali & vini camphorato imbutæ; nunc autem raso, non in vulneris saltem vicinia, sed & latius, capite, Emplastro de betonica id obtegebatur totum, impositis tamen desuper sacculis, hactenus magno ægri emolumento adhibitis) pulsu bono, alvo libera; Corpore per somnum quietum probe refecto, d. 28. sponte sese erigit alacris, perpetuoque, etiam inter obligandum, ridet; Urina flava à trihorio adhuc sine sedimento offertur; labiis vulneris reunionem atque consolidationem maxime affectantibus, die Jun. 29. prima vice vulnere inseritur turunda, ut scilicet materiæ purulentæ via atque exitus hoc modo conservaretur, quæ alias, vulnere consolidato labiisque clausis, non potuisset non regurgitare, gravissimæque mala, imo ipsam mortem inferre. Die 30. Pus tenuius in parca admodum quantitate ex vulnere prodit, perpetuo de fame conqueritur æger, cibosque avide arripit; in margine ossis eminentiore, versus aurem sinistram, in ipso vulnere nihil quicquam vacillat vel abscedit; die autem 1. Julii adhuc specimina quædam læsæ memoriæ edit, dum res, ipsi maxime notas, nominare non potest, pus interim, nunc parcius nunc largius, ex vulnere protrudi potest, colligebatur enim sub integumentis, à cranio hic depressiore, separatis. Die 2. sensim sensimque memoriam meliorem fieri advertimus, labiis vulneris consolidationem atque reunionem minantibus, omnibusque optime sese habentibus, siquidem jam. d. 3. Jul. proprio Marte sese erigit, atque erectus in lecto sedet, (hactenus vero inunctiones externas spinæ dorsæ, imo totius corporis, tum oleis nervinis tum spiritibus confortantibus valdeque penetrantibus, factas, haud parum ad paralyseos, qua totum resolutum erat latus dextrum, diminutionem atque expugnationem, fuisse proficuas, ipse eventus docuit evidenter) insertionem ac penetrationem styli ferrei vix sentit, nec repugnat illi, hilari lætoque admodum est animo, imo d. 4. è lecto surgit, atque sine ullo vertiginis sensu, passus plusquam decem, alio manucente, ambulat, atque 5. & 6. die per aliquot horas in publicum, fenestris tamen clausis, prospicit, puris quantitate non adeo parca se offerente, omnibusque rite se habentibus, tentabat imo vires suas alacrius, an solus aliquot facere passus atque incedere possit, quod vero, sine metu prolapsus, efficere non potuit; eodem etiam die Julii sexto, cicatrix in femore, ut pus liberius effundere posset, cultello aperiebatur, pulsusque vesperi solito citatiorem se exhibuit. d. 7. Ordinaria puris tam quantitas quam qualitas, sine ulla reliquarum circumstantiarum mutatione, observata est; d. 8. vero solus aliquot passus incescit, (notandum vero sub deligatione os satis conspicuum, sese obtulisse hactenus fatis candidum, probique ac mundi coloris,

ut

ut adeo pus haud adeo videretur spiculis corrosivis imbutum; nec enim eadem puris ratio ubique est, videas, ubi in læsionibus, periti etiam Chirur-
gi, pus tale blandum vel balsamum vocent, ossi satis amicum, nec frequen-
ti deligatione auferendum, cum hæc os aëri intempestive exponat) atque
per aliquot horas, uti etiam d. Jul. 9. extra lectum commoratus est; d. 10.
autem, femore & brachio melius sese habentibus, diutius ambulat; labiis
autem vulneris d. 11. ne scilicet excrescant, carnemque fungosam protru-
dant, pulverem Vitrioli de Cypro Chirurgus imposuit, materia saniosa in
eodem statu constituta.

Die Jul. 12. nullas plane, de quocumque etiam levissimo dolore, æger
movet querelas, sed quasi liber ab omni malo metuque obambulat, Chirur-
gusque sicca saltem methodo modoque, omissis jam madidis Vino facculis,
vulnus obligat; nihilominus tamen pulveribus cephalicis, nervinis, confor-
tantibus temperatis, essentiaque supra memorata, atque Electuario confor-
tante ac temperante, exoptato cum successu, semper utitur; Cæterum quo-
libet fere die novus quispiam ad statum meliorem gradus, morbi declinantis
atque convalescentiæ indicium novum, attendi poterat, siquidem d. 13. 14.
15. 16. ita bene se habuit, ut hypocausto egredi haud dubitaverit; imo die
17. exire domo ausus est audaculus puer, non obstante capite adhuc tam gra-
viter læso, tanta cranii portione vacillante ac depressa, tanta ad orbitam o-
culi, tactui etiam obvia, fissura imo hiatu excurrente. Unde etiam d. 18.
lectum deseruit, illumque non nisi, accedente Chirurgo vulnus deligante,
ad horulæ saltem spatium repetiit; pus interim sensim minuitur, stylum ta-
men, uti antea fere, vulnus admittit, labiorumque unio, vulnerisque con-
sequenter & integumentorum consolidatio, impediri vix amplius poterat,
urgente occlusionem natura, nutrimento copiosius suggesto, fibrillisque,
quadam vi coeuntibus ac concrecentibus.

Die Jul. 19. æger ex improvise corripiebatur coryza, unde d. 20. ruben-
tibus ac stillantibus naribus sternutat frequentiusque nares humiditas emun-
git, illaque d. 21. continuante, raso, hoc non obstante, iterum capiti, uti
sæpius jam, novum Emplastrum de betonica imponitur; d. 22. vero cory-
zæ larga salivatio, fortisque, sine ullo incommodo, sternutatio jungebatur,
nec tamen lectum repetiit, sed & ipsam insuper vulneris deligationem extra
lectum facile sustinuit alacris semper, & cum pueris sociis violentius etiam,
quam par erat, ludens. D. 23. ex vulnere parca saniei tenuis flavescensque
quantitas prodibat, ægro nondum à coryza liberato; Donec tandem d. 24.
Coryza & Ptyalismus (dubio procul excretiones hætenus ægro admodum
salutares, suoque modo criticæ, cum jam pus prodiret ex vulnere parcissi-
mum, adeoque per metastasim alibi excernendi erant pravi illi humores, si
salvus debebat esse puer; tussiculam vero non metuebamus, quod irritanti
fauces, coryzæ stillantis, acrimoniæ eam tantum adscriberemus) & cum tuf-
sicula largior excretio defierit; d. 25. paucæ saltem puris guttæ, facta in
partem superiorem, accuratiore etiam, pressione, profluxerint, vulnusque

d. 26. 27. & 28. ita angustum est redditum, ut d. 29. os sive cranium, alias satis conspicuum, non amplius potuerit conspici, vixque tres saniei guttulæ promanarint; Unde etiam Chirurghi, obicem consolidationi hætenus positum, removerunt, vulnerisque plenariam occlusionem, labiorumque reunionem, sperare ausi sunt; Hisce omnibus ita rite se habentibus, Medicus tamen usus medicamentorum internorum, cephalicorum, nervinorum, confortantium, continuationem commendavit, pulveremque talem d. 30. ex pulv. Analept. fr. M. Marchion. Matr. perl. ppt. Corn. alc. ph. calc. Lap. smaragd. ppt. sacchar. perlat. bis de die exhibendum cum speciebus theeformibus ex herb. veron. beton. acetosell. fl. hyperic. nymph. cichor. rad. farfæparill. liquirit. Lign. sassafr. præscribit.

Videbatur jam res omnis confecta, consolidatioque vulneris omnimodo instare Chirurgis videbatur, hætenus enim vi quasi coalitio repressa est, ut puri pateret via; & coaluit sane vulnusculum, usque ad rimulam quasi minimam, at rebellem, (quod prædixerat Medicus) semper enim aliquid stillavit laticis, puero vegeto, agili, sano, omnibusque ætatis suæ actionibus aptissimo, ac in publicum, quacumque etiam tempestate, prodeunte. Novembri demum præteriti anni, prima, eaque exigua, ossiculi corrupti lamella, ex foraminulo prodiit, quam hætenus plures aliæ, parvulæ pariter, juxta cum duabus latiusculis, sed tenuissimis tamen, secutæ sunt, puero jam ultra annum rectissime valente, petulanti, atque ad omnia prompto; pollet enim & memoria, & ad discendum, ut prius, aptitudine, occlusumque est, dum ista in chartam conjiciuntur, vulnusculum, rima autem frontis eadem, imo quasi amplior tangitur, suo quoque, quem monstrat, pulsu, conspicua.

Si quæras, qua ratione coaluerit, repletaque sit cerebri ablati cavitas? an caro ibi genita? An callus sui generis? Nihil responsi loco accipies, cum vel ipsum hoc inter rarissima vulneris hujus sit, quod excussum fuerit cerebrum, osse isto trapezoide, seu cranii effracti portione, in situm suum redeunte, conspectumque cerebri læsi omnem auferente. Novimus exempla passim prostantia vulnerum gravissimorum, etiam non sine deperditione substantiæ cerebri, quæ inter Gœkelianum eminet, sed poterat in iis conspici cerebrum læsum, applicari remedia, removeri impedimenta, hic suspenso omnia gradu agenda erant. Patet vero hinc, quam necessarium fuerit apertum diu servare vulnusculum, unicam saniei egredientis viam. Nec negandum tamen commodum, ab impedito cerebri læsi conspectu enatum, os enim effractum, ac suo tamen redditum loco, aëri, destructori ac hosti vulnerum, ulcerumque, præclusit viam, appulsumque liberiores ad interiora, hinc facilior à putredine præservatio, ac læsi cerebri consolidatio, concurrentibus balsamicis, magna industria ac dexteritate admotis.

Quid vero nunc sperandum, quid metuendum puero nostro? Monendus omnino est, ut cautius agat, nec obliviscatur tam enormis cerebri læsionis. Subdola sunt istiusmodi mala, & occulta sæpe post se relinquunt vestigia, quæ periculose aliquando & ex improviso possunt reviviscere, graviterque lædere.

Mere-

Meretur eam in rem allegari attendique Illustris Historia Herois Wirtembergici Fortissimi, Serenissimi Principis Ferdinandi Wilhelmi, cujus æterna est ac pretiosa memoria; Hic enim in Obsidione Vivarini anno 1685. globo in fronte ictus, cerebro licet illæso, trepanationem sustinuit, curatoque licet, quoad licuit, vulnere, eo robore polluerit Princeps Imperterritus, ut per tot annos in Hungaria adhuc, Dania, Hibernia, Flandria, Belgioque, imo in Polonia, Podoliaque ac Holsatia gesserit bella gravissima, omnibus expositus tempestatum aërisque ac victus injuriis, tandem tamen fatali hac læsione recrudescente, ereptum est terris tam nobile Cœli depositum; manserat scilicet meatus aliquis in cicatrice apertus, per quem, annorum istorum decursu, sanies per intervalla exstillavit, is fluxus salutaris substitit subito Jul. mens. ann. 1701 hinc oculi inflammatio, lethargus, dehinc convulsivi motus, apoplexia, tristissimaque tandem mors secuta est; aiunt vero, qui Serenissimum Principem familiarius norant, eum, admoto digito, locum pristini meatus ostendisse, ac monuisse quasi adstantes de occlusionē fatali, sed visum tum fuerat DEO evocare hinc Principem Magnanimum, apparuitque post mortem, fissum olim ab ictu globi fuisse cranium, relictasque ossis quasdam festucas acutiores, quæ forsan nunc demum pupugere meninges, seque saniei retentæ junxere; nec osseus, cranium læso, callus olim succreverat, sed molliusculum integumentum obduxit cerebrum, adnatis protuberantiis binis callosis, exiguam nucem moschatam æquantibus. Tamdiu tamen sustinuit maximos labores, læsus tam graviter Princeps, ipsamque circumtulit secum læsionem, fatalem olim, lethalemque sibi futuram. Adeo nusquam tuta fides! sed manum nunc sumimus de Tabula.

F I N I S.

VIII.

DISSERTATIO

MEDICO-CHIRURGICA,

DE

VULNERIBUS CEREBRI

NON SEMPER LETHALIBUS.

Quam Præside

ANDR. ELIA BUCHNERO

ACAD. NAT. CURIOS. PRÆSIDE,

Pro Doctoratu consequendo tuebitur

JO. CHRISTOPHORUS TEUBELER

R I G A - L I V O N U S.

Halæ 10. Julii 1750.

THE UNIVERSITY OF CHICAGO

LIBRARY

1957 MAR 27 11 37 AM '57

CHICAGO, ILL.

LIBRARY

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

§. I.

DE istis *cerebri vulnerationibus*, quæ cum haud exigua subinde medullaris substantiæ jactura & detrimento conjunctæ deprehenduntur, fauciatis non solum superstitibus, sed, quod omnium maxime mirum, satis commodam etiam atque integram valetudinem aliquando recuperantibus, eademque ita fruentibus, ut quondam sibi consueta prompte expedire negotia valeant, expositurus, non inconsultum esse censeo, nec scopo nostro contrarium, breviter ante tradere, quam ipsam tractationis telam exordiar, *vulneris* nomine quid hoc loco designandum, & quousque illud extendendum? ne quid forte tacitus præteriisse arguar, quod præteriri non oportuisset. Quam enim incerta quamque instabilis vulneris nomini hæreat notio, nemini non facile liquebit, tum Chirurgorum, qui de re vulneraria, tum Medicorum, qui præsertim de medicina forensi aliquid memoria prodiderunt, libros adiuturo & consulturo, ubi illud modo latius, modo pressius & angustius acceptum inveniet. Namque qui de lethiferis læsionibus aliquid in publicum edidere, *vulneris* vocabulum usque eo dilatare sustinent, ut qualescumque quarumvis solidarum corporis partium, molliorum æque ac duriorum, læsiones, quomodocumque eis, sive cædendo, sive pungendo, sive contundendo, sive quacumque alia ratione illatas, hac voce complectantur, ut proinde minime mirum sit, præter proprie sic dicta vulnera, quaslibet partium læsiones, a foris violenter iis ingestas, velut contusiones, ossium fracturas, luxationes, aliasque hujus sortis, *vulneris* nomine ab his Auctoribus cieri [o].

§. II.

Ac tametsi quidem Chirurgis *vulneris* seu *plagæ* appellatio nequaquam tam latissime patet, quam illis, qui de vulnerum lethalitate quædam litteris consignata evulgarunt, sed pressioris omnino est & circumscriptioris ambitus: tamen nec horum eadem omnium est de vulnere definiendo sententia [p], quas si hic loci autumem omnes, ostensurus, quemadmodum istæ inter se diffideant, nimis longus sermo meus esset futurus. Variis ergo hisce notionibus, quas rei chirurgicæ scriptores, pro suo quisque ingenio, vulneris voci statutum & vindicatum iverunt, suo loco relictis, *vulnus* generatim ita trado definitum, quod sit *recens partium corporis solidarum, molliorum, utcumque sentientium, physica divisio, a corpore duro, qualitercumque acuto vel obtuso, violenter eis inducta, cruoris plus minusve semper fundens*. Hanc vulneris definitionem abunde sufficere cuicumque plagæ, ab omnibus aliis in corpore identidem obviis læsionibus, velut a contusione, ulcere, fractura, luxatio-

Q 2.

ne,

[o] Paul. Zacchias Quæst. med. legal. Lib. V. Tit. II. Q. I. n°. 8. Job. Bohnius Exam. vuln. lethal. Sect. I. p. 21. 22. Petr. Gericke Dissert. de vulner. renunc. Cap. I. §. II.

[p] Zacchias loc. cit. Illustr. Heisterus Chirurg. Libr. I. Cap. I. §. 2.

ne, cætera, nullo negotio dignoscendæ, nemini non liquido appariturum existimo, affectiones istas, quas cuilibet sauciationi cruentæ semper perhibui hæerere comites, collaturo cum illis, quæ contusionum, ulcerum, luxationum sunt & fracturarum ossium. Facturus itaque, quod vix operæ foret pretium, mihi videor, traditam meam vulneris definitionem compluribus exemplis, usquequaque vana velut atque adeo ridicula sedulitate collectis, hic illustratum iturus.

§. III.

At vero mirum forte cuipiam videri posset, me generis loco nostra in definitione *physicam divisionem* posuisse, repudiato isto & abdicato genere, omnibus rei chirurgicæ scriptoribus, & veterioribus, & recentioribus recepto, & huc usque usitato, quo omnem plagam uno ore dicunt esse *continui solutionem*. Sed ut brevissime dicam, ideo mihi *divisionis* vocem in *solutionis* locum surrogare placuit, quia solutionis nomen metaphoram redolet, ne istam logicam legem, ut omnes tropicæ definitiones a scientiis exulent, præcipientem, violasse viderer. Ne vero hæc divisio, in vulneribus obvia, cum *logica divisione* mutetur & permisceatur, cogitate & consulto huic verbo ἐπίθετον *physica* adjeci, quo liqueret facilius, qualem hic loci divisionem velim intellectam, quandoquidem *physica* a *logica* divisione mirum quantum diffideat, quod planius pleniusque expedire non foret ullius negotii, si tempus & instituti nostri ferret ratio. Si quis vero ex me requisiverit, *divisio* quid in univ-
ersum mihi denotet? is habeat, nihil aliud me hac vocula comprehendere, nisi *separationem partium inter se unitarum*. Jam vero partes istæ unitæ, vel citra intellectus operationem existunt, & unitæ compositum reale conficiunt; vel per solam dumtaxat intellectus operationem existunt atque inter se unitæ finguntur. Hinc rectissime a Philosophis *divisio* in *physicam* & *logicam* distingu-
i solet. Quisque etiam, vel me tacente, perspiciet, divisionem hic non *sub-
jective*, ut Philosophi loqui amant, sed *objective* tantum, a me accipi.

§. IV.

Cum autem vulnerum non eadem sit indoles & natura, sed ratione partium, quibus inflicta fuerint, vel modi, quo incussa, aut quantitatis, qualitatis, temporis, quo in corpore perstiterint, vel eventus, disjunctissima diversissimaque; idcirco multis modis in chirurgico foro discerni consueverunt. Primum igitur vulnerum distinguendorum argumentum ipsa illa Anatomæ cultoribus solemni nititur corporis divisione, qua illud in caput, collum, thoracem, cætera, describere solent. Unde ab hisce partibus generalioribus haud immerito in *vulnerationes capitis, colli, thoracis, abdominis*, cætera, diducuntur: a partibus vero specialioribus, quibus inhærescunt, velut cerebro, pulmonibus, stomacho, aliisque hujus census, in *plagas cerebri, pulmonum, hepatis, intestinorum, lienis*, cætera, disperiunt. A partibus vero specia-

specialissimis, quibus subinde insidias tendunt, nunc *vulnera nervorum*, nunc *vasorum*, modo *tendinum*, modo *musculorum* seu *carnium*, appellantur. Tum ab *instrumentis*, prout magis minusve acuta fuerint, vel obtusa, & ab ipso inferendi modo, in *vulnera cæsa*, *puncta*, *contusa*, *morsa* vel *plumbeis globulis inflicta*, discriminantur. Post a *quantitate*, in *magna*, *mediocria*, *parva*, *exigua*, *profunda* & *superficiaria*, disjunguntur. Deinde a *qualitate*, & *symptomatum*, quibus stipata fuerint, *acerbitate*, in *vulnera simplicia* & *composita* seu *complicata*; *periculosa* aut *minus periculosa*, *venenata*, cætera, distribuuntur. Ab *eventu* tandem, seu exitu, qui ejusmodi plagas manet seu excipit, in *medicabiles*, vel *insanabiles*, item *funestas*, vel *non lethales*, dispertiuntur. Ac profecto cum vulnerum tanta existat varietas, quanta vix cuiquam credibilis est, nimis longum foret, universas ictuum seu plagarum differentias præsentis loco deinceps enarrare; neque attinet, cum non videam, quid id ad nos nostrumque institutum referat, innumerabiles fere cruentarum læsionum varietates ad unum omnes hic dinumerari, præsertim quod mihi sit propositum, ea dumtaxat vulnera, quibus *cerebrum* aliquando confauciari solet, hac diatribe expedire.

§. V.

Missis ergo cæteris vulnerum differentiis, eas tantummodo plagas, ex tanto hoc numero expromptas, hoc loco expendere, atque illustriore declaratione omnium oculis & mentibus subjicere conveniet, quæ, quod percussis interitum sæpissime atque exitium afferre solent, *mortifera* seu *funesta* vocantur, quippe quarum genuina indoles ut altius inspiciatur & cognoscatur, nostra pluris interest; iis enim pro eo, ut convenit, perspectis & cognitis, vix quicquam negotii & difficultatis erit dilucide expedire, quid causæ sublit, cur quidam ictus cerebro ingesti vulneratum de medio semper tollere valent, aliis contra, qui itidem *ἐγκέφαλον* graviter lædunt, fauciatum vivum sospitem & salvum haud insolenter relinquentibus. Noli vero a me recensitionem quorumvis lethalium vulnerum hic expectare, ut quæ omnia deinceps exponere neque vacat, neque paucae Dissertationis plagulæ suppeditant, nec unquam mihi in mentem venit; satis enim erit, hoc loco dumtaxat paucis expediisse, quæ violenta læsio, quamque ob causam ea *lethalis*, seu mortifera, censenda sit? quo fini nostro convenienter excusso, ex usu quoque erit ante oculos constituere, quæ plaga sit *periculosa* existimanda, & quid discriminis huic cum lethifera intercedat? quoniam in forensi medicina nihil usu evenire frequentius animadvertitur, quam ut lethiferæ percussiones cum periculosis confundantur, ac multoties pro iisdem habeantur; sicuti quoque Medicinæ & Chirurgiæ doctis non insolens esse assolet, *vulnera insanabilia* cum *lethiferis* ita commutare, ut hæc inter declarare non dubitent, quæ immedicabilia dumtaxat esse observantur. Neque alienum propterea quoque erit, circumscripte tantum & breviter ostendere, *insanabile* inter & *lethale vulnus* quid intersit?

§. VI.

De vulneribus itaque mortem fauciatīs arcessere valentibus exponere aggreffurus, vix teneri possum, quin profitear & præ me feram, Auctores in definiendis non minus, quam præcipue dividendis vulneribus lethalibus, tantopere diffidere inter se atque discordare, ut non adeo expeditum sit & facile, tam varias tamque inter se diffidentes eorum sententias conciliare, quemadmodum id cuicumque patebit, monumenta eorum, quæ de hoc argumento litteris consignata exstant, evoluturo. Quamquam etenim plurimorum, quas de lethali vulnere tradunt, definitiones, si a paucis quibusdam recentiorum discefferis, omnes eo redeant, ut illud ejusmodi in parte corporis solutionem unitatis esse perhibeant, quæ vel cum discrimine, vel ipsa vitæ jactura conjuncta est [q]; aut, BOHNIO dicente, quæ plus tendit ad mortem, quam ad evasionem [r]: in mortiferis tamen plagis digerendis & dividendis ita alius ab alio dissentiunt, ut cujus faveas partibus, jure sis hæsiturus. BOHNIOUS quippe, vulnera lethalia, quæ summum genus constituunt, dispartiturus, distinguit in plagas *per se lethales*, & eas, quæ *per accidens mortiferae* sunt. Læsiones vero per se lethales novo discrimine separat in eas, quæ ἐξ ἀνάγκης, sive *de necessitate* vel *absolute lethiferae* sunt, & quæ ὡς ἐπὶ τὸ πολὺ, seu *ut plurimum funesta* existunt [r]. Alii vero, quibus hæc lethalium percussionum distinctio minus probatur, eas in *plagas magis & minus funestas* discriminant [s]; aliis rursus alia ratione exitiabiles plagas discernentibus. Quod si vero sciscitemur causam, quare tam summa tantos inter viros sit dissensio in lethiferis hisce læsionibus cum definiendis, tum dignoscendis, vix mea quidem sententia subesse videtur alia, quam quod non tam principium & fontem vitæ animalis, qui communi & consentiente omnium medentium sententia, & ipsa experientia loquente, perennis ille liquorum vitalium in orbem qualiscumque per cor ejusque vasa conspectiora est motus, respexerint, quam potius varias conjecturas, ex partium corporis nobilitate, inflictorum vulnerum quantitate & qualitate, tempore subsecutæ mortis, instrumenti lædentis seu vulnerantis conditione, cœli ratione, ipsius vulnerati corporis prægressa constitutione, aliisque id genus deductas, consuluerint. Quid vero habeant argumenti hujusmodi conjectationes in vulnerum lethalitate certo determinanda, cum id jam fufius latiusque alii sint prosequuti [t], hic docere nihil attinet.

§. VII.

Prius itaque ipse fons, ex quo quarumvis plagarum lethalitas ἀμέσως atque

[q] Welschius de ration. vulner. lethal. judicio, Cap. II. p. 6.

[r] Libr. cit. Sect. I. p. 28. & seq.

[s] Ammanus Medic. critic. Cas. X. p. 114. Gerike Dissert. cit. §. XVI. & XVII.

[t] Gerike Dissert. cit. §. XXXVI. & seq.

que unice deducenda venit, nobis est circumspiciendus, quam ad lethifera vulnera & definienda, & distinguenda, ingrediamur, quippe ex quo uno & solo depromenda est ratio, quamobrem quædam læsiones vulnerato simpliciter & necessario interitum afferant, aliis contra eundem dumtaxat ex accidente jugulantibus & vita privantibus? At vero non est, quod hunc fontem detectum longe abeamus, sana ratione, haud fane ficulneis experientiæ fulcris subnixa, satis arguente, solum sanguinis per cordis & vasorum majorum & maximorum alveos circuitum, quali modocumque & quantulocumque perennantem & perseverantem, animalis vitæ fontem & caput esse. Sicuti enim singulas quasque corporis partes organicas tamdiu sua ipsius vita uti fruique deprehendimus, quoad purpurea liquida orbico qualicumque motu per earum canales spectatiores fuerint agitata: ita quoque mortalibus totius corporis vitam semper tamdiu superesse comperimus, dum sanguinei latices per cordis ventriculos & conspectiores ac maximos ei appensos tubos quomodo provolvuntur. Nihil itaque dubii est, quin solus hic vitalium fluidorum per cordis compluvia & vasorum cava motus, suum quacumque quamvis celeritate aut tarditate orbem conficere pergens & perseverans, unice vera & certa principia ac fontes univerforum vulnerum lethalium æstimandorum & dijudicandorum, iudicium de iis laturo suum, suppeditare valeat. Nullum quippe vulnus, per se spectatum, lethale dici potest, nisi ad iacturas & detrimenta, quæ sanguinis circulus indidem fecerit, semper exigatur & ponderetur.

§. VIII.

Verum enim vero cum itidem observationum fide perspicuum sit, interque omnes medicæ scientiæ doctos abunde constet, sanguinem, utpote per se omni progressivo motu carentem, ab iis tantum solidis partibus, quæ ipsum coërcent & complexu suo ἀμέσως continent, ad profluum impelli motum inque orbem concitari: ipsa luce clarius cuivis inde appariturum censeam, ad humorum sanguineorum per cor & vasorum alveos perpetuum circuitum, tum expediendum, tum conservandum, dictarum partium actiones usque adeo esse necessarias, ut, his a suo movendi munere vacantibus & feriantibus, omnino vitalibus liquoribus in corde & vasorum alveis plane subsistendum sit, hocque pacto sensim pedetentimque putrescendum, quo eveniente, de mortalium vita foret actum. Jam vero cum tantus sit functionum commemoratarum partium usus, tantaque ad sanguinis circuitum perpetuandum (in quo uno animalis vitæ cardo vertitur) necessitas: nemini non erit indidem spectatissimum, fieri non posse, ut vita homini salva ac diuturna maneat, hisce partibus undelibet & utcumque ita læsis, ut sua exsequi munia, & vitalia liquida tam coërcere, quam in profluum motum concitare, amplius nequeant. Hinc quoque est, cur Medico, de vulnerum lethalitate iudicium laturo, nunquam non harum functionum vitæ necessariarum ratio omnium potissime habenda est.

§. IX

§. IX.

Neque diffimulandum mihi est, præter aliquos antiquiorum, ex recentioribus quoque esse, qui de lethiferis percussionibus tradentes, ejusdem, cujus nos, sunt sententiæ, diserte pronunciantes, in judicio, de vulnerum tum periculo, tum lethalitate, ferendo, Medici filiis nihil quicquam prius, nihil antiquius esse debere, quam ut partium corporis necessitatem, qua ad vitam impetrandam & conservandam utuntur, semper respiciant, quippe ex qua vulnerum lethalitas ad unum omnium maxime æstimanda est [u]. Ut vero ad sanguinis redeam circuitum, quem sine partium vitalium actionibus peragi nequire perhibui, haud satis est ad hunc vitalem motum continuandum, ut cordis machinæ vasisque ei adnexis, cum cæteris partibus corporis, quæ magnam hujus circularis humorum motus partem suo quasi jure sibi suam vindicant, vel ut pulmonibus, diaphragmati, asperæ arteriæ, cætera, sua sit integritas atque incolumitas; sed necesse est, ut istæ etiam partes corporis, quæ fons & scaturigo virium existunt motricium, sicut cerebrum cum spinali medulla & nervis, ab iis ad corporis quæque viscera pertinentibus, ea sint conditione, ut liquidum illud nervorum, quod in cerebro continenter a sanguinis confortio sejungitur, & suo per nervos in corporis partes influxu, hisce tum sensus, tum motus causa existit, indidem per nervos visceribus vitalibus tanta certe copia subsidio mitti queat, quanta dictis partibus motu ita ciendis & agitandis sufficit, ut sanguinem per cor ejusque annexa vasa circumagere valeant.

§. X.

Enim vero non sufficit sanguinis progressivo motui peragendo & tuendo, solidas corporis tantum partes suo munere fungi; sed necesse etiam est, ut vitalium liquidorum tanta præsto sit copia, quanta sanguinis circulo utcumque peragendo & continuando necessaria. Ast fluidorum quantitas bifariam imminui potest, si vel large & copiose ex læsis seu discissis vasis profunduntur; vel si vasorum quidem alveis non exciderint, nihil tamen novi liquidi per ductum thoracicum mari sanguineo refunditur, inque locum detriti & dispersi surrogatur, quo casu vitalium liquidorum justa copia non potest non sensim sensimque decrescere. Tota vero sanguinis massa, hoc modo in dies diminuta, sicque temporis longinquitate ad eam redacta paucitatem, ut vasis neque replendis, neque dilatandis, ut par æquumque est, sufficiat, nec tamen unquam ullo quodam novo chylo accedente rursus instaurata & resecta, nihil dubitationis est, quin sanguinis in orbem motus sit omnino cessaturus atque interiturus.

§.

[u] Gerike Dissert. cit. Cap. III. §. 65. & 66. Boerhaavius Aphor. §. 150. & 170. Commentator ejus Illustr. van SWIETEN in §. citat.

§. XI.

Eo igitur jam stabilito & fixo, sanguinis circulum unicum esse fundamentum & principium cognoscendi ac decernendi, utrum vulnera sint lethalia, nec ne? nostrum erit, definitione quadam omnium mentibus & oculis sub-
 jicere, ut, quam teneamus lethalis plagæ notionem, cuivis liqueat. Tanto
 autem magis generalem mortiferæ fauciationis definitionem præsentī loco ex-
 hiberi necesse duxi, quanto frequentius rei medico-legalis conditores in di-
 versum abeunt, funestas læsiones definitas tradituri; quippe quorum pleri-
 que eas non tam *ex constitutivis*, ut *Φιλοσόφως* loquar, sed *ex consecutivis*
dumtaxat definiunt. Est vero mihi in universum *lethale vulnus* id, quod *solida*
corporis partes ita destruit, ut sanguinis per cor & vasa corporis, *conspectio-*
ra circulus necessario desinat. Cum vero hac in definitione perhibeo, necesse
 esse, ut sanguinis motus cesset; tum *absolutam*, tum *respectivam necessitatem*
 hic velim intelligi. At vero corporis partes firmæ vel ita destruuntur, ut vi-
 talium liquidorum per cor & vasa motus, artis tempestive subvenientis au-
 xilio, rursus expediri sicque in circulum reduci queant; vel ita evertuntur,
 ut sanguinea fluida, circulari motu destituta, non fane ullius, neque natu-
 ræ, neque artis, quantumvis citatissime succurrentis, opera in profluum
 motum redigi possint: hinc lethalia vulnera iustissima ratione dividi posse
 cognosces, in *vulnera per se* seu *simpliciter & absolute*, vel, si malueris, *ex*
necessitate lethifera, & in ea, quæ *relative* seu *per accidens mortifera* sunt.

§. XII.

Vulnus igitur *simpliciter & absolute*, sive *per se*, vel *necessario* (quæ mihi
συνώνυμα sunt) *lethale*, est, quod *solidas partes ita diruit*, ut sanguinis per
 cor & vasa ei annexa circuitus omnino cessare debeat, nec ulla naturæ & artis
 ope restitui & conservari queat. *Vulnus* vero *ex accidente lethale* est, quod sibi
 relictum sanguinis quidem per cor vasaque corporis motum tollit, sed ita, ut na-
 turæ & artis auxilio redintegrari & conservari possit. Vel, ut brevius dicam,
absolute lethale vulnus est, quod sanguinis per cor & vasa tollit motum, admo-
 dum nihil ullo modo vel arte revocabilem aut conservabilem: *per accidens* vero
lethale est, quod sanguinis quidem aufert circuitum, arte tamen revocabilem aut
 conservabilem. Videas itaque hic vulnerum per accidens & per se lethaliū
 definitiones, quibus nihil obscurum, nihil à veritate alienum inest, quæ ab
 ipso animalis vitæ fiendi principio & fonte, qui communi omnium Medico-
 rum consensu sanguinis esse fertur circulatio, deductæ sunt. Neque cuiquam
 crediderim insolens visum iri, *vulnera me lethalia* dumtaxat in *simpliciter &*
absolute, seu *per se talia*; & *ex accidente mortifera*, dispescuisse, aliis tamen
 plures lethaliū percussionum & subdivisiones, & subalternas divisiones,
 comminiscantibus. Verum enim vero ex recentioribus jam multi cognovere,
 vulnerum lethiferorum plures, quam id fieri necesse sit, differentias ab an-

tiquioribus Chirurgis & Medicis fuisse, sine ulla urgente necessitate, excogitatas, quarum exiguus, si forte ullus, est in vulnerum renunciatione usus; justiore autem ratione mortiferas distingui posse plagas in eas, quæ *per se, simpliciter & absolute*, sive *ex necessitate* læsum interficiunt, & istas, quæ *ex accidente* dumtaxat eundem interimunt, quemadmodum id non minus docte, quam præclare demonstratum dedit, Vir omni laude major & felicior, Illustris atque Excellentiss. Dn. ALBERTI [x]; cui nec multum abludit BOERHAAVIUS, itidem lethiferas fauciationes tantum dispertiens in eas, quæ inevitabili necessitate jugulant, atque illas, quæ per accidens mortis causa existunt [y]. Quocirca cum jam tanti nominis Viri mihi hac in distinctione præiverint, nemini mirum videbitur, illorum me vestigiis instituisse in funestis læsionibus discriminandis.

§. XIII.

Perspectis itaque vulneribus mortiferis, quoad id fieri oportuerit, commodum quoque erit nec a proposito nostro alienum, breviter ostendere, qui *periculosa læsiones* a *lethalibus* diffideant, utpote quas crebro Auctoribus promiscuas haberi & confundi, pluries comperimus, cum tamen immensum quantum inter se discrepent. Vulnus enim cum maximo quidem conjunctum esse discrimine potest: propterea tamen illud extemplo haud lethale censendum, vulgari experientia quotidie innumeris documentis confirmante, mortalium quam plurimos, periculosissimis subinde plagis vulneratos, suis ex vulneribus felicissime convalescere. Quid enim censes *vulnera* ista, *ut plurimum lethalia* dicta, in legali Medicina aliud sibi velle, nisi quod *summi* sint *periculi* tamque ancipitis eventus, ut æque facile, quin imo crebrius, in mortem ac salutem contendant. Est vero periculosum vulnus illud, quod ob symptomatum, quibus stipatum est, multitudinem & gravitatem, incerti est atque ancipitis exitus. Comparaturus itaque cum hac periculosa læsionis definitione illam, quæ a doctissimis Viris de vulnere ut plurimum lethali memoriæ prodita est [z], nihil discriminis huic vulnere frequentius mortifero intercedere cum periculosa plaga, deprehendet; cum tamen dispar & dissimilis utriusque hujus vulneris ratio esse fertur.

§. XIV.

Præter hanc periculosi & lethalis vulnerum confusionem, Æsculapii filiis haud sane insolentem, *mortifera* quoque vulnera *insanabilibus* persæpe confundi observantur, quorum disjunctissima tamen itidem est ac diversissima ratio: sunt enim aliquando quædam vulnera, quæ nihil omnino unquam con-

[x] Jurisprud. medic. Cap. XIV. §. V.

[y] Libr. cit. §. cit.

[z] Welschius Libr. cit. Cap. II. pag. 20. Ammannus libr. cit. Casu XLIX. pag. 310.

consanescunt, salva tamen vita satisque longa, quid? quod, ad decrepitam subinde ætatem perducta, manente. Possem omnino magnam vim & copiam ejusmodi vulnerum, per omne ætatis tempus patentium, nec ulla arte unquam sanabilium, quorum plurima in monumentis observatorum occurrunt exempla, recensere, quæ hoc testatum faciunt, si mihi vacaret esse longiori in rebus apertissimis. Sicut unum alterumve dumtaxat in medium adducam, *Corn. van SOLINGEN* sua ipsius observatione deprehendit, vulnera ea frontis ossi inflicta, quæ in sinuum frontaliū recessus penetrant interiores, nullo ætatis tempore ad cicatricem venire, sed aperta semper & hiulca relinqui, remediis quantumvis optimis quibusque in usum vocatis [a], cui alter testis, *Joan. MUY S*, accedit, *Corn. CELSI* auctoritate subnixus, similiter docens, plagas commemoratis sinibus ingestas vix unquam coalescere, verum in ulcus abire immedicabile [b]. Nec dissimili fere ratione sunt ista abdominis vulnera, ubi, monumentis historiarum & observationum medico-chirurgicarum loquentibus, extremitates dissecti cujusdam intestini, admirando naturæ beneficio, cum vulneris externi, in abdominis musculis obvis, oris ita concrevisse leguntur, ut fauciati per propatula hujusmodi vulnera alvi feces postea, toto suæ vitæ spatio, reddiderint [c].

§. XV.

Quæ cum ita sint, nemini dubium arbitrer esse futurum, quin *mortiferæ plagæ* ab *insanabilibus* quam plurimum diffideant. Neque vero alienum erit, *immedicabile vulnus* paucis hoc loco explicare. Quo autem illud clarius intelligatur, e re nostra erit oppositum illius, quod *sanabile est vulnus* prius definire. Verum enim vero nec hoc cognoscere expeditum erit, nisi ante perspectum habeamus & cognitum, quomodo cujuslibet vulneris parietes, quanto etiam cumque hiatu inter se distent, rursus conglutinati solidescant. Experimentiæ fide exploratissimum hodie est, hiantia cujuscumque vulneris labia inter se conjungi, dum dissecta quæque vascula in vulneris cavo usquequaque, tum ab imo, tum ex omni ejus ambitu, renata ac sensim pedetentimque extenta seu porrecta, inque plures ramulos explicata, inter se aliud alii, proxime sibi obviam venienti, committuntur & conjunguntur, ut proinde non amplius illud dubitetur, quin hæc recens vulneris parietibus internata moles, Chirurgiæ doctis *caro* & dicta, & credita, mera sit congeries innumerabilium canaliculorum, sub purulento vulneris liquamine paulatim undique succrescentium. Nostræ vero huic sententiæ nihil ficti & commentitii inesse, sed rem ipsam ita ferre, jam Viri doctrina & scientia medicæ artis facile principes, sensuum fide & testimonio nitentes, demonstratum iverunt; ex

R 2.

quibus

[a] Handgriffe der Wundartzney, Cap. VI. p. 38.

[b] Prax. rational. chirurg. Decad. V. Observ. I. pag. 222. & Podalir rediviv. p. 357.

[c] Bohnius ex Pläteri observat. I c. p. 27. *Abrab. Vaterus* Dissert. de Vuln. in intestin. lethalit.

quibus unum dumtaxat, qui nobis instar omnium sit, Illustr. van S w i E-
T E N, testem citare liceat, ut qui fuisset oculis, conspicio adjutis, ejus-
modi vascula, in vulneribus copiose pullulantia, usurpavit [d]; cui si usus
esset, plures alios similis fidei & integritatis addere testes possem.

§. XVI.

Verum enim vero dubium forte cuidam relinqui posset, an quoque in hu-
jusmodi renatis & resectis vasculorum tubulis sanguinea liquida postmodum
perinde, atque ante eorum excidium, orbico motu circumvolvantur? At
nullus vereor vel hoc affirmare, eodem laudato Auctore haud sane obscuris
verbis innuente, expeditissimum esse in illo muco, quem regerminantia hæc
vascula præ summa teneritate & mollitie referunt, in vulneribus confanescen-
tibus obvio, si microscopiis lustraretur, arteriolarum motum manifesto
deprehendere [e]. Quid, quod ipse in ossibus tarsi, carie affectis, quæ te-
rebello, Bellostiana methodo, hincillinc leviter dumtaxat efforata, copiosos va-
forum furculos ex se regenerarunt, vascula hæc evidenter micare suosque
systalticos & diastalticos motus alternare vidit [f]. Quibus ergo, quam bre-
vissime fieri potuit, præstructis, *sanabile vulnus* ita definiendum duco, quod
sit vulnus, *cujus destructa vasa nature vel artis beneficio redintegrari & cica-
trice claudi queunt. Immedicabile* contra dicitur, *cui deperditorum vasorum
strues unquam resarciri & cicatrix obduci non potest.* Hactenus fuit, quod de
vulneribus lethiferis a me prius ostendi oportuit, quam ad id, quod caput
rei est, explicandum devenire expediit, quo clarius posthac indidem diluce-
ret, complures cerebri læsiones periculi esse quidem plenas, non tamen prop-
terea illico funestas declarandas.

§. XVII.

Quoniam igitur satis superque de vulneribus, generatim consideratis, dis-
seruisse mihi videor, operæ etiam pretium erit ipsam istam, quæ hujusmodi
ictus calamitatis excipit, corporis partem, quæ *cerebrum* est, leviter transire
& tantummodo perstringere, quippe ex cujus natura & conditione potissime
atque adeo unice erit ratio petenda, cur ejus percussiones, aliam alia pericu-
losiores magisque mortiferas, deprehendamus. Prout enim inflicta vulnera
nobiliores, præstantiores & ad vitam factam tectamque tuendam magis ne-
cessarias, cerebri particulas disturbaverint ac diruerint, certiores quoque
mortalium capiti impenfuras esse ruinas, quisque haud ægre perspiciet: quod si
vero eas dumtaxat cerebri partes, quarum ad vitam custodiendam non tanta
quidem fuerit necessitas, permagnus tamen & necessarius ad sensuum exer-
citationes usus, perculerint ac de suo statu dejecerint, vix quicquam erit ne-
gotii

[d] Commentar. in Boerhaavii Aphor. Comment. in §. 253. & in §. 158. n. 9. Gare-
geot Chirurgia practica Cap. II. §. VII & seq.

[e] Libr. & loc. cit.

[f] ibidem.

gotii cognoscere, esse futurum, ut illi sensus, quorum integritas incolumitate harum partium nititur, jacturam faciant ac detrimentum. Eo autem breviores in structura cerebri expedienda sumus futuri, quo uberius ea ac fusius explicata in Anatomicorum libris legi potest, ne præter necessitatem hic aggerere velle videamur, quæ isthic, veluti suis ex fontibus, & copiosius, & dulcius hauriri queunt.

§. XVIII.

Quæ corporis humani pars *cerebri* nomine appellari soleat, & in quo corporis ventre illud collocatum sit, cum usque adeo vulgaris sit notitiæ, ut nec lippis, ut in proverbio est, & tonsoribus illud ignoretur, operam lusus viderer, in re omnibus nota pluribus moraturus: pluris vero nostra interesse videtur, ut statim in ipso operis aggrediendi limine lectoribus præcipiamus, *cerebri* nomen non semper ejusdem esse significationis, sed nunc *laxius* latiusque, nunc vero *pressius* intelligi & angustius, de quo proinde, cum in nostros cedat usus, paucula quædam subnectere non abs re erit. *Cerebrum* itaque *latiori sensu sumptum*, Anatomes peritis omnem illam mollioris texturæ molem denotat, quæ in cranii interioribus quibusque recondita recessibus, atque extrinsecus binis involucris, *matribus* seu *meningibus* vocatis, ἀμέσως contacta, delitescit; quæ igitur & cerebrum proprie sic dictum, & cerebellum, & oblongatam complectitur medullam: strictiori vero & *proprio significato* acceptum *cerebri* vocabulum ista dumtaxat comprehendit gemina spectatioris molis corpora, duobus hemisphæriis non multum absimilia, calvariæ ossibus & crassa meninge ablatis, continuo oculis intuentibus obvia, quæ lobis suis anterioribus illi parti ossis frontis, quod utriusque oculorum orbitis pro laqueari est, incumbunt; posterioribus vero septo duræ matris transverso, vel, si magis tibi arriserit, cerebelli tentorio innituntur; mediis tandem lobis isti baseos calvariæ regioni inhærent, quæ petroso ossium temporum processui & fissuræ orbitariæ superiori interjecta conspicitur. Nobis hic pro nostro scopo, utpote de istis cerebri percussionibus, quæ sine vitæ dispendio, nec raro sine sanitatis detrimento, vulneratis evenerunt, loquuturis, satis erit tantum breviter significasse, cerebri vocem præsentis loco nobis tam late patere, ut *cunctas in calvarie interioribus conclusas partes*, id est, *cerebrum proprie ita nominatum, cerebellum & oblongam medullam*, eo semper velim intellectas.

§. XIX.

Quod proinde ad ipsam cerebri attinet *texturam*, noto notius est, eam in *exteriolem* seu *corticalem*, quæ, quod cineracei coloris est, *cineritia*, vel magis latine *cinerea* quoque appellatur, & in *interiolem*, seu *medullarem*, quæ albi est coloris, rectissime distingui. Exterior, seu corticalis hæc substantia, duas circiter lineas, in cerebro strictè dicto, crassa, medullarem suo complexu coercens & continens, admodum sinuosis flexibus & anfracti-

bus, qui ab intestinorum voluminibus & gyris parum abludunt, adornata est: medullaris vero substantia, quæ cortici inclusa hæret, itidem perquam flexuosos fingit tractus, qui in cortice velut demersi sunt. Quæ vero hujus corticis sit structura, inter Anatomes doctos non convenit. MALPIGHIIUS eum ex meris glandulis constare & sibi, & aliis persuasit; RUYSCHIIUS autem, anatomes studio in majus & melius provehendo velut natus, omnium primus dedit demonstratum, eundem ex omni stupendæ exiguitatis & teneritatis vasculorum varietate esse concinnatum, quæ artificiosis suis injectionibus efferta, hacque via adspectabilia reddita, omnium oculis objecit clarissime spectanda [g]. Cui postea omnes propemodum recentiores, velut VIEUSSENIUS, BOERHAAVIUS, de HALLER, HEISTERUS, HOFFMANNUS, BERGERUS, alique assensum præbuerunt.

§. XX.

Verum enim vero tenerrimi hi vasorum furculi, quibus Deus mortalibus corticem cerebri tam affabre, tam admirabiliter voluit fabricatum, sunt propagines eorum vasorum, quæ abundantissime per tenuem meningem disseminata deprehenduntur, quippe quæ membrana corticem hunc ἀμείσως investiendo, in quosque ejus sulcos se recipit [h], ubi incredibilem ramulorum tenuissimorum, rubicundis globulis non amplius perviorum, sed serosis, lymphaticis aliisque subtilioribus dumtaxat patentium, vim ac molem per corticalem distribuit substantiam, & admirabili ordine disponit. Exterior vero piæ matris lamina, a summa tenuitate, telis aranearum proxime accedente, ἀραχνοειδής dicta, commemoratos corticis sulcos non subiens, eas superfcandendo inter se connectit. Universæ hæ vasorum soboles, quas a pia matre in corticalem propagari substantiam tradidi, ad unum omnes ex ramis arteriarum carotidum interiorum & vertebraliū oriuntur, quæ cranii basin, suo quæque peculiari foramine, ingressæ, inque ramos deinceps sensim sensimque minores explicatæ, dictam membranam innumerabili vasorum copia locupletant [i]. Quæ igitur cuncta, hætenus a nobis de corticis cerebri fabrica allata, cum tam sint aperta, tam perspicua, tantique Viri observationibus creberrimis testatissima, nulli veremur cortici cerebri mere vasculosam assignare texturam, cujus canaliculi cum usque adeo sint exigui & teneri, ut expedite sua sponte colliquescant; minime mirum videri potest, eos *vascula succosa*, seu *pulposa* vel *tomentosa*, RUYSCHIO nominari.

§.

[g] Epist. anatom. problem. XII. Thesaur. animal. I. repos. III. No. XIX. Thes. anat. II. affer. VI. No. VIII. & XII. Thes. anat. III. affer. II. No. XXXIII. Thes. VI. No. I. & affer. II. No. LXXIX.

[h] Ruyfchius Epist. anat. VII. Tab. 8. fig. 2.

[i] Ruyfchius Epistol. anat. IX. Thesaur. anat. II. affer. VI. No. VIII. Thesaur. anat. III. affer. II. No. XL. Thesaur. VI. affer. II. No. LXXIX.

§. XXI.

Quamquam vero recentiores Anatomicorum de vasculosa corticis cerebri compage uno velut ore inter se concinunt & concordant; de medullaris tamen substantiæ contextu summa inter eos etiamnum esse animadvertitur dissensio. Etenim etiamsi ista ab omnibus *fibrata*, seu innumerabili fibrarum multitudine confecta esse celebretur & contexta; tantum tamen abest, ut universi candidas hasce fibras existiment cavas esse & liquido quidam pervias; ut contra haud pauci eas omnino impervias solidasque declarent. Verum enim vero cum ipsa *αυτοψία* dilucide appareat atque existet, substantiam medullarem, quæ cerebri penetralia occupat, cortici nullo interjecto medio continuam, ejusque plicis seu anfractibus innexam atque adeo defixam esse, perquam consentaneum est, eam e cortice enasci, nec istas, quarum copia abundat, fibras quicquam aliud esse, nisi ipsa illa corticalis substantiæ vascula, haudquaquam in cœca atque impervia stamina densata & solidata, sed in apertos & permeabiles tubulos, istis vasculis, a quibus exorta sunt, multo tenuiores & graciliores, abeuntia, quæ prima omnium nervorum primordia sunt. Nec sane arduum esset id pluribus iisque gravissimis demonstratum dare argumentis, si temporis & instituti ratio id ferret.

§. XXII.

Qua autem ratione adductæ modo fibræ medullaris substantiæ, quas canaliculos tantæ prædicavi teneritudinis esse & parvitatæ, quantam capere non sane unquam ullius ingenii est, inter se collectæ & ordine compositissimo digestæ, sic dictum ovale centrum *VIEUSSENI*, corpus callosum, cætera, constituent, cum hæc a nostro incepto sint alieniora, nec, quid lucis dicendis allatura, mihi appareat, dedita opera omitto, ne longius provehar, quam Dissertationis limites permittant. Quocirca illius tantum hic meminisse conveniet, universas illas medullæ cerebri fibras, sensim ac pedetentim undique in unum congestas, in ita nominata *crura medullæ oblongatæ anteriora* desinere, ubi, in exiguos congregatæ fasciculos, prima velut rudimenta & primordia nervorum constituunt. Neque illud silentio hic loci prætereundum mihi videtur, quod præter ista vasa, quæ e pia matre in cerebri corticem copia contendunt abundantissima ad eum conficiendum, ingens alius quoque insuper ductuum sanguineorum deprehendatur numerus, qui inter ipsas medullaris substantiæ fibras innumeris locis disperse feruntur [k], nec ullum aliud commercium, neque cum cerebri cortice, neque medulla, habere videntur, præterquam quod calori & nutritioni servandis inserviant [l].

§.

[k] Illustr. de Haller Libr. & volum. cit. not. a ad §. CCLXVI. Morgagnus Advers. anat. Advers. VI. Animandv. XV.

[l] Boerhaavius in Prælect. academ. §. CCXXXVI.

§. XXIII.

Perspectis itaque cerebri angustius intellecti hemisphæriis, quoad id fieri necesse fuit, res, tempus, ordo & propositum exigere videntur, ut *cerebellum* quoque paucis percurramus. Occultatum illud hæret in ossæ occipitis, sub transversali isto duræ matris septo, posteriores cerebri lobos sustinente, & magnitudine cerebro longe est inferius. Neque exterior ejus superficies tam laciniosa esse seu sinuosa conspicitur, quam cerebri; sed videtur potius ex compluribus concinnata esse lamellis, quarum alia alii velut incumbit. Et quamvis similiter, ut cerebrum, ex cineritia seu corticali, & candida seu medullari, substantiis sit coagmentatum; notatu tamen omnium præcipue dignum est, corticalem cerebelli substantiam, si ad copiam istius corticis, qui cerebri est, exigatur atque expendatur, longe multumque quantitate antecellere medullari cerebelli substantiæ. Quæ proinde supra de vasculoso corticis cerebri contextu ad satietatem explicata leguntur, ea quoque omnia in cerebelli exteriori conveniunt substantiam, utpote quæ pariter, ac cerebri, folis vasorum sanguiferorum ramulis iisque minutissimis, miro opere contexta est. Ab hac corticali substantia cerebelli exoritur perinde, ac de cerebro constat, sic nominata *medullaris*, quam, si cerebri medullæ æquaveris, hic intuitu corticalis substantiæ multo exiguiorem perspicias. Nec quicquam dubii est, quin pari modo, atque cerebri medulla, innumerabilibus summæ exilitatis tubulis compacta sit, qui paulatim in spatium arctius compulsi, tandem utrobique in unum adspectabile corpus confunduntur, quod in oblongatam cedit medullam: & hæc sunt ista cerebelli corpuscula, quæ *crura medullæ oblongatæ posteriora*, vel aliis etiam *pedunculi cerebelli* nominantur. Quemadmodum vero hi pedunculi tribus distinctis constant processibus, & quorsum isti ferantur, hoc loco exsequi neque attinet, neque vacat, cum nec, quid fortassis emolumenti indidem ad nos venturum sit, sentiam. Quare vel hac cerebri parte missa, ad ipsam *medullam oblongatam*, tanquam incunabula omnium, qui intra calvariam proveniunt, nervorum, ingrediar brevissime collustrandam, ne nostra cerebri contemplatio manca sit atque inchoata, sed fini nostro atque instituto convenienter expleta. Tanto autem magis eam hic explicatam tradi conducet, quanto ingentioris & spectatoris usus & necessitatis, ad vitam mortalibus custodiendam, esse cognoscitur: eo quippe, quoad id fieri necesse fuerit, perspecto & cognito, minus erit negotii determinare, cur quædam vulnera, cerebro incussa, fauciatis mortem, nisi semper inferant, certe tamen sæpiissime intentent?

§. XXIV.

Candida hæc massa, quæ subter cerebri & cerebelli lobos conspicitur locata, nihil aliud est, nisi omnium istorum tubulorum seu fibrarum congeries, quibus tum cerebri, tum cerebelli utramque medullam confectam esse &

& contextam supra perhibui. Univerſa enim cerebri medulla, in arctum paulatim coacta, duas velut cylindraceæ figuræ columnas, *crura medullæ oblongatæ anteriora* dictas, noſtris oculis offert ſpectandas & arbitrandas, quæ in unum coeſcentes, & ad magnum offis occipitis foramen pergentes, ibi ſtatim, ubi inter ſe conjunctæ deprehenduntur & copulatæ, pedunculorum cerebelli amplexu circumplicantur [*m*], ita ut, ſi cerebrum ſpectes inverſum, anteriora medullæ oblongatæ crura ſub hunc pedunculorum cerebelli proceſſum ſeu tractum medullarem progrediantur, ſicut amnis quidam ſub pontem ſibi impoſitum ſubterfluit. Et hæc ſimilitudo, qualiſcumque eſt, VARRONIO locum feciſſe videtur, hanc medullæ oblongatæ partem *pontis* nomine appellandi: quemadmodum contra WILLISIIUS, alia ratione inductus, eandem *protuberantiæ annularis* nomine maluerit designatam. Oblonga hæc medulla, quæ, ad dictam offis occipitis aperturam pertingens, in ſpinalem definit medullam, maximam partem, ſi ab aliquibus ejus partibus, in quibus omnino aliquid ſubſtantiæ corticalis, medullari intertextæ, oculis obvium eſt, velut a corporibus ſtriatis, thalamis nervorum opticorum, cætera, diſceſſeris [*n*], ex illis fibris ſeu canaliculis medullæ tum cerebri, tum cerebelli, coagmentata eſt atque excitata, qui in faſciculos collecti & congregati, germanæ & veræ omnium iſtorum nervorum, quos cerebrum ex ſe generat, radices ſunt.

§. XXV.

Quemadmodum enim quilibet nervus nihil aliud eſt, niſi congeries ſeu multitudo innumerabilium filorum, vel, ut verius dicam, canaliculorum, in unum faſciculum compacta, quæ duræ ac piæ matrum productionibus artiſſime conveſtita, inque corpus tenue & oblongum candidi coloris formata, a cerebro aut ſpinæ medulla ad quaſque corporis partes pertingit, ut eis ſentiendi & movendi vim ſubminiſtret: ita quoque nihil aliud iſti eſſe advertuntur nervi, qui natales ducunt ſuos ab oblongata medulla, utpote ex qua novem paria nervorum naſcuntur, qui partim organis ſenſoriis de ſentiendi proſpiciunt facultate, velut nervi olfactorii, optici, guſtatorii, vel, ut aliorum fert ſententia, nervi noni paris, linguales dicti, cætera; partim vero corporis partibus motricibus, præter ſenſum, movendi quoque vim & potentiam ſœnerant ac mutuunt. Omnes igitur illi nervi, ex oblongata medulla enati, nequaquam pro talibus habendi ſunt, quouſque ſimplicium fibrarum facie per medullam oblongatam pergunt, quia hæ fibræ nihildum, quod vel ſpeciem dumtaxat funiculi cujuſdam teretis præ ſe ferret, oculis noſtris obſciunt arbitrandum; ſed demum nervi induunt ſpeciem, medulla oblongata exeuntes ac inter ſe ſociatæ atque conſtipatæ in faſciculos, ſolius piæ matris productione initio amiſtos, qui deinde cum aliis ſimillimi ingenii faſciculis

Tom. I.

S

ner-

[*m*] de Haller libr. & volum. cit. not. d. ad §. CCLXIX. Garengéot ſplanchnol. part. II. cap. IV. §. 10.

[*n*] de Haller libr. & volum. cit. not. a ad §. CCLXVII.

nerveis conjuncti, & dura meninge, velut communi omnium vagina, inclusi, in funiculos abeunt teretes & albicantes, germano *nervorum* nomine solummodo ciendos. Quibus itaque jam circumscripte breviterque traditis, nemini non perspicere integrum erit, ipsos nervorum truncos neutiquam ex cerebro cerebelloque emergere, sed ex sola oblongata dumtaxat provenire medulla, quippe in quam universæ fibræ, ex interioribus quibusque medullaris substantiæ cerebri & cerebelli recessibus, confluunt. Nihil ergo dubii est, quin oblonga hac medulla utcumque offensa, vel vulnere confauciata, percussa in extremum vitæ discrimen sint deventuri, unde emergendi spes est nulla.

§. XXVI.

Cum igitur supra jam significaverim, solam oblongatam medullam esse principium velutique germanum omnium nervorum, qui cranio egrediuntur, seminarium, unde ad corporis tum sentiendi, tum movendi instrumenta feruntur; supervacaneum foret præsentī loco cuncta eorum paria, quorum novem numerari solent, ostendere stricteque perscribere, ubi locorum ex ea progerminent & ad quas corporis partes indidem adspirent? quia hoc pacto longius, quam mihi sit constitutum, a proposito aberrarem. Quocirca paucula tantum de istis nervis, qui indidem ad inferiores corporis partes deducti, inque ramos explicati innumeros, omnibus visceribus intexti perspiciuntur, hoc loco subungere ex usu erit. In hunc proinde censum deferendi veniunt ita dicti nervi intercostales & vagi; quorum illi natales mutuuntur suos a paribus quinto & sexto; hi vero pluribus radicibus, non simplices fibras, sed veros nervulos referentibus, ex posteriore medullæ oblongatæ parte, ab eminentiis prope olivaribus *VIEUSSENI*, pullulascunt. Utriusque nervi, tum intercostalis, tum paris vagi, trunci, suo quisque foramine cranii cavo egressi, & a lateribus arteriæ asperæ per collum delati, thoracis cavum subeunt, ubi complures satisque spectabiles ramos a se dimittunt, qui per pulmones & cordis machinam distributi, hisce partibus sensum & motum foenerant. Tum ex interioribus thoracis ad abdominis penetralia pergunt, ubi pari modo propagines cunctis visceribus inferunt; quas omnes hic singulatim deinceps persequi, temporis exiguitas & Dissertationis magnitudo prohibent. Mihi enim abunde est, istos tantum nervos hic nominatim protulisse, quibus vis motrix vitalibus corporis partibus assiduissime affluit & illabitur. Quid? quod ipse truncus intercostalis, toto per thoracis & abdominis abdita itinere, singulis quibusque nervis intercostalibus & lumbaribus, qui a medulla spinali propagantur, pluribus mutuis nexibus illigatur. Tandem nec silentio dissimulandum est, utrosque hosce nervos, intercostalem & vagum, disperse multis locis mutuis nexibus inter se conjunctos & consociatos deprehendi, ut propterea haud sane mirum sit, alterutro eorum læso vel graviter affecto, alterum statim hujusmodi afflictionis & calamitatis fieri participem. Sed hæc de cerebri fabrica nostro scopo sufficiant, quam ideo rei pertractandæ

dæ putavi præstruendam, quo clarius inde liqueret, cur percussiones istæ, oblongatam medullam quæ ferunt, tam exitiales plerumque habere soleant exitus, aliis cerebri partibus, quantumvis itidem graviter affectis, vel vulnere fauciatis, nullam haud insolenter vitæ jacturam, nec sanitatis quidem subinde detrimentum vulnerato afferentibus.

§. XXVII.

Perspecto itaque & cognito, quid generatim lethaliū vulnerum nomine veniat denotandum, & quemadmodum partienda sint? item quæ cerebri sit compages? jam quoque videtur de ipsis cerebri læsionibus mihi exponendi tempus dari, quippe quarum fortassis alioquin difficilior fuisset intellectus, nisi mortiferarum plagarum notiones præmisissim. Quibus ergo, quoad nostri instituti ratio poposcerit, evolutis, supervacaneum censeo hic pluribus ostendere, quid *cerebri vulneribus* velim designandum, cum ea ex supra adductis jam adeo sint clara & manifesta, ut vel ab unoquoque satis intelligi queant, velutique oculis judicari. Verum illud hoc loco dumtaxat præmonendum dūco, nec de calvariæ, nec de crassæ meningis læsionibus me in præsentia esse acturum, nisi quatenus lucis quid rei dicendæ accendere valeant. Namque tametsi cerebro nulla accidere possit vulneratio, quin cranium simul & dura mater transfodiantur, ut quæ cerebrum suo complexu continent; quia tamen nostro scopo magis sunt alienæ, eas de industria tacitus præteribo, lustraturus istas tantum fauciationes, quæ cerebro, cerebello & oblongatæ medullæ interdum usu evenire observantur.

§. XXVIII.

Quamquam vero speciatim nihil certi ullo de vulnere, cuicumque licet corporis parti inhærente, utrum vulnerato perniciæ sit atque exitio futurum, nec ne? statui & asseri queat; nisi in individuo altius inspicatur, quam potissime corporis partem, quanto hiato quamque alte seu profunde eandem diffiderit? insuperque ratio habeatur ipsorum symptomatum, instrumenti, quo inflictum fuerit, & modi lædendi, quid? quod ipsius vulnerati temperamenti, ætatis, vitæ antea actæ & corporis constitutionis, ac sexcentorum ejusdem census aliorum, hoc loco recenseri haud necessariorum: generatim tamen, sine ullo cujusdam erroris metu, universas istas plagas pronunciare possumus lethiferas, quæ ejusmodi corporis partes, quarum maxima est ad vitam mortalibus impetrandam & conservandam necessitas, tam gravissime fauciaverint, ut a suis muniis omnino cessent; quo autem facto, sanguinis in orbem per corporis canales motus expiret, necesse est. At vero cum cerebrum jam inde ab antiquissimis temporibus semper in tanta fuerit admiratione, ut Anatomici æque ac Medici, experientiæ fulcris innixi, summa & communi omnium consensione, ei a corde primum & potissimum nunquam non

attribuerint locum in vita animantium efficienda & tuenda: haud quoque mirum est, eos cuncta propemodum vulnera, in cerebri medullam penetrantia, in lethalium numero referre dubitasse nullos.

§. XXIX.

Verum enim vero tametsi ipse lubens suscipiam, plurimas utiqueprehendi læsiones, cerebro, latiori sensu intellecto, a foris violenter incussas, quæ hujusmodi sunt, ut, etiamsi istis quam celerrime præstantissima quæque auxilia ferantur, & Chirurghi, in auxilium vocati, nihil reliqui fecerint, quod ad eas auferendas & sanandas pertineat, nihilominus faucium fatali velut necessitate de medio tollant: tamen aperte atque ingenue confiteri non vereor, tantum abesse, ut cuncta ista vulnera, quæ cerebri cortici sunt inflicta, quin etiam ad ejus medullarem substantiam extensa, statim numero simpliciter & absolute lethalium habeam; ut nec ea quidem, quæ cineritiæ cerebelli substantiæ fuerint injecta, dummodo non nimis sint magna, nec ad interiores medullares hujus partis descendant recessus, in mortiferorum & necessario funestorum censum deducere sustineam, cum observationum fide ac testimonio abunde constet, cum cerebelli, tum imprimis cerebri, fauciationes, quantumvis satis conspicuas, nec cum mediocri corticalis substantiæ dispendio interdum conjunctas, dummodo eis tempestive subveniatur, & liquidis vitalibus, per dissecta & hiantia vascula exundantibus, detur, qua cranio libere exire possint, eventus sæpius esse felicissimi. Neque adeo multum a nobis hac de re dissedisse videtur Illustr. b. m. HOFFMANNUS, *notabile est*, inquit, *quod nulla cerebri vulnera, si modo stagnantibus humoribus exitus mature possit concedi, in se sint lethalia; quod ingens clavus, salva vita, per caput & cerebrum canis, modo non sinus cerebri vel medulla oblongata tangatur, transfigi possit* [o].

§. XXX.

Enim vero quamquam hæc fidei non usque adeo absfona sunt & a vero aliena, ut aliquibus, cerebri fabricam non eadem æstimatione metientibus, forte videri possent: tamen ea in medio relinquens, ipse perlibenter largior, cerebro perinde atque cerebello ejusmodi percussiones aliquando ingeri posse & accidere, ubi neque naturæ, neque ulli arti hisce calamitatibus subveniendi & opitulandi locus sit relictus. Qua enim ratione illum, quæso, censes cruorem, qui ex meningum vasis, sive vehementiori capitis concussu dilaceratis, sive gladii aut securis ictu dissectis, excussus in cerebri basin diffunditur, ubi cumulus, incumbentes sibi cerebri partes premendo & distendendo affligit, hocque pacto atrocissima vulneratis conflant symptomata, indidem educi posse atque elici; cum in ejusmodi loco inhærescat concretus, quo nec instrumentis, nec obstetricantibus manibus aditus patet ullus. Neque quemquam

[o.] Medic. ration. system. tom. I. libr. I. sect. III. cap. I. §. XII. in Sehöl.

quam mihi persuadeo unquam esse modum & viam excogitaturum, qua sanguis, si suis canaliculis, (qui in plexu choroide velut in admirabile quoddam rete confusi spectantur,) utcumque & undelibet diffractis, exiens cerebri ventriculos inundaverit, inde emoveri possit. Et quomodo eidem huic parti existimes succurrendum, si cerebrum, sive casu, sive lapidis alioque præduri corporis ictu, sive alia qua ratione cumque, ita fuerit commotum seu concussum, ut velut collabatur & confideat: quo vitalibus liquidis iter per quoscunque cerebri tubulos usque eo præcludatur, necesse est, ut eorum globuli, recessibus vasorum impacti, ibidemque fixi, illos omnino obstruant. Quibus proinde paucis jam in medium adductis cuique spectatissimum erit, complures utique læsiones cerebro obtingere nonnunquam posse, quæ, cum in locis inaccessis hæreant, unde non ullo auxilio, nec cranii terebratione, quantumvis in tempore & manu solertissima peracta, auferri queant, propterea optimo jure inter vulnera per se, vel, si magis placuerit, simpliciter & absolute lethalia sunt declaranda.

§. XXXI.

Quæ de lethalitate vulnerum, cerebro stricte dicto evenientium, hætenus breviter differui, ea potiori jure de *cerebello*, potissimo autem atque adeo summo, de *oblongata* affirmari *medulla* queunt. Ne vero inconsulte ac temere cerebello & omnium præcipue oblongæ medullæ priores ac primas detulisse videar; rei firmandæ erit necesse experimenta quædam, a Viris quibusdam, medica de re optime promeritis, adornata, afferre. VIEUSSENIUS ejusmodi experimenta in cane vivo suscepit, cui cerebrum solum, inoffensis tamen atque illæsis cerebello & oblonga medulla relictis, multis & miris modis laceravit & destruxit, respiratione & cordis actione salvis manentibus, perque multas horas adhuc satis commode succedentibus: quam primum vero cerebellum ejusmodi spirantibus animalibus discerpserit & calvariæ exemerit, intacto licet atque inoffenso cerebro cum oblonga medulla, illico ea interiisse tradit [p]. Idem quoque in catellis junioribus se tentasse BOHNIUS tradit, adigendo cultellum per futuram sagittalem in cerebellum, unde eos, post leviores quasdam partium concussionem, expirantes vidit [q]. Nec dissimilia his experimenta pari modo in vivis animantibus, simillimo eventu, instituerunt PERRAULT [r] & DRELINCURTIVS [s].

§. XXXII.

Quidam vero recentiorum, quorum non fert consuetudo aliis stulta quada-

S 3

dam

[p] Neurograph. univers. libr. I. cap. XX. pag. 123.

[q] Libr. citat. sect. II. cap. I. pag. 230.

[r] Mécanique des animaux, partie 2. chap. 7. p. 403.

[s] Canicid. III.

dam animi cœcitate assentiri & succinere, eadem in viventibus canibus ceperunt experimenta, hisque deprehenderunt, ejusmodi bestias, quibus cerebellum fuit concisum & subversum, omnes quidem periisse & necatas fuisse, non tamen statim & confestim, sed demum pluribus post horis, imo etiam diebus. Dn. CHIRAC enim cani cerebellum abstulisse fertur, qui nec eo secius quatuor & viginti horas spiravit [t]. Dn. PETIT itidem cani cui-dam, revulso prius commodo cranii frusto, partem hemisphærii sinistri cerebelli refecuisse commemoratur, qui exactis denique tribus horis interiit [u]; alter vero canis, in quo idem experimentum est factum, per sex totos dies, salvis respiratione & sentiendi facultate manentibus, vivus adhuc superfuit [x]. Omnium vero clarissime ex iis variis experimentis, quæ Dn. D. ZINN [y] in similibus animantibus tentavit, & doctissime elucubrata Dissertazione, Præside Illustri de HALLER, publici juris fecit, perspicui potest, vitam minime a cerebelli læsionibus expirasse, sed per multas horas canibus salvam mansisse; alius quippe canum, cujus cerebellum fuit pertusum, satis alacris & vegetus vitam per duodecim horas traxisse dicitur, alio cane, cujus cerebelli medullaris substantia media vulnere erat pariter confossa, viginti quatuor horas ab inflicta plaga superstite [z]. Nec arduum foret, præter jam nominatos, plures insuper alios citare testes, qui eadem in similibus bestiis experiendo cognoverunt, nisi gratæ brevitati studerem.

§. XXXIII.

At vero quamquam superiora, quorum memini, experimenta, a BONNIO, VIEUSSENIO & reliquis capta, proximis a Dn. CHIRAC, ZINN, aliisve institutis, in eo repugnant, quod canes illi, qui, Medicinæ in melius provehendæ causa, a modo laudatis Auctoribus, velut VIEUSSENIO, PERRAULT, DRELINCURTIO, aliisque, lanienæ anatomicæ subjecti fuerunt, statim atque illico post cerebelli lacerationem vel evulsionem, ferantur vitam exhalasse; aliis contra, quorum cerebellum a CHIRAC, PETIT & ZINNIO eodem consilio discissum, elisum aliave ratione deletum fuit, longe diutius vitam protrahentibus, & pluribus exactis horis; quin etiam diebus, demum expirantibus; tamen in eo conveniunt, cuncta hæc animantia, hujusmodi experimentis subjecta, a tam gravibus cerebelli vulnerationibus, quæ ipsis hoc pacto incussæ fuerunt, interiisse, quamvis alius alio dumtaxat citius celeriusque. VIEUSSENIUS itaque vestigiis WILLISII [a] (utpote primi hujus jam proponendæ sen-

[t] Transaction. philosoph. Anglican. n. 226.

[u] Lettre II. à un Medecin, p. 18. 19. 20.

[x] Idem ibidem.

[y] Dissert. de experiment. quibusd. circa corpus callosum, cerebellum, duram meningem, in vivis animalibus.

[z] Zinn citat. Dissertat. part. II. §. I. pag. 32.

[a] Anatom. Cerebr. & Nerv. cap. XXIV.

sententiæ , communi fere omnium consensu nostra memoria in Medicorum scholis adoptatæ , auctoris) insistent , nullus dubitavit cum hoc W I L L I S I O universos corporis *nervos* bifariam distinguere , in eos nimirum , qui tantummodo *actionibus involuntariis* exsequendis inserviunt ; & alios , qui *voluntariis functionibus* expediendis dumtaxat prospiciunt. Quod discrimen nervorum , a W I L L I S I O primum in medendi scientiam inductum , hodie in foro medico omnium prope assensu usque adeo comprobatum est , ut nunc Viri doctrina & scientia medicæ artis principes ei patrocinentur. Quid ? quod , præter W I L L I S I U M , ipse quoque V I E U S S E N I U S non erubuit , quamvis paulo diversius , statuere , corporis partes , quæ mentis nutu moventur , suos mutuari nervos a solo cerebro ; e contrario vero illos nervos , qui ad vitales contendunt partes , ex cerebello potissimum exoriri [*b*] .

§. XXXIV.

Quid vero argumenti hæc habeat opinio , quæ plurimum animis etiamnum hodie infidet , iis experimentis intelligere expeditissimum erit , quæ laudatissimus Dn. D. Z I N N in viventium canum cerebro non minus , quam cerebello , suscepit. Omnes enim , quorum cerebrum pungente instrumento , quam potuit altissime , perforavit , post acceptum ictum satis alacres & vegetos se ostendisse , & per plures horas imo dies in vita superfuisse , diserte dicit , cunctis animalibus functionibus vulnerato animanti intemeratis atque inoffensis relictis , præterquam quod alius eorum aliquanto post somno sopitus sit facile excitabili [*c*] ; alius vero statim ab inflictio ictu attonitus sit factus , qui tamen brevi post ad se rediit [*d*] ? Quid ; quod , cranio vivi cujusdam canis ferra dissecto , & cerebro lamellatim exsecto usque ad callosum corpus , eo itidem ablato , reliquum cerebri nexibus istis , quibus oblongatæ medullæ illigatum est , ressecando exsolvit , ac totum ex calvaria eruit , pulmonum & cordis actionibus omnino perseverantibus atque expedite procedentibus ; imo , cerebello denique ex ejusdem hujus canis calvaria deprompto , & stylo quodam in ipsam spinalem medullam adacto , ipsius artus convulsionibus tentatos deprehendit & agitados [*e*] . Quis itaque est , quin statim perspiciat , omnes ad unum sensus , & voluntarios musculorum motus universos hujusmodi canibus , quorum cerebrum acuto tali instrumento ita transfixum , quin etiam a medulla oblongata est rescissum , illico extinguendos fuisse deque corpore tollendos , si omnium istorum nervorum , quos natura partibus , ad animales functiones exercendas , attribuit , radices in solo cerebro : contra vero illorum , quibus movendi vis & potentia a capite in cunctas vitales partes diffunditur , in cerebello dumtaxat , hærerent defixæ.

§. XXXV.

[*b*] Neurograph. universal. libr. I. pag. 122.[*c*] Dissert. laudat. part. I. Experim. I. pag. 122.[*d*] Ibidem Experim. IV. pag. 5.[*e*] Ead. Dissert. Experim. VI. pag. 6. & 7.

§. XXXV.

Neque vel cogitatione quidem comprehendendi potest, quemadmodum fieri potuerit, ut istis animalibus, quorum cerebellum commemorato modo reficissum & cranii cavo evulsum fuit, vita superfuerit, si vitales partes suorum originem nervorum soli cerebello acceptam referrent, quibus tamen, experimentorum fide & testimonio, omnium vitalium functionum integritas mansit & exercitatio. Quæ cum ita sint, cuique spectatissimum erit, istam hypothesein, qua vitalium partium nervi ex cerebello tantum; aliarum vero, humanæ mentis imperio subiectarum, ex solo cerebro suboriri creduntur, infirmis fane ac ficulneis niti argumentis: multo autem probabilius videtur, omnes, tum vitalibus partibus prospicientes, tum aliis animæ voluntati obsequentibus partibus providentes nervos, fibras seu tubulos obtinere suos a cerebro pariter atque a cerebello, quæ etiam sententia est Illustr. de HALLER, non minus perdocte, quam solide, demonstrantis, stamina ista, quibus nervi qualescumque contexti deprehenduntur, tum cerebri esse, tum cerebelli [f]. Cui quoque ipse BOERHAAVIUS adstipulatur, claris prodens verbis: *Apparet adeo non probabile fieri, quod fibræ cerebri alicubi absque fibris cerebelli solitariae sint, neque ullibi dici posse de ullo nervo, eum aut cerebri solius, aut solius cerebelli propaginem esse* [g]. Et brevi post ita loquitur, reliquas cerebelli fibras sic misceri fibris cerebri, ut nullus ex medulla oblongata prodeat nervus, quin & a cerebro, & a cerebello fibras habeat, neque ullam esse sedem in oblongata & spinali medullis, in quibus utriusque generis fibræ præsto non adessent [h].

§. XXXVI.

Enim vero tametsi verisimillimum est, nervorum unumquemque, ex oblongata medulla perinde atque ex spinali emergentium, ex fibris cerebri & cerebelli una esse concinnatum, quippe quæ in eo distinctæ, nec in semetipsas implicatæ ad usque partem, cui prospiciunt, perferuntur: maxime tamen consentaneum esse videtur, eos nervos, qui ad vitales pertingunt partes, multo pluribus seu copiosioribus fibris a cerebello, quam a cerebro, locupletari; sicut invicem illos, qui voluntariis motibus expediendis inserviunt, longe numerosioribus a cerebro, quam a cerebello, fibris dotari. In quam eandem quoque sententiam Illustr. de HALLER loquitur, cum dicit, probabile videri, animalibus nervis fibras esse plures a cerebro, pauciores vero a cerebello; & contra vitales nervos pluribus fibris a cerebello instrui, paucioribus autem a cerebro [i]. Id quod etiam potissime in causa esse videtur, cur Medici prope omnes uno velut ore & mente cerebelli vulnera pericu-

[f] Libr. cit. volum. II. not. a ad §. CCLXXIII. pag. 536. & eod. libro volum. IV. not. a. ad §. DC. pag. 595. & seq.

[g] Prælect. academ. §. CCLXXIII.

[h] Ibidem & in Institut. medic. §. 273.

[i] Libr. cit. volum. IV. pag. 595.

riculosiora magisque lethalia læsionibus cerebri declarare soleant. Sic enim BOHNIUS verbis prodit testatissimis : *Si experientiam consulamus, vix unum forsitan observare continget, qui ex lacerato cerebello evaserit, cum plura passim obvia sint illorum exempla, quibus satis ingentia quoque cerebri vulnera coaluisse perhibetur* [k]. Nec dissentit ab eo Illustr. atque Excellentiss. ALBERTI, qua verissimis, qua doctissimis innuens verbis : *cerebelli vulnera præ cerebri læsionibus citius & certius lethalia existere* [l]. Quibus nec abludit Illustr. van SWIETEN, ut qui pariter insigniores cerebelli fauciationes lethalium numero habet [m]. Accedit eodem locupletissimus testis Illustr. de HALLER, qui, *id quidem in concessio est, inquit, cerebelli vulnera magis esse lethalia, quam vulnera cerebri* [n]. Hisce etiam congruit de GORTER, testatum faciens, vulnera & vitia cerebri cerebelli plagis periculosiora esse [o]. Nec mihi vero finem dicendi facere integrum esset, omnes istos scriptores, qui cerebelli percussiones pronunciarunt funestas, hic allegare conaturo : evolvat, cujus interest plures cognoscere, eorum monumenta ; mihi met enim satis est annotasse, cerebelli læsiones majori esse periculo, quam cerebri vulnerationes.

§. XXXVII.

Neque quemquam crediderim facile hoc dubitaturum, si modo ea medullæ oblongatæ altius inspexerit loca, ex quibus nervi vitales progerminant. Par enim quintum, quod binos plerumque ramos ex se generat, & nervo intercostali constituendo impendit, multis invicem distinctis fibris ex ipsis cerebelli pedunculis evidentissime provenit [p] : Sextum vero, quod pariter ramum quemdam, a se propagatum, dicto jam intercostali nervo formando impertit, ab imo protuberantiæ annularis supra sic nominata pyramidalia corpora [q], vel, quod tamen eodem recedit, auctore GARENGEOT, ab antica baseos pyramidalis eminentiæ parte prodit [r]. A duorum modo indicatorum parium furculis, in unum fasciculum colligatis, nervi intercostalis truncum nasci, res adeo est clara omniumque fere Anatomes peritorum oculis adeo testata, ut plura hoc loco de ea dici nihil attineat. Octavum denique par, quod, cranio exiens, intercostali nervo suo in itinere ad vitalia viscera comes hæret, multis fibrillis ab intervallo corporum olivarium & pyramidalium oritur [s]. Cum igitur eorum trunci nervorum, quorum rami

Tom. I.

T

ad

[k] Libr. cit. sect. II cap. I. pag. 229.

[l] Libr. cit. part. prior. cap. XIV. §. XLIII.

[m] Comment. in Boerhaavii aphor. not. a. ad §. 170.

[n] Libr. & volum. proxime adduct. not. cit. pag. 592. & 593.

[o] Compend. Medicin.

[p] Illustr. de Haller libr. cit. vol. II. not. g. ad §. CCLXIX. Vieussenius libr. cit. pag. 168. Zinnius Differt. laudat. part. I. §. VII.

[q] De Haller loco cit.

[r] Libr. cit. part. II. cap. IV. §. 15. lit. E. E.

[s] Zinnius Differt. & loco cit.

ad vitales partes abeunt frequentissimi, tam proxime pedunculos cerebelli e medulla oblongata exeant: quid? quod quinti paris lacertuli, velut altissimis radicibus, in ipsis cerebelli cruribus seu pedunculis defixi sint; simillimum utique vero videtur, vitalibus nervis copiosiores a cerebello, quam a cerebro, innexas esse fibras, ut in præsentia de istis taceam experimentis, a BOHNIO, VIEUSSENIO, PERRAULTIO & DRELINCURTIO adornatis, quorum auctoritati omnem fidem derogare summum nefas foret, quibus perspicuum fuit, ea animalia, quorum cerebellum, salvo & illæso relicto cerebro, laceratum fuit & destructum, statim periisse, id quod non fane unquam fieri potuisset, nisi major fibrarum copia a cerebello, quam a cerebro, vitalibus forent nervis attributæ.

§. XXXVIII.

Etsi vero adductis tantorum de arte medica meritissimorum virorum experimentis omnino fidem habeo; illud tamen me semper detinuit suspensum, an hæc animalia a destructo cerebello tam repente interierint, anne potius ab alia forsitan quadam causa, sive ab horum experimentorum concinnatoribus fortassis prætermissa, sive tam exquisito examine, quam usus fuisset, non perpenſa? Cum recentioribus experimentis, a Dn. CHIRAC, PETIT, ZINNIO & KAAV-BOERHAAVIO, [t] in ejusdem generis animalibus vivis ἀνθρώπῳ susceptis, manifeste compertum sit & deprehensum, ea cerebello transfixo, discerpto, vel calvaria exturbato, haud quam actutum & confestim expirasse, sed vitam per complures horas extraxisse. Quid? quod nec defunt plura observata, a Medicis passim prodita, ubi cerebellum haud levibus vulneribus fauciatum fuit, vulneratis nihilominus non sibi solum superstitibus, sed feliciter quoque subinde sanatis. Ita VESLINGIUS testatum facit, Abyssinum quemdam, ætate jam gravem, cujus cerebello vulnus, duorum digitorum latitudine, acinace fuerit inflic- tum, a se fuisse curatum [u]. Sic quoque le MAIRE, Chirurgus quidam Argentoratensium, aliquem ægrum, cui non minima pars occipitis cum notabili corticis cerebelli portione gladio fuerat dempta, feliciter sanasse a PLATNERO celebratur [x]. La MOTTE quoque exemplum cujuspiam vulnerati narrat, cui occipitis os, lapidis ictu collisum, ita desedit, ut cruor, sub eo & sub dura meninge ex ruptis excussus arteriis, cerebello vim magnam intulerit, ex qua percussione faucius nihilominus sine ulla superveniente febre, quod maximopere mirandum, alioque malo signo, convaluit [y]. Hinc quoque est, cur PLATNERUS ibidem loci contendat, eas, quæ oc-
cipiti

[t] Vid. impetum faciens Hipp. §. 326.

[u] Observat. anat. & epist. posth. n. XIII. pag. 84.

[x] Institut. Chirurg. ration. §. 547. pag. 344.

[y] Chirurg. Tom. II. pag. 322.

capiti incutiuntur plagas, majoris quidem periculi & discriminis esse iis, quæ principiti accidunt, haudquaquam tamen propterea semper funesti eventus [z].

§. XXXIX.

Neque ista quadrupedia, in quibus VIEUSSENIUS, DRELINCURTIUS, PERRAULT & BOHNIUS supra indicata experimenta perpetrarunt, solius cerebelli excidio tam cito & subito ad sui interitum rueri potuisse, id vel aliis observatis, in observatorum monumentis disperse annotatis atque obviis, haud ægre affirmari & ostendi posse autumem. Sensuum enim fide exploratissimum est, ejusmodi homines, quorum cerebellum fons & caput plurimum longinquorum seu chronicorum fuit malorum, nihilo secius subinde per multos non dies modo, sed menses etiam, quin annos, vitam duxisse, quantumvis sæpe fatis incommodam & miseram. Ejusmodi exemplum ægroti cujusdam, cujus in cerebello post obitum abscessus, humore præternaturali scatens, fuit repertus, quo non obstante, æger per biennium, symptomatibus quamvis atrocibus in dies excruciat, vixisse fertur, assert BONETUS ex PAUVII *Observat. anatom.* [a] Similiter Parisini cerebellum in scirrhum degeneratum in quodam puero deprehenderunt, qui per duos annos prius, quam de vita decessit, stupidus, cum disturbance omnium sensuum, vixisse legitur, percussu arteriarum quantumvis parvo, æquabili tamen, ut & respiratione languida & frequente manentibus. In aperto ejus post mortem capite cerebellum, cum dimidia medullæ oblongatæ parte, scirrhosum fuit inventum [b]. Illustr. de HALLER item in puella, nondum sex annos conficiente, ingentem scirrhum, in quem omnis, qua corticalis, qua medullaris, cerebelli substantia mutata fuisse scribitur, nactus est [c]. HARDERUS quoque in puellæ cujuspian, aliquot ante diebus, quam fato concessit, vehementi cephalalgia detentæ, cerebello ternos scirrhos, tot globulorum speciem digitis contrectantibus præbentes percipiendam, quorum unus magnitudine nucem æquavit unguentariam, offendisse commemoratur [d]. Nec multum his abludit observatio a Dn. BRISSEO annotata, ubi durus quidam tumor, columbæ ovo æqualis, in cerebelli latebris occultatus latuisse proditur [e]. Ejusdem fere census ista sunt observata, quæ in *Ephemerid. Natur. Curiosor.* relata leguntur, ubi cerebelli compages in aliquo puero hydrocephalico indurata, & cum crassa meninge concreta, animadvertebatur [f]: in altero autem subiecto cerebellum

T 2

lum

[z] Loco cit.

[a] Sepulchret. f. Anatom. pract. libr. I. sect. VII. Observ. V.

[b] Histoire de l'Academ. Royale des sciences, de l'ann. 1705. No. 13. pag. 56.

[c] Zinnius Dissert. allegat. part. II. §. I. pag. 35.

[d] Apian. Observat. pag. 238.

[e] Observat. III. pag. 27.

[f] Decur. III. Ann. IV. pag. 148.

lum putrefactum fuisse & compluribus acinis refertum, celebratur [g]. Notatu quoque digna videtur illa hominis epilepsia impliciti historia, a Parisi-
nis memoriæ mandata, cujus in cerebello verum quoddam os, totius polli-
cis longum, & dimidii latum, alte defixum hæsisse perhibetur [h].

§. X L.

His illa quoque observatio venit subjungenda, cujus prope fuisssem obli-
tus, quam Dn. P E T I T in milite quodamprehendit, cujus cerebellum
sinistrum plumbeo globulo, bombardæ emisso, ita fuit trajectum, ut lobum
cerebri sinistri posteriorem intraverit, qui demum præterlapsis quadraginta
tribus horis, a tanta & tam perniciali fauciatione, ex hoc vulnere mortuus
est, respiratione hoc temporis non salva solum & superstite existente, sanita-
tique convenienter alternare pergente; sed corde etiam atque arteriis natu-
raliter nec interrupte micantibus; quid? quod sentiendi insuper facultate om-
nibus corporis partibus integra servata atque intemerata [i]. Quæ etiam
historia cum laudatissimo huic viro miratu dignissima, atque adeo omni fi-
dei absfona, quin etiam adoptatæ huc usque sententiæ, qua cerebelli vulnera
ad unum omnia statim & continuo percussis indeclinabilem acciere mortem &
dicuntur, & putantur, e diametro contraria videretur, potissimum in cau-
sa fuit, cur postmodum varia experimenta, a nobis supra jam significata, in
vivis canibus celebraverit, quo iis ipse fieret certior, atque aliis quoque liqui-
dus pernotesceret, quid & quantum cerebello, in actionibus vitalibus & na-
turalibus expediendis, veniat vindicandum? [k]. Ac profecto vix ullius ef-
set negotii, compluribus insuper aliis auctoritatibus & testimoniis, sensuum
& observationum fide subnixis, testatum facere, tantum abesse, ut vulnera-
tum cerebellum e vestigio faucis vitæ jacturam semper afferat, ut potius
idem, gravius subinde affectum atque adeo variis morbis corruptum, nihilo
magis ægrotos haud insolenter satis diu in vivorum numero reliquerit, si mo-
do mihi vacaret in hoc differendi argumento esse longiori. Ne cui vero in
opinionem veniat, dicis gratia me hæc tantum caussari, nec extare in ob-
servatorum libris plura hujusmodi observata, quibus id evincere possem,
subnectere hoc loco placet illud exemplum, quod B O N E T U S refert de a-
dolescente ab alto cadente, unde in capite percussus fuit cum fractura & de-
pressionem cranii, qui denique undecimo ab illo casu die obiit, cujus in capite
dissecto, præter meningum inflammationem, cerebellum corruptum fuit in-
ventum. Hoc vero omnium maxime mirandum est, quod nunquam febrici-
tasse, neque delirasse, celebretur [l]. De infantibus sine cerebro & cerebello
natis, qui nihilofecius per aliquot dies, & Z A C U T O *Lusitano* referente,
per

[g] Decur. II. Ann. IX. pag. 429.

[h] Hist. de l'Academ. Royale des Sciences, de l'ann. 1737. Hist. 8.

[i] Lettre II. a un Medecin.

[k] Ibidem.

[l] Libr. citat. libr. IV. sect. XII. observ. IX.

per triennium [*m*], vitam egisse notati sunt [*n*], nihil hic dicere attinet.

§. XLI.

Ut itaque ad propositum, undē paululum declinare operæ pretium mihi fuit visum, redeam, cum jam ex tot tamque præclaris experimentis, in vivis bestiis a tam multis & spectatæ integritatis Auctoribus adornatis, imo etiam ex adductis observationibus, in hominibus summa ἀκριβεία institutis, omni luce clarius eluceat, vitales & naturales corporis functiones nequaquam illico, læsa quomodocumque vel discussa cerebelli compage, cessasse atque omnino interiisse, ut plerisque medentium etiam nunc persuasum est, sed per complures continuas horas in aliquibus animalium, in aliis vero per multos continuos dies, imo vero subinde annos, salvas fuisse ac superstites, quid? quod in nonnullis nec a naturæ quidem ordine recessisse; nemo non evidentissime inde perspiciet & cognoscet, haudquaquam soli cerebello primarias partes & præcipuas in motibus vitalibus & naturalibus exsequendis concedi posse, sed præter cerebellum alias quoque insuper corporis esse partes statuendas, quæ, illo utcumque vitiato vel gravioribus affecto vulneribus, aut liquato etiam & deficiente, quemadmodum hoc in plerisque infantum, qui sine cerebro nati Auctoribus scribuntur, contigisse videtur [*o*], interea temporis munus & vicem cerebelli obeundo, vitalibus partibus movendi vim & potentiam subministrant; alias de animali vita conclamatum foret, nisi hoc temporis ex alio fonte liquidi nervei rivus in commemoratas deduceretur partes. Nos itaque neque poenitebit neque pigebit hoc loco vel istas scaturigines & fontes, quoad id fieri attinet, circumspicere, ex quibus, præter cerebrum & cerebellum, liquidi nervei rivi ad vitalia viscera decurrunt. His quippe cognitis, cuique erit expeditissimum adjudicare, a quibus cerebri partibus maximum vitæ humanæ pendeat momentum.

§. XLII.

Quoniam itaque hætenus sensuum fide & testimonio dilucide & perspicue expediti, cerebello soli, tametsi illud magnam quasi suo jure sibi vindicet partem vitalium functionum, haudquaquam tamen priores & primas in his iisdem exsequendis & conficiendis deferri, nec cerebro stricte accepto eas tribui posse, utpote quod longe minorem commemoratarum actionum partem ducit suam; præter ἐγκέφαλον vero & cerebellum nihil aliud, nisi medulla oblongata, intra cranium oculis nostris se offert conspiciendam: non alienum erit nec injucundum curatius perquirere, an fortasse & quousque

T 3

obon-

[*m*] Prax. medic. admirand. libr. I. observ. V.

[*n*] Vid. Ephem. natur. curiosor. dec. I. ann. III. observ. 179. Miscell. med. phys. Gall. ann. III. pag. 54. Schulzius Dissert. de infante sine cerebro nato.

[*o*] Beat. Schulzius adduct. Dissertat.

oblongæ medullæ præcipuæ partes & potissime in negotio vitali administrando atque expediendo convenient? Namque omnium fere Medicorum, qui de lethiferis plagis aliquid litteris consignatum reliquerunt, judicia & sententiæ in eo concordant, hujus medullæ vulnera, quoquo pacto illata, præsertim si magna fuerint, & ad ejus pertigerint interiora, in censum læsionum per se lethalium esse referenda [p]: quia medullares fibræ, seu canaliculi universi, tum a cerebro, tum a cerebello, in oblonga medulla, tanquam in centro seu communi trunco, concurrunt, qui deinde sensim sensimque inter se conjuncti velutque in exiguos fasciculos compacti, ex oblonga medulla progerminando nervis istis, quos ex hac medulla natos videmus, primordia dant sive principia, quemadmodum id jam supra uberius fusiùsque explicatum dedi. Unicuique igitur ex iis, quæ ibidem de nervorum origine ex hoc medullari caudice relata sunt, cognoscere proclive erit, non fieri posse, si hæc medulla magnis vulneribus, sive punctim, sive cæsim aliave ratione inflictis, fuerit fauciata, quin multi fibrarum manipuli persecentur, unde laterci nerveo, in cerebri & cerebelli cortice a sanguinis confortio segregato, via illos nervos subeundi, ad quos decissæ istæ fibræ pertinent, intercluditur. Jam vero cum ex superioribus constet, truncum intercostalis nervi, cujus propagines totius corporis visceribus intextæ advertuntur, suum a paribus sexto & quinto, quæ utraque ex oblonga medulla pullulant, ducere initium, item par vagum, cujus rami pariter per multa thoracis & abdominis viscera sparguntur, indidem quoque oriri: perspectu erit facillimum, dissectis vel laceratis horum nervorum radicibus, in oblonga medulla desitis & fixis, animalem vitam (cum maximum vitæ momentum a solis his nervis pendeat,) in extremo periculo & discrimine esse versaturum.

§. XLIII.

Verum enim vero si ista experimenta, quæ laudato D. ZINNIO in viventibus canibus fuisse dixi crebrius celebrata, exquisitori examine perpendamus, liquido apparebit, non fuisse ullum horum animalium, quorum vel cerebrum, vel cerebellum ictibus perforatum est aut alio pacto dilaniatum, cujus oblongata medulla his experimentis non simul pertusa fuisset gravique vulnere confossa, animalibus ejusmodi nihilofecius per multas horas, imo vero dies, inflicto vulnere superviventibus, nec sensuum quidem usum subinde amittentibus. Primo enim experimento inflictus ictus per lævum cerebri ventriculum & sinistram corpus striatum ad cranii basim penetrasse fertur [q]: altero autem experimento incussum vulnus per thalamos nervorum opticorum, qua parte in ventriculis superioribus se invicem contingunt, descendisse observatum est [r], id quod etiam pari fere modo in tertio experimento

[p] Welschius libr. cit. cap. III. pag. 48. Bohnius libr. cit. sect. II. cap. I. pag. 228. illustr. van Swieten libr. cit. Comment. in §. 170. pag. 253.

[q] Dissert. cit. pag. 4.

[r] Ibidem.

mento contigisse ibidem legitur relatum [s]. Quarto experimento laudatus Auctor, præter callosum corpus, thalamum nervorum opticorum dextrum foramine pertusum deprehendit [t]. Nec dissimili ratione idem hic Vir doctissimus in quinto experimento pedem hippocampi, & subtus hærentem thalamum nervorum opticorum dextros, vulnere transfixos invenit [u]. Sexto denique experimento, quo totum cerebrum, a medulla oblongata recisum, ex calvariae sinu extraxit, nec ita multo post cerebellum simillima ratione, quam celerrime potuerit, cranio evulsit, cordis & respirationis motus nihilominus etiam nunc superstites esse animadvertit [x]. Hisce igitur tam pluribus, tamque egregiis experimentis, unicuique fore satis perspicuum existimem, nec vitalium partium nervos a sola oblonga medulla esse deducendos; quia hujusmodi animantibus nec a tanta ejus læsione seu vulneratione vitales functiones interiisse, sed multas horas, atque adeo identidem dies, etiamnum superfuisse fuerunt spectatæ. Unde ipse hujus Dissertationis Auctor, ex hisce adductis in medium experimentis, justissima ratione conficit, nec ab hujus quidem partis vulnerationibus tam repentinam fauciatis evenire mortem posse, quam plerisque medentium persuasissimum est; ita enim, ut propriis ejus verbis utar, loquitur: *Cum in omnibus meis experimentis non corpus callosum solum, sed præter illud alia quoque partes, imprimis vero semper medulla oblongata, fuerint vulnerata, inde quoque colligi posse puto, vulnera hujus partis, modo contingant sine magna effusione sanguinis, non tam subito esse lethalia, uti aliis visum fuit* [y].

§. XLIV.

Neque defunt aliorum primi ordinis Medicorum observata, plura si requisiveris, quibus compertum est, medullæ oblongatæ fauciationes & vitia minime tam repente mortales de medio tollere, quam adhuc plerorumque fert opinio. *Abraham* enim KAAV-BOERHAAVE itidem varia variis in canibus tentavit experimenta, eventu fere iis, quos antea narravimus, simillimo. Adegit quippe stylum per magnum ossis occipitis foramen ea directione, ut, medullam oblongatam lædens, pertigerit ad cerebellum, cerebro inoffenso relicto. Quo effecto, canem, stylo ita intus hærente, vinculis exsolutum dimisit, qui salit per conclave cadens, subsultu autem erectus iterum decidit [z]. Paria experimenta in compluribus quoque aliis bestiis, quorum medullam oblongam eodem modo laceravit, se pari exitu instituisse docet, vitalibus motibus satis diu subinde persistentibus [a]. WEPFERUS quoque

[s] Loco cit. pag. 5.

[t] Eod. loco.

[u] Ibidem pag. 6.

[x] Adduct. loco.

[y] Dissert. citat. part. I. §. XIV.

[z] Libr. cit. qui inscribitur: impetum faciens dictum Hippocr. cap. VII. §. 327. & 328.

[a] Ibidem.

quoque auctor est, in recens natis animalibus, capite detruncato, nihilo minus cordis motum per aliquot horas superfuisse [b]. Nec difficile foret ejusdem fortis experimenta complura huc adducere [c], nisi sermonem meum longius metuerem excursurum, quam decrevi. Præter hæc vero extant multa alia in Observatorum scriptis eorum exempla, quorum medulla oblonga chronicis malis devastata fuit, vita nihilo secius hujusmodi ægrotis fatis diuturna existente. In quo censu ista est historia, quam Dn. *la PEYRONIE* memoriæ prodidit, de tumore quodam duro, magnitudine ovi gallinacei, ventriculum quartum obsidente, qui simul cerebelli locum occupabat, ægrotto non satis diu solum superante, sed nec mentis quidem & sensuum usum perdente, quid? quod nec respirationis & pulsus quidem turbam seu mutationem inde persentifcente [d]. Ex isto etiam exemplo, a Parisinis observato, cujus jam supra memini, ubi in pueri capite cerebellum cum dimidia medullæ oblongatæ parte posteriore fuit scirrhum deprehensum, perspicuum est, vitam homini utique satis esse diuturnam posse, medulla hac quantumvis graviter affecta: nam puer hic per duos annos vixisse, dumtaxat stupidus, narratur [e]. Nonnulla quoque iisdem hisce Auctoribus notata illorum hominum exempla invenies, qui feliciter sanati sunt, quamvis oblonga medulla plumbeo globulo, per superiorem orbitam cerebrum ingresso, graviter fuerit læsa [f]. De compluribus istis observationibus, passim in rei medicæ scriptorum monumentis, quæ typis evulgata extant, occurrentibus, ubi abscessus, ulcera, aliaque id genus in cerebri ventriculis latitantia, oblongam medullam, alte atque late serpendo & cuniculos subinde agendo, absumpsisse traduntur, vitalibus actionibus nihil quicquam damni inde capientibus, hoc loco aliquid dici neque attinet, nec vacat.

§. XLV.

Qua quidem ratione cum experimentorum atque observationum testimoniis jam abunde evictum dedisse arbitrer, nec oblongam medullam, in nervis cum vitalibus partibus communicandis, præter cerebrum & cerebellum, aliquid habere præcipui; nihil alias vero amplius occurrat, ex quo nervorum stamina exoriri queunt, præter medullam spinalem: nullum quoque dubium est, quin vitalibus pariter ac naturalibus functionibus expediendis inservientes nervi ex hac multo frequentiores prodeant, quam ex cerebro latius sumpto. Nec a nobis Viros in medendi doctrina primarios dissidere comperio. Illustris enim *de HALLER* verbis ita prodit testatissimis: *Ego accuratius recensis experimentis discedere cogor etiam a modestiori Ridleyo, cum & cerebri solius*

[b] Histor. de Cicuta aquat. pag. 90.

[c] Kaav-Boerhaave libr. & cap. cit. §. 331. Boyleus de utilitat. Philos. experim. pag. 114.

[d] Memoires de l'Academie Royale des Sciences de l'année 1741. page 208.

[e] Ibidem. de l'ann. 1705. n. 13. pag. 56.

[f] L'Academie Royale de Chirurgie page 312. seq.

solius vulnera non raro cito lethalia esse, & cerebelli lesiones non semper lethales, & medulle spinalis vulnera quam certissime funesta reperiam: unde conficio, egregie consentiente Anatome, nervos vitales cordis, ventriculi, intestinorum, cetera, a spinali imprimis medulla provenire. Nam pauxillum est, quod ex capite octavum par & intercostalis nervus afferunt, cum ad nervos viscerum vitalium fere viginti septem robustæ radices a spina dorsi accedant, unde nervus intercostalis evidenter in thorace & abdomine, quam in collo, major est [g]. Quibus verbis nihil obscurum, nihil insolens, nihil a veritate alienum inesse, lubentissime annuet, curatius pensitaturus summam istam trunci intercostalis exilitatem & teneritatem, a fili cujuscumque crassitie haud multum abludentem, qua in primo suo ortu atque itinere per canalem arteriæ carotidis utitur [h], ubi ex pauxillis esse concinnatus spectatur fibris, certe nihil omnino unquam suffecturis prospiciendo tot tantisque visceribus, nedum universis corporis partibus, nisi in suo per collum, thoracem & abdomen descensu, inter singulas quasque propemodum vertebrae, complures furculos, ex spinæ nervis egerminantes, reciperet [i]; quocirca etiam non mirum est, hujus nervi caudicem infra multo esse crassiores, quam supra in collo: prout enim ipse truncus intercostalis, e ganglio cervicali superiori exiens, deorsum fertur, sensim sensimque crassescit, id quod nervorum omnium naturæ repugnat, utpote in origine semper crassiorum, in progressu autem decrecentium.

§. XLVI.

Ne vero hisce ramis prosequendis, quibus intervenientibus intercostali nervo mutuum est cum omnibus spinæ nervis commercium, potiora ista, quæ mihi supersunt proponenda, neglexisse videar, illas dumtaxat propagines, quæ a cervicalibus nervis intercostali inferuntur, hic loci leviter transiture sum, quippe quas omnium præcipue vitalibus partibus implicari verisimillimum est: quia cordis & pulmonum nervi ut plurimum a cervicali inferiori & thoracico superiori gangliis proficiunt. In numero itaque cervicalium, qui societatem cum intercostali cœunt, potissime primum, alterum & tertium, ut & sextum & septimum paria esse deprehenduntur, ut a quorum ramis anterioribus conspicui furculi trunco intercostali committuntur. Superiorum trium cervicalium soboles ganglio colli superiori, aliquibus *olivari* dicto, maximam partem adnascuntur; duorum autem inferiorum furculi inferiori cervicali & primo thoracico gangliis inolescunt [k]. Videas igitur, quare intercostalis truncus, cum ei tam luculenta fibrarum nervearum.

Tom. I.

V

rum.

[g] Libr. adduct. volum. IV. not. a. ad §. DC. pag. 592. seq.

[h] Winslovius Exposit. anatom. de la structure du corps humain, Tom. III. Trait. des nerfs. §. 367. A. Berghen Dissert. de nervo intercost. §. 8. vid. figur. in calce Diss. adject. litt. A. A.

[i] Winslovius libr. & Tom. cit. §. 363. de Haller libr. cit. vol. II. not. d. ad §. CCLXXX.

[k] Idem eod. loc. §. 384.

rum accessio a spinali medulla facta sit, jam in collo in majus augeat [1], quamque ob causam nunc vitalibus partibus & copiosiores, & conspectiores impertire nervos valeat. Præter hunc intercostalem nervum iste etiam commemorandus venit, *vagus* qui appellari solet, itidem vitalibus visceribus ramos quosdam largiens, de quo hic tantum meminisse satis erit, eum suo in decursu per collum (quemadmodum ego id *αὐτόπτης* asseverare possum) ganglio nervi intercostalis olivari arctissimis nexibus copulari, totoque itinere hinc & illinc cum ramis trunci intercostalis communicare. Et quamquam vel hic posterior nervus varios ramos vitalibus visceribus implicat, tamen nec hi suppeditarent dictis modo partibus, tam nervose efficaciterque movendis, quam, ut mortalibus vita maneat diuturna, necesse foret, maxime cum cordis machina longe pauciores ab hoc nervo, quam ab intercostali, obtineat. Quomodo tandem dorsales & lumbares nervi, & quibus nexibus caudici intercostali associantur? Cum id jam ab aliis planius ac plenius expositum sit, quam ut a nobis, hoc loco illud repeti tædiose, postulari queat, ex industria prætermitto.

§. XLVII.

Deinde huic nostræ sententiæ argumento esse vix ullo alio testatiori possunt infantes illi, qui vel sine cerebro in lucem editi, vel jam nati, eo privati esse celebrantur, vita ipsis aliquando superstiti, imo etiam, Observatorum testimonio, subinde per aliquot menses atque adeo annos permanente. Cujusmodi exemplum offert KERCKRINGIUS de puero, quem, hydrocephalo affectum, menses circiter quinque vixisse ante, quam obiit, perhibet, cujus in capite nihil cerebri, sed hujus loco aquam mucosam reperit [m]. RUYSCHIIUS vero auctor est, tres diversos se tenere humanos foetus, sine ullo cerebro natos, quorum calvaria ne cavitate quidem prædita, sed penitus ossea fuit [n]. Ejusdem fere generis historiam quoque descriptam reliquit, Vir, cum viveret, inusitatæ litteraturæ & eruditionis consummatissimæ, beat. SCHULZIUS, de infante bene conformato &, quoad totum corpus, bene habito, qui mortuus fuit natus, cujus in cranio aperto neque cerebri, neque cerebelli, nec medullæ oblongæ quicquam, præter limpidum serum quoddam, deprehensum est, sola spinali medulla integra & naturaliter constituta [o]. Nec quicquam negotii foret, complura alia hujusmodi exempla sine cerebro viventium adducere, ni brevis esse vellem. Atque etiam si ejusmodi infantibus, qui hydrocephalo foedissime deformati fuerunt, universum cerebrum non ita fuisse colliquefactum Observatoribus scribatur, quin fere semper quantulacumque ejus portio, quamvis de pristina sua facie indoleque mirum in modum mutata, atque ingenti aquarum vi &

[1] Idem loc. cit. §. 376.

[m] Observat. anatom. XLVI.

[n] Adversar. anat. medic. chirurg. Decad. I. Obs. VIII.

[o] Dissertat. cit. pag. 8. & seq.

& mole circumfusa, ipsis in cranio reliqua foret deprehensa: tamen ea in tam arctissimum spatium compulsa, tam deturpata tamque evanida plerumque fuit observata, ut suo muneri obeundo atque exequendo, nisi omnino inepta, certe tamen minus idonea extiterit [p]. Quomodo hujusmodi foetus in utero, vel jam lucis ufura fruente, vitam censeas agere potuisse, nisi suscipias, tantum liquidi nervei ex spinali medulla, hoc temporis, ad partes vitalibus & naturalibus functionibus consecratis, per nervos indidem emissos venisse, quantum hisce actionibus utcumque expediendis suffecerit; praesertim cum, sensuum fide & testimonio, sola spinæ medulla a labe & vitio immunis atque illibata hujusmodi misellis dumtaxat relicta fuerit ac residua. Neque id obscurum fuit atque incognitum b. SCHÜLZIO, disertissime planissimeque scribenti: *Clarius dicam, quid sentiam in hac re. Dum cerebrum, cerebellum ac medulla oblongata, quantum ejus intra cranium est, fuerunt assumpta & colliquata, oportuit sane nobilium nervorum, qui par vagum constituunt, & tantas in viscerum muniis recte exsequendis partes sustinent, usum corrumpi. Et cum intercostalis prima initia etiam sint intra calvariam: idem utique fatum habuerunt. Quoniam autem inter par vagum & intercostale crebrae sunt communicationes: & intercostali ex nervis spinalibus, circa singula vertebrarum internodia, rami accedunt & implantantur: vero mihi simillimum videtur, per has vias factum fuisse, ut partes non omnino caruerint omni a nervis invehendo fluido, quamquam parcius & malignius id acceperunt, quam factum fuisset, si omnia integra mansissent [q].* Neque dissentit alter similis existimationis & dignitatis testis, Illustr. de HALLER, qui itidem aperte fatetur, cerebri morbos & deformationes id dumtaxat evincere, dari vitam quantumvis minimam, & posse eam superesse mortalibus vel cum maximis viscerum principum morbis [r]: & aliquanto post pergit, in plerisque istis exemplis, quibus cerebrum in infantum calvaria desideratum fuit, solam medullam spinalem, cordis, pulmonum reliquorumque vitalium viscerum nervis liquido nerveo implendis, hacque via dictis nunc partibus rigandis, supeditare potuisse [s].

§. XLVIII.

Ipsa postremo experimenta atque observata omnium velut oculis faciunt testatissima, medullæ spinalis nervos in motibus involuntariis perpetrandis primas & potiores, præ cerebri, habere partes. SENNERTUS hujus rei nobis perhibet testimonium, narrando, lanium quemdam sibi fuisse cognitum, qui boves mactaturus, eos non securi, ut alias fieri solet, percussisset, sed exiguum cultellum, qua parte caput colli vertebris annexum est, in spi-

V. 2

nalem

[p] Tulpus Observ. medic. libr. I. cap. XXIV. Zacutus Lusitanus, prax. medic. admirand. libr. I. Observ. V. Bonetus libr. cit. libr. I. sect. XVI. Observ. XIV. pag. 385. & in additament. Observ. XI. & XII. pag. 394. & seq.

[q] Dissert. citat, §. XVIII. pag. 25.

[r] Libr. adduct. Volum. II. not. a. ad §. CCLXXXVIII. pag. 610.

[s] Ibidem pag. 612.

nalem adegisset medullam; unde isti quasi attoniti statim concidissent [t]. Idem quoque hic Auctor similis cujusdam meminit experimenti a B O H N I O etiam frequentius administrati, pro enecandis sine magno strepitu canibus, exercitiis anatomicis destinatis [u], dum scilicet acus major aliudve cuspidatum instrumentum inter os occipitis & vertebrarum cervicis primam, aut primam inter & secundam, eorum medullæ spinali profunde fuit infixum, illos post aliquot epilepticas concussiones mox attonitos succidisse fuisse spectatos, medulla hoc in puncto quamvis exili vulnerata. Sic quoque jam antiquitus, eos boves, G A L E N U S notavit, statim esse collapsos vita occidente, quorum spinalis medulla in origine fuit icta ac læsa [x]. Illustr. de H A L L E R quoque ex D A M P I E R I Itinerario tradit, Brasilianorum esse moris, ut boves mactaturi, acuto ferro, in cervicis spinali medulla alte defixo, eos occidant, unde statim conciderent mortui [y]: quod idem multoties quoque meismet oculis in Russia, ubi simillimus mos boum mactandorum invaluit, comperi. Illustr. van S W I E T E N quoque testis est, in junioribus canibus idem celebratum esse experimentum pari semper eventu [z]. Id quod etiam laudatus de H A L L E R non de canibus solum, sed de piscium etiam genere confirmat, quippe qui vulnerata spinali medulla omnes pereunt [a].

§. XLIX.

Enim vero vel ista exempla, quæ de spinalis medullæ vulnerationibus atque offensionibus, litteris consignata, in Medicorum scriptis occurrunt, ad unum fere omnia in eo congruunt, vix quemquam vivum evasisse, cui spinalis medulla potissimum superna in parte percussa fuisset atque elisa. Sic S C H N E I D E R U S repentina morte eos occubuisse cognovit, quibus processus ossis occipitis condyloides de cavitatibus primæ colli vertebræ dimoti fuerunt ac depulsi. Id quod etiam hominibus evenisse, prima vertebra atlante, ab altera, epistrophæo dicta, discedente, M A U C H A R T U S testatum facit [b]. Quamquam is rusticus plurimos dies supervixisse B O N E T O dicitur, qui ex arbore decidens cervicis vertebram secundam prope atlantem habuit luxatam, antequam hac luxatione sit extinctus: ipse tamen hujus observationis Auctor, qui P A N A R O L U S est in *Pentecost. II. Observ. 26*, non diffitetur, alios, simili vertebrarum luxatione affectos, brevi temporis spatio se vidisse mortuos [c]. Neque vero multi sudoris esset complura hujusmodi

[t] Lib. cit. Tom. III. lib. V. part. IV. cap. 3. p. 371. Item Galenus de Hippocr. & Platon. placit. lib. II. cap. 4. in fine Charter. Tom. V. p. 97.

[u] Lib. cit. sect. I. pag. 70.

[x] Lib. de Hipp. & Plat. decr. libr. VII. cap. 3.

[y] Lib. cit. Volum. IV. not. a. ad §. DC.

[z] Lib. adduct. Comment. in §. 170. Aphor. Boerhaavii not.

[a] Ibidem pag. 595.

[b] Dissert. de Hern. incarcerat. Coroll. I.

[c] Lib. citat. libr. IV. sect. VI. Observ. I.

modi exempla, ex Observatorum locuplete penu deprompta, in medium proferre, quibus abunde constitit, quam tristissimi, læsionis, medullæ spinali illatæ, semper fuerint exitus, si hic exempla coacervare animum induxisssem, nec jam hodie apud omnes in confesso foret, graviores hujus partis percussiones per se lethalibus esse annumerandas. Nam Medicorum princeps & parens, HIPPOCRATES, spinalis medullæ vulnera jam inter lethalia declaravit [d], cui alter testis succedit, Corn. CELSUS, pariter hujus medullæ fauciationes insanabilibus accensens, ex quibus homo servari nequit [e]. Nec abludunt illis FALLOPIUS [f] & FORESTUS, *si spinalis medulla, aiens, vulneretur ad sui principium, necessario sequetur mors* [g]. In quam eandem quoque sententiam loquitur WELSCHIUS, quod spinalis medullæ vulnera simpliciter & absolute lethalia essent, præsertim si in superiore parte contingant [h]. Ipse quoque Illustr. Vir van SWIETEN his, qua gravissimis, qua verissimis innuit verbis: *Ex notabili autem læsione medullæ spinalis superioris evasisse aliquem, quantum novi, non constat ullis observatis* [i]. Cujus etiam sententiæ itidem Illustris de HALLER his præclaris subscribit verbis: *Satis ita puto apparebit, cerebelli vulnera & vitia magis periculosa esse vulneribus cerebri, minime vero perpetuo cordis motum suppressimere vitamque. Sed de medullæ spinalis vulneribus nullum dubium est, quin maxime funesta sint* [k]. Quam ergo tam funesti existimaveris tamque tristissimi exitus, qui spinalem medullam, si in sui principio intra colli vertebrae quoquo pacto fuerit læsa, semper manet, veram causam; & unde eam deducendam autumaveris, huic medullæ primas & præcipuas in vitalibus functionibus administrandis abjudicaturus?

§. L.

Qua quidem ratione cum tot, tantis tamque certissimis rerum atque experientiæ testimoniis, SCHULZII & HALLERI, Virorum in medendi scientia facile principum, suffragatione insuper subnixis, omnium velut oculis pateat, ex spinali medulla istos nervos, qui vitalibus & naturalibus corporis visceribus sensum & motum præstant, longe frequentiores, quam ex cerebro latius sumpto, exeuntes ad dictas modo partes pertingere: unicuique promptissimum jam erit perspicere, spinalis medullæ præcipuas atque adeo primas esse in vitalibus & naturalibus negotiis conficiendis & continuandis

V 3

dis

[d] De morb. libr. I. Charter. Tom. VII. p. 532. & Prrorhetic. libr. II. cap. II. Charter. Tom. VIII. pag. 819.

[e] Libr. V. cap. 26.

[f] De vulner. in genere, cap. IV.

[g] Observat. Chirurgic. libr. VI. Observ. IV. in Schol. & libr. VIII. Observ. IV. in Schol. item lib. IX. Observ. III. in Schol.

[h] Libr. citat. cap. III. pag. 48.

[i] Comment. & loco cit. pag. 254.

[k] Libr. citat. Vol. IV. not. a. ad §. DC. pag. 594.

dis partes ; cerebello autem cum oblonga medulla fecundas , & cerebro presse dicto tandem tertias. Supra enim uberius expediui ac fusius , universos ex oblonga medulla emergentes nervos , & a cerebro , & a cerebello fibris condonari ; sed illos , qui indidem orti ad corporis capiti subjectas contendunt partes , paucioribus a cerebro , copiosioribus vero a cerebello adornari , veri esse simillimum. At vero cum , horum nervorum , velut nervi vagi & imprimis trunci intercostalis , magna esset gracilitas atque exilitas , consentaneum esse , eos solos minime esse suppeditaturos in vitalia viscera tantum nervei liquidi invehendo , quantum satis est ad ea justis motibus cienda & agitanda , nisi suo in itinere complures nervorum cervicalium propaggines sibi adjungerent focias , quippe quarum partes in hisce visceribus movendis præcipuæ essent. Rem vero ita ferre , tum pluribus experimentis tum practicorum observatis usque adeo dilucide & perspicue me expediisse mihi persuasum est , ut neminem facile futurum esse putem , qui hoc in dubium incertumque sit vocaturus. Quoniam itaque de *cerebelli & oblongata medullæ lesionibus* hætenus demonstratum dedi , eas subinde *non tam repentinam* vulneratis arcessere *mortem* , quam huc usque pluribus medentium fuit persuasissimum , quid ? quod nonnulla ipsius cerebelli vulnera , etiamsi cum jactura substantiæ ejus corticalis conjuncta , interdum tamen feliciter persanata fuisse ; nihil amplius restat , quam ut de *cerebro* etiam *presse & anguste sumpto* , quod ego mihi , *de sanabilibus* subinde *cerebri* dicturus *vulnerationibus* , consulto extremum proposueram , planius magisque perspicue expediam , nec ejus plagas fauciatidis semper lucis usuram eripere.

§. L I.

Quoniam vero nulla re homines ad consentiendum facilius , nisi experimentis , argumentis omni luce clarioribus , ducuntur , non alienum erit nec injucundum , nonnulla , a Viris magnam fui famam gloriamque in medendi doctrina consecutis , in viventibus animalibus celebrata , in medium proferre , quo iis evidentius liqueat , nec a cerebri labe & ruina animantibus tam subito vitam fuisse ademptam , quam id fieri forte existimari posset , sed per complures horas , imo totos dies , iisdem haud insolenter intemeratam permanisse. De istis quæ V I E U S S E N I U S in variis canibus tentavit , experimentis jam supra me dixisse memini , quibus omnium oculis patuit , lacerato , quin evulso universo cerebro , ita ut cerebellum intactum manferit , animalia ista ad plures horas satis commode respirasse eorumque cor satis nerveose palpitasse [/]. Pari ratione P E R R A U L T totum canis cerebrum frustulatim disseccando cranio exemit , animali hoc per totam horam supervivente : ubi primum vero cerebellum similiter discindendo corruptit , illico illud expirasse tradit [m]. Ex compluribus quoque istis experimentis , jam supra a nobis adductis , quæ doctissimus Z I N N I U S in canibus adornavit , perspicuum

[/] Libr. & loc. supra adduct.

[m] loc. ante citat.

cuum est, cerebro licet acuto instrumento pertuso, eos tamen per longum tempus satis vegetos adhuc vixisse [n]. Illustris quoque *Abrah. K A A V-BOERHAAVE* similia in ejusdem generis animantibus instituit experimenta, cerebri corticem, intacta ejus medulla, primum cultelli cuspide pungendo, deinde quoque medullam pari modo lædendo & diffringendo, qui, eo non obstante, complures horas vitam vixerunt quamvis languidam [o]. Sic quoque *WILLISIUS* [p] & *HOFFMANNUS* [q], ille in gallina, hic autem in cane, cerebrum clavo ingenti transfixerunt, animalibus his superantibus. *MOLINELLUS* quoque sinistra cranii parte vivi canis aperta, ejusdem lateris cerebri lobum, quam magnus est, totum indidem abstulit, cane ad tempus supervivente, nisi quoque ejus latus hemiplegia fuit tantum affectum, sinistro ejusdem latere contra & sensuum & motuum integritate uso ac fruito [r]. *CHIRAC* quoque cani dimidium excidit cerebrum, nihilo secius is artus movisse & obambulasse proditur: quid? quod cranio totum evulsit cerebrum, salvis sensibus & respiratione [s]. Quibus proinde experimentis, quorum, si usus fuerit, majorem recensere possem copiam, haud sane obscure elucebit, vitam animantibus diu superesse posse, cerebro quantumvis graviter percusso vel fauciato.

§. LII.

Confirmant hoc quoque ista exempla, ubi cerebrum abscessibus, ulceribus, aliisque id genus vitiis, in penitioribus ejus recessibus occultatis, exesum, corruptum & devastatum; aut etiam in infantibus, ab aquarum vi ac mole in cranio conclusa, colliquefactum velutque in nihilum redactum fuit repertum, ægrotis hujusmodi diutius opinione in vivis manentibus. Cujusmodi exempla quamplurima passim in Observatorum scriptis relata leguntur. Sic *DIEMERBROEKIUS* habet observationem de ægroto quodam, cujus in ventriculis anterioribus plus semilibra puris fuit inventa, cui nihilominus & integra mens, & motus incolumes, ad usque extremum halitum fuerunt [t]. *WEPFERUS* quoque historiam mulieris cujuspian adducit, cujus in cerebro corpora striata exulcerata in ventriculo dextro sunt conspecta, a quodam abscessu ad ovi magnitudinem accedente, quæ tamen usque ad mortem exquisito videndi & audiendi sensu prædita fuit [u]. De abscessu matibus cerebri insidente, puris pleno, quo puella per quatuor menses, sine ulla

[n] Differt. citat. Part. I. Experim. I. VI. & VII.

[o] Libr. cit. Cap. VII. §. 325.

[p] Anat. cerebr. pag. 67.

[q] Libr. & loc. ante citat.

[r] Commentar. Academ. Scientiar. Bononiens. Tom. I. pag. 139. Petit lettre à un medecin I. observ. 2.

[s] Philos. Transact. n. 226. p. 461.

[t] Anatom. corp. hum. lib. III. cap. X. pag. 394.

[u] Tract. de Apoplex. Hist. XIV. pag. 397. 401.

ulla febre, conflictata est, videatur B O N E T U S [x]. F E R N E L I U S quoque prodit, cerebri substantiam in coriario quodam in abscessum fuisse conversam, unde magna puris copia per multos menses stillavit, qui tamen neque febre corripitur visus est, neque cibi fastidio multum premi, neque extenuari [y]. De humore purulento, viscido, in utriusque cerebri ventriculis deprehenso, qui causa lethargi, in apoplexiam denique cedentis fuit, respiratione nihil vitii inde capiente, quamdiu ægrotus in vivis fuit, confert. W E P F E R U S [z]. De milite, hasta in ipsa cerebri substantia læso, qui sanatus, amplius septem hebdomades aliis sanus ferviens ægris, demum hebdomade octava subitanea morte extinctus est, in cujus capite una cerebri pars corrupta, putrida & consumpta fuit inventa, mentionem facit B O N E T U S [a]. Haud fere dissimilem narrat historiam Thom. B A R T H O L I N U S, de apostemate in cerebro, vulnus capitis secuto, pure copioso abundante, quo æger die septimo expiravit, sine delirio, paralyti & pulsu febrili [b]. Ac profecto difficilius exitum, quam principium amplissimi huius dicendi campi invenire mihi liceret, omnes istas observationes, in Auctorum monumentis passim obvias, de cerebro variis abscessibus & ulceribus obfesso, aut aliis peregrinis corporibus oppresso, vel aquarum abundantia obruto & in liquamen velut mutato, quo nihil impeditente, ægrotis vita fatis diuturna fuisse scribitur, in medium prolaturus; consulat Observatorum monumenta, cui volupe est animum suum pluribus huiusmodi observationibus legendis explere & satiare, mihi enim maiora & potiora supersunt persequenda, quæ proinde breviter collustrare operæ pretium erit.

§. LIII.

Ut vero etiam aliquibus observatis, ex arte chirurgica depromptis, declaremus, vel gravissima cerebri vulnera, cum haud mediocri tum corticali, tum medullari substantiæ detrimento subinde consociata, reapse aliquando fuisse perfanata, ægrotis sibi superstitibus & pristinae suæ haud insolenter valetudinis prosperitatem recuperantibus; haud inconsulte acturi nobis videmur, si quædam istarum cerebri plagarum exempla delibemus, quæ omnino fuerunt curata. Ex numero eorum, qui inflicta cerebri vulnera aliquando sanata viderunt, primus prodeat G A L E N U S, qui fuisset se oculis usurpasse vulnus cerebri notatu dignum in adolescente quodam Smyrnæ, celebri quondam Ioniæ urbe, refert, quod, quamvis in alterum anteriorum ventriculorum penetraverit, tamen felicissime fuit sanatum [c]. Cui nec mul-

[x] Libr. cit. libr. I. sect. I. observ. XLVI.

[y] Libr. de Lue vener. cap. VII.

[z] Libr. cit. Hist. XVII.

[a] Libr. cit. libr. I. sect. XIII. observ. XIX. §. 2.

[b] Centur. II. histor. 34.

[c] Libr. VIII. de usu part. cap. X. & comment. in Aphor. Hippocrat. comment. 18.

multum abluisse videtur illud vulnus, cuius THEODORICUS, Chirurgus quidam, meminit, quod ventriculo cerebri posteriori (tertio, an quarto? de eo filetur,) incussum & curatum fuisse fertur [d]; id quod quamvis dubitet Guido de CAVLIACO, ipse tamen ingentia cerebri vulnera, cum ejusdem substantiæ dispendio, interdum consolidata esse concedit [e]. Testatum hoc facit exemplo cujusdam a se visi, cuius occiput ita vulneratum fuit, ut parva quædam portio substantiæ cerebri eo exiret, vulnerato ex hoc vulnere convalescente. Commemorabiles quoque extant observationes apud Gregor. HORSTIUM, de magnis & profundis cerebri vulnerationibus, feliciter ad cicatricem ductis, quarum altera, satis alte ad cerebri interiora pertingens, sine gravioribus accidentibus brevi fuisse sanando sublata commemoratur: altera vero cum jactura portionis cerebri, nucem juglandem æquantis, itidem, cum magna multorum admiratione, fauciato superstite, coaluisse [f]. BRASAVOLUS quoque testis est, quempiam, cuius cerebrum vulnere fauciato fuit, tanta quamvis ejus substantiæ quantitate amissa, quantum est parvum gallinæ ovum, tamen evasisse & per triennium ineptum ac fere stupidum supervixisse. Et, quod magis mirandum est, militem vidit, cui fere dimidium capitis cum sua cerebri portione ablatum est, quem nihilominus ex hoc tam gravissimo vulnere convalescere perhibet [g]. Quocum CARPUS concinit, loquens: *Quod contingat, cerebrum lædi & sanari, tenet CONCILIATOR* diff. 181. *etsi aliqui tenent contrarium, hoc est, quia pauca viderunt & minus credunt; credo ego mihi ipse, & fateor, quod vidi usque ad hunc diem sex homines, a quibus notabilis quantitas medullæ cerebri evixit, & sanati sunt, de quibus duo passi sunt paralysem unius lateris: tamen vixerunt per duos annos* [h].

§. LIV.

Nec defunt aliorum gravissimorum Medicorum, qui a nostra ætate propius absunt, quin etiam nostra hac memoria superstites florent, testimonia, sensuum & observationum fide abunde comprobata, quæ huic rei fidem faciunt. BOHNIVS enim sua ipsius experientia testatur, foeminam quandam in capite vulnere incredibilis magnitudinis, longitudine spithamam æquante, quod ab occipite per sinistra tempora & frontem ad usque nasum pertigit, fuisse fauciatam, cum aphonia sensuumque fere omnium per biduum intermissione, febre tamen non adeo magna, quam, aliqua quamvis cerebri portione extrita ac deperdita, tamen intra aliquot hebdomades fuisse sanatam scribit [i]. Cui alter testis succedit, Joann. MUYSIVS, qui

Tom. I.

X

itidem

[d] Libr. II. cap. II.

[e] Bohnius libr. cit. sect. I. pag. 35. & Forestus observ. chirurg. observ. II. in schol. p. 12.

[f] Libr. consult. & Epist. de re medic. var. sect. XVII. pag. 493. & seqq.

[g] In comment. in Aphor. Hippocr. 18. libr. VI.

[h] Marcellus Donatus libr. V. cap. IV. pag. 547.

[i] Libr. cit. sect. II. cap. 180.

itidem vulnerati cujuspian meminit, ejus sinciput ligone usque adeo vehementer fuit vulneratum, ut præter ingens cranii frustum, injecto ligone avulsum, una haud mediocris cerebri quantitas abrepta fuisset, quem nihilominus tanto vitæ periculo defunctum esse, relicta quamvis hemiplegia, asseverat [k]. HILDANUS quoque observationem affert de puero, cui inter ludendum sinistra ossis frontis pars percussa est, unde pessimis symptomatibus tentatus fuit: post binos menses, quum mali vis in dies ingravesceret, trepano cranium perforavit, quo facto, statim magna puris copia cum impetu per foramen factum erupit. Postea vero ipsa cerebri substantia, quæ coerceri nequivit, ex eodem foramine emergere incepit, quæ circumjecto filo & constricto ablata est. Sed mox similis substantia instar fungi, altitudine trium digitorum, ex eodem foramine succrevit, quæ similiter, atque antea, filo circumligato sublata fuit. Id quod eodem modo sæpius peractum est, ita ut omnes resecti fungi fere pugni magnitudinem excefferint, puero hoc nihilo magis pristinam suam sanitatem recuperante [l].

§. L V.

Iste etiam casus, quem Dn. D. B E H R E N S peculiari scripto typis mandandum curavit & publicandum, hic loci memori pectore notari meretur. Equiti gregario, in dextra frontis parte, supra oculum, ab equo calces remittente ingens vulnus, plus binos pollices longum, & unum latum, incussum est, cum tanta sanguinis effusione, ut vulneratus suo sanguini velut innatare sit visus, isto ossis frusto, quod ex cranio excussum erat, minutim diffracto inque plurimas festucas diffisso, quæ in ipso cerebro alte fixæ hærebant. Incipiente suppuratione, qua cætera ossis frontis frustula, huc usque, propter cutim ea adhuc obtegentem, non observata, sensim pedetentimque cum ipsa cute separata sunt, ipsum vulneris orificium quinquies tanto majus seu amplius, quam primo aspectu, demum cognitum fuit. Ex hoc vulnere primis diebus binæ cerebri portiones, quarum unaquæque amygdalam æquavit; procedente vero suppuratione paulatim plures, excretæ sunt, præterquam quod suppurando puris specie in dies ex cerebri substantia extritum fuit, quemadmodum id ex cavo illo, a suppuratione in cerebri substantia reliquo, apparuisse fertur. Miles hic primis a fauciatione diebus rationis usu omnino caruisse commemoratur, elapsis vero aliquot diebus sensim sensimque animus ei rediit. Durante etiam suppuratione neque febre, neque convulsionibus, nec vomitionibus aliisque id genus malis laceffitus fuit, præterquam quod ex curatione percepit. Exactis tandem aliquot mensibus pristinae sanitati restitutus ad legionem illam, in qua stipendia equo faciebat, reversus est, ubi consueta sua munia pari modo, atque ante, expedire dicitur [m].

§. L V I.

[k] Prax. ration. chirurg. Decad. V. observ. I. pag. 218.

[l] Observ. chirurg. centur. IV. observ. III. pag. 287.

[m] Observ. de vulner. cerebri non semper & absolute lethal.

§. LVI.

Notatu quoque digna ea mihi videtur historia, a Dn. D. *Dan. Gottl. THEBESIO* litteris prodita, de quadam vidua, quam sommo alto occupatam nefarius homo ingenti malleo, fabris murariis usitato, adortus, compluribus in dextro capite vulneravit plagis, in ipsius cerebri substantiam penetrantibus, unde sanguis tam abundantissime effusus, ut suo in sanguine quasi nataſſe fuerit ſpectata. In ſuperiore & media oſſis ſincipitis dextri parte terna vulnera, præter cæteras plagas præcipua magnitudine conſpicua, inſtuentibus oculis obvia facta ſunt, ex quorum maximo, tranſverſi digiti lato, & dimidii longo, ſpectabilis cerebri portio ſingulis arteriarum ictibus extuberabat: alia vero bina, eaque minora vulnera, in antica magis huius oſſis parte infixæ, itidem cerebri quid cranio expulſi atque extantis ostendebant. Verum enim vero quod ex hac graviffima cerebri ſauciatione, quam hoc loco latius proſequi, nec temporis exiguitas, nec Diſſertationis anguſtia permittunt, ad noſtros facit uſus, eſt, ut compendii faciam, inſignis iſta tum medullaris ſubſtantię copia, inter ſuppurandum in dies minutatim ex cranio excuſſa, quæ, ſi totius molis, cranio per omnem curationem exeuntis, rationem inieris & ſubduxeris, tanta fuiſſe perhibetur, quantam vix cochlear majoris formæ capere potuiſſet. Deinde quoque obſervatu dignum eſt, quod hæc ſaucia ſemper omnium ſenſuum & mentis fuerit compos, nec febre primis diebus, nec convulſionibus, nec aliis quibuſvis gravioribus malis tentata ſit vexataque, præter aliquam ſomnolentiam; quemadmodum etiam ciborum appetentia ipſi perſiſtiſſe ſcribitur ſatis bona. Noviffime etiam commemorare convenit, hanc graviffime percuſſam quatuor & decem hebdomadam ſpatio priſtinam recuperaviſſe valetudinem [*n*].

§. LVII.

Quibus igitur hætenus enumeratis obſervationibus, quæ tot tantorumque doctiſſimorum Virorum oculis teſtatiſſimæ ſunt factæ, ea ſubtexere liceat, quæ egomet ipſe, triennio circiter exacto, mea ſolius experientia deprehendi in variis periculoſiſſime vulneratis, curationi meæ commiſſis, cum in noviffimo iſto eoque cruento & luctuoſo bello, quod Gallia adverſus Austriam in Belgio geſſit, Chriſtianiffimus Rex me militum valetudinario, ſeu noſodochio, quod Bruxellæ conſtitutum erat, primarium & ſuperiorem Chirurgum præfeciffet, ubi copia mihi facta fuit, innumerabilibus graviffime conſauciatis ac multis iſſque periculoſiſſimis vulneribus confoſſis militibus, qui magno quotidie numero eo confluunt, manus ferendi & adhibendi auxiliatrices. In hoc tanto numero, qui ſe mihi tradidit ſanandum, erat qui-

X 2

dam

[*n*] Vid Epistoſa gratulat. caſum rariorem de multiplici atque enormi capitis vulneratione exhibens, quæ Diſſertationi, de *Conſenſu pedum cum inteſtinis*, ab Illuſtri Præſide publici juris factæ, in calce adjecta eſt.

dam captivus, natione Anglus, *Ritschit Watkens* nominatus, miles gregarius, triginta quinque annos natus, macilento corporis habitu & temperatura cholericò-melancholica, cujus caput, in prælio Laufeldensi, prope a Trajecto ad Mosam factò, in sinistro osse bregmatis, haud procul a coronali futura, supra sic dictam squamofam, acinace usque adeo fuit vulneratum, ut non spectabilis quædam pars solum dicti ossis sincipitis, (cujus diameter binas cum dimidia habebat uncias,) ex cranio avulsa, & *κροταφίτης* musculus superne dissectus deprehenderentur; sed haud mediocris etiam corticalis & medullaris substantiæ portio, dimidii pollicis crassa, de cerebro sublata conspiceretur, cum subsequente largissimo sanguinis ex vulnere profluvio, decisis vasis, per hunc musculum disseminatis, suum ortum potissime debente. Nihil mihi magis curæ fuit cordique, quam ut statim cruoris torrentem convenientibus stypticis eo consilio adhibitis sisterem, & vulnus hoc periculosissimum pro eo, ut usus fuerit, deligarem. Ægrotus hic gravibus symptomatibus omnibus, cerebri vulnera alias comitari solitis, velut delirio, sensuum amissione, convulsionibus, aut epilepsia, aliisque hujus fortis, immunis fuit, præterquam quod febre corripiebatur, in dies leniter invalescente, quamvis tempestivam sanguinis in brachio missionem non neglexerim, quæ febris tamdiu fauciato insidias tendere advertebatur, dum fauciatata pars suppurare inciperet; suppuratione autem bene procedente, febris sensim decrescens abiit. Illud vero, quod admiratu dignissimum, est ista magna jactura, quam cerebrum durante suppuratione fecit: siquidem a vero nihil aberravero, si dicam, facile plus substantiæ corticalis & medullaris, quam duo cochlearia, quibus adulti homines ad juscula haurienda utuntur, continere valent, ex cerebro sensim pedetentimque extritum esse ac deperditum; præter istam portionem, quam antea prædicavi cædendo ablatam fuisse. Quamquam vero hic ægrotus tantam cerebri sui vim ac molem perdidit, tamen, postquam novem hebdomades effluxerunt, ex gravissima hac fauciatione explicatus, salvo & superstite sensuum omnium & rationis usu, ad patrios lares rediit.

§. LVIII.

In eadem quoque fortuna fuit alius ejusdem gentis miles gregarius, nomine *James Ziwwers*, vix quadragesimum ætatis suæ annum ingressus, temperamenti phlegmatico-sanguinei, amplioris & obesi corporis, qui in eadem pugna multo gravius priori ac periculosius fauciebatur. Namque caput ejus inversæ bombardæ manubrio ab hoste tam vehementissime percutiebatur, ut, excepto tanto tamque vehementissimo ictu, statim in terram defluerit, mentis & sensuum usu illico cessante; quin etiam sanguine tanto impetu ex inflicta plaga eruptionem faciente, ut brevi post in nostrum nosodochium delatus, mihi plurimum negotii facesseret, priusquam sanguinis flumen inhibere ac sustinere valuerim. Inhibito itaque sanguinis profluvio & ipso cranio
altius

altius curatiusque inspecto, os bregmatis dextrum tribus distinctis locis diffractum, & tot foraminibus esse pertusum,prehendi. Ossea hæc fragmenta, ex parietali ossè excussa & avulsa, quorum quodque paulo majus illo aureo nummo, Ducatum quem vocant, erat, partim in cerebri cortice, partim in crassa tantum meninge defixa hærebant, præterquam quod tertium eorum dumtaxat exterioribus capitis integumentis adhuc quodammodo annexum conspiciebatur. Quo perspecto, curæ maximæ mihi fuit, ut ista duo ossea frustra seu fragmenta, quorum alterum in cerebri substantia profunde demersum videbatur, alterum vero duræ tantum matri infixum, indidem eruerem. Externo igitur cutaneo vulnere sectione usque eo dilatato, ut aditus mihi eo patuerit expeditior faciliorque, fragmentum illud, quod cerebro illisum profundeque incussum hæsit, adhibita omni circumspeditione, vossella prehensum, quam lenissime blandissimeque potui, extraxi. Simili quoque ratione alterum, acuminata sui parte duræ matri infixum, quod nexibus quibusdam ipsi parietali ossi adhuc erat illigatum, indidem emovi, tertio, integumentis exterioribus capitis adhærescente, cultelli acie ab iis reciso. Quibus itaque remotis, ipsum cerebrum, cum lacerata crassa meninge, oculis meis se clarius objecit spectandum, quod tanta cruoris, e disruptis meningum vasis effusi, vi ac mole obrutum inveni, ut verendum esset si is indidem instrumentis chirurgicis educeretur & tolleretur, ne sanguinis profluvium recrudesceret. Idcirco optimum factu ratus, totum cruoris inde expurgandi & dimovendi negotium ægrotantis naturæ committere, ipsis vulneribus, jam satis explicatis & patentibus, blanda duntaxat balsamica indidi, emplastrum de beton. iisdem superponendo, ac toti capiti calida fomenta, ex herbis nervinis & cephalicis concinnata vinoque incocta, quam creberri-me adhibendo. Unde factum est, ut die tertio suppuratione eorum ex voto succederet, -cujus beneficio omnis ista sanguinolenta crusta, quam cerebro obductam fuisse supra dixi, paulatim separata est atque e cranii cavo exturbata, qua sublata demum satis notabilis hiatus in cerebro, ad interiores hujus recessus se extendens, in conspectum venit, qui suppurando sensim major est redditus: quia, perseverante ejus suppuratione, tanta, tum corticalis, tum medullaris substantiæ portio in dies minutatim cranio exivit, quanta, (si universas cerebri particulas, quas natura ægroti inter suppurandum singulis diebus per calvariæ fracturas emolita est, ad unam summam retuleris,) tria fere cochlearia comprehendunt. Quo nomine etiam haud mirum est, hunc vulneratum tam acerbis & gravissimis symptomatibus, velut perpetuo delirio, intensiore febre & convulsivis subinde etiam motibus detentum fuisse, quibus omnibus, si a febre discesseris, superior fauciatu caruit, quia, præter hanc vulnerationem, ei tota cerebri moles simul tam violentissimo percussione impetu quam vehementissime fuit commota & concussa. Verum enim vero, expulso eo, quod de cerebro erat corruptum, & vasculis in dicto hiatu recrefcentibus, febris, quæ ægrotum nostrum huc usque perpetuo destituit, sensim sensimque consenescere observata est, & vulneratus melius-

culus esse cœpit, inque dies quoque, cibi appetentia pedetentim rursus invalescente, pristinas corporis vires paulatim recuperavit, usque dum omni periculo tandem defunctus, atque omnino curatus, ex nostro valetudinario salvus atque incolumis dimissus est. Amplius vero quatuor & decem hebdomades in hoc vulnere consumptus est.

§. L I X.

Binis hisce observationum, de cerebro exitiosis quidem vulneribus affecto, tamen aliquando sanabili, subnectere placet historiam militis in Gallia nati, nomine *Pierre du Buiffon*, qui in obsidione urbis munitissimæ *Bergen op Zoom* saxi alicujus ictu in dextro bregmatis osse ita lædebatur, ut insignis cranii portio, ex eo diffracta atque evulsa, in cerebri substantiam intorqueretur, cum jactura quadam cerebri: siquidem ejus tantum per cranii aperturam inde excidit, quantum ad nucis juglandis magnitudinem accedit, vix ullis notatu dignis symptomatibus faucium hunc invadentibus. Ego illius plagam per aliquot dies quam diligentissime obligavi, omnibus malis, quæ ei accidere potuissent, sollicitè antecapiendis, quo tempore etiam satis belle habuit. Verum nescio quo casu fiebat, ut vulneratus hic jussu tribuni illius legionis, sub cujus signis militabat, ex nostro nosodochio fuerit Gandavum transportatus. Nihil itaque certi ego ipse de eventu curationis affirmare possum, nisi quod ab aliis fando accepi, eum ex gravi hac læsione omnino fuisse curatum, & pristina valetudinis prosperitate frui. Tandem quoque non possum, quin hoc loco vel istius observationis meminerim, quam ab Excellentissimo atque Experientissimo Viro, Dn. *Foussadier*, Augustissimæ & Potentissimæ Imperatricis Russiæ principe & primario Medico vulnerario, (cujus amicitia fructu jucundissimo, me, qui huc usque in Gallia & Germania peregrinatus sum, caruisse vehementer doleo,) quondam audiui, cum Chirurgus superior Russicæ cujusdam legionis essem, qui, quæ singularis ejus in me est humanitas, mihi omni asseveratione affirmabat, quempiam militem, cui plurimum & corticalis, & medullaris substantiæ cerebri vulnere inflicto fuisset demptum & dissipatum, se esse percuratum. Nec arduum foret complura alia de grandissimis cerebri vulnerationibus, quæ prosperi quandoque & optati exitus fuere, exempla, non minus ex veterioribus, velut ex *Nicol. MASSA*, *CARPO*, *Franc. ARCEO*, *Joan. de VIGO*, *VALERIO LA*, *NICOLO*, cætera, quam ex recentioribus, in medium proferre, nisi veritatis vis per se tam magna esset, ut parum aut nihil subsidii externi requirere videatur.

§. L X.

Nihil itaque amplius restat, quam ut hoc loci etiam ante oculos ponam, quænam cerebri vulnera proprie mortifera sint censenda? cur nonnulla haud
ita

ita difficilis deprehendantur sanationis, aliis, quantumvis per sæpe exiguis, vel certe mediocribus, homini tamen faucio interitum exitiumque molientibus, atque adeo fatali necessitate inferentibus? quid causæ subfuerit, cur isti vulnerati, quorum cruentis vulneribus manus memet auxiliatrices admovisse antea memoravi, intentatam sibi mortem effugerint atque indemnes evaserint? Verum enim vero cum haud quaquam animum induxerim ostendere, quæ sint mortalia cerebri vulnera? sed solummodo non cunctas ei ingestas plagas funesti semper esse eventus: nihil sane est, quod in hujusmodi quæstionibus enodandis diutius morando, & tempus, & operam frustra conteramus, maxime cum earum omnium haud difficilis sit explicatio, dummodo ea, quæ de cerebri compage in superioribus latius exposita leguntur, item egregia ista experimenta, fide & integritate tantorum, tam doctissimorum virorum abunde testata, curatius expendantur, atque ex interno suo pondere juste æstimentur. Ne igitur in hoc amplissimo differendi campo longius excurramus, quam id, & temporis ratio, & magnitudo Dissertationis, ferunt, ex eo nos recipiemus & lucubrationes nostras concludemus.

FINIS





I X.

DISSERTATIO MEDICA
DE
FUNGO CEREBRI,

Quam Præside

GOTHOFREDO SAND

M. D. ET P. P.

Defendet

GEORGIUS ALB. STOLTZ

INSTERBURGENSIS,

Regiomonti 7 Decembris anni 1799.

DISSEMINATION OF MEDICAL

OR

MUNICIPALITY

OF

GOVERNMENT

IN THE

STATE

OF NEW YORK

AND

THE CITY OF NEW YORK

J N I.

I Mmerito à Conrado Tigurino de *Scriptorib. Chirurg. & Renerio Solenandro* Conf. 24. Sect. 4. uti refert & assentitur Marc. Aurel. Severini *Efficac. Medic. l. 1. part. 1. cap. 3.* tantæ mollitiei accusari Germanos, ut turpi morte mori malint, quam generoso animo unam dolorificam sustinere operationem chirurgicam, verum reddere poterit vir generosus & maxime strenuus Dominus Vice-Colonellus, Otto Ernestus de Rautern, in Abbarten, Deutsch-Wilten, Gurgenu, Plenau & Glugenstein, Dominus hæreditarius triginta & unum annum natus, staturæ mediocris, habitus carnosus & firmus, temperamenti biliosus, sesqui annum maritus, alacer & vegetus, unius filiolæ tum parens: qui 24. Augusti, anni supra millesimum sexcentessimum, nonagesimi quinti, cum in Brabantia functione militari se abdicasset, in patriam rediit, ut sibi obviam properanti Domine Conjugi anteverteret, noctu miliaria nostratia (germanica) cœlo adeo intempesto & frigido, ut ex eo etiam refrigerit (quam refrigerationem mali hujus occasionem fuisse, ipse Dominus patiens autumat) confecit; ad prædia sua, & suos reversus, dulcibus ab iis, & chara præprimis Coniuge amplexibus exceptus fuit. Mox vero intolerabiles eum capitis invaserunt dolores, septimanas septem continuas, indefinenter affligentes, quibus desinentibus octiduo circiter post, vertigo multum molestiæ exhibuit, quæ tamen post transmissi a Dno. Licent. Godsched medicamenti usum, evanuisse videbatur; immanes autem isti dolores, hebdomadibus vix tribus elapsis, iterum ingruerunt, diebus quatuordecim, caput atrociter lancinantes, quare etiam contra dolores remedia quæsiturus, iter ad nos (Regiomontum) iniit, in medio vero itinere, cum sex miliaribus ad huc Regiomonto, Abbartam (quod etiam prædium Domini Patientis est) ventum esset, caput totum adeo intumuit, ut ad pressus, vestigia primores digitos alta, relinquerentur, at tumor hic in abscessum, ovi gallinæ Calecuticæ bene magni, magnitudinis, triduo fuit supra verticem collectus, qui Emplastro, per noctem imposito, emollitus, die subsequente gladiolo seu Lancetta apertus, multum puris fudit; & licet tumor quatuor quinqueve dierum intervallo, disparuerit, indefinenter tamen ichor seu sanies tenuis, ex eo promanavit, neque ad coalitum, quamvis probe deligaretur, & convenientia Emplastra ac Epulotica imponerentur, nisi post anni quadrantem, perducere potuit. De hinc, elapsis diebus quatuordecim, denuo, eodem quidem in loco, tumor, magnitudine minoris ovi, extuberavit, quare, cum Balneatoris Gerdaviensis sibi haberet commendatam experientiam, Wilkeimum, prædium beati fratris sui germani, Domini Wilhelmi Alberti de Rautern, supremi, aulæ Brandenburgicæ, Mareschalli ac Capitaneatum Neuhausen & Labiau Satrapæ, dimidio milliari ab arce Gerdaven distans, se contulit, ubi ex tumore, (emplastro ab accersito Balneatore isto, vespere imposito) mane rupto, pus magna vi erupit, substitit illic Dominus Patiens sex septimanas integras, promissis, se intra tem-

pus hoc sanatum iri, fretus, cum vero tempus hoc præterisset, nec aliquid opis, quamvis quotidie deligatus esset, sentiret, Chirurgus insuper ipse morbo corriperetur (morbum fuisse simulatum suspicor) tertium sibi Chirur- gum, Dominum Bartholomæum Fuchs, Rastenburgum adseivit, cui soli cum se concedere dubitaret, eum sibi comitem itineris elegit, hucque Regiomontum cum eo venit; acciti fuerunt, Dominus Joannes Godsched, Med. Li- cent. & P. P. ac Augustinus Grosmann ut & Carolus Josephus Viviani Roma Italus, Chirurghi, qui inspecto & examinato malo supra verticem, qua parte futuræ Coronalis & Sagittalis sibi committuntur, parvum invenerunt fora- men, per quod stylus, longitudine digiti, sub cute, occiput versus, adigi potuit, qui ad extremitatem meatus offendens, cutem aliquantulum ele- vavit, quapropter eousque eam incidendam esse, ratum fuit visum, facta incisio atque delegata die ista (*erat 13. Septembris anni 1696.*) ob hæmor- rhagiæ metum, resolvi non potuit, sed sequens medicamentum fuit ordina- tum, quod *R. Trifol. ▽tic. Beccabung. Menth. ⊖ volatilis oleos. mac. an. ℥ii Spir. * ci Castor. succinat. ℥i℥. M. D. S. Haupt-und Magen-stärkende Mistur, wieder die Flüsse und den Scorbut, davon 50. Tropffen auf 1. mahl, in etwas Wein oder anderm Trincken.* Ut ut etiam sequenti

Die 14. Septemb. scilicet, panniculus carnosus cum Pericranio & huic adnato Periosteio, cultro incisorio perscinderentur, Caries tamen in Sutura Sagittali nondum fuit observata.

Die 15. Seu tertia ab adventu ejus, supra foramen excrescentia quædam in conspectum venit, quæ tamen, quod facillime separaretur, habita fuit nullius esse momenti, quare postero mane.

Die 16. nempe, acceptis secum Emplastris convenientibus, & Balsamo vulnerario, domum revertit: applicata fuerunt Emplastra, præmissis ex Bal- samo inunctionibus, debitæ quoque deligationes quotidie fuerunt institutæ, usque dum, quatuor hebdomadarum spatio elapso, cum ad coalitum vulnus perducere nequiret, sed foramen in Calvaria, potius continue, pus funderet, comite itineris, modo nominato Chirurgo Rastenburgensi accepto, quo vi- tæ & sanitati suæ consulere, iter ad nos, Regiomontum, relegeret; accessit autem

Die 11. Octobr. Convocatis itaque die sequenti Dn. Medico & Chirurgis supra nominatis, de re videbatur esse, unum adhuc advocare Medicum, interea a Dn. Medico, decoctum hoc præscriptum fuit. *R. Rasur. Lign. Sas- safr. Guajac. Santal. citr. an. ℥i. Rad. Sarsaparill ℥ij. Lapp. Maj. ℥℥. Gialapp. ℥v. Rhabarb. ℥i℥. Fol. fen. f. st. elect. ℥℥. Sem. anis. fœnic. a. ℥vi. Cort. Orant. Cinam. a. ℥i℥. Galang. Maj. ℥ij. ex incis. & contus. f. l. a Spec. D. S. Nützliche species zum Tranck.*

Die 13. Dn. Adamus Harweck, M. D. & P. P. etiam fuit adjunctus; pro investigando itaque malo, Dn. Grosmannus, foramini pus fundenti, sty- lum per Calvariam, sesqui digitum plus minus, oblique licet, immisit, & ad quippiam duriusculum renitens illisit, quod illico retulit, addens, Cal-
varia

variæ crassitiem tantam esse non posse, quanta quidem styli immissi longitudo cerneretur, ad interiora itaque penetrasse eum, esse manifestum; nec tamen Cerebrum vel Meningem, nec Calvariæ interiorē laminam id esse, ad quod offenderet (nisi desquamatum laminæ hujus fragmentum, duræ matri incumbere, conjecturandum foret) Cerebro enim durius, mollius osse reperiri: quo ergo, quid lateret intus, patesceret, Trepanum adhibere statuerunt; facta propterea tunc fuit in crucem incisio, ita ut foramen, in medio præter propter, relinqueretur, & labra vulneris a Cranio, quo sic denudaretur illud, avulsa & reclinata fuerunt, sanguine satis large effusaque profluente, pro quo sistendo, stuppa sufficiente imposita, deligatio conveniens administrata fuit, Trepani vero applicatio, in diem perendinum, certas ob rationes, fuit dilata: certam tamen, in cibis assumendis, Diætā, & pro potu ordinario, decoctum modo recensitum, injunxerunt, addito pro duabus dosibus, pulvere sequenti: *℞. Pulv. Epilept. March. Bezoardic. Sennert. alb. Specif. Cephalic. D. M. Corall. rubr. Sangu. Dracon. opt. a gr. XII. M. Div. in 2. part. æqual. D. S. zwey stärckende Edel-Hertz-Pulver, davon j. in etwas Suppen.*

Die 14. Dominum Joannem Dietericum Hesse, magni, quod hic Regiomonti est, Electoralis Nosocomii Magistrum, Dni. Licent. Godsched focerum, tum temporis decumbentem, visitabam, præter amicos alios & Dn. Licentiatus aderat, qui dum inter nos colloquebamur, modo de Dno. ægroto relata, ibidem referebat, simul a me, quid de malo hoc sentirem, poscens; sciscitante vero me, quis in effluente per foramen materia, cerneretur color, non rubrum eum, ut ex diploë emanantem esse sanguinem conjecturandum sit: sed bene concoctum & perfectum pus id esse, quod effluebat, aiebat: ad quod ego inquebam, me ex dictis colligere, nihil nisi abscessum, Cerebro seu duræ Matri adnatum, gravia hæc symptomata excitaſſe, qui, collecto in se sanguine, per putrefactionem in pus cocto, vomica sursum versus rupta, pus fuderit, pure vero exitum non inveniēte, eum tamen sibi parante, acredine ejus ossa bregmatis peresa, sicque per fistulam seu foramen illud, viam patefactam fuisse, quo nido suo ad cutem erumpens, istum tumorem, ovi gallinacei indicis magnitudinis, formaverit, hanc etiam causam esse, quod vulnus non coalescat, sed indefinenter adhuc pus stillet. Objiciebat contra Dn. Licentiatus, loci hujus, pro Apostematis generatione ineptitudinem; cum enim certum foret, pus non, nisi ex sanguine, per dissolutionem a massa sanguinea alienato, atque per sanguifera vasa, ad locum deposito, ibique calore suo privato, fieri posse, vasa vero adeo ampla, nec in Calvaria, nec Meningibus inveniantur, abscessum etiam, & sic quoque pus, his & similibus in locis, generari non posse, veri esse simillimum. Ad quod ego respondebam: Si de statu naturali modo adducta intelligenda forent, non habere me quod contradicerem, de statu præternaturali vero notum esse, sæpe talia in eo contingere, quorum generationis ratio, sagacissimos etiam Physicos lateat; neque putandum,

absurdum esse , statuere Abscessus seu Apostemata , ad Cerebrum & Meninges nasci posse , propterea quod sanguini ad has partes advehendo , vasorum ejus capacitas facile sufficiat : præterquam enim quod ampliores arteriarum Carotidum rami , Meningi duræ , ejusque Duplicaturæ seu Falci , varias arterias largiantur , paulo infra quoque Choroidem subjacere plexum , qui totus ex innumeris arteriis , a Carotidibus Cervicalibusque oriundis furculis , inter se complicatis , sit contextus , per quam innumerabilium vasculorum copiam , sanguis satis copiosus , toti Cerebro affundatur , ut ita apostemata quam facillime istic generari posse , satis sit perspicuum , interim me experturum , num die crastina , post Trepanationem , rem , prout opiner , sint offensuri.

Post horam , hujus diei vespertinam tertiam , inspecto vulnere , cranium denudatum , inque ipso , Suture Sagittalis , & Coronalis concursu , malæ sedes comparuit , ipsumque os , asperum & scabrum , carneque spongiosa & ad magnitudinem unguis minoris accedente , obfessum , fuit repertum , atque stylus in Cranii foramen adactus , alte penetravit : resecta itaque carne luxuriante , vulnus deligatum fuit : ipse Dn. ægrotus vero , tam vesperi , quam sequenti mane , pulverem accepit præcedentem.

Die 15. supra nominati Dni. Medici & Chirurghi convenerunt , atque primum Trepanum jam applicassent , nisi in crastinum operationem hanc differendam esse , tum labia vulneris Trepanum impredientia , tum obstacula alia id dissuassent. Unde diductis magis labiis , & excissa , quantum potuit , carne spongiosa , deligato vulnere , quietem ægroti , & usum pulveris de die 13tia Octobris , injunxerunt : nocte exacta , quam varia infomnia , ob instantem Trepanationem interturbaverant.

Die 16. Trepanum primum (1) adhibitum fuit , atque perforato Cranio , excissum officulum (a) exemptum , tota sua interiori lamina (b) cariem passum , sub ipsa Calvaria vero , ad Matrem duram , fungosa caro , (c) per totum foraminis spatium & latius adhuc expansa , ut & pus ad latus foraminis dextrum (d) promanans , in conspectum venerunt. Singulis res hæc altiore meditationem ; quo enim affectus hic rarior , eo etiam gravior , curatuque difficilior habitus fuit : visum est propterea è re esse , plures accersere Medicos , & cum consilio aggredi curationem : interea tamen , mistura sequens , cum speciebus pro decocto , loco potus ordinarii capiendi , fuerunt ordinata. \mathcal{R} . ∇ . Ceras. nigr. \mathfrak{z} ii. lil. convall. c. v. \mathfrak{z} i. Borrag. Bugloss. Rosar. Cinam. f. an. \mathfrak{z} ii. Syr. fl. Tunic. Pæon. an \mathfrak{z} vi. acetosif. Citr. \mathfrak{z} j. ocul. \mathfrak{z} . *Prep. Specif. Cephal. D. M. Pulv. Bez. Sennert. alb. an. \mathfrak{z} ß. Cinniabar. $\frac{1}{2}$ ii. \mathfrak{z} i. S. Hertz und Haupt sterkennde Mixtur davon dann und wann, biß 2. Löffel voll. It. \mathcal{R} . Rad. Chin \mathfrak{z} j. Sarsaparill. \mathfrak{z} ij. Cichor. \mathfrak{z} j. Sem. fennicul. \mathfrak{z} ij. Ceresfol. \mathfrak{z} iß Coriandr. \mathfrak{z} ij. Cort. Cinam. \mathfrak{z} j. Fruct. Dactyl. recent. num. v. ex concis. & contus. f. l. a Spec. D. S. Kräuter zum Tranch.*

Die 17. Symptomata nulla observata , nec fungus immutatus apparuit ,
ex

ex vulnere fragmenta quædam ossea exempta, stylus, latus dextrum versus, sub Cranium, minus vero sinistrum versus, adigi potuit; vulnus itaque deligatum debiteque munitum fuit, & Cerevisiæ potus, Decocto Passular. addito, concessus; unde alvus laxior reddita: concessus quoque pro recreandis spiritibus, vini caliculus; vesperi eadem vulneris facies observata, eademque cura continuata.

Die 18. Et ego ad Dn. ægrum, pridie illuc vocatus, accessi, & præter supra nominatos Dn. Medicos atque Chirurgos, etiam Venerandum Facultatis nostræ Seniore, & tum temporis Decanum, Dn. D. Georgium Woseginium P. P. Ordinarium Secundum, ut & Dn. D. Philippum Jacobum Hartmannum, P. P. M. Extraord. illic offendi: resoluta itaque per Dn. Augustinum Grosmannum (qui & reliquas per curationem totam, operationes Chirurgicas perfecit) deligatione, in conditionem seu statum mali inquisivimus, quo probe perspecto, vulnus denuo deligabatur, adhibitis prius (quod etiam in deligationibus reliquis omnibus factum est) fomentis, ex præscriptis die 16ta, a primis Dominis Medicis, speciebus, facculis interpassatis & vino incoctis sequentibus *R. Herb. Betonic. Salv. Rosmar. Stæchad. Meliss. Citr. Flor. Rosar. rubr. Lavendul. Pæon. an. p. i. Sem. anis. Fænicul. Coriandr. a. ʒj. Cinam. acut. Mac an ʒiʒ. Ex concis. ʒ contus. f. l. a Spec. D. S. Kräuter zu Säckchen in Wein gekocht.*

His peractis, de cura recte instituenda consultabamus, casum venerando nostro Dn. Seniore ad artis præscripta, proponente, qui, quod tum officulum per Trepanum primum extractum, tota interiore sua lamina & ad latus sinistrum, tum & ossa Bregmatis superius magnam partem carie confecta cernerentur, sub Calvaria vero, fungosa caro, super matre dura expansa observaretur, & neutrius curatio citra excisionem institui posset, de ulterius applicandis Trepanis, nobis omnibus assentientibus, consilium dabat.

Die 19. Nihil tentatum, nisi quod tria cariosi ossis frustula, (quæ Dn. Patienti in manum tradebantur, forcipe incisoria fuerint abscissa. Incisio vero, seu cutis separatio, in diem posterum differebatur: comedit bene, noctem vero, forsan (ut & ipse Dn. Patiens putabat) propterea, quod sustinendorum postera die dolorum maximam animo impresserat acerbiter, habuit inquietam.

Die 20. Discissa cute, & incisionum labiis, (e) cum Pericranio a Calvaria extrorsum avulsis, pro applicandis Trepanis sufficiens spatium parabatur, larga subsequente hæmorrhagia, omnes tamen has effrenati doloris vehementias, tam incredibili cum animi robore perpetiebatur, & cohibebat coercebatque intra sese Dn. Patiens, ut nullas voces indecoras, nec gemitum aut suspirium ederet, imo caput, toto operationis tempore, per se, sine ullius adjumento, adeo immotum tenebat, ut nec latum culmum situ suo id movisse, verè dici possit: facta incisione, in conspectum veniebat caries, in Sagittali Sutura (f) a Coronali (g) incipiens, atque Occiput (h) ver-

versus tendens , cum protuberantia in fine spongiosa , (i) vulnere magna satis linamentorum discerptorum , seu stupæ quantitas imponebatur : per diem ut & noctem , sensit Dn. Patiens , in incisionum labiis , dolores adurentes punctorios, qui & appetitum prostraverunt , somnum item interceperunt. Sequenti

Die 21. scilicet , iterum convenimus ; stupa de vulnere medio auferebatur , reliqua vero , in incisionum extremitatibus puta , quod firmitus , & quasi conglutinata is adhæreret , nec sine subsecuturæ hæmorrhagiæ periculo avelli posset , intacta relinquebatur. Horis promeridianis , Cariei , in Sutura Sagittali , longitudinem circino dimetitus sum , quam , ut (k) monstrat , inveni. Cibum melius sumpsit , somnum etiam melius capere potuit , qui profundus fuisset , nisi ob dolorem , ex impressione labiorum vulnere , quoquo versus caput inclinaret , incitatum , sedendo dormire coactus fuisset.

Die 22. Ob Dn. Grosmanni , statim , facta matutina deligatione , iter unius diei rus suscipientis , abiturum , Trepani applicatio adhuc procrastinanda fuit , a meridie bene habebat , nisi quod quandoque a doloribus punctoriis , alternatim illapsis , mox tamen evanescentibus infestaretur ; in absentia Dn. Grosmanni , Dn. Viviani & Fuchs , circa vespere , fomenta ex vino calido , adhibuerunt , Oleo Rosaceo caput inunxerunt , & deligationem perfecerunt , cœna & somnus modicus subsequiebantur , hic tamen , ob dictam modo causam , aliquoties fuit turbatus.

Die 23. Trepanationi destinata erat , ad Dn. ægrum , ut operationi adesset , congregati eramus omnes , sella , cui Dn. Patiens insideret , dum operationes perficerentur , suo loco erat collocata , mensulæ , ad hoc accommodatæ , Trepani partes , Manubrium scilicet seu vertibulum , ut & Modioli , tum mas tum foeminæ , vectis item & reliqua ad operationem hanc spectantia , decenter erant imposita , cunctaque parata. Antequam vero quispiam nostrum advenisset , primus omnium accesserat ad Dn. ægrum , vir Pl. Rev. Dn. Dietericus Farver Sel. El. Brand. Concionator Aulicus , & Eccles. Reformat. quæ hic Regiomonti Prussorum est , pastor prim. qui de affectu hoc , ejusque cura , ordine retulerat , & tota urbe pervulgatum , & a viro , eruditione experientiaque excellentissimo , qui curatissime rem hanc totam expendisset , se intellexisse , malum hoc tale esse , quod sanari non possit ; curamque adhibitam omnem , opprobrio & ignominia medicantibus cessuram ; hunc ægrotos tractandi modum nimis asperum esse ac diabolicum , ac propterea ad Diabolum in Italiam , unde lectiones hæc apprehensæ & ad nos allatæ sint , relegandum esse : plus quam certissimum esse , ægrum sub ipsa operatione , animam expiraturum ; quare se , a viro isto admonitum esse , ut ipse Sacerdos , salutem animæ ejus , tanquam oviculæ suæ , prospiceret , ipsumque ad mortem præpararet ; & quæ ejusmodi fuerant alia ; quibus auditis Dn. Patiens , qui hactenus , plus satis animose quoscumque etiam acerbissimos dolores perferre , apud animum , imperterritus , constituerat , præter morem

morem suum tacitus, quasi re atroci percitus, & a proposito averfus, videbatur, ac quasi magni aliquid secum volvens, stabat; aspiciebant se invicem adstantes reliqui, ac inter se mussabant; ego, quid sibi vellet hæc cunctatio nescius, quid expectaremus, & quare nondum opus aggredieremur, interrogabam;

Ad hæc, ad me conversus, vir modo nominatus Pl. Rev. num adhuc in proposito, de admovendis trepanis, persistendum esse putarem, ex me quærebat; quod cum affirmarem, & nos etiam propterea, statuta hac die & hora, ut de constituti, post maturam consultationem, consilii sententia faceremus, convenisse, dicerem; objiciebat hic, sine maximis doloribus operationem hanc perfici non posse, & nihilominus tamen, remedio eam esse non posse, quare potius prognostico naturæ (ut loquebatur ipse) relinquendum esse hoc negotium, censebat, cum satius sit, sic paulatim æquo animo vitam expectata morte finire, quam immensis dolorum cruciatibus confici, atque vita defungi; regerebam ego ad hæc proposita; si prognostico naturæ Dn. Patiens relinqueretur, nihil certius ipsius interitu expectandum esse; prout enim indubitatum sit, ex naturæ debilitate ac errore; sanguine nempe corrupto & ad Cerebri Meninges extravasato, malum hoc fuisse generatum, ita quoque negandum non esse, naturam se sola, a Medico non adjutam, ei mederi non posse; porro, præterquam quod malum hoc partem prænobilem, Cerebrum scilicet, spirituum animalium officinam atque nervorum originem, occupaverit, (quapropter eo periculosius æstimandum sit) Calvariam insuper etiam invasisse cariem, de cujus natura constet, eam, malum tale esse, quod, semper ulterius serpendo, partem quam occupavit, sine mora, mox totam pervadat, nec nisi ferro & igne se tolli sinat, ut propterea metuendum sit, si omni ope destitutus Dn. Patiens relinqueretur, brevi Calvariam totam, carie adeo confectum iri, ut cortici cucurbitæ non absimilis sit evasura.

Verum enim vero, nondum his acquiescebat vir hic Pl. Rev. sed dilemma quoddam se propositurum, & quid ad illud respondere possim, experturum, pergebat; erat illud sequens: posito, inquiebat, certum esse, quod modo ex tua dominatione percepi, quod & nemine dissentiente, Medicos omnes affirmare, asseruit, quod scil. si prognostico naturæ Dn. Patiens relinquatur, ipse mori necesse habeat; certum tamen quoque est, & negari non poterit, operationem hanc Chirurgicam, sine acerbissimorum dolorum illatione, perfici non posse; & quamvis etiam sustineatur, mortiferam tamen esse, ut eam perferens, nihilominus e vita discedere habeat necessum; cum autem utrinque, utrumcumque etiam horum eligatur, interitus Dni. Patientis, & sub trepanatione quidem, cum immensis doloribus, citra eam vero, sine horum ullis, is expectandus sit, omittere eam, quam instituere, fane longe satius fore, putabat.

Percepta hac, viri hujus sententia, sequentia regerebam; ad primum quod attinet, dicebam, firmissimo illud stare talo assertum, & neminem, quam

leviter etiam in Medicina versatum, latere posse, cariem, ut paulo ante jam dictum, malum tale esse, quod naturæ errore & debilitate quidem excitetur, sua vero sponte, iterum sanari nequeat, sed ferro potius & igne auferri postulet, ut hinc plus quam certissime constet, si prognostico naturæ, Dn. Patiens, sine cura relinqueretur, diem suam extremam, certo certius esse subsequuturam: nec tragici hujus eventus diuturnam sibi promittendam esse moram, addebam, sed velle me tempus ponere longum, annum scilicet integrum, cum vix ad quadrantem ejus, ille se sit extenturus, neque opinandum esse, & tunc, tanta cum animi quiete & tranquillitate, uti cernebatur, Dn. Patientem vita defuncturum, sed verendum, ne gravissima symptomata, ut febris putrida, convulsiones, epilepsia, apoplexia, deliria, furores, & id genus alia præcedant.

Secundum vero quod concernebat, in totum negabam trepanorum usum adeo esse internecinum, ut necem alicui attulisse eum, fuerit observatum: de trepanis posse me verissime asseverare, sæpius me vidisse, quod ea requirantibus, adhibita fuerint, tantum tamen abesse, ut quemquam inde mortuum fuisse, unquam observaverim, ut contra, singulos & omnes in pristinam sanitatem restitutos fuisse, sancte attestari possim: neque cogitandum, nos, temere & nullo consilio, hic aliquid suscepturos esse, sed prævia deliberatione de consilii sententia, qua statutum sit, Dn. Patienti, non nisi hoc modo consultum iri, nos cuncta facere velle; non leve etiam in arte nostra levitatis, non dicam ignorantiae, indicium esse, nec Medicum decere sic facile bene coepto desistere: in mentem tunc mihi veniebat de verbis Hippocratis 2. *Aph.* 52. *omnia secundum rationem facienti, si non succedant secundum rationem, non est transeundum ad aliud, manente eo, quod ab initio visum fuit;* quæ ex aphorismorum libello, quem mecum portare soleo, prælegebam, subjungens; si secundum rationem facienti, etiam si omnia secundum rationem non succedant, ad aliud transeundum non sit, quanto minus mutandum consilium erit, ubi nondum vel quicquam infructuose inchoatum, nedum dubitandum, quin eventus prosper sit subsequuturus. Porro, duo simul, quod probe notandum foret, hic se nobis offerre mala, monebam; alterum meningis duræ sarcoma fungosum esse, cariem calvariæ, alterum: utrumque curationem sibi postulare peculiarem; utrumque vero & trepanorum adhibitionem requirere; de fungosæ excrescentiæ etenim latitudine, in quantum nempe ea se extenderit, cum non constet, in eam ante omnia inquirendum, & tum, medicamentis ei opitulandum esse, cum vero, citra bregmatis exsectionem, nec latitudinem detegere, neque medicamenta ei adhibere, detur, trepani applicationem esse quam maxime necessariam, cuivis esse in propatulo, parilem quoque alterum malum, quod calvariæ caries sit, in amotione sui, requirere curationem; cum namque (ut supra jam expositum sit) os cariolum, in gratiam redire cum sano, non possit, nihilque omni cura & studio, nisi prius demortuum, aut exuratur, aut exsecetur, proficiamus, ignem tamen, nec actualem nec potentialem, malo huic admoveere conveniat,

niat , propterea , quod intra cranium illud oriundum sit , atque sic perfacile sit conjecturare , cariem , geminam quidem cranii laminam peredisse , eam tamen , magis per internam quam externam , extentam esse , hincque necessario per trepanum , vitiosum auferendum esse , indubitate remanere . Posito itaque (non tamen concessio) trepanatione hac , nihil in fungi sanatione expediri posse , (tale quid namque audentes , absurdum expedire velle , divulgatum erat) satis multum tamen nos præstitisse , haud diffitendum fore , si operatione hac , solummodo calvariam carie liberaverimus , cum tamen nihilo secius sola & unica hac , simul carnem fungosam totam detexerimus , pro cuius curatione , trepanatio , seu præparatoria tantum , viam nempe ad eandem parando , necessario requisita fuisset . Persuadere præterea nobis , pergebam , ne a proposito averteremur , constantem Dni . Patientis animum , quo voluntarie ad sustinenda trepana sit propensus ; persuadere idem , & constitutionem ejusdem corporis firmam , qua ad calvariam usque corpus totum bene se habere , ac sanum esse , conspiceretur , bene eum insuper dormire , cibum & appetere & bene concoquere , alvum in excernendo , debitum præstare officium , somnum nullatenus observari læsum , deesse & quævis symptomata alia , non levi sane argumento , viscera , tum nutritioni , tum reliquis naturalibus functionibus dicata , in incolumi adhuc permanisse statu . Denique ut in sententia perseveremus , nobis calcar addere , & spem bonam prælucere , tot per trepanationes felicissime sanatorum exempla , quibus fretus , nullus dubitem , nostrum etiam Dn . Patientem in numero esse per trepana sanandorum .

Hæc a me dicta , magnam viro Pl . Rev . movebant admirationem , ut palam profiteretur , se persuasionem viri illius eo inductum fuisse , ut pro certo habuerit , trepanum , sine interuisione Patientis , adhiberi non posse , quod si vero , ut modo audivisset , exempla videlicet per trepana sanatorum proflare , verum sit , de quo & ipse non amplius dubitaret , rem sane longe aliter , ac sibi imaginatus sit , se habere , nihilque esse , quod amplius contradiceretur . Ipse etiam Dn . Patiens , sermones nostros interpellens , in sequentia erumpebat : (*In Jesu Nahmen , ihr Herren , ich hab mich in ihre Gervalt gegeben , sie machen mit mir , wie sie es gedencken zu verantwoorten*) Domini mei , subdidi me potestati vestræ , peragite in me , in J E S U nomine , quæ a vobis defensum iri , confiditis ; atque sellæ , huic negotio apparatus , insidens , Dnum . Chirurgum , de officio suo intrepide exequendo cohortabatur : opus igitur aggressi fuimus , atque secundum & majus trepanum (2) fuit applicatum , cum successu optimo , & summa ægri tolerantia , qui nec de ullis conquerebatur doloribus ; solito tamen major quantitas sanguinis , per ipsam trepanum , cum ad Diploën deventum esset , ad cochlearia tria vel quatuor circiter , subsequēbatur ; ipsum os excisum vero , firmum ac sanum , ac valde crassum , (1) nisi quod aliquo modo , in inferiori tantum lamina , ut (m) monstrat , carie arrosum esset , reperiēbatur : ipsum trepani foramen ,

(n) floridus adimplebat sanguis, cui linteolum, oleo rosaceo imbutum, atque stupa, quantum sufficiebat, imponebantur.

Ad tertium trepanum progredi, vetabat dolor oculi istius lateris, nempe sinistri, quem sub ipsa terebratione fere dimidia, & ad singulas quoque trepani adactiones, Dn. æger persentiebat; tum &, quod differri illud si foret possibile, ipse postularet, quia se viribus ad aliud ex alio subsequens, perferendum, imparem futurum putabat; facta itaque deligatione convenienti, inturbatus relinquebatur. Prandium, ob appetitum prostratum, fuit exiguum. Hora secunda promeridiana. ad instituendum trepanum tertium conveneramus, quoniam autem dolores oculum vehementiores invaserant, qui necdum intermittebant, sed ad qualemcumque; in facto modo foramine, pressionem, augmentabantur, in crastinum illud differre, consultum videbatur: resoluta fascia, scrobiculus trepani, (n) fluido simul & florido sanguine plenus, inveniebatur, facta itaque debita deligatione, præter quod aliud quid occiperetur, die hac Dn. æger sinebatur; mansit incoenatus, & noctem traduxit insomnem, quod ingravescentibus oculi sinistri infestaretur doloribus, qui circa tempus matutinum, aliquantum remiserant.

Die 24. Cum successu optimo instituebatur trepanisatio tertia, (3) sanguinis tamen, pari ut in secunda, ubi ad Diploën perveniebatur, subsequente quantitate, constanter pariter hanc, ut antecedentem, & sine magnis doloribus, Dn. Patiens perferebat, sub ipsa terebratione tamen, dolores in utroque oculo incidenter affligebant, qui tamen statim, cum operationis fine quoque finiebantur; gratulabatur sibi de successu bono Dn. Patiens, spe subsequituræ felicis curationis fretus, hinc dextra sua, meam, sub ipsa terebratione, prehensens & premens, bene negotium, ad me inquebat, Deo auxiliante cessurum, & obtrektoribus nostris probro futurum, confido: *Ich mercke, es wird durch Gottes Hülffe gut gehen, allen unsern Feinden zu Spott und Schande.* Peracta trepanatione, modo debito deligabatur. Officulum exemptum, nulla carie infectum, sed lamina sua tam exteriori (o) quam interiori (p) solidum, omnibusque partibus incorruptum deprehendebatur. Prandium fuit modicum: post meridiem, de aliquali solum virium imbecillitate conquerebatur; cœna fuit brevis, vel nulla potius; noctem habuit insomnem, ob dolores, in foramine præprimis ultimi trepani, & circa frontem perceptos fere continuos; circa noctem mediam circiter quoque siti vexatus, adeo, ut de decocto sumere fuerit necessitatus: sequens etiam balsamus, quo nares & tempora, sub ingressum lecti, ad somnum conciliandum, linerentur, præscriptus fuit: *℞. Extr. Opii Croci an. ʒß. Ol. stillat. Mac. gt. vj. Nucist. q. s. f. l. a.* Unguentum D. S. *Stärckender Balsam, zum äusserlichen Gebrauch.*

Die 25. Ut ad bidui spatium, in excindendo reliquo osse, cessaremus, petiit, quo tempore vires se recuperaturum, sibi habebat persuasissimum; quare, deligatione tantumdem facta, quieti relinquebatur; ante prandium ad sesqui horæ spatium, dormivit, cessarunt pridie allapsi dolores, & prandit
fatis

fatis bene, post meridiem satis erat vegetus, nisi quod bis, terve, circa frontem imprimis, pungentes, mox tamen evanescentes, perciperet dolores, coenavit satis bene, noctem habuit quietam, nec ullos capitis dolores sensit.

Die 26. Mane, capitis dolores, ad oculos & frontem imprimis ingruentes, non tamen diu, (dimidiam horam circiter) durantes observabantur; facta fuit deligatio, post etiam satis bene pransus fuit; post meridiem sequens, a Dno. Viviani subministratum, applicabatur defensivum, quod *R. Ol. Rosar. Myrtillor. Succ. Plantag. Solatr. an. ℥j. Bulliant omnia simul, ad consumptionem succi, postea colentur & demum adde; Sangu. Dracon. Terr. sigillat. Bol. armen an ℥iij Santal. alb. Myrtill. an ℥j. Acet. alb. ℥β. f. l. a. Linimentum.* Coenavit largiter, noctem vero insomnem fere, sine ullo tamen capitis dolore, peregit. Operationibus his absolutis, seorsum collocutus mecum Dn. Patiens, se, reliquos Dnos. D. D. excepto Dno. Lic. Gottsched, Medico tunc suo ordinario, abdicaturum, mihi exposuit, voluitque ut de meo consilio, reliqua perficeretur curatio, utque ad finem usque huic praeferem, a me poposcit.

Die 27. Serrulis rectis, interstitia foraminum, modiolis factorum, discindere tentabatur, ob ferrularum autem ineptitudinem, duæ tantum lineæ (q) seu delineationes, pro instituendis sectionibus, accommodissima, ductæ fuerunt, leviter tulit omnia Dn. Patiens, post vero, ante prandium, iterum per semi horam, ad oculos, capitis sensit dolores, pransus tamen est satis bene; post meridiem bona fuerunt cuncta, ad horam quartam usque, ubi forcipe incisoria, aliquot frustula ossis, inter primi & secundi trepani foramina, exempta, foramina item extensa, & deligatio facta fuerunt, coenavit bene, & sine dolore, cum aliquali somno noctem traduxit.

Die 28. Tam ante, quam post meridiem, nihil fere, ob ferrularum commodarum defectum, præter deligationes, institutum fuit; interim satis bene se habuit, satis bene comedit, atque bene dormiendo, postquam ad horam nonam usque nocturnam, ab amicis & cognatis, secum coenantibus, blandis conversationibus exhilaratus esset, sine dolore, quietam habuit noctem.

Die 29. Mane, ferrula magis aptata, in utroque latere, (q) per Diploën usque, cum summa Dni. ægri tolerantia, linea, seu designatio dissecandi cranii ducta, aliquoties quidem dolores excitati fuerunt, qui tamen paulo post evanuerunt: pro fungi exsiccatione, in trepanum primum (1) (per illud enim is potissimum excrefcebat,) *Decoctum Divinum*, quod habet Scultet. *Armament. Chirurgic. Observ. XIX. p. m. 216. sequens* fuit immissum: *R. Vin Malvatic. ℔. jβ. Rosar. rubr. p. jβ. Betonic. Matrisylv. Pimpinell. Centaur. Stæchad. arab. an. p. ij. Rad. Aristol. long. Ireos. Flor. Cort. Thur. an. ℥ij. Bulliant omnia ad consumptionem duarum partium, sed rosæ ebulliant ebullitione unica) & colentur. Colaturæ addantur Mellis Rosarum optime despumati ℥ij. M.* Exinde cibum bene cæpit; satis alacris post meridiem reperiebatur, fuit deligatus, adhibito iterum decocto dicto, secando tamen nihil

quam tentatum: cœnavit bene, noctemque habuit tranquillam, cum somno modico.

Die 30. Serrula iterum adhibita fuit, atque ubi interior quoque lamina perfecta videbatur, quamvis cohæreret adhuc, vectis per primum trepanum (1) parti sinistræ, (r) super fungo, submittebatur, (simulac enim extra fungum, dura mater in secundi aut tertii trepani foramine, quam levissime tangebatur, intolerabiles excitabantur dolores,) sursumque pars illa, ad futuram sagittalem (f) usque effringebatur, quæ, qua faciem anteriorem, (r) & posteriorem, (s) cariosa plane inveniebatur; postea, fungi, quæ per sagittalem excreverat pars, (1) sine ulla doloris perceptione, & spatula quidem; seu ferro hebetè, separabatur: pariter & dextra calvariæ pars, (t) vecte elevabatur, quæ extrinsecus, (u) integra, intrinsecus, (x) magna ex parte carie derosa spectabatur, interiori etiam sua lamina, fungo tam firmiter adnata erat, ut erui non posset, & forfice abscindi eam oporteret, unde dolores acerbissimi, & in toto Cerebro, & ad oculos imprimis, inducebantur, ut etiam Dn. æger, (qui alias dolores quoscunque per operationes cunctas, insensibilis quasi pertulerat,) exclamare cogeretur, (*ave, ave, mein linkes Auge umb Gottes Willen, ihr Herren, was macht ihr?* ah, ah, sinistrum meum oculum, per Deum, Domini, quid agitis? sanguis etiam, ob separationem illam, large profluebat, quare immisso prius decocto sculteti, fascia imponebatur, atque quo sanguinis fluxus supprimeretur, hac die non solvebatur, sed circa vesperam defensivum reiterabatur; sensit eo tempore immanes, quales toto quatuordecim dierum spatio non affligere, dolores, qui ad noctem usque, donec somnus ingrueret, perdurarunt, quapropter cœna etiam modica tantum fuit; subsecutus tamen est somnus bonus & reficiens, absque ullis imaginibus aut insomniis, unde mane

Die 31. Satis alacer reperiabatur, facta fuit consueta hora 8va deligatio, præmissa inunctione decocti scultetiani: post deligationem, non leves iterum illapsi sunt dolores, ad prandium usque, durantes, qui tamen intra prandendum, quo cibus, in satis magna quantitate acceptus fuit, evanuerunt, ita ut horis pomeridianis, Dnum. ægrotum satis vegetum invenerimus: ad vesperam, iterum capitis dolores persensit, ad somnum usque affligentes, unde cœna exigua, & somnus interturbatus subsecutus; nocte in media, satis vehemens exorta fuit hæmorrhagia, ut pro coercenda ea, Dn. Fuchs Chirurgus, qui iisdem in ædibus commorabatur, fuerit accersitus.

Die 1. Novembris, Soluta ligatura, ad finem ultimæ incisionis, (y) in sinistro latere, sub incisione, dissecta prominens vena hunc effudisse sanguinem, reperiabatur, quod tamen, ab ipsa incisionis die, nondum contigerat: impediēbat hæmorrhagia hæc, quo minus apertura debite extergeri posset, & carptis filamentis obturari postulabat, facta itaque fuit cita deligatio, prandium habuit mediocre, aliquales tamen, non adeo vehementes vero, capitis dolores sensit, cum aliqua virium imbecillitate: post vespertinam quartam, instituebatur deligatio, sinistro tamen latere relicto intacto, ob hæmor-

hæmorrhagiæ metum, adhibendo decoctum sculteti; cœna fuit mediocris, subsequenter etiam vespere & noctem sine doloribus transegit, somnolentus quidem, somno tamen se non dedit, ob hæmorrhagiæ metum, quia caput sinistrorsum lecto imponere metuebat, donec primo diluculo, suadente Chirurgo Fuchsio (qui capite inspecto, nullum erupisse sanguinem invenerat,) in sinistrum latus se inclinaret, & sub ejus custodia bene dormiret.

Die 2. Facta fuit deligatio, imposito venæ in sinistro latere, (quæ tamen nullum stillaverat sanguinem,) pulvere styptico: malum alias in eodem inventum fuit statu, nisi quod supra denudatum os frontis; (2) & in secundo tertioque trepano, rubicunda puncta, (novæ recrescentis carnis primordia,) sparsim conspicerentur: prandium habuit largum, totaque die bene se habuit, vespere ingruente tamen, in ipso malo, quodammodo mordicantem, sensit dolorem; cœnavit mediocriter, & quietam sine doloribus, habuit noctem.

Die 3. Sine doloribus, alacer, totam peregit diem, probe prandendo ac cœnando. Mane, & sic unica tantum vice, die hac, recensito jam modo, fuit facta deligatio. (funda galeni dicta,) noctem, bene dormiendo, transegit, licet etiam aliquoties expergisceretur, statim tamen iterum obdormivit.

Die 4. Tota die, cuncta bene gesta, præterquam, quod post deligationem, per horæ fere spatium, dolores capitis non adeo leves, senserit: una facta deligatio; per tussim aliquoties a somno, qui satis quietus fuerat, expers factus: pro tussi infringenda, sequentes, a Dno. D. Hartmanno, antea præscriptas, accepit Rotulas: \mathcal{R} . *Chocolat. opt. ℥iij. Syr. Violar. opt. ℥iiij. ad consistent. coct. cum Sacchar. finiss. q. s. ∇. rosar. fragrantiss. solut. addatur sub finem parum Sp. rosar. veri. f. l. a. rotule.* Nulla tamen ex harum usu, percepta fuit tussis mitigatio.

Die 5. Modo pristino & tempore consueto, facta fuit deligatio; frustulum etiam fungi, obtuso quidem instrumento, spatula nempe, separabatur, quo facto, sanguis statim profluebat, & doloribus, levibus saltem, iisque paucis, ad oculos decumbentibus, afficiebatur: alias omnia bona, nisi quod tussis continuaret. Circino observavi longitudinem interstitii extremarum orarum, primi & secundi trepani, (α) signatam.

Die 6. Hora octava matutina, facta fuit deligatio, & pus inventum satis copiosum, foetor etiam perceptus fuit, quare commodum fuit visum, bis de die, deligationem instituere, quo vulnus crebrius expurgari posset: in trepanis etiam, nova caro accrescere observabatur. In sinistro seu secundo trepano quoque, (2) sinistrorsum foveola, usque ad Matrem duram, (cujus particula separata sursum prominebat,) descendens, conspiciebatur, unde, adesse ibi putredinem, suspicabamur, quapropter mel rosatum, pauxillo Sp. vini mistum, applicabatur. Dimensus sum circino, extremitatum trepani secundi (2) & tertii (3) distantiam, quam (β) monstrat. Post meridiem, denuo deligatus fuit, modo, priori plane simili, bene habuit; ast alvus, solito fuit laxior, quam lubricitatem tamen, Dn. Patiens, Saccharo, quod cum pyris recentibus assatis, contra tussim assumpserat, adscribebat, cum effec-

effectum talem ex dulcibus & saccharinis, in se, a tenera jam ætate, semper observatum sciret; dormivit bene, coena pro more modica antegressa, a tussi aliquantum magis, molestatus.

Die 7. Mane ac vesperi, more solito, deligatio fuit facta: mane, duo frustula parva, a meninge dura separata, vesperi vero unicum tantum, eximebantur, comedit & dormivit bene, reliquaquæ omnia, satis bona fuerunt.

Die 8. Iterum, solito more deligatus fuit, longitudinem distantiae, inter extremitates primi (1) & tertii (3) foraminis trepanorum, dimensus, eam, ut (γ) habet inveni. Foraminulis secundi trepani, per quæ, duræ Matris separatae particulae erant extractæ, ut & ei, quod ad sinistrum latus, in medio fere lineæ, a secundo ad tertium trepanum, detectum erat, stupa, melle rosato imbuta, indebatur; cæterum nihil fuit immutatum. Vesperi, parili modo deligatio expedita fuit. Cibus cum appetitu bono accepit, dormivisset etiam bene, nisi noctu advenientium, iterumque abeuntium rhedarum strepitu, de sommo excitatus fuisset.

Die 9. Bis deligatus fuit more solito; bene habuit, bene etiam cibum sumpsit. In vespertina deligatione, frustulum cranii desquamatum, intra primum & secundum trepanum, eximebatur. Nocte subsequente, quietus quidem fuit, non tamen multum dormivit, ob antegressum forte, ut ipse dicebat Dn. Patiens, somnum diurnum.

Die 10. Deligatus solito more fuit: iterum duo frustula, frontem versus separata, exempta fuerunt: cibo usus fuit sufficienti: vesperi sine deligatione nova relictus, bene dormivit.

Die 11. Sub deligatione matutina, iterum ad frontem, duo superioris laminæ fragmenta, seu desquamata ossicula, exempta fuerunt: tota die bene habuit, circa vesperam deligatus fuit: & cum ventriculi imbecillitatem metueret, meo persuasu, haustulum Sp. vini seu vini adusti, accepit; comedit bene, bene quoque dormivit, ad horam usque decimam; post eam, somnus fuit interturbatus.

Die 12. Mane, iterum exemptum fuit frustum desquamatum cranii bene magnum, (δ) ultra dimidium primi trepani occupans, nihil præterea die hac tentatum. Cætera quoque, bene se habuit.

Die 13. Omnia sicut antea, sic satis bona, præterquam, quod post deligationem, ingentes circa oculos, & in ipso malo non leves dolores, ad prandium usque persenserit, qui post prandium tamen, post unius horæ somnum, in totum evanuerant, vesperi deligatio tantum sicca, imposita stupa, fuit facta: noctem postea habuit bonam. Pro cruditate ventriculi corrigenda, suppeditatum fuit quod R. ∇. Mastich. Cinam. s. vin. Elix. ☉ rant. an. ℥j. ∇. Menth. s. Chamomel. an. ℥i℥. Tinct. Propr. Myns. ℥iij. Syr. Papav. rh. Jujub. an. ℥iij M. D. S. Haupt - und Magen, Mistur, davon nach Belieben Löffel weise.

Die 14. Bis, eodem iterum modo, deligatus fuit, mane etiam frustulum
 ossis

offis in medio fere primi & secundi trepani separatum, extrahebatur. Probe comedit, dormivit etiam bene, nec dolorem ullum percepit.

Die 15. Mane, Dnus. Viviani, ob Dni. Grosmanni abitum, deligationem perfecit, adhibito decocto consueto, ex sculteto defumpto, utet aliquanto mellis rosati, idem & ipse fecit vesperi. Comedit bene Dn. Patiens, quamvis aliquantum sensisset dolorum, perbelle tamen dormiverat.

Die 16. Bis, mane nempe & vesperi, deligatus, stupa balsamo rulandi imbuta, antea imposita: de reliquo, cuncta bene gesta; ipse Dn. Patiens, totam per diem hilaris, noctem etiam habuit satis quietam.

Die 17. Eodem modo cuncta peracta, circa noctem tamen, iterum dolores super oculis sensit, duas aut tres horas circiter, ad somnum usque durantes, post mediocriter dormivit, sæpe tamen somnum, tussis sat valida, turbavit.

Die 18. Bene habebat, ut ante, ita & nunc deligatus, vesperi sicca tantum facta fuit deligatio, sola imposita stupa & consueta fascia; post quintam vespertinam, prope a suis ædibus, ad germanam suam Dnam. sororem, Illustriss. Dni. Wolffgangi Christophori, S. R. Imp. Dapiferi Hæreditarii, S. Elect. Brandenb. Summi vigilarum Præfecti Chiliarchi, Fortalitii Pillavienfis Gubernatoris, nec non Capitanei Balgensis, relictam Dnam viduam visere, primo ubi per morbum illi pedem domo efferre licebat, ivit, in noctem mediam ibidem commoratus; bene comedit, nullosque sensit dolores, optimeque dormivit.

Die 19. Nihil fuit immutatum, cunctaque bene gesta; circa noctem sub ingressum lecti, numero septem hujus formulæ, deglutivit pilulas. \mathfrak{R} . MP. \mathfrak{F} ar. Querc. de Succin. Crat. an. 3ß. Resin. Gialapp 2ß. Aloes rosat. Troch. albandal. Rad. Turpeth. an. gr. v. cum. Spirit. Rorismarini fiant Pilul. ex scrupulo no. IX. de \odot D. S. Haupt-Reinigungs-Pillen, davon gegen die Nacht 5. biß. 9. Stuck.

Die 20. Sicca tantum stupa imposita, deligabatur, malo tamen antea, melle rosato, parum Sp. vini myrrhati addito, eluto; in sinistro item latere, laminæ superioris, separatum frustulum, fuit exemptum; bene habuit, prandio suas Dnas sorores & amicos excipiens: vesperi, sicca tantum stupa imposita, & deligatio facta, fuit: eo in loco, ubi sub matutina deligatione, frustulum illud offis exemptum erat, floridus confluebat sanguis, qui stupa abstergebatur; acceptæ pridie, vespere pilulæ, post prandium demum operationem suam ediderunt, quatuor alvi dejectiones causantem; coenavit post & dormivit bene.

Die 21. Mane, carni novæ, in primi trepani latere dextro, quoniam hæc depressior reliqua, nec æque feliciter ac ista, accrescere cernebatur, quo paria incrementa fumeret, balsamus Rulandi imponebatur, isti vero mel rosarum, Sp. vini myrrhato imbutum, superlinebatur, officulum pariter, in linea recta dextri lateris (ζ) separatum, vossella evehebatur: vesperi, mo-

do simili facta fuit deligatio, comedit bene die tota, circa noctem quoque, alvum deiecit, noctemque habuit quietam, cum somno reficiente.

Die 22. Bene habuit: in deligando nihil fuit immutatum, vesperi fragmentum ossis parvum, in dextris, ad trepanum tertium, (η) exemptum fuit; bibit postea chocolatom, & sub vesperam, ac lecti ingressum, syrupum de farfara accepit, nec tussi per noctem multum vexatus fuit.

Die 23. Frustra tria ossis, ad sinistrum, secundi trepani, latus, desquamati, non adeo parva, (θ) exempta fuerunt, circa vesperam autem, quoniam in vicinia commorantem Dnam sororem suam, Lib. Baron. S. R. Imper. Dapiferi Hæreditarii Dnam viduam, visitatum, domo exiverat, deligari non potuit; cæterum bene habuit, bene etiam, & maximam partem a tussi & doloribus immunis, dormivit.

Die 24. Ossis, ad tertii trepani latus sinistrum, separati portio, (ι) exhibebatur: deligatio, sicuti mane ita & vesperi, adhibito tantum supra nominato melle rosato, fiebat; tussis in totum fere intermiserat, cibum sub prandium ut & cœnam, bene cepit, ac totum diem, satis vegetus transegit, totamque dormivit noctem, a tussi vix vexatus.

Die 25. More solito, sicut die antegressa, bis fuit deligatus, nihilque immutatum, nisi quod sub deligatione vespertina, iterum ad tertii trepani latus dextrum, particula separati ossis, fuerit eruta; quamvis etiam hac die, tussis aliquanto increbuisse, bene tamen edit, beneque dormivit.

Die 26. Nihil fuit innovatum, tussim tamen magnam partem remisisse, observatum.

Die 27. Mane, sicut antea, vulnere melle rosarum myrrhato illito, perficiebatur deligatio; carni tamen recenti, quæ ossi denudato supercreverat ad primam (κ) & secundam (λ) incisionem, propterea, quod mollior iusto, & aliquomodo fungosa, inventa fuit, lene causticum, linteolum scilicet, alumine, Θ lo & pauxillo æruginis æris, in \dagger to vini coctis imbutum, ac siccatum, imponebatur, quod circa horam vespertinam quartam, escharam in duobus his locis, & citra ullum quidem sensum, jam induxerat, in crastinum tamen sic immotum relinquebatur, & caro nova reliqua, melle rosarum myrrhato, inungebatur: bene se habuit Dn. Patiens, cœnavit etiam bene; post cœnam, dominam sororem suam, Baronissam Truchsessiam de *Waldburg*, ejus in ædibus, visitavit, ad aliquam partem noctis ibi commoratus, postea dormivit placide, nullam tussis sentiens molestiam.

Die 28. Mane, eodem modo fuit deligatus, exceptis tertia & quarta incisionibus (μ) quibus causticum antedictum imponebatur, eschara item nondum separari poterat; vesperi pariter, eschara relicta, & tantum melle rosarum myrrhato, totius aperturæ caro, humectata fuit; perbene habuit, optime comedit, cubitum cum ivisset, paulo post obdormivit, & somno ita sopitus fuit, ut nec vigilis per noctem, ante ædium fores, sub cubiculi fenestra, horas singulas, & pastoritia buccina & concitata voce, intimantis cla-

clamores animadverterit : ante somnum tamen, aliqualem aurium, seu in capite, sensit fusurum.

Die 29^{na}. & 30^{ma}. Bene se habuit, neque aliquid in deligando immutatum aut observatum fuit, præter quod ista mane, ad ambo vulneris latera, causticum supra dictum, apponeretur, hac vero, eschara separata eximeretur.

Sequentibus mensis Decembris diebus cuncta in statum naturalem magis magisque vergere, ipsumque vulnus melius consolidari, observabatur.

Die 1. Decembris itaque mane, ad latus dextrum, ex trepani tertii (3) foramine, ossiculum eximebatur, & melle rosato, ut antea, illito, fiebat deligatio; vesperi vero, sine inunctione, deligatio perficiebatur, ita, ut tantum emplastrum diapompholygos, pro generanda cute, circumcirca imponeretur; qui deligandi modus, etiam immutatus ad diem usque octavum, retinebatur. Habuit bene Dn. Patiens, nec alias, toto hoc octiduo, aliquid notatu dignum occurrit, nisi quod

Die 3^{ta}, Aliqualia novæ cutis initia, fuerint observata,

Die 5^{ta}. Vero, ipse Dn. Patiens, in carpento probe velato, sub gelu acri, suam Dnam sororem, Illustris, Dni. Wilhelmi de la Cave, Ser. El. Brand. Generalis Vigiliarum Præfecti, Dnam. conjugem visitaverit, &

Die 6^{ta} vesperi, Causticum antea descriptum, ad frontem luxurianti carni, imponeretur, ac

Die 7^{ma}, nox aliquo modo fuerit turbulenta, cujus causam tamen, ipse, alterationi animi adscribebat, perceptæ ex casu amici, qui, cum vesperi, sub tempus deligationis, eum visitasset, vulnusque curioso nimis oculo, lustraret, ex horrifero hoc aspectu, animo linquebatur, adeo, ut cunctis orbatus sensibus, ad instar demortui, in terram concideret. Inciderat mihi, similis per omnia, apud Marc. Aurel Severini, *De Efficac. Medicin. lib. I. Part. II. Chirurgiæ quæ ad ossa pertinet. Cap. 3. pag. 137.* notatus casus, quem in ipso authore legendum, Dno. Patienti, quo felicius successuræ curationis spe, eo magis se erigeret, transmiseram, cujus verba, quod lectu digna videantur, ex authore huc appono sequentia: *Cæsar Bartholomæus Dominorum Avalos familiae apud Regem Hispanorum procurator Madriti, cum implacabili dolore capitis affligeretur, nullis ab internis nil ab externis remediis, quæ dico adhibuerat levatus, interdum quoniam doloris impatientia victus est, consultum sibi iri credidit, si, qua malum infestabat, & vis scalpri alte defigeretur, donec vitium inveniretur. Qua sic apertura cutis & calvaria confecta per hominem quem ad eam delegerat, atque enixe persuaserat, nescio quis in cranio tumor & viror, sub ipso vero increfcescens caruncula fungi modo reperta est; quibus vitiis & putrilagine deterfis liberatus a malo vir integre fuit.*

Die 8^{va}, nihil prorsus in deligationibus immutatum, post matutinam tamen, ad prandium usque aliquos capitis, habuit dolores, post meridiem vero, bene habuit, dormivit & satis bene.

Die 9. Mane, ad vulneris extremitates, massa emplastri opodeldoch, ad

cicatricandum, apponebatur, quod itidem vesperi factum, alioqui bene habuit Dn. æger, dormivit etiam satis bene:

Die 10. In deligationibus nihil fuit immutatum, atque adeo se habuit bene, ut ad quas modo actiones foret inhabilis, se nescire diceret, quieti tamen nocturnæ, tussis, quam ex frigidior aëre, post meridiem suam Dnam sororem Truchsessiam, in vicinia licet, tenuibus tamen tantum vestimentis vestitus, visitaverat, contraxisse se, ipse putabat, aliquomodo fuit incommodo, ad cuius mitigationem, Syrupum de farfara accepit.

Die 11. Bis quidem fuit deligatus, at eodem, quo antea, modo, pro cicatricando vero, vulnerum oris, *pulvis ex Myrrha, mastiche, rad. ireos & lithargyrio*, aspergebatur: circa noctem, pilularum antea descriptarum, novem numero accepit, nulla tamen earum operatione succedente, tussi satis multum afflictus fuit.

Die 12. Modus deligationum modo dictus, tam ante quam post meridiem, idem fuit continuatus, nondum cessavit tussis, bene tamen comedit, dormivit etiam sic satis bene, ter ex assumptis pridie pilulis ad alvum dejiciendam, excitatus.

Die 13. In deligationibus nihil fuit immutatum, & Dn. Patiens, ob abitum Dnæ. conjugis, quæ, domum, necessaria domestica ordinatura, ad dies aliquot abierat, apud Dnam sororem Truchsessiam de Waldburg, per diem integram, commoratus fuit, bene alias habens, præter quod tussis fuerit exasperata, pro qua mitiganda, syrupum de farfara, & circa noctem, extractum anodynum, ex præscriptione Dn. Licent. Godsched accepit, quæ tamen nihil profuerunt, tussi perdurante.

Die 14. Sub matutina deligatione, causticum supra-descriptum, tribus in locis, carni increfcenti, appositum fuit, & vesperi sicca tantum deligatio facta, atque eschara relicta; bene præterea habuit, tussis tamen fuit intensa.

Die 15. Mane, sicca deligatio facta, vulnus probe absterfum, & ab eschara purgatum fuit, cum post meridiem Dnum. Patientem, ego solus quidem visitare, de tussi molesta adhuc conquerebatur, cæterum optime habebat, nocte etiam subsequenti, & tussis aliquantum remisit.

Die 16. Mane deligatus, carni in vulnere luxurianti, mel rosarum myrrhatum allinebatur, alias nihil immutatum, habuit bene, tussis quoque fuit imminuta.

Die 17. Nihil novatum, Dnus. Patiens post matutinam deligationem, in rheda velata, per plateas aliquot, suam Dnam sororem, Illustr. Dni. Generalis de la Cave Dnam. conjugem visitatum adibat, apud quam & prandit, & cœnavit, ac cum reduce facta Dna conjuge, ad decimam usque nocturnam illic se detinuit, dormivit postea bene, tussis quoque maximam partem remisit.

Die 18. Vulnus melle rosato myrrhato, & pro cicatrice inducenda, epulotico pulvere adhibito, deligatum fuit, cæterum bene habuit.

Die 19. Sicca tantum deligatio instituta fuit

Die

Die 20. Exiguum officuli fragmentum, circa secundum trepanum per carnem prominens, eximebatur, alias toto decem subsequenti dierum intervallo, nihil mutatum, usque ad

Die 30. Qua quidem etiam nihil mutatum fuit, Dnus Patiens tamen, quo anno jam exeunte, pro præstito, in gravi etiam hoc morbo, auxilio, divinæ clementiæ, debitas ageret grates, tota die hac, quæ anni ejus postrema erat dominica, cultui divino, penetrabili premente frigore, sacris in ædibus (quæ in arce hic Regiomonti sunt) capite quidem, fascia chirurgica obvoluto, & mitra pellicea operto, interfuit: in arce etiam apud Dominum supremum Burggrabium pransus, apud Dominum Cancellarium, non procul ab arce, cœnavit, nox subsecuta fuit quieta

Die 31. Seu anni ultima, ad posteriora sinistra, incisionis, labia, mane causticum, ob carnem luxuriantem, apponebatur; optime habuit, vespere, ad epulum, a Dno Cancellario invitatus, in festiva hac recreatione, cum convivis aliis, in provectam usque noctem, fuit conversatus: bene insuper valuit, vulnusque singulos in dies coalitum fuit, & ita quidem, ut sequenti

Anno 1697. Nihil notatu dignum se obtulerit, præter quod singulis,

Die 14. & 16. Januarii, in medio fere vulneris, quod quasi nummi trium grossorum polonicorum magnitudinis (ξ) tum erat, minuta officula duo, tandemque

Die 23. Postremum, adhuc unicum, fuerint exempta, sicque malum hoc, paucos intra dies, sit persanatum. Hinc Dnus Patiens, gravi hoc malo, Dei gratia, liberatus, domum se recepit, atque ex eo tempore, sanitate, pristina firmiore, fretus, a vertigine, capitisque doloribus, quibus acerbè ante curationem infestabatur, immunis vivit; septimo etiam, ejusdem 1697. mi scilicet anni, mensis Octobris die, sibi natam filiam suscepit.

Resolutiones aliquot quæstionum, quæ circa tractationem hanc moveri possent.

Pag. 1. lin. 16. Q. I. Num iter, noctu, aere existente frigido, institutum, mali hujus causa dici possit.

R. Aerem, causam morborum, & quantitate & qualitate fieri, præclare, jam olim, docuit Hippocrates, *lib. de Flatib. VI. 1.* cum autem qualitatis potius, quam quantitatis vitio, aër agat, ut *Lud. Mercat. Tom. 2. Oper. p. 202.* ostendit, & inter qualitates, calor & frigus primas teneant, *conf. 3. aph. 1.* iste porro, *ad agendum, omnium sit efficacissimus, tenuet, fundat, molliat, digerat, rarefaciat, & heterogenea separet; hoc contra, crasset, gelet, congelat, induret, & tam homogenea, quam heterogenea congregat, constipetque, ac ad motum inhabiliora reddat. conf. l. c. Mercat. it. 1. aph. 13. & 14. ac 5. aph. 16.* malum vero hoc, ex inflammatione, sicque spiritus orgasmo & excandescencia potius, quam oppressione ejus, originem suam, traxisse, constat: evidens est, aërem hunc nocturnum frigidiorum, causam ejus, proprie dici non posse. Quod si vero quis urgeat, frigus externum, poros quandoque ita occludere, ut perspiratio, seu fuliginum expulsio, inde

impediatur, calorque in unum cogatur, unde corpora adeo incallescant, ut non raro febris excitetur, ei litem non movebimus; aërem istum nocturnum, mali hujus causam per accidens, dici posse, concedentes.

Ibid. lin. 19. § 22. Q. II. Quæ causa, quod intolerabiles capitis dolores, ad septimanas tres intermittentes, iterum ingruerint.

℞. Quod septem septimanis continuis, dolores capitis Dn. ægrum affligerint, propterea factum fuisse dicimus, quod eo tempore, sanguis ad cerebrum depulsus, illucque extravasatus, ibidem concoqui, & in pus converti debuerit, quod sine igne, seu calore naturali, præter naturam aucto, fieri non potuit; calore vero sic aucto, & sanguinem ad Meninges Cerebri depositum in pus coquente, quomodo has, non distendi & inflammari, erit possibile? ut inde abunde constet, quomodo unitas, seu continuïtas Meningum, soluta fuerit, atque dolores hos intolerabiles induxerit; sensu quippe exquisitissimo, Meninges hæ præditæ sunt, ut harum aliqua læsa, non etiam exquisitissimos excitari dolores, ab omni ratione sit alienum. Sanguine vero jam cocto, & ad maturitatem puris perducto, ulcerisque tunica peresa ac rupta, imensos hos capitis dolores desisse, absurdum non est; non enim aliter cum internis, quam externis comparatum est apostematis; de quibus, quod desinente inflammatione, post puris evacuationem, omnis etiam dolor, antea pulsabilis & urens, cesset, est notissimum, quare huic apostemati idem contigisse, non est dubitandum. Vertiginem vero hanc; post evacuationem accidisse, statuimus, inde, quod ex ulcere erumpens pus, cum non daretur exitus, inter cranium & Matrem duram collectum, in cavitate hac, (plerisque enim in locis dura hæc Meninx, cranium non adhæret,) substituerit, atque Meningibus incumbens, pondere suo, cerebrum compresserit, unde vertiginem inductam fuisse, non est mirum: quamvis enim de causis, vertiginem excitantibus, autores longe a se dissentiant, de eo tamen inter omnes convenit, causam propriam & immediatam non aliam esse, quam inæqualem, turbulentum, & inordinatum, cum humorum, tum spiritus, qui in Cerebro continentur, motum; sicut hoc præclare explicat Gal. *lib. 3. de loc. affect. c. 8.* Motum vero ejusmodi turbulentum & inordinatum, hic facillime pus Meningibus incumbens, easque pondere suo deprimens, producere potuisse, neminem latere poterit; atque inde etiam dolores capitis, tribus septimanis intermittentes, iterum ingruisse, arbitramur; dum enim pus, apostemate rupto, inter cranium & Meningem duram collectum, super hac confedit, & ulteriorem exitum sibi parando, bregmatis ossa, carie iis inducta, peredit, dolores cessarunt; quoniam Meninx dura, jam peresa fuit, & ossa tactus sensu carent; cranium vero pereso, dolores iterum ingruerunt, quia pus, per foramen factum, ad periosteum & pericranium, exquisitissimo sensu prædita, promotum fuit, quod, membranas has distendendo ac arrodendo, & dolores hos excitavit, & tumorem istum produxit.

Inibi. lin. 28. Q. III. Quid Tumor? Quid Abscessus?

℞. Voce tumoris, quodcumque, quod est supra id, quod est secundum naturam

turam incrementum comprehendere, ex Gal. *lib. de tumorib. p. n. cap. 1.* est manifestum, sicut & id, quod *abscessus, tumor sit per fluxionem factus lib. cit. c. 3.* ut hic sub illo, seu species sub genere contineatur: cum autem humoris confluentis, non una sit conditio, pro diversitate hujus, diversimode etiam abscessus inter se distinguuntur; commode tamen, sicut id Galenus *lib. 14. Meth. Med. c. 12.* innuit, duplex eorum genus constituitur: *unum, cum phlegmone in pus versa, pus ipsum tanquam in sinu aliquo est collectum: alterum, cum nulla præcedente phlegmone, humor aliquis statim ab initio, isque alias specie alius, cæterum omnino acris, in parte aliqua colligitur.* Humor talis concoqui & in pus verti ineptus, quoniam alius quam sanguis est, inflammare partem, in qua collectus est, nequit, cum igne potius naturali sit privatus, quam quod in eo præternaturalis incendi possit. *Frequentissima hujus morbi sunt tria genera: Atheroma; Steatoma, & Meliceris, a similitudine contentarum in tumoribus substantiarum, dicta:* ut docet Gal. *loc. cit.* sicut autem a similitudine materiæ contentæ, quæ in pus verti non quita est, abscessus hi, sua nomina sunt sortiti ita etiam abscessus, materiam in pus transmutabilem continens, proprie abscessio & abscessus, id est ἀπόσασις & ἀπόσχημα dicitur. Vid. Galen. *in argumento Com. 3. in lib. Hipp. Quæ in Medicat. fiunt.* Qui etiam *in Finit. Medic. pag. 97.* definit; quod *abscessus sit corporum ex phlegmone in pus transmutatio* in quo significato & nos vocem abscessus accipimus.

Pag. 2. lin. 8. Q. IV. quid pus sit, & quomodo generetur:

℞. Pus, non nisi in apostematibus, & quidem post inflammationem fieri, ex modo adductis patet: cum autem inflammationem parere, humor nullus, nisi sanguis in partem depositus, possit, satis inde constat, pus nil, nisi putrefactum esse sanguinem; putrescere hic dicitur sanguis, dum suppuratione, in pus concoquitur cruor: puris hæc generatio, Græcis *ἐκπύησις* dicta, causam efficientem habet, naturam, quæ beneficio caloris nativi, omnibus, quæ in corpore nostro sunt, optimam, quam potest, formam inducere tentat; modus hujus concoctionis, *πεπασμός* maturatio dicitur, & media quasi inter *πέψιν* & *σήψιν* est: sicut enim *πέψις*, seu concoctio proprie dicta, est, cum beneficio caloris insiti, nutrimentum in corporis nostri substantiam convertitur; & huic contraria *σήψις*, putredo, cum ab alieno calore, insitum vincente & profligante, corpus corrumpitur; ita media quasi inter duas mutationes est *πεπασμός* maturatio, quando in benigniorem & meliorem statum, humores vitiosi deducuntur. Cum enim sanguis, in abscessibus extravasatus, sicque corruptus, caloris alieni particeps sit, & in alimentum corporis abire non possit, in pus mutatur. Neque enim, quod non omnia optimam formam obtinent, in calore & natura, causa est, sed in subiecta materia, quæ ad optimam formam recipiendam est inepta.

Pag. 2. lin. 29. Q. V. Quomodo periosteum & pericranium differant,

℞. Præter cuticulam, cutem & pinguedinem, tres istas membranas, panniculum carnosum scilicet, pericranium & periosteum, calvariæ integumenta
conf.

constituere, usu jam est receptum: est autem panniculus carnosus, membrana ista valida, fibris carnosis donata, sensu exquisito prædita; toti corpori circumtenfa, quæ in homine pinguedini, in brutis vero plurimis, cuti, proxime substernitur, quam, hac de causa horum plurima, mobilem habent, & muscas, aliaque infesta, motu isto excutiunt; in homine tamen, excepta fronte & calvaria, hæc non movetur. Huic subjicitur pericranium, atque huic subjacens periosteum, membranæ tenues, molles & nervosæ, & propterea acutissimo sensu pollentes; quarum illa nervosis fibris, per cranii serratas futuras, ad duram usque Meningem dimissis, cum eaque unitis, magnum cum hac consensum habet, ut propterea multi, pericranium & omnia totius corporis periostea, a Meninge dura statuunt oriri: hæc tenuior quam pericranium, cranio firmiter connexa, huic, utet ossibus reliquis, obtenditur, ut ejus beneficio, cum alias sensu tactus omnino careant, sentire dicantur. Et sicut cranio firmiter connectitur hoc cranii integumentum, ita etiam pericranio tam exacte jungitur, ut simul unam membranam constituere videantur; quam sententiam Fallopius, Laurentius, aliique foverunt, quibus alii contradixerunt, propterea, quod periostea nusquam musculos supergrediantur, sicut pericranium, musculos temporales transcendit; & quod a perito anatomico, membranæ hæ, accurate separari possint.

Pag. 4. lin. 6. Q. VI. Quid ad morbum cognoscendum excreti color faciat.

R. Cum affectum, tam qua existentiam, h. e. *An* & *Ubi*, quam qua essentiam, seu *Quis* & *Qualis sit*, non nisi ex triplici signorum fonte: *functione np. lesa, qualitate mutata, & excretis*, cognoscere detur: utriusque indicationem, hic, solum excretum exhibere poterit; quod naturæ dissentaneum, totoque genere p. n. fuisse, solus color, qui, in excreto quocumque (sive naturale, sive præter naturam illud fuerit,) præ qualitatibus reliquis omnibus, maxime observandus est, conf. 4. *Aph.* 21. & 40. perspicuum facere potuit. Quoniam etiam putandum non fuit, de essentia partis alicujus decessisse, quod hic excernebatur, cum nec sanguis, nec solidi cujusdam particula, sed purum putum pus id fuerit; pus autem aliunde, quam ex abscessu suppurato, ac rupto, provenire non possit, satis evidens est, abscessum suppuratum, omnes has creasse calamitates, qui non melius, quam ex effluentis corpore, seu materia, ejusque potissimum colore, potuit cognosci, ut propterea de colore materiæ prorumpentis, inquirere, pro cognoscendo hoc affectu, satis commodum fuerit.

Pag. 4. lin. 9. Q. VIII. Quomodo sciri potuerit, abscessum in Meninge fuisse, & quid pus coctum.

R. In parte interna abscessum, ex materia coctibili, id est sanguine, extitisse, ex pure erumpente facillimum est cognoscere; sicut enim pus, nisi ex sanguine, non vi, sed a natura extravasato, & in partem deposito, fieri non potest; uti supra dictum, ita in parte, unde illud egreditur, ulcus esse, necessario sequitur. Nihil enim aliud ulcus est, quam abscessus suppuratus, seu ad maturitatem perductus: nec aliunde *pus exit*, quam *ex ulcere jam ad sanitatem*

tatem spectante, ut docet Celsus, *lib. 5. cap. 26. n. 20.* unde ulcus adeste, ubi pus est, & vice versa concludere datur. Cum autem plurimum intersit, cognoscere, num crudum, num coctum sit, quod in abscessu continetur, siquidem apostema immaturum, vel vi, vel arte, apertum, nisi iterum coalescat; insolitis corpus afficit doloribus, & ut recrudescat, est necessum, certa propterea observata sunt, quibus ab immaturo, pus maturum distinguitur, indicia, quæ *l. cit.* recenset Celsus, *pus melius esse* inquit, *quo minus est, quo crassius, quo albidius: itemque si leve est, si nihil olet, si æquale est.* Tali itaque in hoc Dn. Patiente, per calvariam egrediente pure, ulcus fuisse illud, haud difficile fuit indagare; pariter nec difficile fuit cognoscere, in Meninge malum hoc fuisse: cum namque certo constet, pus, non nisi ex sanguine, eoque ad partem qualitercumque cavitatem aliquam naturaliter habentem, per vias ordinarias, seu arterias, extravasato & deposito, fieri, & neque cerebro, minusque adhuc calvariæ, vasa adeo ampla, quam quidem Meningi duræ tribuantur, hac etiam in parte, præ istis, abscessum constitui potuisse, est veri simillimum: nec obstat, vasorum, in hac quoque Meninge reperibilium, angustia; sufficit, amplitudinem eorum fuisse tantam, quæ pro sanguine, ad abscessum hunc generandum sufficiente, sufficiens, suffecerit; ut nihil statum præter naturalem, qui & hic maxime considerandus venit, memorem, in quo plurima, sagacissimis etiam naturæ scrutatoribus incomprehensibilia, sæpissime contingunt. Vid. *pag. 4. lin. 25.*

Pag. 4. lin. 17. Q. VIII. Quomodo apostema generetur.

℞. Quomodo apostema colligatur, optime declarasse videtur Hippocrates, quando *lib. IV. morb. XXV. 21.* ad similitudinem modi, quo Scythæ butyrum parant, præ violentia scilicet calefacto & turbato humore, id fieri scribit. Ubi nimirum in sanguinis massa, aliquid alienum aut heterogeneum continetur, hoc natura, ne præsentia sua noceat, soluto glutine seu vinculo suo, id est spiritu, qui omnium vita & vinculum est, a toto dissolvit, ac secedere facit. Hæc e vita discessio, *κατάλυσις*, dissolutio, præceptori dici solet: quoniam vero id, quod dissolutum est, communione, quam cum toto habebat, privatur, hoc est, emoritur, atque eum in statum abit, unde in gratiam redire cum natura, seu uniri iterum cum eo, a quo discessit, nequit, superest, ut auferatur, quod fit, quando illud, quod dissolutum est, & e vita discessit, secedit vel abscedit, quæ dissoluti segregatio *ἐκσασις*, id est alienatio per dissolutionem, dicitur; & duobus fit modis; *κατ' ἀπόκρισιν* vel *κατ' ἀπόσασιν*, quorum ista etiam *ἀπόκρισις* secessio simpliciter, sicut illa *ἀπόσασις* abscessio, ut plurimum dicitur: & sicut apocrisis est ecstasis conglutinati, ita apostasis deglutinati, sive ejus, quod secessionem fecit, & facere seditionem coepit: quam ut præveniat natura valens, peccantem cogit humorem absistere a massa sanguinea, & abscedere, vel extra corpus, vel aliam in partem; hoc enim Coo est *ἀφίσταθαι*. Quod si foras, dicitur apostasis *κατ' ἐκβύην ἢ ἐκβήν* per effluxionem cujus, omnis concitatum & confertim factæ fluxionis species, exemplum præbet. Quod si vero foras, vel emovere natu-

ra materiam languida, aut præpedita, nequit, vel emoveri materia se, per substantiæ modum non sinit, tunc fit apostasis κατ' ἀπόθεσιν, per depositionem, communiter abscessus dicta: quoniam vero depositi humoris abscessum facientis, conditio duplex est, ita ut vel fluxus is maneat, vel statarius fiat, prout vel quitus est, exitu facto, sponte aut sua dilabi, aut naturæ digeri, vel depositus coit, & in duritiam tum ipse cogitur, tum quam occupavit partem cogit, cedere loco nescius, nisi mobilis denuo factus concoctione, vel corruptione; hinc est, quod pro diversitate materiæ, abscessuum alii suppurabiles sint, alii ad suppurationem perducere non possint: constituunt vero genus suppurabilium, quorum materia sanguis est, hic enim depositus, inflammatione facta, in pus transmutatur, quo facto, ejusmodi abscessus, apostema & ulcus dicitur; ut ex Gal. lib. 14. Meth. Med. 12. sub Q. III. vidimus.

Ibid. lin. 19. Q. IX. Quid per locum intelligendum.

℞. Vocabulum loci, non uno apud authores venit nomine, præterquam enim, quod locus dicatur, quicquid continet corpus; statum etiam seu conditionem rei significat, prout variæ loquendi formulæ prostant, quibus res bono vel malo stare loco dicuntur: quandoque pro tempore & occasione accipitur: aliquando genus seu generis dignitatem denotat; sicut infimo, summo, nobili, ignobili, equestri loco aliquis natus dicitur. Non raro quoque loci muliebres, sunt, ubi nascendi initia fiunt, sive uterus; genitalia item loci vocantur. Apud medicos vero in usu est, corporis humani partes, loca nominare: sic in scriptis Hippocratis liber unus, cum inscriptione *de locis in Homine*; & apud Galenum sex, *de locis affectis* reperiuntur; quorum primum hic, his verbis incipit: *non solum recentiores medici, sed veterum quoque non pauci, corporis particulas, locos nominare consueverunt*; in quo significatu, nos etiam vocem loci, hic accipimus.

Pag. 5. lin. 3. § 17. Q. X. Quid fungosa & spongiosa caro.

℞. Nullam non in corpore partem solidam, & auctæ & imminutæ magnitudinis morbo, obnoxiam esse, quotidiana testatur experientia. Duobus autem modis, magnitudinis incrementum fieri, etiam est in propatulo; vel enim pars per suas dimensiones, easque aut aliquot saltem, aut omnes, æqualiter augetur, vel a decubitu unius partis in alteram. Quod si contingat secundum dimensiones suas partem augeri, accidit id ab humore, in substantiam diffuso: ubi notandum est, quod hoc magnitudinis incrementum fit, vel ob materiam utilem, vel inutilem. Ob utilis humoris copiam, sanguinem scilicet copiosius affluentem, augetur magnitudo in iis, quorum corpora carne & pinguedine nimium aucta, præter modum crassescunt; ob inutilem vero materiam, augetur magnitudo, si qualitate peccet & vitiosa sit, unde varia tuberculorum & ulcerum genera procreantur. Atque huic magnitudinis incremento, etiam fungi seu spongiosæ excrescentiæ annumerantur, qui nihil sunt aliud, quam excrescentiæ quædam, quæ, carnis mollis speciem præ se ferunt, & instar fungi partibus adhærent, quapropter & fungi nominantur,

tur, frequentius membranis cerebri, nonnunquam tamen & aliis partibus annascuntur. Conf. Galen. *Comm.* 3. in 3. *de Morb. vulgarib.* 49.

Pag. eadem lin. 15. Q. XI. Quid trepanum & quis ejus usus,

℞. Trepanum, seu trypanum, terebra, a τρύπα foramen, & τρέπω ver-
to, dictum, quod nempe terebra, vertendo, foramen fiat; instrumentum
est chirurgicum, ex terebrarum genere, quo, pro parte, in medio osse, ex-
cidenda, utuntur. Hodie operatio hæc cranio fere propria esse dicitur, anti-
quitus, cæteris quoque ossibus, communis fuit. Componitur autem duabus
ex partibus trepanum, alteram, manubrium seu vertibulum vocant, modio-
lum alteram, manubrium, excisum habet foramen, quo mediante, modio-
lorum apex, quotiescumque horum commutatio requiritur, prompte exci-
pitur & extrahitur. Modiolus, illa scilicet trepani pars, quæ circa os circum-
volvenda est, Græcis χοινίχιον dictus, ferramentum cavum, teres, imis oris
ferratum, denticulatumve est; (unde ferræ potius, quam terebræ genus,
quidam esse statuunt;) Recentiores aliud adhuc modioli genus usurpant,
quod non cavum, neque ferratum, sed alatum est; figuræ ejus vid. apud
Ambr. Paræum l. 9: c. 18. Modiolus porro duplex est, alter mas, qui in me-
dio clavum habet, ut in principio circumvolutionis, calvariæ firmiter in-
sistat, eique vestigium imprimat, alter clavum non habens, propterea fœ-
mina appellatur: fœminæ ejusdem exacte magnitudinis cum mare esse debent,
atque plures fœminæ in omni operatione, quo aliquoties mutari possint, ne
vel scobe pleni, vel ex circumrotatione crebra calefacti, operationem retar-
dent, quapropter & aliquoties refrigerandi sunt vel in aquam frigidam, vel
ol. rosaceum, immersione. Imprimis vero rectus perforationis locus eligen-
dus est: quare perforatio non fiat super pericranium, sed in osse bene denu-
dato, nec in loco futurarum, ne lacerata Matre dura, inflammatio excitetur:
neque ad tempora & sinciput, cum ea parte, interne vasa discurrant, quibus
ruptis, inter cranium & cerebri membranam sanguis, cum vitæ periculo,
effunderetur. Præcipue vero notetur, non in ipsa carie, sed adstante osse sa-
no, trepanum instituendum esse, ne in lamina interiore caries, in qua eam
latius, (quod ibidem initia sua sumpserit) expansam esse, conjecturandum
est, relinquatur, Conf. Celsus l. 8: c. 3. Hipp. VI. Aph. 18.

Ibidem lin. 16. Q. XII. Quid sit caries.

℞. Vulnera ac ulcera putrida, quidam medicorum, cariem nominarunt,
ut videre est apud Lud. Mercat. qui Tom. 2. Oper. p. 664. *de Morb. Gallic.*
l. 2. c. 7. scribit: *Quedam sunt ulcera, quæ citrà præcedentem morbum, solum
causa seu virulento humore exedente & depascente carnem sunt hanc cariem
nuncupamus; idem & repetit in fine cap. cit. & cap. seq.* Hæc & Galeni vide-
tur fuisse sententia, qui l. 4. *Meth. Med.* c. 5. *vulneribus iis, quibus cariem,
quam sphacelum vocant, instare est metus purgationem totius corporis conve-
nire docet.* Melius tamen vitium hoc a Galeno, aliis in locis, ossibus tribui-
tur: sicut l. *de Caus. Morb.* c. 11. *Fractionem & cariem; cum in osse solvitur
continuitas; ulcus autem ac vulnus cum in carne hoc fit, appellari scribit. Autho-*

ri finit. medic. apud Galen. *isagog.* p. 97. *Caries pertusio* (*comminutio*) est *ossis*, ex *corruptione*, bene ex *corruptione* additur; nam non *extrinsecus adveniunt*, sed ex ipso corpore ortum habent hujus *egritudinis causæ*; sicut monet Galen. *l. de caus. morb. c. II.* Propterea etiam caries comparatur chymicorum calcinationi, cum res coagulatae, per res corrodescentes, in calcem reducuntur. Galeno *l. 5. de loc. affect. c. 5. & l. 4. meth. med. c. II.* dicitur diabrosis seu anabrosis, quæ est solutio continuitatis, ex erosione ab humoribus mordacibus introducta. *Affectui nomen* (ut habet *finis. author l. c.*) ab *accidentibus foraminibus datum est*, quæ *τρήματα* appellantur, quasi *πρηδὰν* quidam existat. quod & habet *l. de caus. morb. c. II.* Ulceri igitur plurimum respondet caries, & sicut illud in partibus mollibus, ita hoc in duris est; & sub uno genere, diabrosi seu corrosione, puta, comprehenduntur. Quod si enim quid *sue substantiæ parti per vim deperit paulatina exesione*, diabrosis dicitur: tam in dura, quam in molli parte diabrosis autem duas species habet, *ulcus & cariem*: *ulcus est diabrosis carnis*, *caries*, *diabrosis ossis*; inquit Joh. Ant. van der Linden. *Meletem. medic. Hippocrat. p. 210.* Hinc caries definitur; *morbus solutæ unitatis, in partibus duris, cum deperditione substantiæ, a re corrodeute proveniens.* Conf. Jac. Pancrat. Bruno. *dogmat. medic. general part. 2. c. 5. dogm. 8. p. 142.*

— Pag. 8. lin. ultima Q. XIII. Num caries non nisi ferro & igne auferatur.

R. Si quis affectus est, de quo Hipp. 8. Aph. 6. *Quæcumque non sanant medicamenta, ea ferrum sanat: quæ ferrum non sanat ea ignis sanat: quæ ignis non sanat, ea incurabilia judicare oportet*; dici possunt, sane caries est; de qua, quomodo nempe ferro & igne curanda sit, nemo facile Chirurgorum scribere neglexit: ut non melius quam dicto modo, id est, excisione & exustione eam tolli posse, jam apud omnes sit in propatulo. Sunt equidem, qui multum opis, a medicamentis externe applicatis, sibi promittunt: nec defunt, (& quidem Chirurgorum non infimi) qui multum iis se præstitisse profitentur: quorum sententiæ equidem non obrogamus; non tamen in carie perfecta, quæ os totum jam peredit (in qua semper certior ferri & ignis effectus observatur,) sed incipiente tantum & superficialia, ejusmodi medicamenta locum invenire, concedentes. Ubi insuper notamus, quod usum, quem medicamenta talia præstant, eum, vi qua pollent deletili & ignea, edant; ut propterea & in his curationibus, cariem igne auferri, non inepte dici possit.

Pag. 10. lin. 25. Q. XIV. Quid ignis actualis; quid potentialis.

R. Ignem, qui in Chirurgia adhibetur, cauterium appellare, apud artis peritos, jam olim in morem venit: sicut autem *καυτήριον* a *καίω*, quod Græcis uro, incendo, significat, dicitur; ita omnia, quæcumque urendi vim habent, voce hac intelliguntur: cum autem vim urendi alia statim, simulac adhibentur, sicque ipso actu, alia vero, elapso aliquo tempore cum potentia, eam habeant, exferere expertum habeatur, hinc ignis etiam, & sic cauterium quoque, aliud actuale, aliud potentiale dici, usu in arte receptum est:

est: ignis actualis fere semper instrumento ferreo ingnito, quod cauter nominatur, infertur, quapropter diversarum figurarum ferramenta tum pro inurendis fonticulis, tum variis, variis de causis comburendis corporis partibus, a peritis Chirurgis sunt excogitata, de quibus passim videri possunt Chirurgiæ scriptores. Prout autem cauterium actuale ab igne actu tali suam denominationem fortitur, ita potentiale non quidem ignis actualis, sed res quævis constituunt, quæ ut Galenus. *lib. 5. de simpl. medic. fac. c. 15.* definit, *ignis instar corpus colliquant, & sæpe Escharas, hoc est crustas, ritu cauterii efficiunt*: cujusmodi sunt; lixivium, calx viva, auripigmentum, sandarachæ, chalcitis, Euphorbium, & id genus alia, quæ idcirco etiam escharotica & caustica appellantur. Inde & affectiones causticæ, & caustica excrementa, id est, urentia dicuntur, quarum virtus est, morbum & acutum & periculosum & velocis judicationis reddere; ut habet Galenus *Comm. 2. in I. Prorrhethio. Hipp. n. 60.*

Q. XV. Num hujusmodi curationes dolorificæ cerebri, ad venerem incitandam aliquando aliquid facere possint.



R. Doloribus in venerem quemquam stimulari posse, si quis assereret risum facile alicui concitare posset: a risu tamen facile sibi temperabit, quisquis intellexerit, probatissimos authores medicos passim docere, experientia compertum esse, verbera & plagas ad morborum aliquando facere curationes, imo quosdam esse, qui in venerem virgarum plagis stimulentur, aut in libidinem verberibus accensi despument; partemque illam, qua viri sumus, ad flagelli numeros sonosque insurgere: ut testimoniis authorum non proletariorum non vice simplici id usu venisse Excellentiss. Joh. Heinric. Meibom. *Tractat. Epistolari: de flagrorum usu in re venerea & lumborum renumque officio. Ad V. Cl. Christianum Cassium* ostendit; ex quo unicum prodigiosæ libidinis, notabile huc transcribo exemplum, cujus verba ipsissima hæc sunt: *dum Lubeca hic ago, civis quidam Lubecensis, butyri & caseorum propola, in platea habitans, quæ a molendinis nomen invenit, propter alia facinora, ob commissum adulterium, ad Magistratum delatus, causaque cognita, urbe excedere, ac solum vertere jussus fuit. Meretricula, cui is adsueverat, coram senatoribus judicio criminali præfectis, quos vulgo die Gerichts-Herren vocant, confessa est, nunquam illum acrius, quam virgis prius secundum dorsum ab se difflagellatum, arexisset & virum se præstitisse: officio vero peracto, nisi, denuo flagris cæsum, vix ultra quidquam patrare potuisset. Adulter ipse, idem primo quidem negare: serio tamen & severe interrogatus, non inficias ire. Testes de ipsos Judicii criminalis id temporis Senatus nomine præfectos, Thomam Storningium & Adrianum Mollerum, amicos meos etiamnum, ut nostri, superstites. Addit loco citato, laudatus modo edecumatæ eruditionis vir, de causa monstrosæ hujus rei, opinionibus minus probabilibus rejectis, suas rationes & sententiam, quæ tamen omnes eo tendunt, ut lumbis, quatenus ex vertebra, musculis, renibus, venis, arteriis, nervis constituuntur, rem omnem tribuat; ita tamen, ut venis & arteriis seminariis principatum adscribat, quæ & materiam semini tribuant,*


*albescentemque humorem, qui vel semen jam sit, vel mox futurus, in se contineant, & a se ad testes amendant; unde concludit, flagra dorso sive lumbis inflicta, quia partes semini generando dicata, ac semen ad genitales partes deferentes ab iis incalescunt, in venere excitanda aut libidine multum posse: erudite sane pro ista seculi hujus ætate, quam sententiam equidem non admodum aspernamur, plurimum tamen nervis, iisque non ex quinque lumborum vertebriis ad renes missis, ut scribit nominatus modo author, (cum hi non ex dorso spina, sed a sexti paris plexu & ramo stomachico, eosque exiguos dumtaxat, recipiant) sed promiscue omnibus, utpote spiritus animales, ad tactus instrumentum, membranas, vehementibus, adscribimus. Quod si vero flagrorum incussu lumbos, ut ex partibus suis, sicut modo dictum, constituuntur, refrigeratos verisimile est rursus incalescere, ac materiæ seminali fervorem conciliari, accedente præsertim partium verberatarum, dolore, qui facit ut uberius sanguis spiritusque attrahantur, donec calore, ipsis etiam generationis instrumentis communicato, male feriatæ voluntatis desiderium expleatur, & natura etiam invita, atque ultra modum potentiæ suæ vi in flagitia adigatur; quanto magis meningibus cerebri leviter vellicatis, partes genitales, (quarum longe major ac cujusvis alterius partis cum cerebro consensus est,) ad venerem incitari, dicendum erit: & enim ut hic sententiam antiquorum medicorum, qui semen ex succo quodam e cerebro & spinali medulla deciduo, confici, illincque ad genitalia procedere tradiderunt, taceam, stabile tamen manebit, alteram prolifici liquoris partem, spiritum animale scilicet, e cerebro per nervos in testes profundi, quod ex eo manifeste patet, quod cerebro magnus cum testibus sit consensus, & quod cerebrum, nervi, omnesque nervosæ partes ab immoderato coitu plurimum lædantur, & debilitentur, lassitudo & virium dejectio atque aliqua etiam tristitia subsequatur, visus conturbetur, tremorque membrorum accedat. In cerebri item affectibus, genitalibus adhibita remedia, non parum opis afferunt; sic narium hæmorrhagiam frigida & refrigerantia testibus applicata sistunt: *in phrenitide, testiculi, actu & potentia agentibus refrigerandi sunt*, monente Arnolde Weickardo *l. 1. c. 2. Thesaur. Pharmaceutic. pag. 20. Idem & l. c. p. 32.* in melancholicis & maniacis, si alia omnino non juvent, castrationem tentare suadet; eandem operationem manualement, aliquando & in epilepsia aliquid emolumenti afferre testatur: qui animo linquntur, ex compressis moderate testibus ad se redeunt: foeminae, quas uteri strangulatus angit & præfocat, vellicata pube, excitantur; idem hoc remedium contra apoplexiam & epilepsiam (istam præsertim ex utero) prædesse perhibetur. Accedat quoque huc consideratio tabis dorsalis, de qua Hipp. *II. de morb. XLIX.* refert, quod *a medulla fiat, & maxime veneri deditis obtingat, quod ea affecti, licet cibum bene capiant, tamen consumantur, sibi superne de capite in spinam velut formicas descendere videri dicant, gonorrhæam, onirognum, ac alia veneris ludibria patiantur, caput gravetur, & aurium sonitu corripiantur; ex quibus symptomatis Diemerbroeck Anatom. lib. 1. c. 27. p. 261. e cere-**

cerebro & spinæ medulla spiritum quemdam ad seminis confectionem per nervos affluere satis patere hincque post nimium coitum debilitato cerebro, defluxum spiritus non satis cocti, sed crudi, (qui enumerata mala producat,) e cerebro fieri concludit, *cum propter partes spermaticas, a nimio coitu nimis debilitatas, & minus retinentes, tum quod iste crudus & parum excoctus spiritus per nervos affluens, subsalsus & nimis acris sit, suaque acrimonia vellendo & titillando, debilitata genitalia ad seminis profusionem irritet.* Quod si vero crudi & acres spiritus nervos vellicando ad seminis profusionem ciere partes genitales queunt, quare non & unguenta ac emplastra, nervosis partibus maxime, & ipsis Meningibus imposita, idem præstare posse concedendum erit, præsertim cum in quibuslibet ad sanationem tendentibus vulneribus, vellicans ejusmodi titillatio & pruritus percipiatur: & hanc ob rationem etiam coitum venereum dici parvam epilepsiam, (quod scilicet in coitibus genitales & reliquæ partes, non secus ac in epilepsiis magnis, aliisque convulsionibus fit, convellantur, ut propterea semen excernatur,) innuit Galenus, *lib. 14. de usu part. c. 10.* sic scribens: *quantum ad ea, quæ in vasis continentur excernenda, ipse partium velut spasmus, qui in coitu venereo accidit, habeat momenti, ex magnis epilepsiis, & eo affectu, qui γονορροία, id est invita seminis effluxio nuncupatur, discas. Siquidem in vehementibus epilepsiis quod corpus totum vehementer convellatur, & cum eo partes genitales, semen idcirco excernitur. In gonorrhoeis autem sola vasa spermatica afficiuntur. Quæ igitur tensio in prædictis affectibus vasis in accidit, ea & in coitibus cum iisdem accadat, semen excernunt.*

F I N I S.







GEORGII AUGUSTI LANGGUTH

Prof. Vitembergensis

Programma

DE SINUS FRONTALIS VULNERE SINE TEREBRATIONE CURANDO

8. Octobris 1748. habitum.

EX iis in capite locis, qui, quoquo modo male affecti, modiolum, illud inferiore sua parte in orbicularem ferrulam circumductum ferramentum, admittere nec possunt, nec debent, frontales sinus in primis nominandi sunt. Excusat illos, tum ipsa eorum structura, tum ferri, non secantis, sed lacerantis indoles. Structuram horum sinuum, quos alii pituitarios, cum MORGANIO, [o] vocant, accuratissimam, ex ALBINI [p] elegantissimo libro, de ossibus corporis humani, discendam tibi relinquimus. Quæ te nunc scire, nostra interest, illa fere ad hoc redeunt: sunt isti sinus frontales duæ magnæ cavæ cavernæ, ad drachmas tres fluidi alicujus capaces, [q] ex diductis, ad radicem nasi, glabellam vocant, & superciliorum capita, ossis frontalis tabulis, formatæ, extus intusque sæpe inæquales, diversa laminarum crassitie sublatæ depressæque, non nunquam parvis magnisque laminulis varie discretæ, membrana pituitaria, nudissimis tenerrimisque nervulis exquisitissime sensibili, vestitæ, & ad utrumque septinarium latus, foraminibus, clare conspicuis, [r] patentes. Ex his, quod os terebrari non finit, primum est, tenuis illa & inæqualis ejus fabrica. Dum tenuis, exterior sinus frontalis lamina, est, terebræ, aliqua tamen vi, ut foret, applicandæ, valide satis resistere non potest, nec declinare, ne illam comminuas & plane destruas. Sed inæqualitate sua, illaque externa, efficit, ut modiolus ipsam ubique æqualiter comprehendere nequeat; interna vero, ut citius in alio loco, in alio tardius, illam perrumpat, & cellularem ejus, sed occultam, texturam violenter aboleat. Gravior atque periculosior hæc noxa futura esset, quam quæ exterius ossi, dum finditur frangiturque, in-

Tom. I.

C c

ferri

[o] Adversar. Anatomic. VI. 89.

[q] Loc. cit. §. 19.

[p] Boerhaave *Prælect. Acad.* V. II. §. 19.

[r] Palfyn de *Ossibus*, cap. 14.

ferri possit. Alterum, quod terebrationem ab hoc sinu prohibeat, impedimentum, membrana pituitaria suggerit. Isthaec, interni sinus cavernosae superficiei, tanquam ossa investiens membrana, firmissime adhærescit; sed omni periosteo longe est sensibilius, vel aeris etiam contactum, sine insequenti sternutatione, singultu, acuto dolore, convulsione etiam, ferre nefcia. Quod si igitur, dum calva terebratur, tam male ab omni, leviori quoque, duræ matris laceratione metuentum est; quod si, dum membrum vitiatum amputare paras, periosteum in osse sano summa sollicitudine circumcidere, nec ferrula illud tentare, debes, ne non tolerabiles cruciatus crudelissimus excites, & in vitæ discrimen, quem sanandum accepisti, adducas: quanto minus, ferratum modiolum, in membranula, tota nervea, orbiculatim rotare, ipsosque nudissimos nervulos dentato ferramento petere & dilacerare conveniet? Quid aliud hoc esset, quam crudelissima, quam vere detestabili, chirurgia, experimenta per mortes agere? Ad duplicem hanc, quam sinus frontales a terebratione habent, excusationem, alia quoque, partem a modo, quo vitari illi possunt, partem, a fine, quem, ossa modiolis exscindentes, consequi annitimur, petita accedunt. Potest utraque sinum efficiens tabula, externa facilius, interna difficilior, adhibita exterius violenti injuria, lapsu ex loco altissimo, percussione, vulnere penetranti, plumbea glande, ipsum non omnino perrumpente, noxam suscipere, findi, frangi, comminui. Potest etiam ab interna causa, male affici, collecto tenaci muco urgeri, polyposa concretionem distendi, carie exedi, seu spinam ventosam concipere. Omnibus his affectibus aut mederi possumus, aut omnem illi medelam respuunt. Exterior tabula, fissa, fracta, comminuta, quoquo modo vitata, terebratione non indiget. Nudati ossis laminæ a sana illius parte sponte secedunt; festucæ facili negotio remouentur; sic, quæ peregrina in ipso sinu hærent, sine laborioso conatu, eximi, curari facillime possunt. Fac vero etiam, sinum hunc angustiore apertura patere, quam ut, exempli causa, glandem plumbeam, in ipso hærentem, commode ejicere possis; fac summam necessitatem tum abs te exigere, ut acceptum vulnus, pro eo, quod satis sit, dilates, partemque ossis cum adnata ipsi membrana removeas: tum quidem, in tam desperata causa, nihilo secius a ferrati modioli applicatione te abstinere, sed majorem potius, secantemque forcipem, ad hoc negotium artificiose aptatum, adhibere, unoque ictu membranam cum osse discindere, me quidem iudice, debebis. Secari & præscindi, ipsi etiam nervi, possunt; divelli & dilacerari non possunt. Sed ad interiorem tabulam, quomodocumque læsam, terebra pertingere, illamque exscindere, si posses etiam, ob præsentissimum mortis periculum, non licet. Et, quod ad morbos, sinum a causa interna tenentes, pertinet, illi aut sine ferro curari debent, aut plane relinqui. Atque hoc quidem salva conscientia. Citius enim hominem tollunt, quam certo cognoscuntur.

Confirmat, quæ ita disputavimus, exemplum vulneris, quod sinui frontali inflicto fuit, sed sine ferramento, sine terebratione, curatum est. In

eo sanando medentis officio præclare functus est Cl. noster Candidatus, efficacioris medicinæ peritissimus: quam Ejus in illa peritiâ Disputationis Inauguralis argumentum inter alia non obscure loquitur; casumque, in rarioribus habendum, jam commemorandum, hoc modo nobiscum communicavit: Miles gregarius, quadraginta annorum, sanus cætera, robustusque, violenti lapidis jactu in fronte vulneratur, illud continuo multo sanguine cruentum est, & exquisitissime dolet. Opem ipsi ferre vocati, illud in tumorem elatum, inflammatumque, facculis, ex herbis cephalicis, paratis, & ex calido vino expressis, fovemus, & ex incisa vena sanguinem mittimus. Altero die illum revisentes, discusso tumore, tabulam sinus frontalis dextri externam, ruptam, & minutatim fractam, deprehendimus. Deligamus vulnus, ut decet, vulneratumque, leviter febricitantem relinquimus. Tertio die redeuntes, minutula ossis ramenta statim, reliquas festucas, intra octo dies, omnes removemus; per orbiculatam aperturam, pollicem latum, latam longamque, & membranam pituitariam, & sinum sinistrum pariete separatum, commode distinguimus; primis autem diebus, quamvis vulneratus calido in loco degeret, sub vulneris deligatione, leviori etiam aëris contactu, semel iterumque sternutantem, leviter convulsum, singultuque concussum, observamus. Inter hæc vulnus paulatim callo clauditur, sed fovea quædam in medio relinquitur; vulneratus autem, tertio mense sanatus, brevi post, glande plumbea ictus, in acie, gloriosus cecidit.

Prostant & alia non nulla, non minus notari digna, eorum exempla, quibus, ex vulnere frontalis sinus graviter decumbentibus, auxilium sine ferro latum est; alia etiam, eorum, qui per triennium, imo per decem & septem annos, trochleam sclopeti, absque insigni sanitatis dispendio, in sinu frontali gestarunt, perque nares tandem, post integros triginta & septem annos, adhuc bene valentes, feliciter excreverunt. Sed satis de vulneribus, deque illis medendi efficaciore ratione.

F I N I S.



Y I N T

XI.

DISSERTATIO
MEDICO-CHIRURGICA,
DE

MORBIS PRÆCIPUIS SINUUM
OSSIS FRONTIS ET MAXILLÆ SUPERIORIS,
ET QUIBUSDAM MANDIBULÆ INFERIORIS.

QUAM PRÆSIDE

FRANC. DE ZIEGLER;

Defendet pro doctoratu consequendo

LUDOLPH. HENR. RUNGE

Bremensis author.

Rintelii 10 Decembris anni 1750.

C A P U T I.

§. I.

I Nter laminam anteriorem & posteriorem, Ossis Frontis reperiuntur fere semper duo cava, Sinuum Frontalium [*a*] nomine nota, quorum quodvis angustius factum in canalem osseum definit, qui foramine in Narium meatum patulo oblongo terminatur. In Osse Maxillari superiori sub orbita Oculi supra dentes molares reperiuntur duo cava alia, multo majora, quæ in eundem meatum Narium hiant similiter Sinuum Maxillarium sive Anthrorum Higiori [*b*] nomine insignita; licet VESALIO jam cognita. Membrana, quæ nares investit, Pituitaria SCHNEIDERI dicta, obducit & hos Sinus Frontis & Maxillæ superioris. Superbit eadem vasculis arteriosis [*c*], venosis & glandulosis [*d*] simplicissimis, quas recentiores Anatomici Cryptas vocarunt. Parat illa, & fecernit ex arterioso sanguine per apparatus abruptum arteriarum exhalantium tenuem, limpidum atque blandissimum Vaporem, & glandularum harum ope humorem alium magis lentescentem & diutius adhærentem. Illud ita paratum liquidum mora, calore, absorbtione tenuioris lentescit magis in Mucum, qui in his Sinubus colligitur accumulatus, & per foraminula sua tandem exit, sive ob copiam nimis aggestam ex Sinubus plenis expellatur, sive ob variam corporis posituram inde elabatur, ac defluat in Narium caveam.

*Quadam
ex Anato-
micis de
Sinubus
præmit-
tuntur.*

Hæc ex Anatomicis de Fabrica Sinuum horum præsuppono ut cognita: & de Mandibula inferiori, quantum ad præsens negotium spectat id tantum moneo, eam alveolis suis infixos dentes habere, & substantia medullosa gaudere interius.

§. II. Diximus (§. I.) membranam pituitariam Narium esse eandem & continuam illi, quæ utrosque sinus obducit. Morbi ergo omnes, qui in Membrana Narium possunt oriri, etiam sedem habere poterunt in membrana sinuum nostrorum. Quamvis vero Morbi Sinuum in genere similes illis sint, qui in naribus obtingere solent, differunt tamen ab iisdem ratione effectuum & Sanandi Methodi, cum ampla Narium appertura, angusta e contra sinuum excretoria sint. Mucus enim ille arterioso & glanduloso opere intra nares paratus, propter exitum amplum ex naribus, libere diffuere potest; illud autem liquidum, quod simili modo intra Sinus perficitur, propter angustiam aut obstructionem canalium excretoriorum facillime retineri, & exitus illi præcludi potest. Præterea longe aliis symptomatibus stipata mala viden-

[*a*] Palfyn Osteol. Tom. I. & II. Schneider. de catarh. f. 1. p. m. 484.

[*b*] Delin. Palfyn Osteol. Tab. II. f. 2. & Drack. Anat. Tom. XVIII. f. 1. & 2.

[*c*] Delineatis in ea portione membranæ, quæ septum narium obducit, a Ruyschio Ep. VIII. Tom. IX. f. 6.

[*d*] Quarum excretoria in Septo observata pinxit Ruyschius l. c. f. 7.

videntur, si eadem in Sinubus Frontalibus, aliis, si in Sinubus Maxillari-
bus deprehendantur, cum non solum ossa, quæ sinus frontales efformant,
firmiora sint, magisque resistent, ea e contra, quæ Maxillares Sinus confi-
ciunt, admodum tenuia minusque resistentia sint: sed & cum alveolis den-
tium molarium arcte jungantur, & ab iisdem tenuissimo Septo separentur,
unde hi Sinus & alveoli a se invicem mutuo affici ac lædi possunt.

Ordo tra-
ctandi e-
iusdem.

§. III. In pertractatione Morborum Sinubus nostris accidentium hunc
servabimus Ordinem, ut (1.) eos recenseamus, quinam in dictis his Cavi-
tatibus possunt oriri.

(2.) Aliquos revera in iisdem obortos ex domesticis Experienciis atque
Casibus singularibus afferamus.

Enume-
rantur
Morbi Si-
nuum
præcipui
cum scopo
Authoris.

(3.) Denique Experienciis recensitis Epicrisin subjungamus.

§. IV. Morbi, qui his sinubus possunt accidere, sunt (a.) Vulnera,
quibus excipiendis satis expositi sunt, vario modo inflictæ. (b.) Fracturæ.
(c.) Inflammatio. (d.) Abscessus. (e.) Polypus. (f.) Tumor Cysticus.
(g.) Carcinoma. (h.) Sarcoma. (i.) Exostosis: de Vulneribus & fracturis
non agemus: de quibusdam reliquorum brevibus: de aliis prolixius differimus.

Inflam-
matio.

§. V. Si in uno vel altero dictorum Sinuum, valde sensibilis dolor adsit,
calens pulsansque, suspicio est, hic loci adesse Inflammationem. Quod si do-
lor, pulsatio, calor, de hora in horam augeantur, cum accedente quadam
febricula de præsentia inflammationis in his locis eo minus dubitandum.
Quod si Inflammatio ista tam per Venæ sectiones, quam per alia appropriata
tam externa, quam interna remedia intra 5. vel 6. dies resolvatur, sanata
est Inflammatio, & hæc cava restituantur in statum integrum & sanum.
Quod si contrarium obtineat, Inflammatio abit in suppurationem & hæc mu-
tatur in Abscessum.

Causæ
Inflam-
mationis
membra-
næ sinu-
um.

§. VI. Inflammatio Tunicæ Sinuum internæ non solum oriri potest a
causis inflammationis in genere, sed & in specie, si ductus eorum excreto-
rii, in nares patuli, vel obstructi, vel concreti, vel compressi sint: (1.) a
mucro crassiori & tenaciori, alterum a coalitu post ulcus aut vulnus prægres-
sum facto: tertium a Polypo intra nares, ductus excretorios comprimente,
potest contingere. Quod si vero ductus hi excretorii obstructi, coaliti, com-
pressi fuerint, mucus, intra sinus separatus & effluere nescius, jugi secretio-
ne facta, accumulabitur, Tunicæ Schneiderianæ vasa premet, comprimet
atque inflammationem causabitur, eo magis si repagula ossea horum sinuum
dilatationi intus factæ, nimis resistent; quemadmodum id semper in Sinu-
bus Frontalibus contingit; aliquando etiam in Sinubus Maxillaribus, si &
horum ossa duriora aut crassiora sint. Quin Muci, hic secreti, nec per excre-
toria effluentis singularis quædam acrimonia irritando & coarctando vasa
membranæ succingentis inflammationi ansam potest præbere.

Abscessus
& ejus ef-
fectus lo

§. VII. Inflammatio ita nata, nec resoluta, abit in abscessum. Rupto au-
tem tali abscessu, materia abscedens in caveam sinuum, in quibus sedem
suam habet, se effundit. Effusa hæc purulenta materies, si non superet eam

Con-

consistentiam, quam mucus habet, glanduloso opere secretus, & per emissaria ex sinubus in narium aperturam effluens, eodem modo effluet per eadem emissaria in nares, neque alia mala causabitur. Si vero crassior materies purulenta sit, exire ob molem suam per emissaria nequit, sed obturabit eadem, & muco, per glandulas parato, similiter præcludet exitum.

*obturatio
canalium
excreto-
riorum si-
nuum in
nares.*

§. VIII. Materies hæc purulenta, loco hoc diu clausa, incipit agere, vicina erodere, & exitum sibi parare; quod & locum habet in cavis firmissimorum crassissimorumque ossium, quemadmodum in spina ventosa, aliisque in casibus luculenter apparet.

*Effectus
alter ero-
sio ossium
coercen-
tium.*

§. IX. Quod si ergo ductus excretorii horum sinuum a materie purulenta crassiori obstructi fuerint, ita ut nec muco, per glandulas horum sinuum elaborato, exitus pateat; necessario sequeretur, sinus hos tam a purulenta materie, quam a muco, perpetim generato, successive impleri. Repletis ab utraque materie sinubus, successive ossea repagula, cavum sinuum formantia, extenduntur, & ultra pristinos terminos dilatantur. Intelligitur facile huic extensioni ea ossa, quæ cavum sinuum frontalem constituunt, utpote duriora, magis resistere, quam ossa sinuum maxillarium, tenuiora.

*Effectus
tertius di-
latatio ip-
sorum ossi-
um ultra
limites
suos.*

§. X. Eadem hæc materies purulenta, per diuturnam remoram acris facta, erodendo viam sibi potest facere vel in caveam narium vel per ossis ipsius substantiam versus exteriora. Prius in senioribus facilius, posterius apud juniores in primis ætatis annis, ob ossa tenuiora facillime contingere satis intelligitur; quemadmodum etiam & ita factum fuisse suo loco per experientiam probabimus.

*Exitus
materie
purulente
varius
erodendo
sibi factus.*

§. XI. In sinubus maxillaribus illud adhuc in specie notandum, quod, cum non solum ab alveolis dentium, sed & ab orbita oculorum tenuissimis tantum septis discriminantur, eadem materies, in sinubus his inclusa, nec per excretoria sua exitum inveniens, simili erosione eundem sibi parare possit, vel in alveolos ipsos, vel in cavum osseum, quod oculum includit; prius eo facilius contingit, quoniam dentes respectu sinuum horum inferiorem locum occupant, unde materies hæc inclusa, secundum leges motus deorsum tendens, eo facilius alveolos dentium erodet, & viam & exitum inter, vel ad dentes sibi parabit.

*Exitus
ejusdem in
maxillari
sinu hæ-
rentis in
specie vel
ad orbi-
tam oculi
vel ad
dentes.*

§. XII. Dum vero hoc fit, necesse est, ut æger exquisitos dolores toleret, tam in sinubus his, quam in dentibus ipsis. Nec febris potest esse exigua, quin regione totæ malæ signa evidentia adsint oportet tumoris inflammatorii.

*Sympto-
mata
hunc exi-
tum ad
dentes co-
mitantia.*

§. XIII. Quamprimum vero purulenta materies dicto modo viam sibi & exitum faciet, symptomata enumerata minuentur quidem, tamen, quia via, per quam exit, angusta tantum est, hinc effluxus materiæ purulentæ tantummodo parvus, non cessare prorsus eadem potuerunt. Quin, nisi per extractionem dentis via exitus materiæ purulentæ amplior reddatur, eadem justo maturius sese contrahet, effluxum puris impedit, & symptomata supra enumerata de novo resuscitabit, & continuabit, donec eadem hæc materies angustatam hanc viam sibi iterum aperiat.

*Qualitas
materiæ
sic effluen-
tis acris
& malignæ.*

§. XIV. Si materies hæc acris & maligna sit, ipsa ossa, sinum maxillæ hujus formantia, & alveolos ipsos, in quibus dentes infixi sunt, & circa dentes effluens vel per se, vel post extractionem eorum foetorem spargit, ut solent ova putrefacta.

*Alter mo-
dus gene-
rati in si-
nu maxil-*

§. XV. Quemadmodum vero pus, in sinibus genitum, per alveolos dentium aliquando exitum sibi parat, ita non minus possibile est, ut materies purulenta, in alveolis dentium genita, penetret in ipsos hos sinus.

*lari abs-
cessus ex
alveolis
dentium.
Effectus
abscessus
Sinus ma-
xillaris sic
generati.*

§. XVI. Quod, quemadmodum in §o præc. diximus, si fiat, ut materies purulenta, ex alveolis in sinum penetrans, ejusdem crassitie sit, uti mucus per glandulas membranæ sinum obducentis, paratus, poterit eadem una cum mucositate exire per excretoria naturalia in cava narium; si vero crassior illa sit, accumulabitur in sinuum horum uno, & vel versus alveolos dentium iterum regurgitabit, & per eisdem exitum erodendo sibi procurabit, vel simili modo aliam sibi viam faciet, præprimis ibi locorum, ubi major sinuum tenuitas adest v. gr. sub orbita oculorum in regione naribus vicina, vel ab iisdem averfa sub osse jugali.

§. XVII. Quæcumque autem sit via illa exitus materiæ purulentæ, eadem non poterit esse non, nisi angusta, parum tantummodo puris transmittens; unde non solum depurari bene sinus ille nequit, sed & ob diuturnam remoram purulenta materies acrior reddita, ossa ipsa arrodere, foetidum ulcus generare, quod in nares effluens Ozæna dicitur, vel ad minimum fistulam efficere poterit.

§. XVIII. Hi sunt effectus inflammationis & abscessus in sinibus frontilibus & maxillaribus præsentis. Progredimur ulterius ad reliqua mala & quidem primo ad polypum, quatenus sedem habet in sinuum horum uno vel altero.

*Polypi in
Sinubus
præsentis
possibilis.*

§. XIX. Diximus superius, tunicam Schneideri, quæ nares investit, obducere quoque sinuum horum interiora; hinc eadem quoque mala, quæ in naribus sedem suam habent, locum quoque habere posse in dictis his sinibus. Non mirum ergo, cum polypus in naribus sedem habens, sæpius occurrat, nec sinus nostros ab eodem esse immunes.

*Diagnos
Polypi hic
præsentis
difficilis.*

§. XX. Signa diagnostica polypi in naribus præsentis manifesta quidem; at ejusdem in sinibus hærentis præsentia, non nisi difficillime detegitur, ob accessum manibus ac oculo denegatum.

*Effectus
Polypi Si-
nubus in-
hærentis.*

§. XXI. Id vero est evidentissimum, quod si quidam in sinibus generatus polypus, in mole sua ita increverit, ut totum cavum eorundem oppleat, necessario hi effectus sequantur: vel quod polypus intra ossea repagula inclusus, & in iisdem jugiter crescens, tandem ab osse coercente nec cedente comprimatur, ita ut compressis vasis polypi circulus sanguinis per eadem sufflaminetur, unde inflammatio, suppuratio, abscessus, materiæ purulentæ varius exitus per vias in præcedentibus dictas. In sinibus frontalibus id eo certius fiet, quoniam ossa, eos formantia, his cedere nesciunt. Aliquando idem continget in sinibus maxillaribus, quando simul horum ossa duriora vel

vel crassiora sint constituta. Si e contra hæc sinuum horum maxillarium ossa tenuiora sint, & flecti se patiantur, tum per incrementum perpetuum polypi eadem extendentur, polypo crescenti cedent, atque tumorem præternaturalem sensibus manifestabunt, & declarabunt una & evidenter, aliquid præternaturale in cavo horum sinuum ita dilatato contineri.

§. XXII. *Tumor cysticus*, cum in omnibus partibus mollibus corporis possit nasci, uti experientia illud testatur, ita non mirum, in sinibus nostris quoque eundem posse oriri. Est autem tumor cysticus extensio & elevatio cutis, quæ sensim, sine sensu a parva admodum mole, successive sine dolore & sine mutatione coloris increfcit, in loco, quem ex prima radice occupavit, quaquaversum mobilis, atque vel mellis instar pultisve, quin interdum caseosam materiem exhibet, semper in membrana quadam inclusa. Cum itaque talis tumor cysticus ratione parvæ suæ molis, sine dolore sensim incrementis, se habeat, instar polypi, necessario sequetur, eadem quoque mala ab augmento hujus tumoris intra sinus hos posse nasci, quemadmodum modo diximus, eadem oriri ab aucto atque incremente jugiter polypo.

Tumor Cysticus hic possibilis, & ejus effectus hic hærentis.

§. XXIII. Ratione tumoris cystici id quoque notamus, quod iidem aliquando in alveolis dentium circa radices eorundem nascantur.

§. XXIV. *Carcinoma* cum in narium cavo observetur, & in tunica mucosa glandulosa eadem investiente sedem suam habeat; hinc & intra sinus, utpote eadem membrana obductos, hoc malum poterit nasci; signa quidem, præsentiam ejusdem hic loci manifestantia, nulla quidem certa dantur, cum nec visui, nec tactui, nec instrumentis ad speluncas has aditus pateat: effectus ejusdem interim, si in rabiem agatur, erit: exedere & erodere omnia vicina sibi obvia cum vitæ insequente jactura.

Carcinomatis in Sinubus præsentia Effectus.

§. XXV. *Sarcoma* in sinibus his generari posse ex modo dicta ratione quoque elucet, cum illud in narium cavo quandoque occurrat simili tunica obducto. Cum sarcoma sit durus carnosus tumor, qui quoties in gingivis observatus, quantum mihi constitit, semper cum carie ossis conjunctus sit; hinc facile licet assequi, quid fieri debeat, si tale sarcoma in uno vel altero sinu nostro sedem habuerit. Ossa enim, sinus hos formantia, si dura atque crassa adsint, vi in eadem agenti sufficienter resistent, tum sarcoma tale incrementum amplius nequit, donec cavitas ipsa, in qua latitat, fuerit oppleta. Si vero pergat nutriri, tum in hoc statu ab osse coërcente pressum in inflammationem, hæc in suppurationem, dein in abscessum deducitur. Si abscessus ille in nares destillet, tum contumax pessimeque olens *Ozæna* generaretur; dum tam durum corpus, quemadmodum sarcoma est, partim admodum lente in putredinem resolvatur, partim exquisite foeteat; si in putredinem convertatur, quemadmodum experientia nos edocet, quamlibet partem corporis, quæ duritie sua ad illam ossium appropinquat, si in putredinem deveniat, eximie foetere, adeoque ex sarcomate nata *Ozæna* talis certo certius deberet esse quam contumacissima, & tam foetidissimi odoris, præcipue ob hanc quoque rationem,

Sarcomatis in Sinubus existentis effectus.

nem, quod sarcoma tale cum carie ossis semper conjunctum, quemadmodum nobis sufficienter constat, soleat esse.

*Exostosis
præsentia,
causa &
effectus.*

§. XXVI. *Exostosis*, quemadmodum reliquis corporis accidere quandoque potest partibus ossibus, ita non mirum, eandem in sinibus nostris utpote ex ossea substantia confectis quoque obtingere aliquando posse. Est autem exostosis tumor ossis vel partis ejusdem vel totius, porosus aliquando, aliquando duritiem ossis vel æquans vel superans. Oritur eadem ex dilatatis quacumque de causa vasculis, materiam ad os pro nutritione ejusdem afferentibus. Causa externa, ut contusio; vel interna, ut malum venereum, scorbuticum solet esse. Effectus ut ubique, ita & hic in sinibus est deformitas in sensus incurrens, protuberantia versus exteriora, nec non interiora prominens, & partes utrobique vicinas premens & removens, hinc varia inde mala & miræ creans.

CAPUT II.

EXplicuimus hactenus, quomodo morbi superius enumerati, in sinibus dictis sedem suam habere possint. Accingo me ad ea, quæ ratione horum morborum, in sinibus his occurrentium, per experientias mihi cognita sunt. Destitutus propriis, eas adduco, quæ parenti in ampla & annosa sua praxi obviæ fuerunt, mihiq; communicatæ sunt. Incipio autem a *sinibus ossis frontis*, dein ad eos *maxillæ superioris*, tandem ad *maxillam inferiorem* progredior.

OBSERVATIO I.

Ratione *sinuum frontaliū* in teneriori ætate post prævios capitis exquisitos dolores, prægressamque febrem inflammatoriam, in loco ossis frontis inferiore supra oculum non procul a naso observatus frequentissime parenti tumor fuit, qui abscedens, dein vero apertus atque exploratus manifestabat, ad cavum sinus frontalis usque pertigisse malum. Apertione facta cessabat febris, & exquisitus dolor intra paucos dies. Primis diebus applicabatur vulnerei tantummodo turunda balsamo oblita, ut bene suppuraret, donec omnis tumor & potissima pars doloris evanescerent, deinde turunda spiritu vini imbuta usque ad fundum hujus sinus immittebatur. Cum vero bene gnarus erat parens, hos sinus in sanum iterum statum suosque in usus non posse redigi, ob tunicam mucosam, per inflammationem, dein subsequenter supurationem, pro parte destructam, ob ossa, eosdem formantia, in alium longe statum redacta, ob ductum excretorium inutilem factum; e contra intelligebat, quamdiu pars quædam tunicæ hujus mucosæ bona atque integra, partem muci separans eandemque per aperturam eliminans remaneret, perfectæ sanationis spem nullam, fistulæ vero metum certo futurum esse, id sibi negotii esse credidit, ut totum sinum omnemque illum investientem membranam prorsus destrueret, dein vulnus cicatrice obduceret. Hunc finem ut consequeretur, aliquid contriti lapidis infernalis balsamo arcæi miscuit, eodem

dem oblitam turundam fundo sinus applicuit, & repetito per 10. dies hoc opere postea spiritum vini solum per aliquot dies adhibuit, donec exfoliatio ossis sequeretur, dein balsamicam essentiam in usum vocavit, quibus factis sanitas recuperabatur perfecta, nisi, quod cicatrix sat profunda remaneret.

Res ita se habuit, si ætas tenella sic affecta fuerat. In adultis autem, in quibus ossa sinuum crassiora & duriora sunt, in regione sinuum frontaliū dolor erat obtusus cum pariori effluxu muci ex naribus, qui vero de die in diem crescebat, donec tandem ita exquisite sæviret, ut ferri ab ægris non potuerit, una cum febre inflammatoria, similiter successive aucta, donec post IX. aliquando etiam post XII. dies ex nare, huic malo proximiori, multum materiæ purulentæ cum sanguine mixtæ efflueret, & cum eadem doloris & febris vehementia minueretur. Si hæc symptomata dicta erant vehementissima; calidi rubicundique apparebant oculi, & in regione sinus notabilis quidam tumor attollebatur. Remedia in hoc casu in usum vocata, erant V. sectio, spiritus resolventes fronti applicati, & si dolor & reliqua symptomata nihilo secius non solum non remitterent, sed crescerent, cataplasmata, quæ & emolliunt & resolvunt fronti adhibita, illito prius dolente loco cum unguento anodyno & oleo Hyosciami; si materies purulenta per nares efflueret, cum cataplasmate & spiritib. dictis solum continuabatur, donec tumor omnis cum dolore ac febre evanesceret, & parum tantummodo materiæ per nares efflueret. Quoniam vero in aliquibus acrimonia materiæ purulentæ cavum naris internæ eroderat, & ægro dolorem creaverat, hinc sæpissime mediante penna mucilaginem, ex semine cydoniorum & lini cum aqua salviæ paratam, intra nares illevis, donec effluxus materiæ & acrimonia evanescerent. In aliquibus præter spem recrudescabant sopita diu supra enumerata mala; quæ vero renascentia per remedia iterum adhibita de novo fugabantur.

Quoad interna remedia V. sectio etiam repetita, clysmata diligenter injecta, methodus febris atque inflammationi curandis apta, locum hic habent; nec si febris jam abfuerit, & vires ægri increverint, decocta meracia incongrua sunt, interposito aliquando purgante medicamento ex Mercur. dulci. Vidi hominem hoc malo laborantem, cui ex nare materia acerrima stillaret, qui per decoctum ex ligno Guaiaci, secundum methodum BOERHAVII paratum, & eo, quo illud commendat, modo in usum vocatum; a malo suo immunis redditus & perfecte sanatus fuit. Unde credibile est, idem illud decoctum in his malis non sine fructu frequenter posse adhiberi. [a].

Quamvis vero omnes ægri ita affecti, sanati fuerint absque eo, quod Ozæna remanserit, quod & ob liberum effluxum materiæ ex sinibus his in nares non difficulter intelligitur, tamen possibile quoque est, ut in hoc loco fistula remaneat, quæ dein continuo ploret, & in nares stillet materiam quamdam,

D. d. 3. quæ

[a] Vid. omnino commentar. Perillustri L. B. de Swieten ad aphorismorum Boerhavi caput de morbis ossium.

quæ foetorem contrahere potest, præprimis, si diutius retineatur, vel ossa inde infecta fuerint, eo magis, cum ob denegatum accessum foetidum illud ulcus depurari recte nequeat.

OBSERVATIO II.

Anno 1726. curæ parentis se committebat sacrorum in loco, qui patria ab urbe parum distat, antistitis atque præsulis uxor, quæ tumore columbini ovi instar in sinistra mala, sub osse jugali protuberante, & egregiam alias ejus formam deturpante, laborabat. Tumor ipse erat indolens, coloris a naturali non degeneris. Dentes molares omnes, præcipue tamen illi, qui sub tumore hoc locati visebantur, sæpius & exquisitè doluerant, unde, quamvis juveni valde foeminae pauci tantum dentes in ore supererant boni atque integri, reliquis vel jam evulsis, vel tamen adhuc cariosis, cæterum egregie valebat, & eufarca erat. Explorantis tumorem parentis, & medium ejus moderate prementis digito cedebat ille, sonumque edebat, qualem solet tenuis Bractea metallica, si eadem intro prematur, quique etiam auribus percipi poterat, si digito, qui intro prefferat, remoto tumor sese in pristinum statum restitueret. Inspicienti in os & tactu tumorem exploranti, apparebat ille instar ovi columbini inter genam ac gingivam, qui pressus, eum, qualem diximus, sonum edebat. Alius tumor in palato, gingivis lateri sinistro vicino protuberabat, eundem sonum proferens, si premeretur, & cessante pressione, sese restitueret; tertius tumor locum habebat in nare sinistra ad latus sinus maxillaris sinistri, qui eundem sonum dabat, si ope instrumenti intro premeretur.

Ex cognitis sensuum ope his omnibus concludebat, intra sinus maxillaris sinistri osseum cavum adesse liquidum quoddam debere, quod jugiter accumulatum, nec exitum inveniens ossea repagula sinus dilataverat, dilatando extenuaverat, ita ut potuerit, pressione facta, non solum intropelli, sed & cessante illa per vim suam elasticam restitui cum sonitu quodam. Ad præcavendum itaque incrementum tumoris hujus, & removendum eundem, judicabat nullam aliam viam esse relictam, quam ut loco idoneo apertura fieret artificialis, per quam inhærens intra cavum liquidum exiret libere, & per quam idonea atque apta remedia una possint applicari.

Aptissimus huic aperturæ locus erat tumor inter malam sinistram & gingivam, utpote cum hæc protuberantia maxime spectabilis visui atque instrumento aditum apprimè idoneum concederet. Lumini itaque obversam ægram exponens, deduci malam a gingivis curavit mediante instrumento, a parente invento, & in icone expresso. Quo facto, perforavit dein mediante scalpello stabili atque acuto integumenta atque os ipsum, usque in sinus ipsius cavum. Vulnus factum ampliavit antrorsum & retrorsum, quam late id facere licuit, dein circumvertendo scalpellum, aperturam effecit quam amplissimam, quod commode ob tenuitatem dilatati ossis fieri poterat. Ex apertura
ita

ita facta effluebat liquidum mucosum, quod cavo sinus hujus inhæserat, sed sine odore & sine sapore. Vulnus factum deligabatur mediante turunda spirit. vini humectata: sequente die bene se habebat ægra, & cum specillum cavum sinus exploraret, pertingebat illud usque ad orbitam oculi, quin ad reliqua ea loca, quæ tumida atque protuberantia observata fuerant omnia, nullibi os ipsum plane nudum deprehendens. Deligabatur vulnus ut die præcedenti. Nocte autem sequente ingruebat in regione tota sinus & dolor insignis atque tumor una cum febre; materia effluens ex vulnere acris erat, atque foetorem spargebat. Febri quidem resistebatur per interna remedia; externe vero post injectionem mixturæ ex spirit. Lavendulæ cum melle rosarum combinatæ, ope Siphonis factam, applicabatur turunda eadem mixtura imbuta. Malæ vero imponebatur facculus herbis resolventibus repletus, & spirit. vini camphorati irrigatus. Sequenti die durabant symptomata dicta, & liquidum ex vulnere effluens putridum foetorem spargebat; hinc vena secabatur, cataplasma resolvens & leniens applicabatur cum spirit. vini camphorato humectatum; intra aperturam autem essentia cariophyllorum, cui aliquot guttæ spirit. vitrioli erant additæ, injiciebatur, quibus factis intra paucos dies & dolor, & tumor, & foetor, & febris evanescebant. Post adhibitam per XXIV. dies modo dictam medelam evanuerunt incommoda, quæ habuerat, fere omnia, quin non obscure animadverti poterat, dilatata sinus maxillaris ossa, sese paulatim contrahere, præprimis ibi locorum, ubi tumor versus nares, atque alter versus palatum protuberaverat. Quoniam vero dens caninus hujus maxillæ valde obliquus & fere transversus alveolo suo inhærebat, dentem eundem extrahi curavit, qui pollicem & ultra longus visebatur, extractusque apparebat sanus, nisi quod fini radicis ejusdem carneum quid atque membranaceum adhæreret. Educto autem eodem ex alveolo suo, effluebat materies, in sinu contenta, & per aperturam ejusdem specillum in cavum sinus sine impedimento poterat intromitti usque ad orbitam oculi; nec sic tamen specillum attingebat os alicubi nudum. Altera ita facta apertura in cavum sinus maxillaris quoque penetrans, multum boni præstitit ad sanationem citiorem mali. Dum injectus per eam aperturam detergendi scopo liquor una cum materie purulenta ex altera apertura commode effluere posset, adeoque abscessus in hoc sinu contentus, eo melius detergi. Accidebat, quod nec necesse esset, priori aperturæ immittere turundam, unde materies perpetuo effluens ansam dabat dilatato ossi ad contractionem sui faciliorem, neque materies, utpote non retenta, ob moram fieri acris poterat, atque ossa erodere. Nec spem his de causis conceptam fefellit exitus, dum ad sensuum ipsorum testimonium sese contraherent successive de die in diem dilatata ossa in arctius spatium. Per XXIV. dies, quemadmodum dictum est supra, injiciebatur spirit. Lavendulæ cum melle rosarum mixtus. Si foetorem materies effluens contraheret, substituebatur essentia cariophyllorum, cui parca quantitas spirit. vitrioli erat addita; quæ vero in usum revocari non solebat, quamprimum materies absque foetore efflueret; postea sola essentia cario-

cariophyllorum per III. septimanas injecta, & postquam ægra abhinc dum profecta fuerat, reliquum curæ similibus remediis adhibitis peractum, interposita nonnunquam cum spirit. vitrioli remixta essentia hac, ubi materies male iterum olens illud requireret. Apertura scalpello facta coibat quidem citius absque eo, quod fragmentum ab osse abscederet; semestri tamen spatium effluxit, antequam omne malum & cum eo deformitas faciei prorsus evanescerent.

OBSERVATIO III.

Eadem Præsulis uxor, cujus mentio facta observ. præced. præter tumorem illum in sinu maxillæ superioris habebat adhuc in mandibulæ inferioris latere dextro tumorem alium, & quidem in ea sede, quæ duobus dentibus molaribus posticis supposita est, magnitudine ovi columbini, durum admodum, atque indolentem. Dentes molares ipsi usque ad radices carioli. Doluerant antea sæpius, non tamen vehementius, in regione tamen hac per longum satis spatium temporis continua, obtusa quædam sensibilitas, percepta fuit. Dentes carioli extrahebantur non sine vi. Radices anterioris erant bonæ, illæ vero posterioris in extremo suo habebant tumorem cysticum, magnitudinis ut fabæ parvæ, qui, lanceola apertus, grisea crassiori materie, particulari in membrana inclusa, repletus viscebatur. In alveolos extractorum dentium tertio die immittebatur linteum carptum essentia cariophyllorum humectatum; externe applicabantur lintea resolvente spir. madida, post quorum usum intra V. septimanas tumor fere omnis evanescebat, & alveoli, ex quibus dentes exempti erant, consolidabantur similiter.

OBSERVATIO IV.

Studiosus quidam hujus loci tumorem habebat in maxilla inferiori, & quidem latere ejus dextro in medio seriei dentium molarium. Tumor ille magis se manifestabat extrorsum, quam introrsum, magnitudinis majoris quam ovum columbinum, durus admodum, & intra annum spatium ad hanc molem excretus. In principio dentes doluerant frequentius non tamen exquisitè; in tumore ipso continuus quidam, sed obtusus valde dolor sentiebatur. Dentes omnes erant boni, præterquam primus molarium. Quoniam vero tumoris mandibulæ sedes non erat sub illo aut prope ad illam, hinc credi non poterat originariam sedem hujus tumoris in dente hoc quærendam esse, unde nec eundem extrahendum esse judicabatur, sed scalpello stabili inter gingivam atque genam non sine vi adducto usque in cavum hujus tumoris, & separatis per vulnus factum partibus ab utraque parte a se invicem remotis, ut apertura magis patula hiaret, materies effluebat instar tenuis mucilaginis sine sapore atque acrimonia; quoniam vero ob sedem suam materiæ huic liber exitus præclusus, nec ille ope pressionis, quemadmodum in abscessibus partium mollium, illi procurari poterat, hinc sola injectione elui illa tantummodo

modo poterat. Quoniam vero jugiter affluens in hoc cavum humor, tamdiu in eodem hærere deberet, donec ex eodem mediante injectione iterum expelleretur, hinc mora illa incipiebat putrescere, & foetorem contrahere, qui tamen per injectam tincturam aloës cum spir. vitrioli remixtam corrigebatur. Verum, quoniam per hanc injectionem materies hæc spissior & vulnus infictum nimis arctari inciperet, constituebatur, ampliari de novo vulnus, & immissa turunda distendente, illud apertum detinere, quo cavum hoc eo melius detergi atque sanari posset. Deducta itaque mediante instrumento superius dicto, a dentibus gena, scalpellum intrudebatur usque in cavum, & lata plaga diffecabatur tumor ille, quousque intumescens os illud permetteret. Specilli ope cavum interius explorans nullibi nudum, sed membrana obductum illud inveniebat. Vulneri immittebatur turunda ex radice calami aromat. parata, & cum balsamo arcæi obducta. In usu harum turundarum continuabatur, nisi quod deinceps usque ad finem sanationis eadem cum balsamo peruviano oblinerentur, injecta ante applicationem earumdem essentia quadam aromatica, cui admiscebatur spir. vitrioli, si foetorem materies contraheret. Hæ turundæ abbreviabantur successive, prout profunditas cavi imminuebatur, donec intra dimidium anni perfecta sanitas sequeretur, sine ullo incommodo relicto, absque ulla deformitate superstita, redacto osse in pristinos suos limites atque angustias priores.

O B S E R V A T I O V.

Alio tempore dens caninus, præcipuæ cuidam matronæ hujus loci extractus, in radice sua cysticum tumorem exhibuit. Doluerat ille jam ab aliquot annis satis graviter, dein vero obtusius. Cariosus usque ad alveolum dens, singulari inde instrumento, hunc in finem parato, eximebatur, qui in extremo suo tumorem habebat instar pisi majoris rotundum, cujus superficies hinc inde cum pingui quadam substantia obducta erat. Ille tumor per lanceolam apertus indicabat satis, tumorem hunc alium haud esse, nisi cysticum; cingebat quippe eundem peculiaris membrana, a materie crassiuscula ex albo flavescente, quam includebat, expansa. Post evulsum dentem, omnis dolor, quem antea perpeffa fuerat, evanuit prorsus.

O B S E R V A T I O VI.

In nosocomio patrio degebat foemina per aliquod temporis spatium continua, miti, interpolatis vero vicibus vehementi Odontalgia in dextro latere maxillæ superioris laborans. Omnibus dentibus molaribus ejus lateris existentibus, sanis, solus primus usque ad radicem cariosus. Ultra annum tumor durus supra gingivam dextri lateris erat exortus, & ad eam magnitudinem successive excretus, ut magnitudinem ovi columbini jam superaret. Quoniam tumor ille ubique æqualis, & modo supra dicto erat obortus, hinc

judicabat parens, materiem tumori inhærentem, vel primariam sedem habere in sinu maxillari dextro, vel alveolo unius alteriusve dentis molaris ejusdem lateris. Ut exitum diu inclusæ materiæ pararet, eodem modo processit, quo id factum fuisse in præcedentibus observationibus diximus. Materies exiens mucosa similiter erat, & instar mellis fluidi. Deligabatur vulnus cum turunda ex linteo carpto prima vice, dein injiciebatur duabus vicibus per diem aromatica essentia, cui, si olere inciperet materies addebatur spirit. vitrioli; turunda oblinebatur perpetuo cum balsamo peruviano, abbreviabatur illa successive, si major angustia cavi hujus, & minor ejusdem facta profunditas illud permetteret. Post semestrem spatium absoluta erat cura, nec ullum vestigium alicujus tumoris aut fistulæ remanserat: nullus dens fuerat extractus, cum cariosus ille nec omni adhibita diligentia extrahi potuisset.

OBSERVATIO VII.

Sarcoma intra sinus nostros posse generari supra evictum fuit; præsentia ejusdem hic loci difficillime vel plane non detegitur, ob accessum sensibus negatum, & ob mutationem, in quam degenerat, si in putredinem resolvatur, similem illi, in quam membrana Schneideri ex aliis causis abscedens, aliudve corpus in putrem materiem hic loci resolutum deducitur. Unde nulla mihi suppetit observatio sarcomatis in sinu uno vel altero existentiam certo docens. Cum vero morborum mandibulæ inferioris, quatenus analogiam habent cum illis in sinibus observatis, mentio aliquando facta, non incongruum puto observationem sarcomatis in maxilla inferiori parenti obviam factam hic loci annectere.

Laborabat miles præsidiarius sarcomate in gingiva dextri lateris mandibulæ inferioris, dimidium pollicem longo, unum crasso atque admodum duro, superficiei glabræ atque rubicundæ. Sub dente molari postico incipiens, pertingebat usque ad dentem caninum ejusdem lateris. Dimidiata pars postica gingivæ arcte accreta, altera anterior in tota sua peripheria erat prorsus libera. Ut excinderetur hoc sarcoma, applicabatur instrumentum malam a dentibus abducens; parti anteriori sarcomatis liberæ applicabatur uncus, mediante quo illa a gingiva abducebatur; dein ope scalpelli sarcoma ipsum a gingiva separabatur. Inter dissecandum autem in medio ejusdem resistentia magna opponebatur cultro, ac si per os quoddam aciei via facienda esset, unde & in secando major vis adhiberetur oportebat. Post operationem factam, fundum sarcomatis investigans in medio vulnerati loci mobile os deprehendebat parens. Hæmorrhagia satis larga, operationem subsequens, sedabatur plumaceolis, in aqua stiptica immerfis, dein applicabatur sæpius omni bihorio in melle salviæ cum aromatica tinctura, illi mixta, & humectata similis plumaceola; donec fragmentum ossis se separaret. Reliquum curæ corrosivis, dein balsamicis adhibitis remediis peractum fuit.

OBSERVATIO VIII.

Exostofim in offibus, finus nostros formantibus non solum, sed & reliquis omnibus corporis humani partibus offeis accidere posse, experientia duce cognoscimus, & quidem in radicibus dentis molaris postici, & in sinu maxillæ superioris id factum fuisse, parentis experientia in specie confirmatum habeo. Quoad primum, matronæ ex præcipuis dens molaris posticus in gingiva supposita mandibulæ inferioris extrorsum & introrsum protuberantiam ostendebat, quoad tactum duram admodum atque crassam. Dens ille nunquam doluerat exquisitè, sed ut plurimum satis obtuse. Extractio hujus dentis suadebatur, quoniam non exigua incommoda successu temporis inde oriunda pertimescerentur. Idoneo hunc in finem applicato instrumento, elevabatur ille sine magna vi ex fundo suo; gingiva tamen arcte accreta eidem manebat, ut separari eadem ope scalpelli a dente oporteret. Sexies crassior, quam ut solet in statu sano, erat circa radices suas, circumcirca fungosa carne circumductus. Separata illa carne radices instar pumicis erant porosæ atque friabiles admodum, quia multa vasa & carneæ fibræ substantiæ earumdem erant implantatæ. Cavitas, cui inhæserat monstrosus ille dens, successive consolidabatur, & ægra ab omni dolore reddebatur immunis. *Vidi* alium dentem, olim WRATISLAVIÆ extractum, qui nucem juglandem mole æquabat, porosus æque ac ille, de quo mentio facta est. Tam monstrosus dens ille fuit, ut multis sublesta fides visa narrantis, eundem ex corpore humano extractum fuisse. At qui historiam morborum offium callet, non mirabitur tenue os in magnam admodum molem posse excrescere, cum, quod longe magis mirum, ipsum os deperdita soliditate in carneam mollietiem aliquando mirabili metamorphosi converti videamus, quemadmodum elucescit ex PETITI tractatu de offium morbis [a], imo omnia corporis humani ossa ceræ instar emollita visa fuisse, patet ex ACAD. DES SCIENCES l'an. 1722. mem. p. 311. ; & ex nupera morbi, qui in Anglia observatus fuit, singulari plane historia illustratur [b].

OBSERVATIO IX.

Quoad alterum, in offibus sinuum maxillarium similem revera observatam fuisse exostofim, sequens observatio docebit. Ante aliquot annos huc accedebat rustica, quæ tumorem habebat in mala dextra sub offe jugali insigniter protuberantem, ut monstrosa admodum inde facies appareret. Prima specie existimabat parens, ob tumorem illum, illi quo laborabat præfulis uxor valde similem, eadem ratione curam esse tentandam, quemadmo-

E e 2

dum

[a] Traité des Maladies des os Liv. I. Chap. XI. pag. 319. & p. 420. seq.

[b] Vid. novellæ literariæ Gættingenses de anno 1748. pag. 1043. & 1044. Vid. & Astruc de morbis venereis L. IV. cap. III. pag. 353.

dum ibi factum fuisse diximus. Re tamen curatius pensitata, quoniam dilatata ossa inflecti, & sese restituere negarent, & superficies tumoris ubique inæqualis esset, de similitudine utriusque morbi incæpit dubitare. Accedebat, quod rustica hæc Eufarca quidem, tamen mensium defectum pateretur, & scorbuto gravi laboraret. Unde pronus magis erat, hæc omnia expendens, ut crederet, hunc tumorem verosimiliter esse exostosim. Nec tamen exostosim solam, sed, quoniam etiam subtilissimæ partes atque tenuissimæ ad incredibilem quamdam crassitiem pervenerant, una conjunctam esse sinus maxillæ superioris a materia distendente dilatationem. Ut de natura hujus mali eo certior redderetur, inter genam & gingivam, ubi tumor ille quam maxime protuberabat, scalpellum tentabat adigere, sed illico magnam resistantiam inveniebat. Quoniam vero instrumentum nihilominus sat profunde penetraverat, hinc concludebat, os ipsum satis porosum esse debere, & cum exostosi potissimum rem illi esse. Ne quid vero deesset, ad evincendam præsentiam hujus mali, applicavit post dissecta integumenta trepanum perforativum. Quoniam os porosæ erat substantiæ, adigebatur stilius facillime, ultra quinque tamen lineas terebrandum erat, antequam in cavitatem maxillæ penetrarèt. Ex apertura ita facta, effluebat liquidum simile illi, quod in prioribus casibus dictis effluxisse ex vulnere facto docuimus. Specillum aperturæ immissum, penetrabat usque ad orbitam oculi. Deligatio hujus ægræ per aliquod temporis spatium erat æqualis illi, in prioribus recensitæ, nec primi effectus erant ab iis dissimiles. Quoniam vero tumor hac opera non decresceret, id coepit consilii, tantum de exostosi tollere, quantum commode fieri poterat. Quem in finem terebram confici curavit, quæ ob conicam suam figuram a tenui apice in latam basim terminante, non solum commode penetrabat, sed & efficere poterat, ut magna pars hujus ossis, mediante hoc instrumento, e medio tolleretur; quod & in hac ægra ita effectum est. Absumpta ita, atque remota magna hujus ossis parte, necesse erat, ut protuberans gena subsideret, & deformitas faciei imminueretur. Quantumcumque vero erat, quod hoc modo de ossæ auferrebatur, multum tamen restabat, quoniam ad omnia tumoris loca accessus liber non erat. Interim incrementum tumori accedere nullum poterat, & quoniam ægræ, quamdiu hic commorabatur, remediis internis bene prospiceretur, spes erat, os ipsum intra pristinas angustias successu temporis redactum iri. Quæ eo major affulgebat, cum vel ante ejusdem ex hac urbe abitum evidentissimum erat, internam cavitatem maxillæ superioris arcte sese contraxisse, ut expleri tenuissima turunda posset. In quantum vero hæc spes adimpleta fuerit, dici non potest, quoniam nihil de hac fœmina deinceps ad aures perventum fuit. Metus tamen subest, quamvis tumor de mole sua forte multum decreverit, per vitæ reliquum spatium remansuram esse fistulam, quoniam humor in hoc cavo naturaliter secretus, ob obstructa & forsan coalita in nares excretoria per aperturam arte factam, in futurum defluere cogatur.

Hæ sunt observationes, quas experientia domestica suppeditavit. Non desunt

sunt tamen factæ ab aliis, atque in libris eorum hinc inde notatæ, in quibus recensendis brevis ero: de morbis ossium in genere, de exostosi, de cancris eorum, multa bona habet PETITUS in tractatu de morbis ossium. Observavit polypos in maxillæ superioris sinu RUYSCHIUS & delineavit F. 60. Observat. Anatom. & descripsit in observatione 77. item PALFIN de operat. chirurg. pag. 1. cap. 24. De polypo narium cum Ozæna, & dilatatione sinus maxillæ superioris exstat observatio in ACT. BEROLIN. Dec. I. vol. V. p. 47. De abscessu in sinu maxillari hærente cum tumore genæ & dolore dentium, circa dentem molarem tertium viam sibi quærente, & erodendo exitum sibi faciente exstat observatio a D. D. TREWIO in differt. SCHULZII de cavitatibus ossium, eorum vera crassitudine, usu & morbis, quam disputationum anatomicarum selectarum volumine IV to inseruit perillust. HALLERUS præceptor quondam meus omni cultu devenerandus: de abscessu in iisdem hæc singularia ex DRACKIO Chirurgo Anglo citat in Chirurgia capite de Ozæna CL. HEISTERUS: observavit ille DRACKIUS in sinuum uno vel altero maxillæ superioris latitare putridum sæpe, & corruptum ichorem, qui e nare tum potissimum efflueret, si æger caput in sanum latus inclinet. Cum vero illud cavum ab ichore illo nec evacuari penitus posse, neque medicamentis per eam viam, qua aliquid purulentæ materiæ in nares depluit, liberum patere aditum intelligeret, hinc ad sanandum hoc malum aliam longe viam iniit, & consilium de sinu hoc in fundo suo perforando, ad expurgandum omne inhærens corruptum, cæpit. Hunc in finem dentem molarem secundum extraxit, & alveolum ejus ope instrumenti acuti perforavit, quo facto materiei corruptæ liber dabatur effluxus; & ad detergendum mundandumque ulcus congruis medicaminibus per aperturam factam injiciendis concedebatur accessus; qua ratione hæc mala, hætenus desperata, ex voto sanavit, quemadmodum uberius apud HEISTERUM legere est.

C A P U T III.

Intelligitur ex secunda cap. II. allegata morbi historia, in sinu maxillari sinistro I. accumulatum successive liquidum quoddam fuisse, ossæa repagula variis in locis in tumores præternaturales attollens, eademque una in tennes lamina attenuans, quæ pressioni a digito factæ cederent: *secundo* hunc tumorem nunquam doluisse, sed tantummodo dentes molares, sub hoc tumore locatos, iteratis vicibus, una cum carnosa earumdem basi: *tertio* dentem caninum egregie longum, transverse situm, & cum radice angulum formantem, cæterum sanum fuisse; extremum vero ejus usque in cavum maxillæ pertigisse, cujus extremitati (quemadmodum in extracto id visebatur) aliquid carnei atque membranacei adhærebat, post cujus evulsionem & specillo liber aditus sine resistantia usque in cavum maxillare concedebatur, & materiæ contentæ & medicamini per alteram aperturam injecto, fa-

cilis exitus erat: *Quarto* hanc matronam (quemadmodum ex observatione tertia patet) similem quemdam tumorem habuisse in mandibula inferiori sinistri lateris huic valde similem, originem autem suam trahentem ex tumore cystico radici unius duorum evulforum dentium molarium adhærescente; dente autem hoc evulso intra V. septimanas iterum evanescentem. Ex his omnibus colligo, accumulatum atque sinui inhærens liquidum, ossa ejus tam mirifice expandens, non posse commode deduci ab inflammatione quadam, in tunica mucosa nata, & in abscessum terminata. Ratio hujus rei est, quod ægra dolorem nunquam in sinu hoc senserit, quod factum fuisse necesse est, si inflammatio ejusdem causa hujus liquidi fuisset. Nec polypus in sinu hoc nidulans, nec sarcoma quoddam eidem inhærens, causæ os dilatantes fuerunt, quoniam specillum post aperturam factam sinui immissum, vel illum, vel hoc utpote polypo durius, facillime detexisset. Nec carcinoma potuit esse, quoniam omnia requisita necessaria deficiunt: nec exostosis, utpote quæ incrementum crassitie ossis præsupponit, cum in nostro casu idem erat attenuatissimum. Restarent itaque duo adhuc mala in sinu hoc possibilia, ut causæ, quæ eundem ita ampliaverant, obstructio scilicet canalis in nares sinistram excretorii, vel tumor cysticus. Quamvis vero dicta canalis excretorii obstructio causa tumoris talis in sinu possit esse, si nimirum liquidum ex sinu per excretoria in nares transmittendum præternaturaliter crassum atque iners sit, quemadmodum superius diximus, duæ tamen subsunt rationes, quare in nostra ægrotante hanc obstructionem ut causam tumoris non possimus agnoscere: *prima* est, quod liquidum illud ex apertura facta effluens, ne quidem tam crassum, nec tam tenax fuerit, ut solet illud, quod in sano statu per glandulas hic loci elaboratur, adeoque non poterat crassitie sua obturare canalem excretorium. Nec dici potest ab alia quadam causa excretorium canalem, vel impressum aut collapsum fuisse, cum omnia requisita desint ad hoc credendum. Accedit *secundo* quod, si obstructio canalis excretorii causa tumoris fuisset, humor in hoc sinu per glandulas separatus, deinceps non per excretorium in nares defluxisset, sed per aperturas scalpello, & extractione dentis factas, perpetuo defluxisset, per consequens remansisset fistula, nec sanatio peracta fuisset, sed malum de novo ingruisset. Ex perfecta itaque sanatione, ad hanc horam usque durante, aperturarum factarum sine ulla fistula, sine ullo tumoris cujusdam præternaturalis residuo, concludo, nec obstructionem canalis excretorii hunc tumorem causatum fuisse. Restaret igitur solus solummodo tumor cysticus. In omnibus partibus mollibus corporis tumores cysticos dari posse, loquitur experientia, quidni eosdem etiam reperiri in radicibus dentium, licet in iisdem nec multum carnosum, aut glandulosum possit præsumi, superius parentis experientia corroboravimus. Hos vero tumores a tenui principio successu temporis in enormem aliquando molem atque extensionem posse excrescere, & absque dolore ab ægris diu tolerari, donec a materie tunicam continentem, vel nimis distendendo, vel acri facta & erodente, inflammatio & suppuratio subsequantur, experientia similiter

confirmatum habemus. Illud itaque quod in toto corpore fieri potest, quod toto die solet contingere, & quod in observationibus supra recensitis, in radicibus dentium revera factum fuit, illud etiam, vel in nostro sinu, vel in uno, aut altero alveolo dentium receptaculo, fieri potuit. Difficile vero erit determinare, utrum cysticus originariam sedem in tunica mucosa Schneide-ri, & hinc in sinu maxillari ipso habuerit, an vero in uno, vel altero alveolo in radice dentis, qui illi infixus. Posterius priori præferendum esse ad credendum, rationem sufficientem nos habere existimamus. Si enim supponimus, tumoris cystici sedem originariam in ipso sinu maxillari, eundemque ad eam molem atque crassitiem excrevisse, ut ossa ipsa, modo in observatione *secunda* dicto, remove a se invicem atque attenuare potuisset; non tamen possumus assequi, qua ratione separatio muci, multo minus separati ejusdem excretio in nares peragi potuerit, siquidem tumor ille, utpote tenui tantum membrana circumdatus, omnibus locis sinus hujus sese applicare undique, per consequens omnia orificia excretoria glandularum non solum, sed & ipsum ductum in nares excretorium comprimere, atque obturare perfecte debuit; quod possibile esse, tam præprimis facile quis concederet, si in animum revocet vim pressionis, quæ tanta nimirum debet esse, ut etiam durissimas partes corporis, osseas nimirum, dilatet atque extenuet. Posito jam possibile esse in hoc statu, ob bonitatem muci retenti, & sanam ægri conditionem, nullam inflammationem subsecutam fuisse; tamen non posset concipi, quomodo post factam aperturam tam enormiter extensa membrana tumoris cystici contrahere se iterum ita potuerit, ut & sinus & canalis excretorius ad suos iterum usus restituti fuerint. Si quis judicet, post effluxum contentæ materiæ ex apertura facta, dilatata ossa sese iterum contraxisse, & hac contractione sua membranam tumoris cystici in arctiores angustias reduxisse, & ita sinum hunc ad officium suum iterum adoptasse; ille, antequam ita judicet, cogitabit, membranam tumoris cystici per tantum temporis spatium valida vi tunicæ appressam cum se invicem coalescere debuisse, eo magis, ob inflammationem aliquot dies post aperturam hujus tumoris subsecutam, quæ omnia in experientia sufficienter fundata sunt. Quod si quis nihilominus tamen assereret, tumoris cystici primam sedem in hoc sinu fuisse, ille simul asserere deberet, totum hunc sinum post peractam curam pristinum suum usum penitus perdidisse, & ab acri facta materie vel medicamento tali adhibito tunicam mucosam atque membranam tumoris cystici materiem includentem, penitus destructam, per consequens totum hoc cavum mere osseum factum fuisse. Quoniam vero nec de materia tali acri in hoc casu, nec de adhibitis ad sanationem medicamentis acris fundata suspicio est, melius videtur esse, tumoris cystici sinum maxillæ adeo dilatantis, originariam sedem ponere, in radice dentis unius vel alterius, eo magis, cum, quemadmodum demonstrabimus, omnia, quæ de tam grandi tumore dicta sunt, hac ratione fieri, & cum nihilominus & sinus nostri usus, atque separatio muci, ejusdemque excretio durante hoc tumore aliquomodo permanere, & post aperturam ejusdem

dem in sanum iterum statum redigi, per consequens aperturæ factæ absque quadam fistula residua consolidari potuerint. Quod ut evidenter demonstrari possit, ut axiomata ponimus *primo*, omnia ea, quæ de tumoribus cysticis dentium ex domestica experientia proposuimus, veritati congrua esse. *Secundo* tumorem illum cysticum, radici dentis molaris adhærentem, nisi mature evulsus esset, naturæ horum tumorum conveniente, certissime in incremento suo perrexisse tamdiu, donec inflammatio subsequens, aut suppuratio, aut apertura facta, eundem destruxisset. *Tertio* fundum alveoli, cujus incola tumor ille erat, æque bene dilatari posse, quemadmodum ossa sinus maxillaris in nostra observatione se dilatari passa fuerunt. Si itaque ponatur, tumorem cysticum in radice unius aut alterius dentis molaris, vel & evulsi dentis canini originem malo nostro dedisse, per cujus continuum incrementum alveolus, cui dens cum tumore suo cystico inhæserat, coactus cedere, & quidem eo versus, quo minor est resistentia, hoc est versus sinum maxillæ, quoniam fundus ejusdem tenuior, quam partes laterales, & radices dentium huic proximorum tam anteriorum, quam posteriorum, ob arctissimam conjunctionem inter se, majorem resistentiam pariant, consequitur a materie, in tumore cystico successive accumulata, alveolum in fundo suo, aut cedere; aut frangi debuisse, & dilatatum a dente & tumore cystico alveolum, cavum maxillæ occupasse, & durante hoc incremento tumoris cystici etiam ossea repagula sinus maxillæ, ubi partes ejus sunt tenuissimæ, dilatasse, unde tumor ille tam notabilis, & in sensus incurrens, quemadmodum eundem descripsimus, exortus fuit. Quod vero hac ratione, sinus maxillæ non tam perfecte undiquaque adimpleri ita potuerit, ut omnis separatio muci hinc impedita fuerit, quemadmodum diximus, id futurum, si tumor cysticus originariam sedem in tunica mucosa sinus nactus fuisset, ita licet concipere, tumor cysticus alveolo inclusus, & increscens tenuissimas partes magis e loco suo removit plus resistentes, vel plane non, vel minus, unde inæqualis extensio in sinu maxillæ etiam oborta, ex cujus inæqualitate variæ minores cavitates obortæ, in quibus separatio muci potuit fieri, atque excretio in nares perdurare, quam excretionem perennasse concludimus, quod nec inflammatio supervenerit in hoc statu, nec post aperturam factam fistula remanserit.

Postquam itaque probabile esse docuimus, originarium malum, unde maxillæ tam enormis dilatatio exorta, fuisse tumorem cysticum radici dentis unius vel alterius adhærentem, restat, ut & hanc quæstionem decidamus, quinam nimirum præcise dens ille fuerit, cui tumor ille accretus, cum ipse in sensus non ceciderit. Facilis erit ad hæc responsio, si animum advertamus *primo* ad conditionem dentis evulsi: *secundo* ad id, quod extractioni ejus successit. Quod ad conditionem dentis, ille erat admodum longus, 2do transverse admodum alveolo infixus, 3tio formabat aliquot lineas ab extremo suo angulum, cujus extremitas carne & fibris obducta erat. Quoad *secundum*, eductum dentem excipiebat apertura usque in cavum maxillæ penetrans, per quam

quam materies in cavo collecta defluebat, & specillo usque ad fundum ejus aditus patebat. Ex hac communicatione dentis cum cavo maxillæ immediata deducimus, illum dentem, ita descriptum & extractum, esse illum, cujus extremo tumor cysticus adhæsit, adeoque eundem anſam dedisse præternaturali constitutioni sinus ipsius. Ne aliquid huc pertinens omittatur, attendimus præterea ad sequelas, quæ obortæ fuissent, nisi medela modo superius dicto maturius adhibita fuisset. Supra jam dictum fuit, quod materies in sinuum uno vel altero diu inclusa, nec exitum inveniens, mediante inflammatione, & eam sequente suppuratione eundem sibi procuraret, id quod etiam successu temporis futurum fuisse in nostra ægrotante dubitamus. Loca illa omnia, quæ intropremi ab adhibita quadam vi se patiebantur supra recensita, erant apta levi data anſa, ut, diffracta, contentæ materie exitum concederent. Ille tamen locus præcipue hoc factum fuisset expertus, prout nos sentimus, qui versus nares protuberabat, quoniam vi introprementi minus resistebat, & suprema pars hujus tumoris rubicundum jam colorem induerat, & a muco eundem jugiter alluente emollitus fuerat. Quod vero si factum fuisset, nec materies in sinu contenta, libere defluxisset, neque apta medicamenta per aperturam hanc fundo sinus applicari, per consequens nec abstergi, & sanari potuisset, sed necessario fistula remanere, & si ista foetentem materiem dedisset, ipsa Ozæna excludi debuisset. Si quis vero concederet, a tumore cystico modo dictum malum, quod passa fuerat matrona, exclusum fuisse; quærere tamen jure posset, quid cum tunica illa tumoris cystici factum fuerit? Utpote cum extra omne dubium sit, tumorem ejusmodi, ubicumque locorum hæreat, nunquam solide tolli & sanari, nisi membrana ejusdem e medio penitus sublata fuerit. Id ita esse non negamus, quin id factum fuisse in nostra ægrotante lubenter concedimus. Quomodo vero id factum fuerit, facile concipere licet, si consideremus, hanc tunicam eo tempore, quo apertura facta, ob enormem extensionem ejusdem ex parvo principio ortam, necessario debuisse esse tenuissimam, dein ea, quæ aperturam factam secuta sunt, ut inflammationem, suppurationem, & in usum vocata medicamenta perpendamus, in proclive est judicare, tam tenuem membranam ratione dicta in materiem dissolutam; & sic e medio sublata fuisse.

Si cum iis, quæ modo attulimus ad illustrationem casus in observatione *secunda* propositi, conferamus observationem *Vitam*, & eam in studioso quæ ordine *quarta* est, inveniemus magnam inter se convenientiam, & ob eventum utrobique eundem judicamus, tumorem cysticum in radice dentis hærentem causam mali & in his casibus fuisse.

Ex hætenus dictis elucescit, in quo proprie consistat vera Ozæna. In ejus descriptione authores abeunt in diversa; vel & aliena admiscunt, quæ eo proprie non pertinent, ita ut huc referant omne id, quod foetorem per nares spargere potis est. v. gr. Ulcera venerea, in naribus sedem habentia, foetoris insignis, præprimis si ossa ipsa inde infecta fuerint; vel si cancrusus ichor sedem in naribus habuerit, qui abominabilis foetoris sensus semper de-

prehenditur. Verum si hæc mala, ob foetorem hunc, ad Ozænam referenda sint, non video, cur non eodem jure foetor ille huc trahendus sit, quem de se spargit tenax atque incrassatus mucus, vel sinuum nostrorum, vel membranæ mucosæ narium in hominibus calidi temperamenti in crustam coriaceam lentescens, quæ diu adhærescit, & cum tempore incipit putrescere, & foetorem de se spargere ægro & adstanti intolerabilem: vel &, si quis foetidum ulcus in pulmone gerat, exspirando similem odorem exhibens: vel &, si corrupti cariosi dentes per nares & os eundem foetorem spirent. Sed hac ratione ad Ozænam referuntur proprie sic dictam, quæ eo non referenda erant. Dum enim per Ozænam intelligimus ulcus, quod quibusdam continuo adhæret, a juventute aliquando usque ad seniles annos, præcipue si vera sedes hujus mali abscondita lateat, ægro interim alias satis recte valente, nisi quod aliquando hæmorrhagiæ narium obnoxius fiat (quod vel a luxuriantē carne in sinu mali sede, vel a materie acri, vasa erodente, oriri potest): in iis, qui venereis ulceribus narium laborant, foetor cesset, quamprimum malo per interna remedia medela facta; cancer ob rabiem suam cum jactura vitæ sponte sua brevi cesset; in illis quibus a muco indurato atque putrescente ingratus odor, eo præsentē adsit, & absente evanescat, &c; hinc ego quidem videre non possum, cur non potiori jure affirmandum sit, quod Ozæna nihil aliud sit, quam ulcus in uno vel altero sinuum, vel ossis frontis, vel maxillæ superioris sedem habens, & curatio Ozænæ in eo consistat, ut sinus maxillæ superioris aperiantur, antequam ulcus sponte sua in nares exitum sibi faciat, vel si id jam factum ea medela adhibenda sit, quam primus proposuit DRAKE, quemadmodum ex HEISTERI Chirurgia docuimus.

Præter sinus, de quibus egimus, in cranio reperiuntur adhuc alii, nostris similes, adeoque malis, de quibus hætenus egimus, non minus obnoxii; quorum tamen mentio ideo facta non fuit, partim quoniam ita absconduntur, ut Chirurgus accessus denegatus sit, partim quoniam ex eo, quod de nostris sinubus dictum, quantum circumstantiæ patiuntur, facilis applicatio ad reliquos fieri potest.

F I N I S.


EXPLI

Constructio instrumenti apparet ex Lit. A. B. C. D. E. F. ad applicationem jam parati, partes autem per analysim appositam ita cognoscuntur:

- A. Trabis inferioris longitudo præminens tendit ad curvaturam C, in forma rostri corvini, cujus pars interna convexa, & externa parum concava esse debet.
- B. Format trabem alterum quodammodo breviorē, qui eadem ratione cum anfa per E. ad A. conjungibili, & curvatura in D. terminante instructus est, percurrēns eandem lineam usque ad locum contactus in D, qui cum C. parilem faciem licet minorem & abbreviatam habet.
- in B. Indicatur spatium, quod relictum est pro cursu operculi mobilis F. F. clavum helicatum in sua axe habentis, qui in F. inferiore clauditur, & terminatur per vaginam: solum autem operculum propellitur ex circumgyratione in E. facta, quæ in anfa duplici intus helicata vim motricem exercet. Vagina E. operculum F. respiciens eadem ratione firmiter clausa est, ut jacet F. in parte sua infima, dum maximopere requiritur stabilitas ex nullo motu alterabilis.
- C. Extremitas trabis majoris & longioris figuram spatii Chirurgici imitatur, quod in facie anteriore convexum pro receptione cavi interni lit. D. genam diductam ambientis, in exteriorē vero leniter concavum est pro spatio in ore a diductione genæ facta quodammodo ampliando, ut itaque extremitas C. latus internum genæ abducit, sic illa D. deductam genam cum toto apparatu, qui in E. & F. efficax est suo motu particulari, firmiter tenet, & circumvoluto linteo utrisque extremitatibus forte conducibili arctius solito comprimit.
- D. Extremitas trabis B. se vel sociat, vel recedit, prout diductio malæ facta vel faciēda est, & in C. locum contactus, vel punctum fixum & firmum, format
- E. Manubrium cochleæ & ejus extremum in vagina helicata inclusum a parte anteriore & posteriore per ansas binas horizontaliter gyrationes producens, vim motricem exercet in operculo protrudendo ad majorem conjunctionem D. in loco contactus C. ut eo melius gena prehendi, & extrorsum diduci possit.
- F. Operculum fenestrati trabis minoris B. mobile clavum utrosque trabes penetrantem in suo centro habet, qui ex loco superiore ad inferiorem F. terminatur, & quietus sequitur operculi motum progressivum ex E. orientem, quando nempe circumgyratio helici fenestram B. magis vel minus tam accessum vel discessum D. ad C. in gena compressa disponere solet.
- Not. Proportio hujus novi instrumenti convenit in sua delineatione cum natura inventi, ut nullus de modo applicandi sat commodo, & pro diductione genæ in quemcumque locum a dentibus distantem, desideranda dubitare unquam, & auctoris laudem satis possit deprædicare præses, cui descriptio hæc optime placuit.



DIS.



XII.

DISSERTATIO
MEDICO-CHIRURGICA,
DE
FISTULA LACHRIMALI,

Quam pro Doctoratu

Consequendo defendet

JO. CASPARUS SCHOBINGERUS
SANGALLO HELVETUS

Basileæ 31 August. 1730.

DISSEMINATION
OF
FISTULARY LACRIMATION

By
GEOFFREY H. HARRISON

IN THE
JOURNAL OF THE
ROYAL ANTHROPOLOGICAL INSTITUTE

Vol. 1, Part 1, 1930

§. I.

A *Egilops*, sive *fistula lacrymalis* est purulenta solutio continui in sacco ejusdem nominis, pus fundens pro admista varia lacrymarum quantitate, copia & consistentia diversum, modo per alterutrum, plerumque autem per inferius punctum lacrymale, aliquando etiam in narium cavum ejusdem lateris sponte, ut plurimum tamen presso prius sacco effusum. Quæ quidem fit quandoque sine tumore, rubore, ulcere, callo cutis, carie ossium subjacentium aliaque vicinarum partium noxa; quandoque vero ex modo dictis quædam, subinde cuncta simul eam concomitantur. Hæc medicamentis vel operatione chirurgica plerumque curari potest, sed pro concursu symptomatum facilius difficiliusve.

§. II.

Ex data brevi morbi notione patet, 1°. *natura mali*, quæ est dispositio ulcerosa partis affectæ, cum vel absque memoratis symptomatibus Th. I. 2°. *subjectum*, sive pars affecta, saccus nempe lacrymalis læsus, pureque corrosus. 3°. *morbi species*, quæ a varietate symptomatum, variis mali ipsius gradibus, duratione, ægrotantium haud temnenda temperamentorum diversitate, aliisque circumstantiis vel ægrotum vel morbum respicientibus peti debent. 4°. *Distinctio* ab omni alio morbo; est enim purulenta lacrymarum per puncta lacrymalia, vel (quod rarissime contingit) inferius facci orificium in nares hians ejectio, sive effusio; differt ergo his characteribus ab *Epiphora*, *lippitudine*, *anchylope*, *facci callo* vel *simplici obstructione*, *Ozæna* & *cancro*. 5°. *causa*, quæ est omne illud, quod hic loci lacrymarum vias obstruere, ulcus producere, & lacrymas cum pure confundere valet. 6. *Hujus causæ effectus*, quam sequitur purulenta facci corrosio, puris & lacrymarum confusio, harum impeditus ad nares transitus, regurgitatio ad superiora, stagnatio earumdem in ipso loco affecto, ab acquisita hinc paulatim acrimonia vicinarum partium infectio, corrosio, destructio, quæque ex modo recensitis nasci possunt incommoda. 7°. Semeiotice, quoad *diagnostica* & *prognostica*. Emanans scil. per aperturas facci pus, lacrymæque purulentæ præfens arguunt malum; pus si copiosum acreque est, si affectus diu duraverit, vel a violenta causa ortus fuerit, vicinarum partium infectionem, læsionem, difficiliorem hinc curam ostendit. 8°. *Curatio*, quæ est vel medica, vel chirurgica, facilis vel difficilis, vel aliquando omnino impossibilis. Quando possibilis est, indicat detergendum, mundificandum & consolidandum ulcus esse; lacrymarum porro vias obstructas esse referandas, vel novas parandas, & liberum lacrymarum iter conservandum, haud neglectis interea cæteris adjunctis symptomatibus, quæ cuncta medicamentis congruis, auxiliisque chirur-

chirurgicis, pro morbi magnitudine variis præstanda sunt juxta illud Ovidianum.

*Cuncta prius tentanda, sed immedicabile vulnus
Ense rescindendum, ne pars sincera trahatur.*

§. III.

Postulat materiæ tractandæ ordo ac necessitas, ut modo recensita summa capita paulo accuratius pertractemus; naturam mali quod spectat, jam ex data morbi descriptione descriptionisque explicatione hæc patet. Fistula in genere quodvis sinuosum callosumque ulcus a Chirurgis dicitur, idque ab omni Medicinæ ævo sic vocatum fuit. Sinus ac callus itaque fistulæ essentiam sive naturam constituunt; quod autem una fistula ab alia differat, id a situ mali affectæque partis sublata functione, nec non inde pendentium symptomatum indole, habita simul adjacentium partium ratione petendum est. Lacrymalis autem fistula ab alio sibi simili morbo discrepat. 1°. ratione loci, obsidet enim oculi canthum majorem, sedemque suam fixam habet in ipso sacco lacrymali, utpote parte præcipue affecta. 2°. ratione symptomatum §. 2. N°. 6. recensitorum. 3°. ratione curæ, quod hic maxime prospiciendum sit, ut lacrymarum interrupta via, quantum arte fieri potest, quam libera expeditaque reddatur, reliqua communia cum quaque fistula habet, patet itaque fistulæ lacrymalis natura.

§. IV.

Mali sedes est sacculus lacrymalis, cujus nec non reliquarum ipsi adjacentium partium anatomica disquisitio plurimum ad cognoscendum tractandumve morbum confert. Harum partium structura functioque sic se habent. In utriusque orbitæ superiore anterioreque parte format apophysis externa ossis frontis prope angulum oculi minorem foveam minimi digiti extremum admittentem, in qua glandula ex conglomeratarum genere, lacrymalis vocata, conditur; plurimis simplicibus constat hæc glandulis in glomerem coactis ac communi membrana cinctis. Harum numerosi rivuli excretorii invicem junguntur, & tandem 6. vel 8. exiles longosque cellulosam albugineæ substantiam percurrentes ductus, qui valde conspicui in bobus, in homine vero vix visibiles sunt, constituunt; hi in brutis totidem foraminibus setæ aditum concedentibus, albugineam pertundunt, stillantque perpetuo roridam, pellucidam ac dulcem a minoribus rivulis acceptam lympham lacrymarum nomine cognitam, tum autem maxime, quando oculi globus vario suo motu glandulam hanc premit vel movet. Hæc lympa lubricando globo, corneæ glabritiem, pelluciditatemque conservando maxime infervit. Solet enim oculus hac deficiente xerophthalmia corripitur; quando vero acris est, vel nimis abundans hygrophthalmia aut epiphora oritur; spissitudine peccans obstruit

truit vias mox describendas; qualicumque autem modo illa vitiata sit, oculus cornea obfusca non acute cernit, difficulter ac cum aliquali dolore movetur, nec lucis radios patienter fert. Glandula hæc lacrymalis sanguinem arteriosum à carotidis internæ ramo per foramen nervi optici in orbitam tendente multosque in furculos diviso accipit, venosumque post secretionem revehunt venæ ad sinum ophthalmicum. Nervos impertiunt furculi ophthalmicorum Willisii, qui quintæ conjugationis primi rami soboles sunt.

§. V.

Oculus limpidus insipidoque hoc rore continuo ita irrigatur, ut superflua in genas caderent lacrymæ, nisi provida natura partes hic constituisset, quæ has colligerent, ac per proprias admiratione dignas vias singulari mechanismo tandem ad narium utramque cavitatem mitterent, quod ita contingit: connectitur albuginea sive conjunctiva tunica partim oculo ea in parte, qua cornea pellucida se scleroticæ jungit, partim utriusque palpebræ interiori limbo. Ita globus oculi mediante hac tunica laxè palpebris adhæret, hinc in toto ambitu cavum quoddam recipiendis stillantibus lacrymis inserviens formatur. Dum oculus se movet, affricatur globus palpebris, & hoc subtilissimo glutinè lubricatur, iterumque proin colliguntur lacrymæ, quæ clausis palpebris versus oculi canthum majorem, ope musculi constrictoris palpebrarum, ac ipsorum tarsorum artificiosa conformatione pelluntur; nam superior hæc cartilago inferiori latior simulque tenuior est, ac invicem clauso oculo sic adaptantur, ut sulcum sive semicanalem nasum versus hiantem lacrymarum cursum dirigentem, efficiant. Tarsi sibi invicem nectuntur ope quorundam ligamentorum; nexus hujus duo sunt loci, quorum ille, qui nasum respicit major canthus, ille qui tempora, minor canthus vocatur. Tarsorum interiora extrema non attingunt oculi canthum majorem, sed aliquot lineis ab ipso semota valde attenuantur, formantque duplicis epiphyseos quasi speciem, quæ recipiunt duos exiles ductus lacrymales suis orificiis, ubi tarsi desinunt, oculum versus hiantes, ex his adunatis alveus sive sinus ac tandem ipse saccus lacrymalis, osseo canali inclusus, formantur. Sed antequam harum partium anatomicam descriptionem suscipiam, notandum adhuc est, in majori oculi cantho glandulam sive carunculam reperiri. Quid illa sit non adeo inter anatomicos constat, nam a nonnullis zootomia deceptis pro vera glandula, ab aliis pro caruncula lacrymas absorbente, a plerisque autem pro corpore, cujus præcipuus usus sit, ad lacrymas versus modo dicta orificia pellendas habetur. Experientia hoc saltem docet in diabrosi oculum continue lacrymas fundere, id etiam contingit, dum hæc pars alio morbo infestatur, vel quando noverca natura illam quibusdam hominibus denegavit, quod tamen rarissimum est. Scatet dicta caruncula plurimis exiguis, conspicuis tamen corpusculis sphaericis, glandulosis illis, quæ Meybomius in interioribus palpebrarum lim-

bis detexit, simillimis; si comprimatur, consimilem, crassum sebaceumque humorem vermiculorum in morem exeuntem reddunt, nec alio modo ab illis differunt nisi situ, quoniam Meybomianæ glandulæ suos ductus excretorios in ipsa tarforum interna superficie quasi insculptos habent. Nonnunquam pilos quosdam in caruncula hac reperi, quod mirum mihi videbatur, quoniam horum eo loci non tantum nullus videtur usus, sed e contrario, si copiosi adessent, summam molestiam creare possent. Præter hanc carunculam oculatissimus anatomicus Morgagni valvulam quamdam, quam semilunarem vocat, detexit, quæ aliud nihil est nisi quædam duplicatura membranæ conjunctivæ dirigendis quoque lacrymis versus dictas aperturas inserviens. Valde conspicua est illa in avibus, quibus alium simul præstat usum, oculum nempe, cum rapidissimo motu in aëria spacia feruntur, obvolvunt tegitque.

§. VI.

Puncta lacrymalia ductuum ejusdem nominis sunt orificia ad marginem palpebrarum eo præcise loco, ubi cartilagine tarfi finiuntur, sita; manifesto gaudent motu constrictorio dilatatoriove, hinc nonnulli his partibus sphincteres, quorum ope hos motus peragi dicunt, tribuunt, hosque aliquando paralyticos fieri statuit Woolhousius. Nonnunquam a variolosa pustula, a nimis vicino hordeolo, a lapillis, a lupia, & ab aliis propinquis tumoribus, inversaque palpebra varie afficiuntur, ac in illorum functione perturbantur; fetis, liquoribus injectis ipsisque lacrymis jam explicato mechanismo huc determinatis aditum facile, modo nullum recensitorum symptomatum obstat, concedunt. Hæc autem orificia in duos exiles canales, ductuum lacrymalium nomine insignitos desinunt, suntque ejusdem ac faccus lacrymalis substantiæ; superior oblique ad palpebrarum musculi constrictoris tendinem vergit, inferior horizontali situ sub eodem tendine se superiori jungit, ibidemque ambo facci lacrymalis ampliorem, superioremque partem, a Gallis *la poche du sac lacrymal* dictam, constituunt; arctior angustiorque factus faccus, dum canali nasali includitur, demum inter laminam spongiosam narium inferiorem & apophysin ossis maxillaris nasalem paulo amplior factus, ac calami scriptorii rostrum haud male referens, terminatur. Forti lubricaque constat descriptus faccus membrana, quam duplicem, ac quoad structuram membranæ Schneiderianæ haud dissimilem esse, in publicis lectionibus statuit vir in anatome exercitatus Dom. Duverney horti regii parisiensis, anatomiae ac chirurgiæ professor meritissimus. Interior facci hujus lamella juxta citatum virum multis glandulis lubricum humorem secernentibus referta est. Saccus idem circa anteriorem ac anteriorem partem proprio exiguo musculo circa os planum orto fibris suis supra dictam facci partem sese extendente gaudet, quem strenuus anatomicus ac chirurg. D. Duverney horti regii parisiensis, anatomiae & chirurgiæ operatoriae demonstrator publicus, modo dicti viri celeberrimi partruelis,

Truclis, dilectissimus præceptor meus primum invenit, & mihi pluries in variis subjectis demonstravit. Ex data hac partium structura & functione luculenter patet, pulsas ad aperta ostia ductuum lacrymalium lacrymas. iisdem adminiculis in exiles hosce ductus ferri, indeque proprio illarum motu per declive iter tandem ad utrumque narium cavum delabi.

Hanc lacrymarum protrusionem, impulsionem, ulteriorem progressum juvant. 1°. Musculi orbicularis contractio. 2°. Palpebrarum frequentes motus. 3°. Alterna osculorum patentium constrictio & dilatatio. 4°. Ductuum propria elasticitas, situs & directio. 5°. Tendo musculi orbicularis sacci ampliolem superioremve partem premendo lacrymas sua tensione ulterius protrudens. 6°. Similis actio musculi proprii sacco lacrymali inserti nondum ab authoribus descripti. 7°. Declivis sacci situs. 8°. Via a nullo ambiente corpore impedita, proprioque osseo canali defensa, libera summeque declivis.

§. VII.

Sed ipsius palpebrarum musculi constrictoris, nec non canalis nasalis structura examen quoque meretur. Constat prior plurimis semicircularibus fibris, ab una ad alteram palpebrarum commissuram tendentibus, in totidem ibi tendines finitis, hinc in totidem musculos dividi pro cuiusque libitu posset. Singulæ enim palpebræ, quarum quatuor sunt, suum habent musculum constrictorem, horum tendines circa palpebrarum utraque commissuras concurrunt, hacque ratione juncti ambo musculi palpebrarum constrictorem musculum constituunt, cujus officium ex ipso nomine patet. Vidi sectas has tendineas fibras orbicularis musculi nullo subsequente damno, modo palpebrarum commissura salva integraque existerit, cum tamen omnes ophtalmojatri, operatoresve moneant, tyronibusque suis inculcent, hanc partem in ipsa operatione fistulæ haud disseccandam esse. Altera describenda pars canalis nasalis nomine insignitur; is vero partim ex tenuissimo osse pellucido, os unguis propterea vocato, partim maxillari solidiore osse, duplici tabula cum interposita diploë gaudente componitur; duobus hisce ossibus constructus canalis tegit aliquam partem cavitatis narium, utraque ossa spongiosa, ossisque ethmoidis quasdam cellulas. Initium canalis patulum ac in figuram cochlearem sulcatum, prope os planum situm, sacci lachrymalis ampliolem superioremque partem recipit, (a) pergit deinde forma canalis perpendicularis, ac inter laminam spongiosam inferiorem, & ossis maxillaris processum in cavernam nasi protensum terminatur.

G g 2

§. VIII.

(a) Cutis subjectusque sacculus lachrymalis hic loci corrupto osse unguis pertunduntur; locus hicce apprimè considerandus est, nam imperiti operatores aliquando ossis unguis vice os planum ipsamque

sic orbitam ignari perforant, ut hoc mihi aliisque chirurgicarum encheiresium tyronibus, dum in nosodochio parisiensi exercitii gratia fistulæ operationem in cadaveribus instituebamus, contigit.

§. VIII.

Vasorum ad recensitas partes vitalem laticem vehentium, atque vice versa ab ipsis revehentium decursum & conjunctionem ut describamus, superest, quia hæc cognitio quoque necessaria est, ut probat Cl. Hild. cent. V. obs. XVIII. qui refert historiam ægri cujusdam, cui imperite aliquod horum vasorum sectum cum fuisset, visum miser amisit. Primi generis vasa arteriosa sunt soboles quarti rami carotidis externæ, qui ramus nomen suum mutat pro locorum diversitate. Tria percurrit spatia & totidem nomina quoque obtinet, ab initio maxillaris, medio itinere, h. e. circa oculi canthum majorem angularis, ac circa finem frontalis vocatur. Pars media, de qua hic tractamus supra apophysin nasalem ossis maxillaris sita versus oculi angulum majorem tendit, ibidemque in aliquos ramusculos divisa furculum in orbitam mittit, qui sacco lacrymali, carunculæque ejusdem nominis, ut & conjunctivæ membranæ propagines impertit, ac postea anastomosi cum ramulis arteriosis ab interna carotide ad oculum distributis conjungitur, sicque vitalis liquor carotidis utriusque invicem commiscetur: reliqui rami musculo orbiculari, superciliarum corrugatori, frontalibus musculis, ipsique cuti implantantur. Venarum autem extremitates concurrunt in ramusculos, ex his in ramos, tandemque in truncum confluunt, in cantho interno situm, quem venam angularem vocant, qui acceptum cruorem venæ jugulari externæ pluribus aliis ramis conjunctus infundit. Ordo autem distributionis, iter & mutatio nominis fere in omnibus se habent, ut de arteriosis vasis antea dictum est; hoc saltem notandum, mirum esse circa has variantis naturæ lusum, non esse eandem in omnibus subjectis harum distributionem; cæterum animadverti debet quosdam venarum harum ramos ad orbitæ fundum pergere, ibidemque cum aliis venis conjungi, hicque concursu suo alveum sive sinum formare, qui duræ matri insertus sinus ophtalmicus vocatur. Nervos dictæ modo partes ab ophtalmico Willisii, nec non superiori maxillaris ramo accipiunt.

§. IX.

Quas hætenus in statu sano anatomice physiceque vidimus perpendimusque partes, easdem tandem in morbofo statu considerabimus, quatenus notitia hæc ad fistulæ lacrymalis diagnosin & curam necessaria est. Nam & hæc consideratio præmittenda est; plura enim vitia morbida occurrunt. 1°. Laxata, obstructa, inflammata glandula lachrymalis. 2°. Lachrymarum varia vitia; abundans vel deficiens quantitas, diversa earundem acrimonia, lentorque varius. 3°. Tumida, dolens, irritata, inflammata membrana conjunctiva. 4°. Palpebræ similiter affectæ, ulceratæ, paralyticæ, inversæ aut male figuratæ. 5°. Meibomianæ glandulæ obstructæ, inflammatæ, tumentes, schirrhosæque factæ, si circa lacrymalium punctorum orificia

orificia sitæ sunt. 6°. Tarforum inversio, luxurians caro quæ palpebram hujusque tarsum invertit, vitiata figura tarfi, hujus & palpebrarum vulnera. 7°. Carunculæ lachrymalis, valvulæque semilunaris varia vitia, exesa aut prorsus deficiens aut in nimiam molem distenta, hujusque nec non dictæ valvulæ ulcera morbique varii. 8°. Osculorum ductuum lachrymalium, ipsorumque ductuum diversi morbi; horum spincteris paralyxis, canalium coalitio, punctorum & ductuum obstructio ac ulceratio variolosis infantibus admodum frequens. 9°. Sacculi lachrymalis amplioris superiorisque partis dilatatio peculiarem hic quasi mentiens herniam, harum partium ut & sacculi ipsius compressio, obstructio, dilatatio, vulnera, inflammatio, ulceratio, callositas. Si diversis hisce morbis adjungimus tumores, vulnera & ulcera, quæ externas internasque vicinas partes infestant, si cariem ossium, polypos narium, sanguinis vitiosam *διάρροιν*, tam cacochymicam quam veneream & scorbuticam, scrophulosam, cancrasam &c. addis, nec non prægressos morbos, ut rheuma capitis, febres exanthematicas, epiphoram, lippitudinem, anchylopem, ozænam, &c. Morbi nostri causæ tam proximæ quam antecedentes & remotiores patebunt, innotescet enim id omne quod lachrymarum liberum iter impedire, sacculum obstruere seu ulcerare valet, fistulam lachrymalem producere posse. Nec ignorabimus omnes recensitos morbos suum hic, licet dispari ratione, symbolum conferre. Quamvis enim ipsam fistulam non excitent, epiphoram tamen producere possunt. Ex epiphora autem, præsertim si lachrymæ acres sint, variæ circa oculi angulum majorem obstructions, inflammationes & ulcerationes oriri solent, quos morbos aliquando sacculi lachrymalis ulceratio ac ipsa fistula sequitur. Fistulæ lachrymalis itaque naturam constituunt sacculi lachrymalis sinuosum callosumque ulcus, nec non lachrymarum purulentarum per superiora regurgitatio, quæ morbi hujus inseparabilis comes est, nisi per cutim ulcere erosam profluat, ubi igitur hæc duo symptomata aderunt, ille morbus vera fistula lacrymalis erit; a simplici lacrymarum per alterutrum punctum lachrymale vel alium locum, effusione ideo distinguenda, quia prior casus ab artis peritis simplex sacculi obstructio, posterior vero oculus lachrymans vocatur. Ulceratio sacculi lachrymalis itaque fistulæ lachrymalis causa proxima est. Collectum vero in affecta parte pus, accumulataque hic acriores lacrymæ causam materialem hujus morbi constituunt: quod autem hæc duo symptomata producit, erit causa efficiens. Hæc, quia morbum causamque proximam semper præcedit, a quibusdam antecedens, ab aliis vero remotior vocatur; ad hanc posteriorem classem plerique, si non omnes recensiti morbi, nec non perversus 6. rerum non naturalium usus spectant. Sic affecta pars fistulæque lachrymalis causæ omnes patent.

§. X.

Hæ causæ diversissimæ, cum majore minoreve vi moraque in subjectum agunt, diversas quoque producent fistularum species. Hinc fistula lachrymalis recens est morbus vel inveteratus, occultus vel manifestus, simplex vel cum aliis morbis complicatus, perfectus vel imperfectus, benignus vel malignus, sanabilis vel insanabilis. Tot igitur differentiis totidem resurgunt fistularum species. Omnium simplicissima existit illa, quæ recens a levi causa orta, levissima sacci obstructio & ulceratio est, ubi nullus fere tumor, nulla cutis rubedo, nulla præsens anchylops, caries nulla, ac os unguis adhuc integrum est. Quo magis autem ab his conditionibus recedit fistula lachrymalis, eo difficilior erit morbus. Priorem dilucidæ magis distinctionis gratia cœcam, vel haud prominentem, *fistule plate & borgne*, vocant. Sequitur hanc altera species, quam fere semper præcedit anchylops, in hac circa oculi angulum majorem tumor aliquando in ulcus desinens apparet, indicat hæc majorem stagnantium lachrymarum acrimoniam, quæ tamen cutim nondum corrodit, nec os acri putredine sua infecit. Hæc progressu temporis in tertiam speciem degenerat, veræ fistulæ characteres præ se ferentem, quod ex cutis livore, exiguo apparente foramine, specillo aditum ad ipsum saccum nasalem, os unguis, imo etiam ad ipsam aliquando narium cavitatem concedente constat. Dum ita constituta est, fistula perfecta vocatur. Si quædam lues vel alius morbus fistulæ lachrymalis se associat, retinet hæc peculiaris illius morbi nomen, hinc venerea, scorbutica, scrophulosa &c. vocatur, prout hæc vel illa sanguinis intemperies ad hujus morbi productionem ansam præbet. Fistulæ lachrymalis morbus affinis alius, ubi nempe pressio tumore nullum pus, sed limpidæ saltem lachrymæ per alterutrum punctum lachrymale exeunt, ab Anello sereniss. Ducis Sabaudicæ matris ophthalmojatro sacci lachrymalis hydrophthalia nominatur. Huic haud multum dissimilis morbus, quem sacci lachrymalis herniam vocat citatus Anellus, sacci hujus summæ partis gallico nomine, *la poche du sac lachrymal* insignitæ summa est dilatatio, quæ cum vel sine hujus partis ulceratione quoque contingit. Reliquæ fistulæ lachrymalis species, quas brevitatis studio omisi, petendæ sunt 1°. *Ab ipsius mali facie, naturave diversa*, 2°. *a diversis causis*. 3°. *ab adjunctis symptomatibus*. 4°. *a morbis intemperiei*. Vidi enim fistulas lacrymales, quæ ophthalmiam, quæ epiphoram, quæ ectropium, quæ anchylopem, ozoenam, faciei erysipelas, palpebrarum fistulam, quæ hordeolum, lupiam quæque amaurosin comites habebant. 5°. *Ab ipso durationis tempore*. 6°. *Tandem a morbi felici vel sinistro eventu*. Hæ sunt præcipuæ, quas hactenus novi fistularum lacrymalium differentiæ.

§. XI.

§. XI.

Si nunc, quæ fufius de fistula lacrymali affectaque parte hætenus diximus, iisdem morbis, cum quibus aliquando confundi folet, comparabimus, patebit fistulam lacrymalem, cum fit facci lacrymalis finuofum callofumque ulcus, cujus præcipuum fymptoma purulentarum lacrymarum per puncta lacrymalia regurgitatio, hisce characteribus a similibus morbis differre. Distinguitur enim 1°. *Ab epiphora* five *oculo lacrymante*, quod hæc fit relaxatæ, irritatæ & inflammatæ glandulæ lacrymalis vitium, lacrymis limpidis fupra genas cadentibus nullo circa angulum majorem apparente tumore, nullaque cum lacrymarum, dum oculi canthus major digiti apice premitur, regurgitatione combinatum. 2°. *A lippitudine* five glandularum meibomianarum inflammatarum ulceratarumve morbo, ubi lacrymæ, harum organa fecretoria, viæque fe fecundum naturæ leges habent. 3°. *Ab anchylope*, quæ cutis circa oculi majorem canthum tumor inflammatorius fistulæ lacrymalis plerumque prodromus vel comes eft. Nam fi hæc inflammatio fimplex eft, non regurgitant lacrymæ, dum locus affectus premitur. Hoc autem fi contingit ac lacrymæ purulentæ profluunt, jam fistulæ lacrymalis nomen meretur. 4°. *A facci fimplici obftructione*. Hic morbus tumorem ejufdem cum cute coloris fufcitatur, qui preffus vifcidus, fed limpidus, non autem purulentas lacrymas per alterutrum punctum lacrymale effundit. Simplex ergo facci dilatatio, obftructione immerito pro fistula lacrymali habetur tractaturque. 5°. *A facci lacrymalis callo, ductuum lacrymalium, horumque orificiorum morbis*. Prior fpecillo, fuæque duritie fe manifeftrat, hinc, fi nulla fimul præfens facci lacrymalis ulceratio, vel purulentarum lacrymarum regurgitatio adfit, fistulæ lacrymalis nomen obtinere non poteft. Posteriores autem foleo intuitu cognofcuntur, & a dicta fistula facile diftinguuntur. 6°. *Ab ozæna*, quoniam hæc eft fordidum, mali moris odorifve, membranæ Schneiderianæ ulcus, neque faccum lacrymalem, nifi eadem labe affectus fit, refpicit. 7°. *A Cancro*, qui durus, dolens, malignus tactuique refiftens cutis anguli oculi majoris tumor eft, preffus, nunquam lacrymas reddit, ac a quacumque caufa irritante graviffimis fuis fymptomatibus crudeliflime fævit, aliquando per plures annos, fi intactus relinquitur, eodem manet in ftatu, fed leviffimo applicato remedio fæpe fubito in ingentem molem crefcit, fanguinemque fundit, ac demum ulceratus nullam amplius medelam accipit.

§. XII.

Quid fistula lacrymalis fit, ubinam fedem fuam figat, quæ partis affectæ fit ftructura functioque, quomodo hæc pars, ac quibus de caufis, afficiatur, fistulæ lacrymalis diverfas fpecies, ac quibus characteribus ab aliis

aliis similibus morbis distinguatur, jam declaravi. Nunc autem hujus fistulæ nec non ejus causarum in subjectum cognitum agentium effectus indagandi examinandique sunt, ex his enim non difficile erit morbi quem tractamus diagnosin, prognosin, ac quæ curam ipsam attinent, depromere. Hos nunc effectus eo ordine, quo sibi mutuo succedunt, unus alterumque sequi solet recensebo, hinc quos §. 2. num. 6°. jam recensui, hic iterum repetere illorum series me cogit. Sunt autem hi effectus facci lacrymalis ulterior dilatatio, obstructio, inflammatio, corrosio; puris & lacrymarum confusio; posteriorum impeditus ad nares transitus, regurgitatio ad superiora, stagnatio harum in ipso loco affecto, ab acquisita hinc acrimonia cutis & palpebrarum circa angulum oculi majorem inflammatio, tumor, rubor, abscessus, ulcus, callositas; carunculæ lacrymalis, membranæ conjunctivæ inflammatio, rubor, tumor, dolor, ardorisque sensus. Lacrymarum fordidarum supra genas defluxio, harum acrimonia cutim excorians, frequentes anchylopes, abscessus, erysipelata & ulcera, ossis unguis, cellularum ossis ethmoidis, ossis maxillaris & spongiosorum narium corrosio cariesque. Membranæ Schneiderianæ inflammatio ulceratioque; visus aliqualis hebetudo, oculi debilitas, ac quæ ex recensitis oriri possunt mala. Quædam horum symptomatum rarissime, quædam semper apparent, solent tamen in vera ac perfecta fistula, præsertim si inveterata est, recensitorum symptomatum pleraque adesse. Hæc posteriora cum in omni subjecto fistula lacrymali laborante semper adsint, hujus morbi signa *διαγνώσιμα* constituunt. Cuncta hæc symptomata sunt effectus suarum causarum; ac plerumque a spissis vel acribus lacrymis, variolosa pustula, ulcere circa patentia ostia, ductuum lacrymalium, facci lacrymalis dispositione inflammatoria, hujusce obstructione ulcerationeve oriuntur. Aliæ quoque §. 9. jam recensitæ causæ aliquando hos affectus producere possunt.

§. XIII.

Ubi itaque quædam, vel pleræque §. 9°. & 12°. enarratarum causarum canalem nasalem obstruxerunt, vel ulceraverunt, in omnibus hoc morbo laborantibus subjectis ab initio exiguus inter oculum nasumque tumor apparet ejusdem ac cutis coloris, planus, qui doloris expers est, ac prementi digito parum cedit. Hic morbus, si simplex facci lacrymalis obstructio est, lentas, viscidas glutinis instar tenaces lacrymas, dum premitur per alterutrum punctum lacrymale eructat. Si vero faccus lacrymalis jam ulceratus, ulcusque fistulosum factum est, non tenaces, nec limpidas amplius, sed turbidas ac purulentas pressus tumor per patens punctum lacrymale inferius evomit lacrymas: hæ, si valde acres corrosivæque sunt, cutim, faccum lacrymalem ac subjacentia ossa corrodunt, dum lividi plumbei coloris cutis exiguo foramine simul pertusa est. In quod, si specillum admittitur, perceptus sonus asperitasque, vel si patula ad
nares

nares via, aut ulcus cutis sinuosum callosumque est, os unguis, vel aliud vicinum os cariolum detegunt; quando autem hæc nondum animadvertuntur, cutis vero frequenter inflammatur, ac frequentes anchylopes observantur, tum simplex facci obstructio in veram fistulam, quam ossium caries sequi solet, degenerat, ac sensim, quæ modo descripsi, signa apparebunt. Tandem per Anellianum puncto lacrymali inferiori adaptatum siphonem liquor in faccum lacrymale injectus nos docet, an libere transeat ad narium cavitatem, ac æger: dum hoc fit, aliqualem titillationem in naribus percipiat, quibus in casibus liberum esse hunc faccum apparet. Si autem dictus liquor immutatus per superius punctum lacrymale cum levi titillatione redit, simplicem facci lacrymalis obstructionem hunc morbum esse ostendit; si vero, dum faccus injicitur, nulla titillatio persentitur, liquorque injectus una cum majore minoreve puris copia, non per nares, sed per superius punctum lacrymale exit, atque post absolutam hanc encheiresin pressus tumor eadem fluida per punctum lacrymale inferius ejiciat, hic morbus vera & perfecta fistula lacrymalis est. Ex datis omnibus hisce signis distincta, vera, & nunquam fallax, certa hinc fistulæ lacrymalis *διάγνωσις* habetur.

Pleraque horum signorum illa, quæ a practicis pathognomonica vocantur, constituunt, ac præsentem vel futurum morbum, hujus initium, progressum, statum, naturam, gradus speciesque quam luculenter ostendunt. Silentio prætereo cætera signa diagnostica, quia illorum in præcedentibus thesibus mentio locupes facta est.

§. XIV.

Ex iisdem fontibus, a quibus fistulæ lacrymalis diagnosin hausimus, prognosis quoque petenda est. Variant inter se morbi pro varia illorum natura, causis, accidentibus, temporibus, subjectorum idiosyncrasia, affectæ partis structura & functione. Harum rerum consideratu dignissimarum discrimen universæ prognoseos quasi cardo ac fundamentum est, cui tota futuros morborum eventus præfagiendi scientia innititur. Solet hæc medicinæ pars medico, si illam probe callet, summo honori, ægrotantibus autem haud exiguo emolumento esse, hinc minime in praxi negligenda est. Scire itaque nostra refert, quid de fistulæ lachrymalis exitu in genere sperandum vel metuendum sit, dein cujusque fistulæ exitus in specie considerandum se se præbet. Quod fistularum prognosin in genere spectat, scimus nullam perfectam fistulam lacrymalem sibi relictam naturæ ope & beneficio medelam accipere; nam talis vel in eodem statu manet per integram ægri vitam, vel in pejus malum degenerat. Nonnisi rarissime necem infert. Unicum sed grave hujus rei exemplum nosodochium parisiense mihi exhibuit; & hoc quoque in casu sinistre potius peractæ operationi, quam ipsius morbi vi rara hæc mortis causa erat adscribenda. Hinc pe-

riculo quidem vacat hic morbus , non vero insigni molestia. Perfecta fistula lachrymalis rarissime solis medicamentis , aliquando levioribus auxiliis chirurgicis , plerumque tamen ipsa operatione tollitur. Cura hæc est perfecta vel imperfecta , facilis vel difficilis , brevis vel longa , cum aliquo vel nullo post se relicto incommodo. Si per peritum ophtalmojatrum tractatur fistula , hæc fere semper intra 6. vel 8. septimanas ita perfecte curatur , ut nullum præteriti morbi vestigium , nullum prorsus incommodum , nulla palindrome vel recidiva metui debeant. Et hæc quidem est generalis fistulæ lachrymalis prognosis.

§. X V.

Specialis autem singularum harum fistularum prognosis ex sequentibus patebit. Simplex facci dilatatio facilius quam ejus obstructio curatur. Hujus iterum expeditior leviorque cura est quam ipsius fistulæ. Hæc quoque si a levi causa oritur , simplicique facci ulceratione constat , atque nullis gravioribus stipatur symptomatibus , citius medelam admittit , quam illa , quæ a gravissimis violentisque causis , aut prægressis vel præsentibus morbis gravioribus , originem suam trahit , vel ubi os maxillare superius carie corrosum , aliudve vehemens symptoma istius fistulæ comes est. Recentium fistularum in corpore euchymo cura iterum expeditior est & facilior , quam illarum fistularum , quas contraria omnia comitantur.

Caries ossis maxillaris ut plurimum a labe venerea , scorbutica vel alia producitur , hinc pertinax , solitamque sanandi methodum respuens morbus est , nec adeo frequenter accidit. Unicum inter multos alios fistula lachrymali laborantes ægros vidi. Erat hic præfectus invalidorum sic dictorum militum martis venerisque castra pari strenuitate secutus , qui tandem furtivi amoris turpidissimas dedit pœnas. Nam ozœnam summe foetentem , ossis maxillaris tam superioris quam inferioris nec non ossium palati cariem cum variis hinc inde in facie propullantibus pustulis , ipsamque demum fistulam lacrymalem passus , per biennium & ultra misere decubuit , ac tandem facta , post adhibita antivenerea omnium cariosorum ossium exfoliatione , amissis ex parte naso , palato , nec non ipsius faciei parte aliqua , a fistula & reliquis symptomatibus liberatus est. Aliam memoratu dignam hujusce morbi historiam suppeditavit , videndique ansam mihi præbuit vir clariss. Stehelinus , almæ hujus universitatis Professor Physices meriti-
tissimus , hospes & præceptor meus semper colendus , in muliere rustica duplici fistula sinistri oculi laborante , quarum una saccum lacrymalem , altera vero palpebræ inferioris ejusdem oculi angulum minorem obsidet ; ambæ pressæ fundunt copiosum album mediæ consistentiæ pus , quod etiam per nares , dum hæc emunguntur , exit , adest simul maxillæ inferioris quædam immobilitas , nam ægra os non omnino aperire potest , vi autem ductis ope ligni crassiusculi a se invicem maxillis , oreque sic aliquatenus patente ,

patente, universam fere palati superficiem ulceribus cancriosis plurimis refertam esse vidimus, confertiores sunt in parte sinistra quam in dextra: apparuit quoque in extremitate buccæ sinistræ tumor albus qui cum premittitur, pus quoque fundit. Gena sinistra affecta non sine dolore tangi potest, flaccida simul, lurida ac quasi contusa est. Musculi qui ossi zygomatico, ossibusque maxillæ tam inferioris quam superioris incumbunt & inseruntur, sc. musculi faciei, masseter, pterygoideus externus & internus acri falsa pituita imbuti ac inde immobiles facti functionem suam amiserunt. Annofo jam, cum ægram invisebam, existente morbo ab ulceratione oris incepisse referebat eadem, morbum, qua neglecta a chirurgo quodam vicino plurimas sibi ex palato carunculas tandem cultro extractas fuisse, ipsumque præter purgantia nihil adhibuisse. Aliud exemplum fistulæ lachrymalis scrophulosæ, ubi os maxillare quoque cariosum fuit, refert spectatiss. Præceptor meus D. St. Yves in eleganti tractatu de oculorum morbis. Hujusmodi fistulæ, quia ossis maxillaris cariosi exfoliatio longum tempus requirit, magni moliminis cura est, neque semper ex voto succedit, ut id tristi patuit exemplo quorundam ægrorum, quibus ad hanc cariæ destruendam cauterium actuale fuit applicatum, qui hac ipsa operatione sinistre, per dexterrimos licet viros, administrata, usu oculi affecti privati fuerunt. Quæ igitur fistula ab hujusmodi quadam labe vel a polypo narium aut ozoena oritur, difficillime, ac nonnisi post curatos hosce morbos antecedentes sanatur. Pertinax quoque neque semper perfecta cura est harum fistularum, quando lacrymarum, glandulæ lacrymalis, palpebrarum, vel ductuum lacrymalium vitia quædam adsunt, quia curatæ oculum lacrymantem, nisi id curantis industria præcavetur, post se relinquere solent. Pellimæ autem indolis cancriosa fistula est, atrocem hanc fistulam, si unquam contingit, sibi relinquendam esse, hujus morbi unus observator Riverius optime monet. Si post peractam operationem sinus aut festuca aut caries quædam cellularum, ossis ethmoidis vel ossium spongiorum, narium, aut ulcus quoddam membranæ Schneiderianæ sacculique nasalis relinquitur, solent hi morbi recidivam inferre. Omnes nunc, quantum memini ægilopis eventus generales specialesque recensui; de aliis in prognosi necessario notandis, quæ hic omisimus, dabitur nobis ansa in ipsa morbi cura, quæ jam nobis recensenda est, differendi.

§. X V. I.

Absolutis iis rebus, quæ fistulæ lacrymalis theoriam spectant, ad mali hujus curam me verto. Hæc, ut in §. 2. N°. 8. præfatus sum, est vel medica, vel chirurgica, facilis vel difficilis &c. Cæteroquin pro fistulæ vario statu, natura, causis, harum effectibus, accidentibus, durationis tempore, mali ipsius gradibus, nec non ægrorum idiosyncrasia differt. Ut mille sunt mali species, sic mille quoque salutis erant. Quando igitur fis-

tula lacrymalis in suis adhuc incunabilis latet, dum hic morbus levis facci lacrymalis obstructio vel ulceratio est, curatur 1°. Infuso foliorum veronicæ, quo tepido oculus sæpiissime irrigatur. Mirum est quam efficax sit simplex hoc medicaminis genus. 2°. Apti liquidi in faccum lacrymalem injectione mediante siphone Anelliano debito modo & sæpe facta. Injiciendi encheiresis hæc est. Ægri in sella sedentis caput paululum elevatur, dum ad ægri latus sinistrum stans chirurgus sinistro brachio si dexter, dextro autem si sinister oculus affectus sit, ægrotantis occiput sustentat, simulque pollice ejusdem manus palpebram inferiorem paululum deprimit, altera vero manu indice in annulum, quo siphonis embolus armatur, immisso, pollice & medio digito siphonem apprehendit, ac perpendiculari fere directione siphonis tubulum patenti hac arte ductus lacrymalis inferioris orificio dextere inserit, postea siphonem paulo inclinat, directione perpendiculari in horizontalem mutata, sic levi emboli annuli pressione per immisum digitum indicem facta, liquorem contentum artificiose per ductum lacrymalem inferiorem in ipsum faccum lacrymalem propellit, his peractis siphonem iterum ab oculo dextere removet, ac injectum in faccum liquorem, qui ipso injectionis momento per punctum lacrymale superius, vel per inferius facci in nares hians orificium non rediit, levi digiti indicis supra tumorem facta pressione expellit. Saccus lacrymalis ter quaterve sic alternatim dicto liquore implendus & evacuandus est, quod singulis diebus ad minimum semel peragi debet, ut optatum injectionis scopum attingat chirurgus. Quod ipsum spectat liquorem injiciendum, quivis ophthalmojater peculiarem habet; nos autem in omnibus subjectis non eodem liquore utendum esse censemus, quia hic pro vario facci lacrymalis morbofo statu, varius quoque esse debet. Aliquando simplex quædam aqua ophthalmica exigua quantitate camphoræ imbuta, subinde aqua calcis, quandoque vero alius liquor corroborandi, detergendi, consolidandique vi pollens, profuit. 3°. Specilli Anelliani per punctum lacrymale superius ad faccum lacrymalem introductione. Hæc est decantata illa Anelliana fistulas curandi methodus, qua serenissimi regis Sardiniae defunctam matrem fistula lacrymali laborantem curavit. Methodi hujus inventionem clariss. Stahlius ac citatus Anellus ambo sibi adscribunt. Magnam suæ famæ celebritatem hac methodo Anellus per italiam galliamque adeptus est, frequenterque adhibita est primis inventionis temporibus, sed cum suis incommodis haud careat, nec in omnibus subjectis institui possit, nec absque summa industria dexteritateque administratur, hodie fere oblivioni tradita est.

Sic volvenda ætas, commutat tempora rerum.

Quod fuit in pretio, fit nullo denique honore

Porro aliud succedit, & contemptibus exit. Lucret. L. V.

§. XVII.

Altera incipientis ægilopis species facci lacrymalis dilatatio est. Hæc quoque curantium torfit ingenia. Varia excogitarunt instrumenta pleraque vana & nociva, quibus affectum locum comprimere summo opere studebant, sed per plures annos sic pressus faccus lacrymalis morbum aliter non mutavit, nisi quod e simplici facci obstructione hac methodo morbus in perfectam fistulam degenerare soleat. Alia igitur hujus morbi cura instituenda est; hæc absolvitur. 1°. Infusi foliorum veronicæ usu. 2°. Liquoris cujusdam corroborantis leviterque adstringentis diligenti injectione. 3°. Sedulo tumorem apice digiti premendo. 4°. Applicatis simul externe medicamentis corroborantibus dilatatas partes, si his auxiliis malum non cedit, in veram fistulam degenerare solet, ac ut talis tractandum est. Simili prorsus methodo facci lacrymalis herniæ, hydropique medetur.

§. XVIII.

Quando autem præcedentium usus curantis ægrique spem elusit, ac morbus in perfectam fistulam jam mutatus est, operatio chirurgica ultimum opitulantis decumbentisque refugium erit. Nemo vero hanc aggrediatur nisi perspectis prius morbi causis, natura, symptomatibus & ægri constitutione; nam horum debita consideratio operationem præcedere & comitari debet. Famæ suæ prudenter consulens ophthalmojater earum fistularum, quæ suapte natura insanabiles sunt, vel quæ sanatæ graviores morbos pariunt, magni hippocratis moniti memor curam non suscipit.

Si itaque simul vitium quoddam glandulæ lacrymalis adest, vel lacrymæ spissæ aut acres sunt, si denique alius quidam morbus ut rheuma capitis, faciei erysipelas, ophthalmia, palpebrarum inflammatio, tumor, &c. fistulæ se conjungit, vel ægrotantis corpus cacochymicum est, unicuique harum circumstantiarum debitis medicamentis externis internisque pro rei exigentia administratis ante instituendam operationem prospiciendum est, horum & reliquorum ægilopem concomitantium morborum curam hic lubens traderem; si angusti dissertationis cancelli propositusque scopus id permetterent, hos itaque ut curatos vel cognitos suppono, ac solummodo in præsens quæ ad ipsam operationem spectant, describam. Ubi igitur nullum symptoma, institui fistulæ lacrymalis operationem prohibet vel differere cogit, corpusque ægri bene constitutum est, neglectis contra vulgi opinionem universalibus remediis hic minime necessariis, operatio sequenti modo peragitur. Seditis ægri caput sellæ dorso incumbens paululum elevatur, ac comprehensa circa oculi angulum majorem cutis leviter tensa, (eadem ratione, quemadmodum in Phebotomia fieri solet) una cum sacco lacrymali, inflicto per lanceolam obliquo vulnere, a palpebris versus mus-

culi orbicularis tendinem vergente, pertunditur, hoc vulnus immisso spongiæ compressæ frustulo dilatatur, primoque die super imposito emplastro spermatis ranarum vel alio conveniente munitur, & in alterum diem relinquitur: quo hocce apparatu remoto, vulneris & subjacentis ossis unguis statum chirurgus specillo & injectione iterum explorat; num adsit ossis unguis caries vel sacculus lacrymalis vulnere læsus sit. Postea ægro chirurgoque in eundem situm, quo injectio instituitur, collocatis, chirurgus una manu ægri caput sustentat, altera autem specillo fortiori, vel instrumento quodam tricuspidali a Gallis *Troicart* vocato, os unguis caute perforat, quod artificium in eo consistit, ut 1°. cognoscat locum, quem os unguis occupat, ne imprudenter os planum prioris loco pertundat, vel instrumentum ossis maxillaris apophysi nasali frustra impingat; quia hocce os ita facile perforari non potest, prior vero casus non vacaret periculo. 2°. ut obliquo ductu instrumentum perforans ita dirigat, ne ossa spongiosa vel aliæ partes narium lædantur, ex quibus gravis morbus oriri posset. Debet autem instrumentum ita dirigi, ut ejus apex perforato osse unguis inter utramque laminam spongiosam nasi medium locum obtineat. Hisce cautelis adhibitis ægri nares cohibet chirurgus, ægrumque spiritum ducere jubet, sic per vulneris aperturam aer, sanguis & pus si egrediantur, docent, an rite instituta sit operatio an secus? Quando hisce signis constat liberam esse ad narium cavitatem viam, hanc pro virili conservare studet operator, immisso hinc in vulnus frustulo ligneo cuneiformi factam aperturam parum dilatatur, ac imposito emplastro vulnus hoc ipso die operationis in statu sibi relinquit, sequentibus diebus idem per turundas ex linteo cera imbuto factas præstare conatur, quas tertio quoque die mutat, sensimque crassiores adhibet, dein eadem proportionem tenuioribus paulatim iterum utitur. Crassissima calami scriptorii crassitiem refert, ab hac æquali proportionem distant turundæ, quæ primis vel ultimis curæ temporibus adhibentur; his mediantibus turundis libera novaque paratur lacrymis via, ossium corruptæ partes nullo adhibito igne, quem æger valde abhorret, quique sæpe gravia damna producit, sponte secedunt, fitque ipsa opitulante natura optima ulceris sacculi lacrymalis deterfusio, mundificatio & consolidatio, modo chirurgus sua peritia hanc juvat. Dum asperitates omnes, ossiumque occurrentes festucas, hoc ipso curationis tempore destruit vel aufert; sinus si quidam adsit, forfice aperit, membranæ Schneiderianæ ipsiusque sacculi lacrymalis ulcera lapidis infernalis repetita circa curæ finem applicatione consolidat. Quoties vulnus deligatur, toties æger cohibitis naribus, nifuque retento hic loci acre, stagnans pus expellat, chirurgus autem novam turundam non nisi oleo prius inunctam in hiatum efformatum intrudat, ac supradictum emplastrum imponat. His caute & feliciter peractis tandem turunda abstinet, vulnerisque consolidatio solo emplastro promovetur, quæ intra paucos dies absolvitur. Sic pleræque fistulæ lacrymales intra 6, vel 8, septimanas optime plerumque curantur. Ægi-
lopes

lopes quæ ob adjunctam malignitatem incurabiles sunt, palliativam quamdam curam admittunt juxta versiculorum sequentium præcepta.

Requiem tamen indere morbo
Fas erit, & tristem saltem mulcere dolorem.

§. X I X.

Scopus itaque hujus operationis triplex est. 1°. Sinus omnes, ossium caries qualiscumque, nec non occurrentes festucæ destrui vel eximi debent. 2°. Sanandum est ulcus facci lacrymalis. 3°. Solita lacrymarum via, quia obstructa vel potius ex parte destructa est, obliterari hujusque vice nova parari debet. Hæc nova via inter utramque laminam spongiosam narium suum locum habet, æque libera ac veteri multo brevior est, hinc non ita facile obstruitur, nec, ablatis semel, quæ auferenda sunt, ullus denuo recidivæ metus superest. Hæc omnia an ex voto sint peracta, repetitæ circa curæ finem ac post curatum morbum injectiones congrui liquidi ostendunt. Dum hoc in narium cavitatem penetrat. Sed alium simul scopum prudens operator assequi studebit; nempe quomodo præsentibus vel post curatum morbum relictis quibusdam symptomatibus operetur. Hisce symptomatibus occurritur, si quodvis suo debito modo tractatur. Concomitantia symptomata varia esse possunt, quorum recensio nimis prolixa foret. De præcipuis saltem sequentia monenda esse existimavi. Nempe si quædam inflammatio oculi vel faciei erysipelas ab ipsa operatione ortum est, ei demulcentibus aliisve antiphlogisticis remediis medelam affert, interim neque novam turundam immittit, sed intrusam immutatam relinquit, quia tali irritatione malum augeretur, tepida potius aqua vel decoctum radicum althææ, quæ duo remedia egregia hoc in casu sunt, in usum vocentur. Ubi acris copiosaque sit humorum ad affectam partem defluxio, quæque contingit, vel ante vel post operationem, in illo casu prius curanda est, in hoc vero sibi peculiarem methodum medendi requirit. Si os maxillare simul cariosum est quod tamen rarissime contingit, ipsius caries quocumque modo tamen prudentissime destruat. Fistulæ lacrymalis curam plerumque sequitur partium affectarum debilitas, ex qua epiphora oritur, quæ tamen confortante aliquo collyrio, quo glandulæ lacrymalis, oculi & facci lacrymalis laxatæ debilitatæque fibræ iterum corroborantur, plerumque facile curatur.

§. X X.

Simplex hæc, tuta, vix unquam fallax spectatissimi Præceptoris mei Dom. St. Yves fistulas curandi methodus omnibus aliis hætenus usitatis ideo præferenda est; quia juxta Celsi præceptum cito, tuto & jucunde juvat, quod ipsum antequam finem huic dissertationi imponam demonstrare satagam.
Hoc

Hoc tamen quia absque comparatione accurata cum aliis hactenus usitatis & a viris etiam celeberrimis commendatis methodis fieri haud potest, tanto magis a me rogandi sunt viri laudati, ne quæ a me veritatis amore proferentur, tanquam invidiosa, vel tanquam studio famæ detrectandi ipsorum prolata accipiant. Ægilops aut nascens aut adultus est morbus. In nascente malo plerique chirurgorum præcinente ipsis Dione spleniis minoribus triangularibus comprimentibus utuntur, quidam vero instrumenta comprimentia adhibent, omnes partem affectam comprimere student, in hoc autem negotio læsam partem contundunt, offendunt, irritant, sic varia incommoda ipsimet procreant. Anellus specillo argenteo obstructas lacrymarum vias expeditas reddere conatur. Wolhoufius vero affluentes humores a morbofa parte ad alias allicere fetaceo tentat. Prior aliquando dicta methodo leve malum licet non absque labore industriaque curavit, quandoque vanam eandem esse expertus est. Posterior vero hujusmodi irritantibus remediis cruciatus doloresque ægris excitavit, dum parum interea vel nihil proficeret. Citatus Wolhoufius blepharotomiam sive oculi scarificationem commendat, sed quæso, quid hæc, nisi perniciosas oculi inflammationes producere potest. De Wolhusiana itaque methodo idem quod vir quidam celeberrimus de insitione variolarum sensit, judico:

*Dum scis tua arte sanis producere morbum
Felix semper eris, si illum quoque tollere possis.*

Cuivis itaque consideranti, quæ §. 16. & 17. de præceptoris mei methodo dixi, patebit illam modo memoratis esse anteferendam. Eadem prorsus ratione claret, modum, quo experientissimus vir St. Yves adultum malum tractat, palmam quoque præ cæteris usitatis modis mereri. Ægilopem enim non ut veteres & plerique moderni jubent, igne, violentissimo rerum omnium destructore aggreditur, nec superfluo & damnofo medicamentorum instrumentorumque molesto apparatu ægris terrorem metumque injicit; blandius illos, licet non absque omni dolore curat, optatumque scopum eo facilius attingit, quo minus ejus ægri vexantur. Quid pomposa illa deligatio? Quid moliminis plenaque complicatorum linteorum impositio? Quid fasciarum mira, ridicula tamen circumvolutio profunt? Ægris non solum molestiam, sed aliquando ipsam cæcitatem afferunt; docuit me hoc hortulanus quidam parisiensis, qui hujusmodi deligationibus incurabili amaurosi correptus est. Quam horrenda sunt ignita instrumenta vel solo aspectu? Ut de summis doloribus, quibus ægri sic excruciantur, nihil referam, etiam ex iis, qui eosdem fortiter pertulerunt, fuerunt, qui misere visum amittere. Wolhusiana cannula plumbea naribus intrudenda, ibidemque relinquenda quid boni præstabit? Ab illabentibus perpetuo liquoribus æruginosa fit ac sensim corrodetur, vel ad fauces ac ipsum stomachum cadet, cæteroquin quas tanget partes iis callum inducit. Hæc sunt commoda can-

cannulæ Wolhusianæ ! Qui ultimo tandem operatione ægilopis peracta unctuosius medicamentis partium affectarum ulcus detergere consolidareque student, hi calore partium liquefacta unguenta ad nauseabundas fauces & stomachum mittunt, hacque ratione ægris molestissimum fastidium pariunt. Liquet igitur propositam a me ægilopem curandi methodum cæteris omnibus memoratis esse in tantum antehabendam, quod cunctis recensitis incommodis careat, dum interea simul cito, tuto & jucunde æger a malo liberatur.

Hæc sunt, benevole lector, quæ speciminis loco de lacrymali fistula proponere volui, æquo tuo judicio submittens, ut experientia & ratione duce dijudices, num proposito scopo satisfecerim, vel si mavis satisfacere studuerim? In eo autem facile haud discrepabis, si ad circumspectæ experientiæ tribunal thematis pertractationem examinaveris, me & præceptoribus viris clarissimis usum, qui medendi viam optimam perscrutati candide philiatris tradere solent, meque eorum monita presse secutum, & diligenter sententias explorasse, ut salutaria ægris consilia aliquando præbere queam; si quæ fortasse desideres quoad styli nitorem, largiar non difficulter, me potius intentum fuisse, ut clare animi cogitata exponerem, de elaboratione styli non adeo itaque sollicitum; si quæ occurrunt vel prætervisa a me aut minus diligenter recensita, conatus meos ut benevolò interpreteris animo, obtestor, primi sunt impetus juveniles.

F I N I S.



XIII.

DISSERTATIO EPISTOLICA

AD CLARIS.

HEISTERUM;

DE

SINGULARI TUNICARUM

UTRIUSQUE OCULI EXPANSIONE.

AUTORE

PET. CHRISTOPH. BURGMANNO.

Rostochii anno 1729.

1812

DISSEMINATING

AND

RECEIVING

OF

ALL

LIBRARY

OF

THE

UNIVERSITY

VIR CELEBERRIME.

FAUTOR PLURIMUM COLENDE.

S Apienter non minus quam solide romanus ille nostri ævi medicus, qui si quis alius de genuina veterum medicina restauranda maxime fuit sollicitus, cel. *Georg. Baglivius*, necessitatem observandi salutaris artis studiosis diligenter commendaturus, *Pr. L. I. C. 2.* pronuntiat: *Observationes esse caput artis medicæ, omneque, quod inest certi medicinæ, observationibus magna ex parte deberi.* Ita enim experientia non minus, quam ipsa medicinæ indoles nos sentire atque existimare jubent. Sive enim, quoad longissime mens humana ultima vetustatis tempora respicere potest, medicinæ primordia scrutemur, sive nobilissimi hujus studii incrementa atque ad nostram usque ætatem progressus pervestigemus atque observemus, manifesto deprehendimus, observationes utramque medicinæ paginam absolvere, observationibus eam suos debere natales, illarumque beneficio in dies sensim crevisse, atque ad præsens tandem, quoad jam attigit, fastigium ascendisse. Non equidem nullum hic ratio sibi vindicat locum, quippe quæ ad artis nostræ incrementa haud exiguum contulit, eamque ob causam jure cum cel. *Frid. Hoffmanno* præses universæ medicinæ habenda, ut erudite demonstravit, in *diss. de ratione præside universæ medicinæ Hal. 1713. edita*; cum experientiæ & observationis genuina directrix existat atque clavis. Pessime vero se procul dubio aliosque traducerent, tanti eandem qui facerent, ut posthabitis observationibus, ad rationem plurima referre, eandemque observationibus antepondere vellent. Certum enim est atque exploratum, nihili faciendam esse rationem in medicina, observationibus idoneis non munitam, nec magis audiendam quam vocem hodegi, oculis quidem instructi, sed viæ, quam præire aut commonstrare debebat, ignari. Nihil hinc solemnius iis est, qui observationibus neglectis aut rejectis, præclaris, ut sibi blandiuntur, ingenii sui ratiociniis indulgent, quam ut nubem pro Junone amplectantur, & non nisi lepida commenta & inania figmenta producant in lucem. Melius sibi prospiciunt, qui rationem observationibus instruunt, & has veluti normam sibi præfigunt, a qua deflectendum non sit; *cum observatio filum sit, ad quod dirigi debent medicorum ratiocinia*, uti præclare loquitur modo laudatus *Baglivius c. l.* Est hinc etiam, quod celeberrimi artis nostræ salutaris antistites, nil magis ad amplificandum medicinæ studium comparatum esse, nunquam non crediderint; quam si phænomenorum, præsertim in humano corpore occurrentium observatio sedulo instituatur, institutaque litteris accurate consignetur & cum aliis communicetur, nulla utrumque perficiendi occasione temere prætermissa. Societates varias in diversis Europæ regnis constitutas,

& has inter præcipue, quæ germaniam nostram ornat, academiam cæsaream leopoldino-carolinam naturæ curiosorum hunc sibi proposuisse finem, notius est, quam ut a me indicari debeat. Monet id etiam magnopere *illust. Frid. Hoffmannus in diss. de fundamentis veræ pathologiæ*, quando §. IV. inquit: *nos spe alimur firmissima, si medici diligenter omnia, quæ circa morborum generationem decursum & curationes contingere solent, annotarent, & observata invicem conferrent, brevi futurum, ut ars nostræ ad majus certitudinis fastigium, non solum in prædicendis & ævertendis morbis, sed iisdem dextre sanandis, totoque eorum decursu prædicendo, perveniat.* Neque vero in uno alteroque subsistendum phænomeno, aut quotidianis, qui in corpore humano subinde conspiciuntur, casibus unice inhærendum est, sed quam maxime in subsidium vocari debent, quæ raritate sua sese commendant, & non omni die se nobis offerunt. Inesse enim iis aliquid potest, quod vel partium corporis nostri functionem usumque plenius manifestet, vel statum illarum præternaturalem planius indicet, vel ad notabilem quamdam circumstantiam, in morborum curatione penitus eruendam, faciat, vel varia alia ratione usum in theoria aut praxi medica præstet. Quare tantum abest, ut rariora inutilia vel medicorum opera indigna censenda sint, ut his potius solerter sit inhærendum. Ope enim illorum detegi aliquando possunt, quibus subministrandis vulgaria & communia non sufficiunt. Nec raritas impedire potest, ut justum iisdem statuatur pretium. Ex usu enim omnia sunt æstimanda, qui cum in rarioribus, quam quotidianis phænomenis, major interdum esse possit, nil dignitatis per eam rarioribus decedere potest. Quis enim, ut unum alterumque tantum in medium proferam, lippitudinem crySTALLIFERAM a cel. quondam viro *Be. Jo. Ern. Schapero academia nostræ & universæ rei litterariæ insigni olim ornamento*, in peculiari *dissert. Epistolica Ao. 1704.* expositam, vel lippitudinem mucaginosaM ab *Arnoldo Bootio in obs. med. de affectibus omissis, pag. 23.* descriptam, omni attenta consideratione indignas judicaret, propterea quod non quolibet obveniunt die. Quis distorsionem colli a modo citato *Bootio d. l. p. 14.* propositam floccipenderet, quamvis teste *cel. Henr. Meibomio*, in præfamine hisce observationibus præmissa, non temere in praxi occurrat, & vix ab historiarum medicarum scriptoribus, nisi a *Platero & chirurgo Gratianopolitano apud Riverium* annotata, & ab ipso *cl. Meibomio* bis tantum observata sit. Nemo certe, nisi præjudiciis abreptus, hoc unquam serio afferuit, cum utilitas harum observationum evidentissima deprehendatur atque in ipsa praxi luculenter sese prodatur. Infrequentia ejusmodi phænomenorum medicos itaque monere debet, ut, si quandocumque in humano corpore animadvertuntur, eo majori attentione considerent, atque eo accuratius annotent, cum istorum & luculenta cognitio & genuina applicatio maximam partem etiamnum desiderentur. Dissimulari equidem nequit, allegari non nulla ex iis, quæ rarius observantur, posse, quæ ad artis nostræ usum atque exercitium vel immediate dirigi

dirigi non possunt, vel saltem ad istud nil facere videntur, universa tamen eorum utilitas hoc ipso non expirat, nec ideo prorsus sterilia atque inania ea sunt reputanda. Etenim si vel maxime praxi non inserviant, ad ulterius tamen illustrandam explicandam atque confirmandam veritatem theoriæ medicæ vel quadantenus jam perspectam adhiberi possunt. Atque hanc solam ob causam exactior illorum observatio non minus mihi necessaria videtur atque fructuosa, quam aliorum quæ immediate ad praxim applicari queunt. Eo quidem medici nonnulli cuncta revocanda esse opinantur, rejectis ea propter omnibus phænomenis, quæ nullum directum in praxi afferunt usum, iisdemque ut curiosis medicoque inutilibus longe proscriptis. Quotusquisque vero ignorat? Theoriam medicam nondum omnibus numeris adeo absolutam esse, ut emendationes amplius non admittat, nec ulteriorem explicationem atque confirmationem requirat. Ex autem sperari nequeunt, nisi, quæcumque vel corpus humanum vivum tam in sano quam morbofo statu spectatum, vel cadavera defunctorum nobis offerunt, phænomenorum habeatur ratio. Prius quidem evictum est atque a nemine in dubium trahitur, de posteriori autem quid determinandum sit, ambiguum videtur, partim quoniam rara atque insolita, quæ in cadaveribus observantur, non occurrunt in medicinæ subjecto, partim quod causæ illorum ut plurimum longe alterius deprehendantur conditionis atque naturæ, quam in corpore humano vivente, ut proinde nec consideratione atque attentione quidem medici digna videantur. Verum enim vero tametsi negari nequeat, cadaver humanum minime constituere medicinæ subjectum, causasque phænomenorum, quæ in cadaveribus conspiciuntur, etiam ita sæpenumero comparatas esse, ut in corpore humano vivente vix locum inveniant, haud male tamen utitur medicus hisce phænomenis, cum similia vel ejusdem commatis phænomena in corpore humano se offerunt, quippe nulla ratione dubitari potest, quin multum his lucis fœnerentur. Suffragantem hac in parte habeo cel. D. D. Alberti, qui in *præfamine diss. de hæmorrhagia mortuorum & jure cruentationis*, ita hac de re loquitur: *non parum utilitatis promittit attenta atque judiciofa observatio variorum phænomenorum in mortuis obviatorum, ut exinde veluti in contrario statu & argumento veram indolem integritatis naturalis corporis humani alioquin valde fragilis cognoscere queamus. Etenim variæ in mortuis occurrunt mutationes, quæ partim physico-medicis rationibus explicandæ, partim ad medicos plane usus applicandæ. Quæ cum ita sint, non male me operam otiumque collocasse opinor, quod in raro quodam phænomeno, in his terris haud ita pridem observato, ingenii mei vires periclitari decreverim. Quotquot enim vel fama de eo quid acceperunt, vel quominus id contemplandum sibi sumpserunt, rerum intelligentes, novitate rei perculsi, justo eam non indignam judicarunt examine. Quodsi igitur iudice laudato D. D. Alberti c. l. medicis vitio verti non potest, si phænomena singularia, insolita, admiranda & ferme miraculosa, qualia Kornmannus & Garmannus collegerunt,*

quæque

quæque subinde physico-medici disquisitionibus subjacent, diversa occasione ferente, sub penitus & attentius examen atque scrutinium vocant, nec me, quod jure reprehendi possit, admisisse spero, dum singulare hoc phænomenon paulo exactius examinandum decrevi, præsertim cum nemo hæcenus, quod noverim, hanc provinciam sibi imposuerit, vel publice ejus mentionem injecerit.

Quod autem TIBI VIR CELEBERRIME, *tuoque nomini celeberrimo* præsentem dissertationem epistolicam inscribere ausus sim, id pro insigni, qua uteris, humanitate, benevolute, quo me subinde prosequutus es, affectu, non ægre *te* laturum esse, certus confido. Ad *te* enim non aliam ob causam, hoc quicquid est, defero, quam quoniam *te*, si quem alium, rerum harum peritissimum, judicemque idoneum esse, apud omnes in confesso est. Diuturna namque plurimorum annorum experientia, doctoque rerum usu subactum illud *tibi* comparasti judicium, quod & limatissima atque exasciata scripta, quæ summo cum orbis litterarii applausu foras dedisti, undiquaque demonstrant, & recitationes *tuæ* academicæ, quibus quinquennio ab hinc & quod excurrit, mihi tam licuit esse felici, ut fructu cum amplissimo interfuerim, luculenter produnt. Animum, hæc revolventi, addidit insignis illa humanitas, qua me de rebus dubiis *te* consulentem comiter excepisti, & nonnisi scrupulis prorsus liberatum dimisisti. Nullus igitur dubito, eandem libertatem, qua præsens *te* compellare, musasque *tuas* coram salutare potui, absenti pariter integram fore. Eum scilicet in finem qualescumque has de præsentis phænomeno rarissimo conjecturas, luci publicæ expositas sincero *tuo* permisi arbitrio, ut eo promptius *tuum* interponas judicium, meque, si a recto forte tramite discessero, in veram reducas viam. Id etenim mihi non summo, ut rem acu tetigerim, aut cogitata hæc, vero, ut spero, non ab similia, firmissimis demonstrationibus æquiparanda contendam. Ex namque in hoc casu, & a me, potissimorum subsidiorum defectu laborante, vix expectari possunt. Scriptores equidem, quotquot habere potui, qui medicas observationes collegerunt, assidue volvi atque revolve, ut ab iis peterem, quæ argumentum hoc quodammodo illustrarent. Sed spes me adeo fefellit, ut ne casum quidem analogum, qui huic affunderet lucem, alicubi deprehenderim. Sectio forte anatomica cadaveris rite instituta totum detegere negotium, causasque singularis hujus phænomeni omnium certissime & planissime patefacere potuisset. Sed fieri ea dum non potuit, nihil relictum mihi esse perspexi, quam ut, quid conjiciendo assequi possem, tentarem.

Priusquam vero in causas phænomeni hujus memorabilis inquirō, ne quid ad sententiam ferendam necessarium, Tibi, VIR CELEBERRIME, desit, historiam illius, quoad eam explorare datum mihi fuit, exponere necessarium duco. Anni videlicet MDCCXXVI^{ti} agebatur mensis, quem augustum vocant, cum tribus furtum aliorumque scelerum reis maleficis

leficis gula laqueo eodem die frangeretur. Numerus fufpenforum infolens plurimos omnis generis fexusque homines alliciebat, ut proximis diebus atque feptimanis ad fupplicii locum fe conferrent, miferos vifuri. Non poterant itaque illorum oculis fe mutationes subducere, quas cadavera, aëri liberiori eique initio maxime fervido expofita, paulatim fubibant. Proinde etiam fingulare illud phænomenon, quod in unius fufpenforum oculis evidenter confpiciendum erat, prompte notabant, præternaturalem puto, atque extraordinariam tunicarum utriusque oculi protuberantiam atque elevationem. Quamquam autem ea initio tenuis atque exigua erat, fi cum extensione atque elongatione, quæ haud diu poft infequuta eft, compareretur, haud levem tamen afpicientibus excitabat admirationem, maxime cum in binorum reliquorum oculis tale quid non animadverteretur. Sed in ftuporem tranfibat admiratio, cum temporis progreflu protuberantiæ iſtæ in majorem non folum molem fe expanderent, verum utramque etiam oculi orbitam ita occuparent, ut veri oculi ne veſtigium fupereffet. Notabiles hæ circumſtantiæ cum mihi, circa medium Aprilis An. MDCCXXVII. Guſtrovii per aliquot dies commoranti, ab amicis nunciarentur, vix primum impetrare a me potui, ut fidem relatis tutam adhiberem, qui tantam extensionem præfertim in cadavere fere impoffibilem judicabam. Rei itaque ſingularis novitate commotus, prope a patibulo, affixos eidem, una cum amico quodam intuebar, nec aliter iſta ſefe habere, quam ab iis acceperam, & hætenus commemoravi, deprehendebam. Binas nimirum prominentias, ex alterutra orbita unam, obſervabam progrefſas, quæ baſibus ſuis oculorum orbitas plenarie occupabant. Senſim vero ſenſimque tenuiores redditæ, & non nihil incurvatæ, ſupra maxillam ſuperiorem ad os uſque erant exporrectæ. Color infidebat ater, & rigiditas tam firma, ut cornua exacte referrent, prouti figura adjecta docet. Ea ratione comparatæ erant, cum prima vice eas contemplandi occaſio mihi daretur. Perſtiterunt quoque in eodem ſtatu uſque ad menſem junium anni modo dicti MDCCXXVII., quo exeunte, ſolis æſtu ſubinde ingraveſcente, haud leve qua craſſitiem incrementum ceperunt, quemadmodum amicus referebat. Nec aliter rem ſe habere, mihi ipſi obſervatum eſt, cum guſtrovium menſe anni proxime elapſi MDCCXXVIII., Septembri venirem. Ampliorem extremitatum qua craſſitiem, diſtentionem, ſitumque quam antea magis erectum animadvertebam, inſimulque notabam, baſes utriusque prominentiæ collapſas & hinc inde perforatas eſſe, ut interiora ferme orbitarum perſpicere poſſem, neque tamen rigiditati quid deceſſerat, ſicuti nec hodie eam remiſiſſe compertum habeo.

Habes ita VIR CELEBERRIME, præcipuas, quæ ad hiftoriam hujus phænomeni ſpectant, circumſtantias. Tunicarum prominentias atque expansiones dicere nullus dubitavi, quoniam non integri oculorum bulbi extra orbitas deprehenduntur protruſi atque expreſſi, quem ſtatum alioquin procidentiam oculorum appellare ſolent, ſed tunicæ tantum ocu-

lorum, quod quam clarissime oculis assequi licuit, ab humoribus intus contentis sensim sensimque sunt elevatæ, atque in enormem longitudinem extensæ, quale quid in hydrophthalmia evenire solet, ubi ex copioso humorum aquosorum affluxu tunicæ oculorum tantopere dilatantur, ut extra orbitas quodammodo promineant. Exemplum habet *Anton. Nuckius in Tr. de ductibus oculorum aquosis* cap. 2. p. m. 124. Singulares autem illas vocavi, quandoquidem expansio tam infrequens maxime in cadavere insolens existit, & ad extraordinaria referri meretur. Neque etiam, quod supra jam fassus sum, similem huic in ullo observationum medicarum scriptore, quantocumque studio illos perquisiverim, deprehendere potui casum, si ab uno discessero, qui proxime huic accedere videtur, quem *Kornmannus* memorat *de miraculis mortuorum* P. V. C. VII. excitante *Bartholino Epist. Medic. Cent. II. Epist. XI.*, qui cornua ex ipsis oculis cujusdam laqueo suspensi nata esse observavit. Verum enim vero cum ipsius *Kornmanni* hic copiam habere non potuerim, quoad uterque casus, Kornmannianus & noster congruant nec ne, definire non audeo. Facile autem adducor ut credam, utriusque eandem rationem & causas esse, quoniam & subjecto & tempore quadantenus sibi respondent. In suspensis enim & post mortem utraque vice contigerunt.

Ad causas autem singularis hujus phænomeni, quoad mente assequi possum, reddendas, dum progredior, paucis expedire me possem, si causarum, quas medici antiqui, phænomenis cadaverum raris atque insolitis explicandis, adhibere solebant, a *Garmanno* magno numero *libris de miraculis mortuorum* enarratarum, uni alterique aliquid tribuerem. Verum cum illæ jam dudum a prudentioribus sint profligatæ atque explosæ, inutile sane foret atque irritum, easdem postliminio revocare atque in scenam producere. Nec magis, reor, arduum foret solvere hoc phænomenon, quodsi ad illorum castra transgredi vellem, qui animam rationalem immediatam constituunt omnium motuum in corpore nostro causam. Motum enim in se spectatum ens immateriale esse, sibi persuadent, qui adeo non nisi a causa immateriali produci possit. Quoniam vero corpus humanum præter animam rationalem a nullo regitur spiritu, quid expeditius foret? quam huic phænomenon istud singulare, quod non nisi interveniente motu produci potuit, imputare, omnesque ulteriores disquisitiones seponere. Sed vereor, ut omnium assequar assensum, si ab anima rationali effectum huncce repetere vellem, qui post discessum ejus ex corpore non solum produci cœpit, sed & interjecto aliquot annorum spatio plane consummatus & perfectus est; ideoque lubens & hancce causam sepono. Physicas atque materiales causas hujus phænomeni investigandas esse, prudentius arbitror, & omnes intelligentes facile concedent. Nec me a sententia dimovet, materiam plane passivam & ad movendum pene ineptam a quibusdam credi; cum jam dudum ab aliis luculenter sit demonstratum, eam post impressionem divinitus factam omnino activitate esse instructam. Quæ vero pro-

xima

xima motus in hoc phænomeno causa fuerit , difficilius definiri posse videtur , cum in abstruso cuncta sint peracta. Interim cum in re ardua , atque obscura suos exponere sensus unicuique sit licitum , relictis omnibus procul ambagibus , quam verosimillimam puto sententiam , salvo aliorum iudicio , edisseram. Non convenientiorem igitur huius phænomeni rationem allegari posse , credo , *quam cerebrum corruptum & putrefactum , quod per canales osseos nervi optici transiens , ad interiora oculorum penetravit , & continuato affluxu , expansiones illas tunicarum extraordinarias produxit.*

Antequam vero ad sententiæ modo dictæ confirmationem propius me-
met accingo , necesse prius erit , ut suppositorum quorundam possibilitatem in genere probatam reddam atque evictam. Ea enim si præter rationem assumerentur , frustra adstruerem , rem omnem ita & non aliter esse peractam. Occupat autem inter hæcce primum locum sequens circumstantia : an nimirum cerebrum cadaveris putredine destructum per nervorum opticorum canales osseos penetrare , atque hac via e cavitate cranii effluere queat ? Quam affirmare nullus omnino dubito , dum cerebri in actuali corruptione putredinosa constituti ordinariam conditionem considero. Quotusquisque negare audet ? ejusmodi cerebrum , de solido statu plane dejectum , fluidam acquirere consistentiam. Certe mutationis huius veritatem indubitata non solum experientia demonstrat , sed sana etiam ratio eandem luculenter confirmat. Cum enim cerebrum humanum multis abundet humoribus , qui ob diversas suas partes constitutivas naturaliter proni sunt ad corruptionem , ultro consequitur , quod iidem , facta post mortem stasi , intestinum atque destructivum cito subeant motum , sicque mox in putridum abeant liquorem. Quod autem dum contingit , fieri aliter nequit , quam ut ipsa cerebri substantia insimul destruat , atque modo dictis humoribus similis reddatur. Est enim hoc putredini proprium , ut simul ac aliquo in loco pedem fixit , partemque quamdam infecit , ulterius subinde serpat , atque magis magisque se diffundat. Id quod in cerebro eo facilius citiusque locum obtinet , quo magis substantia ejusdem talis observatur naturæ , ut præ omnibus reliquis partibus solidis atque mollibus celerrimæ destructioni atque putrilagini sit obnoxia. Quodsi itaque cerebri substantia resolutione ejusmodi putredinosa in fluidam consistentiam abire potest , nullo quoque jure ipsi aptitudo nervorum opticorum canales osseos occupandi atque effluxum e cranio moliendi , denegari poterit , quandoquidem istius mutationis ope , eandem cum cæteris aliis liquoribus induit proprietatem , nimirum quod exilissimos meatus atque canales æque ac reliqui penetrare queat. Est autem ad hunc transitum eo melius atque facilius absolvendum motus cerebri intestinus atque quodammodo ebulliens quam maximo ipsi adjumento , huius enim subsidio adhuc magis impellitur , atque ad angustum canalem opticum intrandum adigitur. Siquidem commune est corporibus in putredine actuali constitutis , ut , quando angusto inclusa spatium , unde vapores putridi libere exire & in auras evanescere nequeunt , intestino

non solum motu fortius agitentur, spumasque agant & intumescant, sed etiam eruptionem ultro sibi quærant, atque e receptaculis suis facile effluant. Evidens hujus asserti documentum præbet experimentum in cerebris bovinis a *Cl. D. J. Thom. Henslingio* institutum, atque in *Diff. : Quæ cerebri examen chemicum ex eodemque Phosphorum exhibet P. I. §. 3.* his verbis ab ipso descriptum. *Tria cerebra bovina incluseram, cum canicula exarsisset, vitro, cucurbitam vocant trium mensurarum, huic alia minore imposita, juncturisque accurate obturatis, munitisque vesica quadruplici, & pasta, ex albumine ovi & minio composita, incrustatis, in aëre libero ab accessu tamen solis radiorum remoto, relicturi unum alterumque diem, donec propediem balnei humidi calorem supponendi daretur occasio. Sed ecce ! vix unus præterierat dies, cum in hoc vitro fit strepitus, qualem cerevisia recens fervensque, cum spumam sæculentam evomit, edere solet, moventur cerebra acsi spiritum adhuc intus alerent vitæ præsidem, spumarum vesiculae infinitæ majores & minores nascuntur, intumescunt, dissiliunt, quarum halitus latera vitri ad summum usque verticem madore perfundit copioso. Spectaculi hujus allecti scenis, attenti adstant, oculos propius naresque, ne quid præterlaberetur, admoveamus, vix autem omnes nostros sensus ad ea, quæ in vitro aguntur, invitantes composueramus, contremiscit vas hoc vitreum, resonat, rimas agit plures, gluten rumpitur, & protruso operculo elasticus vapor, tam exiguo loco coerceri impos, amplius occupat spatium, quoniam tam cito extensioni suæ termini non poni possent. Quodsi igitur tria hæc cerebra bovina putredine infecta tantum valere, ut perrumpere omnia viasque sibi aperire potuerint, quidni cerebrum humanum intra cranium in liquamen putridum conversum eadem etiam polleret activitate, ut motu suo intestino exitum per canalem osseum nervi optici sibi parare queat, cum unum cerebrum humanum tribus cerebris bovinis copia moleque nil quidquam cedat.*

Quemadmodum itaque a parte cerebri in cadavere nullum observatur impedimentum, quo minus illud ipsum canalem nervi optici ingrediatur; ita nec ex parte ipsius canalis, quod id prohibeat, deprehendere licet. Aptissimus enim non solum hic locus est, ad quem cerebrum ita constitutum pertingere facile possit, sed sufficienti etiam, teste autopsia, instructus est amplitudine, ut illud commode recipere valeat. Neque major hic superanda est difficultas, quam in reliquis viis atque canalibus cranii, per quos cerebrum ita comparatum post mortem effluere haud raro solet, uti e. g. sunt nares atque aures, quorum casuum in medicorum scriptis exempla passim occurrunt, frequenter præsertim annotata a *J. Frid. Zittmanno in medicina forensi.*

Equidem nullo negotio prævideo, habituros quosdam, quod contra transitum cerebri modo dicti in medium producant, non nullius omnino momenti, dicendo nimirum, ipsum nervum opticum, canalem istum qui occupat atque claudit, cerebri putrefacti transitum prohibere, licet canalus hujus situs satis cæteroquin aptus sit, capacitasque ejus quam convenientissima.

tissima. Verum enim vero, quamquam nervi optici præsentiam in canale isto osseo nequiquam ignorem, hoc tamen non obstante cerebrum putrefactum transitum per eundem invenire posse, firmiter persuasum habeo. Quando enim nervi hujus conditionem in cadavere curatius considero, tantum abesse deprehendo, ut ille cerebro transituro obicem ponere valeat, ut certissime potius credam, viam hancce nihilominus minus, si non duplici saltem una ratione commode ab ipso occupari posse. Nemo etenim in dubium vocaverit, nervum opticum semper in cadavere laxum existere, omnique tono atque resistendi vi esse destitutum. Quid igitur prohibet, quominus cerebrum putridum, præsentem ista nervi optici conditione, interstitium illud, quod nervum atque latera canalos ossei dividit, penetrare possit? Certe pressio ipsius cerebri tam valida est, ut nullum supersit dubium, quin nervus iste facile cedat, prompteque præterlabendi locum cerebro faciat. Confirmor in hac sententia quoties perpendo, quod compressiones nervorum tam intra cranium, quam in reliquis partibus, ab humoribus vel præternaturaliter ibidem collectis, vel aditum ad ejusmodi loca sibi parantibus, sæpe proveniant, unde haud raro visus vel auditus depravationes atque plenariæ abolitiones proficiscuntur, aut partium paralyfes trahunt originem; vel quando mecum reputo, quod musculorum abscessus, non semper illis in locis, ubi orti sunt atque nati, subsideant, sed quod materia istorum, musculosas fibras comprimendo atque transeundo, varios sibi ductus formet atque cuniculos. Imo si considero, quod in cadaveribus sæpe per canales aliorum nervorum materia putrida, destructis nondum nervis, effluat, nec plane insolens sit, ut, facta cerebri in viventibus commotione, interdum fluidum aqueum e cavitate cranii per nares oculos atque aures viam sibi paret atque promanet, præsentibus licet nervis, situque eorum nihil turbato, quale exemplum refert *Theoph. Bonetus, Med. Sept. Collat. p. 58.* non possum non eam amplecti opinionem, quod nervus opticus cerebro transituro nullam injicere moram possit. Quod si enim fluida hæcce, præsertim in homine vivente, cujus fibræ suo gaudent tono, tanta vi pollent, ut fibras separare atque comprimere, viasque sibi formare queant; quidni idem facilius adhuc in cadavere locum habere potest, cujus partes laxæ existunt atque molles. Accedit quod nervus opticus, cum testibus anatomicis de genere mollium nervorum existat, imo censente *Thom. Bartholino Anat. Reform. p. m. 455.* aliis mollior deprehendatur, mollitiei illius intuitu aptissimus sit, qui transitum cerebro putrefacto concedere valeat, dum facile compressionem admittit, viæque insimul sufficientem aperturam concedit. Ut itaque non videam, qua ratione nervus opticus cerebro putrido exitum tentanti obicem ponere queat. Præter hæcenus allatum transitus modum alium adhuc producere possem, si *Galeno, Fallopio, Spigelio, Thom. Bartholino*, aliisque fides habenda esset, qui cavitatem sensibilem atque manifestam in nervis opticis perspexisse atque demonstrasse scriptis suis testantur. Ita enim cerebrum putrefactum viam satis commo-

dam haberet, per quam citra difficultatem transire, quamque etiam facili negotio magis adhuc dilatare atque expandere posset. Verum cum sæpius licet repetita observatione acutissimi nostri sæculi anatomici talem in modo dictis nervis cavitationem ne armatis quidem oculis detegere potuerint, frustra hac via cerebrum corruptum e cranio elicere contenderem. Satis interim ex hætenus allatis intelligi opinor, citra absurditatem statui posse, cerebro putrefacto viam e cavitate cranii effluendi per nervi optici canales patere.

Ad alteram hypothesim memet conféro evolvendam, quæ majori premi videtur difficultate, atque huc redit: an cerebrum putredine resolutum per canalem nervi optici ita transire queat, ut ad ipsam oculorum cavitationem pertingere possit, citra quod tunicarum oculos constituentium substantia vel læsionem quamdam vel continui solutionem patiatur. Impossibile equidem hoc multi forte existimabunt, quandoquidem oculi bulbus undique accurate clausus est, nec permittit, ut humores ab extra eum alluentes cavitationem ipsius ingrediantur. Verum enim vero assensum eorum me impetraturum, certissime spero, dummodo ad oculi structuram paulo penitius mecum attenderint, cum eo ipso facile apparebit, affluxum illum, falvis tunicarum oculis, quamcommode absolvi posse. Quodsi enim hanc sedulo considero atque præcipue tunicarum oculi, choroideæ atque scleroticæ originem attente examino, accurata indagine observo, tunicas modo dictas propagines atque continuationes membranarum cerebri existere, ita ut pia mater ad oculum extensa constituat choroideam, duræ autem meningis continuatio formet scleroticam, vid. *Verheyenii anat. corp. hum. p. m. 372. Thom. Bartholini anat. reform. p. m. 346. G. D. Cosch-witzius org. & mechanis. hominis sani. p. 207. Chr. Godfr. Stentzel Anthropol. cap. XXVIII. §. 8. 9.* Nec magna diversis istis in locis differentia inter easdem cernitur, nisi quod eodem *Verheyenio* teste *c. l.* duriores eadem existant oculorum bulbos formantes, quam intra cranii cavitationem adhuc hærentes, & quod pervulgatum est, quamdiu adhuc cranio inclusæ sunt, piæ atque duræ meningis nomen obtineant, ipsiusque cerebri constituentiant involucria, cum vicissim, quando per canalem nervi optici ad orbitam expanduntur, choroideæ atque scleroticæ nomine insigniantur, locoque cerebri nervum opticum atque humores oculorum circumdent, teneantque involutos. Cum itaque hac ratione oculi membranas cum cerebro possideant communes, facile patet, quod cerebrum putrefactum, quando oculi cavitationem intrare nititur, ad eandem pervenire haud ægre possit, citra quod oculorum tunicis afferenda sit injuria, eæque ea propter violandæ & disrumpendæ. Quoniam enim humores putridi intra hæc membranas jam delitescunt & detinentur, nihil aliud requiritur, quam ut locum in ipsarum ambitu alium occupent, & e cranio intra membranas modo dictas atque ipsum nervum opticum usque ad cavitationem oculi progrediantur. Intercedere equidem videtur tunicarum modo dictarum cum nervo optico

optico præsertim in radice bulbi connexio, quominus cerebrum putridum cursum suum persequi possit. At quamquam eadem naturaliter & proxime illum ambient atque involvant; tantæ tamen arctitudinis vinculo non junguntur, quod accedente & premente cerebro putrido dissolvi nequeat. Levissimum illud experimentum, vulgaris nimirum coctio, quemlibet, periculum facientem, egregie convincet, quam facile nervus ille a tunicis citra ullam earundem læsionem divellatur & separetur, ita ut nullum relinquatur dubium, quin idem in cadavere locum invenire possit.

His itaque, ut par est, præmissis, longe facilius commonstrare valebo, præsentem expansionem singularem corrupto cerebro per nervi optici foramen, & quidem intra ipsum nervum ejusque membranas decurrenti, atque hinc in cavitatem oculorum effuso, suam quam probabilissime debere originem. Quod dum probandum in me suscipio, supervacaneum æstimo, prolixè demonstrare, cerebrum in præsentī cadavere putredinem actu contraxisse. Est enim cerebri substantia ad putrefactionem tam prona ut naturaliter ab eadem immunis manere nequeat, cum non solum humoribus abundet, sed & structura ejus tam mollis deprehendatur, ut facile diffluat. Quare etiam nulla dubitandi superest ratio, cerebrum in hoc cadavere putredine pariter corruptum esse atque destructum, præsertim cum illud aëri libero eique initio maxime calido fuerit expositum. Exseruisse autem cerebrum notabilem istum effectum in præsentī cadavere, una pluribus adstrui potest rationibus. Enim vero ingens ista membranarum oculos constituentium expansio tantam exigat materiæ copiam, quæ producendo effectui respondeat, cum certe tunicæ nisi copia pressæ atque impulsæ fuissent, nunquam ad tantam longitudinem pervenissent. Jam vero si partes omnes oculis contiguas perlustravero, earumque constitutionem rite examinavero, nullam earum, tantæ humorum copię, quantā hic desideratur, suppeditandæ aptam deprehendo, præterquam cerebrum per putredinem in fluidum statum conjectum. Quod enim ad externas faciei partes oculis vicinas attinet, hæc certe ad phænomenon istud producendum, parum imo nihil valent. Tanta enim in illis humorum abundantia non observatur, quantam hæc expansio necessario desiderat, quod vel sola externa earundem contemplatio testatum facit. Fac etiam humores occasione suffocationis violentæ in partibus hisce quadantenus fuisse auctos, ut membranis oculorum expandendis aliquo modo inservire potuerint, propterea tamen hæc expansio minime illis tribuenda. Nam partim via omnino deficit, qua humores ad oculorum cavitates transire possent, & arduum omnino, si non plane impossibile est, ossibus perruptis aditum sibi ad oculos parare, partim etiam omnes istæ partes, putredine quæ poterant destrui, ante ultimam expansionem post semestrem spatium factam, prorsus jam fuere consumptæ, ut itaque novum expansionum istarum incrementum ab alia necessario causa alioque loco foret arcessendum, quod tamen probabile reddi nequit, cum nulla ratione demonstrari possit, tot diversi

gene-

generis causas in unum hocce phænomenon conspirasse perficiendum. Accedit, quod partes istæ externæ, aëri libero expositæ, humores inclusos longe facilius atque citius per cutem dimittant, quam novam tamque difficilem sibi formare valeant viam. Nec internæ partes quæ in ipsa orbita hærent, bulbumque ambiunt atque attingunt, tantam humorum inclusam tenent copiam, quantam hæc expansio deposcit. Nam vasa qua magnitudinem exilia, numeroque non adeo copiosa ibidem deprehenduntur, ita ut humorum, qui in his viis detinentur, infrequentia, expansioni huic neutiquam respondeat. Imo si vel maxime humores ordinarii una cum aliis extraordinario confluentibus pinguedinem atque musculos insimul destruxissent, ac in liquorem putridum convertissent, neutiquam tamen hæc omnia vel primæ expansioni tantum largiri potuissent, quantum ad eandem desiderabatur. Quandoquidem enim modo dictæ partes omnes junctim spectatæ molem non adeo magnam efficiunt, ideoque nec facta destructione multum liquoris putridi suppeditare queunt. Ut silentio jam præteream fluida hinc elaborata alias procul dubio vias longe celerius invenisse, quam ingressum in cavitatem bulbi impetrare potuere; imo ultimam, quam supra commemoravi expansionem itidem frustra ab iisdem expectari; nec minus omnibus modo allegatis humoribus nullum in oculorum cavitates patere ingressum, uti ex infra dicendis apparebit. Atque hæc aliæque meditationes movent, ut hanc phænomeni istius causam non agnoscam. Multo minus illorum curo opinionem, qui sibi persuadent, inusitatas hæc prominentias humoribus in oculis ordinario reperiendis unice esse adscribendas. Nam quamvis sub corruptione putredinosa modo dictorum humorum ab effluviis putridis intus contentis tunicæ quadantenus protrudi & elevari possint, facile tamen unusquisque perspicit, eosdem ea propter neutiquam per se sufficere ut tantam extensionem, quanta hæc est, soli producere possint. Certe si istorum tanta vis esset, cur non in cadaveribus, si non omnibus, saltem plurimis ejusmodi conspiciuntur expansiones, cum semper in oculorum cavitatibus hæreant? Dum autem rarius id accidere solet, recte hinc colligitur, & humores istos ad phænomenon hocce producendum esse insufficientes. Nulla itaque pars in universa capitis regione superest, quæ huic effectui inservire queat præterquam cerebrum putrefactum. Hujus enim copia, quæ ab aliis frustra expectatur, tantæ expansioni unice convenit, id quod nulla ratione in dubium vocari potest, si cerebri resoluti copia cum notabili tunicarum expansione rite conferatur atque comparetur.

Magis adhuc in modo allata confirmor sententia, quando in memoriam revoco, quod singulares istæ expansiones, post semestrem & quod excurrit spatium, cælo existente fervido, nova sumpserint incrementa. Horum enim origo aliunde deduci atque derivari non potest, quam a reliquiis cerebri per hybernium tempus intra cranium etiamnum asservatis, quæ novo accedente æstu demum resolutæ, motuque fortiori concitatæ ad oculos tandem depon-

deportatæ sunt. Non enim hic ad alias provocari potest partes, a quibus expansionem istam cæteroquin derivare liceret. Consumptæ namque jam erant omnes, non dicam fluidæ, sed & carnosæ partes, antequam novum illud sequebatur augmentum, quod ipse probe observavi, qui ante ultimam expansionem cadaver consideraveram. Animadvertēbam enim speciatim, carnem universæ faciei prorsus jam esse consumptam, & abdominis musculos itidem jam esse destructos, quod arida atque corrugata intestina, intra pedes propendentia, fatis superque prodebant. Quæ cum ita sint, nulli alii parti nova hæc tribui potest expansio, quam reliquiis cerebri in cranio adhuc relictis, cum nihil in toto capite amplius occurrat, quod materiam illam suppeditare valeret. Fortean autem quis in ea hæret opinione, nullas cerebri remanentias in cranio adhuc præsentēs existisse, cum ex mollitie cerebri colligendum potius, illud uno actu in totum esse destructum, atque sub expansione ante hybernum tempus facta, omne consumptum, ideoque novæ hujus expansionis causam aliunde necessario esse deducendam. Verum quisquis in hanc ingressus fuerit sententiam, ille certe exactam omnium partium cerebri vel cognitionem non habet, vel saltem ad illarum structuram non attendat, necesse est. Observabit enim sedulo easdem qui examinat, substantiam corticalem mollissimam, medullarem autem magis compactam existere, atque huic medullari partes quasdam inesse, ut sunt corpus callosum, thalami nervorum, quæ reliquas soliditate superant. Quæ omnia juste si perpendit, non incongrue hinc colliget, substantiam corticalem quidem facillime in putredinem abire, at medullarem & longius temporis spatium & majorem vim requirere, cum ob tenacitatem suam fortius resistat. Quare nihil prohibet statuere, sub prima formatione raræ hujus expansionis molles cerebri partes tantum destructas esse, reliquis solidioribus, accedente hyeme, integris relictis atque nondum corruptis, quæ postea demum, novo eoque maximo calore circa mensem supra dictum accedente, sensim fluiditatem impetrarunt, & sic denique novam hancce expansionem produxerunt. Roborat hoc assertum atque egregie confirmat aliud quoddam experimentum a supra laudato Cl. Henslingio, cit. diss. p. 14. annotatum, atque sub hac verborum serie ab ipso descriptum: *Unum cerebrum vitro angusti orificii inclusimus, illudque, ut moris est, obsignavimus, & loco tepido per 14. dies servavimus. Jam abiit magna pars in liquamen gryseum, spuma levi oberrante in superficie cito nata & denata. Et post 14. tum diem factor exhalabat, naribus quovis modo exitiosus, non obstante arctissimo munimine. Tum destillatione prodiit lymphæ lactea copiosa acerrimi odoris & ingratiissima, hac residuo, quod ad obscuram flavedinem colore vergebat, reddita, omnis substantia corticalis visa est diffuere, medullaris autem quasi obdurata alba & integra manere. Hac iterum per 14. dies digesta, odorem panis recentis cremati referebant. Destillationi autem in cucurbita subjecta, prodiderunt lympham claram pellucidam. Hanc rite propulsam sequuta in vitro murmura sonitus crepitusque, ut vasi ruptionis damnum illatum esse*

credidisses, quæ tamen a cerebri ultimorum staminum vinculis fortiori æstu disruptis orta esse, finis monstravit laboris. En itaque diversam partium cerebri ratione soliditatis conditionem, facilem nimirum atque promptam corticalis resolutionem, contra vero maxime arduam medullaris partis destructionem, quam nec putredinis vis per integrum mensis spatium mutare potuit, nec ignis nisi admodum vehemens emollire atque resolvere valuit, licet aeris experta accessum, semperque tepido loco fuerit constituta. Vix ergo ambigendum est, quin in præsentī cadavere omnis cerebri substantia in prima harum expansionum generatione nondum fuerit resoluta, præsertim cum aer externus immediate illud ferire, suamque vim, uti alias valet, exferere non potuerit, solisque intemperies, quam antea sustinuerat, in frigus fuerit mutata. Merito proinde *Cl. Henslingius c. l. p. 19.* annotandam esse duxit diversitatem texturæ solidarum singularem, mollitiem nempe & facilem divisibilitatem corticis cerebri, & tenacitatem duritiemque medullæ imprimis corporis callosi, thalamorum duplicis nervi optici, & reliquorum, nervis eorumque fasciculis & funiculis principium præbentium, cum illa multum lucis præsentis phænomeni explicationi affundat, & rationem ob quam cerebrum post tantum temporis intervallum, majus prominentiis istis augmentum addere potuerit, indicet. Quodsi itaque hætenus proposita in summam colligo, admodum planum evidensque habendum judico, rari hujus phænomeni productionem in cerebrum putrefactum omnino esse devolvendam atque rejiciendam.

Quod autem cerebrum putredine resolutum in præsentī cadavere per canales nervi optici & speciatim intra nervos eorumque membranas, illos cingentes, profluxerit, ex eo facile colligi posse reor, quod tunicæ oculorum, etiamsi tantopere sint protrusæ, integræ atque illæsæ fuerint conservatæ, materiamque expandentem in sacco veluti comprehensam tenuerint, manifesto indicio, humores putridos per ejusmodi vias oculorum intrasse cavitates, quæ eisdem, citra quod tunicarum integritati vis inferatur, prompte facileque illuc transmittere potuere, & cum supra demonstraverim, viam indicatam ita comparatam esse, prætereaque nulla alia præsens existat via, qua commode illud absolvi potest, persuasum firmiter habeo, veriore & rectiore, per quam putridum cerebrum affluerit, in hoc casu viam designari non posse. Placuit equidem viro cuidam celeberrimo, cujus de singulari hocce phænomeno sententiam rescisere mihi datum fuit, longe aliam, & ab ea, quam hætenus exposui, maxime diversam transitus hujus constituere viam, sequentem quam existere opinabatur. Cerebrum putrefactum nimirum per ductus aquosos Nuckii a ramo arteriæ carotidis interno originem trahentes, atque tunicam corneam perforantes, transitum invenisse judicabat. Verum enim vero non una hæc sententia, rite si æstimatur, difficultate premi videtur, quæ, ut calculum ei adjiciam, impedit. Utut enim nihil habeam, quod veritati viæ opponam, pro præsentī tamen negotio absolvendo eandem deprehendo minus accommodatam. Primum

mum enim difficile intelligitur, quomodo cerebrum putrefactum vel tam-
 diu intra cranii cavitatem consistere potuerit, usque dum illud per ductus
 hosce sat certe angustos, mediante putredine præterea aperiendos, in tanta
 copia transire valuit, quanta ad expansionem necessaria fuit, vel ita etiam
 disponi atque dirigi, ut hiatus horum ductuum intrare valuerit. Ulterius
 ductibus hisce adversatur, quod oculorum tunicæ in primæ expansionis
 initio, versus ossa orbitas constituentia fortiter fuerint adactæ, quo ipso
 ductus etiam aquosi propter situm suum tantam insimul passi sunt compres-
 sionem, ut cerebri liquefacti tantam copiam, quantam prima expansio pos-
 tulabat, ad cavitates oculorum nulla ratione transmittere potuerint. Quibus
 porro accedit, quod facto tunicarum extra orbitas progressu, hi ductus
 ab aere ambiente adeo corrugati fuerint atque coarctati, ut ultima exten-
 sione facta, cerebro eosdem putrido exitum permisisse, credi omnino ne-
 queat. Quodsi tandem perpendo, quod ipse *Nuckius* fatetur *tract. de ducti-
 bus ocul. aqu. p. m.* 109. extremitates ipsorum in tunica cornea, valvulæ in
 modum se habere, simili fere modo, quo ureteres in vesicam urinariam e-
 xeunt, majus adhuc sententia mea acquirit robur, per ductus modo dictos
 cerebrum putrefactum ad cavitates oculorum neutiquam potuisse deferri.
 Pervulgatum enim est, ductuum ejusmodi orificia in cavitates hiantia, re-
 pletis atque nimium expansis cavitatibus, ita tandem comprimi, ut ne gut-
 tula quidem in cavitates stillare amplius queat. Quapropter si vel initio hac
 via cerebrum putrefactum oculorum cavitates intrare potuisset, facta tamen
 ampliori post earundem expansione, ob coarctationem nimiam ulterius huc
 defluere nequivisset. Cum itaque tot difficultates se offerant, quæ indica-
 tam viam non dubiam solum sed & plane ineptam reddunt, viri hujus
 celeberrimi opinioni me adjungere, haud satis tutum judico. Multo minus
 autem istorum sequi castra placet, qui cerebrum putrefactum, quacumque
 ratione ad orbitas delatum fuerit, ipsam texturam tunicarum oculi laxam
 atque in cadavere facile destructibilem penetrasse, atque sic bulbi cavita-
 tem ingressum esse arbitrantur. Nullo enim vel probabili argumento veri-
 tas hujus sententiæ stabiliri atque confirmari, sed potius ex ipsa tunicarum
 expansarum indole facili negotio convelli potest. Ut enim taceam, destruc-
 tionem tunicarum facilem, quæ supponitur, nondum probatam esse, ce-
 rebrum putridum hac via ad oculorum cavitates non pervenisse, inde satis
 apparet, quod, si tunicæ ulla & vel minima ratione perforatæ fuissent, fo-
 ramina ista, post tantam earundem extra orbitas protrusionem, necessario
 vel conspicienda fuissent, vel saltem effluxu aut stillicidio materiæ disten-
 dentis semetipsa prodidissent. Nihil autem horum observatum esse, ii satis
 testantur atque confirmant, qui plus simplici vice diversisque temporibus
 singulare hocce contemplati sunt phænomenon, ipsaque prominentiarum ri-
 giditas perpetua & constans, ac in hunc usque diem conspicienda, quæ hac
 ratione persistere non posset, satis refellit. Præterea si vel maxime cerebrum
 putrefactum ad orbitas usque progressum fuisset, tunicæ tamen scleroticæ

soliditas atque tenacitas aliquamdiu id detenuisset, nec tam promptum atque expeditum transitum ipsi permisisset. Cum autem fluida in progressu impedita eo lubentius tendant, ubi minorem observant resistendi vim; credendum merito est, cerebrum putridum per adnatam potius sibi aperuisse viam, quam scleroticæ firmitudinem dissolvuisse, cum adnata tenuitate sua tantum quantum sclerotica obsistere & repugnare nequeat. Quæ cum ita sint, satis manifestum esse puto, inter omnes, quotquot indicavi vias, eam veriore deprehendi, qua e cranio per nervi optici canalem, & sigillatim intra hujus nervi & tunicarum interstitium ad oculos transiisse cerebrum dicitur.

Sic igitur de causa singularis hujus phænomeni satis superque dictum est, dilucideque quoad fieri potuit, via demonstrata, quæ putrefacto cerebro ad oculorum cavitates concessit transitum. Proximum est, ut inquiram, unde factum sit, quod oculorum tunicæ tantam admiserint extensionem, citra quod vel ruptura quædam insequuta, vel corruptio putredinosa oborta sit. Utrumque enim levi negotio evenire potuisse, in dubium trahere nemo potest, qui considerat partim, tantam in hoc casu observari elongationem ut nisi *ἄντοψία* luculentum veritatis testimonium perhiberet, vix citra rupturam præsertim in cadavere animo concipi possit: partim etiam perpendit, in cadavere, quod putredo totum occupavit, natam illam esse atque productam. Quas binas circumstantias dum mecum reputo, sufficientes hujus rei causas reddere posse mihi videor. Quantum enim ad prius, quid impediverit, quod elongationem ruptura non sequuta sit, observo

- 1) tunicæ scleroticæ soliditatem atque duritiem multum hic valuisse. Omnibus enim satis perspectum est, tunicam hanc, utpote duræ matris sobolem, ex tendineis atque robustis conflata esse fibris. Cum autem fibræ tendinosæ satis valide humoribus expandentibus resistere queant neque adeo facile dilacerentur, continui quoque solutio in hac membrana tam cito contingere non potuit, quam id in carnosissimis partibus, quarum fibræ adeo tenaces non sunt, fieri quotidie observamus.
- 2) Etiam deprehendo ipsum cerebrum resolutum rupturam prohibuisse. Humiditate enim sua tunicas istas initio valde molles reddidit atque laxas, quo expansionem, a sensim affluente cerebro liquido factam, commode sustinere potuerunt. Nemo enim nescit, membranas humore quodam perfusas & emollitas citra ruptionis periculum mirum quantum extendi posse, uti vel ex simplici illo experimento corii aqua sufficienter humectati & madefacti evidenter apparet. Hisce accedit
- 3) quod tunicæ oculorum in hoc subiecto non una vice ad tantam longitudinem progressæ sint, sed expansio ista temporis demum successu ad id, quod consequuta est, fastigium, perducta sit. Unde fibræ longe facilius locum dedere extensioni, quam si materia in tanta copia uno impetu ad easdem fuisset delata atque devoluta. Quibus
- 4) hanc adhuc adjicio conjecturam, quod tunicæ oculorum forte, quoad totum nervi optici tractum una ambiunt, insimul fuerint tensæ atque elongatæ, ut itaque positis omni-

omnibus hisce circumstantiis, rupturæ tam facile locus esse non potuerit. Quod alteram attinet quæstionem, unde factum sit, quod elongatio a putredine non fuerit cohibita, sequentes reor obstitisse causas. 1) Quod oculorum tunicæ quatenus membranaceæ sunt naturæ, ordinario ad putredinem non adeo proclives sint, cum fibræ, ex quibus conflatae, duræ sint atque robustæ. Confirmant enim hoc evidenter brutorum cadavera aeri libero semper exposita, quorum quippe ossa, omni licet carne denudata, non periostio solum diu adhuc cincta, sed & mediantibus membranis atque ligamentis multo post inter se invicem cohærere deprehenduntur, manifesto indicio quam fortiter membranæ putredini resistent. 2) Quod aer expansiones hæc ambiens cerebri intus detenti humiditatem sensim abstulerit, & superveniente frigore autumnali & hyemali ipsas membranas quodammodo induraverit.

Ultimo denique loco id pensitari quoque meretur, unde factum sit, quod singulare hocce phænomenon in unico tantum subiecto, nec in reliquis eodem tempore suspensorum furum cadaveribus fuerit conspectum, cum allegatam tamen causam atque viam in illis etiam locum habuisse nulla ratione negari queat. Ast ingenue fateor, omnibus licet circumstantiis probe ponderatis atque inter se comparatis, nullam tamen me deprehendisse rationem, in qua pedem tuto figere potuerim. Quodsi tamen veritati congruum, quod a quibusdam, qui suspensum hunc furem, dum vinculis constrictus fuit, viventem sæpius viderunt, accepi, ipsum habitu corporis pingui atque obeso præditum fuisse, adeoque temperamento gavisum procul dubio phlegmatico, colligendum hinc aliquo modo foret, istam corporis constitutionem huic phænomeno ansam quodammodo dedisse. Notissimum dum est, homines temperamento phlegmaticos laxiori & spongiosiori gaudere corporis habitu, fibrisque instructos esse justo tono destitutis, quæ humoribus affluentibus facile cedunt. Quare in hoc subiecto prementi atque distendenti cerebro fluido locum dedisse præsumi forte possunt. Verum vix a me impetrare possum, ut hanc solam notabilis illius effectus causam arbitrer, ideoque eandem in medio relinquo, atque eruditorum virorum *tuoque* præsertim exactiori submitto iudicio.

Atque sic, VIR CELEBERRIME, quam foveo de singulari hoc phænomeno, breviter exposui sententiam. *Tuum* nunc erit, ut statuas, quod vel veritati sit conveniens, vel a recto discedat tramite. Tenuitatis enim meæ satis mihi conscius, lubens largior, me ita fortean veritatem undique non assequutum esse, ut nulla *Tibi* ambigendi occasio sit relicta. Nullus interim dubitavi, in difficili hocce argumento qualescumque ingenii vires periclitari, quod ni fallor, dignum est, quod in eruditorum notitiam perveniat, a nemine tamen, uti supra monui, hætenus publicatum aut excussum. Quod reliquum est, *Tuum*, VIR CELEBERRIME, favorem atque affectum, quem non præsens solum expertus sum, sed & litteris humanissimis abunde mihi testatum fecisti, ut & impofterum mihi integrum

conferves & intemeratum, obnixè oro quæsoque. Servet *Te* summum numen fospitem semper atque incolumen, quo orbis eruditus plures lucubrationum *tuarum* fructus, quos boni omnes avide expectant, quamprimum percipiat. Vale academiæ juliæ & universi orbis litterati ornamentum decusque amplissimum! meque favore *tuo* nunquam dedignare. Scribebam Rostochii. Calend Mart. A. R. S. MDCCXXIX.

F I N I S.



Tab. VII.



*Disp. Chirurg. Tom. I. BURGMANNI DE SING.
TUNIC. pag. 270.*



THEY. For 2.75.
Rep. Ching. 1891. BUREAU OF DE. 2.75.

XIV.

DISSERTATIO MEDICA,

DE

E C T R O P I O.

QUAM PRÆSIDE

J O A N. Z E L L E R O,

M. D. & P. P. P. Pro Doctoratu

D E F E N D E T A U T H O R

E G I D I U S C R A T O K E C K

H E Y D E N H.

Tubingæ die 17 Octobr. anno 1733.

LISTED TO MARY

by

JOHN O'FARRELL

Author

JOHN O'FARRELL

Author

JOHN O'FARRELL

JOHN O'FARRELL

Author

JOHN O'FARRELL

P R Æ F A T I O.

Gliscit non modo sub cineribus, sed in apertam quoque flammam erumpit denuo quæ magna olim cum animorum contentione agitata fuit lis de cataracta membranacea; paucis enim abhinc annis novum se prodidit antagonistam Dom. PETIT, Med. D. Parisi. & Societatis regię, quæ floret ibidem, scientiarum sodalis, anatomicus acutissimus & in capitis præsertim dissectione versatissimus, calculumque adjecit album non modo decantatis antecessorum celeberrimorum argumentis, sed novis etiam rationibus, è situ maxime lentis crystallinæ, regionis, sive camera, oculi posterioris angustia, methodo ordinaria operationis cataractæ, & defectu signi cataractæ membranacæ pathognomonici petitis suam stabilire sententiam, insimul vero etiam novam suam cataractas crystallinas deponendi encheiresin confirmare annisus est.

Nondum inciderunt in manus quæ prolixiori ratiocinio passim deduxit celeberrimus idem vir in diversis schediasmatibus, cum societate regia scientiarum communicatis, neque obtinuimus adhuc aliorum objectiones atque vindicias, quarum partem recensent acta eruditorum Trivoltiensia. Ipsa tamen sola PETITI epistola, Lutetiæ Parisi. anno 1729. impressa, in qua crystallinus uveæ proximus demonstratur & nova afferuntur argumenta, operationem cataractæ concernentia, & nonnulla pariter in diario eruditorum Gallię (Journal des Savans) quod contractiore forma prodit Lugduni Batavorum obvia plurimis & nostris reflexionibus materiam præberent longe copiosissimam.

Verum enim vero cum arduum hoc thema peculiarem atque profundiorē mereatur discussionem, itaque bina sequenti historia si non dirimere litem, illustrare saltem conabimur, solo veritatis amore & promovendi pro viribus litterarum incrementi ardore pelliecti atque incensi. Mulier à biennio fere cæca, capite plexa anno 1717. in theatro Tubingensi anatomico publice secta ab illustri Domino Præsidente & demonstrationibus operationum chirurgicarum subjecta abs dexterrimo quodam chirurgo gallo, Mons. PINÇON exhibuit in utroque oculo pelliculam tenuem fusci & ad nigredinem declinantis coloris, magnitudine obolum, certe lentem longe superantem, pupillæ antè, in camera oculi anteriore, obtensam, corneæque prope circulum ejus internum tenaciter affixam, quam αὐτόπληξ tunc excellentissimus Dn. D. & Prof. MAUCHARTUS juxta cum aliis quam plurimis medicinæ studiosis, miratus litteris mox mox consignavit, illustris v. Dn. D. ZELLERUS, biduo maceratam in aqua fontana, ultertore discursu domi studiosis illustravit, exsiccatamque in hunc usque diem asservatam mihi commonstravit.

Non diffitetur excellentissimus Dn. D. MAUCHARTUS concurrisse in illo subjecto vitia quoque crystallini ac vitrei; scilicet in sinistro oculo gryseum cinericumque crystallinum, vitreum subnigrum punctulis & consistentia tenaci referentem sperma ranarum: in dextro autem albidas, colorem margaritaceum emu-

lantes maculas crystallini corporis, sive communiter dicti humoris. Neque inficias it, eandem observationem, postea celeberr. HEISTERO, cujus tum fruebatur hospitio & prolixo favore, traditam pluribus oppugnatam fuisse dubiis, quæ tum studiosus & nec anatomie oculi, nec controversiæ de cataracta satis gnarus sufficienter diluere haud valuerit. Spem tamen facit proxime reassumendi data occasione idem thema, pressiusque prosequendi citra omne partium factionisque studium. Videant judicentque nunc alii, an detur cataracta membranaea; palpent diu desideratam ejusmodi pelliculam, in camera anteriori obviam. Excogitent, quamlibet, cataractæ pelliculæ, quam propriis pariter oculis usurpavit olim exc. Dn. D. MAUCHARTUS Norimbergæ in ædibus litteratissimi chirurgi GEISLERI, explicationem, per me licet.

Alter casus sic se habet, quem attente nuper demum elapso mense maio una cum laudato Dn. D. MAUCHARTO inspexi ac trutinavi: puer octennis, rustici è pago Wirtembergico Echterdinga, (cujus ager ob lapidum figuratorum copiam dudum curiosis innotuit) sanus vegetusque ante 6. hebdomadas virgis baculisve scindendis intentus, ex percussione alicujus elasticæ virgæ vehementem accepit ictum super oculum dextrum, unde mox consequiebantur dolor insignis, visus obnubilatio, dehinc oculi inflammatio, ut per plures dies nullum distinguere objectum, interim tamen nec lumen ferre potuerit, donec, an ex adhibitis topicis pulveribus præcipue abstersivis, intra palpebras insufflatis, an beneficio naturæ, quietis & caloris, nescio; successive pleraque mitescerent symptomata, excepta visus obscuratione, qui in hunc usque diem ferè totus est abolitus. An aliqua sanguinis vel puris extravasatio in oculi anterioribus, cameris scilicet sic dictis oculi, aut gravior aliqua corneæ vulneratio & exulceratio hanc exceperint injuriam externam, puer, & qui hunc adduxerat artium magister, parochi filius, nesciunt.

Inspectus uterque oculus e longinquo mox præbuit indicium, uter sit affectus; dexter enim naturalem quidem magnitudinem & conformationem, atque iridis naturalem fuscum colorem pariter exhibuit, ast in cornea extus, paulo ad latus quasi internum centri comparuit tenuis macula albida, quam Græci νεφέλην id est nubeculam, nebulam, appellant, procul dubio vestigium inflati olim ictus, in pupilla vero incuneatum corpus peregrinum ex albedo dilutum, quasi cyaneum, quod totam fere dimensionem pupillæ replevit, nisi relictis in peripheria, bino maxime infra loco, exilissimis interstitiis, naturalem ibi pupillæ constitutionem & permeabilitatem testantibus, atque reflexum per eam naturaliter colorem nigrum e fundo oculi sistentibus. Corpus itaque hoc albidum, e camera oculi posteriore prodiens ipsum foramen iridis naturale, pupillam, infarciens, aliqua sui portione, acuminata quasi, & in apice condensata, ad colorem albidum saturationem vergente, prominebat in cameram usque anteriorem & motum fluctuationis exprimebat manifestissime, præsertim à frictione oculi, palpebris clausis facta, & subito deinde apertis diductisque, ubi simul aliqualis adhuc pupillæ, sed naturali multo segnior tonus & contractibilitas observabatur. Pupilla rotunda est, non lacera, naturalis diametri. Nullius objecti sive proxime, sive remotius

tius adhibiti est perceptio, sed luminis saltem & tenebrarum aliqualis sensus, ut obversam oculo manum digitosque ex umbra & aliquali inducta obscuritate potius, quam distincte percipiat. Cetera sanus est puer vegetusque, imprimis nullo nec oculi, nec capitis affligitur dolore.

Anne hunc affectum ad empyesin, i. e. suffusum in camera posteriore pus? Anne ad cataractam crystallini lacteam? Aut numne ad laceratam, in glomerem convolutam & incrassatam referent tunicam crystallini arachnoideam; quem alii veram incipientem, phlegmaticam, declaraverint membranaceam cataractam, cujus in hoc casu diagnosi non adeo sit obscura? Sed spinosam hanc ego quidem mitto controversiam, & ad præsens me confero aliud thema ocularium, quod à nemine hactenus, quod sciam, ex professo fuit excussum; quod igitur, manucente excellentissimo Dn. D. MAUCHARTO, qui sicuti fidelissimam & faventissimam in me erudiendo in genere navavit operam, ita in specie privatissimo me dignatus est collegio ophthalmiatrico eoque amplissimo, pro viribus excolere, sub divina benedictione, allaborabo.

C A P U T I.

Phænomena antecedanea, constituentia, consequentia tradit.

Pertexemus primo telam morbi historicam, & arbitraria quidem illa methodo, in cujus laudes jam non diffundemur, ut sub recensione phænomenorum antecedentium causas morbi, quas scholæ medicæ vocant proegumenas five antecedaneas atque procatarcticas five occasionales primum enarremus, atque sic quæ ex quibus oriantur, quæque sint hic etiam morborum successiones; oculari exhibeamus specimine. Pedem dehinc proferemus ad ea, quæ morbum vel proprie constituunt, vel comitantur saltem phænomena, five, quæ communiter audiunt, signa morbi diagnostica & pathognomonica, differentiam item specificam ab aliis affectibus similibus. Agmen denique claudent phænomena consequentia, quæ alias sub prognosticorum censu & titulo medici solent complecti.

PHÆNOMENA igitur ANTECEDANEA e censu medicorum rerum naturalium sunt: *Ætas* virilis, senilis, quæ vel partium molliorum successivam indurationem & obrigescentiam, vel fluidarum incrassationem, stypticitatem, inertiam, copiam important. *Temperamentum* sanguineo-phlegmaticum, quod, uti in toto habitum infert succulentum, plenum, turgidumque, ita nimio pariter ad oculos palpebrasque præsertim confluxu, & lentiore circulo sanguinis variam ectropio pandit viam. *Sexus* sequior, cui lacrymæ pro armis sunt, & qui hinc aliquos sibi quidem vindicat oculorum morbos præ viris, in respectu tamen ad ectropium nullam hactenus fuit observatus exseruisse specialius synergiam. Ita rarius quoque contingit, ut *dispositione hereditaria*, & prava gravidæ matris imaginatione, qualis in labio le-

porino e. g. cudendo satis frequenter efficacem se monstrat, ectropium transferatur in embryonem &, ceu congenitus in lucem efferatur morbus.

E numero rerum, sic dictarum, nonnaturalium primo loco stat *aër*, qua vel frigidus, stringens, incrassans, ventosus, borealis, exsiccans, irritans, vel laxus, humidus, paludosus, locorum palustrium, subterraneorum, uliginosus, vel denique calidus, fervidus, exurens in atmosphæra particulari; unde huc spectant vitæ genus, certa opificia, eorum qui metallurgiæ, arti vitariæ &c. operam navant, fortissimoque perpetim subjiciuntur igni, requiritur autem uti valida, sic etiam diuturna & frequens actio aëris, diversimode, prout dictum est, modificati.

Cibus & potus quomodo & quantitate & qualitate peccantes remotissime & generaliter concurrant, sanguinem vel incrassando, vel acribus salinis particulis inquinando, prolixè haud explicabimus. *Vini* tamen frequentem abusum in personis sanguineis non parum contulisse novimus. *Vigiliæ*, lucubrationes immodicæ, &, inter res non-naturales & præternaturales media quasi stant, *medicamenta* ocularia topica, incongrua, modo tunicam palpebrarum conjunctivam nimis relaxantia, modo cutem palpebrarum, inferioris præcipue, nimis condensantia, adstringentia, detrahentia, modo acriora, irritantia, affluxum concitantia & hyperfarcosin internæ palpebrarum tunicae, qualis mole sua palpebram inferiorem extrudit & evertit successive. Tam delicata scilicet est oculi therapia! tam verum est, oculum & famam non pati lusum! Innumerus est medicamentorum ophthalmicorum numerus, nulla fere familia est, quæ non specifica jactet collyria expertissima. Sed delectus, sed applicatio individualis lapidem constituit lydium, quo dogmaticus ophthalmiater dignoscitur ab empirico. Hinc sensu non saltem pharmaceutico & positivo, sed & subinde privativo nihilum conducit oculis: *nichts ist gut vor die augen!*

Pulvis foliorum tabaci errhinus, qui præsentis sæculo, pica narium epidemica laborante, in tantum degeneravit abusum, ut plurimos ejus amasios nec libere loqui, nec profundos cogitationum nexus-evolvere, nec dulcem inire somnum, imo ne spirare quidem posse videas absque hoc narium condimento, vel calcare potius, is inquam pulveris abusus, uti plurimas fluxiones concitat oculares, hippum palpebrarum &c. ita in specie ectropio, remote quidem, producendo, ac exasperando suam contulisse symbolam meminimus.

Res præternaturales, *Ophthalmia* frequens, chronica: *Hygrotes* sive humidi lacrymalis abundantia oculique nimia perpetuaque humectatio, *wann denen kranken die augen immer voll Wasser stehen*. *Epiphora*, sive illacrymatio involuntaria. *Hypersarcosis*, *sarcoma*, *abscessus*, vel *cysticus* quidam tumor internæ palpebrarum superficiei, qui super ipsos tarfos eminentes & gravitantes palpebram, inferiorem maxime, recurvant, deprimuntque extrorsum. *Exophthalmia*, sive procidentia oculi. *Fungus oculi* benignus, vel malignus

lignus sive cancrifus. *Encanthis*, sive carunculæ lacrymalis excrescentia, mollesque notabilis.

Afficiunt hi morbi palpebras ab interno potissimum latere. Verum enim vero iliacos intra muros peccatur & extra. *Gutta* nimirum *rosacea*, cuti palpebræ inferioris, quæ reliqua faciei cute multo tenuior est per naturam, non modo ruborem infert præternaturalem sed & notabilem crassitiem, atque tensionem, vi cujus palpebræ limbus successive detrahitur & interna superficies extrorsum vertitur.

Similem, sed efficacius promptiusque vim inferunt *adustio*, *combustio*, & hinc pendens exsiccatio & corrugatio cutis palpebræ tam superioris quam inferioris, ab igne vel actuali vel potentiali; sive & alia quæcumque ejusdem cutis *profundior*, *strictiorque cicatrix*, cum ex abscessus, fistulæ, vulneris sive improvidi, casualis, sive artificialis, studio inflicti ad extirpandum e. g. tuberculum, tumorem, verrucam sessilem, consolidatione, & substantiæ cutis, per sarcotica non satis restauratæ, nimia deperditione, cutis illa palpebræ suam amittit naturalem dimensionem, flacciditatem atque mobilitatem. Unde in fistulæ lacrymalis sectione ac adustione fyrtes hæ follicite sunt vitandæ; nec tamen musc. orb. & cutis palpebrarum in angulo interno reformidanda nimis est læsio & divisio, quam accusaverunt olim sine fundamento ectropii causam, quin potius nimia cutis palpebræ inferioris ablatio, & præcox improvidaque adstrictio atque consolidatio. *Vulnera*, *ulcera*, quæ totam palpebræ substantiam pervadunt, solutionem continui perpendicularem inferunt, ut divisæ hiantisque palpebræ labia successive recurventur ad extus; quo respectu huc etiam spectat *Coloboma* sive mutilatio palpebræ, ab instrumento lædente, scindente, amputante, vel suppuratione, gangræna, sphacelo. An a *musculi palpebram superiorem attollentis spasmodico-convulsiva retractione* possit soleatque aliquando, e nonnullorum mente, fieri ectropium, non theoreticæ saltem discussioni relinquimus, sed practicæ etiam in futurum commendamus observationi.

PHÆNOMENORUM CONSTITUTIVORUM & CONCOMITANTIUM primum est atque primarium, quod ex ipsa hauritur etymologia: ectropium enim Græcis *ἐκτρόπιον*, *ἰς, τὸ*, vel *ἐκτροπή, ἥς, ἥ*, derivatur ab *ἐκτρέπω*, avertō, declino, *ἐκτρέπω*, à præpos. *ἐκ* vel *ἐξ*, ex, & *τρέπω* verto; hinc latine redditur *Eversio* palpebrarum; gallis vel in genere *Eraillement* des paupieres, vel in specie *Renversement* de la paupiere inferieure vocatur, & germanis, *Überstülpung der Auglieder*, *überworfenene*, *vertehrte Auglieder*, *ein Plarr-Aug*.

Audiamus veterum descriptiones & definitiones, quæ nobis in ophthalmiatria debent esse pro cynosura: nostrum enim non est, citra urgentem necessitatem, novos in medicina cudere terminos, sed veteribus uti.

HIPPOCRATES quidem disertam haud facit mentionem hujus affectus; sunt tamen qui verba illa libelli de acie videndi, qui communiter Hippocrati adseritur, ubi palpebrarum crassiorum caro præternaturalis levissime

refecari infra, & minime candentibus ferramentis inuri præcipitur, huc trahant, admodum obscura quidem & æquivoca ad ectropium applicatione. CELSUS autem [a] sic habet: ut superioris palpebræ vitium est, quod parum descendit, ideoque oculum non contegit, sic inferioris, quod parum sursum attollitur, sed pendet & hiat, neque potest cum superiore committi. Atque id evenit quoque interdum ex simili vitio curationis (confer verba superiora celsi C. VI.) interdum etiam senectute, ἐκτροπίον græci vocant. GALENUS [b] ita definit ectropium: est subortus carnis in palpebra quæ sua gravitate palpebram foras evertit. Cur autem palpebra evertatur, causa est, aut carnis superexcrefcentia, aut paralyfis, aut cicatricis obductio sive coitio. PAULUS ÆGINETA [c] quemadmodum affectus palpebræ superioris, lagophthalmon dictus, sic in palpebra inferiore fit ectropium, nisi quod hoc naturaliter non evenit, sed interdum ex relaxatione, vel adustione parum dextre administrata EVERTITUR palpebra; & alibi [d] idem inquit author: hic affectus, everfio est palpebræ, aut propter cicatricem, aut carnis superexcrefcentiam factus.

ACTUARIUS descriptio nulla re differt ab antecedentibus, dum ectropium fieri contendit propter carnis excrefcentiam (ὑπερσάρκωσιν) aut palpebræ non recte curatæ cicatricem. Nam cum palpebræ affectæ extrema ad se convellant, faciunt ut non probe coalescant, nec commitantur.

Recentiorum definitiones afferre superfedemus, quod vel eadem sunt cum modo allatis veterum, vel erroneæ, vel confusæ. Alii enim falso definiunt ectropium, quod sit carnis excrefcentia in palpebra, qualis tamen sæpius observatur etiam sine palpebræ everfione, &, si vel maxime hæc accidat ὑπερσάρκωσις una cum ectropio, hujus tamen causa potius est efficiens, quam formalis, nisi quidem everfam ejusmodi palpebram, rubentem inepte habuerint pro excrefcentia, quam aliquialiter mentitur ob rubedinem & vasorum turgescientiam. Tangit hæc reflexio ipsum quoque Galenum, respectu & supra allatæ definitionis ectropii, & alius in isagoge traditæ de illo palpebrarum asperiorum affectu, qui pachytes audit, ubi prædicatum everfionis palpebræ, sive ectropii, non est censendum de essentia pachytis, quemadmodum crassities palpebræ præter nat. non est phænomenon constitutivum ectropii, quamvis subinde soleat esse concomitans. Alii confundunt *ectropium* cum *entropio*, atque τὸ Græcorum medicorum ἐκτρέπεται reddunt indiscriminatim modo per everti, modo per inverti, cum tamen distincti sint affectus, ratione vel everfionis foras vel inversionis intro.

Alii etiam misere intricant notiones *ectropii* & *lagophthalmi*, quas tamen sollicite distinxerunt veteres vel hinc, quod lagophthalmos vel lagophthalmus sit affectio & vitium per nativitatem contractum, sive congenitum, ectropium

[a] Corn. Celsus de medicin. L. VII. cap. 7.

[b] Galenus in definit. medicis.

[c] Paulus Ægineta med. totius enchirid. lib. VI. cap. 12.

[d] Id. l. III. cap. 22. cui titulus περὶ ἐκτροπίου.

pium vero (saltem ordinario, καὶ ἐξοχήν) affectus præternaturalis per ætatem demum acquisitus.

Alii denique, præeuntibus quidem ipsis veterum nonnullis, absque sufficienti nec rationis, nec experientiæ fundamento, ectropium soli vindicant inferiori palpebræ; quamvis enim longe frequentius occurrat in palpebra inferiore, non tamen excluditur superior, præsertim si laxiore significato cum nonnullis autoribus illam quoque ectropii speciem admittamus, cum vulnere perpendiculari divisa palpebra hiat, & quasi labium efficit leporinum, quod vocant, in labio oris superiori obvium.

Hanc itaque nos proponimus ectropii definitionem, quod sit morbus conformationis palpebræ vel superioris, vel inferioris, ob quem palpebra, maxime inferior, evertitur, extrorsum reflectitur, retrahitur, detrahiturque, ut per consequens utriusque palpebræ limbi non amplius debite committantur, nec oculus perfecte contegatur. Eversionis autem modi gradusque varii sunt: vel enim palpebræ, inferioris potissimum, ora atque tarsus detrahuntur, defigunturque aliqua saltem sui parte, in medio, vel circa extremitates, rostrum quasi lampadis vel sulcum efficientia, vel si proxime circa angulum alterutrum fiat particularis ejusmodi retractio & depressio palpebræ, declivem quasi fossulam efformantia; vel si concurrat solutio continui, vulnus perpendiculare, labia vulneris instar labii leporini hiantia, utraque, vel alterutrum modo extrorsum atque versus basin palpebræ decurtantur, scilicet in palpebra inferiori deorsum, in superiore sursum: vel, quod satis frequenter accidit, tarsus atque palpebræ limbus interior in totum extravertuntur. Dum vero superficies interna tarsi palpebræque dictis evertuntur modis, duo se manifestant alia phænomena, inseparabilia fere, alterum qualitatis, alterum excretorum symptoma: scilicet *rubor* miniaceus, coccineus externe comparens in palpebra everfa, isque vel naturalis ille tunica palpebrarum conjunctivæ, vasculosissimæ, & naturaliter rubentis, vel præternaturalis auctus e congestione & stasi sanguinis: tum *illacrymatio involuntaria*, humidi lacrymalis super genam effusio, vel saltem *hygrotes*, nimia oculi perfusio serosa. Quod utrumque symptoma formositatis gratiæ haud parum derogat.

Comitantur aliquando & conjunguntur ophthalmia, pachytes, sarcoma, sive hyperfarcosis internæ palpebrarum superficiei, pforophthalmia, exophthalmia encanthis, palpebrarum cutis callosa, inflammata &c. prout e recensione causarum antecedentium superius facta, patet. Ex hæcenus dictis jam sponte fluit differentia specifica ectropii, à carne luxuriante, fungosa, sarcomate, quod è pariete interno palpebrarum excrefcens totum sæpe tarsum superat, & in limbo palpebræ protuberat rubetque, sed quamdiu palpebram non evertit, ectropii nomen haud meretur. Ita quoque pachyten facile licebit distinguere ab ectropio, quoniam in pachyte, qua tali, nulla pariter occurrit everfio palpebræ.

Differentia vero *lagophthalmi* & *ectropii* altius est repetenda. Lagophthalmum,

mum, vel lagophthalmus vi nominis etiam, denotat talem affectum oculi, quo superior palpebra retracta oculum, dum clauditur, totum non contegens [e] oculos sic dormientium leporum refert. [f] Duas constituimus hujus species: unam *naturalis*, alteram *præternaturalis*; illam vocantes, cum à nativitate ortus congenitusque hicce morbus in dormientibus saltem occurrit, qui vigilantes ergo possunt oculum pro lubitu arctissimeque claudere; atque sic nullum plane his incommodum affert, adfuetis scil. ab incunabulis ita somnum capeffendi. Verosimiliter hoc affectu laboravit Tobias senex; unde delassatus somnum iniens profundiores supinus procul dubio in scamno jacens, deciduum in hiantes oculos hirundinum sterus calidum atque cathæreticum expertus, leucoma hinc contraxit & cæcitatem. Alteram præternaturalis lagophthalmi speciem hanc determinamus, cum palpebra superior vel alterutra vel utraque, non modo somni tempore, sed interdum quoque retracta perstat, ut, quantumvis vellet, non possit tamen oculum operire ægrotus, idque potissimum à causis per ætatem supervenientibus morbificis variis, majorique cum molestia; unde concludimus ectropium differre à lagophthalmo specificè. 1. Quatenus, licet in ectropio palpebræ superioris pariter fiat, ut oculus in totum obtegi nequeat, atque tunc omnino lagophthalmus ex ectropio nascatur, lagophthalmus tamen ex aliis variis causis & multo frequentius absque ectropio sive everfione palpebræ contingit. 2. Ectropium à potiori competit palpebræ inferiori, lagophthalmum vero morbus est palpebræ superioris proprius. 3. Lagophthalmum sæpe est vitium connatum, ectropium vero rarissime.

Si quis tamen palpebræ superioris ectropium ad speciem lagophthalmi præternaturalis, autoritate nonnullorum veterum inductus referre malit, ei bellum ideo non indicemus litterarium; neque hinc etiam adeo scrupulose gallorum *l'Eraillement* des paupieres & le *Renversement* de la paupiere inferieure excutiemus, an partim illud vocabulum in specie potius significet difformitatem, quæ palpebris è continui solutione, vel cutis, vel tarforum accidit, an vero in genere, habito respectu ad bulbi oculi denudationem, cum & palpebrarum structura vitatur, continuas solvitur, conformatio pervertitur, quantitas imminuitur, & oculus quasi denudatus, sufficienter haud obtectus, è sinu orbitæ prospicit. Partim le renversement de la paupiere inferieure stricte & unice constituat ectropium, distinctusque sit affectus ab altero, l'eraillement dicto? Supra certe jam monuimus, illam palpebræ, sive superioris, sive inferioris, solutionem continui, licet difformitatem organi visus & illacrymationem pariter efficiat, non tamen mereri, stricte loquendo, titulum ectropii, nisi simul actualis palpebræ concurrat everfio, si non totalis, saltem partialis, & incompleta.

Supereft, ut aliquam adhuc mentionem faciamus illius palpebrarum perverfionis, quæ tarfos extremamque palpebram versus interiora, sive versus bul-

[e] Est hæc galeni definitio in isagoge.

[f] Juxta Plinii & aliorum naturæ myftarum observationes.

bulbum dirigit, & incurvat, quamque ideo vocare licebit *entropium*, ab ἐν in & τρέπω verto, quando palpebra, inferior ut plurimum, invertitur, sive introvertitur. Contradistinctus ectropio affectus, in quantum non modo aliam & versus interiora perversiōem palpebræ supponit, sed aliis etiam stipatur symptomatibus. Realem hanc distinctionem acceptam referimus celeberrimo Woolhusio, qua neglecta, atque ab ipsius antecessoribus, imo & recentissimis ophthalmiatri non intellecta, vel saltem non enodata luculenter, dolenda magis magisque invaluit confusio.

Factum hinc est, ut cætera taceam, quod aliqui entropium retulerint inter trichiasis species, cum tamen entropium possit soleatque absque conjuncta trichiasi accidere, quamvis aliquando ita invertatur tarsus, ut pilorum ciliarium apices introrsum reflectantur atque dirigantur, oculumque compungentes veram trichiasis speciem efficiant.

Sed mittimus ulteriorem & plenariam entropii considerationem medico-chirurgicam, atque pro complemento historię ectropii jam subjungimus.

PHÆNOMENA CONSEQUENTIA: Si *faditatem* extraversæ & prominentis rubellæ interioris tunicæ palpebrarum, atque frequentis illacrymationis incommodum excipiamus, parum est, de quo vel conqueratur vel sibi metuat æger, nisi quidem ingravescente malo nimis denique detrahatur palpebra inferior, & rebelles oculo concitentur fluxiones, vel, si palpebra superior patiatur ectropium, *bulbus* nimium denudetur, variisque *externis exponatur injuriis*, fumo, pulveri, vento, validissimis solis radiis. Facile subsequitur utrinque per moram, aut perversam tractationem, ophthalmia, nisi jam præcesserit & adhuc concurrat, *tylosis*, sive callositas palpebræ, *sycofis*, sive ficositas, *pachytes*, crassities palpebræ præternaturalis. Curatio, à potiori loquendo, non tam facile obtinetur, quam vulpes pyrum comest, ut ophthalmiatriæ minus fatagens aureos pollicitus montes nil ferat hic tanto dignum promissor hiatus. In specie quod vel *inveteratum* est ectropium, vel hominem obsidet *cacochymicum*, *lusciosum* vel è *profunda amplexu cicatrice* cutis palpebræ vel tarsi, originem trahit, curatu difficillimum est, imo sæpius impossibile. Quod spectat *vulnera*, *deperditionem substantiæ* palpebrarum ectropium vel efficientia vel comitantia, hæc quidem annotante Hippocrate, [g] & Aristotele, [h] adstipulante magna sequacium cohorte, coalescere non posse traduntur; quoniam sint cutes sine carne. Fallopius tamen & quod plus est ipsa experientia satis citæ facilisque sanationis vulnera palpebrarum testantur. Restrungunt commendatores illud Hippocratis oraculum, palpebrasque ac alias ibidem recensitas partes, dissectas non coalescere quidem per succretionem carnis vel substantiæ homogeneæ, coalescere tamen atque uniri per aliud heterogeneum [i]; an HEC QUETII [k] explicatio hujus paragraphi ingeniosa, qua supponit, par-

Tom., I.

N n

tes

[g] Hippocrat. libr. aphorism. sect. VI. §, 19.

[h] Aristotel. libr. II. de part. animal. c. 17.

[i] Vid. Plenpius in ophthalmographia libr. V. c. 1.

[k] Hecquet. Hippocratis aphorism. expositi S. VI. §. 19. T. 1. p. 448.

tes spermaticas , aliqua fui portione mutilatas , non augeri amplius , quod sic simul ipsi perierint typi , juxta quos fucci induant augmenti formam , omnia enim rerum entia simul & semel fuisse in principio creata , an inquam , & quousque valeat , hoc loco non expediemus , sed potius ad observationem quamdam provocabimus , infra subnectendam in therapia , qua certo constitit notabile ac inveteratum vulnus palpebræ inferioris ac tarfi feliciter coaluisse per augmentum & regenerationem novæ substantiæ homogenæ. Topicorum cautus debet esse selectus : alii enim relaxantia , alii adstringentia , alii cathæretica , alii emollientia demulcentia &c. conveniunt.

Si radicalis cura non amplius conveniat , de palliativa dispiciendum est. Utrique vero maximum semper affert impedimentum continuus partis affectæ mador.

C A P U T I I.

Pathologiam & Ætiologiam continet.

EXcutienda sunt *subjectum morbi & causa , morbus , causa proxima , im-* mediata ; explicandus *causandi modus , symptomatumque* reddenda est ratio. Dum vero *subjectum morbi* hujus *adequatum* totam in genere palpebram , *principalem* oram tarsumque palpebræ nec non *essentiale* , quod scilicet in se habet morbum & causam conjunctim , nominamus atque determinamus , cæcus sit oportet , qui non è longinquo jam prospiciat evidentem summamque notitiæ harum partium anatomico-physiologicæ necessitatem. Imo vero si qua per totum medicinæ ambitum requiritur *ἀκριβεια* anatomica & sedulum minutiarum scrutinium , in ophthalmiatria certe postulatur. Innumerus hoc effatum suffulcire possem argumentis ac exemplis , non saltem petendis ex oratione inaugurali professoria , quam publice hic olim recitavit excellentissimus Dn. D. & Prof. MAUCHART *de minutis anatomicis* , magnis in praxi momentis , sed toto etiam collegii ejusdem ophthalmiatrici privatissimi decursu , lectionibusque publicis , quas hac æstate in organorum sensuum externorum structuram , usum & morbos prolixè nobis prælegit idem vir excellentissimus. Sed vasto nimis immergeremur dicendorum oceano ; quare non minus circa palpebrarum explicationem anatomico-physiologicam vela contrahentes , lectorem remittimus ad ea quæ biga celeberrimorum & acutissimorum hodiernorum anatomicorum , Morgagnius [1] atque Winslowius [m] aliique detexerunt publicique juris fecerunt.

Summis itaque digitis saltem attingemus structuram palpebrarum in genere , quatenus primo *integumenta* harum *communia* hoc sibi vindicant binum peculiare phænomenon , quod *cutem* habeant longe *temiorem* atque *laxiorem* ,

pen-

[1] Morgagnius in advers. anat. passim.

[m] Winslow. exposition. anatomique.

pendulam quasi, quæ scilicet motui palpebrarum facilius obsecundet, nec in extantiores statim complicitur rugas; secundo quod in plenioribus & obesis etiam personis, *pinguedo nunquam occurrat*, quæ mole sua palpebras gravet, vel cutis naturalem, modicam complicationem impediat. *Series diversæ musculi orbicularis* abs laudato Winslovio & subtilissimo Santorino, [n] evolutæ: palpebræ vero superioris in specie musculus attollens proprius, in suis directionibus, insertionibus, principiis & distinctis usibus &c. non minus attente pensitari debent, ac tarfi palpebrarum, qui summos harum constituunt limbos cartilagineos, quique ceu corpora maxime spermatica veteribus dicta, & elastica, pertinacius recurvantur & difficilius coalescunt atque consolidantur vulnerati. Extus hi *tarfi* obteguntur integumentis communibus ita, ut quò cutis ipsi magis appropinquat limbo tarfi extremo, eo quoque fiat tenuior, & quasi epidermidis instar summum modo tarfi marginem investiat, donec obviam facta tunicæ internæ palpebrarum in hanc desinat atque propagetur.

Ciliarium pilorum consideratio tanti non videtur momenti in ordine ad ectropium, majoris autem est, in respectu ad entropium. *Punctorum lacrymalium* fedes ad tarforum internos limites in angulo interno oculi, perpetuus hiatus: *glandularum ciliarium* situs, orificia excretoria, functio: *tunicæ internæ palpebrarum* connexio cum tunica oculi conjunctiva, albuginea, minimæ glandulæ, vascula sanguinea innumera, maximeque arteriosa; *caruncula lacrymalis* situs, structura, functio &c. Hæc profecto omnia perfecte cognita supponi debent, antequam laudabiles in pathologia progressus facere liceat.

Palpebra itaque quatenus dictas complectitur partes in genere est *subjectum adequatum* medice dicendum; principale verò ora, limbus palpebræ, tarsus *ordinarium*, palpebra inferior, *extraordinarium*, rarius, palpebra superior. *Subjectum causæ* vel idem ipsum est cum subjecto morbi, cum scilicet morbus & ejus causa in una eademque parte concurrunt atque tunc vocatur, uti jam dictum est, *essentiale*; vel distinctum idque remotum, causa proxima hærente e. g. in caruncula lacrymali, encanthidem enormiorem patiente aut in bulbo oculi prætumido, prolapso. Sic etiam poterit subjectum causæ inhærere alicui saltem parti palpebræ, unde verò tota palpebra in consensum trahatur atque evertatur uti in adustione vel profundiore cicatrice cutis palpebræ; uti in sarcomate tunicæ internæ palpebræ, quod hanc foras protrudat deprimatque.

Morbus à potiori ad morbos conformationis pertinet; alterantur enim palpebræ & pervertitur figura, rectitudo regularis, situs; dum vario modo inflectitur, curvatur, detrahitur. Conspirant verò subinde & *morbus intemperiei*, nimia humiditas, nimia acrimonia, inflammatio &c. & *solutæ unitatis*, vulnus, mutilatio, ulcus; imo & aliæ adhuc junguntur species morbi conformationis, e. g. magnitudinis auctæ, vitiatæ internæ formæ, ac super-

ficie, quando incrassescit, induratur, intumescit ipsa palpebræ substantia, ejusque superficies exasperatur.

Causa proxima & immediata in diversis casibus diversa solet esse: *crispatio* & *retractio* fibrarum *cutanearum* palpebræ validior constantiorque, ex adustione, cicatrice &c. *Fibrarum muscularium* muscoli orbicularis exteriorum maxime, sive ab ora palpebræ remotiorum, *restrictio*, *abbreviatio*, *decurtatio*, *consumptio*. *Tunicæ internæ palpebræ*, nimia *laxitas*, *humiditas*, *infarctus*, *turgescencia*, *excrescentia carnosæ*. *Bulbus oculi prætumidus*, *prolapsus*: *fungus* ex orbita vel oculo protuberans, insignis: & quæ sunt reliquæ superius in censu phænomenorum antecedaneorum & classe rerum præternaturalium jam allatæ causæ. An *resolutio*, *paralysis muscoli orbicularis palpebræ inferioris* apta nata sit efficiendi ectropium, problema esto? Unde patet, palpebram vel domestico, proprioque vitio perverti, & fibras ejus deflectere à recto tramite; vel, salvam de reliquo palpebram, extrinseco pondere quasi deprimi; vel alienis in propinquitate compedibus quasi retrahi atque ligari.

Tandem symptomatum rationem reddentibus in promptu est primarii explicatio, illacrymationis puta: sive enim vulnere hiet palpebra, sive depressa sit, sive everfa, sive alio modo recurvata, mirum non est, si aggere hoc naturali vitiato, destructove, lacrymales undæ qua data porta liberius effluant & super genam depluant. Sic pariter si consideremus tunicæ palpebrarum internæ continuitatem cum tunica oculi albuginea, facilis erit explicatio, cur in valde everfa palpebra *variæ oculi* excitentur *fluxiones*. Ob perpetuam nempe tractionem, tensionem, irritationem, quibus accedit præternaturalis libero aëri expositio tam ipsius modo dictæ tunicæ, quam inferioris segmenti tunicæ albuginæ; ob quam ultimam rationem quoque augetur imminens *pachytes* atque *tylosis*. Quam longe etiam facilius sit curatio ectropii, quod recens est, hominemque tenet cætera sanum, quod à causa externa, deprimente, gravante ortum est, quam habitualis, quam illius, quod intrinsicam fibrarum retorsionem habet pro fundamento, tam evidens est, quam quod evidentissimum.

C A P U T III.

Therapiam sistit.

Therapia quidem in genere præcipit rectificationem, restitutionem, erectionem, recurvatæ ac everfæ palpebræ, in specie vero respicere jubet modo ad ophthalmiæ vasorumque infarctus, dissipationem, depletionem; modo hypersarcosecos & tumorum ablationem: modo constrictionis emollitionem vel solutionem cicatricis, modo relaxatæ nimis humidæ internæ palpebrarum tunicæ exsiccationem & adstrictionem modicam: modo vul-

neris

neris consolidationem debitamque incarnationem : vel tandem , si radicitus tolli malum renuat , palliativam saltem indicationem.

Ophthalmia externa , fluxiones crebræ ad oculum , sanguinis stases , hinc pendentes vasorum infarctus , pro ætatis , temperamenti , temporis , gradus locique conditione , varia deponunt præsidia atque medicamenta , quæ propter copiam vix licebit exhaurire intra dissertationis hujus cancellos. Erunt vero interne blanda purgantia , phlegmagoga , diaphoretica temperatiora , fixa ; sialogoga , errhina , blandiora , resolventia ophthalmica tenuiorum partium , uti lapides cancrorum ppti , $\frac{1}{2}$ ium diaph. mixtura simpl. Ludov. asell. ppti rad. valerian. succin. ppt : specif. ceph. mich. sem. fœn. &c. Ferorem , acrimoniam temperantia , nitrosa , papaveracea , emulsiva , gelatinosa : externe varia collyria , unguenta , facculi , epithemata è modo enarratis medicamentorum resolventium , temperantium , demulcentium , tonicorum &c. classibus petenda , quorum plurimis palmam quasi præripit cataplasma ophthalmicum è medulla pomi acidi , sub cineribus assati , & pulvere croci , succini ppti camphoræque imbutum , linteo , in multiplices complicato lamellas , compressam dicunt , superextensum , & nudis palpebris , clauso oculo , calide imponendum , sæpiusque repetendum ,

E fonte chirurgico conferunt venæsectio pedis , juguli , καὶ ἰξω , venæ angularis , arteriæ temporalis sectio , ophthalmoxysis , [o] hirudinum affixio retro aures , ad angulum externum oculi , super ipsas palpebras , ad anum in hæmorrhoidibus suppressis : cucurbitulæ scarificatæ in nucha , dorso , humeris. Vesicatoria in brachiis , in nucha , retro auriculas.

In nimia humiditate & laxitate tunicæ palpebrarum conjunctivæ plurima è modo recensitis conveniunt remedia , si modo tonica , & adstrictiva magis interna jungantur & externa. Interne ♂ les tincturæ , croci , ♂ , C. C. ust. bol. arm. ppt. ▽ lemn. sigill. spec. diacret. Mynf. Externe facculi ex herb. plantag. serpilli , origan. fl. lavend. ros. r. balauft. O crudo , nuce moschata , olibano , mastiche , camphora in vino rubro , ▽ ♀ , ▽ ferrarior. & simil. cocti & expressi , calide impositi. Imprimis quoque ophthalmoxysis palpebralis , cum xyistro vegetabili tunica interna palpebræ semel iterumque debite carminatur.

Hyperfarcosis , sarcoma , tumores superficiei internæ palpebræ , exsiccantibus externis , lenibus , acrioribusque cathæreticis O usto , rad. ir. flor. ♀ r. ♂ cypr. lapide infernali , &c. absumuntur vel minime candente ferramento delentur , aut per excisionem , resectionem , extirpantur. Caute vero hic mercandum est , ne acrioribus irritetur , inflammetur , excorietur oculus , & præter naturam bulbus concreascit cum interna superficie palpebræ , vel ne quid nimis de substantia palpebræ interna tollatur , & interna cicatrix profundior evadat strictiorque , ac ex ectropio nascatur entropium.

Opus est in hunc finem , ut vel affricta cathæreticorum vis cito iterum &

N n 3

caute

[o] De nobili hac operatione ocularia vid. Diss. inauguralis professoria Exc. Dn. D. MAUCHARTI , ubi & xystri vegetabilis traditur constructio.

caute ∇ samb. tepida eluatur, vel palpebræ & bulbo oculi interponatur tenuis vesicæ bracteatorum auri frustillum, ung. de tutia, aut mucilagine sem. cydoniorum ∇ plant. extracta; vel e consilio cereberr. WOOLHUSII capsula quædam hemisphærica e cornu tornata, & simili vesica lubricata obducta bulbo imponitur, ad symphyisin supra memoratam evitandam, &, ne ferrum ignitum moleste afficiat corneam vel albugineam tunicam. Tale segmentum sphæræ concavæ, & modum applicandi, laudatus WOOLHUSIUS vocat *l'Emboitement*.

Tutissima videtur brevissimaque methodus per resectionem ope forficis vel scapelli carnis excrefcentis, cavendo ne vel tarsus, vel glandulæ ciliares lædantur, id quod tanto facilius evitatur, si trajecto mediante curva & ancipite acu, per sarcomatis longitudinem ab angulo externo versus internum filo duplicato cerato, sarcoma attollitur inter refecandum atque scalpello caute sic amputatur, ut potius de carne præternaturali relinquatur, quam de palpebræ substantia auferatur. Quod enim sarcomatis reliquum est, modica lapidis infernalis affricione facile & tuto abolebitur successive, adhibita, superius inculcata, cautione.

Carne sic ablata atque liberata palpebra, extus quotidie bis, sub quavis oculi deligatione, limbo palpebræ debet apponi oblonga spissiorque compressa e linteo multiplici, & mediantibus aliis majoribus firmiter apprimi, fasciæque monocolus dicta, decenter obfirmari, ut, remoto nunc obice interno, partes externæ eversæ facilius intro reprimantur & in situm naturalem restituantur.

Methodus excindendi talem carunculam abs *Celfo, Aetio, Paul. Ægineta* &c. commendatur etiam alia: scilicet in parte interna eversæ palpebræ duæ fiant incisiones, non adeo profundæ, quæ litteram græcorum Λ (lambda) referant figura sua, sic ut utrumque conu sive basis anguli respiciat oram palpebræ, apex vero ubi duo crura coeunt, respiciat oculum; comprehensa inter hæc crura caro excrefens scalpello separatur, excinditur & hiantes postea vulneris oræ acu, lineum trahente filum, gemina conjunguntur futura.

Paul. Ægineta in specie hanc futuram monet esse proficuum & necessariam casu, quo extirpata jam fuerit excrefcentia, neque tamen palpebra ad debitam adhuc redierit rectitudinem. Videtur tamen haud immerito rejici hæc futura, non saltem ob doloris augmentum & operis difficultatem, sed ob hæmorrhagiæ, inflammationis, entropii, atque symphyisis quoque metum.

Si cutis externa palpebræ nimium sit condensata, restricta, per adustionem, cicatricem retracta vel corrugata, possunt, primum humectantia, emollientia per modum illinitionis, epithematis, vaporis, emplastri &c. tentari, tum vero si opus sit, subjungi recta ejusdem cutis infra tarsum incisio una alterave, ab uno angulo oculi versus alterum, plus minus longa, cutis profunditate. Si alia, infra priorem, adhuc adornetur incisio, hæc

hæc illi parallela, in exigua distantia fiat. Alii lunatam semiellipticam imperant incisionem, cornibus respicientibus maxillam, non oculum. Palpebra sic relaxata diducitur ulterius modice, digitorum quin & emplastro-
rum ope; vulnuscula linteo carpto, sub prima deligatione sicco, postmo-
dum autem unguento digestivo imprægnato replentur imo infarciuntur, do-
nec succrescens nova caro hosce repleverit fulcos. Quod supra monuimus
de compressis & fascia decenter obducendis, hic quoque valet.

Si vero paralytica musculi orbicularis in palpebra inferiore concurrat in-
firmitas tanto difficilior quidem erit curatio & successus incertior; sed ne
hic quidem tristi fato statim est relinquendus æger. Tentanda sunt tonica,
nervina, spirituosâ in-&-externa; calor ipse siccus, quousque ferri potest,
plurimum conducit.

Quid tandem in illa ectropii specie, quæ vel e vulnere vel saltem cum
vulnere palpebræ tarsique perpendiculari fit, maxime cum notabili sub-
stantiæ deperditione, sperandum sit atque agendum? Sequenti curioso de-
clarabimus specimine & curatione, quam propriis administravit manibus
Excell. Dn. D. MAUCHART, cujus proin verba ex ipsius ephemer-
idibus practicis excerpta hic subjungemus propria:

Stuttgardia 1722. d. 12. Novembr. Dn. Aulber cerearius aulicus *Hof-
Wachs-Bleicher* ætatis 28. annorum, cholericus, bibax jam aliquoties spu-
tum exscreavit sanguineum, nupero etiam vere; ab eo tempore, ubi meo
usus est consilio, non amplius. Hesternâ nocte equo vectus sub arbore
imprudens accepit ictum rami crassioris in palpebram inferiorem oculi dex-
tri, valde hinc inflammati. Hiantia vulneris labia mox glutinante emplas-
tro studuit adducere chirurg. Molwiz, & epithematibus calidis, spirituo-
sis inflammationi obviam ivit. Toto corpore tremit patiens, vertiginosus.
Jungitur aurium tinnitus, vomituritio. Venæ sectionem in brachio impe-
ravi & ℞. pulv. analept. frig. mind. compl. ℥ii succin. ppt. ℥i, sirup. fl.
paralyf. ʒv ▽ tiliæ, ceras. nigr. ana ʒiii, ▽ lil. convall. cum vino ʒi.
Mixta dentur per trihoria tria cochlearia. Circa vesperam ponatur in al-
tero brachio vesicatorium, dextro nempe. Curam externam chirurgus re-
liqui.

Die 25. Novembr. priora symptomata fere omnia cessarunt. Vulnus
palpebræ inferioris valde hians adhuc, ne una quidem fibrilla magis ac
ab initio, redunitum. Deprehendi illud in palpebra inferiore dextri oculi
prope canthum oculi externum perpendicularare, unam tertiam partem pol-
licis longum a tarso palpebræ deorsum tendens, labia vulnusculi sicca ci-
catrizata: pars divisa hoc modo palpebræ semper se retrahit versus na-
sum, sub & sine motu palpebrarum: oculus multam plorat purulentam
lympham: visus integer: palpebræ non tument. Frustraneam ratus om-
nem porro glutinationem, per emplastra tentandam. Scarificata hinc, ope
parvuli scalpeli incurvi, donec parum sanguinis funderent, vulnusculi labia
filo duplicato & cerato, per futuram itaque, junxi, fascioque nodo firmavi,
acu-

acu exigua ancipite (five ex utroque latere scindente) antèrius non nihil incurva usus. Spatium ab ora in utroque labio reliqui , pro partis exiguæ conditione fatis amplum , acumque in mediam hiantium labiorum partem adégi. Post tenuibus adhuc emplastri styptici spleniis , oblique cruciatim positis proxime infra futuram , cutem & musculum orbicularem ex utroque vulneris latere appropinquavi: compressis in angulo oculi interno collocatis pariter retractionem & nifum frustilli palpebræ versus nasum impedire allaboravi : affectum oculum latiori adhuc compressa , albumine ovi conquassato cum ∇ ros. imbuta contectum deligavi fascia , oculus simplex dicta. Alterius , sani , oculi deligationem & hinc omnimodam obtenebrationem futuram summopere deprecatus est patiens. Diætam tenuem , imprimis parum vini concessi.

Diebus 26. 27. Novembris oculus sub quotidiana bina deligatione multum feri reddidit purulenti , palpebra inferior valde rubens , nullibi tamen tumida fuit , vulnus ne $\gamma\epsilon\upsilon$ quidem consolidatum , sed denuo magis hians , imo circa vesperam separatum plane erat filum à palpebræ frusto , quod angulum externum respicit. Ita spe nostra futuræ excidimus. Die 28. Nov. efflagitante ægro novam futuram , eandem uti prius , repetii , & oculum sanum simul obligavi. Dolor inter pungendum tolerabilis & toto hoc altero triduo adhuc mitior & fere nullus erat. Die 29. 30. Nov. labia vulneris , uti post primam futuram. Tertio die iterum erupit filum è palpebræ frustillo versus nasum. Die. 3. Dec. vulnus jam triduo sibi atque emplastris glutinantibus & adducentibus relictum , plus ac antea cœpit hiare ; hinc scarificatis prius & abscissis extimis labiorum vulnusculi oris , acum exiguam dimidia anteriore sua parte incurvam & ancipitem trajeci , debitis observatis cautelis & præceptis , per labia vulneris , eaque circumducto multoties acui filo , ut moris est in labio leporino , arcte juncta ita deligavi , ne cuspis acus noceret , atque ut palpebræ persisterent immobiles : palpebrarum inflammationem præveni compress : defensivo ordinario imbuta ex albumine ovorum conquassato cum ∇ ros. simulque cephalalgiam averfurus præscripsi \mathcal{R} . lap. \odot ppt. $\ddot{\text{g}}$ ii diaph. $\overline{\text{a}}$ a $\mathfrak{z}\beta$, \ominus crystall. gr. XV. sir. rub. id. $\mathfrak{z}\text{vj}$ ∇ cichor. Endiv. rub. id. ceras. nigr. $\overline{\text{a}}$ a $\mathfrak{z}\text{ij}\beta$ M. detur quarta pars singulo quatrihorio

Die 10. Dec. vulnus interea ne tantillum coaluit , sed copiosum ploravit ichorem purulento-lacrymalem : acus itidem evasit , latius jam distante vulnere. Alia , vulnera quæ habuit itidem dysepulota fuisse refert. Jam porro quid consilii ? Sane , nisi oculi deformis , frustratæque toties operationis turpitudine ac ignominia & ægrum & me efficacius excitassent , omnem abjecissemus animum & spem. Rem igitur medicamentis solis aggressurus , expectandum duxi , num forte nova carnis stamina propullulent ex ipso vulnere , hujusque vacuum expleant.

Hinc interne \mathcal{R} . rad. farfap. chin. $\overline{\text{a}}$ a $\mathfrak{z}\text{j}$. Herb. pyrol. millef. Summit. hyper. ana M. j lign. sassafr. $\mathfrak{z}\text{vj}$ sem. foen. $\mathfrak{z}\text{ij}$, rad. symph. ononid. ana $\mathfrak{z}\beta$. M. D. pro apozemate , mane vesperi libra semis. Externe pulv. consolidans quotidie bis vulnere inspergendus \mathcal{R} . bol. arm. ppt. ∇ æ sigill. silesiac. rubr.

rubr. rad. symph. mastich. ana ʒij, myrrh. rubr. el. ʒj aloës succotr. ʒʒ, glutinis scriniariorum ʒiʒ M. F. P. subtilissimus. Vulnus dehinc emplastris glutinantibus, uti prius, aduniatur & deligetur.

Die 11. Decemb. Vulnus palpebræ inferioris quotidie magis hians. Ichoris purulenti copia quidem à biduo imminuitur. Massæ sanguineæ impuritas scorbutica sine dubio consolidationi obstat. Purgetur cras &c. ʒii dul. rite parat. Extract. cathol. ana ʒʒ, mag. jalapp. gr. VII. M. F. cum essent. succini pilulæ nro XV. D. Unde pluries καίω purgatus fuit cum euphoria. Prioribus medicamentis & deligationibus diligenter continuatis intra decendium ita benedixit Deus, ut, succrescentibus quotidie è vulnuscule novis fibrillis carneis, tam arcte, tamque belle clauderetur rebellis ille hiatus, ut ab initio non nisi cicatricis, vel novellæ potius carnis rubedo pristini relinqueret aliquandiu mali vestigium, & in summo vulnerati tarfi duæ exiguæ emerent protuberantiæ, in loco scilicet divisionis pristinæ violentæ. Quæ vero incommoda gestato per mensem empl. diapalmæ penitus evanuerunt, oculo hucusque sanissimo & naturali permanente.

Ita quod Plinius ait de natura: quod nullibi magis quam in minimis tota sit; id mihi etiam de chirurgia videtur: quod scilicet hæc nullibi magis, quam in minimis sit difficilis. Insimul patet hoc exemplo omnia prius experienda esse, quam despondeat animum medico-chirurgus. Conspexi dehinc multoties per aliquot annos eundem ægrum oculis optime valentem & cicatricem pristini vulneris vix amplius perceptibilem palpebramque in integrum restitutam ut ipse miratus sim.

Habetur sic realis, practica, non cerebrina decisio, & refutatio nonnullorum tam veterum, quam recentiorum auctorum, qui palpebras vulnere divisas non coalescere, certe non per succrescentem laudabilem carnem coire statuunt.

Aliquando superat morbus vires & artem medici, aut delicatuli patientes (in quos Joh. Langii quadrant apprime verba, quod malint lento dolore & incommodo confici, quam semel & fortiter dolere, tuncque liberari) reformidant rejiciuntque molestum aliquod vel dolorificum remedium, ut hinc symptomatum quoque indicationem attendere & curam adornare palliativam oporteat, qua partim fœdus occultetur aspectus, partim vero defluentibus perpetuo lacrymis obex ponatur: paucis hæc absolvitur, nimirum emplastro quodam probe glutinante, quod serico nigro inductum affigitur toti palpebræ circa angulos oculi, atque toties renovatur, quoties è re videbitur. Cæterum diligenter & placide abstergenda est eversa palpebra linteolo molli, vel spongiola detrita, aqua rosarum humectata, & iterum expressa.

Fons diæteticus, ultimo injungit feriam evitationem causarum occasionalium, supra recensitarum, in specie ventosi, rigidi atque fumosi aëris, diætæ acris, vinosæ, spirituosæ, inflexionis nimium pronæ capitis, arctioris colli strictionis, vigiliarum &c.

C O R O L L A R I A.

I.

Accurata bulbi ocularis dimensio in longum, latum & profundum non modo physico-mathematicam oculi historiam dilucidat, verum suos etiam usus in physiologiam, pathologiam atque therapiam oculariam longe lateque diffundit.

II.

Ergo non fuit lis de lana caprina, quam olim jam moverunt atque nunc quasi dirimunt de capacitate utriusque sic dicti cameræ oculi. In ordine scilicet ad cataractam, glaucoma, empyosin, sanguinem extravasatum, hypopyum; &c. Diversis quidem respectibus plurimum importat.

III.

Quid de præparatione oculi, quam docet Excell. Dn. Doct. M A U-CHAR T U S; liberat is bulbum oculi humani ab ambientibus & connexis partibus, solum relictum & appensum nervum opticum, suisque adhuc tunicis involutum pertundit perforatque tubulo in cavum usque bulbi immerso, aerem insufflat modice, nervi extremum injecto circumducit vinculo, arctissimeque, sub ipsa tubuli extractione, constringit, totumque sic flatu ad naturalem usque plenitudinem turgidum successive relinquit exsiccationi spontaneæ bulbum in conclavi modice calenti.

IV.

Videntur hinc demonstrari posse: globi ocularis dimensio, pondus successive decrescens diversarum tunicarum vel robur, vel tenuitas, vasculorum choroideæ mirus & vorticosus reptatus, pupillæ diameter & figura, humoris aquei & vitrei, penitus hac exsiccatione evanescentium, natura fluida, evaporabilitas per ipsos scleroticæ corneæque poros lentis crystallinæ, quæ non itidem hinc dissolvitur, sed in minorem tantum molem contrahitur, genuina denominatio, figura, soliditas, comparatio cum nonnullis cataractis crystallinis.

V.

Graviora obstant impedimenta, quo minus eamdem adhibere exsiccationis methodum liceat in corde, atque expansos exsiccatosque ipsius ventriculos infusa aquæ portione metiri. Sed locum habebit alia commensuratio juxta principia geometriæ solidæ, in corde scilicet humano liquamine ceraceo debite repleto, & vel formicis vel tæniis ad successivam carnis musculosæ depascentiam relictæ. Parietibus & septo cordis sic erosis & absumptis reliqua vero ceracea massa illibata manente, dimensio thalamorum cordis accuratissima potest absque impedimento institui, nisi quidem & tum sola ocularis inspectio satis decidere videatur inæqualitatem & proportionem thalamorum cordis.

T A N T U M.

X V.

DISSERTATIO
MEDICO-CHIRURGICA,

DE

TUMORIBUS CYSTICIS PALPEBRARUM,
ET SINGULARI STEATOMATICO-SCIRRHOSO
TUMORE, E PALPEBRA SUPERIORI EXCISSE.

Quam Præside

BURCARDO DAVIDE MAUCHART,

M. & Chir. D. & P. P. pro Doctoratu consequendo

Defendet

CHRIST. THEOPH. WEBER,

MICRO-BOTTW.

Tubingæ mense Novembr. anni 1750.

§. I.

P *Alpebras* oculi humani, superiorem ac inferiorem, quid vocemus vulgo notum est. Quod vero consent communibus integumentis valde tenuibus, musculo orbiculari, utramque cingente palpebram, (& superior suo insuper attollente, seu elevatore musculo, ac ductibus glandulæ lacrymalis excretoriis) limbo cartilagineo, tarso dicto, pilis ciliaribus ornato, & denique in superficie interna gaudeant tunica vasculosa, conjunctiva palpebrarum dicta, atque glandulis Meibomii sebaceis, quibus omnibus per sua vasa arteriosa, venosa, lymphatica ac nervos abunde prospectum sit, id quidem in præsentī tractatione præsupponimus magis, quam pro dignitate prosequimur.

§. II.

Subsunt palpebræ variis non modo in genere præternaturalibus affectibus, sed etiam *in specie tumoribus*: œdemati, hydatidi, emphysemati, erysipelati, phlegmonæ, furunculo, apostemati, anthraci, fungo, scirrho, cancro occulto, chalazio, hordeolo, meliceridi, atheromati, steatomati. Seligemus hac vice pro themate dissertationis tumores sic dictos cysticos palpebrarum, id est peculiari, proprioque conclusos folliculo, quorum communiter tres faciunt species, meliceridem, atheroma, ac steatoma.

§. III.

Meliceris *μελικηρίς*, componitur ex *μέλι*, *ιτος*, *το*, mel & *κῆρίον*, *ς*, *το*, favus, cerea cellula, mel recondens. Veteribus ergo ac recentioribus est tumor, in peculiari tunica vel capsula includens humorem melli similem, quoad consistentiam, e cujus incisa & aperta cystide, humor non fecus ac mel e favo effluit. [a] *Hippocrates* quidem noster Cous [b] meliceridis mentionem faciens, dubium reliquit, quid ibidem per *μελικηρίδα* in articulis factam intellexerit? An crassi humoris redundantiam, quæ nec per sudores, nec per urinam expurgetur, sed in articulos decumbat, hisque, ut asserit, vel claudicationem afferat, vel meliceridem? Anne ergo vel verum, quem hodiernum vocamus, abscessum, loco puris, melligeno, crassiore humore refertum? An liquorem glandularum, quas recentissime

O o 3

quidem

[a] Galenus L. de tumoribus præternaturalibus p. 83. b. (vid. not. nostram c.) it. de method. med. c. 12. Aetius tetrabibl. IV. Serm. 3. c. 6. 7. Paul. Aeginet. Encheirid. tot. med. l. 6. c. 36. & l. 4. c. 34.

[b] Hippocr. Prorrhetic. l. 2. §. penultimo in edit. foel. operum Hippocr. dicto libr. 2. p. m. 113.

quidem detexit, & hoc nomine appellavit, *Havers*, mucilaginosarum, in cavis articulorum obviarum, inspissatum, quin denique induratum? An vero tumorem, qui articulos, genua maxime, extus aliquando circumfidet, fungosum, & in oculis suis vario humore lento, tenacique scatentem? An vero, quod propius huc spectaret, similem humoris glutinosi, pellucidi, proprio inclusi folliculo, collectionem circa articulum, qualem observavit olim *præses* in summitate genu viri cujusdam parisiini, & quam Celeb. Chir. Dn. *Gerard* feliciter extirpavit, significaverit, dubium est? Male vel interpretes & commentatores in loco hoc Hippocratis adsuunt explicationem meliceridis per abscessum, illamque ad abscessum, tanquam genus suum revocant, cum in textu originali ne verbum de abscessu occurrat. *Galenus* dicit, [c] meliceridem, atheroma, & steatoma ab aliis referri ad abscessus, ab aliis vero ad aliud genus: horum vero affectuum naturam patere ex ipsis nominibus, quatenus materiam contineant vel meli, vel pulticulæ vel sebo similem, ut plurimum vero tunica quadam membranosa omnia hæc contineri. Meliceridis vero acceptionem æquivocam esse, & aliquando etiam sumi pro ulcere capitis cutem perrodente, quod proprie *κηρίον* vocatur, patet ex Aetio atque Celso.

§. I V.

Atheroma, derivari ab *ἀθήρα*, vel *ἀθήρη*, quod genus esse pultis frumentacæ, statuunt *Galenus*, *Paulus* [d] aliique, & hinc atheroma vocant, quod materiam contineat pulti similem: *Steatoma* vero, derivatur a *στέαρ*, *αίτος*, *τὸ*, sebum, quando tumor cysticus materiam sebo analogam habet: vid. Autores modo allegati. Quamvis autem in ejusmodi tumoribus tunicatis præter tres illas contentorum species, multifaria etiam repariantur alia, substantiæ vel solidæ magis, vel fluidæ, e. g. concrementa solida cartilaginea, ossea, arenulosa, gypsea, calculosa, corpuscula teretia quasi vermiculosa, globulus pinguedinis, glomer & nodus ex implicitis pilis, mucilago instar spermatis ranarum, liquor fluidus coloris lixiviosi, vel spissior instar fecis vini &c. qualium exempla vidit *præses* in propria praxi; tamen recte hætenus substituerunt recentiores medici in triga species, ne multiplicarent entia præter necessitatem, & in eo conveniunt a potiori, ut propriam membranam sive cystidem, quæ diversam materiam contentam includeret proxime, cunctis adsererent, licet eam *Galenus* tradiderit (§. 3.) ut plurimum tantum adesse. In steatmate quidem, quo magis grandescit, eo magis obliteratur, & distincta non occurrit amplius ea tunica propria, quæ in principio & in minore steatmate distincta adfuit, sed

[c] *Galenus*, ex edit. Juntar. Venet. 1609. in fol. tert. classis libror. galen. de tumoribus præternaturalibus c. 5. p. 83. b.

[d] *Paul. Æginet. Encheirid. tot. med. l. 6. c. 36. Galen. meth. l. 14. c. 12.*

sed confunditur, complicatur, arctissime cohæret, aut denique ob nimiam distensionem crepat, atque dilaceratur, quod quidem rarissime fit, uti plus semel in eorundem vel extirpationibus, vel sectionibus hominum, alio morbo defunctorum, sed tumores cysticos hic ibi, extus vel intus, alentium, deprehendit *præses*.

§. V.

Facile *distinguuntur* tres hæ tumorum cysticorum species, *ab emphysemate* palpebrarum, quod diffusum hoc inferat tumorem, aereum, sive flatulentum, pressioni cedentem, sed cito redeuntem, quique aliquando sonum sibilumque hinc reddat: *ab œdemate*, quod hujus tumor pariter totam occupet palpebram, sed mollis sit, & vestigia impressa fervet aliquandiu: *ab hydatide*, sive vulgari, quæ lympham, continet pellucidam, sive speciali, quæ abs Celso, Galeno, Paulo &c. inter singulares palpebræ superioris recensetur affectus, & proxime infra glandulam lacrymalem ordinarie occurrens constat pinguedine in globulum, & singularem massam coacta, quod vulgaris hydatidis per elatam vesiculam, tenui vestitam tunica, translucens facile agnoscatur; specialis vero altera hydatidis mollem, inæqualem, & pressioni retrocedentem efficiat tumorem; cum vero talismodi hydatidis pinguedinosa proprio inclusa fuerit folliculo, quod per nonnullorum authorum descriptiones haud obscure videtur innui, tunc uti nulla fere re differt a steatmate, ita nec distinguitur. *Difficilius* autem *a se invicem distinguuntur*, antequam aperiuntur, *meliceris*, *atheroma*, ac *steatoma*; steatoma quidem majorem tractui duritiem offert; meliceridis vero liquor contentus, etiamsi fluidior, folliculum suum ita tendere solet, ut a crassiore atheromatis humore vel pulve non facile dignoscatur, nisi foveis impressis citius resilientibus. Neque vero magni interest, respectu curationis, an meliceris sit, an atheroma, tumor ille palpebræ?

§. VI.

Phænomena atque *signa* cæterum habent *communiâ*. Cutis superexpansa hisce tumoribus cysticis ordinarie debitam servat coloris, crassitie, ac mobilitatis qualitatem. Aliquando tamen, & per notabile tumoris augmentum, vasa cutis fiunt varicosa, color naturalis mutatur in rubro-lividum, substantia incrassatur. Nullus vero dolor, nullus rubor inflammatorius infestant. Principium exile est, ciceris vel lenticulæ magnitudine, incrementum tardum, successive tamen, & per annos notabile, aliquando stupendum, ut hinc demum, si palpebrarum externæ magis parti inhæreat, pondere suo & mole incipiat molestare, palpebram superiorem deprimere, bulbum oculi obtegere, ejusque motum elevatorium impedire, quin tandem radicibus in orbitam diffusis, sede sua expellere, & oculi prolapsum efficere, affluxum & inflammatoriam stasim concitare.

In

In palpebra inferiore autem, & externe magis innidulans atque augecens tumor cysticus, illam attollit, tarsum introvertit ac *Entropium* parit. Quemadmodum e contrario, si tumor internam magis superficiem palpebrarum obsideat, tunc in inferiore ectropium, in superiore hiantes palpebras, denudatum a palpebra superiore bulbum maxima parte, molestamque frictionem, gravationem, irritationem bulbo impingit. *Omnes basin* habent ordinarie latiore & immobilem, ac dum tenues sunt, parum vel extra cutim, vel tunicam palpebrarum conjunctivam prominent. Quando aperiuntur, aut post extirpationem examinantur, materia eorumdem contenta variæ, quam supra (§. 4.) declaravimus qualitatis se manifestat, benignæ ut plurimum naturæ, & rarissime cum aliquo foetore conjunctæ. *Folliculus* vero proprius a potiori instar validæ, albo rubescentis se tunicae habet, quæ extus undique mox tenacius, mox leviter, vicinis accrevit partibus, & vasa sanguinea recepit tam arteriosa quam venosa, plus minus notabilia ac copiosa; intus vero in meliceride ac atheromate, superficiem in aliis aliam exhibet, æqualem, vasculosam, granulofam, albam, rubro-lividam, nigricantem: in steatomate ubique concretam arcte cum suo contento sebaceo, lardeo, scirrhuso, sic ut in majore steatomatis augmento non possit bene distingui propria ejusdem tunica.

§. V I I.

Prognosis. In universum uti dolore, sic periculo carent, nisi vel grandescenti mole aggrayent, comprimant, ac orbita expellant bulbum ocularium, palpebræ inferiori incumbentes, hanc tumefaciant, bulbum irritent, velum quasi corneæ prætendant, visumque impediant: vel emollientibus intempestive in fermentationem suppuratoriam, aut cathæreticis in inflammationem, quin & cancrifam malignitatem præcipitentur. Diu & per annos sub lento eorumdem incremento impune & citra molestiam gestantur, sola deformitate molesti: quo autem vel latiores vel profundiores, vel majores, vel tarsis palpebrarum sunt propiores, aut internam magis palpebræ superficiem infestant, eo quoque sunt difficiliore in operatione, & tractatione chirurgica. Dum exiles sunt, & in principio, auscultant aliquando remediis, atque topicis pharmaceuticis, & blandæ frictioni diligenter repetitæ. Raro in suppurationem deduci possunt emollientibus, imo ordinarie non debent. Causticis vero exesi, nimiam aliquando irritationem, affluxum & malignitatem induunt cancrifam. Si quando etiam videantur ex usu talium disparuisse, non minus recrudescunt, & nova capiunt incrementa, ac si post folliculi incisionem, apertionem, mundificationem, vel extirpationem, pars folliculi remanserit.

In operatione extirpationis per imprudentiam aut temeritatem lædi facile possunt ac discindi *mox* musculus palpebræ superioris elevator, unde paralyxis hujus palpebræ, respectu elevationis, induceretur: *mox* tarsus unde

unde difficilior consolidatio, ac palpebræ inæqualis & rugosa expansio, resultaret: *mox* glandulæ lacrymalis excretorii ductus super palpebra superiore commeantes, unde congestio & stagnatio liquidi lacrymalis in sua glandula; bulbo autem oculi in anteriore superficie siccitas inferretur: *mox* glandulæ Meibomii sebaceæ, unde liquidi eorum oleosi & sebacei secretio & excretio turbaretur, tarfi exsiccarentur, nitor corneæ descisceret &c. aut ophthalmia conjunctivæ palpebrarum efficeretur. Cæterum *cysticus tumor internæ partis*, maxime loco alteriore palpebræ superioris, id non modo difficultatis habet in operatione, ut digitis ac instrumentis eo non liceat pertingere, sine gravissimis impedimentis, sed & post excisionem, aut quocumque modo factam tumoris extirpationem, corneæ aliqua labes facile affricetur, aut palpebra cum bulbo concre scat.

§. VIII.

Pathologia. Affectus ad morbos conformationis pertinet, auctæ magnitudinis, quoad omnes dimensiones, ad tumores. *Subjectum morbi* sunt stamina fibrosa, membranacea, cellulosa tunicarum, musculorum atque vasorum palpebrarum, quæ succos & liquores earum naturales, lymphaticos, serofos, sanguineos recipiunt detinentque, a crassi & qualitatibus suis naturalibus desciscentes, inspissatos, extravasatos, coagulatos, induratos. *Causa* tumorum horum cysticorum *materialis* varia est, supra indigitata, plus minus vel liquida, vel solida: *causa* vero *efficiens* proxima, impuritas, spissitudo, eaque vel seroso-fulphurea magis, vel mucofo-terrestris, vel fibroso-solidescens, stagnatio, extravasatio, successiva congestio sanguinis ac feri, quibus correspondent, tanquam *subjecta causa*, arteriarum lymphaticarum advehentium, venarumque diameter mutata, infarcta, obstructa, compressa, atque tandem in steatomate concre scens, atque solidescens, una cum liquoris sui contenti incrassatione, ac induratione magis magisque aucta, manentibus interea aliis vasculis paulo liberioribus, patulisque, quibus & ulterior liquor pro vegetatione & augmento affertur, atque pars aliqua, eaque mobilior, fluidior e tumore resorbetur iterum, crassior vero remanet.

Causæ remote sunt omnes eæ, quæ massam humorum successive talismodi particulis viscidis, salino-fulphureis, coagulantibus inficere possunt. Accedit ipsa palpebrarum perpetua & naturalis expositio ad aerem externum frigidum, humidum, stringentem, inspissantem, nec minus cutis palpebrarum tenuitas, & pinguedinis absentia, quæ alias vim & actionem aeris moderari possent, ac infringere. Si præcesserit, ut aliquando fit, injuria quædam externa, ictus, contusionis &c. qua canaliculi & fibræ distorqueantur, lacerentur, humorum stasis ac extravasatio successive inducantur, fundamentum mali, tumoris cystici, ponitur.

§. I X.

Therapia. Indicationes sunt : tumores hos 1.) dissipare , ac insensibiliter resolvere : 2.) eorumdem concrementa inhibere : 3.) extirpare , incidere , abstergere , exscindere ; 4.) vulnus operatione inflictum consolidare , ac cicatricem , quam fieri potest , minime deformem inducere. *Indicationi primæ* , discussioni scilicet , & resolutioni insensibili , quam aliquando incipientes atque exiles hi tumores admittunt , inserviunt , præter generalia tam interna , quam externa , laxantia , purgantia , venæ sectiones , cucurbitulæ scarificatæ in dorso , humerisque , medicamenta aperitiva & incidentia , (quibus vero enumerandis jam supersedemus) quam maxime etiam topica , discutientia & resolventia : saliva , item urina tepida hominis sani : facculi & epithemata , vel sicca vel humida , in vino leviter ebullita , e fl. sambuc. , melilot. , lavend. , HB. hyssop. , sem. fœnic. , croco , camphora , hæcque interdiu , & frequenti repetitione , denuo calefacta : noctu autem empl. de ran. c. ꝑio vig. diabotan. cum aliquibus guttis ol. philos. malaxanda , vel emplastr. de gum. ammoniac. , diaphoret. myns. Resolutionem hanc non parum quoque adjuvat frequens & lenis frictio.

§. X.

Indicatio secunda præcipit impedire tumoris ulterius incrementum , si nempe tentata resolutio insensibilis minus e voto successerit , & vel æger , vel tumoris magnitudo ac qualitas incisionem & extirpationem non admittant. Atqui vero licebit morari potius , quam penitus impedire incrementum , præcipue si tumor in notabilem jam evectus fuerit molem ; tentare tamen oportet , affluxum nimium ad partem affectam moderari , revulsiones & evacuationes per intervalla instituere , purgantibus , diaphoreticis , sanguinis ventilationibus : dyscrasiam humorum corrigere , diætæ ac regimini convenienti studere , emplastris tumorem munire desiccantibus , leniter adstrictivis , uti est empl. diapalm. , vel de lap. calam. vel de minio & similibus. Spes hinc affulget fore , ut aliquatenus & aliquandiu saltem intra cancellos retineatur tumor.

§. X I.

Qui vero *curationem* tum maturare , tum *radicalem* atque *constantem* tentare voluerint , illi *ad tertiam indicationem* apertionis , vel incisionis tempestive se accingant. Incruento & mitiore modo negotium hoc aliquando succedit e voto , si , quod suadet Dn. de Woolhouse vel pulveris cantharidis unius tantillum , vel globulus emplastri vesicatorii e cantharidibus parati , tumori applicetur , feminis milii , vel capituli acus capitatæ mediocris ,
dia-

diametro, ut sic excitata vesicula cutim aperiat, perforetque successive, quæ tum inter digitos blande compressa, foramine facto eructet materiam qualemcumque contentam. Ne vero latius se diffundat vesicantis remedii vis, emplastrum e. g. diapalmæ, e pluribus constans stratis, & sic spissius redditum, in medio perforatum, sive quod vocant fenestratum exili foramine, tumori est applicandum, & intra illud immittendum remedium vesicans, aut escharoticum, supra vero obtegendum emplastri hians orificium nodulo e gossypio & fascia molliter circumducenda est palpebris clausis, & angulis oculi pariter gossypio obtectis, ut ne ex vesicula excitata & crepante serum acre intra oculum depluat: ob quam rem pariter, quando hæc vesicula forfice aperitur, & sub qualibet secutura deligatione ægri caput resupinari, & versus angulum oculi externum declinari debet.

Vesiculæ hujus excitatæ suppuratio, quemadmodum alias post applicita solet vesicatoria, debet protrahi quantum licet, imposito betæ, butyro recenti perunctæ, folio, vel folio hederæ arboreæ recenti, vel emplastro diach. c. gumm. Intra octiduum, nisi totus evanuerit tumor, vesicula nova, priori scilicet jam exsiccata, simili modo iterum est excitanda, & in manatione seroso-purulenta conservanda. Majorem energiam exercet semel iterumque instillata in fenestram emplastri supra memoratam, gutta sequentis aquæ, (nisi quidem nimis diluta videatur,) quam *Woolhusius* commendat: ex aquæ fortis ℥i. aquæ plantag. ℥ii. Immittitur hæc vel ope calami straminei, intincti, vel penicilli, ægri capite valde resupinato, & observatis circa deligationem supra laudatis cautelis; unde similis consequitur exoriatio ulcerosa, quæ unguento digestivo ordinario, vel mundificativo de apio, basilico &c. post sufficientem suppurationem & plenariam tumoris consumptionem, ad consolidationem denique, ope emplastri de lap. calam. perducenda est atque cicatricem. Sed methodum hanc non habere locum in tumoribus cysticis, qui internam magis partem & superficiem palpebrarum occupant, nemo facile erit, qui non perspiciat.

§. XII.

Ast, si neque hæc methodus recidivam, & nova tumoris incrementa præciderit, superest refugium ad incisionem, & extirpationem tumoris cum suo folliculo, id quod per tertiam indicationem (§. 9.) suavisimus. Hæc vero *extirpatio duplici* perficitur *modo* & *sine*: *altero*, ut per solam cutis & folliculi incisionem, tam pateat liberior egressus materiæ contentæ, quam applicatio cathæreticorum, & mundicatoriorum, quibus & folliculus successive consumatur, & ulcus inductum detergatur: *altero*, ut tumor una cum sua cystide semel atque simul extirpetur funditus.

Prior modus sic se habet: cutis & folliculus ipse tumoris lanceola inciduntur ac aperiuntur, ea longitudine, quam tumoris magnitudo requirit, transversim, id est, angulis incisionis respicientibus angulos oculi, materia

contenta emittitur ac exprimitur confestim, quantum licet, & diductis vulneris labiis fundus folliculi perfricatur vel penicillo, spiritu salis ammoniaci cum calce viva parato, aut spiritu vitrioli vel solo, vel cum melle remixto, imbuto, vel unguento Agyptiaco, vel lapidis infernalis attactu, totumque vulnus linteo carpto sicco repletur, obtegaturque emplastro defensivo, e. g. de spermate ranarum, pulveris croci, & camphoræ refracta dosi, atque oleo rosaceo malaxato, splenio sive gossypio ac fascia continente. Si metuatur inflammatio, aut acrior superveniat dolor, imponatur cataplasma e medulla pomi tosti, & cum croco & camphora in pulvem redacta. Deligatio per sephoria, vel octihoria repetatur, ne acris ichor, quem plorabit vulnus, in oculum destillet. In secunda tertiaque deligatione, novum, exempto priori, immittendum est vulnere lintheum carptum. Post hæc vero illinantur & imbuantur undiquaque fundus & latera folliculi tantillo unguenti fusci fel. Würzii, vel ægyptiaci, unguento digestivo ordinario remixti, & nodulus olivaris (bourdonet) e linteo carpto, similiter imbutus, ingeratur: unde si rite procedat suppuratio, & cystidis consumptio, fundus ulceris magis magisque contrahetur, angustabitur, aliquando etiam secedent fibræ, & ramenta folliculi, atque roseus vividusque succrescentis novæ carnis color hinc exsplendescet, & plenaria tandem consolidatio methodo absolvetur ordinaria.

Secus si fiat, denuo ac crebrius atteri ac consumi debent parietes interni cystidis, repetitis vel prioribus cathæreticis, vel aliis, vel & cauta scarificatione parietum folliculi, mediante tenui scalpello. Hanc methodum præfert *Maitre - Jean*, [e] alteri, quæ plenariam & simultaneam imperat excisionem, quoniam hæc in praxi non ita facilis sit, quam quidem Theoreticis videatur.

§. XIII.

Verum enim vero *radicalis folliculi excisio*, non modo nobis, per rationes a priori & posteriori ductas, [f] omnino *possibilis* videtur, dummodo tumor non nimium altas egerit radices, aut se luxuriose diffuderit, sed & *aliquando necessaria* esse, cum partes internæ palpebrarum obseffæ vix admittant, aut nonnisi ægerrime ferant attactum aut vim cathæreticorum. Sic autem adornanda erit hæc *extirpatio cystici tumoris, sub palpebrarum cute* eruendi atque excidendi: scalpello ancipite myrtiformi, vel alio, probe scindente, cutis ope digitorum elevata fit tanta, quantam exigit tumoris magnitudo, transversa incisio, id est, angulos oculi recta respiciens, simplex, nunquam, nisi in summo necessitatis casu, decussata aut crucialis, ob cicatricis futuram deformitatem, cavendo, ne folliculus in illa cutis incisione simul

[e] Maitre-Jean Trait. des malad. de l'œil p. 3. c. 12. p. 554.

[f] Vel solus Petr. de Marchettis tria suppeditat exempla feliciter exsectorum ejusmodi tumorum tunicarum ex angulo oculi interno, & ex interna parte palpebræ inferioris, in obs. 21. 24. 25.

simul pertundatur. Si gravior suborta hinc hæmorrhagia impediat ultra progredi, fovendum prima die est vulnus aliquandiu, decocto tepido herbæ veronicæ & meliloti, deinde ad vesperam linteo sicco obtegendum: mane subsequenti prosequenda excisio, & remotis linteï carpti impedimentis, arripiendus est atque attollendus folliculus, mediante vel vossella, vel hamulo, vel trajecto mediante acu curva filo duplici cerato, caute ab adhærentibus vicinis partibus, scalpello, vel, quod in non valde magnis fecit Petrus de Marchettis, forfice, separandus ac exsecandus totus.

Præcipit *Woolhusius* statim ab hac excisione instillare aliquot guttas opobalsami, sive balsami, de Mecha, & linteum, balsamo Arcei imbutum imponere, hancque vulneris curationem per sehoria repetere, sicque totum negotium tribus absolvi deligationibus contendit. Fieri id posse concedimus, si avellanæ magnitudinem non exceßerit tumor, si post folliculi separationem sanguis non fluat vel copiosius, vel diutius: certius autem fieri posse asserimus, si post laudati balsami instillationem labia vulneris adducantur spleniolo oblongo, emplastro bene glutinante obducto. Si prægrandis fuerit tumor, totamque non modo palpebram occupaverit, sed etiam longius se diffuderit atque profundius, tum multo magis seriam induet operatio faciem, magno labore, multis molestiis, bulbi ocularii, quin ipsius vitæ periculo non vacaturam. Casus specialis, quem subnectemus, docebit, qua methodo tum sit procedendum, eo igitur nos referimus.

Cæterum quod Dn. de St. Yves [g] jubeat in excisione talium tumorum *cutim* digitis elevatam *supra tumorem forfice abscindere*, tanta latitudine, quantum dimidia tumoris diameter constituit, sequendo directionem plicarum, sive rugarum palpebræ, id quidem duplici respectu facere videtur; altero ut magna tumoris superficies uno ictu denudetur, altero, ut pars cutis, quæ post excisum folliculum, redundaret, statim auferatur; sed in tumore molis exigua facile & cito fit ejus sufficiens denudatio per scalpellum, neque cutis ita redundat post folliculi exsectionem, ut difformem pariat & rugosam cicatricem, sponte scilicet se contrahens, qua parte laxior fuit ex distensione: in majore autem tumore, cutis non facile tantum & æqualiter attolli potest, aut forfex apte satis applicari, quin vel non satis de cute amputetur, vel ipse folliculus simul corripitur, & intempestive aperiatur. Utcumque etiam acuta fuerit forfex, dolorem infert majorem, quam scalpellum, nimiumque, vel non satis, agit, unde illam nec in radice tumoris resecanda, nisi e petiolo pendeat, adhibemus: aliquando etiam cutis, firmissime adhærens tumori, se non patitur attolli.

§. XIV.

Haftenus *dicta pertinent* a potiori *ad tumorem* a fronte aggrediendum i. e.

P p- 3 in

[g] De St. Yves des malad. des yeux, p. 121. similem quidem modum jam docuit Aetius.

in superficie palpebrarum externa, inter integumenta palpebræ & musculum elevatorem, vel orbicularem, *si vero* ille teneat *regionem earum internam magis*, hoc est, inter tunicam palpebræ conjunctivam, & musculum orbicularem, invadendus erit potius a tergo, versus averfam palpebræ partem, præsertim si insideat palpebræ superiori, & loco quidem paulo altiore: quamvis enim in palpebræ inferioris superficie interna inhærens tumor non adeo reluctetur priori excisionis & extirpationis modo, neque etiam hinc tanta difficultas immineat impediendi concretionem præternaturalem hujus palpebræ cum bulbo oculario, tamen in palpebra superiori cuncta premuntur multo majori difficultate, immo in utraque palpebra post excisionem tumoris interni, illud se objicit incommodum, quod & tumor non nisi cum metu læsionis oculi, hamulo vel vossella elevari possit, & scalpellum sub operatione in oculum facile impingat, tarsum, vel glandulas Meibomianas lædat, & suppuratio post excisionem subsequutura labem corneæ queat affricare.

Ratio autem, quæ nonnullos authores, ipsumque etiam *Woolhusium* adiecit, ut internum & profundius insidentem tumorem alia quam incisionis & exsectionis methodo impugnaverint, hæc est, quod reformident, quæ per profundam excisionem inevitabilis videtur, læsionem ac dissectionem musculi palpebræ superioris tam elevatoris, quam orbicularis, imo & tarfi, tunicæ conjunctivæ, & glandularum Meibomii, sicque totius palpebræ dissectionem & perforationem, unde malorum, supra jam allegatorum ilias propullularet.

§. X V.

Itaque *alio modo sic procedit Woolhusius*, & incisioni ac excisioni substituit *setaceum*: acus curva, plana, anceps, justæ magnitudinis, duobus minimum, distinctis, non contortis filis tenuibus, e gossypio paratis, qualia ad ellychnia vel tibialia contexenda solent adhiberi, aliquot spithamas, quin ulnas longis, instruitur; palpebra superior, quæ acu hæc trajicienda est, una cum inhærente tumore stabilitur ope digitorum, ei utrinque versus angulos oculi appressorum; acus infigitur, ac transfigitur prope angulum oculi externum per integumenta palpebræ, inter fibras carneas & tunicam ejusdem conjunctivam, ac, directione obliqua & declivi versus angulum oculi internum observata, erumpit & educitur in latere opposito circa angulum oculi internum; filaque per acum transmissa in vulnere servantur, eorum vero extremitas acui proxima liberatur ex hujus foramine, aut abscinditur, altera longior extremitas in glomerem convolvitur, & mediante emplastro agglutinatur vel tempori, vel fronti, vel alio loco, quem subsequutura suppuratio non inundet.

Extrahenda dein quotidie est pars filorum, intra vulnus cruore ac pure inquinata, versus angulum internum, & forfice rescindenda, ita tamen ut nova pars filorum longior, intra vulnus promovenda, illinatur prius unguento

guento digestivo, & in foramine vulneris opposito transpicere, sesqui pollicis longitudine sinatur: bina vulnuscula obteguntur emplastro ex unguento rosaceo, atque hac methodo intra 15. dies ex voto percurari tumorem ejusmodi cysticum, notabilis etiam magnitudinis, asseverat supra laudatus Woolhusius, id insuper monens, ut, si transversim, sive juxta longitudinem palpebræ trajecto setaceo, musculi ejus attollentis discissio metuatur, setaceum injiciatur potius perpendiculare, sive per altitudinem palpebræ, ab ejus margine versus supercilium.

Quodsi etiam metus, quem *Nuckius* atque *Bassius* injiciunt, e simili setaceo, quo hordeolum, & chalazion sive grando palpebræ a nonnullis tolli jubentur, fundatus sit, de alliciendis hoc modo magnis doloribus, inflammatione, affluxu, tumore; huic tamen obviam ire licebit non tantum prævia per purgantia, venæ sectionem &c. præparatione, sed etiam mox ab injecto setaceo applicitis topicis, quæ leniant, quæ repercutiant atque resolvant, remediis; si vero ipse folliculus acu filisque illis adhibitis perfodiatur vel studio, vel casu, medius, tantum abest, ut mali quidpiam hinc augurari, quin potius tanto feliciorem ac certiore folliculi consumptionem successivam & materiei, in eo contentæ, evacuationem sperare oporteat, liceatque. *Dubitamus* tamen vehementer, *steatomati*, quod duriores, compactiores in se habet, & solidam, imo scirrhosam materiam, hanc mendendi rationem cum successu felice, aut constante effectu *convenire*.

§. X V I.

Superest ut ultimæ tandem *satisficiamus indicationi* §. 9. nimirum *laudabilis inducendæ cicatricis*, post tumorem vel cathæreticis, vel excisione, vel setaceo sublatum. Ut bellam vero cicatricem procuremus, danda est opera, ut æqualis sit, levis, mollis, non eminens, nec fulcata, nec in profundum excavata, nec rugosa. In facie, atque sic etiam in palpebrarum cute, præsertim eo est annitendum; ideoque in ipsa cutis exesione, & incisione, nec vulnera, præter summam necessitatem, sunt facienda vel nimis ampla ac longa, vel numero plura, utcumque enim hæc obducantur denique laudabili cicatrice, vestigium tamen relinquunt, vel sola majore albedine, quam reliquæ cutis, pristinae læsionis.

Duo etiam præcipue hic cavenda sunt vitia in palpebra superiore, ut ne cutis ejusdem remaneat vel laxa nimis & pendula, aut quasi inflata, vel strictior & decurtata. Illud facile evenit, si cutis præmagno tumori olim superexpansa non abscindatur tempestive, quousque redundat; hoc, si nimium de labiis vulneris cutaneis deperdatur. Si incisio longior, & ab uno cantho ad alterum usque sit facienda, hæc in summitate potius, paulo infra supercilium infligenda est, sic enim sub illa eminentia orbitali arcuata occultatur facilius inducta cicatrix, & absorbetur quasi per plicam cutis palpebræ naturalem: immo si perpendicularis insuper incisio sit adjungenda, quæ priorem
ad

ad angulos vel rectos vel acutos decussset, tum inter pilos superciliares velabitur minimum superioris incisionis cicatrix. Itaque post sufficientem suppurationem adductis ad se invicem magis magisque labiis vulneris, eisque, si jam in extremo occaluerint, recentibus redditis per affricatum lapidem infernalem vel subtilem scarificationem, balsamicis ac desiccantibus agendum est, lenibus quoque per imposita spleniola compressionibus, eaque per strata emplastrorum imbricata, methodo, quam infra (§. 28.) descripsimus. Talia vero emplastra, aliquandiu post formatam jamjam cicatricem, quotidie repetita, sunt continuanda, neque cicatrix novella præcociter libero aëri exponenda. Singularem jam casum illum, quem ante aliquot menses sub manibus habuit ptæses, spectantibus philiatris omnibus, thema hoc dissertationis non parum, quod speramus illustraturum, superaddimus.

§. XVII.

Anna Maria *Geigerin*, e pago Gross-Eislingen, præfecturæ Gœppingensis, æt. ann. 24., bene colorata, habitus corporis torosi, cæteroquin sana, si dolores aurium, dentiumque, quos plus semel experta est, excipias, alias vero, ut refert, parce ac raro menstruata, & jam a trimestri plane non. Munis inter hæc servilibus strenue semper defuncta: ante 10. vel 12. annos monita est, ipsa non advertens, de *corpufculo*, pisi magnitudine, non rubente, nec dolente, *quod* sub cute, *palpebram superiorem* dextri oculi occupaverat fere mediam, proxime infra arcum apophysis orbitalis ossis frontis, absque omni prævia, ipsi cognita, sive externa sive interna causa. De malo ipsi nullatenus molesto, minus sollicita, nihil opposuit parvis hisce magni mali principiis, donec post lustri decursum, tumorem hunc, lentis incrementis adauctum in nucis usque juglandis magnitudinem, chirurgus cuidam pagano commiserit, qui, abscessum, vel aliud, nescio quid, exemptu facile suspicatus incisionem suscepit, sed emanante non nisi copioso sanguine, deterritus festinavit inflicti vulneris quam potuit ocissime consolidationem.

Crevit dehinc *successive tumor*, versus interiora orbitæ procul dubio magis, quam ad exteriora; nam eodem tempore, quo externe conspicuus erat non nisi mole nucis juglandis, ante 7. scilicet annos, expressit tamen bulbum oculi e sua orbita, ac sic dictam *oculi procidentiam* effecit, unde hic crepans, summis cum dolorum tormentis, manationem serosam ac purulentam reliquit per 14. dies, donec *bulbus jam longe contractior* factus *subsederit*, & coaluerit iterum vulnus ejusdem: ad idem vero tempus usque, ut *visus successive decrevit*, crescente tumore, sic post modo dictam bulbi crepaturam atque suppurationem *deletus* plane est, ac *perstitit abolitus*. Denique *nupera hyeme* *velox* & notabile, quin *stupendum*, & spectatoribus nauseabundum *cæpit* tumor hic *incrementum*, imo vel ultima, ante susceptam haud ita pridem extirpationem chirurgicam, hebdomadam biga, exiguo igitur temporis intervallo majus atque majus sensibilibiter accepit augmentum.

§. XVIII.

Unde Proceres Gœppingæ, mulieris miserti, *præsidem* hujus disputationis oravere, quin exorarunt, ut, cum varii & medici & chirurgi manum admove-re operi non auderent, ejus susciperet curationem. Is coram aspiciens atque explorans ægrotam, *observavit* tumorem occupare totam non modo regionem palpebræ superioris, ab uno ad alterum oculi angulum, sed & sub cute per radicem nasi ad alterum vergere oculum, fanum, visuque præditum perfectò, illumque magna parte obtegere, dextramque palpebram superiorem sic deprimere, ut plane non potuerit elevari, oculisque, quod vocant, aperiri: imo supra marginem orbitalis processus ossis frontis eminere pollicis latitudine, sic ut tumor hicce media sui parte, qua fuit crassior, & quasi ventricosus, *magnitudine pugnum virilem excesserit*.

Figura autem fuit irregularis, & e tribus fere globis, quorum maximus in medio eminebat, fastigiatus, minor versus nasum inclinabat, alterumque oculum fanum, minimus ad canthum oculi externum, compositus. *Cute* obductus fuit *integra*, nullibi vel inflammata, vel excoriata, vel exulcerata, sed *vasis varicosis*, calami anserini fere amplitudine, atro cruore infartis, ac in cute livescentibus, ob cuniculos nonnihil elevatos inæqualiter turgida. *Dolor* tumoris *nullus*, vel spontaneus, vel ex attactu, etiamsi rudior, nec reliquarum partium vicinarum & remotiorum. Attactu vero durus & renitens percipiebatur, insimul sessilis, sive immobilis, nisi obscure & debiliter illo tantum medio ejusdem, & elatiore vertice. *Palpebrarum* dextri lateris *motus* contractorius & elevatorius pariter ac *facultas videndi plane sublata*, *bulbi* vero ocularii, *corrugati*, & complanati pars anterior, cum sua tunica *cornea plane opacata*, & albescente, inter tumorem superne dependentem, atque palpebram inferiorem depressam, prospiciebat aliquantum, elato & nonnihil remoto ad superiora per digitos tumore. In specie vero *palpebra inferior dextra* versus canthum oculi internum fuit insuper *notabiliter tumida*, dura, lividique coloris: & per transversam palpebrarum rimam, sive naturalem hiatum *modicus* destillabat aliquando *humor*, *crassescens*, lemasque affigens palpebris glutinosas.

§. XIX.

Itaque *tumor* hic & excrefcentia, *sebacea* ac *scirrhusæ* visus est præsidi *naturæ* & *extirpationis* quidem *difficilis*, nec periculo vacaturæ, sed tamen *non impossibilis*, vel omni spe boni successus destitutæ. Hinc operationi chirurgicæ ideo quoque magis subji-ciendum reputavit, quod omnis spes pharmaceuticæ curationis exularet, certissimus vero metus immineret, fore ut prægrandis jamjam tumor, in immanem brevi non modo excrefceret mole-

lem, alterum sanum exprimeret oculum, nares comprimeret, quin vel tandem ipsum os occluderet, & in abominandum descisceret spectaculum: sed malignum quoque morem, atque naturam carcinomatis indueret, e quorum vero malorum, vel alterutro, vel utroque conjuncto miseræ patienti, tandem esset miserrime succumbendum.

Sed aures vellicabat præsidi non tantum propria confessio ægræ, de mensium suppressione, jam fere quadrimestri, sed & nulla hinc consecuta chlorotica cachexia, aliave hinc redundantia mala, imo suspicionem graviditatis augebant abdominis, & hypogastricæ maxime regionis turgiditas, mammarum plenior habitus, licet pressæ nullum per papillam redderent laticem. Unde serio & clam hortatus est ægram, ut si rem cum viro habuerit, candidè aperiat, nec se discrimini vitæ, operatorem autem futurum opprobrio committeret. Ast hæc non sine indignatione graviter tulit hanc suspicionem, sancteque est contestata, sibi nunquam cum viris illegitimum intercessisse commercium, menses vero semper parcos fuisse ac vel postponentes, vel secunda, tertiave periodo demum redeuntes. Quamvis autem lubricis ejusmodi assertis plenam fidem adhiberi non posse meminerit præsides, tamen ob velox tumoris scirrhusi ac notabile incrementum, quoque brevi temporis spatio redditurum esset operationem chirurgicam vel omnino impossibilem, vel certe tanto periculosiorem, statuit extirpationem tumoris & suscipiendam, & maturandam, omni adhibita possibili curatione.

Hinc, præparationis ad operationem gratia, præmisit lene laxans, unde quidem hæc mulier non nisi bis alvo mota est, & sequentem pulverem una cum decocto pro potu, per septimanarum bigam præcepit: ℞: lap. canc. præpar. ʒiij. Rad. ononid. ʒij. - ari vino præpar. - irid. Flor. ana ʒβ. Tart. vitriolat. T. ʒj. Sacchar. lact. cryst. ʒiij. Cort. chaq. ʒβ. M. f. pulv. D. mane & vesperi tres cultri cuspides. ℞. Raf. lign. fassafr. ʒβ. Rad. gram. ʒij. - bardan. - scorzoner. - acetos. ana ʒj. Fl. til. ʒβ. sem. fœnic. ʒij. M. C. C. D. S. *Stücke zum Tranck, und das Pulver darinn zu nehmen.*

§. X X.

Cum vero sub ipsa operatione de illis, quæ in aliis quoque incidunt, lipothymia e. g. & hæmorrhagia, hac vero ob multas tumoris venas varicosas in præsentī casu graviore metuenda, non modo prospicere, sed & in varios casus, & præcipue vel tumoris solius, vel bulbi ocularii una extirpandi, cutis palpebræ superioris conservandæ ac decoræ olim cicatricis inducendæ &c. oportuerit esse paratum; itaque varia *supellex remediorum, instrumentorum, fasciarum, spleniorum, lintei carpti* &c. ante operationem instituendam decenter est comparata, atque ad promptum disposita usum. Scopo analeptico & temperante propinata sunt, aliquot horis ante operationem, & sub ipsa durante semel iterumque aliquot cochlearia: ℞. Corall. r. præp. Pulv. antepil. March. Lap. cancr. succo citr. satur. ana ʒij. Nitr.

Nitr. cryſtall. ʒβ. aq. beton. - ceraſ. n. - violar. - bugloſſ. ana ʒij. Conf. alk. inc. ʒijβ. Sir. r. id. ʒvij. M. D. Summo mane etiam exhibita offa e jure carnis.

Hæmorrhagiæ deſtinata ſunt : alcohol. ſpir. vin. crepitus lupi : ſpleniola quadrata e linteo quadruplici : linteum carptum , indigeſtum , ſive quod vocant , brutum : cauteria aliquot ignita : Pulv. ſtegnoticus , iſchæmus ſeq. &. Sang. Drac. Oliban. Tragac. ana. ʒj. Farin. volat. ʒβ. Terr. figill. fileſ. r. Bol. armèn. ana ʒij. Alum. crud. ʒj. M. f. pulv. ſubtil. cum album. ovi conquaſſ. miſcend. ante uſum. S. *blutſtillendes äufferliches Pulver.*

Ad uſus ſecandi , exſcindendi , ſeparandi , abſcindendi , ligandi : varii ſcalpelli , recti , falcati , in ſpecie vero ancipites duo myrtiformes , ſuo manubrio firmiter , citra mobilitatem , conferruminati ac ſtabiliti : voſſella , quali in anatome utimur : hamuli : ſpecilla fulcata : forfices , rectæ ac curvæ : acus ancipites , chirurgicæ , rectæ ac curvæ , filum duplex ceratum trahentes. Lectus etiam in hypocausto , & juſcula carnis calida juſſa ſunt parata haberi ; nec non ſpongiæ , aqua calida , acetum , & vaſa ad ſanguinem excipiendum.

§. XXI.

Itaque in ſellam collocata muliere erecta , ex obliquo fenestrarum , ab aſſiſtente chirurgo jurato , Dn. *Sturmio* ejuſque famulo capite & brachiis firmiter detenta : e directo ac proxime aſſidens mulieri *præſes* , illius pedes inter ſua comprehendit genua , tumque invocato DEI auxilio , ſpectante , me reſpondente & Dominorum Philiatorum corona d. 27. Julii , h. a. mane hora octava *extirpationem* tumoris ſuſcepit , ac intra quadrantem horæ feliciter *perfecit* , *ſequentem in modum* :

Scalpello nimirum ancipite myrtiformi , quod citra cardinem junctum ſuo erat manubrio , inciſionem cutaneam , proxime ad arcum proceſſus orbitæ frontaliſ ab angulo externo fecit tranſverſam ad angulum uſque internum non modo , ſed & ſuper radicem naſi uſque in angulum oculi alterius ſani , itaque ſuper totum ſcirrhoſi tumoris dorſum : dehinc ſimilem cutaneam inciſionem , ſed perpendicularem , & quæ tranſverſam illam in medio decuſſaret , inflixit , trium fere pollicum longitudine : ſeparavit dehinc quatuor cruciati hujus vulneris angulos cutaneos a ſubjecto & adhærente ſcirrho , diductiſque per voſſellas angulis hiſce , ipſius ſcirrhoſi tumoris radices ſeparando a radice naſi , bulbo oculi , ejus muſculis , & fornice orbitæ , proſecutus eſt. Magnum ſanguinis , quod hinc ſucceſſit ex apertis varicoſis vaſis , nonnulliſque arterioliſ , diluvium injecit aliquam ſecanti moram , in abſtergendo & compescendo per ſpleniola , alcohole vini madida , linteumque carptum , in eo pariter imbutum , ſanguine. Digitos tamen & ſcalpellum brevi denuo immiſit cruento vulnere , & quam potuit caute ac celeriter ſtupendum hunc ſcirrhum , integrum ſine ulla laceratione radicitus ex ipſo etiam orbitæ fundo digitis extraxit , atque extirpavit.

§. XXII.

Præstita sic feliciter hac *extirpatione*, digito statim *explorare cæpit* ubi-vis, num occultæ forsan alicubi in orbita, angulis oculi, circa glandulam lacrymalem, vel alibi restitent tumoris radices, aut solitaria distincta tubercula, cum vero horum nihil quidquam, sed totam fornicis orbitalis partem dimidiam superiorem perioſtio denudatam, levem tamen ac politam detexisset, ad vulneris purgationem a grumis, quantum quidem hæmorrhagiæ metus permisit, orbitæ maxima nunc parte vacuæ, repletionem per linteum carptum, albumine ovi conquassato & pulvere ischæmo immixto, imprægnatum, ac spleniorum alcohole vini imbutorum, magnique splenii extimi sicci impositionem, totiusque oculi obligationem mediante fascia, quæ oculus audit simplex, properavit, ægramque in proxime adstantem lectum se componere, & jusculum carnis gallinacæ jussit haurire.

§. XXIII.

Sub initium & progressum operationis effusæ sunt e vulnere *duæ circiter sanguinis libræ medicæ*, sic ut extreme non tantum expalluerit mulier, sed & lipothymicæ proxima fuerit, quæ tamen debilitas & exhaustio plurimum adjuvit hæmorrhagiæ suppressionem. Post impositos vero plumaceolos ischæmos & splenia constitit torrens ille sanguineus. *Haud indolentem fuisse operationem* satis testata est ægra clamore & agitatione corporis, operatori molestis. Totum *extirpare oculum videbatur supervacaneum*, cum nulla tali labe laboraverit, post separatum illum tumorem scirrhusum, quæ sibi vindicaverit ulteriorem, longam, difficilem, novoque stipatam periculo operationem ac extirpationem. *Palpebræ superioris* vero *cuti* in separatione tumoris ideo *parcebatur*, ut ad finem curationis atque consolidationis duo vulneris transversalis labia facilius adduci, & nova caro generanda, quæ cavum orbitæ expleret, cute naturali palpebræ obduceretur pulchrius, quemadmodum & huic fini respondit eventus.

Quod vero tumor, œdematoso-emphysematicus visus, palpebræ inferioris in suo extremo ad angulum oculi internum intactus fuerit in operatione relictus, causa est, quod præses spem conceperit fore, ut sublata jam per tumoris scirrhusi extirpationem, causa gravitationis & compressionis, hæc palpebræ inferioris intumescencia vel sponte, & mediante vulneris superioris larga, quæ expectari debebat, longaque suppuratione, sit disparitura, vel discutientibus facile dissipanda, vel & si duro nodo durus denique sit opponendus cuneus, id commode reliquo fieri possit tempore, nec in mora periculum sit futurum.

Tumor scirrhusus extirpatus, & a cruore adhærente purgatus *pendit quinque uncias*, sive decem lotones, non sumpto in computum plurimo san-

sanguine , qui e tumore ac integumentorum , vasis varicosis effluxerat durante extirpationis operatione. Coloris fuit albicantis , figuræ irregularis , tuberosæ , in medio antico , ceu basi , fastigiatus , in postica autem facie conicus , apice coni , pollicis integri diametrum complente , in fundum orbitæ directo , in lateribus versus oculi angulos inæqualiter tuberosus & quasi prolifer : nulla peculiari aut distincta cystide conclusus ; uniformis , substantiæ solidioris , sebaceæ , ac in latere basis conici tumoris aliquam partem cartilagineæ duritiei , quemadmodum & ipsa aliquot vasa sanguinea vacua , albida , tumorem hunc trajicientia , notabilem crassitiem cum duritie obtinuerunt. Nil vero quidquam organici , nullam vel glandulæ lacrymalis vel musculi vestigium exhibuit :

§. XXIV.

Ipso *reliquo* , post operationem peractam ac subsequo die , continuatio mixturæ temperantis , analepticæ , ac antispasmodicæ , supra descriptæ , una cum diætâ tenui , abstemia , frequentibus tamen jusculis carnis , chærefolio recenti medicatis , quiete corporis & animi , præcipiebantur. Famulus vero chirurgicus die nocteque jussus est ægræ assidere , & num hæmorrhagia redeat , invigilare.

Altero ab operatione die d. 28. Jul. circa vesperam prima vice solvuntur fasciæ , ac linteam carptum , præmissa vini tepidi ac spiritus vini irrotatione & instillatione , caute removetur a vulnere , ac orbita eximitur ad ultimum usque stratum , quod ob metum revocandæ hæmorrhagiæ relictum est. Detecto sic vulnere ac orbitæ cavo , nulla secuta est hæmorrhagia : *nullum* in orbitæ osse , quod naturaliter affixam habet glandulam lacrymalem , *hujus glandulæ vestigium* : *oculi bulbis* cum omnibus suis musculis *illesus* : hic ibi in orbitæ parte concava , ac superficie , *periosteï defectus* , os nudum : *ossa* vero *orbitæ* cuncta levia , albida , *sana* : *margo frontalis orbitæ* , prope angulum oculi internum , ubi cartilaginea tumoris scirrhusi pars adhæsit , sicut in ipsa operatione *nudus* , *asper* acutusve digito operatoris se stitit , ita & jam post ablationem impositi apparatus chirurgici , asperulus tangebatur. Incertum an ex levi carie , vel avulsa saltem cum scirrhoportiuncula ossis. In subsequa vero tractatione nulla cariei symptomata se manifestarunt.

Labia vulneris , vicinæque partes pro more tument leviter. Nulla adhuc suppurationis indicia. Levem in vulnere ardorem ac tensionem sensit ægra , & nonnisi de pressorio ventriculi dolore queritur : pulsus tamen lentum habet ac debilem.

Munitur vulnus & expletur orbita denuo linamentis carptis , albumine ovi conquassato , ac unguento digestivo ordinario , cui pulvis ille stegnoticus erat commixtus imprægnatis , locus vero orbitalis marginis asperulus spleniolo , essent. myrrh. sine sale alcalino parata irrorato , spleniis vero aqua

sclopetaria imbutis, fasciaeque. Exhausto, quod reliquum est prioris mixturæ, hæc sequens continuetur in sehoria, quantitate 4. cochlearium. ℞. Lap. cancr. citrat. pulv. March.--Pannon. r. c. ana ʒβ. Nitr. puriss. ʒj. cort. chaq. ʒβ. aq. ceras. n. -- beton. -- scorzon. -- scord. ana ʒij. Sir. papav. errat ʒvj. M. Proxima nocte hora decima fumat Theriac. coel. Wirttb. gr. ij.

§. XXV.

Die 29. Jul. Nullum apparuit extraordinarium, vel morbosum phænomenon. Intumescencia labiorum vulneris aliquantum subsedit. Dolor ventriculi imminutus. Appetitus solidorum ac liquidorum magis viget. Alvus constipata. Pulsus æqualis, & hesterno vividior. Vulnus obligatur ut heri. Relictum linteaminis carpti ultimum stratum, non extrahitur totum, sed forfice tantum circumciditur ac minuitur suspenso manu. Ad noctem præbeantur Liq. C. C. succinat. gt. XX. e mixtura heri præscripta, quæ & singulis sehoriiis solitaria repetatur. Præbeantur loco prandii pruna damascena exsiccata & cocta, ad alvum lubricandam: victus autem de reliquo sit tenuis.

Die 30. Jul. Suppuratione serosa incipiente, deligatio bis quotidie institui coepta, & relictum huc usque ultimum linteum carpti stratum, vino calente prius humectatum, non decerptum & exemptum absque ullo sanguinis fluxu.

Die 31. Jul. Hæc iterum multisque sequentibus diebus mane ac vesperi repetita est deligatio vulneris quotidie. Suppuratio laudabilis succedit, facta deterfione placida per specillum cochleatum, molli linteum carpto obvolutum, plumaceoli unguento digestivo, aliquando etiam remixto cum Balsamo Arcæi, orbitæ vero ossibus petiola linea, essentia myrrhæ imprægnata, & bulbo oculi, per palpebrarum commissuram prospicienti, & ob pristinum tumorem scirrhum, plus justo prominenti splenium crassius, imponuntur, sicque sursum placide is reprimatur, ut in naturalem suam sedem, orbitam, se reciperet magis magisque. Nihil vel febrile vel spasmodicum, vel aliud quidquam, quod malum portenderet omen, huc usque supervenit. Alvus etiam respondit, & cardialgia penitus cessavit.

§. XXVI.

Primis Augusti diebus portiuncula scirrhusi tumoris super fornice ossium nasi relicta fabæ magnitudine, consumi tentata est insperso leni pulvere septico e rad. aristol. long. ver. -- irid. flor. ana ʒj. alum. ust. ʒβ. sed impatiens fuit vel lenissimæ hujus irritationis, quin incrementa capiens post aliquot dies, coëgit præsidem recurrere ad radicalem excisionem mediante scalpello, quam vero in tertiam abhinc septimanam differre oportuit ob interveniens duabus vicibus erysipelas totius dextri lateris faciei, auriculæ collique,
prima

prima quidem vice levius, & brevi transitorium, secunda vero gravius atque longius, sed absque tamen præjudicio vulneris & suppurationis, quæ procedebant e voto. Propinata tum est sequens mixtura: ℞. Lap. cancr. præp. conch. præp. pulv. pan. r. c. Nitr. puriss. ana ʒʒ. Cort. chaq. gr. XII. aq. fumar. -- scorzon. -- card. ben. -- nymph. ana ʒij. Liq. anod. min. H. ʒj. Sir. pap. er. ʒj. M. Ultimo insultu erysipelaceo feliciter superato, imperatum est seq. infus. theiforme, mane ac vesperi forbillandum, libræ dimidiæ quantitate, ℞. Rad. aristol. long. ver. ʒvj. -- ononid. -- sarsapar: opt. ana ʒj. Scob. lign. sanct. ʒijʒ. -- sassafr. ʒvj. Fl. hyper. HB. melif. -- marrub. alb. ana ʒiij. Sem. foenic. ʒij.

Die 23. Aug. hætenus in orbita nihil quicquam de pristino tumore repullulavit, sed laudabilis caro succrescere, & vacuum orbitæ cœpit refarcire, ipsa vero orbitæ ossa longe maxima parte perstant adhucdum nuda. Assumpsit hoc die ægra sal. cath. Angl. i. Unica cum ol. destillat. foenic. gt. ij. & hinc bis tantum alvo mota est.

§. XXVII.

Die 24. Aug. resecta funditus est non modo *portiuncula* scirrhusi tumoris, radici ossium nasi insidens, de qua paulo supra mentionem injecimus: sed & tumor, œdematoso-emphysematicus ab initio visus, *palpebræ inferioris* qui hætenus tantum abest, ut sponte & ab imposita aqua scolpetaria fuerit dissipatus, ut jam potius in nucis juglandis magnitudinem, & globosam asfurrexerit figuram, sedullo exploratus, ac *scalpello profligatus* est. Specillo autem tenui ad latus hujus globosi tumoris, in foramen hians immisso, deprehensus est sinum recondere sub se arcuatum, juxta ductum palpebræ inferioris in mediam usque hujus regionem. Unde immisit præses aliud specillum fulcatum ad finem usque sinus, hujusque ductu immissa forfice optima subtili, discidit primum superexpansam tenuem cutem: digito exploravit apertam hanc cavitatem, multumque fungosæ carnis innidulantis partim digito expurgavit, partim scalpello excidit non minus, ac folliculum tumoris globosi, rubro livescentis, primo digiti attactu statim crepantis, & sincerum, quo fartus erat, sanguinem etuctantis. E novo hoc vulnere modicus manavit sanguis, lintei carpti, & spir. vin. irrorati, impositione cohibitus. His expeditis vulneris superioris in orbita & palpebra superiore cura ac deligatio mox est subjuncta, omnibus ibidem phænomenis voto ac expectationi respondentibus.

§. XXVIII.

Tractatum porro est *utrumque vulnus* digestivis, balsamicisque, superiore quidem ad optimam consolidationem tendente, alit inferiore rebeli, & ob repullulascentem cito & copiose carnem fungosam, hic ibi indurescentem, valde suspecto. Hinc circa sept. initium longa & profunda satis *incisione apertus*
est

totus, qui carnem fungosam aluit, *sinus*, & excisa *omnis*, quæ recruduerat, *fungosi concrementi massa*, atque duobus *ferramentis ignitis* sic *repressa* & suffocata, ut inducta dehinc laudabili suppuratione, hic palpebræ inferioris longus & profundus sinus, quam optime, mediante primum oleo myrrhæ per deliq. parato, pulvillis instillato, dein balsamo Arcæi coaluerit intra tres septimanas, & consolidatus manserit. Proxima vero, quæ hanc unctionis operationem excepit, nocte, propinata ægræ est seq. Emulsio: \mathfrak{R} . Sem. pap. alb. \mathfrak{z} ij. - quat. frigid. maj. excort. ana \mathfrak{z} β. aq. samb. - nymph. cer. n. ana \mathfrak{z} iβ. bugloss. \mathfrak{z} β. M. f. emuls. colat. add. pulv. march. antimon. diaphor. ana \mathfrak{z} β. Nitr. puriss. \mathfrak{d} β. Sir. pap. alb. \mathfrak{z} vj. D. reliquis diebus continuari iussum theiforme infusum. (§. 26.)

Sub reliqua per Septembr. ad medium usque Octobris *tractatione* nihil obvenit notatu dignum, & foemina hæc pancratice vixit, floridumque, sub victu jam pleniore concessio, faciei colorem, vires habitumque corporis recepit plenissime. Vulnus quod super radicem nasi ad angulum internum oculi excurrerat, penitus, & æquali planaue cicatrice clausum, &, ne foedam relinqueret eminentiam, solícite impeditum est, impositis imbricatim petiolis, e tenui serico nigro (Taffetas) incrustatis emplastro diapalmæ, & superpositis spleniolis, fascia oculi communi appressis.

§. XXIX.

Laudabilis firma, rosea, sensilis *caro*, e fasciculo conico musculorum oculi progerminans magis magisque *explevit vacuum orbitæ*, ipsam vero superficiem concavam superiorem ossium orbitæ nova membrana, ceu perioestio, latiore atque latiore incremento perrexit obtegere. Lentius processit hoc negotium illo, sic ut externam vulneris consolidationem digestivis & suppurativis compesci & suspendi oportuerit, donec ossa fuerint undique perfecte membrana obducta.

Curaverat Præses jam inde a prima operatione & excisione tumoris scirrhosi, ut labia vulneris cutanea pulvillis, digestivo imbutis unguento, cuti suppositis, suffulcirentur, atque sic intempestiva & præcox accretio eorundem cum nova carne succretura, non minus ac eorundem limbi introversio præveniretur; sed cum triduum peregre abesset, factum est, ut vulneris hujus labium superius parte sua anteriore concreverit citius pauloque ineptius cum producta nova carne supercillii, non satis scilicet elongata & complanata cutis illa parte, ut hinc in medio tumidula ac turgida quasi emi-nerit tantillum; quæ vero laxior & eminens pars, uti successive impositis spleniis multum cessit, ita nullum est dubium, quin post aliquot menses, sponte penitus complanetur. Denique cum & *ossa orbitæ novo periosteo* tota essent *obtecta*, & interna cavitas orbitæ laudabili carne undique repleta, & non nisi extima vulneris rima superesset consolidanda, hæc, utpote sicca tenui cuticula occallescent, bis lapide infernali defricari, & excitata hinc su-
perfi-

perfacialis eschara abstergi tempestive debuit, unde *labia vulneris* in totum & bellissime *coaluerunt* d. 18. Oct. h. a. & quatriduo post *domum reversa* est hæc *mulier*, ab illa oculi sarcina liberata, ac *persanata*. DEO sit laus & gloria!

§. XXX.

Arcus superciliaris pilosus integer suoque loco, *palpebra* vero *superior cute* sua naturali investita, perstiterunt post sanationem. Nulla ullibi *deformis protuberantia*. *Bulbus oculi*, jam ante operationem susceptam contractior & splendore suo corneæ privatus, infra pendulus *se retraxit* aliquantum versus orbitam, & palpebra superiore tantum non totus est obtectus: palpebrarum, superioris & inferioris margines, sive *tarfi*, *servarunt* naturalem suam *arciformem extensionem*, citra omne vel ectropium vel entropium. *Musculi* hujus oculi *quatuor recti* conjunctas vires & actionem retrahendi *bulbum*, plus semel inspicienti comprobarunt *illibatas*, tam sub ipsa periodo suppurantis adhuc vulneris, & orbitæ nondum carne nova expletæ, quam post plenariam consolidationem, ubi bulbus ipse oculi aliquando retrahi conspiciebatur. Imo vero & *glandulam lacrymalem* cum suis ductulis excretoriis adhuc *in salvo esse*, licet sede sua naturali motam, videbatur arguere haud obscure, quod durante hac cura, & post vulneris artificialis consolidationem, per distinctas vices lachrymantis mulieris ob dolores e. g. sub cauterisatione perceptos, alias etiam propter suspectæ graviditatis opprobria, verum lachrymale liquidum ex interiore palpebrarum sede per genas exundaverit. Unde, cum liquidum hoc lacrymale, in sua glandula secretum jugiter ac super bulbum oculi excretum non perpetuo superaverit tarforum aggeres, oculumque, quem vocant, plorantem effecerit, recte inferri putamus, quod & reliquæ lacrymarum viæ per puncta lacrymalia &c. manserint integerrimæ. An vero *palpebræ superioris motus elevatorius*, qui hucusque abolitus videbatur, *sit redditurus* postliminio, & de integritate sui musculi elevatoris testatura? *tempus docebit*. Nos certe nec curamus, nec optamus, sed malleus constanter potius obtectam manere difformem oculi bulbum.

Dimissæ post plenariam curationem mulieri suatum est, ut, sepositis quidem jamjam omnibus spleniis ac fasciationibus, orbicularem tamen pannum sericum nigrum, emplastro diapalmæ obductum, floreni magnitudine, impositum gestet, ac subinde renovet, minimum tota imminente hyeme, ac ab aere frigido arceat oculum: ipsius vero Magistratum per litteras certiore reddidit Præses de fama & suspicione graviditatis, quam incurrerit hæc mulier cœlebs, ipsique legitimam commendavit inquisitionem & curam.

T A N T U M.



XVI.

DISSERTATIO
MEDICO-CHIRURGICA

DE

ΟΦΘΑΛΜΟΕΥΣΙ

NOV-ANTIQUA, SEU

WOOLHUSIANO-HIPPOCRATICA.

Quam Praside

BURC. DAVID MAUCHART P.P.

DEFENDET

JO. GEORG. GMELIN

TUBING.

Tubingæ mense Julii anno 1726.

172

DISTRICT
MILITARY

OF

THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

P R O E M I U M

Miraculo pene similis res est, quod per tot secula suam adhuc tueatur auctoritatem magnus Hippocrates noster ! Hanc vero mirari, quin rimari mirum non est eum, qui vel Philosophia & medicina in prima etate sua maximam imperfectionem, vel earumdem opimum nostris temporibus augmentum, imo & quot capita, tot sensus, novaturientium maxime nostrorum hominum attento perspexerit animo. Authoritatis quidem idolum, quod plus justo venerata est antiquitas, & præjudiciorum nebulas eliminare ac displodere magis magisque nostrum rectissime annititur ævum; sed, pessimo simul consilio veterum medicorum subinde deferit exemplum, qui morborum historias & imprimis signa curatius tradiderunt, ut hinc Cel. Stablius ex illorum lectione se plus profecisse fateatur, quam neotericorum, & Cel. Lentilius [a] malit scriptorum aliorum totas triremes perire, quam unius Hippocratis libros, atque doctiss. ille Veronensis medicus Jo. Ant. Turcus sæpius dicere consueverit: se immensa novatorum commentaria præ una Hippocratis & Galeni pagina facile contemnere [b]. Ita sane Hippocratem non modo

Semper honos nomenque suum laudesque manebunt (sed attenta quoque ipsius operum lectio plures adhuc usus salutari nostræ arti affundet egregios; presso namque suo stylo aureas sæpe suppressit & abscondidit cautelas, curationes, operationes.

Quis eruditorum nescit hodie, Hippocratem in libello, quem inscripsit περί ὀφθαλμοῦ, mentionem facere alicujus ξύσι τῶν βλεφάρων ὀφθαλμῶ i. e. rasionis palpebrarum oculi; sed, præter unum Dom. Jo. Thom. de Woolhouse nemo istius paragraphi sensum affecutus est, [c] cujus igitur viri natales & studia non ob hoc solum, sed plurima alia in rem ophthalmiatricam merita, tribus indicare non alienum videbitur. Is Prosapia nobilis Anglolondinensis, in Collegio Westmonasteriensi sub invocatione St. Petri Regius a pueritia Alumnus, inde in Collegio Sacrosanctæ Trinitatis apud Cantabrigienses graduatus, hinc Oxonii in Collegio St. Mariæ Magdalensæ socius regens, Jacobi II. Britannorum quondam Re-

gis

[a] Tab. Consultator. p. 40.

R r 3

[b] Freher Theatr. Viror. erud. claror. p. 1302.

[c] Eph. Nat. Cur. ad Cent. V. & VI. append. p. 134.

gis ophthalmiater, in Gallias patria exul trajecit, & Parisiis interea maxime medicinam exercuit oculariam magna cum nominis celebritate, jamjam Christianiss. Regis bibliothecarius subalternus, illustr. societatis Regiæ Londinens. & Berolinens. collega, nec non per plures annos in Prochotrophio Ter-centum cæcorum Parisiæ, vulgo dicto l'hôpital royal des quinze vingt, inspector, hereditariam quasi per quatuor generationes eruditionem oculariam insigni locupletavit accessione, per sedulam auctorum, veterum imprimis Græcorum, lectionem, per itinera in Italia, Galliis & patria, & per amplissimam praxim [d].

Ptochotrophium hocce, quod tot oculorum morbis affectos alit, optima ophthalmiatrorum, quæ sui similem nullibi habet, est palestra, ubi modo laud. Woolhousius tot affectuum oculi species, quas supra ducentas quadraginta numerat, clare demonstrat suis affectis, convocatio mensuatim istos agrotos, ut examini se quivis sistat. Egregio hoc instituto non tantum, sed novimestri insuper collegio ophthalmiatrico apud Cel. Woolhousium & creberrima post ea per biennium conversatione Parisiis frui & aliquot, sub ejusdem auspiciis, nobiliores oculis feliciter administrare operationes mihi licuit in subjectis vivis. Neque obstitit, quin simul potius addidit faventissimo Woolhousio, quod celeb. Heisteri, t. r. prof. Altorf. doctrina, patrocinio atque hospitio egregie olim adjutus, fidelissimi hujus præceptoris memoriam, licet sine factione, perpetuo cole-rem, novamque cum celeb. Anellio, ophthalmiatro Parisino, inire amicitiam; inter quos, quam magna cum animorum contentione bellum literarium hucusque gestum est, tam singulari quisque celeberrimæ hujus trigæ me prosecutus est favore.

Inter dictata collegii istius Woolhousiana, quæ magnum complerent volumen, & quæ præter tot morborum species, quadraginta insuper docent operationes in oculo instituendas, vix duas absolvit paginas eximia operatio, de qua hic agemus, eo quod ipsam oretenus saltem tradendam voluerit, nec litteris mandari permiserit unquam. Hanc autem diutius eruditorum desiderio, & , quod potius est, ampliori ægrorum commodo subtrahere nefas duxi. Hinc, pace Cel. Woolhousii, ipsam hic plenius descriptam meisque scholiis & experimentis auctam candide aperiam, faxit DEUS feliciter.

C A-

[d] Plura de Woolhousii doctrina & vita ad invidiam & ostentationem esse scripta putant aliqui in, rasat. & passim, des Differt. Savantes & critiq. de Mr. de Woolhouse par Mr. le D. Cerf. à Efort. 8.

CAPUT I.

Historia operationis & instrumenti.

§. I.

O Phthalmiatriam veteribus non adeo incultam fuisse ex Hippocrate passim, Galeno, Aëtio, Celso &c. abunde constat, utpote qui insignium eo tempore ophthalmiatrorum, Demosthenis, Justini, Severi, Jesu Haly &c. non modo, sed plurimarum quoque operationum, oculis adhibitarum disertam faciunt mentionem. Aliqua in hanc rem exhibet specimina notissimus ille Hippocratis, *περὶ ὀφθαλμοῦ* libellus, neglecta & prætervifa quidem hactenus à plerisque, vel quod tanti non facerent isthunc libellum, sicuti commendatissimus alias Hippocratis commentator *Prosper Martianus* illum in suo indice libror. Hipp. & toto commentario plane omisit, [e], vel inter spurios insuper numerarent, ut in eo commentando laborem collocare noluerit *Hier. Mercurialis* [f]. Hanc litem jam non facio meam. Sicuti enim scripta Hippocratis edita putat *Martianus* non ab uno illo *Coo*, sed aliis ejusdem nominis, nec multum interesse censet, modo veram doctrinam & Hippocraticis dogmatibus consentientem contineant; ita & de hoc controverso Hippocratis foetu tandem decidere liceret, qui sane, licet undiquaque perfectus non sit, gravitati tamen Hippocratis & doctrinae nihil derogare videtur. Textus græcus ita se habet;

§. II.

Ὅταν δὲ ξύης βλέφαρα ὀφθαλμοῦ, ξύειν εἰς ῥωμιλίαν ἔλω καθαῶ
 περὶ ἄρκετον περιειλῶν αὐτήν, τὴν σεφάνην τῷ ὀφθαλμοῦ φυλασσόμενοι,
 μὴ διακλύσης πρὸς τὸν χόνδρον: σημείον δὲ ὅταν ἀπὸ χυτῆς ξύσι, ἔκ
 ἔτι λαμπρὸν αἷμα ἐξέρχεται, ἀλλὰ ἰχώρ αἱμαλώδης ἢ ὑδαλώδης. *Foëssii*
 versio, à *Lindēnii* parum abludens, hæc est: cum autem oculi palpebras
 radis, lana, milesia, crispa, pura, circa fufum convoluta radito, ea cautio-
 ne adhibita, ut oculi coronam evites, & ne ad cartilaginem peruras. Satis
 derafam esse palpebram indicio est, si non amplius sincerus sanguis, sed fa-
 nies cruenta & aquosa effuat. [g] Hujus paragraphi genuinum sensum à nul-
 lo usquam Hippocratis interprete perceptum expositumve hactenus fuisse af-
 ferit *Cel. Woolhousius*, in eo omnes deceptos ratus, quod ἄρκετον reddi-
 derint per fufum, quod nunc dierum obsoletum, insulsum & absurdum om-
 nino sit; tempore vero Hippocratis nihil clarius & emendatius dictum fuisse;

cum

[e] In magno Hippocrate coo explicato. fol. venet. 1652.

[f] In censur. oper. Hippocrat. 8. Basil. 1584. quod absurda non pauca & ab Hippo-
 cratica gravitate atque doctrina longe aliena habeat.

[g] Versio foëssii, 8. Francof. 1596. nro. 42.

cum illo tempore atractylis, (cardui aculeati species) pro fuso agresti fuerit, quia vero fusus hodie longe alius sit, oportuisse, loco fusi, carduum atractylum dicere, qui instrumentum vere idoneum ad incidendum & scarificandum constituat, istiusque lanæ milesiæ usum non fuisse solum ut obstaret, quo minus cardui spicula justo profundius oculum subintrent, sed ne digitos quoque chirurgi intimius pungant [b].

§. III.

Ἀτρακτῶ, γ, δ, itaque imprimis quid hic significet dispiciendum erit. Galenus in lexico vocab. Hippocraticorum interpretatur: ὅου μόνον τὸν εἰς τὸ ἱερουργεῖν χρήσιμον ἀλλὰ καὶ τὸ ξύλον τῷ βέλγῃ, i. e. non solum utensile ad sacrificium, sed & lignum hastæ. Quod sane rem implicat magis quam explicat, nisi sphalma subsit, ut loco τῷ ἱερουργεῖν, exprimi debuisset χειρουργικόν. Eurip. pro sagitta, Pollux pro parte mali supra antennam utitur; Aristoteles, Plutarchus, Suida pro fuso sumunt, Plinius pro colu [i]. Nam Ἀτρακτῶ, inquit, cnici sylvestris mitior species est, caule tamen rigido, itaque & colu antiquæ mulieres utebantur ex illis, quare quidam atractylida vocant. Ἀτρακτυλὶς, ἰδῶ, ἡ, spina est, asserente Dioscoride, [k] cnico similis, ob idque a Galeno VI. Simpl. κνίκῳ ἀγρίῳ dicitur, & a Plinio enicus silvestris, & quod sanguineum succum fundat, phonos; folia fert quam enicus multo longiora, in summis virgis, maxima parte nuda est & aspera ὧ καὶ αἱ γυναῖκες χρῶνται ἀντὶ ἀτράκτῃ, i. e. interprete Ruellio, qua foeminae pro fuis utuntur; capitula in cacumine spinis horrent; flos luteus, tenuis. Spina hæc variis synonymis innotescit, carduus vulgaris matthioli, vulgatissimus viarum lobelii, carthamus silvestris tragi, carlina silvestris dodonæi, vulgaris clusii, cnicus spinosior C. Bauh. atractylis media gesn. heracantha tab. & denique colus rustica Cord. Æginetæ atractylis rustica, vel cnicus silvestris è spinarum existit genere. Hujus itaque cardui spinosa & aculeata capitula, lana milesia, quæ optima fuit in Ionia ex urbe Mileto, circumvoluta, adhiberi vult Hippocrates ad radendas palpebras, cui instrumento vegetabili nomen ἀτράκτῳ imposuit, vel ob figuræ similitudinem eum colu, tunc usitata, & cui cannabis pexa solebat circumvolvi, vel ob materiæ, è qua colus & instrumentum hoc constabant, identitatem. Confundunt hic auctores latina quoque vocabula colus & fusi, quæ tamen sunt res distinctissimæ, ut vel è veteri fabula & effigie de Parcis satis superque claret. Colus hodiernum est bacilli instar longioris, immobilis, cui pexa cannabis circumdata & firmiter alligata est, ut digitis nendo deduci & in filum contorqueri possit, quod dein fuso circumvolvitur, donec in justum excre-

verit

[b] E. N. C. ad cent. V. & VI. append. p. 134. anno 1717. ubi Woolhousius indicem inseruit quadraginta circiter operat. chirurg. quas oculis administrat.

[i] Hist. nat. LXXI. cap. 15.

[k] L. III. cap. 25.

verit glomerem. Colus german. *die Kunkel*, gallis la quenouille, fufus autem five fufum dicitur *die Spindel*, fuseau. Hætam ergo atractylida veteribus potius pro colu, quam fuso inferviisse crediderim. An ἔλος significet hic crispam, f. pretiosam, f. sanam & mitem lanam, juxta homonymias Homeri, parum interest. Ξύειν est infinitivus pro imperativo, dialecto Ionica, à ξύω, rado, lacero, scalpo, attero, polio, depecto.

§. I V.

In hac operatione & deraſu jubet Hipp. vitare coronam, τὴνσεφάκην, oculi circulum illum corneæ externum, ubi veteres non incongrue dixerunt omnes oculi tunicas concurrere & coire, qui ideo locus cæteris partibus oculi externis & ſenſu gaudet exquisitiore & vaſculis ſanguineis eſt refertior, ut hinc ulcuſcula, furunculi ibidem occurrentes & omnes læſiones ſint pejoris commatis. Cartilaginem f. tarſum pariter nimis profunde lacerari & radi vetat Hipp. μὴ διακαῦσθαι inquiens πρὸς τὸν χόνδρον, non peruras, quod metaphorico ſenſu accipiendum erit, quatenus nimia iſthæc laceratio exquisitum, quaſi uſtionis ſenſum infert vel ad alteram operationis partem & appendicem ſpectat, quatenus Hipp. jubet, ſi opus ſit, poſt abraſionem adhiberi etiam ferramenta minime, f. leviter candentia, quibus palpebræ intus debeant inuri, maxime in caſu durioris occalleſcentiæ. Minime tamen hinc conſequitur, Hippocratem in hac raſione & attritione palpebrarum uſum fuiſſe telo ferreove inſtrumento candenti & ignito, cum vel ſola lanæ circumvolutio repugnet, quæ hinc incenſa palpebris & oculo periculoſam intuliſſet inflammationem.

§. V.

Inter pauciſſimos tum veteres tum recentiores, qui vel mentionem fecerint hujus operationis, eminet *Paul. Ægineta* [1] his verbis: ſi callus in palpebrarum trachomate f. ſcabritie durior his (pharmaceuticis nempe) non vincatur præſidiis, genam inverſam pumice, l. teſta ſepiæ, l. foliis ficulneis, aut inſtrumento, quod à palpebrarum raſura blepharoxylon vocant, abradimus. *Ebaſes*, [m] palpebram proponit exaſperandam eſſe & exulcerandam inſtrumento, quod dicitur roſa, ex frondis roſæ nimirum circulatæ ſimilitudine; nam habet caput, inquit, quale denarius & hoc deraditur, uſque quo ſubmoveatur aſperitudo. Hoc vero inſtrumentum putat *Marc. Aurel Severinus*, [n] eſſe illud, quod ad ungulæ oculi deraſum vulgati apud chirurgos uſus fuiſſe ſcribit *Arnald. Vilanovanus*, calvum ab eo vocatum, & abs Severino l. c. rudi quidem & obſcura delineatione exhibitum, de quo ait: fortaiſſis inſtrumentum eſt, quo veteres ad deradendas palpebras uſi ſunt

Tom. I.

S s

βλε-

[1] Medicin. totius Enchirid. 8. Baſil. 1546. l. 3. cap. de Trachem. p. 173.

[m] Tract. 1. Diviſ. c. 22.

[n] Libr. de efficaci Medicin. p. 2. c. 107. p. 114.

Βλεφαροξύστρος nominato: cujus meminit *Thom. Minadous* l. 3. de affect. ext. c. 16. quod est de trachomate. *Cel. Woolhousius* in *Mss.* asserit, in vetustis codicibus Hippocratis atque Æginetæ hujus instrumenti adumbrationem reperiri, unde forsan mutuatus sit *Severinus*. Sed idem vel adeo male perspexit hujus blepharoxystri structuram, vel certe verbis & typo tam obscure expressit, ut quale sit, hinc vix divinare liceat. Suspicio ego, ejusdem caput circulatum esse & denarii magnitudine, figuræ concavæ, cujus altera superficies levis & glabra sit, & hinc instrumentum vocetur calvum, altera vero, concava scil. aculeis spinisque aspera cardui cujusdam, in circulum artificiose dispositis, cui affixum est manubrium, vel ut commodius teneatur, vel ut Hippocratis fufum, ab interpretibus sic dictum, melius exprimat.

Reliqui, quos novi, auctores pari laborant obscuritate: *Al. Benedictus*, *Jo. Gorraeus*, [o] *Steph. Blancardus*; [p] qui blepharoxyston definiunt, quod sit instrumentum chirurgicum radendis, vellendis concinnandisque palpebris aptum, à nonnullis xystrum appellatum, ἀπὸ τοῦ ξύειν; l. ξυρᾶν, quod est radere, tondere. Unus ille supra laud. *Woolhousius* quædam commentatus est in hunc textum Hipp. quæ operæ pretium faciant. Cum tamen in *E. N. C.* & passim in catalogo suarum operationum & instrumentorum, it. in supra memoratis dissertationibus criticis, imo in suo ipsius *MSS*to ænigma hoc ophthalmicum penitus solvere noluerit hætenus, non potuit non grata esse publico litterario, quæ *Duisburgi* ad *Rhen.* 1721. prodiit disputatio medico-chirurgica, de scarificatione oculari Hippocratica, ejusque in plurimis oculorum affectibus insigni utilitate, ab *Jo. Henr. Hampe*, *Siegena-nassovico*, pro licentia, quæ hujus mysterii revelationem promittebat. Nescio autem, quâ de causa, *Cl. D. Hampe* plures quidem auctores allegaverit, textum græcum resolverit, partes oculi anatomice descripserit, & morbos, qui hanc experiuntur operationem, plerosque explicuerit, justæ tamen lectorum expectationi in xystri ophthalmici compositione & usu, operationis item multiplici subjecto & modo debite indicandis & describendis minime satisfecerit [q].

§. VI.

Instrumentum itaque huic palpebrarum rasioni dicatum ingenia eruditorum & artificum hucusque non minus exercuit, ex quo textus Græci analysis suppeditavit, atque regno vegetabili illud deberi subinnuit nunquam sine laude nominandus *Woolhousius*. Plures hinc enatæ sunt blepharoxysti species,

[o] Definit. med.

[p] Lex. med. sub tit. blepharoxyston

[q] Id. reprehendit in *Hampio* celeberr. *Heisterus* in *chirurg. German. nov. & locuplet.* 1724. *Norimb.* in 4to edit. p. 399. cap. de scarificatione, ubi refert, quod hujus arcani revelatio ipsum magno constiterit pretio, se vero malle ipsam *Woolhousii* descriptionem expectare, quam sua, forte non ad *Woolhousii* mentem facta, novam hujus incur-re reprehensionem.

cies, breviter indicandæ. *Primum* sit, quod Woolhousius blepharoxyston vocat κατ' ἐξοχήν, speciemque refert exigui cochlearis è chalybe, cujus superficies convexa pluribus circumquaque eminentiis exilibus, instar limæ, exasperata est, concava vero levis. *Alterum* bivalve quasi est, argenteum ferreumve & è duabus laminis planis antè rotundis, pollicem vere latis, postèus arctioribus & in manubrium coalitis constat, cujus inferior lamina seu valva immobilis aliquot phalangis exilium è chalybe acuum, firmissime insertis, horret, easque per foramina oblonga valvæ superioris elasticæ transmittit, si hæc comprimatur. *Tertium* vocaveris lanceolam versatilem, duabus tenuibus atque exilibus valvis absconditam, quod palpebris subditum, in gyrum moto longiori stylo, cui superius conferruminata est lanceola, hanc foras vertit & palpebras incidit. Usus hujus periculo non caret. Parisiis certe de infausta ejusdem applicatione aliqua audiivi exempla. Agmen claudit ineptissimum illud, quod tres cuspides chalybeas intra se invicem incurvatas habet, quibus sane divelli potius & dilaniari oportebit oculi partes, quam incidi saltim & scarificari. Sed & duo priora non majori videntur encomio digna. Quamvis enim casus occurrant adeo callosarum & induratarum partium e. g. in trachomate, ut duro nodo durus merito quæeratur cuneus, multiplici tamen ex ratione videntur tunc præstituræ incisiones seu scarificationes lanceola ordinaria factæ, quæ viam pandant subtiliori nostro xystro, dehinc applicando.

Felicius rem acu tetigerunt, vel instrumentum è schola Woolhousii petierunt ill. medici Berolinenses [r] verba hæc sunt: instrumentum, quo peragitur oculorum scarificatio, ex vili aliquo vegetabili præparatur, mediantibus cujus præeminentibus tenerrimis denticulis, minuta inflata vasa, stringendo, lacerantur. Idem sagaci conjectura affecutus est celeb. D. D. El. Camerarius noster, vir supra meas laudes positus, [s] suspicans, constare illud ex aristis scite colligatis, pungentibus, asperis & subtiliter scindentibus, imprimis spicarum hordei atque fecalis. Jam itaque cum plenariæ mysterii propalationi proximus sis, ben. Lector, noli quæso inventi pretium è materie vilitate, unde componitur instrumentum, metiri, sed ex incomparabili, quem mox adjungam, usu. Quantum vero casui & ingenio debeat inventio nostrorum in medicina præsidiorum, hujus instrumenti natales denuo testantur. Læsus quidam graviter oculo per acutam aristæ cuspidem in manus incidit ingeniosiss. Woolhousii, narrante hoc mihi eodem, huicque ansam præbuit de remedio & instrumento cogitandi, quod inflammationem tunicarum, quam effecit, tolleret iterum, disruptis vasculis sanguine turgidis, juxta illud Ovid. [t].

Sic mihi res eadem vulnus opemque feret!

C A.

[r] Act. med. Berol. vol. IV. c. 6. p. 107. an. 1719.

[s] Disp. cui titul. Miscellanæ theses medico-chirurgicæ, 1724. thes. VI. p. 20. 21.

[t] Ovid. Trist. l. 2. eleg. l. v. 20.

C A P U T I I.

Instrumenti Woolhousiani denominatio , materia , forma , prerogativa.

§. VII.

X Yster l. *Xystrum* optime vocatur ab effectu & usu rasionis f. lacerationis, quam præstat, (: licet à veteribus quoque id nomen medicamento sic-canti & leniter cathæretico fuerit impositum, [u] item scalpro rasorio, [x] cum epitheto *ophthalmicum*; quod nomen generale ideo præferendum vide-tur determinatæ magis blepharoxysti f. palpebrarum rasoris, appellationi, quoniam nostro non palpebræ tantum subjiciuntur xystro, sed aliæ insuper oculi partes, & alias etiam blepharoxysis multum differt à nostra ophthal-moxysi. (vid. c. 3.) Materiam ipsi suppeditat spica fecalis, hujusque non tam arista, quam gluma. Spica vero botanicis est conus erectus, sive oblon-gus, sive admodum acutus è floribus l. seminibus spisse compositus: arista di-citur, acus exilis & longa, e gluma extans; gluma vocatur, folliculus grani in frumentis [y].

Secale appello plantam graminifoliam, flore stamineo, culmiferam grano majori, ad panificia utilem, quæ culmo f. caule est elatiore, spica paulo com-pressiore, quasi quadrangulari, perpetuo aristata, grano strigosiore tenuiore & nigriore, glumis non undique tecto, sed magna ex parte nudo, farina ni-griore, humidior, nobis *Roggen*, gallis du seigle dictum.

Glumæ hæ fecalis sub examen vocatæ observantur ascendere per spicam è duplici latere binæ, quarum se quævis exhibet bifidam & hiantem, ut gra-num maturum, quod continet solitarium, hinc magna parte nudum prospiciat. Glumæ hujus bifidæ interna dimidia pars f. segmentum, quod respicit proximum alterius glumæ oppositæ granum, mollior, tenuior est atque mul-to brevior, externa vero pars rigidior, in dorso minimis quasi denticulis acutis, albidis, sursum spectantibus horret, inque aristam coit cum reliquis suis lateribus, quam minimæ spinulæ asperam undique reddunt. Hanc ego fecalis glumam exterior, denticulatam neque hic botanicis pro nota cha-racteristica, qua secale differat à congeneribus, hordeo, panico &c. obtrudo, neque pro objecto physiologiæ botanicæ, cui scil. usui horrentes isti servant denticuli, quem tamen haud unum suspicor. Sufficit hoc loco, istas glumas exteriores & aristatas partes, à spica placide avulsas l. abscissas, numero 10. l. 12. quin plures, ita colligandas esse, ut aristæ omnes prope glumam filo lineo, l. serico fortiori, cerato constringantur, filumque pluries circumdu-catur firmiter, ut petiolus quasi & manubrium efformetur dimidii fere polli-cis,

[u] Paul. Æginet. l. c. l. VII. p. 696.

[x] Jo. Scultet. armament. chir. tab. VI. p. 11.

[y] Jo. Raji. meth. plant. Lond. 1703. p. 197.. sqq.

cis, lati, longitudine, quo instrumentum possit teneri ab operatore, sicque sub aliquali minimarum scoparum similitudine xystrum constituere opthalmicum.

Glumæ vero ita in circulo sunt collocandæ & dirigendæ, ut earum dorfa seu anguli maxime denticulati atque scindentes undique spectent extrorsum aciemque suam parti affectæ inter operandum infigere queant. Adornatis sic glumis atque aristis filo connexis, aliqua portio glumarum superius refecatur, ut omnes æqualiter emineant; sic pariter, quod ultra fili convolutiones in cauda & finē petioli aristati protenditur, forfice refecatur.

§. VIII.

Spicæ hæ pariter ac ipsa hinc composita xystra loco temperato asserventur & unius ad summum anni ætatem contrahant. Alias enim vel nimis exsicantur, sicque sub operatione franguntur, aculeosque tunicis oculi altius infixos relinquunt; vel nimia humiditate mollescent, sicque debita spiculorum rigiditas & tonus fatiscunt. Cuilibet operationi novum plerumque admovetur xystrum, quod nondum inserviit, quoniam ipsius spicula inter operandum obtusa atque detrita non amplius scindere valent, nisi ubi molle & detritum expetatur expresse (v. §. seq. 9. ad calcem.)

Aristæ solæ resectis glumis, in xystri formam colligatæ tam acriter non scindunt, & ruptioni aliisque incommodis magis sunt obnoxie; hinc neque hærdeum neque congeneres herbæ frumentacæ huic negotio aptæ sunt.

Omnium huc minime quadrat *inermis avena*, quam tamen recentiss. de morbis & operationibus oculariis scriptor Parisinus, Dn. de St. Yves [2] in scenam producit his verbis: les uns la font (scil. la saignée de l'œil) avec un assemblage de plusieurs barbes d'épis d'avoine en forme de brosse, dont on scarifie la conjonctive, en la passant rudement sur cette membrane. Mirum sane lectoribus videbitur, qui hunc Woolhousii æmulum & Parisiis non degentem modo, sed olim quoque ejusdem in deligationibus oculariis subinde ministrum adeo latere potuerit hæc operatio, ut ipsam confunderet cum venæ sectione oculari & avenæ acutas vel scindentes affingeret aristas, quam tamen totam quantam inermem & nulla sui parte huic negotio aptam natam mox judicabit, qui semel illam inspexerit vel obiter. Hanc, aliasque plures anatomicas atque chirurgicas animadversiones proferendi in hunc Dn. de St. Yves librum, ob multas nihilominus encheireses & observationes utilissimas sua laude non privandum, dudum occasionem præbuissem Woolhousiæ cribrationes, sub meo nomine, me autem inscio, nunc & invito, prelo mercurioque eruditorum parisino commissæ, nisi tempus concatenatis meis & magis necessariis utilioribusque distractionibus impendere practicis, cætera

[2] Nouveau trait. des malad. des yeux &c. 8. Paris 1722. p. 194. seq.

vero non tam disputationis ferram reciprocare, quam christianam Ovidii laudem sectari maluiffem.

Non ego mordaci distrinxi carmine quemquam!

§. I X.

Succedanea glumæ fecalinæ pro xyftri fabrica curioso fcrutatori regnum vegetabile offeret plura; aculeos huc advocare licet & hamulos variarum cardui, lappæ &c. fpecierum. Caules, folia, calices, fructus, afperi, aculeati quot fuppetunt? Imo è reliquo naturæ penu, regno fcil. animali & minerali, quidni alia xyftri fpecimina juvabit depromere? Allicientur itaque fortaffis nob. DD. oppoñentes, ut naturam artemque felici connubio jungentes aliud excogitent inveniantque xyftrum ophthalmicum, omnibus numeris abfolutum. Veteribus, ad attenuandum & atterendum trachoma, leucoma callumque duriorẽ, in ufu fuiſſe folia ficus, pumicem, teſtam ſepiæ, afperam certorum piſcium marinorum cutem &c. è Galenò & Ægineta patet.

Specialem adhuc attentionem meretur equiſetum majus, depile, nudum à Fuchſio vocatum, caules habens geniculatos, ſcabros, qui per microſcopium obſervantur conſtare multiplici ſerie perpendiculari, ſ. plurimis quaſi columellis, quæ plurimis conferto agmine denticulis cuſpidibusque, oblique furſum inclinatis exaſperantur cum intermediis inter quamvis columellam ſulcis perpendicularibus. Caules hi artificibus inſerviunt ad ferrum, lignum &c. polienda, venales ſub nomine *Schachtelhelm* vel *Schafftheu*. Alteram equiſeti ſpeciem piloſam culinis inſervire noſtris & hinc ab fuchſio [a] vocari *Kandten-Kraut*, quaſi herbam cantharorum purgandorum, notiſſimum eſt. Qua ratione hinc equiſetum in genere ſit abſterſivum, adſtringens, traumaticum, præſertim in pulverem contritum vulneribusque inſperſum ex Fuchſii &c. commendatione, illis ex indigitata particularum figura deducendum relinquo, quibus alias medicamentorum particulæ hamatæ, ſcopales, cuſpidatæ & reliquæ explicationes ejuſmodi placent. Caulem modo majoris iſtius equiſeti huc traho, quo nimirum in trachomate, ſcirrho, ectropio aliſque morbis, ubi ſuperficiem calloſam durioribus aggredi, arroderẽ & quaſi limare decet, felicius forſitan utaris, ac noſtro xyſtro, quod vel nimis laceraret, vel uncis ſuis ſub operatione infixum longiorem neceretur moram, & dolorem ægro cauſaret exquisitiorem in parte affecta valde calloſa.

§. X.

Ex his autem facile perſpiciet ben. Lector, xyſtrum *Woolhouſianum* omnibus reliquis hætenus allatis palmam præripere; hujus enim ſive parabilitatem ſpectes, ſ. pretii vilitatem, ſ. tenendi commodum, ſ. adhibiti ſecurita-

tem

[a] Herbar. german. in fol. c. 21.

tem, undiquaque sese commendabit. Exigua ejusdem moles hucusque etiam egregie favit Woolhousianis affectis ad occultandum sub digitis commode hoc instrumentum, eidem adhuc fini apud formidolosos patientes vel aliam ob rationem, utiliter inservitura. Nullus autem huic metus est ab hæmorrhagia periculosa vel lethali, quam tamen à subtilibus licet lanceolis, nec adeo profunde adactis, in cucurbitularum cum scarificatione impositione profectam subinde narrant historiæ. [*b*] Mirum pariter est, à dentibus s. cuspidibus non valde acutis vel scindentibus, sed acuminatis saltem & rigidis [*c*] quos hircudo s. sanguifuga abscondit in ore suo triangulari, & ope horum parti, cui applicatur fugendæ, vulnus infligit triangulare non adeo profundum, tantum concitari affluxum, ut per plures non modo horas, sed etiam dies pertinaciter fluat sanguis, nec ischæmis linteisque impositis facile sisti queat, licet nulla conspicua vasa videantur læsa, testante solet ff. mox laudato *Dillenio*; sed nec tale quid, sub frequenti & asperiore etiam subinde Woolhousiani xystri usu hætenus evenisse constat, nec facile eventurum puto. Timidas & delicatulas plures jam personas hoc aggressus sum xystro, aliquas etiam teneriores sub operatione in lipothymiam lapsas, sed nondum mihi accidit, quod *J. Walæus* [*d*] de timidis observavit: quod scil. eis scarificatio interdum sanguinem non educat. Pariter, cum vegetabile hoc xystrum unicæ operationi adhibitum suo officio plerumque sit defunctum & abjici debeat, (: exceptis paucis casibus, ubi xystrum hoc emollitum quasi & è prægressa operatione paulisper detritum præfertur, quam tamen emollitionem quoque præstaret brevis maceratio xystri recentis in aqua tepida) molestiam hanc toties repetendæ compositionis eximia hac compensat securitate, ut sic propagandi contagii in malignis & contagiosis oculorum affectibus non evadere possit vehiculum, sicuti scalpella, lancettas ab ægro inquinatas & non satis deterfas sollicite, fontica, aliis fanis posthæc adhibitas, mala novimus intulisse [*e*].

C A P U T III.

Operationis nomen, subjectum, indicantia, analogia, modus, cautela, usus.

§. XI.

Sicuti vocavimus instrumentum, ab effectu, xystrum ophthalmicum (§. 7.) ita ipsam operationem appellabimus *ophthalmoxysin*, s. oculorum rasionem. Cur autem illas non retinuerim denominationes, sub quibus jam

inno-

[*b*] Rhod. obs. 69. c. 6. it. E. N. C. cent. IX p. 13. it. Langius epist. 40. l. I. p. 175.

[*c*] Cuspides illæ s. aculei male negantur a Franc. Poupart, journ. des sçav. 1697. edit. Amst. Tom. 25. p. 537. recte v. asseruntur & pinguntur ab Jo. Jac. Dillenio E. N. C. cent. 8. obs. 57. p. 338.

[*d*] Method. Medend. p. 90.

[*e*] Crato in Epist. 139. p. 243. meminit scalpelli impuri, in scarificatione communi peri-

innotuit, scilicet venæ sectionis oculariæ, l. scarificationis oculi, vel blepharoxylis, mox patebit? Ab ipso Woolhoufio vocatur paffim le degourdillement ou degonflement & scarification du globe de l'œil; [f] item specifica oculi scarificatio. Abs Cl. D. Hampe l. c. atque ab aliis pariter scarificatio vocatur ocularis. [g] Non pudet me scarificationis tituli, qui chirurgorum turbam in germania dirimit in claffem sic dictorum purorum & impurorum, inter quos plerumque non melius ideo convenit, quam inter canes atque feles. [h] Sed cum scarificatio plurimum differat ab hac operatione & instrumento & modo, subjectoque ordinario, præstare videtur nomen ξύσις τῷ ὀφθαλμῷ, f. ophthalmoxylis Hippocraticum retinere.

Subjectum f. partes oculi, quæ huic operationi subjiciuntur, non palpebrarum modo interiora constituunt, (uti vult Cl. Hampe.) sed ipsius quoque oculi tunica conjunctiva atque cornea, it. glandula & caruncula lacrymales, in certis casibus. Ut plurimum tamen palpebræ tantum hanc experiuntur operationem. Partibus hisce nunc anatomice & physiologice expendendis supersedeo, cum id toties & novissime sit actum ab aliis, & quæ forsitan de proprio possemus aspergere, nos hic longius justo abriperent. Plura forsitan afferentur ad hanc rem facientia in orat. mea inaugurali propediem habenda de minutis anatomicis, magnis in praxi momentis. Subjectum hoc varie p. n. afficitur, sicque fit indicans nostræ operationis. Ita tunica conjunctiva f. ipsum album oculi xyistro subjicitur ophthalmico, cum ulcere obsidetur exiguo, Psydrium dicto, cujus fibræ vasculave mox mox divellendæ sunt per ophthalmoxylin, antequam suppuretur: it. in panno, l. panniculo, ut ipsi nutritio intercipiatur & incrementum inhibeat, vel post operationem panni relictæ, uti facile fit, aliquot fibræ penitus discerpantur & deleantur: it. in chemosi, ubi vascula sanguinea valde turgent & supra corneam eminent; porro in phlyctænis seu bullis ardentibus, quæ corneam æque ac conjunctivam obsidentes & serum acre rosivum continentes mox aperiendæ sunt acu quadam ophthalmica, l. lanceola, dehinc xyistro nostro radendæ & decocto traumatico fovendæ. Magis adhuc tunica cornea requirit ophthalmoxylin, juxta Cel. Woolhoufium, in venositate, ubi vasa sanguinea, nova quasi, corneæ inducuntur atque turgent, quod alias etiam sæpe accidit in chemosi, & panniculo carneo, vasculoso, qui corneam subinde profundius penetrant, ut ex pellucida plus minus rubescat, opacetur, vid. sæpe cit. in E. N. C. locus. Palpebrarum itaque, superioris & inferioris, internæ superficies ordinarium sunt

periculose inficientis. Apud nos in oppido Canstatt ante 20. annos venam secuit chirurgus ægro, lue venerea contaminato, eademque lancetta pluribus aliis venas aperiens foedam pariter i. sinuavit siphylidem, de cujus arthriticis reliquiis nuperrime auhuc me consuluit mulier Canstadiensis, licet curam postea superarit salivatoriam.

[f] Le Cerf. diff. crit. dans la specificat. des 40. operat. oculaires de Mr. de Woolh. §8.

[g] E. N. C. append. ad cent. V. & VI. p. 134. §. 5. & p. 136. §. 1.

[h] Hanc litem false perstrinxit Jo. Casp. Schwarz in der gezancten Narrenkapp der bader und barbierer. Frenyhb. 1712.

sunt ophthalmoxysis subjectum, idque non modo in domesticis palpebrarum morbis, ut in *ectropio*, *miltofi*, *trachomate* &c. sed in pluribus quoque aliis oculi in- & externis affectibus. *Caruncula lacr.* in encanthide seu relaxatione & intumescencia [i] in *peribrosi* seu pruritu & exulceratione &c. *Glandula* vero *lacr.* in prolapsu & anastomosi seu hiatu, apertione & laxitate p. n. ductuum suorum hydroblepharicorum leniori quandoque corriguntur & roborantur ophthalmoxysi.

§. XII.

Analogæ Operationes, quæ cum ophthalmoxysi vel confunduntur, vel ejusdem usum illustrant, & aliquo modo similes sunt, huc redeunt: *Blepharoxysis*, suffricatio, levigatio, interpunctio & depuratio palpebralis (synonyma sunt Woolhusio.) instituitur in omni ulcerationis specie glandularum lacrymalium & ciliarium, in trachomate, ectropio, cæterisque palpebrarum & tarforum affectibus inveteratis & rebellibus, qui communiter nulli remedio cedunt (k). Proprie tamen restricta est ad duriores asperitates & varias palpebrarum callositates, quas jubet Woolhousius primum incidere & interpolare pluribus vulnusculis superficialibus, per-interstitia separatis, & apice saltem lanceolæ ordinariæ suspenso manu velociter infligendis, Gallis dechiqueter, ut locus dehinc fiat duriori xystro ferreo, superius allegato & refutato (§. 5.) *Apotripsis corneæ* est adversio, erosio macularum albidarum, l. condensatarum & corrugatarum corneæ pellicularum & referatio obstructorum ejusdem vasorum crystallinorum, procurata vel ope medicamentorum, superius ex parte indicatorum, vel rasionis & abrasionis superioris pelliculæ & crustæ, quæ in cornea eminet, mediante scalpello exiguo, quod invenit Const. Africanus, scalprum vocans ophthalmicum seu xystrum, & feliciter hanc apotripsin primus forte celebravit. *Phlebophthalmotomia*, venæsectio ocularia non facile dignoscitur in scriptis Woolhousianis, typo impressis, ab ophthalmoxysi, de qua in præsens agitur, imo confunditur adeo, ut prædicata, quæ tribuuntur scarificationi oculariæ (seu ophthalmoxysi:) & phlebophthalmotomiæ tanquam utrique narrentur communia, cum re ipsa tamen sint contraria & incompatibilia. E. g. in diar. erud. Paris. 1696. d. 12. Novembr. venæsectio ocularia laudatur, quæ perfici possit cum æque exiguo dolore, ac periculo, ope parvulæ lanceolæ, quam phlebotomen oculariam nominat, inque E. N. C. l. sæpe cit. p. 133. ad eundem modum & inventionem provocat, quibus revera phlebophthalmotomia peragitur. Jam vero mire dissonant verba in diff. crit.

Tom. I.

T t

Wo-

[i] Scarificat vero & attenuat abraditque ipsam ita auctam productamque Woolhousius xystri sui subtilis acieculis, posteaque collyrio adstringenti deterfivo & desiccativo pristinam fibræ tensionem restituit. Sunt ipsa Woolhousii verba l. c. E. N. C. p. 136.

[k] In E. N. C. & catal. operat. Woolhousian. dissert. crit. DD. le Cerf. In hoc catalogo peculiarem efficit operationem e levigatione palpebrarum callosarum, quam tamen in E. N. C. unam eandemque deprædicat cum blepharoxysi. Sed cavendum hic, ne entia præter necessitatem multiplicentur.

Woolh. cit. p. 350. ubi iterum scarificationem & phlebotomiam oculi pro synonymis affert, & ceu operationem, ab Hipp. in libello de visu obscure indicatam allegat, cujus vero illustrationem & inventionem in supra citat. diar. erud. Paris. & catalogo suorum instrumentorum prius impresso, notam fecerit. Atqui in ophthalmoxysi, seu quam vocat Woolhousius, scarificatione oculi, instrumentum est vegetabile, e glumis aristarum secalinis & dolor ægri inter operandum exquisitus, in phlebotomia vero oculi adhibetur lanceola, minerale & ferreum instrumentum, quæ nullum, l. exiguum ægro dolorem causat, ut cætera taceam, quibus discrepant.

Inventionem hujus Phlebotomiæ suam quanti æstimet cel. *Woolhousius*, inde satis patet, quod inæstimabili illi comparet (l) secreto *Hovii*, quo cataractas sine operatione prætendit curare, (m) hætenus autem, quod sciam, paucissimis probavit exemplis. Inventum hoc phlebotomiæ oculariæ primum publico annunciavit *Woolhousius* in catalogo suorum instrumentorum, quem Parisiis anno 1696. imprimi curavit in 8vo, cujus extractum exhibet diar. erud. Paris. edit. Amstel. tom. 24. anno 1696. die 12. Novem. p. 681. ad hoc inventum se refert *Woolhousius* in E. N. C. loc. cit. p. 133. & Magistro Antonio exprobrat ejusdem ignorationem, in ephemeridibus gal-
lorum tamen dudum memorati. Hanc vero phlebotomiæ oculariæ vel inventionem, vel descriptionem certe, jam ante plus quam centum annos propagatam fuisse abs famigeratiss. *Fel. Platero* [n] Cl. *Woolhousius* ægre non feret, ut moneam, utpote, qui facit exceptionem ab illa doctiss. *Schelhammeri* regula vel observatione [o]. Instituitur hæc phlebotome in *panniculo vasculoso*, *sebel Arabum* dicto, ubi plexus vasculosus, ruber ex angulo oculi interno ut plurimum ortus, toti denique implicatur conjunctivæ, extumescit, tensiones, lancements dolorificas, lacrymationem, & visum reddit obscurum; vel in *Sevola Constantini Africani*, cum vas sanguineum prætumidum majora indies sumit incrementa, & pruritus subinde provocat molestissimum & lacrymationem, nec minus visum corneamque obfuscatur.

Operationem tum præcedunt variæ præparationes per vesicatoria, V. S. arteriotomiam temporum, setacea, fomentationes &c. scopo & evacuandi & revellendi, deinde elevatum parumper vasculum ope acus curvæ, planæ, non scindentis, forcice dissecatur vel lanceola; si plura turgeant, rescinduntur

[l] Diff. scav. & crit. p. 311.

[m] Hovius de circ. hum. motu in ocul. p. 122.

[n] Prax. med. l. 1. Tit. de visus læs. 8. Basil. 1609. p. 280. Panniculo l. tollendo: l. post exsectionem repullulatur, venarum tunicæ adnatæ incisionem suadet opponendam, impositis postea siccantibus; item sæpe secando illas venas, ut sanguis profluat, panniculum l. præcaveri, ne formetur, l. factum marcescere asserit. Eodem provocat M. A. Severinus, de Effic. med. Fft. 1646. p. 55. C. 10. de phlebotome venular. oculi tunicarum.

[o] Additament. ad introd. in med. Helmstad. 1687. p. 255. In anglis plerisque omnibus desiderat, quod spernant monumenta antiquitatis, & alto supercilio, priusquam evolvant, contemnant, partim præjudiciis seducti, partim ex *αὐταρχία* quadam, nisi tamen forsan dissimulent.

tur vel simul & semel, vel repetitis vicibus pro ratione circumstantiarum, & sanguis, qui hinc emanat, fluere non cohibetur, sponte cessaturus. Si vascula hæc sanguinea contorqueantur in varicosos nodos, hi ipsi cauterio actuali exiguo inurendi sunt, ut vis ignis in ipsam penetret scleroticam, non tamen perforet eandem, nisi in casu *Phacosis*, quæ tumor est niger, lenti similis, ubi sclerotica exulcerata transparet & protuberat per adnatam. Ibi sanguis coagulatus, dissectione plenaria scleroticæ, penitus educi debet. Hujus phlebotomiæ oculariæ, s. dissectionis vasculorum sanguineorum speciem, aliquibus usualet allegat quoque Dn. de St. Yves, [p]. Ad phlebotomiam oculariam adhuc referunt illam venæ angularis, in angulo nempe oculi interno, sectionem tantopere commendatam ad plurimos capitis, oculorum & faciei morbos ab agmine medicorum veterum atque recentiorum [q].

§. XIII.

Hujus opthalmoxysiæ usum porro illustrat communis illa & κατ' ἐξοχήν sic dicta *scarificatio*, quam & chirurgi, sic dicti puri (§. IO.) ope scalpelli rasorii vel alius exercent in partibus oedematosis, gangrænosis, sphacelatis, & balneatores celebrant in tantum non omnibus corporis regionibus externis, scopo derivandi atque revellendi, idque mediante vel lanceola elastica, tanta celeritate & artificio, ut miratus olim sit Cel. Dionis [r] vel capsula illa scarificatoria, cujus aliquam suppeditavit ideam Ægineta [s], amplificavit Paræus, [t] perfecerunt recentiores, ut laudabile doloris atque laboris nunc præstet in scarificatione compendium. Hujusmodi scarificationibus aggre- diuntur Galli & Angli quoque *amygdalas* prætumidas, inflammatas, scirrhosas, Ægyptii vero *gingivas*, *nares*. Harum scarificatio, Ægyptiis tantopere laudata in febribus malignis, ex haud una ratione meretur commendari & nostratibus. *Applicationem hirudinum*, *suctionem vulnerum*, crebras sic dictorum *Aleptarum*, seu unctorum, *frictiones*, *acupuncturam Chinesium* multum habere, quo convenient cum opthalmoxysi, ejusque usum illustrent, facile dispalescet, si conferantur invicem.

§. XIV.

Modus operandi in opthalmoxysi ut clare & distincte pateat, enarrabo, quæ operationem præcedere, constituere & consequi debeant? Præcedit vero ut plurimum consuetarum revulsionum & derivationum una alterave, per lenes pur-

[p] Trait. des malad. des yeux p. 195.

[q] M. A. Severinus in efficac. medicin. p. 55.

[r] Cours d'operat. de chir. Paris. 1744. p. 718.

[s] Encheirid. tot. med. p. 460. quidam ut uno ictu tres plagas injicerent, instrumentum excogitarunt, tribus scalpellis æqualibus simul junctis.

[t] Chirurg. L. XI. c. 5.

purgationes, per venæsectiones, in pedibus maxime & jugulo, per cucurbitularum, cum vel sine scarificatione usum, per setacea auricularum & nuchæ, per hirudinum applicationes, in partibus ab oculo remotis scopo revelendi, in propinquis derivandi; in duriore trachomatis & ectropii specie præmittuntur aliquot incisiones seu scarificationes, lanceola factæ, vel puncturæ & attritiones per blepharoxyston Æginetæ ferreum, dehinc succedit mitius nostrum vegetabile ophthalmoxyston, epithemata, cataplasmata, fots, collyria varia pariter subinde sunt prælibanda.

Ipsa *operatio perficitur* hunc in modum: ægro l. in sella sedenti, l. quod præstat, supino jacenti in lecto, capite declivi, manus caputque tenentur ab adstantibus, si opus videatur; lumen l. solis l. candelæ modicum & à latere affecti oculi admittitur, palpebras ægri radendas claudit operator & arte adducit invicem, seu ipsum ægrum claudere jubet, dehinc alterius manus indicem palpebræ superiori, & pollicem palpebræ inferiori admovet, easque leniter deprimit, ut tarsi cum maxima palpebrarum interna parte vertantur extrorsum & ectropium quasi artificiale constituent. In hoc situ detentam superficiem internam palpebrarum utramque xystro suo, quod alterius manus pollice & indice tenet, ab angulo externo versus internum quaquaversum radit, vel ordinarie superne deorsum perpendiculariter quasi (ne glandulæ ceracæ Meibomii divellantur) plurimis incisionibus, puncturis, lacerationibus simul vulnerat, interpolat, & pro rei exigentia, l. levius, l. profundius adigit illos denticulos glumæ uncatos s. ferratos, adversim, sive contra spicula sua inclinata, sicque eo efficacius inflicta. *Terminum operationis* raro illum ab Hipp. (§. I.) præceptum assequi licet, ob delicatulos nostri seculi ægrotos, qui dolores ab operatione provenientes diu ferre recusant, & vel unius xystri aciculas unica vice obtundi & obteri vix patiuntur. Duplicem vero ista Hipp. verba sensum admittunt, cum satis derafæ palpebræ hoc signum constituunt: *si non amplius sincerus sanguis, sed sanies cruenta l. aquosa effluxerit*. Scil. num hoc criterium intellexerit de quantitate operationis continua l. discreta, obscurum est? i. e. anne operationem una vice eousque continuari, donec sanies modo cruenta effluat? num vero per intervalla repeti voluerit, donec non amplius sanguis sincerus, sed cruenta l. aquosa denique sanies promanet. Terminum vero, hoc illove sensu acceptum, optime figit effectus sperati obtentio, cum partes inflatæ subsident, infarctæ deplentur, duræ mollescunt, sicque temperies, conformatio, color, usus &c. partium ad naturalem redeant statum. Aliquando bis uno die perficienda est, si urgeat dolor, l. vasorum turgescencia, l. inflammatio, ut in variis casibus ophthalmiæ, panni vasculosi & inflammatorii, chemosis &c. Ordinarie semel quotidie mane vel vesperi, aut alternis diebus, aut adhuc rarius, in affectibus inveteratis, rebellibus raro plus quam decies vel quindecies adhiberi solet, *intra minutum fere semper absoluta*. Effectus operationis ita peractæ sensibilis hic est, ut grumuli sanguinis fibrosi, coccinei, instar arteriosi, promanent, dehinc serum ichorosum, l. gelatinosum, uti in scarificationis

sine

sine alias accidit, exsudat per dimidium fere quadrantem horæ. Huic fluxui promovendo, sanguinique stagnanti per referata jam oscula expellendo favent liquida tepidaque medicamenta, quibus immisceri voluit Hipp. (§. 1.) loc. cit. flores æris abstersivos, ope spongiolæ, l. linteoli detriti, per horæ quadrantem, & ulterius, continuo ita applicanda, ut oculus bene foveatur, eluatur, abstergetur, roboretur. Cel. Woolhousio mihiq, ex veterum commendatione, fere solum herbæ hyssopi exsiccatæ infusum in aqua fervida, & tepide applicitum, pro hoc scopo suffecit.

§. XV.

Mutantur autem hujus fomenti s. epithematis ingredientia vel statim ab operatione, l. aliquandiu post, pro morbi ratione. Nimirum si *spissus, stagnans sanguis* sit diluendus, seligantur resolventia è fl. samb. lavend. Hb. Hyssop. chæref. sem. fœnic. rad. valer. croco, camphora; cum *sanguis & lymphæ acriores* temperari debeant, prioribus adde mucilaginosæ, rad. symph. Sem. lin. psyll. Gum. arab. Hb. melil. verbasco. *Ulcerosam diathesin* extergent lenia siccantia, abstersiva e. g. summitates hyperici hb. agrimon. Sacch. canar. myrrha, in aqua calc. viv. leniter ebullitæ, l. solutio lap. medicamento- si crollii in aqu. plantag. l. flores æris in infuso calido. *Atoniæ* solidarum partium obviam ibunt infusa & decocta tonica adstringentia è fl. ros. r. hb. plantag. rad. symph. bistort. Olib. myrrha in aqua ferrarior & vino rubro ana leviter decoctis, & sic porro. Balsami quoque ophthalmici, s. alius collyrii liquidi resolventis l. lenientis, l. detergentis, oculis instillati tepide, usus, noctu maxime ante cubitum, imposito desuper quadruplici linteo suffumigato, calido, sæpe cum prioribus jungendus est medicamentis. Horum apozematum calidorum halitus s. fœtus ad oculum dirigitur à quibusdam ope infundibuli, cujus basis subditum excipit vaporem, & dimittit per foramen superius, quod est angustius, ad oculum vel apertum, l. palpebris clausum. Hunc in modum usurpari solent aquæ minerales nostræ sulphurææ ad varios oculorum affectus, cui tamen methodo prætuli hætenus fomentationes supra laudatas, ope mollioris spongiolæ l. linteoli sic applicitas, ut ab initio quasi continuo videaris oculum abluere & extergere palpebrarum interiora, dein vero epithema, leviter expressum palpebris impositum, & sicca compressa obtectum aliquandiu relinquant, donec refrigerare cœperit. Huic tramiti intra bihorium vel centies insistere jubeo ægrum, & aliquot postea horis indefessum priorem repetere laborem.

Quo studiosius æger sibi cavet post operationem ab aere frigido, & valde luminoso per aliquot dies, eo melius suo consulet oculo. Hinc vel in loco versetur obscuro, vel umbellam è charta pergamena viridi, vel alia re, supra oculos suspensam gestet, & à lectione, scriptione abstineat. Pariter quæ oculis noxia & in vulgus innotuere, vitentur, imo, ubi l. inflammatio suspecta, l. dolor gravior, l. affluxus largior, diæta tenuis servanda est & tem-

perans, carnes, vinumque proscribendæ. Quando corneam, l. carunculam lacrymalem ophthalmoxysi oportet subjicere, speculo opus erit oculari comodo, quale correctum illud Woolhousianum est, quo palpebræ servantur diductæ, & ipse globus oculi detineatur stabilis inter operandum, in reliquis vero rationis oculariæ subjectis speculum oculi potius impedimento foret, quam usui. Si tamen vel ob renis ægri, vel palpebrarum, superioris maxime, quæ semper difficilius tantum evertitur, quantum opus est, crassitiem, tumorem &c. non liceat partes operationi subjiciendas satis detegere, quidni arripiatur *consilium* celebris olim in Anglia ophthalmiatri, *Turberville*, quod exsecutus ipse est, teste Woolhousio, ad palpebras pro lubitu & sine tot manuum impedimentis diducendas in operatione ungulæ s. panni? quod huc redit: adaptavit iste duo frustula lintei novi, limbo suo (Gallis lisiere, German. *Selbende*) instructi, eaque glutine scriniariorum liquefacto obducta, oris atque tarsis palpebrarum, aliquot ante operationem horis ita adglutinavit, ut pars lintei exigua sub ipsa palpebra affigeretur, sicque postea, attractis illis laciniis inter operandum, palpebræ sine negotio verterentur extrorsum.

§. XVI.

Plures circa hanc delicatam operationem *cautele* obveniunt *practice*, quam aliquibus videri posset, qui vel subtilissimam & intricatam oculi structuram nesciunt, vel non perpendunt, operatorem in minima parte occupatum, totum requiri, sicut de natura *Plinius* asseruit: illam nusquam magis quam in minimis totam esse. Primum igitur huc spectat generalis cautio, quo chirurgus suæ prospicit conscientiæ & famæ. *Nec temere, nec timide*. Eo non mox provolandum & ægri sanguis proterve sitiendus est, nisi necessitas urgeat, vel alia jam spem fefellerint. Moneat ægrum, seque hoc *prognostico* muniat medicus, operationem, non sine dolore, sed brevi, peragendam sanguinis viscidum stagnantis evacuatione & excretis grumulis stipari. Ab unica operatione non semper desideratus obtinetur mox eventus, nec semper & infallibiliter à pluribus; successu tamen temporis, ubi ab omni medicatione destitit æger, uti alias per hysterergiam, eum votis respondiisse observavi plus semel. Accidit aliquando, ut vitio l. operatoris, negligenter glumas instrumenti colligantis, l. rudiores sub operatione impetum exercentis, l. aristarum nimis siccarum & fragilium, spiculum remaneat in oculo, quod, ceu *spina infixa*, mox turbas daret, morbo priori subinde majores, nisi æque cito ac facile extrahi l. spongiola posset abstergi. *Glandule ciliares* illæ, *sebaceæ Meibomii* dictæ, in palpebrarum ratione per xystrum vegetabile citra damnum tanguntur ordinario, ne tamen perpendiculariter & undulatim fitas ratione transversali nimis profunda lædas & exulceres, cave; multoque magis in illa palpebrarum interna intumescencia, vasorum sanguineorum turgescencia & igneo tarforum *rubore*, quæ *Pachyten Galeni* constituunt, cum nostra ophthal-

thlamoxyfi caute mercandum erit, paulo superius in palpebris instituenda, ne textura harum glandularum pessundetur.

In carunculæ atque glandulæ lacrymalium affectibus, post allegandis, summa diligentia & suspensa manu id agendum est, ne vel prolapsæ partes ulterius sedibus suis dimotæ lacerentur, l. ductus aquosi disrumpantur, l. puncta lacrymalia exulcerentur, coalescant. *Pellucidam corneæ tunicam* si profundius laceres excoriesve imprudenter, relinquetur cicatrix l. macula albida, indelebilis præsertim apud adultos, quæ visum posthæc eo magis intercipiet, quo vel latior & profundior, vel pupillæ magis erit obversa. In casu frequentis & profundæ rasionis, vel exulceratæ simul internæ palpebrarum superficiei, posset denique bulbus oculi cum palpebris concreescere, & e levi gravior morbus, scil. *symphysis* & *prospophys* nasci. Hinc juxta *Fel. Plateri* consilium [u] frequenter movendus est oculus, l. exigui 69. lapilli, l. levia succini frustilla, l. semina homini intra palpebras, insinuantur, concretionem impredientia. His bene observatis ophthalmoxyfin feliciter semper administratam nec ullo malo symptomate vidi exceptam. Unicum mihi suppetit exemplum in puella, cui non tam operatio hæc innocentissima, quam ineptissimum licentiose viventis regimen pessime cedit. Nimirum hypopyo laborans bis jam sustinuerat hanc operationem, non sine spe felicitis successus, sed epithematibus calidis humidisque obtectum oculum adeo incaute aëri exposuit libero, frigidiusculo, ut semel e fenestra prospicientem, altera vice in culina versantem ipse deprehenderim. Hinc quid mirum, quod expansa & aucta oculi interna suppuratione globus denique crepuerit & de visu fuerit actum?

§. XVII.

Succinctam hanc operationis descriptionem excipiat affectuum, quibus convenit, in classes distributio, ut non tam omnes species, quam genera in conspectum prodeant. Istis enim tot jam referti sunt libri, neque falcem licet hic immittere in amplissimam istam messem, sed sufficit normam exhibuisse, qua omnes oculorum, aliarumque partium affectus metiri queat ben. lector, in quantum huc spectent. Laudabilem itaque, imo unicam quandoque præstat ophthalmoxyfis opem, in ocul. affectibus, quatenus.

(α) Sanguinem & lympham, quantitate, motu, orgasmo, stasi, extravasatione laborantem corrigit, in *taraxi*, *ophthalmia*, *hyposphagmate*, *chemosi*, *varicibus*, *venositate corneæ*, *contusionibus*, *gangræna*, *anthrace*, *emphysemate*, *encanthide*; *stagnatione humorum oculi*, quæ obscurum & nebulosum reddit visum; hoc intuitu sæpe perutilis & necessaria est post alias operationes ocularias, quibus supervenit pertinax subinde & periculosa inflammatio e. g. post operationem hypopyi, fistulæ lacrymalis, cataractæ, ungu-

[u] Prax. l. i. p. 280.

ungulæ sebaceæ , quæ omnes quandoque infelicissima post se trahunt symptomata , nisi occurras hac ophthalmoxysi.

(β) Vitalem laticem , advocat , allicit , vasis , quæ adstricta fuerant , referatis , in *scleriasi* f. lippitudine arida , *ophthalmia tabida* , *atrophia oculi* :

(γ) Sanguinem viscidamque lympham ab internis oculi tubulis revel- lit , evocat sicque obstructions internas , compressiones , tensiones minuit , tollit , in aliquibus *gutta serena* speciebus , *hypopyo* , f. pure retro corneam , *hypohæmate* , f. sanguine extravasato retro corneam , *empyosi* , f. pure retro iridem , *ectasi* , f. *hyperauxesi* iridis &c. Quomodo incipienti medeatur cata- ractæ , ex mente *Hipp.* & *Severini* & juxta *Hovii* nova inventa [α] hac vice paucis expedire nequeo.

(δ) Dolorem , à vasorum distensione nimia , l. liquidi acrioris collec- tione ortum aufert , vel lenit , in *ophthalmia* , in *psorosi* , f. prurigine tarso- rum & canthorum , &c.

(ϵ) Ulcerosas impuritates evertit , mundificat , consolidat , quatenus infixum sulphureo - cinum fermentum provocat , dispergit , & blandiori lymphæ , quæ partes læsas demulceat atque consolidet , viam pandit , in variis oculi exulcerationibus e. g. *argemo* , *peribrosi* , *mydesi* , *encauma- te* &c.

(ζ) Luxuriantem carnem divellendo delet , in pladarote & hyperfarcosi palpebrarum , callum incidendo , carminando emollit in *ectropio* , *miltosi* & *ptilosi* tarforum.

(η) Partibus relaxatis , debilibus tonum restituit , quatenus nimios hu- mores educit , distendentes vasa p. n. vel deficientes liquores & spiritus allicit , ut sic tubuli ad naturalem redeant diametrum & tensionem , uti in *atonia* , f. *anastomosi* ductuum excretoriorum glandulæ lacr. in *me- tosi* f. phthisi *pupillæ* , it. procidentia bulbi oculi à partu difficili , ictu , vo- mitibus.

Multiplicem hunc usum saniori , quod spero , theoriæ suffultum prudenti confirmatum iri praxi , confido , & multoties in variis oculorum affectibus mihi e voto , successisse , vere testor. Cæcis sane pluribus , in his etiam re- gionibus , quorum aliqui ne montem Pico , naso imminentem , amplius vi- dissent. Visum restitui plenissime per hanc operationem, D E O juvante.

§. XVIII.

Supereſt , ut de usu Xystri vegetabilis amplificando pauca adjiciam , si- mulque fidem meam liberem , quam olim in disp. mea inaugurali pro licen- tia (γ) expositam , amici cujusdam objectionibus impugnata vidi. Scil. ibid. mentionem feci fistulæ perinæi callosæ , variam medicationem diu ref- puen-

[α] Jac Hov. de Circul. humor. mot. in oculis Lugd. bat. 1716.

[γ] De Hernia incarcerata solerti delineatione illustrata , novaque extricata encheiresi p. 21. Tubing. 1722. d. 7. Jan.

puentis, quam vero Lutetiæ Paris. in nosocomio, a charitate dicto, feliciter consolidaverim, institutis labiorum fistulæ calloforum scarificationibus, ope xystri Woolhousiani. Hanc vero historiam impugnat, l. limitat minimum, cl. D. auctor differt. inaug. pro lic. de variis lithotomiæ generibus, Argent. 1724. habitæ p. 31. his verbis: volunt quidem nonnulli illas fistulas, sc. perinæi, scarificatorio Woolhousiano, quo in scarificatione oculorum utitur, curare, exemplaue etiam hujus rei, & quidem experientiæ propriæ proferunt: sed omnino credendum esse puto, non fuisse illas fistulas jam formatas, sed partes tantum cuticula quadam obductas, ex qua deinde callus oritur: alias enim illæ subtili hoc scarificatorio nullo modo tolli potuissent. &c. Ad hæc responsurus ego omnes rationes anxius conquirere superfedeo, quibus a priori possibilitas talis cutæ evincatur; sed historiam saltem curationis abs me gestæ, fideliter ex ephemeridibus meis exscriptam communicabo, sicque illos convincam, qui vel facti historiam vocant in dubium, vel rei feliciter gestæ, laudem sibi falso arrogare voluerunt. Nimirum:

Die 4. Aug. 1721. In nosocomio charitatis puer 10. ann. ante trimestre calculo sectus abs Dn. Gerard, (chirurgus tum primario nosocomii,) calculus totum latus sinistrum perinæi occupans, ovi gallinacei magnitudine prominuit & catheteris in vesicam introductioni obstitit. Apparatu sic dicto minore sectus æger, calculus, ovum gallinaceum magnitudine æquans, solidus, æqualis, non valde asper levi extractus fuit opera. Ab eo tempore vulnus nunquam coaluit penitus, labiis callofis induratum. Trochisci cathæretici de minio nuperrime iterum appliciti nihil effecerunt. Vulnus pallet, callosum est, urina atque mucago, *des clairs*, per vulnus & penem exeunt. Nullus dolor, nulla febris; cætera etiam bene habet, valde tamen macilentus est. Vesica bene detergatur bis per diem, decocto hordei cum melle rosato injecto. Labia vulneris fortiter scarificavi ad fundum usque, ubi insignem duri-
tiem scarificatorio Woolhousiano resistentem percepi, unde ab initio puer nullum sensit dolorem, adhuc semel post scarificationem injeci, vulnusque elui. Solum plumaceolum, decocto imbutum, vulneri imposui, compressas fasciamque leviter adstringi jussi, cruraque per aliam fasciam popliteam, la jarretiere, arcte appropinquavi. Cætera, quies, paucus potus. D. 5. Aug. vulnus optato colore rubet. Nulla interea mucago excreta. D. 6. vulneris hesternus color, mucago jam pauca, urina per vulnus & penem. Injeci aquam calcis vivæ cum parum spir. vin. mell. rosat. & gt. aliquot balsami de mecha. D. 9. & seqq. injectiones ex aqua hord. mell. rosato, parum spir. vin. & aqua calcis vivæ ab initio bis, dein semel in die fieri curavi, simplicemque plumaceolum vulneri imponi, at labia ejus, compressis e latere utroque positis, adduci. Medicus, DD. Reneaume, nitrum præscripserat, rogavi, ut addat succinum, in bolo. Scarificavi altera vice leviter. Mucaginem hæctenus ut & urinam per penem maxime reddidit. D. 18. Labia vulneris rubore florent, pars superior jam consolidata. Scarificavi fortius. D. 19. super linteo, cui incumbit, urina madido, reperimus frustula calculosa. D. 21. injectiones

cessent. Plumaceolo & vulnere illinatur mel rosat. & du melange (seu ungt. digestivi & incarnativi remixti invicem) partes fistulæ vicinæ foveantur spir. vin. calefacto. *D. 24. Aug.* parum urinæ per vulnus exstillat. Mucaginem istam rarissime, per penem quoque reddit. Labia vulneris appropinquantur duobus spleniis, ex Empl. de la croix glutinativo. *D. 6. & 7. Septembr.* ne guttula per vulnus seu fistulam promanavit, lintea non madida. Decubitus & quies adhuc per aliquot dies observentur: hinc, præmissa purgatione penitus sanatum dimisi, suadens, ut jam per aliquod tempus ab omni nimia crurum divaricatione, perinæi frictione & attritione sibi caveat studiosissime, interea modicæ deambulationes in nosocomio nihil quicquam mali intulerunt novellæ cicatrici.

Ex his itaque patet, fistulam fuisse vere & profunde callosam, cujus latera jamdudum induruerunt, ob delitescentem diu calculum in perinæo, & quæ variæ tractationi in- & externæ ultra trimestre ipsisque cathæreticis emendari & tolli respuerat. Hæc autem mea methodus facilius breviorque adhuc est illa, quam cel. *Franc. Roncallus*, med. Brixienf. [z] ingeniose invenit & evulgavit. In casibus tamen gravioribus, ad urinam e pene & non e fistula dimittendam, posset simul in usum vocari syringa ejusdem vermicularis, s. catheter flexilis judiciose emendatus.

Ad alios denique usus adhuc trahi posse xystron vegetabile, sagax facile perspiciet lector ulteriorque, rerum magistra, experientia probabit. DEO, omnis lucis fonti, & à quo paucæ etiam hæ scintillæ in me promicuerunt, sit laus atque honos in æternum!

[z] Nova meth. extirpandi carunculas & curandi fistulas urethræ. Brix. 8v. 1720.

F I N I S.

XVII.

DISSERTATIO
MEDICO-CHIRURGICA
DE
MACULIS CORNEÆ
EARUMQUE OPERATIONE
CHIRURGICA, APOTRIPSI.

Quam Præside

BURC. DAVID MAUCHART P.P.

DEFENDET

J O. W I L H E L M. B O U R Y

I H R I N G O - M A R C H I C U S.

Tubingæ die 29 Aprilis anno 1743.

THE
OFFICE OF THE
SHERIFF
OF THE COUNTY OF
SHERBURN
IN THE
MATTER OF
THE ESTATE OF
JAMES W. BROWN
DECEASED
FOR THE PURPOSE OF
THE SALE OF THE
REAL ESTATE
OF THE SAID
ESTATE

§. I.

Macula, græcis dicta *σπίλῃς*, *κηλὶς*, *ἐξάνθημα*, (a) medicis in genere significat colorem superficiei cuticulæ vel mutatum, vel alienum certe per cuticulam resplendentem, [b] majoris minorisve ambitus, uno, pluribusve in locis, sic tamen, ut vicina superficies naturalem suam fervet colorem. [c] *Rulando* atque *Johnstono* idem denotat ac cataracta, vel suffusio. Quod tamen per tropum rectius, quam in rigore medico dicitur. *Maculam*, vel maculas *corneæ* cum tantum non omnibus medicis oculariis appellamus variam hujus tunicæ oculi desciscentiam à statu naturali pelluciditatis, eamque ordinario plus minus albidam, magis minusve diffusam, cum vel sine substantiæ alia læsione e. g. erosione, exulceratione, incrassatione, turgescencia & elevatione &c.

Ὀὕλη, vulnus ad sanitatem perductum, seu nota vulneris fanati : *cicatrix*, quales scil. notabilem exhibent albedinem, in genere pro omnibus accipitur cicatricibus, unde etiam, prout habet *Actuarius*, [d] cicatrices oculorum superficiarias nonnulli *ἐλάς* tantum, hoc est cicatrices : alii *νεφέλιον*, h. e. nubeculam & albuginem tenuem appellant. Sed & *strictiore sensu* sumitur *ἐλή*, ut infra §. 6. dicitur. Galli talem corneæ maculam vocant *une tache*, Germani, *einen Flecken auf dem Aug, auf dem Stern*. *Bartisch*, [e] noster vocat *ein Fell*, significatu quidem æquivoco, competente potius pterygio, panno &c. *Ant. Maître-Jean* [f] maculam, *une tache*, lentis crystallinæ vocat, quando hæc aliqua saltem sui parte est alterata, & aliquam dumtaxat pelluciditatis suæ partem amisit.

§. II.

Quamvis autem e neotericis aliqui differentes ejusmodi maculas corneæ distinctis, pro more veterum, haud insigniant nominibus, quemadmodum

Tvesius

[a] *Εξάνθημα* Hippocratis male vertit Celsus per pustulam. Quamvis enim per homonymiam passim Hippocrati etiam denotet pustulam, sumitur tn. alibi etiam pro efflorescentia levi, quæ superficiem cutis non excedit. Quantum v. differat macula a pustula, in propatulo est.

[b] Sic æthiopis cuticula non nigricat, sed diaphana transmittit colorem nigrum, profundius in reticulo cutis malpighiano latentem. In vitiliginibus, *den Sommerflecken*, *Sommerprossen* vitium coloris fusci pariter non residet in epidermide. Hinc irritato

conatu nonnemo illis imposuit empl. vesicat, sperans fore, ut cuticula sic detracta, nitidior ac purior posthac resplendescat nova succretura. Sed spem fefellit eventus.

[c] Hinc ineptus foret, qui universalem ictericor. flavedinem inter maculas numeraret.

[d] Actuarii, Zacchariæ filii, medicus f. meth. med. L. II. c. 7. de oculor. vitiis.

[e] *Georg Bartisch Augendienst in 4. Sulzb. A. 1686. p. 215.*

[f] *Ant. Maître-Jean. Maladies de l'œil p. 116.*

Yvesius [g] inter corneæ maculas nonnisi albuginis receptum nomen affert, & *Taylor* [h] meras descriptiones, absque titulis s. nominibus specificis, variarum ejusmodi macularum atque cicatricum corneæ sistit; nos tamen & hic veterum premere vestigia, & receptos servare terminos technicos malumus, vel sola ex hac ratione, quod distinctas tales maculas consultius sit propriis vocibus exprimere ac distinguere, quam longa verborum ambage singulas toties describere, quoties facienda est earum mentio. [i]

Igitur omnium primo, tantoque magis, incumbere nobis videtur recensio & illustratio terminorum, antiquissimis medicis familiarium, nostraque adhuc civitate medica donatorum, quanto magis & hi ipsi subsunt æquivocationibus.

§. III.

Ἀχλὺς, ὕψος, ἡ, caligo, nebulosa quædam est obscuritas in genere. Aëris perturbationem nominari dicit *Galenus* [k] cujus crassamentum sit medium inter nubem & nebulam, nebula spissius, nube vero tenuius. *Visum* vero *nebulosum*, caliginosum *distinguiamus ἀπὸ τῆς ἀχλὺς*, inter corneæ vitia acceptæ, ut genus à specie, ut effectum à causa. Ille à pluribus diversis oriri potest causis, hæc est specifica corneæ labes nebulosa. Quamvis ergo passim Hipp. & Galen. τὴν ἀχλὺν & τὸ ἀχλυσώδες in genere sumpserint mox pro aere crasso turbido, mox pro visu nebuloso, obtenebrato, pro humoris, qui circa pupillam est, conturbatione; elucet tamen e *Prorrheth Hippocratis*, [l] ubi dicit: caligines & nubeculæ & subalbicantes cicatrices, ægides dictæ (ἀχλῦες καὶ νεφέλαι, καὶ αἰγίδες) exteruntur ac evanescunt, nisi eo in loco vulnus aliquod subortum sit, aut illic antea cicatricem aut pterygium esse contigerit: quod eam pro macula etiam corneæ accipiat.

Authori *Isagoges* antiquissimo [m] sive *Galenus* sit, sive alius, ἀχλὺς dicitur tenuissima cicatrix aeri caliginoso similis, ex ulcere superficiali enata, totum oculi nigrum (i. e. corneam nigricanti pupillæ obtensam) occupans. *Ætio* (n) caligo, ἀχλὺς, est superficialis exulceratio in oculi nigro

[g] St. Yves nouveau traité des maladies des yeux. Paris ann. 1722. p. 222. 229. 235.

[h] Jean Taylor Mécanisme du globe de l'œil. 8. Paris 1738. p. 281. sqq.

[i] Hominem dum vocamus, uno verbo exprimimus animal sensu & ratione præditum. Melonem nominando ejusque species, non totam descriptionem afferimus, sed nomen hoc genericum, & pro discriminandis speciebus, pauca adicimus prædicata, quæ notas characteristicas specificas exprimant. Musculorum e. g. scapulæ, notionibus à figura, situ, usu petitis, uno nomine singulos denotamus, non plenis descriptionibus. Atque sic per infinita alia exempla.

[k] Cl. Galenus Comment. 2. in Prorrheth. Hip.

[l] Hippocrates Prorrheth. s. prædict. l. II. p. m. 102. edit. in fol. Francof. 1621.

[m] Isagoges s. Medici author c. 15. de oculor. vitis.

[n] Aëtius Tetrabibl. II. l. 3. c. 25.

gro enata, aëri caliginoso affimilis, colore cœruleo, nigri magnam partem occupans. Cum autem super pupilla, (ἐπὶ τῆς κόρης) ægri non facile vident. *Paulus Ægineta* (o) obiter & generaliter de cicatricibus oculi tractat: cicatrices, inquit, quæ in superficie oculi innascuntur, à quibusdam generali nomine cicatrices, à nonnullis vero nebulæ: quæ altius delitescunt, leucomata, i. e. albugines dicuntur. Et paulo post: leviores vero maculas anemones fuccus exterit. &c. *Actuarius* [p] distinctius effatur: cicatrices autem oculorum superficialias, nonnulli γλαῦς tantum h. e. cicatrices, alii νεφέλιον, (h. e. nubeculam & albuginem tenuem) appellant: si altius descenderint λευκώματα, (i. e. albugines crassas) nuncupant.

Quamvis autem haud negemus e recentioribus *Guillelmum*, *Antonium*, *Comardum*, &c. collocare ἀχλὺν & νεφέλιον inter ulcera corneæ, ducem secutos Ætium, quod in ejusmodi superficialibus corneæ ulcusculis aliquando quasi fumus, aut nebula, ex albo cœrulescens diffundatur. Verum cum multo sæpius superficiales hæ exulcerationes pelluciditatem corneæ non turbent, & si turbaverint, maxime nihilominus discrepent à corneæ fumosa, nebulosa obfuscatione, superficie ejus non erosa, qualis est in statu ulceroso, sed æquali, integra, per modum lævigatæ cicatricis manente; profecto, nisi ad cicatrices retulissent antiqui medici hæce maculas nebulosas atque nubeculosas, & frustra & periculose desudassent in medicamentis detergentibus, acrioribus, cathæreticis, imo asperioribus adhibendis, quæ statum ulcerosum non potuissent non gravius exasperare.

Unde ἀχλὺς & nobis definitur sic: *Macula corneæ superficialis tenuissimā, instar aëris fumosi vel nebularum, albocœrulescens, radios luminis non perfecte transmittens: vel diffusior maximamque corneæ superficiem, vel hic ibi aliquod saltem spatium, ut plerumque fit, occupans.*

§. I V.

Νεφέλη, ης, ἡ, nubem, aliquando etiam nebulam significat, νεφέλιον, γ, το, nubeculam. De tunica oculi cornea Hipp. Galenus, Aëtius, Ægineta &c. prædicant νεφέλην, s. ejus diminutivum, νεφέλιον, tanquam cicatricem, (sive, ut Aëtius cum affeclis statuit, ulcus,) superficialiam, albugine longe minorem & albam, caligine, ἀχλὺς, profundiore & minorem, colore vero candidiorem. Ομίχλη, ης, ἡ, nebula, nonnullis etiam audit. Nephelia quoque dicuntur, quæ in unguium superficie nubecularum speciem repræsentant. Hæ ipsæ, quas nostra vernacula flosculos unguium appellant, maculæ unguium albidæ, plurimum merentur comparari cum nostris corneæ nepheliis. Levem atque superficiale corneæ exulcerationem, sive hujus convexam, sive concavam superficiem occupet, & quæ aliquando etiam

[o] Paul. Æginet. Encheir. l. III. cap. de cicatric. & leucomat.

[p] Actuarius de meth. med. l. II. c. 7. de oculor. vitiis.

etiam colore griseo-albido, tenui notatur, nuper [q] vocavimus ἐλκύνδιον, aut ἐλκύνδριον. Nos itaque per *nephelium*, sive nubeculam, intelligimus eam corneæ maculam, s. cicatricem, albam, exilem, non profundam, quæ aliquam hujus regionem in superficie, ut plurimum externa, occupat. Talis uti majoris est albedinis & densitatis ac ἀχλὺς (§. 3.) ita transitum radiorum quoque magis impedit.

§. V.

Αἰλὶς, ἰδίον, ἡ, deriv. vel ab αἰξ, αἰγὸς, ὁ καὶ ἡ, caper, capra, vel ab αἰσσω, cum impetu feror, irruo, ingruo. Significat communiter pellem caprinam: munimentum pectoris: scutum: rete contextum ἐκ τεμμάτων: procellam: it. quidpiam quod meditullio pini arboris innascitur. Quid vero hæc vox in sensu medico & Hippocratico importet? variæ sunt opiniones. Hippocrates bis mentionem facit αἰλίδιον, semel in Prorrh. s. Prædictionibus, iterumque in coacis prænot. [r] Ibi videtur referre inter subalbicantes corneæ cicatrices, in classe caliginis & nebulae: (§. 2. 3.) hic vero λεπίην, alii legunt λευκήν, αἰγίδα fumere Hippocrates, prout Foësius suspicatur in commentario, pro quodam *albescente humore* concreto, *concremento* quoddam *excrementitio* e vapore crasso, nubeculam quamdam aut caliginem referente, quod oculorum aciei prætenditur, eamque velut offuso quodam crassamento obscurat. Galenus αἰγίδα explicat [s] per ἀγλίην, & in Hipp. Prorrheticis significare subalbicantem cicatricem, & in Coac. Prænot. *exalbescences concretiones* putat. Sed merito vapulat Foësius, cum in Hippocrate, citatis locis nullibi ἀγλίης vocabulum extet. Galli τὴν αἰγίδα vocant l'Aigle, s. Aige, procul dubio per illam synonymiam seducti Gallenicam; ab ordinaria enim gallica significatione, de l'aigle, aquilæ, toto abludit cœlo.

Maître-Jean αἰγίδα, l'aigle, describit: quod sit *macula subalbida in albo oculi*, inducta ab humore pituitoso & gypseo, qui successive congeratur inter pelliculas conjunctivæ ac corneæ: atque hunc ipsum humorem, si magis induretur, & quasi callum formet, affectum producere, qui πώριον, callus, vel πώροσις, obduratio, vocetur, cæterum vero αἰγίδα & λεύκωμα, de quibus loquitur, species esse parvorum atheromatum asserit. [t] Plurima horum e Guillemæo videtur hausisse Maître-Jean. Cur ille vero, it. Bruno in Lexic. Med. αἰγίαι, αἰγιάς, non αἰγίς, quod tamen unicum nomen est, quo Hippocrates utitur, scribendum putent, non perspicimus?

Quicquid denique horum sit, magni non putamus interesse, sive dicamus

[q] Præsid. disp. de ulcerib. corneæ. §. 4. p. 6.

[r] Hippocr. Prorrh. p. m. 102. ad finem, & Coac. Prænot. S. II. §. 218. p. m. 153. edit. scil. in not. nostra lit. m.

[s] Galen. in Exeges. vocum Hippocrat.

[t] Maître-Jean Trait. des malad. de l'œil p. 462. An recte ita sentiat? transeat.

mus Hippocratem αἰγίδας tanquam synonymum, vel parum differentem affectum ἀπὸ τῆς ἀχλὺς καὶ ιεφέλης attulisse, atque sic entia præter necessitatem à posteris male multiplicari: seu intellexisse talem corneæ maculam, ipsi etiam conjunctivæ communem, quæ ab humore crassiore, albicante, inter lamellas harum tunicarum stagnante, atque instar procellæ irruente, vi etymologiæ, proficiscatur. Nobis, si quidem distinctam mereatur definitionem, αἰγὶς dicitur *talis corneæ vel macula, vel cicatrix, subalbicans, crassior caligine & nubecula, quæ fit vel ab humore concreto, spissiore, albicante, non purulento, vel per modum cicatricis, à prægresso vulnere, vel ulcere.*

§. V I.

Παράλαμψις, ἡ, à παραλάμπειν, à latere splendere, vel parum fulgere. Hippocrates [u] ejus mentionem facit hanc: quod si in oculi nigro παράληψις orta sit, nigri aliquid dealbat, ita, ut si diutius perseveret & aspera & crassa, etiam vestigium aliquod postea relinquat. Quamvis autem vitium hoc scriptionis exemplaria cuncta, tum scripta, tum publicata retineant, indubitate tamen legendum, παράλαμψις, & non παράληψις, recte judicat Foësius, cum ipse Galenus in mox laudata exegesi vocum Hippocratis legerit παράλαμψις, hancque ita explicuerit: paralampsis est *in oculorum nigro splendicans cicatrix* (ἐπιλάμπουσα ἔλῃ) eo quod paulo crassior sit, quam quæ αἰγὶς dicitur. Plurimæ nationes vocant *margaritam oculi*, à relucente unionis colore albo. Galli vocant *le grand nuage*, magnam obnubilationem. Obsidet ordinario medium corneæ, è directo pupillæ, durior est, crassior, asperior, tumidior seu elatior atque major ægide. Woolhousius eam observavit aliquoties *floccum nivis referentem*. Nimirum è crasso ac viscoso humore indurato, in superficie & poris corneæ magis magisque congelto pellicula concrescit, cui induratae aliæ ex aliis supercrescunt lamellæ, instar stratorum super stratis, quæ à motu palpebrarum, superioris maxime, lævigantur, magisque constringuntur. Unde est fortassis, quod Galenus hunc affectum quoque vocaverit δέρμα, pelliculam, cutem.

Paralampsis ergo est macula corneæ resplendens, elata, crassa, durior, omnem radiis transitum præcludens, medium corneæ convexæ, aliquando maximam hujus superficiei partem externam obsidens.

§. VII.

Ὀὐλή, quæ communiter pro omni cicatrice sumitur, determinatur strictius ab Anthore Isagores, qui, cicatrix, inquit, appellatur, ubi nigro oculi (corneæ) ex alto ulcere membranæ crassities supervenit & color albidior apparet. Accidit quoque albæ membranæ dictæ, sed non perspicitur &c. Cicatriculam vocant authores latini, oblongam & angustam cicatricem è

Tom. I.

X x

vul-

[u] Hippocr. Proorrh. L. II. S. 2. p. m. 102. ad finem.

vulnere relictam, quæ visionem velut interfecat & dividit, ut loquitur Platerus in Prax. L. I. p. 228.

§. VII.

Λεύκωμα, αἰϙ, ἰδ, *Leucoma*, *Albugo* ἀπὸ ἰδ λευκῆ, ab albo dicitur. Denotat vel id ipsum quod dealbatum est, vel tabellam albo colore inductam, vel album ovi, vel in sensu medico affectum oculi, albuginem. *Author definit. medicar.* antiquiss. ille sic inter affectus oculi definit: crassa profunda que cicatrix, ulceri inducta: & *Auth. Isagoges* inquit: albugo nihil à cicatrice (scil. stricte sic dicta, §. 7.) differt, nisi quod ex vulnere major cicatrix, simul & crassior in iride nascatur, quam albuginem nominant. *Paulus Ægineta* paucissima hæc habet: [x] cicatrices quæ in superficie oculi nascuntur, à quibusdam generali nomine cicatrices, à nonnullis vero nebulæ: quæ altius delitescunt, leucomata vocantur. Ex *Actuario* pariter jam supra adduximus, (§. 3. not. q.) quod cicatrices oculorum, si profundius descenderint, leucomata nuncupentur. *Antonius Maître-Jean* [y] leucoma, s. albuginem describit, quod sit macula superficialis alba corneæ, excitata ab humore pituitoso & quasi caseoso, qui, collectus insensibiliter & insinuans se sub epidermidem, qua obtegatur cornea, visum impedit quamdiu ita subsistit. *Yvesius* [a] hæc habet: albugo est species maculæ, quæ corneæ accidit transparenti, à succo inducta subalbido, qui in hujus tunicæ substantia stagnat. Infiltratur idem sensim sensimque, ad ultimum vero copia sic augetur aliquando, ut totam operiat corneam diaphanam, ægrique nulla amplius distinguant objecta. *Taylor* [b] uti quamplurimis oculorum morbis peculiariora ac dudum recepta nomina haud impertit, ita in capite de morbis compositis s. complicatis tunicarum oculi, corneæ conjunctivæ ac albugineæ exhibet descriptionem, quæ videtur in albuginem quadrare: dum, morbus existit quidam, inquit, ubi inter pelliculas corneæ externas effunditur materia subalbida, aliquando super certa saltem parte, alias super tota corneæ substantia, cum prima specie ophthalmiæ (levioris nempe) juncta.

Woolhousius albuginem refert ad genus cicatricum, & pro ulcere habet, græcis ὑπὸ γλῶσσῃ, subnascens ulcus dicto, quod cæcum, occultum, cicatrice obtectum sit, neque tamen ulcerationis indicium exhibeat, licet fundum habeat impurum, quodque ab initio curationis l. mali non bene detersum fuerit. Sed mittimus plures aliorum definitiones, nostramque hanc subjungimus: *Leucoma*, s. *Albugo* est macula corneæ alba, lævis, spissior densiorve,

[x] Paulus Æginet. Encheirid. L. III. cap. de cicatric. & leucom.

[y] Ant. Maître-Jean des malad. de l'œil p. 464.

[a] St. Yves Malad. des yeux p. 235.

[b] Jean Taylor le mécanisme de l'œil. p. 290. §. 14.

siore, vel in ejus medio, vel tota superficie convexa, ut plurimum cum aliqua eminentia, aliquando sine hac, coloris albo-cretacei, aliquando cum levi quadam inflammatione, sæpius sine hac, radios luminis intercipient, ut nullus, vel exiguus saltem luminis sensus supersit. Nobis vero perinde videtur, respectu formalis rationis, quam in maculæ ponimus colore, crassitie, profunditate, s. illa per condensationem pellicularum corneæ, s. per modum cicatricis, s. ab humore albo, spisso, atque caseoso quasi, fuerit orta.

In *Historia Tobia* sacra plus semel mentio fit λευκωμάτων [c] quæ reddiderunt interpretes per cataractas, pelliculas p. n.^{les}, maculas, i. e. *Staaren*, *Hautlein*, *Flecken*. Servamus hoc thema philologico-ophthalmiatricum, non uni obnoxium difficultati, proximæ alii dissertationi, ne præsentis circulos turbemus, vel nimium extendamus.

§. I X.

Supereſt macularum corneæ species notabilis, senibus admodum familiaris, quæ magnum, sæpe totius peripheriæ, s. circuli corneæ externi tractum occupans, in forma circuli, s. segmenti saltem & arcus, ab ipso circulo corneæ externo (ubi scleroticæ committitur cornea & albugineæ conterminatur) incipit, atque lineæ, plus minus, latitudine versus aream & centrum corneæ se expandit, coloremque ut plurimum habet album, alias ex albo cœrulescentem, rarissime subflavum aut fuscum. Constans est hæc arcuata macula, imo crescentibus senectæ annis augetur aliquantum & dimensione in longum ac latum, & coloris obscuritate, citra tamen ullum malum, vel incommodum, & absque ullo visus præjudicio.

Miramur à tot celeberr. atque lynceis oculariis medicis, ipso etiam *Woolhousio*, prætervisam fuisse hanc maculam non minus evidentem, ac senibus frequentem. Deprehendimus in solo *Tayloris* libro [d] aliquod hujus observationis vestigium, cujus verba latine reddita sic sonant: obtingit aliquando exigua opacitas æqualis super alterutro corneæ latere in forma arcus, quæ plus minus ampla est, colorisque subflavi ac æqualis. Nisi jam multitudine notionum secundarum in ophthalmiatria obrueremur, posset novum, cum vetus non suppetat, nomen huic senili maculæ effingi, & γερόντοζον, *arcus senilis* appellari.

Non exigui hæc est observatio momenti, quatenus ejusmodi macula corneæ senilis, conjunctivæ oculi tunicæ continua, facile posset incautum fallere circa locum determinatum instituendæ punitionis vel incisionis corneæ in operatione hypopii: aut conjunctivæ, albugineæ ac scleroticæ, una

X x 2

per-

[c] *Tobia* II. 11. VI. 10. XI. 8. 15.

[d] Jean Taylor *mechanisme de l'œil* p. 284. §. 88. Il se trouve quelquefois une petite opacité égale sur un des côtés de la cornée en forme d'arc, qui est plus ou moins grande, & dont la couleur est jaunâtre & égale.

pertundendarum in operatione cataractæ vel empyesis. In priore enim, hypopii, casu, incisio nimis alta, id est remota nimis à circulo corneæ, in altero casu nimis ad circulum corneæ propinqua, imo in ipsissimo circulo corneæ, quin cornea ipsa, gravi errore posset institui, cum macula talis corneæ facile posset imponere pro ipsa conjunctiva.

§. X.

Phænomena harum corneæ macularum *antecedanea* sunt : *ætas* infantilis atque puerilis, ut ophthalmiis, hincque oriundis corneæ ulcusculis, variolis, morbillis &c. sic etiam succedaneis inde maculis corneæ magis sunt obnoxia. Senilis vero ætas specificam illam opacitatem maculosam (§. 9.) magis experitur. *Temperamentum* phlegmatico-sanguineum, ad stases lymphatico-sanguineas pronum. *Dispositio hereditaria* non plane hic excluditur, quatenus ophthalmiæ ac ulcerationes corneæ, quæ maculas & inducunt & relinquunt, plurimum ipsi debent. *Aër fervidus*, solaris, vel alius intense igneus, diu oculis admissus, ut è furnis fusoriis, inflammans, exsiccans, indurans : vel *intense frigidus* rigidusque, rodens, stringens fibras, humores inspissans, figensque : vel *acris*, stimulans, corrosivus, effluviis acerbis, corrosivis imprægnatus, ut in confectione nitri, aquæ fortis &c. *Vigilia*, lucubrationes in multam noctem. *Cibi* acres, saliti, infumati, frequentes, copiose comesti. Acerba frequensque *lachrymatio*.

Excretiones consuetæ, seu naturales, seu artificiales, suppressæ neglectæve, sanguineæ, catarrhales, purulentæ, ichorosæ. *Dentitio* gravis. *Medicamenta acria*, vitriolico-adstrictiva, vel *quæcumque peregrina*, aspera, acuta, acria oculis & corneæ applicita, illapsa, illisa, affricta. *Adustitio* per ignem actualem vel potentialem. *Achores*. *Ophthalmia*, præsertim *epiphora*. *Ulceræ corneæ* varia, nec non *phlyctænæ*. *Unguis oculi*. *Post operationem* & curam *pterygii*, *hypopii*, *staphylomatis* &, parem ob rationem, è *vulneribus* quibuscumque corneæ remanent sæpe, præsertim in adultis, cicatrices & maculæ albidæ. *Palpebræ* interius *asperæ*, duræ. *Cilia introversa*. *Pestis* subitaneas haud infrequenter etiam producit maculas adnatæ & corneæ albas, rubras, lividas, nigras, suspectissimas omnes. [e]

§. XI.

Phænomena constituentia & concomitantia. Primum phænomenon est *coloris*, qui è diaphano corneæ naturali mutatur in *albido-cærulescentem*, tenuem rarumque, ut in caligine : in *album*, saturatiorem, ut in nubecula, utrumque superficiale magis : in *resplendentem*, ut in paralampsi : in *crassiorem*, profundior, *cretaceum*, ut in leucomate : in *variegatum* è striis vasculisque capillaribus, sanguine rutilantibus, albidæ maculæ intertextis, qualia se

[e] Godefr. Bidloo in Exercit. anatomico-chir. L. 2. Exerc. 8.

se & levioribus & profundioribus ejusmodi maculis passim immiscere solent.

Alterum phænomenon est *loci*, quem macula præcise occupat in cornea. Varius hic est, *partialis*, ut plurimum ac tantum non semper in superficie convexa corneæ, ejusque vel *peripheria*, ut in arcu senili: (§. 9.) in *medio*, ut in leucomate: denique *hic ibi*, promiscue, indeterminate, uno pluribusve locis per intervalla, quemadmodum sæpe in nebula & caligine; sed & *totalis*, universæ corneæ, aut à potiori saltem, ut aliquando in caligine. nebula, albugine. Nec *corneæ superficies interna*, concava ab ejusmodi libera est obnubilationibus & cicatricibus, ab ungue, aut fistula corneæ introrsum ruptis, post exulcerationem superficialem internæ ejusdem superficiei, cujus in nuperis dissertatiunculis mentionem fecimus. [f]

Tertium phænom. est *quantitatis* discretæ ac continuæ, numeri scil. & dimensionis in longum, latum & profundum, præter jam dicta, vel una solum, vel plures discretæ sunt maculæ, variæ amplitudinis, à magnitudine seminis papaveris albi ad lenticulæ, majoremve latitudinem: *figura* & *directionis* variæ. Aliæ sunt tantum *superficiales*, epidermidem corneæ solummodo occupantes, sicut caligo: aliæ *profundiores*, altius & pluribus corneæ lamellis inhærentes, c. notabili aliquando substantiæ incrassatione, condensatione ac callositate.

Quartum phænom. est *ratione superficiei*, vel *æqualis*, lævis, (ad sensum certe talis [g] & naturaliter convexa, ut in caligine, nebula: vel *elatio- ris*, protuberantis, ut passim in paralampsi, leucomate: vel & *depressioris*, complanata, ut aliquando in cicatrice, post adustionem, aut pustulam variolosam, ulcusve profundum remanente: vel *asperioris*, scabræ, inæqualis, ut in illis occurrit corneæ maculis, quæ ulcerosam conjunctam habent erosionem & nebulosam obfuscationem. Ordinario autem macularum superficies æqualis est atque lævis.

Quintum phænom. in ipsius ægri *sensu visus*, atque *tactus* respectu doloris. Ille per modum *ἀμβλυωπίας* [h] aliquatenus impeditur & *obnubilatur* per maculas corneæ tenuiores, rariores: gravius per crassiores, profundiores, præsertim si ex opposito pupillæ obtingant, sic ut homines sibi videantur *per fumum*, *nebulam*, *nubem*, *lintheum* laxius *transpicere*, atque sic objecta vel *obscurius* & *difficilius*, vel *plane non amplius percipere visu*, sicut in leucomate. Cæterum, nisi ophthalmia, aut alius affectus oculi tensivus, inflam-

[f] In Præsid. dispp. de ungue oculi p. 9. & de ulceribus corneæ p. 12. §. 12.

[g] Hic non est quæstio de corneæ nec inæqualitatibus imperceptibilibus, quas suspicatur Mery in Hist. & act. ac. reg. scient. An. 1704. p. 19. & 356. nec de poris, qui humorem pressione plorant, de quibus Winslov. in eisd. act. & in exposit. anat.

[h] *Αμβλυωπία*, visus aliquod impedimentum, obscuritas, nomen generale, quod complectitur varias plurimasque visus imminuti causas, maxime vero etiam maculas corneæ, de quibus hic agimus. Conferantur plura de amblyopia apud Joh. Val. Scheid in egregia disp. de visu vitiato. Argent. A. 1676.

inflammatorius, internus jungatur, visus non est dolorificus, nec sensus adest ardoris, pulsationis, tensionis, aliufve incommodi. Maculas corneæ è lue pestifera, intense dolorificas, è malo autem venereo insensiles observavit Bidlous loc. jam cit. Visio depravatur ægris, quatenus pro situ & extensione maculæ in cornea, tantummodo *percipiunt objecti* cujusdam majoris *partem* vel *superiorem*, l. *inferiorem*, l. *lateralem*, l. *dimidiatam*, l. *idem dissectum* quasi. Si macula centrum occupat corneæ, melius à latere vident. Unde vel objectum lateri corneæ pellucido obvertere, vel oculum eo detorquere coguntur. Rarissimum est phænomenon, quamvis è Galeno plurimi etiam recentiorum faciant ordinarium, sed jam à Mercuriali & Senerto contradictum atque negatum, ictericorum *visio flava*, ob corneam bilioso flavoque colore tinctam, ut prætexunt. Sanguis etiam, nisi æqualiter, ac tenuiter effusus sit inter corneæ lamellas, id quod vero accidit rarissime, *visionem rubram* non pariet.

Sextum phænom. est conjunctionis atque *complicationis cum aliis oculi affectibus*, e. g. ophthalmia variarum specierum, præsertim *epiphora*, quæ cum jugi largissimoque ferventium lacrymarum sit diluvio, atque *chemosis*, quæ cum insigni est conjunctivæ intumescencia spongiosa & expansione super ipsam corneam: *Ulceribus corneæ*: *Pterygio* in corneam expanso: *Trachomate* & ficositate *palpebrarum*: *Ttrichiasi*, sive pilorum ciliarium inversione: *Ungue oculi*, f. exili corneæ abscessu: *Hypopyo*, f. pure post corneam, in prima oculi camera stagnante. &c. Aliquando etiam *corneæ exteriores lamellæ*, relaxatæ, in *rugas* quasi *plicantur*, fulcos & eminentias efficiunt.

§. XII.

Jam de *signis discretivis, pathognomonicis*, quibus tam maculæ generatim ab aliis corneæ affectibus, aliquam cum maculis similitudinem habentibus, quam ipsæ à se invicem distinguantur macularum species, agendum est. Breves erimus. Plurima enim jam prælibavimus in dispp. de ungue oculi & ulceribus corneæ. *Ulceræ, maculæ, cicatrices* corneæ, superficiem hujus externam tantum non semper occupant, cum pus in ungue oculi hæreat sub extima, imo aliquot exterioribus aliquando corneæ lamellis: maculæ etiam & cicatrices, qua tales, absque doloribus, ophthalmia, visusque dolorifica sensatione ac chronicæ sunt, diuque, quin jugiter perstant & pelluciditatem amiserunt in extima superficie; *unguis* vero molestum dolorem, visus nimiam sensibilitatem & turbationem infert, & vel brevi dissipatur, pusque suum effundit aut foras, aut intro in anteriorem oculi regionem, ibi ulcus sive fistulam corneæ, hic efficiendo hypopyum: vel denique cessante suppuratione & condensatis corneæ stratis, maculam relinquit. *Excoriationes ulcerosæ* atque varia ulcera, corneæ superficiem convexam obfidentia, manifeste sistunt insipientibus solutionem continui ac erosionem plus minus profundam, qualia nec in ungue, nec in maculis corneæ obveniunt.

niunt. Cum ergo acciderit macula corneæ, juncta cum superficiali quadam ulceratione, è modo dictis facile dijudicabitur. Qualem sive ad genus macularum, sive ulcerum tunc referas, parum interest?

A *pterygio*, tanquam membrana p. n.^{li} quæ aliquando super corneam quoque expansa albescit, distinguitur macula, in nostro sensu accepta, quod ibi manifeste corpus solidum sit, membranaceum, peregrinum, super corneæ superficiem elatum, eminens & continuatum, f. primitus ortum potius è conjunctiva, unde etiam aliquatenus mobile per bulbi motum, l. hamulo apprehensum. A *macula*, quæ à *vulnere* vel *ulcere relicta* est, per modum cicatricis, *differunt* & dignoscuntur *reliquæ maculæ*, quod ibi historice possit constare, talem prægressam esse solutionem continui, dein ejusmodi cicatrices politissimæ ac quasi lævigatæ sint, exquisitæ albedinis, majorem ibi corneæ suffundant obscuritatem, difficillimæ, quin aliquando impossibilis sint extersionis, atque constanter eidem inhæreant loco, ejusdem dimensionis tenaces, quam semel obtinuerunt.

Sed, quemadmodum in dispp. de ungue & ulceribus corneæ subsumpsimus, immo stabilivimus, dari exulcerationes in superficie concava, f. interna corneæ, ibidemque tradidimus, quomodo ab externis dignosci debeant. Ita par est, distinguere etiam ab ejusmodi *interna ulceratione relictas maculas* & *cicatriculas*, ab eis, quæ *superficiem obducunt corneæ externam*. Scil. anteriores corneæ lamellæ tunc pellucidæ manent, nitoremque servant suum, ut per ipsas transpicere liceat intimam corneæ concavam superficiem, inquinatam nebulosis albicantibusve maculis, sic tamen ut nulla jungatur molesta luminis sensatio, aut quicumque alius dolor, quales adesse possunt solentque, cum talis interna obfuscatio nondum consolidata & cicatrifata, ut ita loquamur, sed aperta adhuc est solutio continui ulcerosa. Medicum ocularium, qui oculis non minus, quam judicio lynceus sit, hic requiri, ipsa res loquitur.

Quod reliquum est ipsæ supra recensitæ (§. 3. usque ad 9. inclusive) *macularum species* à se invicem *discriminantur* phænomenis, apud singulos recensitis, propriis. Itaque cramben non recoquemus. Cur autem illud *leucoma*, quod materiam purulentam, ulcus latens, in sinu foveat, ad *macularum genus* referamus, & non ad abscessus aut unguis classem, cum tamen alibi definiverimus unguem esse exilem abscessum inter lamellas corneæ delitescens, qui figuram resegminum unguis humani, vel lunulæ ejusdem albidæ referat? Hæc est ratio, ni fallimur, sufficiens: quod primo non omne leucoma talem obtineat fundum purulentum, atque ideo non conveniat talem speciem separare ab altera, in ordine ad genus suum, quæ vel sola lamellarum corneæ condensatione & opacatione, vel impactu humore viscoso, pituitofo, non purulento constat: secundo autem hic magis respiciendum sit ad mutationem coloris diaphani corneæ in album, cretaceum, atque sic maculam, qua talem.

§. XIII.

Phænomena consequentia : *leves* ac *superficiales macule* in infantibus , pueris atque adolescentibus facile , imo sæpius sponte curantur ac evanescunt , in adultis difficilior. *Recentes* etiam in genere , *præ inveteratis* , certioris ac facilioris curæ spem faciunt. Observavit Præses in viro quinquagenario antiquam & variis adhibitis leniter septicis haud cedentem corneæ nubeculam semel atque simul ablatam & extersam fuisse à *fumo telarum sulphuratarum accensarum* , quibus aliquot dolia suffumigavit uno eodemque meridie vir iste. Periculosa vero plenum aleæ remedium fuit , casu adhibitum , quod imprudens chirurgus , loco pulveris sacchari canthi , quem præ manibus habere putans , destinaverat cicatrici corneæ in media sede natæ , visumque puellæ impediendi , applicuit : inspergendo scil. *pulverem mercurii sublimati* , tantam inflammationem concitavit , ut totus gravissime periclitaretur oculus ; illa tamen sanata inflammatione , cicatrix pene universa feliciter est deterfa , visumque recuperavit ægra , remanente levi dumtaxat macula. [i] Sed tutioris atque *felicis per blanda detergentia* mitiaque septica *curationis* apud authores & ex ipsa Præsidis oclaria praxi quamplurima suppetunt exempla.

Laterem vero lavamus oleumque ac *operam perdimus* , si antiquas , profundas , à *solutione continui prægræssa orinudas* , in *subjectis mediæ* , vel *senilis ætatis* hæc maculas atque cicatrices *aggrediamur* , id quod antiquissimi pariter ac neoterici , cordatiores & experti , uno confitentur ore , licet haud desint , qui hodiernum suas omnium macularum panaceas plusquam thraconice extollant. Minime quidem in horum classem referimus *Yvesium* , toties à nobis laudatum , virum ingenuum & expertissimum , aliqua tamen *limitatione opus habere* putamus *prognosin* , quam de leucomate reliquit : [k] quod nimirum plus importet incommodi quam periculi , nec visus abolitionem ordinario afferat , si debite methodo tempestive subjiciatur. Cum enim ille supponat malum recens , & albuginem deducat à succo subalbido , intra corneæ substantiam stagnante , prognosis ab ipso allata , hoc casu locum quidem habere potest , minime tamen in antiquo , corneæ incrustatione ac callositate , aut profunda excavatione , præsertim in personis , quæ annos incrementi longe superarunt.

Experientia docuit Præsidem , quod *ampliores macule* & ipsa leucomata , totam obtegentia corneam , per adhibita remedia in &-externa *serenari* soleant à *peripheria versus centrum* , in medio autem lente ac difficillime progredi vel absterfionis , vel discussionis negotium , imo frequenter illorum *centrum aut plane non* , aut *aliquatenus saltem* , & non sine aliqua obfuscatione relicta , *posse deteri* & in naturalem restitui pelluciditatem. *Concave* ,
i.

[i] Fel. Platerus observ. L. I. p. 107.

[k] St. Yves des malad. des yeux ch. XII. p. 107.

i. e. interiori corneæ *superficie* inhærens *macula*, leucoma, ut remotior à medicamentis injiciendis, ita pessimæ notæ & incurabilis judicatur à Bidloo loc. cit. Si nimirum profunde lamellis ab intra inhæreat & antiqua sit: non enim promiscue omnes macule in concava superficie sunt indelebiles. Macule rubræ, lividæ, albæ in cornea & conjunctiva peste afflictis ut plurimum sunt mortis prænuntia, observante mox laudato Bidloo.

§. XIV.

Pathologia. Macule tales, corneam obsidentes, visumque mox imminuentes, mox abolentes, mox depravantes ad quod rerum p. n. lium genus, morbum scil. causam morbificam, aut symptoma referendæ sint, in diversum abeunt authores. [1] Paucis nos expediemus. Quamvis color mutatus extra dubium sit symptoma qualitatis mutatæ, atque in aliis partibus, quarum actio hinc non læditur, intra symptomatis cancellos subsistat; hic tamen cum ea sit corneæ dispositio læsa, respectu opacationis, aut peregrinæ tincturæ e. g. flavæ, rubræ, albæ, quæ visus actionem lædit, ut scil. visibilia l. imperfecte, l. plane non, l. alieno colore imbuta, l. alias depravate videantur, atque sic morbi definitio galenica illa, dudum recepta: morbus est dispositio partis p. n. à qua læditur actio, [m] competat hisce maculis corneæ; itaque ad *morborum classem*, & *conformationis* quidem, indubie pertinere illas judicat Sennertus loc. cit.

Quid si vero macula corneam obsideat in tali loco, qui radiorum transitum ad pupillam, atque sic axem opticum non impediat, e. g. si fuerit in peripheria, an nihilominus ad morbum, & non ad merum qualitatis in colore mutato symptoma referetur? Ita videbitur illis, qui tamen hinc corneæ functionem, transmittendi libere radios læsam causabuntur. Sed transeat hæc ἀκριβολογία ne deficiat in λεπτολογίαν. Paucis, res ad *conformationem læsam* redit, vel in obstructione pororum & vasculorum corneæ lymphaticorum, vel ad ejusdem lamellarum coalitum p. n. lem.

§. XV.

Subjectum morbi est tunica illa oculi anterior diaphana, cornea ob ipsam cornu pelluciditatem magis, quam substantiam dicta. Haud incongrue jam illa sub incudem vocari posset anatomicam. Sed alibi id agemus proxime. Summis tamen digitis potiora minimum sunt tangenda, quæ præsens thema respiciunt. Cornea non habet exquisitè circulare convexitatem, sed trans-

Tom. I.

Y y

versim

[1] Varias sententias collegit & refutavit Dan. Sennertus Instit. LII. p. 1. c. 6. p. 168. ff.

[m] Neque abludit plerorumque recentiorum morbi definitio e. g. Boerhavi Instit. §. 696. status corporis viventis tollens facultatem exercendæ actionis cujuscumque vocatur morbus.

versim ellipticam, & in peripheria nonnihil complanatam, quamvis superficiem internam vere circularem servet. Centrum ejus est eccentricum in ordine ad centrum pupillæ. In superficie externa obducitur tenuissima epidermide è conjunctiva. Constat pluribus lamellis, arcte unitis. Crassitiem habet $\frac{2}{12}$ aut $\frac{3}{12}$ unius lineæ. Pellucida est. Nullis sanguineis, sed meram vehentibus lympham instructa vasis. Unde simili humore imbuta manifeste deprehenditur, quem copiosissimis poris evidenter pressione eructat. (n)

Subiectum causæ eadem sæpissime constituit cornea, extra hanc tamen quoque passim obvenit: e. g. in superficie palpebrarum interna aspera, flosa, ciliis, introrsum versis.

§. X V I.

Causa proxima est vel humor lymphaticus crassior, impurus, stagnans, poros corneæ obstruens, radiis transitum præcludens: vel, in aliis casibus, maxime cicatricum ab ulceribus atque vulneribus profectarum, condensatio, concretio, coalescentia lamellarum corneæ p. n. strictior arctiorque, unde pori lumen transmittere soliti oblitterantur, comprimuntur, atque sic radii permeare nequeunt vel in totum, vel in tantum. *Causas remotiores* ex ordine recensuimus in phænom. antecedaneis.

Unde ergo, quemadmodum pro minore vel majori gradu obstructionis atque condensationis objecta vel obscure & confuse, quasi per fuliginem nebulamve, vel plane non amplius videntur, imo in profundiore, crassiore, totali obstructione & condensatione ne luminis quidem perceptio remanet; Ita pro ratione loci, quem partialis obfuscatio tenet in cornea, quo magis ille respondet centro pupillæ, ejusque diametrum emetitur, quin superat, eo magis patitur atque periclitatur visio, quoniam eo loci circa axem incidentiæ radii reflectuntur, reperiuntur à cornea in aërem, qui intro penetrare deberent.

Depravatur autem quoque visus necessario, cum macula, l. cicatrix corneæ obnubilat in aliqua saltem parte, quæ impedit, quo minus omnes ex objecto quodam majores incidentes radii per corneam trajiciant, sique pro situ maculæ, in aliis pars objecti media, in aliis superior, in aliis inferior, in aliis lateralis videri nequeat, in aliis vero vel in transversum, l. perpendiculariter quasi dissectum appareat objectum; quicumque enim ex objecto in quamcumque obscuriorem maculam corneæ incidunt radii, per hanc transire nequeunt, sicque illa objecti pars nullos ad fundum oculi transmittens radios videri non potest. Quid censendum sit de illo *Woolhoufsii* asserto: quod nempe visio unius objecti duplex sit eo oculo, cujus cornea per exilem longamque cicatricem, è vulnere relictam, in duas partes divisa, vel distincta potius

[n] Videantur Sal. Reifelius in E. N. C. Dec. 2. an. 10. obs. 97. de cornea multiplice. Mery, Winslow, Petit medicus in act. acad. reg. scient. gallic. passim. it. disp. præsid. de ungue oculi p. 9. sqq.

potius est? dispiciemus in disputatione anatomico-physiologica de cornea, proxime edenda. Si *cornea peregrino colore sit imbuta*, e. g. rubro, flavo, sic tamen, ut pelluciditatem non amiserit, non possunt non species visibiles, per medium hoc coloratum trajicientes eodem tingi colore, quemadmodum fanis accidit per colorata intuentibus vitra.

Sensus doloris tum demum conjungitur, cum *vel* vascula corneæ, naturaliter nonnisi limpidissimam atque tenuissimam vehentia lympham, à sanguine arterioso irruente violenter distenduntur, sensumque ardoris invehunt: *vel* cum ipsis maculis aliqua concurrit solutio continui, aut stimulus ab acri fanie, aut aliunde: *vel* ipsæ interiores oculi tunicæ aliqua tenduntur ita inflammatoria. Quo vero magis *ocalluit cicatrix*, ipsaque induruit cornea, eo *minor* est *sensus* uti *luminis*, ita *doloris*. Si quæ *membranula*, squamulæ, furfures crustæque à maculosa *secedant* cornea, præsertim in paralampsi & leucomate, dispiciendum est, an ipsæ lamellæ naturales corneæ per modum exfoliationis separentur, an vero crustosi concrementi p. n. cortices desquamantur, quales è glutinoso crassoque humore, è poris corneæ exsudante, ceu strata super strata congeruntur, sicut in favo, achoribus, ac aliis accidit crustosis ulceribus.

§. XVII

Therapia indicationes has commendat potiores quatuor *curativas*: (1) humorum affluxum ab oculo revellere. (2) Stases in cornea discutere, resolvere. (3) Impuritates, concrementa, indurationes abstergere, mundificare. (4) Restitutam pelluciditatem conservare, tonum oculi roborare. (5) Palliativam: attenuare, imminuere aliquantum maculam, incrementum inhibere, rupturam corneæ, humorum effusionem, uveæ prolapsum & corneæ nimiam atque deformem protuberantiam impedire. *Indicata & materiam indicatorum* è suis hauriemus fontibus. Quæ singulis hisce respondeant indicationibus remedia, facile patebit.

Fons chir. suggerit *primo* artificiales sanguinis ventilationes, revulsorias atque derivatorias, per *venæsect.* pedis, brachii, colli, venæ angularis: *cucurbitulas scarificatas* in humeris, dorso, nucha: *ophthalmoxysin*, s. rasionem, scarificationem tunicæ palpebrarum conjunctivæ, mediante xyistro vegetabili ophthalmico: [o] *vesicatoria* in humeris, nucha, post auriculas: *Fonticulos*, in brachio, femore: *setacea*, lobis auricularum trajecta, it. in nucha positum. Suarum rerum satagens ophthalmiater varia hæc remedia facile accommodabit personæ, loco, tempori, ætati, &c. In *casibus plethoræ, vitiisque motus sanguinis*, venæsectionem, cucurbitulas, hirudines, blepharoxysin potius adhibiturus: in *vitiis feri*, acris, pituitosi, potius inhæsurus vesicatoriis, fonticulis, setaceis: quin & utriusque generis remedia prudenter subordinaturus atque conjuncturus.

Y y 2

§.

[o] Præsid. disp. de ophthalmoxysi p. 18. Is hanc felici successu pluries adhibuit contra nubeculas corneæ, cum ophthalmia junctas.

Secundo autem suppetunt *operationes chirurgicae*, quæ locum affectum proprius tangunt. Nempe si *vas sanguineum* unum, vel *plura*, *turgida*, aliquando & varicosa, è conjunctiva in maculam corneæ exporrecta, huic nutrimento quasi sint, illam instituimus *ophthalmophlebotomiam*, de qua olim prolixius egit *præses*, [p] & quæ paucis sic *absolvitur*: vasculum tale sanguineum, super cornea eminens, si fuerit satis prominulum, apice lanceolæ secatur provide, s. in longum, s. in transversum: si minus turgeat elevatur ope acus curvæ, latiusculæ, non scindentis, tumque dissecatur forfice, vel lanceola: aut acus curva, anceps vasculo sanguineo subducitur, attractaque acu discinditur. Sanguinis fluxus, inde procuratus, sibi relinquitur, donec sponte cesset, grumuli vero linteolis, aut spongiola molli detrita, infuso hyssopi, florum hyperici, similiumve tepido imbutis absterguntur.

*Alter*a, eaque à vetustissimis medicis jam decantata *operatio* est, ἀπότρεψις corneæ, attritio, abrasio ejusd. macularum. Αβλήσις nomen frequentius fuisse veteribus, τρεψις autem recentioribus, sui scil. ævi, scribit *Galenus*, totumque frictionum genus denotare tradit. [q] Idem quoque videtur singularem leucoma perfricandi methodum, variaque in hunc scopum media, aliquibus oculariis medicis solemnia, ideoque oculariam apotripsin innuisse, cum aliquos referat cute (aspera) nonnullorum piscium marinorum, alios sylvestris ficus foliis, aut pumice, aut herbis, aut sepia, ad leucoma attenuandum uti. [r] Eandem viam calcant subsequi *Paulus Ægineta*, *Actuarius* &c. Allegavit præses in disp. de ophthalmoxysi plura tam naturalia, quam artificialia ad ejusmodi τρεψιν, maxime vero callosarum palpebrarum, facientia. Horum è censu huc quadrat, quod p. 10. disp. allegatæ, tanquam prima *blepharoxysti*, instrumenti, species describitur, formam obtinens exigui cochlearis è chalybe, cujus superficies convexa pluribus undique acutis eminentiis, instar limæ, exasperata est, concava vero lævis. *Constantinus Afrus*, s. *Africanus* laudatur abs *Woolhousio*, tanquam primus, ipsi notus, qui rationem & attritionem corneæ suscepit scalpro, quod vocaverit, ophthalmico. [s]

Inter recentiores manifestum perfricandæ corneæ specimen sistit *Bidloo*. [t] Verba ejus ita sonant: si adulta & longo tempore refractaria macula (loquitur

[p] Præsid. disp. de ophthalmoxysi. p. 17. sq.

[q] Galen l. II. Salubrium.

[r] -- de simpl. med. fac l. XI. p. m. 81. de sepia: porro hoc nomine, quod mediocrem obtinet asperitatem, adhibemus eam & ad ingentes oculor. asperitates, quas sycofes appellare consuevimus. Nam exsculpendes ex ea quiddam ipsa figura simile collyrio, eo illas confricamus, donec sanguinem reddere incipiant: quo facto collyria cathartica, s. deradentia, præstantius effectum suum in illas exferunt.

[s] Constantini hujus Africani, Monachi, Cassinensis, Sec. XI. celebris, opera medica in folio edita Basil. apud Henric. Petrum an. 1536. & 1539. sedulo evolvimus, nulum vero vestigium nec frictionis hujus, nec instrumenti potuimus invenire.

[t] Godefr. Bidloo Exercit. anatomico-chirurg. l. II. Exerc. 8. p. 196.

quitur vero de maculis cornæ) deterfioni leni vitrioli cyprii, in aqua rofarum soluti refistat, opus est fortiore medicamento : verum ego stylo, ex ejusmodi generis vitriolo, utor ; tum quia maculam, usquedum sanguinem emittat, vellicandam *fricandamque* sustineo, tum quia tutius hac methodo parti affectæ, intactis vicinis, injici potest medicamentum. Præterimus brevitatæ studio alios authores.

§. XIX.

In tali ergo macula cornæ, quæ superficiem habet prominentem, crustosam è squamis quasi superincumbentibus, aut alias etiam crassiore, duriore, sicut in ægide, paralampsi, leucomate licebit duro nodo durum opponere cuneum. Ne vero partes sanæ lædantur, opus est palpebras fervare deductas bulbumque stabilire per applicitum, ita dictum, *speculum oculi*, atque diligenter cavere, ne & partes sanæ attingantur xyistro, & ut affectæ fricentur suspenfa manu. Nihil autem putamus obstare, quo minus ipsum *vegetabile xystrum*, scopula nimir. illa scite è glumis fecalinis efficta hic quoque locum inveniat, ejusque naturalibus uncinulis discerpi & abradi possit, eminens maxime, crustosa callosaque superficies maculæ. Sed, quocumque instituatur hæc apotripsis modo, pluries, pro necessitate, repetenda, *cornea dehinc* confestim *fotu* tepido, è fl: sambuc. chamom. melil. &c. in lacte coctis est aliquandiu *demulcenda*, postea *sequentis unguenti* aliquot guttulæ illinantur mediante penicillo tenui, aut instillantur, R. Ol: ovor. Ung: de tut. ana ʒiʒ. Partis fungosæ ossis sepiæ, subtilissime pulverifat. gr. xij. pollinis rad: ir: flor. gr. vj. M. Palpebris superponatur *cataplasma calidum* è medulla pomi assati, pulveris croci ʒʒ. & camphoræ gr. ij. *Præmitti* partim, partim *conjugi* debere *alia in* ☿ *externa*, affluxum cohibentia, discussionem præstantia, vel davus subolfaciet.

Denique *tertio: compungi*, foraminulis perterebrari posse, mediante instrumento, *catanyptum* vocato, vel acu incurva ancipite, *maculam* crassiorem, *leucoma*: humorem lentum, si quis inest elici: lamellam cornæ extimam separari, exfoliari posse, non dubitamus, sicut in disp. de ungue oculi prolixius §. 12. p. 16. docuit *Præses*, eandemque methodum ibidem contra unguem oculi proposuit. Plura igitur vid. ibid.

§. XX.

Fons pharmaceut. sistit primo *externa & topicâ* remedia. *Levioribus maculis* apprime conveniunt *lambitiones*, deterfiones lingua factæ hominis sani, quæ salivam, vi præditam abstergente, illinant non modo maculis, sed & blandissimo lambitionis motu & affrictione papillarum linguæ pyramidalium, asperularum, deterfionis ac attritionis efficaciam exerceant. Quid canes, lambendo vulnera atque ulcera, præstent, notum est. Quantam præstiterint activitatem in ipso leucomate feliciter deleta biennis puellæ judaicæ, ab ipsa

matre diligenter exercitæ lambitiones, docet obs. *Bidloi*, paulo ante allegata (not. tt.) Efficaciores fortassis & ideo fuerint illæ propter allium frequenter comestum, quo mirifice hæc gens delectatur, & salivam acrioribus illius particulis imprægnatam. *Cautelas in lambendo* has impr. commendat *Bidlous* ibid. p. 195. ut lingua sit ab omni impuritate munda, fragrantis alicujus feminis masticati viribus imbuta, pulvere sacchari canthi, solutione vitrioli mitigati, aut simplicis solutione conspersa, & lambitio dirigatur ab exortu maculæ, quo loco crassior existat, versus finem, non viceversa.

Ita pariter solent felici sæpius eventu suaderi *adhalationes*, oris, post fœniculum, caryophyllos, cubebas & similia masticata, quas vel ipse æger, vel alius homo sanus frequenter dirigit ad corneam affectam. Nec dispar est ratio variorum *vaporum* ac *fumorum* medicatorum, è resolventibus, aromaticis, acriusculis, deterisivis, ad oculum patentem sæpe diuque admissorum. Supra recensuimus, (§. 11.) quam feliciter, casu, deleverit *fumus sulphuris* maculam corneæ antiquam in viro. In illis corneæ maculis, quæ conjunctam habent ejusdem nimiam humiditatem, relaxationem & hinc pendentem rugositatem magni facit *Woolhousius suffumigium* ex aloë, myrrha, mastiche, baccis juniperi, harum alterutra prunis ardentibus injecta, fumoque hinc oculis noctu ante cubitum sic excepto, ut, in distantia unius pedis ab acerra, volis manuum potius, circa oculum expansis, quam mediante infundibulo, quod nimia vi & copia fumum impingeret, ad corneas affectas dirigatur. *Statim ab excepto* sic oculis *fumo* penicillum subtilissimum jubet sequenti intingere *unguento*: ℞. Ung: de tut. ʒj. pulveris gum: arab. ʒß. eoque omnes imbuere partes corneæ collapsas & rugosas ægri, jacentis supini & capite reclinato. Lachrymabundi ad singulos penicilli attactus oculi humidum destillare permittitur, capite versus angulum oculi externum inclinato, ipsaque illinitione aliquoties repetita palpebræ clauduntur, somnoque relinquitur æger. Insequenti *mane* aliquot *hormini grana* palpebris subdita per bihorium detinentur. Hac methodo facile omnes *rugas* & *subfidentiam corneæ* tolli prætendit *Woolhousius*, è contrario autem collyria adstringentia, vitriolica, sub prætextu roborandi, oculo instillata malum reddere pejus, rugas constringere & in ampullas elevare.

§. XXI.

Fotus, *vapores* è Hb: hyssop. Chæref. Chelid: maj. Serpil. Origan. Rorismar. Baccis junip. Baccis caffèæ tostis, Rad: valer. Sem: fœnic. Mastiche, Camphora in aq: font. aut aq: calcis vivæ, aut vino coctis, ad corneam affectam exhalantes, resolvendo, roborando suam addunt symbolam. Tantundem fere est, si mediante lavacro ophthalmico *cornea* cum toto bulbi anteriore hemisphærio tepide *balneetur*.

Sed rarioris hæc sunt usus, tanto autem frequentioris è similibus parata *epithemata*, *sacculi*, *cataplasmata*, palpebris calide ac diligenter applicita; &
cata-

cataplasmata quidem quod spectat, è resolventibus maxime parata, summis *digna laudibus* extollimus, ab ipsa edocti experientia. Nobis usuale est è pulpa pomi aciduli, sub cineribus assati, & cum pulveris croci $\mathfrak{z}\beta$ -rad: ir: flor. gr. v. camphoræ gr. ij. vel iij. remixti calidum per aliquot horas impositum palpebris, pluresque dies continuatum. *Platerus* [u] duos recenset casus albuginis, inveteratæ & cum ophthalmia conjunctæ, in totum tamen, & alterius quidem intra quinquendum, dissipatæ usu potissimum cataplasmatidis è pulpæ pomorum incisæ & repurgatæ \mathfrak{lb} . \mathfrak{j} . in aq: ros. & fœnic. cocta ad consistentiam pultis, additis dehinc mucilaginis sem: fœnugræci \mathfrak{z} ij. album: ovor. nr̄o. ij. lap: hæmat. exacte triti $\mathfrak{z}\beta$. vel \mathfrak{z} j. Cort: granat: subt: pulv. \mathfrak{z} j. vel \mathfrak{z} ij. cremoris lactis, vel ol: rosac. parum. Respondent hæc topica *primariæ* hujus curationis *cautelæ*: lente festinandum, naturam non trahendam obtorto collo, non acribus statim nec continuo stimulandam esse calcariis.

§. XII.

Ad *collyria* sicca & humida, *mitioribus* abstergendi *viribus prædita*, & loco affecto applicanda referimus: pollinem subtilissimum atque siccissimum è saccharo canar. vel cantho albo, rasura lap: lyncis, testa ovi calcinata, substantia fungosa ossis sepiæ, rad: ir: flor. Crocus agaricus albiss. sal ammoniac. ludus, s. tartarus matular. (quem aliqui summis efferunt laudibus) Θ : vol: urinos. camphora, in polline inspersa, majorem aliquanto præstant morficationem. Tales vero *pulveres* mediante calamo corvino, vel duobus, tribus intra se susceptis, aliove angusto tubulo *corneæ insufflantur* placide, vel tenui specillo aut cochleare ingeruntur, vel aquis, balsamis, unguentis mixta instillantur. E liquidis huc spectant mel virgineum, *infusio* anisi, fœniculi in spiritu vini, hujusque infusionis subseptuplum cum aquis euphrasiæ, fœniculi & plantag. mixtum, qualem *Tvesius* commendat.

Majore *vi* ac *acriore*, absterforia & stimulanter, *agunt* aloe, fella variorum animalium, e. g. lucii piscis, vulturis, tauri, axungia viperarum, succus chelidonii majoris, fœniculi, anagallidis, centaurii minoris, crocus metallor. æs ustum, viride æris, vitriolum cyprium, album, alumen ustum, balsam: peruv. ol: è linteis combustis, ol: buxi, ligni sancti. *Illumuntur* talia *penicillo* tenuissimo: cum melle mixta id commodi habent, ut præter vim mellis absterforiam & discufforiam, minus super toto diffundantur oculo. Nimia horum *acrimonia temperatur* mucilagine admixta feminis cydoniorum, psyllii &c. Omnia tamen *vitriolica* cane & angue pejus *vitanda* recte monent *Woolhousius* ac *Tvesius*. *Acriora* hæc *satius in forma unguenti*, mediante penicillo, quam fluidioris aquæ adhibentur, ob metum nimix promptæque diffusionis, ac, cum nihilominus satis moleste ac dolorifice totum afficiant oculum, debent non modo *parcius* atque *rarius applicari*, sed & inter applicandum opera dari, ut palpebræ aliquandiu hiantes distent, bulbus immobilis quasi

[u] Platerus in obs. l. I, p. 106. sq.

quasi quiescat, & semihorio *post oculus* tepide *abluatur* aqua temperata quadam ophthalmica, e. g. aq: destil. rosar. plantag. sperm: ranar. albuminum ovor. aut infuso fl: melilot. sambuc. rad: alth. sem: psyllii &c. atque *dehinc cataplasma pomatum*, supra commendatum (§. 20.) palpebris imponatur, & interdiu palpebræ aliquoties laventur foveanturque infuso herb: rorismar. & hyssopi calido.

§. XXIII.

Qui *septica corrosiva* corneæ applicant, oleum infundunt igni, & *in lernam malorum præcipitant* ægrum, tormenta scil. dolorum infernalium, gravissimam inflammationem, metum suppurationis & putredinosæ corruptionis, aut malignitatis cancrisæ, summumque totius oculi visusque discrimen. Nec est, quod audaculi prætexant exemplum (§. 13.) allegatum, mercurio sublimato deletæ maculæ, sed potius attendant ad ancipitem, qui & tum imminebat, eventum. *Mercurium* tamen *præcipitatum rubrum*, in *forma unguenti* extus palpebræ superiori, ab audacioribus ipsi quoque cantho interno oculi illitum novimus aliquoties sustulisse feliciter maculas corneæ; aliquando autem & graves concitasse inflammationes. Unde nolumus authores esse frequentioris & promiscuæ hujus unguenti illinitionis. *Bidloo* certe, loc. sæpe cit. fatetur ingenue, quantas ipse turbas moverit, acrioribus ejusmodi medicamentis aggrediens corneæ stigma album, instar callosi s. indurati fungi foras extuberans, ut, non sine multo tempore, tædio, labore, visusque detrimento, excitatum ulcus consolidari potuerit, ablata tamen prius corneæ excrementia, quam vocat, mediante scalpello. Tutissime vero nec minus efficaciter *litus spirituosum - æthereo - oleosum* e. g. è balsamo Schaueri, aq. Regin. H. cum oleo anthos commista, aliquoties in die per aliquod tempus, pluries in die, palpebris possunt infricari. Felicem eventum sæpius inde observavimus.

§. XXIV.

In gratiam tironum *aliquot* apponemus *formulas* ex ante laudatis medicamentis compositas & à celeberr. authoribus, nobisque ipsis probatas. *℞.* Aloës pulv. *℥*ss. croci metallor. *℥*j. aq. chelid. maj. *℥*iiij. - fl. cyan. *℥*j. *M.* De liquore, qui sedimento supernatat, claro aliquot guttulæ oculo instillantur, authore *Woolhousio*. *℞.* Myrrh. r. el. *℥*ss. camph. vitriol. alb. (in pauca hac quantitate magis excusari, sed & omitti potest) ana gr. v. mellis *℥*ij. & succi foenic. q. s. ad consistentiam linimenti liquidioris: *Maître-Jean*. *℞.* Mellis chelidon. *℥*ij. fel. pisc. lucii *℥*j. sal. volat. gr. v. m. insperge ope penicilli calide. *Bidloo*. *℞.* Ossis sepiæ de fungosa materia, pumicis an. *℥*j. pomphol. alb. *℥*ss. sacch. candi *℥*ij. farinæ fabar. *℥*ss. m. f. pulv. subtiliss. Insuffletur. *Platerus*. *℞.* Mellis in ipso favo *℥*ij. Summit. foenic. flor. sambuc. Euphras an. p. ij. sacch. canch. *℥*iv. Destil. in MB. & aqua instilletur oculis. *Lusitanus*. Plures qui desiderat formulas, adeat praxin *Plateri*, *Bar-tichii*

tichii [x] ophtalmoduliam, *Augendienst*, *Mangeti* bibliothecam pharmaceuticam. Veteribus usitatorum numerosissimus est census apud Galen. Paul. Æginet. &c. de quibus tam magnificæ, tam certæ vires extolluntur, ut salivam movere possint, sed metuimus non injuste, ne bilem potius moveant, non respondente promissis effectû, imo sinistro, nisi prudenter adhibeantur, eventu.

Restant è censu externorum *amuleta*. Radicem allii serpentini abs chirurgis magni fieri Author est *Platerus*. Globulos succini collo circumpenfos laudant alii. Sed quemadmodum in curatione solis hisce non solemus fidere; ita, si in societate aliorum atque præstantiorum remediorum bonus succedit eventus, dubium manet, utri horum remediorum palma debeatur? Relinquimus talia curationum magneticarum amasiis, neque tamen repudiamus ea, quæ modo physico agunt explicabili, aut per certam experientiam confirmata pollnet activitate. Denique *capilli densi promissi*, nimium affluxum capiti oculisque concitantes, sunt aliquando *imminuendi* in quantitate continua & discreta: non quidem mox detondendi. *Litus cutis capillatæ spirituosi* his etiam oculorum affectibus *nocent*. *Achorum, fonticulorum, ulcerum* in partibus ab oculo remotorum *manationes* aliquandiu potius *conservandæ* sunt, quam supprimendæ.

§. XXV.

Prolixiores circa topica fuimus, ac quidem erimus circa interna remedia. Certum enim ratumque est, ad expugnanda hæc vitia externa *plus præstare remedia externa, topica, internis*. Sed tamen *neque hæc sunt negligenda*, tantum abest, ut potius illis viam sternere, & junctis viribus pugnare debeant. *Interna evacuantia* sunt, vel *purgantia*, cacochymicis scopo evacuandi, alias etiam revellendi, non quidem drastica, sed aliquoties repetenda, mitia, MP. de succin. crat. pil. sine quibus esse nolo, aleophanginæ, marocostinæ. fol. fen. f. f. agaricus, rad. & resin. jalap. Inprimis etiam merc. dulc. sal. epsham. egran. &c. Magnesia: vel *diaphoretica, diuretica*, præsertim è rad. scorzon. pimpin. min. carlin. serpentar. virgin. angelicæ, sassap. chinæ, bardanæ, ononid. petrosel. fœnic. pareir. brav. l. sancto, sassafras &c. parata theiformia infusa atque decocta. eff. pimp. scordii, succini, mixt. f. Lud. TR. †. aeris, ex aq. card. ben. sambuc. angelic. scorzon. petrosel. chærefolii. Salia media, nitrum, cum absorbentibus & incisivis remixta. Juscula è recent. chæref. nasturt. hort. rad. fele-ri, petrosel. turionibus lupuli, fl. violar. cum tantillo macis, in jusculis carnis, vel fero lactis, modice coctis, & per aliquot septimanas propinatis. *Evacuantia particularia, errhina, sialogoga* generalibus illis subordinantur.

[x] Georg. Bartisch. *Augendienst*. p. 215. fqq. plurima offert egregia topica, dummodo illis debito tempore & modo sciat uti medicus.

§. XXVI.

Interna alterantia. Oxydergica, visum acuentia licet contra maculas & vela hæc corneæ nihil, visum acuendo, valere statuatur *Platerus* in praxi sua; tamen cum talia sint, quæ tenuibus, incisivis, aromaticis, salino-oleosis particulis valide humores viscidos attenuent, obstructions referent, fibrasque laxas robovent, in aprico est, non contemnendam & his contra corneæ maculas efficaciam tribui. Huc ergo spectat tota cohors *aperientium, incidentium, absorbentium, anticachecticorum, antiscorbuticorum, antivenereorum* medicamentorum, quæ non promiscue quidem & acervatim, imprudenter & effuse sunt confundenda, vel cumulanda, sed suis quæque subjectis diversisque casibus attemperanda. Ob horum multitudinem pauca saltem proponemus, quæ nobis sunt *familiaria*: rad. valer. sylv.-ari vino ppt.-pimp. min. sem. fœnic. - anis. commune & stellatum: flaved. cort. aurant. f. f. millep. pp. tart. vitriol. t. nitr. crystallin. terra fol. tart. lap. 69. pp. succin. pp. pulv. stomach. birck. trag. arom. gabelk. specif. cephal. mich. pulv. cephal. camer. essent. bals. Hoffm. succin. elix. aper. claud liq. vol. ol. sylv. &c. Succinctus, quem Dn. *de St. Yves* [y] topicis præmittit, apparatus pharmaceutico-diæteticus laude dignus est & imitatione, constans tenuissima diæta, jusculis alteratis è brodio carnis vitulinæ, vel sero lactis per herbas temperantes alteratis, addita ad jusculi ℥j. sir. violar. ʒj. &c.

§. XXVII.

Fons dietet. vitare jubet aërem frigidum, nimis luminosum fervidumque, pulverulentum, humidum: *cibos* crassos, dyspeptos, salitos, infumatos, acidos, carnem suillam: copiosos, quantumvis optimos. Allii, ceparum, sinapi usum internum, sicuti celeb. *Stabilius* [z] à communi vindicat opprobrio, quasi oculis tantopere nocerent, ita sane usu moderato interno, ceu condimentum, maculis corneæ, à sanguine seroque crassis, impuris, oriundis atque nutritis, potius prodesse, quam nocere possunt. *Vinum & spirituo- sa* illis denegantur, qui propter ætatem, temp. sanguineum, cholicum, plethoram, gravem conjunctam ophthalmiam, aut statum scorbuticum, hecticum, excluduntur: tanto magis autem permittitur vinum assuetis, phlegmaticis, cachecticis, caco stomachis, intra terminos tamen: *lectionem, scrip- tionem*, altero oculo licet saltem exercitas, quoniam nihilominus æger oculus in consensum molestæ tensionis rapitur: *motus* corporis *nimios*, capitis inclinationem longam, frequentem ad humum: *colli nimiam* per collare *stric- turam*: *veneris abusum* omittere præcipit &c.

Præcipit è contrario aërem serenum, temperatum, pacatum, quærendum, expectandum, cui se exponat æger: *Diatam* tenuem, eupeptam, medicatam,

[y] Mr. de St. Yves des maladies des yeux p. 217. fq.

[z] G. E. Stahl disp. de affectibus oculor. in genere p. 19.

è turionibus lupuli, spinachia, asparagis, rad. scorzonerae fativæ, - feleri, petroselini, endivia: *decoctum* pro potu temperans aperitivum, modice aromaticum: *condimenta* ciborum aromatica, è raphano rusticano, cepis, raphanis, allio, porro sectili, radicibus & herba petroselini, semine carvi, carioph. aromat. nuce mosch. macere cinnamomo: *potum coffeæ* tenuem, *succolada* aqueum. Cuncta tamen parce, *ceu condimenta*! præsertim personis & causis morbi ocularii calidis. Alvi, mucinarium, urinæ, transpirationis *liberas excretiones* quotidianas.

§. XXVIII.

Agmen claudit *indicatio palliativa*. Scil. si *maculae & cicatrices* in totum & constanter abigi, atque sic deformitas & visus impedimentum una penitusque tolli nequeant, danda est opera, ut illæ *in tantum saltem curentur, immutentur, attenuentur*, vel certe *incrementum & deteriora* quæcumque *superventura* tempestive *avertantur*, id quod maxime tentari debet methodo curativa hæcenus proposita. Aut *peregrinus* fœdus color flavus, ruber, lividus, si nequeant in diaphanum omnis coloris expertem restitui, *mutentur saltem in dilute albicantem*, qualis, præsertim illis, qui griseam vel cœruleam habent iridem, insipientibus non æque attenditur, sicut alius quicumque. *Tantum ergo abest, ut veterum methodum probemus aut sequamur, qui maculas l. cicatrices corneæ albas, dissipationem renuentes, præceperunt colore nigro tingendas*, atque in hunc finem tincturas è vitriolo, gallis, aliisque adstringentibus, veram atramentosam nigredinem præstantibus, uti passim apud Galenum, Paulum Aeginetam &c. & quod miramur, nonnullos etiam recentiores talia deprehendes, corneæ maculis instillandas commendarunt; quin potius, si quæ jamjam insidet nigra macula, hanc in albidam, si fieri possit, convertere jubeamus. Licet enim in nonnullis subjecta iris fusco-nigra, qualem oportet fuisse incolarum Græciæ, Asiæ, Italiæ, putetur procul dubio à veteribus medicis aliquomodo minus sensibilem s. apparentem reddere maculam corneæ nigram, vanam tamen fallacemque hanc fore spem, à priori & posteriori facile edocemur.

Tacemus incommoda, mala non unum profecto, quæ ab ejusmodi vitriolicis & valde adstrictivis in universam redundant corneam atque conjunctivam.

Attulit ipse *præses* [a] *observationem* è sua ipsius praxi coloris p. n. fusci in colorem griseum naturalem arte restituti, quamvis impeditior multo tardiorque remediorum ad iridem affectam accessus esse debuerit, quam ad corneam esse solet. Confidentius ergo sperare licebit, facile accessibilem corneam à peregrino colore facilius posse liberari. Sed contrarium testatur experientia, quoad profundas callosasque maculas albidas. Suffragatur ratio. Quo enim tunica quædam diaphana per cicatricem aut alias magis densatur, eo maculam oportet fieri albidiorē, eamque indelebilem, quia lamellæ, è quibus constat, ejusque pori stringuntur, arctius ad se invicem apprimuntur, obf-

Z z 2

truun-

truuntur. *Leucomata*, totam obfidentia corneam, à variolis e. g. relicta, antiqua in pueris aliquoties, methodo ante descripta, sic *attenuavit* & in latitudine *diminuit præses*, ut luminis aliquam perceptionem, aliqui etiam grossiorum objectorum recuperaverint. *Sed* nucleus, *centrum* eorumdem, *stetit* mansitque *ceu marpesia cautes*. Quo igitur casu, ab inutili, imo periculosa quacumque machinatione ulterioris absterfionis & ferenationis dehortamur medicos. Quod vero spectat *preveniendâ*, *que imminent*, *corneæ* mala, rupturam, staphyloma, ulcus, malignitatem cancrofam &c. hæc alibi suis locis erunt tradenda, uti & tractatio singularis macularum rubrarum, lividarum, nigrarum. *Jam enim claudimus rivulos*, sat prata biberunt.

F I N I S.



XVIII.

TOBIÆ LEUCOMATA,

DISSERTATIONE MEDICA

DILUCIDATA.

Quam Præside

BURC. DAVID MAUCHART P.P.

Defendet

CAROL. DAV. BRECHT

THAILFINGENSIS.

Tubingæ 24. Maii anno 1743.

P R O E M I U M.

F Alcem immittimus in messem non penitus alienam, dum senis Tobiae λευκώματα excutimus, nec audemus aliquid, quod alii ex ordine medicorum plures circa physica ac medicinae objecta biblica non ausi passim sint antea. Data id opera egerunt Bartholinus, Wedelius, Scheuchzerus, Warlizijs. Et quidni objecta fori mixti suae vindicantur quodque facultati? Theologum explicare theologica, medicum medica, ubicumque occurrant, par est: sed & inficias non est eundum, quod saepe tam arcto nexum vinculo, unum, sed ad plures scientias & facultates spectans, objectum, hominem requirat exegetam, profunda, variaque eruditionis, & ex utroque Caesarem, vel saltim diversarum facultatum doctores, invicem conferentes, deliberantes, decernentes. Nostra non angusta, sed angusta nos ipsos metimur ulna. Non omnia hujus telae fila è nobis ducimus ipsis, instar araneae, nimis enim fortasse tenuia forent; sed apes emulamur, quae mel è variis exsugunt flosculis, digerunt, excoquunt, perficiunt: addimus enim & proprias meditationes, criticaeque reflexiones, atque sic, quae nuperrima in disp. satis prolixa de maculis corneae, de leucomate s. albugine dicenda supererant, jam supplemus.

Quamvis autem censeat varia eruditione celebrer. Th. Bartholinus [a] per pauca superesse, quae de Tobiae morbo & curatione scribi possint, quia omnia fere absolverit Hieron. Bardus in Med. cath. c. 4. §. 1. & 2. & ante illum Francisc. Vallesius de sacra philos. c. 42. ipseque ideo Bartholinus nonnisi pauca de pisce, qualis fuerit, ipsiusque fellis virtute medica commentetur; nos tamen aliqua, nec levis ea momenti, superesse putamus circa ipsum Tobiae affectum ocularium, qua genesis formamque affectus, modum & eventum curationis. Sed fabulae, prosopopoeiae, ephemeridibus domesticis apocrypho libro nos insudare, & de lana caprina disputare caussabuntur illi, qui solidissimis tot auctorum [b] criticis demonstrationibus convicti, nec canonicum & theopneustum esse Tobiae librum, nec tam antiquum, ac ipse Tobias, vel quicumque author libri praetexit, nec veram esse, sed fictitiam historiam contendunt. Verum enim vero si vel maxime non ad stipulemur communi Pontificiorum persuasioni de canonica Tobiae authenticia, ipsumque grave concilii Tridentini anathema, quo fulminat in eos, qui Tobiam è canone expungunt, non attendamus; tamen & nobis licebit de phenomenis physico-medicis, circa Tobiae leucomata obviis operam impendere, quam alii tot celebrer. viri in eo vel defendendo, vel confutando navarunt indefessam. Dubiis contra Tobiam partim nova è nostris reflexionibus accumulabuntur, partim vetera

[a] Thom. Bartholin. de morbis biblicis §. 14. p. 56.

[b] Chemnitius in exam. concil. Tridentini. Francisc. Junius. Chamierus Rainoldus. Spanhemius. Calovius. Friedliebuis in Theolog. exeget. Herman von der Hardt Joh. Albert. Fabricius lib. Tobiae, Judith &c. graece & latine, in prolegomenis in Tobiam. Reverendiss. Dn. Cancellar. D. Pfaff in bibliis german. in fol. &c.

tera confirmabuntur, licet ingenue non minus elidantur horum aliqua, intempestive opposita.

Itaque de leucomatibus Tobiae, patris, acturi, eum tractationis ordinem servabimus: (1) variantes lectiones conferentes, græcum Drusii exemplar sequemur. (2) Trademus, an, & quomodo ab illapsis avicularum stercorebus Tobiae morbus ocularius oriri potuerit. (3) Qualis oculi morbus sit leucoma. & qualis fuerit Tobiae. (4) An, & quomodo contigerit horum, sic dictorum leucomatum curatio instantanea. Faxit luminum Pater, ut aliqua etiam sapientiae ac veritatis scintille hanc de cecitate tractatiunculam irradiant!

§. I.

Ætas libri Tobiae, si ipsum audiamus Tobiam, metienda est ab illa decem tribuum Israëlitarum abductione in captivitatem sub regno Hoseæ Israëlítico [c] per Regem Assyriorum Salmanassarem, [d] id quod accidit an. mundi circiter 3206. atque sic ante Christum natum sex fere seculis, & brevi ante Romam conditam. Tobiam, Judæum, hebraice tum scripsisse verosimillimum videri posset. At quamvis aliquot editiones hebraice prostant, imprimis Munsteri, à Judæis Constantinopolitanis ei suppeditata, atque Fagii, nullum tamen exemplar Tobiae hebraicum esse authenticum, plurimi non saltem è protestantibus, sed & ipsi fatentur Pontificii: Chaldaica vero lingua utrumque Tobiam [e] res suas in commentarios retulisse prætexunt, & ex hoc prototypo versionem adornasse latinam Hieronymum, interprete Judæo, qui, utriusque linguæ peritissimus, chaldaicum expresserit verbis hebræis, & Hieronymus, accito notario, sermonibus exposuerit latinis, idque unius diei labore perfecit [f].

§. II.

Cum autem chaldaicum exemplar nullibi ab eo tempore extiterit amplius, Judæi etiam Tobiae librum Esdræ temporibus ignoraverint, & nedum hodie inter canonicos admittant, optima vero græca exemplaria maximam originalis textus speciem præ se ferant, & à variæ religioni christianæ addictis pro tali vel habeantur, vel saltem in consortium cum latinis & hebræis exemplaribus trahantur; placuit nobis pro fundamento ponere græcam Tobiae editionem, quam à Drusio publicatam typis denuo mandavit, suaque versione illustra-

[c] II. Regum. c. 17.

[d] Sic vocatur II. Reg. c. 17. & in editione hebræa: in græca vero Enemessarum. An duplex nomen habuerit? Aut num corrupta fuerint vulgata exemplaria? nihil temere statuendum esse monet Drusius.

[e] Historiam Tobiae nec à solo patre, nec filio, sed ab aliis scriptam & absolutam esse, ipsa biographiæ illorum phænomena testantur.

[f] Hieronymus ipse hæc refert in præfat. ad Chromat. & Heliodorum, quanta vero cum ἀκριβεία hoc fieri potuerit, quantaque fides huic latinæ versioni, aliisque huic superstructis sit habenda? ipsa res, factumque loquuntur.

illustravit latina *Fabricius*. [g] Reputat vero idem celebris vir, in præfat. p. 4. longe verosimilius esse, Tobiaë librum græce effictum fuisse à quodam Hellenista post Hierosolymam à Romanis everfam, annum circiter à nato Christo centesimum.

Chronologica hæc ideo nobis videbantur attendenda, quod vox λεύκωμα, qua denotatur ocularius Tobiaë morbus, haud occurrit in *Hippocratis* Coi nostri, sed *Plinii* tantum, *Galen*i, & qui post eum vixerunt medicorum libris. Magnus vero *Hippocrates* noster vixit tempore belli Peloponesiaci annis mundi 3500. circa medium & finem seculi, ideoque post illam populi Israelitici captivitatem, atque prætenfam Tobiaë ætatem, tribus fere seculis. Jam nec Cicero noster medicorum, *Cornel. Celsus*, qui sub initium primi à Christo nato seculi floruit, in suis de re medica VIII. libris ullam nec leucomatis nec albuginis facit mentionem, quamvis l. VI. c. 6. de reliquis oculorum affectibus copiose agat, eorumdemque græca nomina ut plurimum studiose recenscat, vel latinis exprimat vocabulis atque descriptionibus. Ejusdem tamen primi seculi author sub Imperat. Vespasiano celebris, *C. Plinius secundus* [h] disertam plurimis in locis facit mentionem albuginis, in consortio nubecularum, cicatricum, argematis corneæ, dum horum affectuum allegat remedia. Græci v. vocabuli λευκώματος, nullum in hoc authore vestigium deprehendimus, quamvis nulli dubitemus, ipsi albuginem esse, quod Græcis λεύκωμα. *Claudius* vero *Galenus*, Pergamenus, finem secundi, à Christo nato, seculi, sub *Marc. Antonino* atque *Commodo* illustrans, passim expressis verbis glaucomata in scenam producit, [i] inter affectus oculi & corneæ quidem ejusdem tunicæ. Plinium atque Galenum secuti postea *Græci*, *Latini*, *Arabes*, omniumque nationum medici frequenter meminerunt glaucomatis, seu albuginis, in hæc usque nostra tempora.

§. III.

Itaque cum verosimile non sit, Hippocratem, Celsumque glaucomatis oblituros fuisse, si, adeo notabilis affectus, singularis hæc appellatio græca viguisset; ex hac etiam terminorum medicorum chronologia arguere fas est, editionem Tobiaë græcam, quam tamen authenticam, originalem haberi supra §. 2. diximus, tantam non obtinere ætatem, quantam ipse textus Tobiaë innuit, sed ipsum nati Salvatoris nostri seculum vix attingere, minimum haud superare. *Hieronymi* pariter, an. reparat. per Christum salutis nostræ 329. demum nati, nec versio Tobiaë latina, nec exemplar quod allegat chaldaicum,

[g] Jo. Alb. Fabricii liber Tobiaë, Judith, oratio Manasse &c. 8vo. Francof. & Lips. 1691.

[h] C. Plinius secundus histor. mundi passim, in uno autem C. 6. L. XXIX. multoties albuginis injicit mentionem.

[i] Cl. Galenus de simpl. med. facult. De medicamentis euporistis. De composit. med. sec. loc. &c.

Tom. I.

A a a

daicum, nec hebrææ editiones quicquam probant ad majorem hujus libri vetustatem, multo minus vulgata latina, sive ab Hieronymo à potiori sit è textu originali reddita, sive ante, sive post illum. Idque tanto magis, quod vulgata & hebræa editio nihil de leucomatibus, s. albuginibus, sed nomen genericum saltem, maculas, allegent.

§. IV.

Ipse *textus*, quantum λευκώματα horumque generationem atque curationem spectat, in *græca Drusiana editione*, cum Fabricii latina versione *sic* habet.

Tobiæ.

C. 2. v. 9. & 10. Καὶ ἐν αὐτῇ τῇ νυκτὶ ἀνέλυσα θάψας, καὶ ἐκοιμήθην μεμιαμμένος παρὰ τὸν τοίχον τῆς αὐλῆς, καὶ τὸ προσωπὸν μου ἀκαλυπτον ἦν, καὶ ἔκινῃ δεινὸν ὅτι σκιδρία ἐν τῷ τοίχῳ ἐστὶ.

Καὶ τῶν ὀφθαλμῶν μου ἀνεωγόντων, ἀφώδευσαν τὰ σκιδρία θερμὸν εἰς τὰς ὀφθαλμοὺς μου, καὶ ἐπορεύθην πρὸς ἰατροὺς, καὶ ἔκινῃ φελησάν με.

C. 6. v. 2. Τὸ δὲ παιδάριον κατέβη, περικλύσασθαι, καὶ ἀνεπήδησεν ἰχθύς ἀπὸ τῷ ποταμῷ, καὶ ἐβλήθη καταπιεῖν τὸ παιδάριον.

v. 8. Ἡ δὲ χολή, ἐγχεῖσθαι ἀνθρώπον, ὃς ἔχει λευκώματα ἐν τοῖς ὀφθαλμοῖς, καὶ ἰαθήσεται.

C. 11. v. 7. Σὺ ἔν ἐγχεῖσον τὴν χολὴν εἰς τὰς ὀφθαλμοὺς αὐτοῦ, καὶ δηχθεὶς διατρίψει, καὶ ἀποβαλεῖται τὰ λευκώματα, καὶ ὀψεται σε.

v. 10. Ὁ δὲ υἱὸς αὐτοῦ προσέδραμεν αὐτῷ, καὶ ἐπελάβετο τὸ πατρός αὐτοῦ.

v. 11. Καὶ προσέπασε τὴν χολὴν ἐπὶ τὰς ὀφθαλμοὺς τοῦ πατρὸς αὐτοῦ, λέγων· θάρσει πάτερ.

v. 12. Ὡς δὲ συνεδήχθησαν, διέτριψε τὰς ὀφθαλμοὺς αὐτοῦ, καὶ ἔλε-

Et in eadem nocte postquam sepelisset, redii, & ita pollutus ad parietem atrii obdormivi. Neque facies mea obtecta erat, neque enim aviculas in muro esse sciebam.

Et oculis meis apertis aviculæ calidum stercus in oculos meos excreverunt, & natæ sunt albugines in oculis meis, & medicos adii, nec me juverunt.

Tobias autem descendit (in fluvium scil. Tigrim) ut ablueretur, & piscis de fluvio exiit, devoraturus Tobiam.

Felle vero inunge hominem, cui sunt albugines in oculis, & sanabitur.

Tu itaque inunge felle isto oculos ejus, tum ille vellicatus deteret, & abjiciet albugines, & videre te poterit.

At filius ejus accurrit ad eum, &prehendit suum patrem.

Et fel illud in oculos ejus adspersit, dicens: bono animo esto, pater.

Cum vero oculi à felle compungerentur, Tobitus suffricuit oculos suos, &

ἐλεπίσθη ἀπὸ τῶν κανθῶν τῶν ὀφθαλμῶν αὐτοῦ τὰ λευκώματα.

v. 14. -- Ἰδὺ βλέπω τωβίαν τὸν υἱόν μου.

os, & de hircis sive angulis oculorum ejus desquamatae sunt albugines.

Ecce iterum videre possum Tobiam filium meum.

Ubi ab hac lectione græca recedant, hebræa atque latina, nunc statim indigitabimus in ipsa, quam subjiciemus, analysi physico-medica.

§. V.

In historia *Tobias* ubique, in omnibus lectionibus, introducitur tanquam à sepultura conterraneorum, occisorum, non æque *lassus*, ac *impurus* juxta legem mosaicam, à contrectatione hominis mortui, domum, antequam lavaretur, ingredi non ausus: qui ergo *ad parietem atrii, in scamno* quodam recubans, *obdormiverit*, & *facie* quidem *nullo obtecta velo*, quale, majoris securitatis ergo, ad illapsum pulveris, insectorum atque similium heterogeneorum præcavendum, illis maxime necessarium videtur, qui conniventibus & hiantibus dormire consueverunt palpebris, in illo affectu, quem *lagophthalmum*, s. oculum leporinum vocant ideo, quod lepores semiapertis oculis somnum capere soleant. Unde & illo ipso historiæ phænomeno, quo *Tobias facie non operta* somnum iniisse, ipsumque stercorem *apertis incidisse* ejus oculis, dicitur, aliqua præbetur ansa *suspicioni*, *hunc tali laborasse lagophthalmo*, aliquibus à nativitate familiari, aliis è mutilatione palpebræ superioris, vel aliunde. Certe, *nisi supponatur* optimus senex *tum apertos*, palpebris haud clausos *habuisse oculos*, nulla plane fuisset illapsi super palpebras stercoreis avicularum efficacia, ad producenda seu leucomata, s. maculas in oculo, sive determinate in ejus tunica cornea, atque sic *tota historiæ hujus structura corrueret* uno ictu: *nisi* quidem, sicut aliqua legunt exemplaria, [k] *Tobias è somno expergiscens oculos ad videndum aperuerit*, atque sic avicularum excrementa ipsius oculis tum illapsa fuerint. *Alium modum*, quo stercorem avicularum se intra oculum insinuaverit, quamvis oculis clausis dormiverit *Tobias*, fingit *Calmet*: [l] nempe finem hunc humeris illapsum (étant tombée sur les épaules, fortassis dicere voluit: sur les paupieres, super palpebras,) defluxisse intra oculos per canthos s. angulos eorum, cum oculos aperuerit *Tobias*, atque admotam manu, uti statim solemus, intrussisse intro, quod extus restiterat. Sed quomodo feces hæ ab humeris in angulos oculorum depluerint, non patet, nisi error subsit, ut loco, les épaules, ponendum sit: les paupieres. Neque tamen hoc casu excrementum incidisset actu calidum in oculos, cum tamen *Calmetus* ad majorem illius acrimoniæ causticæ intensiorem supponat simul calorem ejusdem notabilem & exurentem quasi.

A a a . 2

§.

[k] Ita habet tractatus talmudicus à Jo. Leusdenio in 4to editus Ultrajecti an. 1665.

[l] Calmet in commentar. ad biblia, lingua gallica editis splendidiss. in folio.

§. VI.

Sed *alii* supersunt *difficultatum nodi*. Garrulas *an* vere nescivit *illas* aviculas senex Tobias, non hac demum vespera parietibus atque trabibus atrii propriarum suarum ædium innidulantes? *An pratervidit toties* præteriens harum nidum? Anne *supinus*, scamno incubuit? Quod omnino supponendum est; si enim alterutri incubuit lateri, in illum certe oculum, qui scamno proximus fuit, sterco avicularum illabi non potuit. *Avicularum*, in *plurali*, *stercus* asseritur incidisse oculis Tobiae. Experientia quidem docet, & parentes & pullos podice extra nidum exporrecto alvum exonerare: aut duæne, pluresve simul, eodem momento id egerunt? Quod tamen angustior nidi porta, si hirundines fuisse supponantur illæ aviculæ, vetat. Si aliam avicularum speciem arguamus, nidumque harum superne totum patulum, atque sic pluribus aviculis, una alvum evacuaturis, aptum; casum plane singularem fingere oportet, sterco nempe exilia, cylindrica ut plurimum, in oculos directe, tres pollices à se invicem distantes irruisse: repetitum namque, per vices, factam hanc commaculationem nec adstruit textus, nec oculi sensibilitas admittit, quæ ab illapso primum stercore non potuit non vel profundissime dormientem excitare, & ne ulteriori se exponat incommodo, de discessu, vel cautelis adhibendis monere.

§. VII.

Quale genus avicularum fuerit, neque hebræum, neque græcum vocabulum determinat. *Passeres*, *passerculos* denotat quidem, sed & in genere *minores*, libere ac familiariter in ædibus nidificantes, *aviculas*. Unde Hieronymus, & maxima commentatorum pars vertunt per *hirundines*. Harum sterco, ut omnium avium, particulis abundare salinis ammoniacalibus, acriusculis, rosivis, hirundinum vero, insectis vesci ac victitare suetarum, aliquanto esse acrius, operosa non indiget demonstratione. In græco quidem textu deest per ellipsin substantivum, suo adjectivo, τῷ θερμῷ respondens. Facile vero liquet, subaudiendum esse αἰφύδον, excrementum, idque alvinum [m].

Neque hic occultas comminisci *qualitates*, oculis singulariter infestas, oportet, quin immo ipsum hoc sterco hirundinis non minus ac alia, turturis e. g. columbarum, lacertarum ab antiquissimis medicis, ad extergendas oculorum maculas, in collyriis adhibita, pro remedio potuisset inservire, debite præparatum, tritum, dilutum, ut recte jam olim annotavit Vallesius [n]. Accedit, quod *calidum* incidisse hunc fimum & textus asserat, & ipsa rei ac historiæ necessitas atque nexus confirment. Τὸ θερμὸν, calidum, in positivo, non præcisè notabilem magnumque involvit calorem, sed & teporem innuit.

[m] Pythagoræ symbolum in sensu politico sumptum: hirundines sub eodem tecto ne habeas! i. e. cave à garrulis susurronibus! hic etiam valet in sensu medico.

[n] Francisc. Vallesius de sacra philosophia. 8vo. Francof. 1667. c. 42. p. 266.

innuit. Et gratis profecto, ac falsissime hæc avicularum excrementa statuerentur, vel fervida, vel eminenter calida. Sed & ipse modicus calor, non quidem qua talis, sed quatenus particulas excrementi ad maiorem activitatem, corneam vero oculi tunicam ad faciliorem disposuit receptivitatem, intensive cum causa morbifica conspiravit.

§. VIII.

Effectus jam examinandus est, quem *illapsa* hæc oculis *excrementa*, *producere* potuerunt, actuque produxerunt. Albugines, seu λευκώματα, hinc natus græcus refert textus: hebræus atque vulgata vel maculas albas, vel simpliciter excæcationem subsecutas, sine effectus determinatione, statuunt. *Eventum* nobis sic imaginamur, non è fœcundo phantasiæ lusu, sed justis è rationibus physico-medicis: finis in oculos Tobiae illapsus, acris, calidus, heterogeneus, è particulis inæqualibus, solidis, angulosis, asperulis constans, irritatione facta, stimulo, spinaque quasi infixis in delicatas, sensibilesque oculi tunicas è somno expergefecit Tobiam, palpebras confestim ad se invicem adducere, oculosque operire non modo, sed &, quod tantum non semper fieri solet, post illapsa quæcumque in oculos heterogenea irritantia, manibus confricare palpebras, bulbosque oculorum coëgit, unde gravius ac altius magis magisque stercora fuerunt corneæ impressa atque affricta, & probabiliter non statim ipsa macula albida, sed ophthalmia i. e. inflammatio tunicæ conjunctivæ, s. albi oculorum, & corneæ tunicæ, pellucidæ illius, quæ centrum hemisphærii anterioris in oculo exornat, erosio, & exulceratio, hinc maculæ albæ, harumque species, λευκώματα, s. albugines successive originem duxere suam. [o] Visum tamen hinc è vestigio notabiliter turbari, indistinctum, dolorificum fieri, &, quo labes medium corneæ, oppositum pupillæ, vel totam corneæ substantiam magis penetravit, atque per menses annosque inveteravit, eo magis imminui & tandem aboleri visum oportuit, non absoluta quidem & immedicabili cœcitate, sed tali, quæ restituto in naturalem statum organo externo, restituendi quoque visus reliquerat spem, [p] licet ita cœcus fuerit Tobias, ut oculum in manu gerere & hodego uti, debuerit, &, cum redeunti ex itinere filio obviam iturus properaret, ad circumposita impingeret impedimenta, filiumque jam præsentem videre non posset, ante curationem, per fel piscis dehinc instillatum, susceptam.

§. IX.

Morbus ergo *Tobiæ ocularius* vel in genere per maculam albam definitur,

A a a 3

vel

[o] Manum hic contrahimus in pugnum. Haud enim diu est, quod in disp. de corneæ ulceribus & maculis prolixiorē hanc ætiologiam tradidimus, ipsius etiam maxime leucomatis.

[p] Sic vulgo pueri dicuntur cœci, quibus à variolis conglutinatæ sunt palpebræ aliquandiu.

vel in specie per leucoma, f. albuginem. Per maculas in oculis natas, albas, intelligitur, utriusque oculi corneæ tunicæ naturaliter pellucidæ, atque cornu, vel corneam tenuem lamellam pelluciditate referentis inductus color albus, non diaphanus, plus minus diffusus, aliquam plus minus superficie corneæ regionem obfuscans, sic maculam efficiens, per quam radii visorii plane nequeunt trajicere, vel certe non sine impedimento visus. *Leucoma* vero f. albuginem nuper [q] *definivimus*, quod sit macula corneæ alba, lævis, spissior densiorve, vel in ejus medio, vel tota superficie convexa, ut plurimum cum aliqua eminentia, aliquando sine hac, coloris albo-cretacei, aliquando cum levi quadam inflammatione, sæpius sine hac, radios luminis intercipient, ut nullus, vel exiguus saltem luminis sensus supersit. Quamvis autem dolendæ authorum confusio & æquivocationi uti circa affectus oculos in genere, sic circa denominationes atque species macularum corneæ, nuper jam publice cum aliis ingemuerimus cordatis medicis; speramus tamen nostris lucubrationibus hæc nebulas aliquantum discussas esse, atque distinctionem non modo argematis [r] ab albugine, quos differentes affectus pessime confundunt aliqui, sed & differentias macularum corneæ inter se adduxisse sedulo.

Patet hinc, ab omnibus commentatoribus hæc vel leucomata, vel maculas in genere, ab alterutro textu Tobiano memoratas, *non recte verti* nec *per pelliculas*, *Felle*, *Häutlein*, nec per *cataractas*, *Staaren*, licet & ipse hic hallucinatus sit ophthalmiater ille, in Germania olim haud incelebris, *Bartisch*, [s] morbum Tobie ocularium, ad cataractæ classem referens. Vulgo, aliisque, qui medici non sunt, ignoscendum est, quod abusive varia oculorum vitia, cataractarum, respectu albedinis, aliquatenus æmula vocitent cataractas, uti *plebs Gallica*, teste *Woolhousio*, *cataractam* appellat *externam*, certam macularum corneæ speciem, quam ægidem, *αἰγίδα*, vocant. Nimirum pelliculæ, pterygia, sunt membranæ p. n. les extus adnatæ & corneæ adhærescentes, eminentes, mobilesque: cataracta vero morbus profundius in oculo, post pupillam in camera oculi secunda obvius, sedemque figens, & per corneam, naturalissime se habentem, insipienti transparent.

§. X.

Itaque, quod textum spectat, *morbus specificus Tobie* ocularius in propatulo est: *macula albà, vel leucoma*. Neque tamen adhuc *res est in salvo*. Non levem, non superficiariam, non exilem atque partialem quamdam fuisse maculam, vel solum amissi visus, cœcitat, phænomenon testatur: medici etiam, quos consuluisse prætendit Tobias, hunc juvare non potuerunt. *Quomodo* igitur tantam atque *instantaneam opem* tulit fel piscis abs filio inunc-

tum?

[q] Præsidis disp. de maculis corneæ §. 3. p. 15.

[r] --- --- eadem: it. de corneæ ulceribus. & de ungue oculi.

[s] Georg. Bartisch, *Augendienst*. p. 65.

tum? Quid sibi vult illa leucomatum desquamatio f. decorticatio? C. XI. v. 12. Leucomatum certe curatio nec tam subito & facile, ut vulpes pyrum comest, procedere, nec per modum desquamationis fieri solet ordinatio, sed successive per insensibilem dissipationem, resolutionem humoris intra poros corneæ stagnantis, vel per attritionem lamellarum, attenuationem, lentissimamque tunc ac insensibilem quasi exfoliationem. Immo si vel non adeo profundam, uti leucoma est, maculam supponamus, neque illa tam subito & plene potest abstergi atque tolli, multo minus decorticari.

§. XI.

Quam ob rem *Tobie hæc putatitia leucomata* ad illam potius macularum corneæ speciem, referenda videri possent, quæ græcis audit παράλαμψις; macula, cicatrix resplendens, nonnullis margarita oculi, ob relucentem quasi unionis album colorem, Gallis le grand nuage, quæque floccum nivis aliquando æmulatur: cum nempe è crasso ac viscoso humore indurato, in superficie ac poris corneæ magis magisque congesto pellicula concrescit, cui induratæ aliæ ex aliis supercrescunt lamellæ, instar stratorum super stratis, quæ à motu palpebrarum, superioris maxime, lævigantur, magisque constringuntur: tales igitur pelliculæ p. n. les ab acri felle inuncto, motuque frictionis, omnino potuerunt instar squamarum decorticari. *Ad paralampses* itaque *potius, quam ad leucomata hæc macule* *Tobie restringi* possent, nisi nova & huic suspicioni se *difficultas* opponeret, ex ipso fellis appliciti ac curationis eventu promanans. Tob. namque C. XI. v. 12. dicitur quod leucomata hæc ab angulis oculorum, qui Græcis κανθοί, Latinis hircui vocantur, fuerint desquamata. Atque sic morbus hic non solam obsedisse corneam, ut leucomata solent, sed angulis etiam oculorum inhæsisse videtur, morbusque à leucomate diversus, vel saltem cum hoc complicatus fuisse arguitur.

Sed *nihil* nos *moratur hæc difficultas*. Ordinarius enim iste in angulis patenter atque declivis est exitus impuritatum omnium, quæ inter palpebras ac oculi bulbum agitantur. Nec sequitur, si leucomata ultimato de angulis secesserunt desquamata, postquam scil. oculos, ab inunctione fellis aliquandiu clausos, iterum aperuit cæcus Tobias, ergo affixa fuerunt antea & adhæserunt ipsis oculorum angulis.

§. XII.

In hoc *cæcitatæ statu* caligavit bonus Tobias, juxta vulgatam, c. 14. v. 3. *quatuor annis*, juxta græcum textum *integris octo annis*, periodo utrinque satis molesta & momentosa, respectu miserandæ cæcitatæ & ingravescentis morbi. Leucomata enim, aliæque cicatrices & maculæ corneæ, quo diutius persistunt, quo in ætatem cadunt adultiorem, ipsumque senium, eo majorem important curationis vel difficultatem, vel impossibilitatem. *Frustra*, sine successu intento, *adhibiti sunt medici*. Sit ita. Nihil opus est, hic *fic-*
titiam

titiam redarguere historiam, non possumus hoc opprobrium, si quod est, semper declinare. Lapis allisionis subinde est in ipso gravi morbo insuperabili: alias in ægro negligente, refractario, licentioso, aut adstantibus, amicis, famulantibus, intempestive sedulis, moleste & periculose officiosis, nasutulis: sed & aliquando in ipso ignorante, torpido, imprudente, temerario, nimis timido, ebrio medico. Profecto & nostra ætate optandum est, ut singulare ac difficillimum ophthalmiatriæ studium plurimi melius excolant medici. Turpe medico quis duxerit, à Raphaele angelo superari. Licet hic ipse non adhibuerit nisi naturale remedium, fel piscis? Consentiunt enim plerique authores, [t] ipsi etiam romano-catholici, remedium quidem naturale, sed curationem tamen vel inde miraculosam fuisse, quod medicamentum hoc ophthalmicum ab angelo primum sit revelatum (de quo jam non disputabimus) & energiam suam intra tam breve tempus, unius dimidiæ horæ, tam plene & feliciter demonstraverit.

Sub incudem ergo vocabimus *remedium* hoc, *modum* & *eventum curationis*. *Fel* fuit piscis è rapido & ingenti flumine Tigri. An *callionymi*, *siluri*, [u] an *Hippopotami*, quem suspicatur *Grotius*? An *vituli marini* juxta *Bar-dum*? An *lamia*, piscis, quem ob amplum rictum, majorem *Tobiæ* filio metum incutientem huc quadrare putat *Th. Bartholinus*? An *alius majoris* cujusdam rapacis fuerit *piscis*, parum interesse censemus? Neque tamen ideo necesse videtur, tam immanem grandemque fingere piscem, cui apprehendendo & in terram extrahendo vegetus, angelique hortatu obfirmatus non suffecerit adolescens, græcus textus simpliciter habet: ἰχθύς, piscis. In *magna* illa, miraculosa quidem, *piscium captura Petri*, [x] mentio fit ἰχθύων μεγάλων, numero centum quinquaginta trium, uno rete contentorum, & in terram à Sancto Petro protractorum, citra retis lacerationem. Fundulum profecto, aut carpionem, similemque exiguum non fuisse piscem, totus edocet historiæ contextus. Abundet ergo per nos prædicatum magni, quod vulgata, Hebræa, Italica &c. servant editiones. Nostrum non est litem dirimere illam: an angelus atque Tobias piscem hunc assatum comederint totum, an vero tantam ex illo saltem portionem, quæ uni suffecerit cœnæ, reliquum vel abjicientes, vel pro ulteriori servantes viatico. Cum *Milone Crotoniensi* voracitate certaturos fuisse non somniabimus.

§. XIII.

Fel duplex est: *hepaticum*, quod ex hepate per poros biliares in duc-tum

[t] Lyranus, Dion. Serar. Sanchez. Vallesius. Cornel. à lapide, Drusius, Calmet. Placet nobis Calmeti judicium: posse quemlibet hic suo abundare sensu.

[u] Quod plerique statuunt, vid. modo recensitos autores.

[x] Joan. XXI. 11.

tum hepaticum ; & in aliquibus animalibus recta , [y] unò simplici ductu , intestino infunditur duodeno , citra bilis è fellea vesicula , qua scil. carent , admixtionem ; in aliis vero plerisque media via recipit adfluentem è cystide fellea peculiarem ejus ductum , cysticum dictum , aliam adhuc bilem : *cysticum* , quod peculiari asservatur vesicula , hepatis annexa. Ut *colore* & *consistentia* differt duplex hæc bilis , ita etiam *acrimonia* & *amaritie* , quales fel cysticum multo habet extantiores. Facile potuit junior Tobias *fel integrum reponere* , quod jusserat Angelus c. VI. 4. nimirum exempto toto hepate , & postquam hepar in alios usus converterat c. VIII. 2. bilem nihilominus , vesicula sua naturali conclusam , ligato ductu cystico , integram servare ac secum sine incommodo portare , immo & citra metum corruptionis in climate licet & tempestate calidis , tantum abest , ut , facta omnino nonnullarum tenuiorum , aquearum transpirantium particularum jactura , reliquum fellis tanto sit factum acrius , & ad præfixum scopum aptius.

§. X I V.

Fellis in genere *virtutem medicam* operose nolumus hic adstruere. Labore hoc levarunt nos antiquissimi pariter ac recentiores physiologi ac medici. *Cystica* vero maxime *bilis abundat principiis salino - alcalinis atque sulphureis* incisivis , absterisivis , mundificativis , ad abstergendas corneæ maculas apprime facientibus. In specie vero animalium calidorum , rapacium , carnivororum fella majorem obtinere acrimoniam , haud negamus. Ad varios oculorum affectus externos rectius , quam ad internos , specialissime certorum animalium fella commendarunt jam olim medici : & piscis quidem *callionymi* s. *uranoscopi* , fel , *Plinius* , *Galenus* , *P. Ægineta* , *Rhases* , [z] *testudinis marinæ* ad humorum suffusiones *Galenus*. [a] Idem *vulturis* cum marrubii succo & melle attico ad visus obscuritatem. [b] Idem porro *hirci* , *canis marini* , *Galli* , *Leonis* , contra albugines. [c] Plura cumulare nolumus exempla. Quemadmodum ergo bilis cystica in aliis vehementer , in aliis mediocriter amara & mordax ad ipsa etiam varia corporis ulcera detergenda , imo , in usu œconomico , emaculandi & abstergendi scopo solet adhibe-

[y] e. g. in cervo. Unde venatores lapidem jurant jovem , cervum felle destitutum esse , quoniam vesicula fellea caret ; sed tamen non destituitur felle hepatico , quod per ductum hepaticum & choledochum instillatur duodeno.

[z] *Plinius* secundus , hist. mund. L. XXXII. c. 7.

Galenus de simpl. med. facult. L. X. ubi multorum animalium fella recenset , & viribus distinguit.

Paulus Ægineta encheirid. L. VII. p. m. 637. tit. chole f. fel.

Rhasis L. IX. c. 27.

[a] *Galen.* de simpl. med. fac. L. X. tit. chole f. fel.

[b] -- id. de remed. paratu facil. p. m. 156. b.

[c] -- id. ibid. & de remed. fac. parab. ad Solon. c. 12.

hiberi; sic & in illis oculorum affectibus, qui similem sibi vindicant indicationem. Aliquando *fel dilutum* aliquo succo, aqua, ut acrimonia temperaretur, adhibuerunt: hic *merum*, sibi relictum, *applicuit Tobias*.

§. X V.

Liquidorum ejusmodi collyriorum applicatio varia est, per instillationem, affusionem, balneationem, illinitionem, intincto digito, satius autem penicillo, impositionem collyrio imprægnati linteoli, vel imbutæ tenuissimæ bractearum auri vesicæ, &c. & ægris quidem jacentibus supinis, palpebris statim abhinc clausis, ut ne medicamentum justo citius oculis iterum effluat. In historia curationis Tobiae, cap. VI. v. 8. c. XI. v. 7. occurrit verbum ἐγγρίω, inungo, illino; ast c. XI. v. 11. προσέπασε, adpersit, bilem filius in oculos patris. Latina Hieronymi versio ponit: lenivit oculos patris sui. Calmet reddit hoc: frotta les yeux de son pere, fricuit. Dubium itaque manet, an Tobias filius simpliciter instillaverit, vel adperserit, vel affricauerit fel piscis in oculos patris? Vulgata præmittit hanc circumstantiam, quod, postquam adorassent Deum, & gratias egissent, confederint. Probabile scil. omnino est, sedenti potius cæco parenti, quam stanti, fel applicuisse filium, tum, ut copiosius, rectius atque commodius adhiberi, tum ut melius retineri posset. Paucissimi sunt C. Marii, qui sibi stantes patiantur extrahi varices! patientiam atque spem inspiravit ophthalmiater filius: Θάρσει; inquit ὦ πατήρ, bono animo esto. Græcus noster textus non addit, quamdiu toleraverit fellis efficaciam & mordacitatem: vulgata per dimidiam fere horam sustinuisse refert. Certe longum non fuisse intervallum arguunt verba sequentis versiculi duodecimi, ubi dicitur: cum vero oculi à felle compungerentur, morsicarentur, (id quod statim, vel brevi post applicationem evenit procul dubio, si non in ipsa spissiore ac in insensibiliore macula, tamen in tunica conjunctiva oculi & palpebrarum.) Tobias suffricuit oculos suos -- & desquamatæ sunt albugines.

§. X V I.

Fellis hic fuit effectus, ut compunxerit oculos, Tobias suffricauerit eos & de hirquis s. angulis oculorum ejus desquamatæ sint albugines. Vulgata sic habet: & coepit albugo ex oculis ejus, quasi membrana ovi, egredi. Quam apprehendens Tobias traxit ab oculis ejus, statimque visum recepit. Modum sic concipimus: acre, stimulus, rodensque fel (§. 14.) ipsam quidem crassam & insensibilem quasi maculam molesto dolore non multum affecit, sed tunicam tamen oculi & palpebrarum conjunctivam, & tarso palpebrarum & carunculam lachrymalem, notabili commorsione stimula- vit, ægrumque ad frictionem invitavit, ut fieri solet in omni irritatione, ab illapsis oculo. Prolexit idem stimulus copiosorem feri lachrymalis afflu-
xum,

zum, quo fellis quidem acrimonia nonnihil temperata & diluta fuit, at-
tamen satis adhuc valida perstitit ad incidendum, attenuandum, separan-
dum maculæ hujus pelliculosum crassamentum, seu cortices ex humore
crasso concretos. Juvit egregie fellis energiam juncta frictio, suffrictio,
ad secessum cogens humectatas arrosasque pelliculas; quæ ergo tum versus
oculi angulos, majores probabiliter, f. internos, quorsum aliæ quisquiliæ
oculo exiturientes concedunt, delapsæ ac divergentes, palpebris diductis,
apertis oculis sive deciderunt, sive extractæ sunt, an ab ipso patre, an fi-
lio, dubium, quod vero nihil importat.

§. XVII.

Majoris vero momenti est, & *altioris indaginis* non modo *subitanea* quasi,
vel paucis certe minutis accidisse prætenfa *desquamatio*, sed etiam *visus resti-
tutio*, eaque, ut videtur, *in integrum*. De intervallo fellis appliciti, & cura-
tionis absolutæ supra diximus §. 15. Conspirant verba vulgatæ: C. XI. v. 15.
Statimque visum recepit. Visus restitutionem testantur Tob. C. XI. v. 13.
ubi ἰδὼν τὸν υἱόν, videns, cæcus antea Tobias prædicatur, & v. 14. præ-
missa humili piaque panegyri exclamat: ἰδὲ βλέπω τωβίαν τὸν υἱόν μου.
Ecce video filium meum. C. XII. v. 3. Ubi Tobias filius inter beneficia ab
angelo profecta, refert, quod patrem sanaverit, ut græcus in genere loqui-
tur textus, vulgata vero: lumen cœli videre fecerit. C. XIV. 3. in græco
& vulgata visum recepisse, repetitur, imo, juxta vulgatam C. XII. v. 14.
missum se à Deo proficitur angelus, ut curaret Tobiam, nimirum à cœci-
tate. Quamvis autem ad videndum lumen cœli, & adspiciendum hominem
visus etiam sufficiat non omnino perfectus, facile tamen largimur, plenam,
radicalem perfectamque fuisse curam ex angeli consilio præstitam.

§. XVIII.

Sed liceat, absque contradicendi studio, vel impietatis opprobrio, *scepti-
cum* tantisper *agere medicum*. [d] Supra §. 16. jam prælibavimus quædam.
Supponimus autem cum tantum non universo commentatorum agmine, me-
dium, modumque curationis naturales fuisse, physico-medicos, quamvis
singulari Dei gratia exaltata fellis efficacia fuerit. Jam vero *aut macula*, (f.
leucoma, f. paralampsin admittas fuisse,) *adhæsit tenaciter* corneæ? *Aut obi-
ter* saltem *acrevit*, ipsasque corneæ lamellas non implicuit, non obstruxit,
non condensavit? *Si prius*: nec facile, tamque cito separari, nec ita secedere
& desquamari potuit, quin excoriationem, hæc vero novam reliquerit ma-
culam. Unde labor curationis in orbem rediisset. Nulla autem mentio fit ulte-
rius adhibiti post desquamationem remedii, sed visus statim restituti, & diu

B b b 2

biam

[d] Religionem medicorum suspectam reddiderunt aliqui. Sed legant hi dissertatio-
nem beat. Illustris J. J. Bajeri περὶ τῆς τῶν ἰατρῶν ἐνσεβείας.

procul dubio usque ad mortem perstantis integri. Si *posterius*; non fuit nec leucoma nec paralampsis; nec, quodcumque supponatur vitium, tot annis jugiter inhærere potuit, quin potius motu bulborum oculi & palpebrarum, humidoque lachrymali solvente, diluente, abstergi debuit, & excuti.

§. XIX.

Ad *verum miraculum* & omnipotentem Dei manum qui recurrere voluerit, grave habet onus probandi, & tollendi tot reliquos *lapides offensionis*, *morales*, *geographicos*, *chronologicos*, *theologicos*, *auctoritatis* &c. in libro Tobiae obvios. Nostrum non est, hæc à foro medico aliena vel excutere, vel repetere potius à tot aliis pro & contra ventilata. Sufficit, nos ostendisse, quæ sint rationes medicæ, Tobiae historiam illustrantes, &, ne quid diffiteamur, dubiam reddentes. Cætera vero debite venerari, quibus abundat, *morales*, *ethicas*, *politicas*, *theologicas*, quæ aliunde etiam robur suum habent, *veritates*. Unde vel tandem totam epicrisin his includi versiculis [*e*] posse reputaverit nonnemo:

*Cornea Tobiae pateat moralibus, ipsi
Historiae toti sed porta patefcat eburna!*

T A N T U M

[*e*] Allusio ad ingeniosum Virgilii commentum de duplici somniorum porta: *cornea*, qua exeunt vera: *eburna*, quæ falsa emittit. *Aeneid.* l. VI. p. m. 753.

X I X.

DE UNGUE OCULI,

S E U

PURE INTER LAMELLAS CORNEÆ:

DISSERTATIO MEDICA.

QUAM PRÆSIDE

BURC. DAVID MAUCHART P.P.

Defendet

C A R. F E R D I N. B I L G E R

E S S L I N G E N S I S.

Tubingæ mense Julii anno 1742.

§. I.

Unguis κατ' ἐξοχήν dictus quam denotet naturalem corporis partem in vulgus innotuit. Quam varias vero significationes & homonymias subeat græcorum ὄνυξ, latinorum unguis, ob brevitatis studium transmittimus. [a] Inter has præsentis disputationis objectum est, morbus oculi, per metaphoram ὄνυξ, unguis dictus. Quam varia autem sit hujus etiam acceptio atque dolenda *confusio* mox cum *hypopyo*, mox cum *pterygio*, jam nuperrime ingemuimus. [b] Scilicet quod celeberr. *Heisterus* annotat : [c] mirifice in designandis oculorum morbis ac nominibus vel recentiores etiam medicos adhuc dissentire : tam verum est, quam quod verissimum. Igitur ab ovo rem ordiemur, &, quam possunt haberi, antiquissimas aliquot notiones unguis oculi præmittemus, ut constet, quo sensu veteres acceperint illum.

§. I I.

Ex *Hippocrate* non habemus, quod huc trahamus : non enim nisi vel communissima unguis, ceu partis in corpore humano naturalis, vel pro unco ferreo, ad fœtum mortuum extrahendum, acceptio in illius scriptis & nobis evolventibus, & diligentissimo Foësius notata est. Author vero medicarum finitionum, quem aliqui *Galenum* prætexunt, ita, sed obscure satis, describit unguem : [d] suppuratio s. unguis (πύωσις ἢ ὄνυξ) est collectio puris in nigro, [e] cum inflammatione secundum iridem ungui consimilis. In isagoge [f] afferuntur tanquam distincti affectus, pterygium, hypopyum, unguis & diapyesis, in medio autem versionis latinæ, quam Joh. Andernacus adornavit, atque revidit Barthol. Sylvanius, pessime τὸ πτερύγιον, in græco textu obvium, per unguem est versum. *Paulus Ægineta* [g] clare ac distincte pronunciat, unguem vocari, cum membrana cornea

[a] Vid. ὄνυχος, unguis, homonymiæ in scapul. lex. græc. & Foësii œconom. Hippocrat. voce ὄνυξ. It. Brunon. lexic. med. voce unguis.

[b] Disp. de hypopyo p. 4. in fine.

[c] Laur. Heisteri chir. lat. cap. 60, de hypop. p. 628.

[d] Finit. med. p. 48. edit. latin.

[e] Κατὰ μέλαν vertit Barthol. Sylvanius Salonens. it. Foësius in nigro, & τὸ πρὸς τῇ ἰρίδι, secundum iridem. Quamvis autem fortasse rectius illud reddatur : circa nigrum : hoc circa vel prope iridem ; tamen neque hæc emendatio nodum solvit, ut alibi jam monuimus.

[f] Sive sit Galeni, s. Herodoti fœtus hæc isagoge, cap. 15. de oculor, affect.

[g] Pauli Æginetæ enchirid. l. 3. c. 22. quæ ibid. allegatur ὑπόπυος ὁ κερατοειδής, recte vertitur cornea purulenta à Stephano in vocab. med. exposit. It. à Foësius in œcom. Hippoc. tit. ὄνυξ : male vero ab Alban. Torino &c. vid. not. m. disp. præsidis de Hypop. p. 5.

cornea purulenta efficitur, nunc altius, nunc in superficie, ita ut pus habeat unguis figuram: quæ causa sit, quod hoc etiam malum unguis oculi nominetur.

Aureliano [b] dicitur ὄνυξ, unguis: in oculi circulo nata macula albida, quæ in unguis similitudinem, nascentis vel crescentis lunæ cornibus respondens paulatim sumit augmentum.

Actuarius [i] totidem verbis repetit Pauli definitionem unguis, quod & alii plurimi sequentium seculorum medici græci, Arabes & Latini fecere, quos omnes allegare superfluum videtur.

Aëtius [k] paulo accuratius unguem definire censetur abs Gorraeo in definit. medicis, quando ille sic habet: ὀνύχια sive ὀνύχας dici, cum ab ulcere profundiore pus defluere & inter tunicas illapsum ac in circulo iridis figuratum, unguis resecti imaginem refert; hypopyum vero idem author dicit multo abundare pure & dimidium nigri occupare aut per totam tunicam corneam pellucere. Ideoque πύωσις duas constituit quasi species, ὀνύχæ & ὑπόπυον, sic tamen, ut differentiam in sola unguis similitudine ponat, quæ, ἐν τῷ ὀνύχῃ perspicua, ἐν τῷ ὑπόπύῳ nulla sit.

An vero puris vel quantitas, vel figura merito duas affectus species constituere ac diversas denominationes efficere debeat, è principiis tam logicis quam medicis merito dubitatur? Unde nos potius assurgimus doctissimo illi ophthalmiatro Guillemæo [l] qui pyosin pro genere constituit, unguem vero & hypopyon pro speciebus, sic ut *unguis* vocari debeat atque *definiri*: quod sit *affectus oculi p. n. lis* consistens in *collectione ac stasi materie purulentæ inter lamellas tunice corneæ, vel exteriores magis, vel interiores, mox ad circulum corneæ inferiorem, mox superius, mox versus medium; cum ophthalmia & visus obnubilatione variisque aliis symptomatibus juncta.*

Quale pus stagnans emulatur figura & colore modo unguium in digitis resegmenta, ἀπονυχίσματα: modo lunulam illam albidam, in radice unguis humani in digitis obviam, aut alias etiam lunam cornutam, maxime quando pus exigua quantitate ad circulum inferiorem corneæ residet, inter corneæ tamen lamellas adhuc conclusum.

§. I I I.

Hærens inter ultimas corneæ lamellas interiores hocce pus, atque circulo corneæ interno (quem Aëtius, supra §. 2., circulum iridis vocat) proximum existens imponit facile incautis, ac si in ipsa oculi camera anteriore jam esset effusum, unde forsitan quoque *ratio pendet confusionis inter unguem*

[b] Coel. Aurelianus acutor. l. 2. c. 35.

[i] Actuarius, Zachariæ filius, de method. medend. c. 9. de oculor. vitiis.

[k] Aëtius tetrabibl. l. 7.

[l] Joh. Guillemeau in tract. de morb. oculor. cap. de hypopyo, quod quidem ultima syllaba male scribit per simplex i.

guem & hypopyum, à nonnullis veteribus commissæ. Interim quamdiu pus inter corneæ substantiam lamellasque conclusum manet, *unguem* effici, quamprimum vero corneam intro perforat & in primam oculi regionem destillat ac colligitur, *hypopyum* generari, & si idem in cornea delitescens pus illius lamellas perfodiat vel externas saltem, vel omnes quascumque transversim, sic ut cornea orificio hiet angustiore, per quod in priore casu pus effundatur, in altero ipse etiam humor aqueus eructetur, *fistulam corneæ* constitui, distincte & rectius statuendum videtur.

Craffissimus error est meritissimorum cæteroquin authorum, quod græcum Galeni textum latine reddentes, tot in locis, ubi ille vocabulum, *πτερύγιον*, posuit, hi verterint per vocabulum *unguis*. [m] Idem error cecidit etiam in Celsum [n] dum unguem putavit esse, quod græci pterygium vocant, scil. membranulam nervosam, ab angulo ortam, quæ nonnunquam ad pupillam quoque perveniat, eique officiat &c. nisi quidem, ex Woolhousii mente, error hic rejiciendus sit in Celsi amanuenses & descriptores, qui loco unguæ, quæ omnino species est pterygii, posuerint unguem. Rectius enim & nomini non modo, sed ipsi etiam rei convenientius appellasset Celsus τὸ πτερύγιον, latine *alulam*. Itaque inepta illorum versio atque Celsi hic qualiscumque error ac autoritas effecerunt procul dubio, ut quamplurimi è recentioribus, imo recentissimis, alioquin præstantissimis atque celeberrimis auctoribus in hæc devia pariter sint lapsi, quos vero neutiquam hic redarguere, sed tædioso saltem labore, in has vocum origines inquirendi, levare, cætera vero scapham appellare scapham voluimus.

§. I V.

Unguis ergo facile distinguitur ab *hypopyo*, quod in hoc pus sit sub cornea, inter hanc & iridem effusum, collectum atque stagnans in fundo regionis primæ oculi, in ungue vero hæreat adhuc in ipsa cornea, plus minus profunde inter hujus tunicæ lamellas, modo inferius, modo in medio, modo superius. A *pterygio* discriminatur evidentissime per hujus definitionem galenicam: [o] quod nempe *πτερύγια* sint germina adnatæ oculis extrinsecus membranæ, quæ ab ipso perioestio delata ad coronam perveniat. [p] Ab *empyesi* l. *diapyesi* quod in hac pus hæreat in secunda oculi regione,

[m] Edit. octav. oper. Galeni, latine redditor. venet. in fol. an. 1609. Exemplar malæ versionis præbent hæc loca: de simpl. med. facult. l. 8. tit. tithymal. it. l. 11. tit. sepiæ. it. de different. morb. c. 13. circa med. & finem. it. de Tumor. c. 16.

[n] Corn. Celsus de re med. l. 7. c. 7.

[o] Galenus de tumor. p. n. cap. ult. it. Isagog. de oculor. affect. c. 15.

[p] Pterygium vocarunt olim quoque unguis alicujus in digito pedis manusve carnis incrementum, partem unguis operiens, in pedibus ex offensione, in manibus è neglecta reduvia & post inflammationem in pus mutata. P. Æginet. l. 6. c. 85. it. l. 3. c. 81.

gione, f. camera, post uveam, cornea vero à pure libera sit. [q] A *pyosis* dividitur ut species à genere; pyosis enim est suppuratio, conversio in pus, quælibet, in genere. Hinc author vetustissimus finitionum medicarum (§. 2.) male, aut inconsiderate, pyosin pro synonymo & æquipollente ὀφθαλμία, unguis, habuit.

Verum *alia* adhuc sunt *pyosis species*, f. suppurationis in ipsa tunica cornea, quæ unguem propius referunt: nimirum tot si non omnino species, tamen varietates ulcerum, macularum atque cicatricum. Cum vero singulorum vel sola enumeratio nimium nobis hic eriperet spatium, itaque brevem dumtaxat *cynosuram* suppeditamus, unde diversa hæc corneæ mala facile *dignoscantur*: ulcera, maculæ, cicatrices corneæ, superficiem hujus externam tantum non semper occupant, cum pus in ungue hæreat sub extima, imo aliquot exterioribus corneæ lamellis: maculæ etiam & cicatrices, qua tales, sine doloribus, ophthalmia visusque molesta sensatione ac chronicæ sint, diuque, quin jugiter permaneant, & pelluciditatem in superficie amiserint, unguis vero molestum dolorem, visus nimiam sensibilitatem & turbationem inferat, & vel brevi dissipetur, l. pus effundat in cameram oculi, aut foras, efficiendo tum ulcus aut fistulam corneæ, l. & denique, siccato pure & condensatis corneæ stratis, maculam relinquat: excoriationes ulcerosæ, atque varia ulcera, superficiem corneæ convexam obsidentia manifeste sistant insipientibus solutionem continui ac erosionem plus minus profundam, quæ plane non obveniunt in ungue. Itaque differunt hæc ulcera ab ungue, ut ulcus ab apostemate f. abscessu: ibi pus in aprico est, & è faucia exstillans cornea: hic conclusum inter corneæ lamellas.

Paulo difficilior est diagnosi, si tale *ulcusculum* resideat in *concaua corneæ superficie*, uti talia aliquando occurrere suo loco ostendemus. Unde attendendum est in tali casu ad profunditatem ulcerationis, ad nitorem & pelluciditatem lamellarum corneæ anteriorum f. exteriorum, intimarum vero nubeculosam alboflavescentem inquisitionem, cui aliquando jungitur totius aquei humoris in camera anteriore turbiditas.

§. V.

Pauca ex his præmissis *superfunt phenomena* unguis *constitutiva* atque *comitancia*: scil. corneæ superficies convexa lævis quidem & polita perstat sine erosionem aut ulcerationem, ordinario etiam sine notabili elevatione aut protuberantia p. n. li, sed ex ipsius tamen substantia manifeste transparet albida, vel è flavo albescens purulenta materia, stabilis, certo loco defixa, nunc inferius versus circulum & connexionem corneæ cum sclerotica, id quod frequentius obvenit, vel circa medium aut superiorem quemdam corneæ locum, variæ magnitudinis & figuræ, quibus mox lunulam, mox refe-

[q] De empyesi oculi, ex professo illustrata, vid. disp. præsidis.

refegmina digitorum æmulatur. Si altiore loco hæreat pus in cornea, & quantitate augeatur, descendere solet pedetentim inter lamellas corneæ in locum declivorem. Conjunguntur inflammatoria atque ardens plus minus rubedo conjunctivæ, luminis molesta sensatio, visus ordinario quædam obnubilatio & obfuscatio, præsertim si pus in cornea hæreat è directo pupillæ: in aliquibus dolor capitis, inpr. hemicrania lateris affecti; illachrymatio, pruritus.

§. V I.

Phænomena consequentia: pus inter corneæ lamellas si exiguæ sit quantitatis & benignæ qualitatis dissipatur aliquando sponte naturæ, aut per supervenientem ophthalmiam, quæ plurimum materiæ pituitosæ & glutinosæ è glandulis palpebrarum sebaceis fundit, derivatur, aut per medicamenta in- & -externa resolvitur; si vero copia abundet, aut acrimonia peccet, erodit lamellas vel anteriores l. posteriores, atque si foras eructetur, efficit ulcus, si intro, hypopyum: si totam corneæ substantiam perfodiat, fistulam corneæ parit, è qua non saltem pus atque humoris aquei portio statim effluent, sed & posthac quotidie humor aqueus ceu per siphonem elidetur; imo vero si perforatio amplior sit, metus adhuc gravior imminet prolapsus uveæ, & quæ hinc consequuntur, molestissimorum ac periculorum symptomatum aliorum. Si condensetur ac tandem exsiccetur stagnans hæc materia viscofo-purulenta cudet vel albuginem s. leucoma, vel aliam densiorem & indelebilem relinquet corneæ condensationem albidamque obfuscationem, quemadmodum & in adultis & senibus post operationem unguis, dextre licet peractam, ordinario relinquitur eo loci macula & cicatrix alba, quantumcumque illa lævis fuerit & æqualis.

Unde quo amplior, diffusior, profundior & pupillæ magis obversus unguis, eo difficilior est curatio, eoque major fœdæ, visumque impediens posthac maculæ & cicatricis metus. E contrario quo subjectum est junioris ætatis, minoris cacochymix, quo unguis est benignior, à centro s. medio corneæ remotior, quo superficialis magis, quo citius rectiusque subjicitur operationi chirurgicæ, si medicamenti cedere nolit, quo post ejus compunctionem chirurgicam externæ corneæ lamellæ brevi evadunt flaccidiores & rugosiores, eo major pleniorque spes affulget curationis, quæ per modum fit sic dictæ exfoliationis.

§. V I I.

Pæthologia. Unguis est *morbis conformationis* in meatibus, canaliculis atque poris corneæ dilatatis & infarctis à materia stagnante purulenta. Aut considerari potest etiam qua *symptomæ qualitatis* mutata, scil. pelluciditatis, qua cornea gaudet naturaliter, abolitæ, & inducti p. n. coloris flavo-albescentis, cui ergo symptomati morbus, tanquam causa proxima, subest

is ipse conformationis, in limine hujus paragraphi allegatus. *Subjectum morbi*, quod ἡ *causa* hic ordinario simul esset solet, est tunica cornea, κατ' ἐξοχὴν dicta, sive portio scleroticæ anterior diaphana. [r] Constat hæc e pluribus lamellis, f. stratis sibi invicem apposis, [s] sed intime connexis, ita ut nullum inter se vacuum aut interstitium relinquant. Extima harum lamellarum, tenuissima, videtur esse progenies & continuatio conjunctivæ, super totam corneæ superficiem convexam subtilissime expansæ. [t] In statu naturali, sano, nulla unquam vasa, sanguinem rubrum vehementia exhibet, in p. n. li vero vasa hæc, ob impulsum sanguinis arteriosi fortiorem, dilatantur atque crassiorem sanguinis portionem, purpuram, admittunt, id quod maxime apparet in morbo, *corneæ venositas*, dicto, item in ophthalmiis externis. Instruitur cornea plurimis poris, [u] qui diaphanum laticem satis glutinosum in moribundis atque demortuis plorant, quique in horum oculis manifeste aliquando, & subinde per modum telæ, superficiem corneæ investit, post mortem vero è cornea, digitis compressa, clare satisque copiose per superficiem corneæ externam exstillat. Unde hic veniat humor, non æque planum est? An à Nuckii ductibus aquosis, quibus ille quidem humoris aquei secretionem modo tribuit? An à vasculis excretoriis glandulæ innominatæ, (lachrymalis np.) nunc duobus, nunc tribus, in bobus maxime observatis ab Hovio, humore claro pellucido repletis, ex parte inferiore illius glandulæ oriundis atque

[r] A celeberr. Winslovio, aliisque cornea oculi tunica dividitur in opacam, f. scleroticam & in diaphanam, quæ cornea κατ' ἐξοχὴν audit aliis, hancque continuationem videri scleroticæ asserit oculatiss. ille Anatomicus, in expos. anat. in 4. Paris 1732. p. 662. §. 214. Sed nobis distincta videtur & diversa valde esse cornea à sclerotica per structuram manifestius atque copiosius porosam & lamellatam, transparentiam, turgiditatem succulentam, intumescantiam & incrassationem notabilem, dum in aqua maceratur, per vasorum merè lymphaticorum, nullam sanguinis portionem rubram vehementium in statu scil. sano, & denique per distinctum, singularem obliquum utriusque tunice concursum & implantationem.

[s] Mediante cultro anatomico possunt dividi in numero plures, 6. 8. 12. In cadaveribus aliquandiu asservatis haud raro sponte una alteraque exteriorum harum lamellarum secedit. Post operationem unguis, & in aliis corneæ morbis, pariter illæ videntur manifeste separari & quasi exfoliari. Veteribus non fuerunt ignotæ, sub nomine corticum corneæ, ut passim è Galeno patet.

[t] Demonstravit id plus semel in anatomiis publicis præses. Consentit Winslov. in expos. anat. p. 674. §. 274. Confirmant varii & plurimi oculor. morbi, quos, brevitatibus studiosi, prætermittimus.

[u] De his vid. Nic. Steno in tract. de musc. & gland. Jac. Hovius tract. de circulari humor. motu in oculis p. 90. Jac. Benig. Winslow dans les *Mémoires de l'Académie Royale des Sciences* anni 1721. edit. Amstel. p. 417. it. ejusd. exposit. anat. p. 662. §. 216. Poros vero hos corneæ rectilineos supponi debere videtur, tam ex ejus diaphaneitate, si in naturali maneant situ, quam ex opacatione corneæ & contractis albidis maculis post vulnuscula atque ulcera ejus consolidata ut plurimum relictis, per condensationem scil. & obstructionem horum pororum.

atque circa corneæ circulum ipsam subintranibus corneam, prout *Hovius* describit & delineat? [v]

An vero, quod probabile, à ramificationibus arteriæ carotidis externæ orbitalibus, à ramo carotidis maxillari interno dicto proficiscentibus, & per anastomofin junctis circa medium bulbi cum ramis internæ carotidis, utpote quæ ramificationes non tantum superficiei corneæ, sed & toti ejus substantiæ inferuntur? Aut denique num hic corneæ humor partim debeatur transpiranti per corneæ poros humori aqueo, in prima oculi regione obvio, quæ *Nuckii* est sententia: [x] acriter vero & plausibilibus impugnatur argumentis abs *Hovio*? [y]

Ita pariter sub judice lis est, num humor ille diaphanus corneæ, ad hujus nutritionem & humectationem destinatus, per corneæ poros, quos *Hovius* l. c. nihil aliud esse, quam orificia ductuum suorum excretoriorum, è glandula lacrymali oriundorum, reputat, partim excernatur in superficiem corneæ convexam, pro ejus perpetua humectatione, partim per venas ad cor revehatur? Sicuti *Hovius* statuit l. c. Num vero absorbeatur fortassis atque revehatur in communem humorum & sanguinis massam, per illa corneæ plurima vascula nova, secundum longitudinem decurrentia, quæ neque sanguiflua, neque lymphatica sint, quantumvis lymphaticorum æmula, & per quæ, juxta mentem & descriptionem *Ruyschii*, [z] reducatur humor aqueus, advectus per ductum *Nuckii*, vel alium ignotum, problema est?

§. VIII.

Prolixior hæc corneæ, tanquam subjecti affectus nostri, descriptio anatomico-physiologica, in quantum scil. morbum hunc ocularium respicit, præmissa multis phænomenis in ætiologia, prognosi ac therapia lucem accendit, sponte sua radiantem. *Causa proxima* unguis est stagnatio statisque inflammatoria sanguinis, lymphæque è vasculis tenuissimis corneæ p. n. dilatatis effusi inter corneæ lamellas atque in suppurationem abeuntis. *Causæ antecedentes* & *procatarecticæ* sunt: stimulus, irritatio, ictus, collisio, contusio bulbi anterioris, ophthalmia gravis, chronica, frequens, vesiculæ, phlyctænæ, præcipue vero *pustula variolosa*, corneam obsidens & pus suum inter corneæ lamellas effundens. Accidit aliquando sponte, à causa interna, talis pustula variolosa corneæ, uti passim in tota reliqua corporis peripheria, sive apertæ maneant ferventurque variolosorum palpebræ, sive clausæ. Intempestiva vero muliercularum sedulitas atque panicus terror sæpe nostro unguis affectui tum viam sternunt. Uti enim in quamplurimis vario-

C c c 3

lofis

[v] Jac. *Hovius* tract. de circular. humor. motu in oculo. 8. Lud. Bat.

[x] Ant. *Nuck.* Sialograph. & ductuum aquosor. anatome nova. 8. Lugd. Bat. 1690.

p. III.

[y] *Hov.* de circular. humor. mot. in ocul. p. 86. sqq.

[z] *Fred. Ruysch.* Respons. ad *Christian. Wedelium* de oculor. tunicis p. 14.

iosis palpebræ salutarî quodam cæmento & glutine per aliquot dies coalescunt, atque sic non modo contra molestum lumen muniuntur, sed quam maxime etiam contra acrimoniam & contagium puris, vel destillantis è variola palpebræ aut tarfi, vel illiti per manus digitosque impuros variolosi patientis, providissime muniuntur; ita pessime agunt, qui naturale hoc propugnaculum intempestive dirimunt aperiuntque, nisi quidem è gravibus perpetuisque oculi doloribus pulsatoriis constet de corneæ quadam inflammatione suppuratoria, per modum unguis, vel hypopyi, atque de actuali corneæ variola.

§. I X.

Therapia. *Indicationes* sunt: (α) nimium ad oculos affluxum moderari, revellere, derivare. (β) Stasin sanguinis atque puris discutere, resolvere, vel, si hoc sperari, aut obtineri nequeat, (γ) pus eliminare ac evacuare per operationem chirurgicam. (δ) Factum hinc vulnuscum & apertum abscessum mundificare, consolidare, lævi, ac, quantum licet, diaphana cicatrice claudere. (ϵ) Ultimoque oculum, visumque roborare.

§. X.

Primæ indicationi, scil. nimio ad oculos affluxui moderando, revellendo, derivandoque inserviunt in plethoricis, ventilationibus sanguinis aduetis, in suppressionibus mensium, hæmorrhoidalis fluxus nariumque hæmorrhagiæ, aut actuali sanguinis orgasmo, &, quem vocant, raptu ad caput, *venæsectio* brachii aut pedis κατ' ἑξιν, scil. in latere affecto, *cucurbitula scarificata* in humeris dorsoque, *hirudinum applicatio* ad anum. *Pediluvia* tepida, lixiviosa: *frictiones* pedum asperæ: *suppedanea* acria: *vesicatoria* pedum furis, aut brachiis imponenda: denique præmissa sufficiente tali revulsione, & per venæsectionem evacuatione, ipsa internæ palpebrarum superficiei scarificatio, s. *blepharoxysis*. [*a*] *Enemata*, purgantia, alvum stimulantia.

§. X I.

Secundæ indicationi, np. stasin sanguinis atque puris discutiendi, resolvendi famulantur *epithemata*, *sacculi*, *collyria* è solventibus parata, e. g. hyssopo, serpillo, roremarino, fl. sambuc. lavend. croco, camphora, sem. foenic. rad. valer. &c. in vino, aut aq. calc. viv. & vini portionibus anaticis, leviter coctis: *cataplasma*, è medulla pomi assati, addito croci & camphoræ tantillo, nec non antimonio diaphoretico & pulvere rad. ir. flor. Collyria sicca minus conveniunt; circa humida etiam caute versari oportet, ne scil. vel acri stimulo affluxum & dolores augeant, vel nimia humiditate corneam imbuant, vel repellendo, obstruendo, adstringendo lupum stabulis

[*a*] De hac blepharoxysi vid. notam inferius lit. ff.

bulis includant. Si quæ ergo velint adhiberi, ex aq. sambuci, lavend. rofar. cum antimon. diaph. & refracta dosi camphoræ atque croci parata oculo tepida frequenter instillari, atque calefactis spleniis oculus muniri poterunt. [b]

§. XII.

Indicationi tertiæ; pus inter corneæ lamellas stagnans eliciendi ac evacuandi, satisfacit *operatio chirurgica*. De hac igitur distincte agemus. *Instrumenta* huic inserviunt : primo *acus subtilissima*, brevi ac tenui manubriolo argenteo adaptata, & firmissime conferruminata, lineæ mathematicæ, plus minus, longitudine prominens è manubriolo cuspide sua acutissima. Plura ad manus sunt ejusmodi instrumenta, aliud nempe unica saltem acu præditum, aliud duabus, quin tribus quatuorve acubus, proxime ad se invicem & in serie recta collocatis, aliud longioribus, aliud brevioribus instructum cuspidibus, prout vel superficiali, vel profundiore opus est punctione.

Woolhousius appellat hoc instrumentum gallica lingua, *le mouchetoire*: composito nomine græco vocat præses *κατάνυπτρον*, *catanyptum*, à *κατάνυπτειν*, compungere, pungendo penetrare. Actio enim hujus instrumenti consistit in eo, ut acubus illis compungatur & perfodiatur una alteraque lamella corneæ, sub quibus pus delitescit, atque sic materiæ illi paretur exitus. Potest soletque huic scopo alia etiam *acus*, cataractis deponendis vulgo dicta, *teres acuta* inservire.

Secundo autem, si pus vel nimis profunde delitescat, vel nimis crassum sit, quod ideo per exilia, acubus illis inflicta, punctula nequeat excerni, requiritur *alia acus*, manubrio obfirmata ligneo, aliove, polygono, *modice incurva, plana*, à latitudine in medio maxima, quæ dimidiam lineam mathematicam æquat, desinens pedetentim in apicem acutum, sed tamen planum, angulis s. lateribus duobus acute scindentibus instructa. *Speculum oculi*, [c] & *susensorius* palpebræ superioris *hamulus* complanatus, [d] quibus inter operandum oculi bulbus stabiliri atque palpebra superior attolli sicque oculus plene detegi possint, ad manus quoque sunt, ut, si digitis operator suis nequeat has indicationes sufficienter exsequi, illis utatur instrumentis.

Ministri aliquot, qui caput, brachia &c. ægri, in operatione forsitan reluctaturi, valide detineant, & res necessarias operatori porrigant, adfunt. In parato etiam haberi debet *decoctum aliquod*, è fl: sambuc. lavend. & semi-
ne

[b] Prolixi nolumus esse circa 1. 2. & 5. hujus affectus indicationes, ne cramben recoquamus, nuper demum in disp. de hypopyo p. 15. 16. 17. 18. liberaliter appositam. Quoad has enim indicationes par ratio est hypopyi atque unguis.

[c] Quale abs Woolhousio inventum delineari curavit Heisterus in Chir. lat. Tab. 17. fig. 16.

[d] Susensorius hicce hamulus describitur in Præsidis Disp. de hypop. p. 26. circa finem, & à celeberrimo Heistero per iconem sistitur in Chir. lat. Tab. 16. fig. 1.

ne lini, in aq: communi vel lacte coctis, cujus vapor modice calidus ad oculum affectum statim ab operatione sit admittendus. Item *sacculi* è supra (§. 11.) laudatis resolventibus in vino cocti & expressi: & denique *potio* quædam *analeptica*, *spiritusque* fragrans pro odoramento, si vires deficere sentiuntur.

Hypocaustum, in quo suscipitur operatio, satis *luminosum* sit atque *calefactum*, ut operator clare perspiciat locum affectum, & aër frigidiusculus liberque ab oculo arceatur.

§. XIII.

Æger in lecto *supinus collocatur*, capite declivi. Caput ejus abs ministro, à vertice ægri constituto, firmissime manibus tenetur, brachia vero ab aliis amanuensibus pariter immobilia figuntur. Ipse operator alterius manus digitis, pollice ac indice diducit palpebras oculi affecti, aut hamulo suspensorio (§. 12.) palpebram superiorem vel elevat ipse, vel attolli curat per adstantem famulum. Si bulbum oculi nimis vagum & desultorium stabilire oporteat, applicatur speculum oculi §. 12. sub palpebras, quod totum in peripheria complectens bulbum, satis hunc obfirmabit. Si tamen binis hisce instrumentis supersedere liceat, & æger & operator non uno liberabuntur incommodo.

Antequam ipsa punitionis operatio instituatur, undique dispiciendum & visu explorandum est subjectum morbi, qua scil. sui parte protuberet maxime? Ubi cornea sit albidissima atque opacissima, atque sic major puris subtus latentis copia? Annon in peripheria, vel alibi, extimæ corneæ lamellæ jamjam à subjacentibus sint divisæ ac elevatæ? Ut scil. operator talem maxime locum corneæ, eumque decliviorē destinat punitioni.

Pro latitudine ac profunditate stagnantis inter corneæ lamellas purulentæ materie eligit operator catanyptum §. 12. acu una, l. pluribus instructum, idque mox superficietenus, mox profundius impellit, tam alte vero nunquam, ut intima ultimaque corneæ strata pertendantur: catanyptum inter indicem ac pollicem firmiter detentum defigit & intrudit operator recta & perpendiculariter semel atque simul in locum corneæ affectum, ita ut facto uno alterove foraminulo pus subjacens exsudare queat vel sponte, vel porro ad exitum facilius promoveri. Acquiescit primo hoc tentamine chirurgus.

§. XIV.

Statim ab hac prima compunctione ægri caput magis acclive collocatur atque sustinetur, bulbus oculi lavatur foveturque partim admissio vapore tepido. (§. 12.) aut hujus decocti aliquot guttulæ jugiter instillantur, aut labrum ophthalmicum (bassin oculaire vocat Woolhousius) bulbo oculi immediate superpositum, tali decocto repletur, ut hoc corneam alluat. Quæ varix enchireses sicut ad diluendum pus tendunt, illiusque effluxum facilitandum,

dum, ita per aliquot minuta non modo continuari, sed frequenter etiam repeti debent, impositis per intervalla facculis resolventibus calidis, in vino coctis §. 12. vel & cataplasmatibus è medulla pomi sub cineribus affati, cui postea antimon: diaph. atque croci & camphoræ tantillum remisceantur.

Si unica primaque hac punctione, & subjunctis modo laudatis diluentibus atque resolventibus topicis remediis, intra unum alterumve diem nondum satis evacuatum puris videatur, aliis novis locis denuo, ut supra dictum, adhiberi catanyptrum & dehinc repeti in limine hujus paragraphi laudata methodus debent.

§. X V.

Si vero *pus nimia* laboret spissitudine ac *tenacitate* & per exiles has puncturas exire renuat, acu curva, pungente in apice, ac in lateribus scindente, [e] qualem §. 12. descripsimus, locus corneæ affectæ tumidior, albidior atque declivior pungendus atque latiore vulnuscule aperiendus, postea vero non modo, ut §. superiori dictum, lavandus est atque fovendus, sed & instillato, altera ab hac operatione nocte, collyrio ex aq: sambuc. hyssop. valerian. ana ʒvj. pollinis rad: ir: flor. ὀβ-aloës focotrin. gr. iij. camphoræ gr. j. M. irroranda adque exfoliationem, f. lamellarum exteriorum separationem, leni hoc stimulo atque abstergente collyrio promovenda est cornea. Similem usum præstabunt, pinguedo viperarum, aqua ophthalmica viridis Hartmanni, & ophthalmica Quercetani. Omnia tamen acria atque septica cautissime, adstrictiva vero, qualia sunt vitriolica & saturnina minime debent adhiberi: imo ne quidem unctuosæ tunc conveniunt ordinaria.

Inter hæc *interna* quoque *medicamenta* alvum blande & per ἐπιήρπασιν subducentia, temperantia, absorbentia, diaphoretica possunt debentque propinari, *regimen* & *dieta* sic præcipi, ut massa humorum nec obruatur, nec in orgasmum concitetur, aut noxia inficiatur qualitate.

Imo si *ophthalmia* *gravior* externa vel interna subsequatur, venæsectio pedis vel brachii, vesicatoria in nucha vel pone auriculas, tandem & palpebrarum superficiei internæ scarificatio, f. blepharoxysis, [f] adhiberi debent.

§. X V I.

Paucis ab illa punctione (§. 14. & 15.) diebus corneæ affectæ superficies atque

[e] Godefr. Bidloo Exercit. anatomico-chirurg. cap. de oculo purulento p. 93. scalpellum adhibere jubet, qui arcum, vel hominis linguam exprimat, cujusque pars anterior solummodo acuta, latera vero obtusa sint, ut ne scil. ulterius, quam velis, ruat. Ast metum hunc temperabit suspensa providaque chirurgi manus: latera vero acus scindentia eum in finem sunt necessaria, ut, cum latior est unguis, latius etiam infligi vulnus, quin ipsæ extimæ lamellæ corneæ uno ictu & perforari & discindi valeant: nostram acum v. in Heist. Chir. lat. Tab. 16. fig. 2.

[f] De scarificatione oculor. vid. Hampii disp. an. 1721. De ophthalmoxysi præsidis disp. an. 1726. De scarificatione oculor. Platneri disp. an. 1728. in lucem editas.

atque lamellæ exteriores contrahunt quasi rugas atque plicas, bono faustæ exfoliationis omine, quam itaque Woolhousius adjuvare jubet hoc collyrio: ℞. croci metallor. ℥j. infundendi in aq. fœnic. ℥ij. dehinc decantata, s. per inclinationem effusa hæc solutio, guttatim atque semel iterumque quotidie instillanda est loco corneæ affecto, & per minuti, vel paulo longius, spatium palpebris occlusis est relinquenda, alternis etiam diebus pulvis subtilissimus sacchari canthi albi, in mortario plumbeo bene triti, & saturnina virtute aliquantum imbuti, loco affecto inspergendus est, utrobique vero dehinc, diductis iterum palpebris, lavare ac abstergere bulbum oportet in aqua lactis destillata, vel aqua malvæ & euphrasæ tepide, mediante labro ophthalmico, (§. 14.) vel alia blanda ratione.

§. XVII.

Leni & modica suppuratione quadam sic *ulcusculum corneæ* magis magisque mundificabitur & lamellæ ejusdem corruptæ ad secessum s. exfoliationem promovebuntur, præcipue si circa vespæram aliquot guttulæ vel grana sequentis unguenti instillantur aut illinantur corneæ: ℞. ung. de tut. ℥ij. Camphoræ gr. iß. aloës socotrin. gr. iij. m. f. ung. impalpab. Sub ipsa vero hujus unguenti applicatione æger supinus, capite admodum declivi jacens, in hoc situ per dimidiam certe horam maneat quietus hiantibus diductisve palpebris, ut unguentum diutius inhæreat loco affecto. Postmodum clausis palpebris imponatur calidum cataplasma è medulla pomi assati, antim. diaph. ℥j. & camphora gr. iij splenio quadruplicato obtectum, hocque fascia debite obfirmetur, aliquot dehinc horis æger aliquandiu pronus faciei incumbat, [g] brachiis decussatim faciei suppositis, ut latentis sub cornea puris effluxus ulterior promoveatur, atque simul respirandi libertas conservetur. Alternis quoque diebus sub palpebras oculi affecti sex l. decem *grana hormini* jubet Woolhousius insinuare oculo, eoque dehinc occluso, per bihorium fervare. Agunt hæc & tanquam solida corpuscula, quæ alias etiam illapas oculo impuritates & peregrina corpuscula feliciter everrunt, atque sic exiles corruptæ corneæ laciniæ & lamellas extergunt abripiuntque: & ceu mucilaginosæ semina, quæ demulcent atque lubricant.

§. XVIII.

Abcessu hoc corneæ, s. ungue, mundato & lamella, vel lamellis, corneæ corruptæ per exfoliationem ablatis, circa ejusdem *consolidationem lente festinandum est*; ut enim non modo deperdita corneæ substantia regeneretur, sed nova etiam eidem inducta strata debitam obtineant pelluciditatem, lento placidoque opus est modo. Extollit in hunc finem Woolhousius sequens ung. ℞.

[g] Nisi quidem unguis profunde inhæserit, atque sub hoc faciei prono situs justus subsit metus, ne intimæ corneæ lamellæ nimis protrudantur foras, per gravitantes à tergo humores oculi.

℞. ung. diapomphol. ꝑ. pulv. g. arab. gr. vj. ol. ovor. gt. vij. balsam. de mecha, f. opobals. veri. nec non balsami saturni, [b] ana gr. ij. m. probe. Poterit unguent. hoc tepefactum instillari corneæ, palpebræ defuper claudi, oculus splenio, aut facculo sicco, è resolventibus & roborantibus concinnato, atque fascia obtegi, idque mane ac vesperi repeti, donec æqualem, lævem atque diaphanam superficiem & quasi cicatricem recuperaverit cornea, sicque cura feliciter sit peracta.

Licet vero in adultis hominibus ac in profundiore ungue cicatrix non semper debite pellucida obtineatur, sed albescens ac opaca, pejoribus tamen eventibus atque damnis pessimum obdidisse sat est.

§. X I X.

Post superatam hanc curam oculis studiose aliquandiu parcat ægrotus, nec præmature ad lectionem, scriptionem, solis aut splendidioris adspectum luminis eos adstringat, nec vento, fumo, pulveri exponat: neque etiam venæsectiones atque purgationes, minimum semestres, negligat. Si cicatrix albidâ & opaca remanserit, sed superficialis saltem, deterfio ejus paulatina suscipi potest per pulveres, aut unguenta leniter detergentia & mitissime septica. Sed dabitur alia occasio de maculis corneæ variis ex professo agendi.

§. X X.

Dn. de Saint-Yves (i) duo monita habet, huc spectantia. Alterum: quod si, ut subinde fit, vasa sanguinea, super ipsam adscendentia & reptantia corneam, inferantur maculæ cuidam (imo & ungui) eamque nutriant, hæc rescindi debeant, subducta quadam acu scindente, vel lanceola. Alterum: quod periculosa sit atque inanis illa quorundam methodus, qui pelliculam talis maculæ in cornea jubent auferre lanceola, vel alio instrumento, quoniam inde factum vulnus, novam, dum consolidatur, cicatricem & opacitatem, priore haud minorem relinquere debeat. Paulo tamen post expressis hæc limitat verbis, quod scil. in eo casu liceat omnino pelliculam de cornea tollere, si ex pustula variolosa se insinuaverit materia purulenta inter lamellas corneæ; huncque unicum esse casum, cui hæc operatio quadret. Sed quid obstat quæso in ungue, ex aliis etiam causis orto, similem instituere chirurgiam.

[b] Balsami ℥ duas habet formulas Jungken in lexic. chymicopharmaceut. edit. tert. part. 1. p. 63. & 64. præferimus autem priorem, quam recenset, compositionem D. Maets.

[i] De Saint-Yves Traité des malad. des yeux. p. 228. seq.

T A N T U M.



XX.

DISSERTATIO
DE
ULCERIBUS CORNEÆ

Quam Præside

BURC. DAVID MAUCHART P.P.

Defendet

CHRISTOPH. FRID. GIFFTHEIL,

M A R B A C E N S I S.

Tubingæ mensis Septembris anno 1742.

XX

D I S S E R T A T I O

DE

U L G E R I B U S C O R N I E

Quæstio

D U R O D A V I D M A C C H A R T E R

Edi

C A R L I S B O R O U G H I I N T E R P R E

W I L L I A M S

1772

Σ. Θ.

§. I.

Ulcus, f. hulus, ἕλκος, εὖς, ὅ fumiur vel latiffime pro morbo in genere: [a] vel late pro omni quacumque folutione continui partium carnofarum, atque mollium, pro vulnere: [b] ftrictius vero ab antiquis & recentioribus accipitur pro ea in partibus mollibus continui folutione, quæ cum deperditione fubftantiæ per eroſionem fit. [c] Unde poſteriore hoc fenfu ἑλκωσις ἑλκωμα Hippocrati dicuntur exulcerationes. [d] Authori vero definit: med. ἑλκωσις per homonymiam quoque vocatur ρήξις, ruptio, tunicæ corneæ, quam l. iſtus, l. inſignis inflammatio attulit. ἑλκύδριον, in genere denotat ulcus in diminutivo, ulcus parvum, ulcuſculum.

§. II.

Ulcus differt à vulnere, quod hoc non fiat per eroſionem nec à cauſa interna, ſed per inſtrumentum ſcindens, pungens, terebrans, violenter percutiens, neque paulatim, ut ulcus, ſed repente generetur: neque chronicum fit, cum ulcera diutius morentur antequam ad conſolidationem deduci queant. *A contuſione & excoriatione* diſtinguitur ulcus, quod illæ utplurimum à cauſa externa pendeant, ſubito generentur, & ſanguinem lymphamque tantummodo fundant: quamprimum vero vulnera & contuſiones longiorem moram neſtunt, ad conſolidationem difficilius perducuntur, ſaniem atque pus largius fundunt, atque ſe diffundunt, alia atque alia fibrarum ſtamina erodunt, tunc ad ulcera quoque referuntur.

Ulcus diſpeſcitur ab abſceſſu, f. apoſtemate, quod ibi cutis, vel alius integumentum adſit ſolutio, pars ſaucia, hic vero pus adhuc concluſum & ſuperficiem affectæ partis adhuc integra. Hic tamen abſceſſus f. ſponte ruptus, f. quacumque arte apertus conſtituit poſtea ulcus. [e] *Ulcus corneæ* diſcriminetur ab ejus ungue, quod hic pus contineat concluſum, lamella, vel lamellis corneæ obteſtum, illud vero ſuperficiem corneæ ſolutam, eroſam cum ſubſtantiæ deperditione importet: *A nubeculis* variis atque cicatricibus corneæ diſferunt ejus ulcera, quod ibi non ſit continui ſolutio & manatio ſeroſo-purulenta, qualia in ulceribus occurrunt.

§.

[a] Hipp. L. de fractur. it. L. de Medico.

[b] Paſſim apud Hipp. Galen. P. Æginet. Platon. Homer &c.

[c] Hanc Brunonis in Lex. Med. Caſtelliano definitionem adoptamus.

[d] Hipp. aphor. S. 3. §. 21. it. Epidem. L. 3.

[e] Confer. cel. Heiſter. chir. lat. C. de ulcer. p. 356 f. Præmittenda v. hæc generalia videbantur, ut ſpecialis applicatio ad corneæ ulcera eſſet fundatior atque clarior.

§. III.

Ulceræ v. jam antiquitus [f] & hodiernum varias *differentias* atque *denominaciones* acceperunt, à magnitudine in varias dimensões, à duratione, à subjecto inhæsivo, à symptomatum diversitate & gravitate, à causarum varietate. Sicut ergo variæ hinc ulcerum denominationes atque species ortæ sunt, superficialium, profundorum, sinuosorum, callosorum, fistulosorum, verminosorum, malignorum, venereorum, cancroforum, scorbuticorum, antiquorum, dyssepulotorum, depascentium &c.; ita ulceribus oculi, & determinate quidem corneæ ejusdem tunicæ varia sunt ab antiquis imposita nomina, quæ specificum cujusque characterem exprimere debebant.

§. IV.

Quamvis autem singula hæc ulcerum corneæ distincta nomina non pro distinctis & in sensu rigoroso accipiendis ulcerum speciebus omnia venditemus; illa tamen retinenda putamus, non modo quod jam à vetustissimis adoptata sint medicis, sed quoque partim ulceris singularem modum & constitutionem determinent, sine prolixa prædicatorum enumeratione, [g] partim pleraque horum veram omnino differentiam importent specificam. Sunt itaque ulcera corneæ: *Ελκύνθριον*, f. ut Plutarch. in quæst. græc. habet *ελκύνθριον* parvum ulcus, denotat in genere, obvium ubicumque, ulcusculum. *Galenus* [h] pustulam vocat ulcerosam: *Paulus Ægineta* [i] pustulam capitis ulcerosam. *Woolbousius* autem definit, quod sit *ulceratio superficialis corneæ*, facta ab acri quadam fluxione oculi clara, subtili, indigesta, ut sic helcydrium in ordine ad helcosin sit, quod taraxis ad veram ophthalmiam.

Obvenit revera haud raro talis exulceratio superficie, vel convexæ, vel concavæ, corneæ, quæ extremam modo hujus lamellam occupat, & quam veteres æque ac recentiores plerique sub nomine *αχλὺς, ὕος, ἦ*, caligo, comprehenderunt atque definiverunt, quod sit superficialis exulceratio, in oculi nigro enata, aëri caliginoso affimilis, colore cœruleo, nigri magnam partem occupans: cum autem in pupilla (scil. in cornea è directo pupillæ) extiterit, ægri non facile vident. [k] Ducem hunc *Aëtium* secuti sunt è recentioribus *Guillemeus*, *Maître-Jean*, *Coward* &c. omnes hinc decepti, quod in ejusmodi superficialibus corneæ exulcerationibus aliquando quasi fumus aut nebula, ex albo cœrulefcens diffundatur.

Verum

[f] Hipp. L. de medico. It. L. de ulceribus. Galen. commentar. in Hipp. aphorismos.

[g] Expertiss. ophthalmiater Dn. de St. Yves Trait. des malad. des yeux, Chap. 10. p. 226. diversorum ulcerum corneæ nomina studio præterit, quod nihil ad curationem faciant. Sed hic medius terminus primo minime stringit, secundo falsum est, quod plane nihil ad curationem faciant: suggerunt enim distinctam formæ notionem, imo passim etiam causæ. Atqui vero his rite cognitis, quidni curatio erit melior?

[h] Cl. Galen. de compos. med. sec. loc. l. 1. c. 9.

[i] Paulus Æginet. Encheirid. l. 3. c. 3.

[k] Aëtius tetrabibl. l. 3. c. 25.

Verum enim vero cum multo sæpius superficiales hujuscemodi exulcerationes pelluciditatem corneæ non turbent, cætera quoque non modo author introductionis f. medici, diserte ponat: quod ἀχλὺς sit levis *cicatricula* aëri caliginoso similis, ex superficiario ulcere enata, totum oculi nigrum occupans, sed Hipp. etiam haud obscure videatur innuere, ἀχλὺν ad cicatricum classē potius, quam ulcerum spectare, dum, caligines & nubeculæ ἀχλῦες καὶ νεφέλαι inquit, [l] ἀσπίδες, f. subalbicantes cicatrices exteruntur ac evanescunt, nisi eo in loco vulnus aliquod subortum sit, aut illic antea cicatricem aut pterygium esse contigerit; itaque ἀχλὺν & νεφέλην, caliginem & nubeculam corneæ non retulimus inter ulcera corneæ, sed ad aliam distulimus de obfuscationibus, obnubilationibus atque cicatricibus corneæ tractationem: ut tamen levis & superficiaria corneæ exulceratio distinctum pariter, sicut reliqua ulcera, nomen obtineat, probamus atque acceptamus denominationem per helcydrium, ex Woolhoufii mente supra allatam, ita tamen ut non solum externa, f. convexa corneæ superficiēs, sed & interna, f. concava obsideri queat, l. separatim alterutra, l. junctim utraque.

§. V.

Ἄργεμον, ὁ, ἢ, sive ἄργεμον, ὁ, ὅς ἐστι. ἄργεμα, ἢ, ἀπὸ τοῦ ἀργός, ὁ, albus: *argema* ab antiquis varie definitur: modo ulcus rotundum & subalbidum in iridis circulo, vel in albo, interdum & nigro: [m] modo est ulceratio, quæ in nigro oculi alba apparet, in albo autem subrubra: [n], modo, ulcus in iridis circulo obortum, ambientia comprehendens, ut etiam circa exteriorem iridis partem rubicundum, circa internam vero candidum appareat. Quamvis autem Hesychius, Pollux, Foësius ἄργεμον & λεύκωμα, f. albuginem, synonyma faciant, assurgimus tamen auctori finit. med. vetustissimo illi, qui λεύκωμα, f. albuginem definit crassam profundamque cicatricem, qua ulcus conclusum sit, ideoque suo loco inter cicatrices maculasve corneæ vindicabimus.

Argema igitur nos describimus: quod sit ulcus, occupans aliquam partem circuli corneæ externi, dimidiæ circiter lineæ latitudine, cum rubore tunicæ conjunctivæ, corneæ vero albedine. Nonnulli vocant *ulcus coronale*, quod coronam oculi, σεφάνην, f. locum ubi circa corneam omnes oculi tunicæ coeunt, obsidet. Cum ejus figura ut plurimum rotunda sit, appellatur à nonnullis authoribus *ulcus corneæ rotundum*. [o]

§.

[l] Hipp. prædict. l. 2. S. 2. p. m. 102. Alibi etiam ab Hipp. & Galeno ἀχλῦες pro caliginosa pupillæ obtenebratione sumuntur.

[m] Isagog. f. medici Author c. 15.

[n] Author finit: med.

[o] Vid. Guillemeau & Maître-Jean.

§. VI.

Βόθριον, &, τὸ, Bothrium, à Βόθρῳ, &, ὅ, fovea, scrobs, cavitas profundior in terra, vel lapide, cujus diminutivum est, Βόθριον, foveola, fossula. Hipp. [p] Βοθρίων meminit leniendorum ac detergendorum lotionibus calidis. Authori introductionis f. medici est ulcus cavum, purum, angustum, puncturis rotundis simile, helcydrio altius. Authori finit: med. audit ulcus corneæ cavum ac purum in nigro. Ita pariter *Paulus Ægineta* [q] ulcerum in oculis illud quidem, inquit, quod in cornea membrana ulcus cavum angustum & purum, Βόθριον dicitur: quod autem latius bothrio est, sed minus altum, κοίλωμα, cœloma nuncupatur. *Actuarius* alique veteres ac recentiores conspirant fere unanimiter. Bothrium, latine *fossulam*, aut *anulum*, gallice la fossette appellamus igitur tale ulcus corneæ, quod exile, cavum, angustum, purum, sine sordibus purulentis aut crustosis, capitulum aciculæ capitatae refert amplitudine.

§. VII.

Κοίλωμα, τὸ, à κοῖλῳ, cavus, concavus: cœloma, Gallis encaveure. E *Paulo* audivimus modo, quod sit ulcus cavum, bothrio latius, sed minus altum f. profundum. *Author Isagoges* cœlomata describit, quod sint rotunda & cava ulcera, bothriis latiora, quæ in oculis circa iridem nascantur. Est itaque ulcus cavum, rotundum, latius, sed minus profundum bothrio, residens ordinario in illa corneæ regione, quæ iridi proxima est. Bothrium aut cœloma ordinarios *fistula corneæ* natales præbent. Hæc duplex est: *alia* quæ penetrat omnes corneæ lamellas, unde humor aqueus, singulo collectus nycthemero aut singula nocte, eliditur ceu per siphonem: *alia*, quæ instar ulceris sinuosi inter & sub corneæ lamellas reptans angustissimo hiat orificio in superficie convexa corneæ. Spectant hæc duæ fistularum corneæ species, tanquam ulcera sinuosa & fistulosa, sæpe etiam callosa, quam maxime ad præsens thema. Servamus tamen illas ad peculiarem, quam merentur, tractationem.

§. VIII.

Ἐπίκαυμα, τὸ, ab ἐπικαίω & ἐπικάω, aduro, in superiore parte uro. *Epicauma*. Componitur ex ἐπὶ, super, & καίω, uro, incendo, cremo. Communiter, sed male, vocant ulcus inustum, rectius adustum, superustum, in contradistinctione scil. Encaumatis, de quo mox agemus. Gallis ulcere brulant. *Authori Isagoges* sic definitur: *epicauma* est, cum in superficie cuticula adusta ulcus contraxerit, vel etiam paulo profundior fiat, ex epipho-

ra

[p] Hipp. περί ὑγρῶν χρήσι.

[q] Paul. Æginet. Encheririd. l. 3. c. 22.

ra magna innascens. *Authori definit. med.* est velut ex igne crustulosa ulceratio, quæ nigro advenit, nec permanens est. *Paulus Ægineta* sic habet: ulcerum in oculis ἐπίκαυμα quidem unum est sordidum, impurum & crusta obductum: quo repurgato, humores oculi sæpe effluunt. Conspirat plane *Actuarius*. *Galenus* in propriis libris passim meminit ἐπικαυμάτων. Nos ita definimus: est ulcus corneæ superficiei externæ, ejusque ut plurimum mediæ, impurum, sordidum, ardens, urensve, coloris cinericii, aliquando instar flocci lanæ, non tamen adeo profundum neque sordidum uti encauma.

§. I. X.

Ἐγκαυμα, ὅ, ab ἐγκαίω, inuro, exuro, encauma, significat alias notam inustam, inustionem, pustulam ex ustione contractam, materiam, quæ cito ignem concipit. *Aëtius* vocat [r] ulcus in oculo, quod à febre ut plurimum cum crusta impura in nigro aut albo oritur. Ex antiquissimis auctoribus plerique videntur epicauma & encauma pro uno eodemque ulcere habuisse. Recentiores nonnulli ex ophthalmiatri ut *Guillemaus* & *Maitre-Jean* distinctas inde faciunt ulcerum corneæ species, plerique vero parum interesse putant, sive distinguantur propriis nominibus, sin minus. Stricte sumitur pro corneæ ulcere admodum ardente, crustoso, sordido, dysepuloto, & profundiore quam epicauma solet esse.

§. X.

Quamvis ergo jam olim *Paulus Ægineta* [s] alia innumera ferme ulcerum esse discrimina [t] monuerit, ipseque varias jam tum antiquas & usuales collyriorum formulas, huc spectantium, recensuerit [t] e. g. Libanium, Cygnus, Pellarium, Aster, Ilamon, Diazematon, Diahydras, Chiacum, Fulvus cygnus &c.; nos tamen ab ulteriore tortura memoriæ abhorremus, nec entia præter necessitatem multiplicanda censemus. Sed tamen supersunt duæ adhuc species ulcerum malignorum, non reticendæ: Νόμη, nome ulcus depascens, unde etiam phagedænum dictum serpensque: Καρκίνωμα, carcinoma, ulcus cancrosum, varicosum, summe dolorificum, faniem acrem foetidamque plorans &c. Oriuntur primitus quandoque in ipsa cornea, ut plurimum tamen ex albuginea atque sclerotica in corneam demum serpendo transeunt. Unde hæc strictius prosequenda servamus ad affectuum in hisce tunicis tractationes, & jam pergimus ad ulcerum corneæ benigniorum.

E e e 2

§.

[r] Aëtius Tetrabil. L. 7. c. 26.

[s] Paulus Æginet. Enchir. L. 3. c. 22. commate de ocul. ulceribus.

[t] e. g. Woolhousio vocatur Sillon, Sillage, lineare ulcus corneæ, instar fulci, quando cornea erosa, exesa est tenuissimo quodam tractu, instar lineæ & qs. sulco arata, lympham f. faniem plorans.

Phænomena antecedanea potiora. Causæ quæ hic incidunt antecedentes ac occasionales sic quidem pleræque sunt comparatæ, ut non modo ulceribus corneæ inducendis, sed aliis etiam oculorum affectibus, præsertim ophthalmiis, faveant. Tamen cum aliqua tum directe magis ad excoriationes & ulcera corneæ faciant, tum ex ophthalmiis hæc satis frequenter oriantur, paucis illas recensebimus. *Ætas* infantilis atque puerilis tentatur his ulceribus frequentius, ob organi visus majorem teneritudinem, crebras plorationes, dentitionem, variolas atque morbillos, huic ætati potissimum insidiantes, achores suppressos. *Temp.* sanguineo-cholericum, multo ac inflammabili sanguine abundans. *Aër* acris, fumosus, salinus, marinus in longa navigatione, oculis admissus: præcalidus, fervidus, æstivus, unde Hipp. [u] ophthalmias quoque refert inter morbos æstivos, nosque ipsi nuperrime demum sub ineuntis hujus æstatis insigni per octiduum æstu plures ophthalmia laborantes numeravimus. *Telescopiorum* in solem directorum, neque vitris coloratis tectorum, frequens, longior ac imprudens ad oculum applicatio, ut ipsi retinæ gravia inferre damna ac guttam serenam inducere potest atque solet, ita corneam quoque adurere, illique epicauma l. encauma inurere, propter plurimos è vitro objectivo, quod toto oculi bulbo longe majus est, transmissos solis radios, eosque in exilem focum prope oculum concentratos eosque maxime igneos, ut admotam ibi chartam bibulam adurant. [v] *Cibus* acris, falsus, fumo induratus, ceparum esus, frequens, copiosus. *Lacrymatio* crebra: immodicæ *lucubrationes*: *vigiliae*.

E censu r. p. n. *Cachexia* scorbutica, venerea, scrophulosa. Corneæ *illapsa*, *allisa*, *affricta* aspera, pungentia, scindentia, atterentia corpora & corpuscula peregrina: *vulnera* & *excoriationes*: *adustio* per pulv. pyrium aliaque ignita, fervida, solida & fluida varia. *Collyria* acria, septica, vel alias *aspera* fabulosa. *Phlyctæna* f. pustula ardens corneæ & *pustula variolosa*, corneæ inhærentes, it. pus inter corneæ lamellas collectum, f. *unguis*, in ulcus desinens: *hypopyum* f. pus post corneam in prima oculi regione stabulans, dehinc vero corneam perforans, exulcerans: *ophthalmia*, præsertim *epiphora*, fervidis acribusque lacrymis diu & copiose corneam inundans, excorians, exulcerans, nec non intempestive per refrigerantia repellentiaque suppressa: oculor. *arcta*, *diuturna*, perpetua obtectio & *obligatio* in ophthalmiis variis: *Staphyloma*: *Pterygii* corneam superantis *resectio*, quæ citra, aliqualem certe, excoriationem vix potest perfici: nec non solutio prosophis, f. concretæ cum cornea palpebræ: *Peribrosia*, f. circumrosio carunculæ lacrymalis ulcerosæ: pus acre, rosivum in *fistula lacrymali* ad corneam redundans: *Tarforum*, *palpebrarum* superficiei internæ indu-

[u] Hipp. Aphor. f. 3. §. 21.

[v] Vid. de hoc phæn. eleganter & solide differens celeberr. G. Alb. Hambergerus in fascic. dissertat. academic. p. 205.

indurationes callosæ, *excrementia* ficosæ, *exulcerationes* variæ &c. quorum affectuum peculiaria nunc omittimus nomina : pilorum ciliarium in *trichiasz* introversio & hinc corneæ etiam compunctio atque stimulus : ipsa denique jamjam formata corneæ ulcera altera excipere solent altera, ex helcydrio reliqua graviora, è cœlomite & bothrio fistulæ corneæ, ex epicaumate encauma.

§. XII.

Phænomena constituentia & *concomitantia* : inspicientibus facile patet in superficie & substantia corneæ convexa solutio continui, excoriatio, arrosio, erosio plus minus profunda & lata, aliquandiu jam perdurans, saniem lymphaticam, purulentam, plus minus copiosam, fordidam, crustosam, acrem, rosivam, pro varia ulceris conditione, fundentes. Aliqua horum ulcerum pelluciditatem corneæ non statim tollunt, alia vero colorem ipsi albidum inducunt. Jungitur tantum non semper, qualis etiam antecedere solet, *ophthalmia*, *rubedo adnata*, vasculorum sanguineorum turgentia, sanguinis inflammatoria *stasis*, *ardens*, *lancinans*, pungitiva : vascula sanguine rubentia, in cornea & per corneam trajicientia usque ad locum ulceris. *Luminis sensus* est molestus atque dolorificus : cum oculum palpebrasque motitant, videntur sibi *arenulam* bulbo corneæque *affricari*, quæ tamen nulla incidit, nec inhæret. *Visus* ægro *nebulosus*, obscurus, aliquando plane nullus distinctus est, maxime si ulcus è directo pupillæ corneam obsideat latius, profundius aut fordidius. Quomodo supra nominata corneæ ulcera distinguantur à se invicem dispalescit è præmissis §. 4. & seq. ? affectus alii cum ulceribus complicati suis quique notis dignoscendi sunt.

Paulo difficiliorem esse diagnosin, si tale ulcusculum s. *exulceratio* resideat in *concava*, interna, *corneæ superficie* jam nuper monuimus. [x] Tales plus semel observavit Præses exulcerationes in ophthalmiis internis. Anteriores corneæ lamellæ tunc ordinario servant naturalem suam pelluciditatem atque nitorem, ut per ipsas transpicere liceat intimam corneæ superficiem concavam, inquinatam nubeculosis albo-flavescentibus maculis & stigmatibus, aliquando late diffusis, per interstitia separatis, aliquando uno saltem exiguo hic ibi loco. Jungitur subinde totius aquei humoris in camera oculi anteriore turbiditas. Molesta insuper est luminis perceptio, visusque obnubilatio.

§. XIII.

Phænomena consequentia : quod benignius est ulcus corneæ, quo recentius, quo magis superficiale nec adeo latum profundumve, quo minus pupillæ è directo obversum, quo ægri sunt juniores & de reliquo sanioris constitutionis, eo curatio est facilior atque perfectior, citra remanentem albidam maculam, longiorem tamen ordinario moram, facilem ægrum, at-

[x] In disp. de ungue oculi p. 9.

que dexterrimum sedulumque sibi vindicat ophthalmiatrum. Quemadmodum enim neglectum, sic etiam perversè tractatum ulcus corneæ per collyria adstrictiva, aut intempestiva septica profundius decumbit, vel latius serpit corneamque penitus perforat, atque summis doloribus adscitis humorem aqueum, quin & aliquando lentem crystallinam atque tunicam uveam oculo evocat elicitque ac staphyloma inducit, quin & vel concretionem corneæ p. n. lem cum iride aut crystallino, i. e. *Synechiam*, vel, pure super iridem effuso *Synizesin*, h. e. pupillæ constrictionem & occlusionem efficit: vel saltem pure inter corneam & iridem defluo *hypopyum* fundat.

Si cornea & superficies interna palpebrarum simul exulceratæ sint, oculusque, luminis impatiens, palpebris occlusus obtectusque diu maneat, ipsa cornea potest cum palpebra concreescere, & sic dictam inferre prosophsin. *Epicauma*, fordidum illud ulcus corneæ, §. 8. nimio & intempestivo detergentium usu facile interiores etiam corneæ lamellas, adhuc integras, perrumpit portamque brevi hinc erumpenti crystallino aperit, &, sicut omnia hæc ulcera ad consolidationem perducta frequenter, in adultis maxime, aut si profunda fuerint, cicatrices f. maculas relinquunt albidæ atque opacæ, ita præcipue duo illa, epicauma & encauma facile post se trahunt albuginem f. *Leucoma*, i. e. cicatricem corneæ supereminentem, subalbicantem, cui frequenter subest humor spissus, condensatus, lymphatico-purulentus. Ulceri fordido vel sponte, vel inepta tractatione per nimiam humectationem & unctuosam emollitionem supercrescit caro luxurians, *hyper-sarcosis*. Argemon aliquando profundius serpit, iridem à circulo interno corneæ solvit, sicque *hippum*, i. e. palpitatorium, nictitantem iridi motum inducit. E bothrio & coelomate sequitur *fistula corneæ*. *Nome*, depascendo, periculofam miseramque oculo lacerationem & *destructionem* minatur. *Ulcus cancriforme incurabile* est, nisi tempestivæ & plenariæ totius *bulbi extirpationi* locum adhuc relinquat, alias *palliative* modo tractandum. Vidimus etiam *alternantia* corneæ *ulcuscula* cum cephalæa, illis nempe ingruentibus atque manantibus omnis dolor capitis evanuit, exsiccatis vero & consolidatis rediit cephalæa.

§. X I V.

Pathologia: Ulcera cornea spectant ad *morbos solutæ unitatis* mox in superficie magis, mox profundius. *Subjectum morbi* est cornea oculi tunica: robustior quidem illa, sed quæ nihilominus facile citoque à causis internis & externis atteritur, arroditur, exoriatur, idque tanto magis, quo ipsa pluribus constat lamellis, vasculis atque poris, injuriisque externis exponitur plus, quam reliquæ bulbi tunicæ. Quamvis autem famigeratiss. Fel. Platero durissimam hanc esse tunicam facile largiamur, insensibilem tamen esse negamus atque pernegamus: [y] utpote ab hac sui exulceratione, exco-

[y] Fel. Platerus durissimam & insensibilem esse corneam statuit Obs. L. 3. p. 107.

excoriatione &c. satis afficitur dolorifice. Cæterum quæ nuperrime [2] de hac anatomice differuimus tunica, jam non repetimus. *Subiectum causæ* varium est, ipsa cornea, adnata, tarfi, palpebræ, glandula & caruncula lacrymales, caput &c.

§. X V.

Causa proxima est vel *externa*, quæcumque stimulans, pungens, scindens, atterens, urens, excorians fibras atque tubulos corneæ, affluxum atque stasim humoris lymphatico-saniosi concitans fovensque: vel *interna*, lymphæ, serum acrimonia peccantia, sanguis copiosus huc affluens, stagnans, serosa sui parte divertens & exundans, corneæ superficiem atque lamellas acrimonia sua, ceu spinis infixis, lacerans & erodens. Ulceratæ superficiem corneæ concavæ s. internæ causa potest esse proxima vel humor aqueus impurus acris, vel pus in regione oculi anteriore stabulans acre, vel & ipsa prius accusata, sed profundior intimiorque humorum ad intimam corneæ lamellam congestio atque stasis. *Causas remotas* in historia phænomenorum antecedaneorum præmisimus.

§. X V I.

Rationem phænomenorum aliquot potiorum reddituri primo indagabimus: cur ulcera corneæ alia sint diaphana, alia opaca, candida? Omne corpus pellucidum, si condensetur, albescit. Si insuper tale ulcus corneæ lenta quadam purulenta albescente materia obducitur, tamdiu albicat, quamdiu hic inhæret humor. Quæ duo momenta cum ordinario hic concurrant in obstructa, erosa, exulcerata atque purulenta cornea, ipsumque ejus ulcus in fundo plerumque imbutum sit & infarctum humore vitioso, mirum non est, ordinario quoque hæc ulcera albescere. Cum vero in aliis arrosio tantum superficialis sit, humor erodens tenuior & ipse diaphanus, neque poris subjacentium corneæ lamellarum ita obstructi & infarcti, evincitur etiam à priori, posse ulcera corneæ obvenire, quæ hujus pelluciditatem non tollant, qualia etiam revera in praxi observantur.

Cur autem in ulceribus tunicæ oculi adnatæ & ipso argemo, §. 5. quod media quasi via inter adnatam & corneam consistit, atque rubescit quousque in adnatam extenditur, albescit autem ubi corneam attingit, rubedo potius inflammatoria conspiciatur? A vasculis est sanguineis, manifestis, ipsam sanguinis purpuram vehentibus, qualibus vero cornea in statu naturali plane non, in præternaturali raro instruitur atque insignitur.

Ulceribus corneæ consolidatis & cicatrice clausis ideo maculæ albidæ & opacæ remanent, quod nova & regenerata corneæ stamina poros non
fer-

[2] In disp. de ungue oculi §. 7. p. 12. seqq.

fervarint rectilineos, id quod vel propter ætatem adultiorem, ubi incremento & expansioni solidorum non amplius conceditur locus, & humores fixioribus scatent particulis, accidit, vel & ob præcocem & festinam cicatricis obductionem & intempestive adhibita adstringentia.

Per nebulam, aut obscure & confuse vident parientes, quibus ulcera in medio corneæ; obverso pupillæ, hærent vel impura, fordida, albicantia, vel in omnes dimensiones auctiora sunt, quod incidentes radii luminosi nec copiose nec libere satis transeunt per medium spissius, impurum, male configuratum, sed reflectuntur partim, partim refringuntur indebite.

Hippus iridis §. 13. ex argemo sequitur, cum fibræ iridis s. uveæ potius, per ulcus intro penetrans, à circulo corneæ interno & loco illo concursus omnium oculi tunicarum, quem veteres *σεφάλην* appellarunt, notabili tractu & spatio divulsæ, reliquis uveæ fibris, suo puncto fixo adhuc connexis, in motu cedere tuncque tremere ac palpitare coguntur.

§. XVII.

Therapia sequentes suggerit indicationes (α) affluxum ulteriorem nimium arcere. (β) Ulcus mundificare detergere. (γ) Ulcus consolidare. (δ) Cicatricem lævem, diaphanam, æqualem inducere. (ϵ) Symptomatibus gravioribus occurrere, e. g. dolori, staphylomati, fistulæ corneæ penetranti in primam oculi regionem, synechiæ, prosoptysi. (ξ) Recidivam præcavere.

§. XVIII.

Primæ indicationi: scil. affluxum ulteriorem nimium arcendi à cornea ulcerata satisfacimus, *primo* fordes, peregrina corpuscula irritantia, pungentia, oculo illapfa, ac corneæ vel inhærentia & infixæ, vel illam certe frequenter aut jugiter laceffentia tollendo, eximendo, extrahendo, everrendo, eluendo: quamdiu enim infixæ talis spina inhæret & causa immanens, tamdiu manebit non modo affluxus & ulcus, sed exacerbabitur quoque, &, licet aliquando tale corpusculum motu palpebrarum, tonico corneæ, arteriolarum pulsatorio, aut excussorio per sternutationem &c. vel & tandem ipsa lamellarum corneæ emollitione & exesione ulcerosa, sede sua pellatur, excutiat, dimittatur, tamen spontaneæ tali, lentæ, multis modis suspectæ & periculosæ liberationi & eliminationi minime est fidentum.

Sed ampliorem vel solus hic articulus meretur tractationem, unde hoc loco summis tantum, quod aiunt, digitis tangemus. Sive igitur interna palpebrarum atque tarforum superficiei, sive ipsi tunicæ corneæ spina talis, & laceffens peregrinum, ab extus illapsum, illisum infixumve corpusculum inhæreat, aut ab aspera, callosa, palpebræ superficiei interna fricetur atque

que laceffatur cornea, five à pilis ciliaribus, introrfum verfis, jugiter compungatur, operam dare oportet, ut caufa hæc continens quantocyus *vel* eluatur, eliminetur, instillatis sub palpebras lacte tepido, aqua simplici aut mucilaginoſa quacumque, mucilagine ſeminum cydoniorum, aqua roſarum, plantag. &c. extracta, albumine ovi, ſimilibuſque: immiſſis item ſub palpebras homini ſeminibus, vel minimo quodam cancrorum lapillo, aliove lævi, in formam minimæ lentis effigiato, atque dehinc inſtituto ſimul palpebrarum bulbique motu ſede ſua moveatur corpus peregrinum atque ad oculi angulos divertens, aut alias ad palpebræ limbos propulſum excernatur, quod quidem negotium tanto cedit felicius, quanto levius adhæſerit, minusque profunde inhæſerit corpus heterogeneous. Sin minus omnium placidiſſima hæc methodus vel quadrare, vel ſatisfacere videatur, tentanda eſt corpuſculi peregrini extractio per convenientem voſſellam ſubtilem, cui, ſi opus ſit, ipſa jungi poterit ſuperficialis & provida incifio juxta tractum infixi corpuſculi, ut ſic facilius & voſſella arripi poſſit & extrahi.

Quanta *vis* ſit *magnetis* attractiva, proxime admoti *ad corpuſculum ferreum*, chalybeumve, *corneæ* ſummo cum dolore & periculo *infixum*, quodque voſſellis aliave methodo non potuit extrahi, curioſa lectuque non modo, ſed & imitatione digniſſima obſervatione comprobatur *Fabricius Hildanus* [a]. Similem refert hiftoriam *Kerckringius* [b] acus ſcil. ferreæ deglutitæ & per novennium collo infixæ, tandem vero magnete ad peripheriam allectæ & poſtea feliciter è cute exciſæ. *Vel*, ſi heterogeneous quodcumque tale corpuſculum plane non ſit infixum in ſubſtantiam partium oculi internarum, aut leviter ſaltem adhæreat, inſtrumento lævi, corneo, incurvo, conico-tereti, ſub palpebras diductas applicito ac ultro citroque provide motitato poterit eliminari. Ipſa quoque materia purulenta horum ulcerum, aut liquor lachrymalis, quem copioſum, acrem atque fervidum jugiter ſuper corneam diffundit glandula lacrymalis, ſi diutius detineantur ſub palpebris clauſis, oculoque ſpleniis ac faſciis obtecto compreſſoque, rationem ſtimuli pariter habent, itaque per indicationem, quæ ſtatim ſubnectetur, ſecundam, diligenter elui, abſorberi, obvolvi atque demulceri debent.

Cilia introrſum verſa & corneam compungentia, extrorſum vertenda, ducenda, retinenda vel radicitus evellenda, bulbulique eorum caute adurendi ſunt, de quibus vero plura in ſpeciali tractatione trichiaſis erunt dicenda.

Affluxum nimium porro ſtudemus *avertere per revulſionem* ac *derivationem* ſanguinis atque humorum, per venæſectionem pedis, brachii, ſcarificationes humerorum, dorſi, nuchæ, blepharoxysin, ſ. ſcarificationem palpebrarum ſuperficieſ internæ per ſcopas illas vegetabiles Woolhouſianas, olim jam expoſſeſſo dilucidatas abs Præſide, iterum iterumque repetitam: ſanguinis invitatione ad uterum, anum, in caſu menſium parcorum aut ſuppreſſorum, aut fluxus hæmorrhoidalis emanentis, ſuppreſſi: pediluvia acriuſcula, lixi-

Tom. I.

E ff

vioſa,

[a] Fabricius Hildanus obſ. chir. cent. 5. obſ. 21. p. m. 401.

[b] Kerckringius obſ. anat. 44. p. 99.

viofa, frictiones artuum frequentiores, enemata ftimulantia, medicamentā interna purgantia leniora, non calida, non nimis refinofa: veficatoria, fonticulos, fetacea per lobos auricularum aut cutem cervicis trajecta: revocationem priftinarum manationum faniofarum e. g. achorum capitis, ulcerum pedis, fcabiei, fiftulæ lacrymalis &c. *Alterationem, correctionem humorum corporis noxiorum* per varia interna adpropriata, fanguinem purificantia, temperando calorem, abforbendo & mitigando acrimoniam, difcutiendo fpiffitudinem &c.

§. X I X.

Secunda indicatio, ulcus mundificandi, comprehendit *primo* ftasis humorum in oculo corneaque difcuffionem, resolutionem. *Secundo* acris materiæ peccantis attemperationem. *tertio* fordidæ, corruptæ, inquinantis materiæ folertem, fed providam abfterfionem, ablutionem. *Primum* illud *momentum* difcuffionis atque resolutionis nuperrime demum in binis difputationibus oculariis, de hypopyo & ungue, exhausimus, ideo lect. benev. eo ablegamus, hoc tamen *monitum* superaddimus: difcuffioni huic topicæ nec primario nec unice jugiterve inhærendum eſſe, fed vel conjungenda fimul, vel subordinanda eſſe abfterſiva, mundificantia. Duos hos parietes una fidelia dealbant celebres illæ *aquæ ophthalmica*, viridis *Hartmanni*, atque *Crollii*, item *ſolutio lapidis medicamentofi* Crollii, aut *lapidis divini*, cujus præparationem & uſum fiſtit *Yveſius* [c] cum reſolventibus, croco, camphora, caryophyllis &c. mixtæ, his quidem, omnibuſque acriusculis remediis in refracta doſi additis, ob moleſtum noxiumque nimix irritationis effectum. Unde non modo ad faciliorem camphoræ ſolutionem in aquis deſtillatis ophthalmicis, fed ad ipſius quoque mitigationem poterunt aliquot grana cum amygdala excorticata in mortario probe conteri & cum inſtillata ſucceſſive aqua ophthalmica intimius miſceri.

§. X X.

Acris falina materia peccans, ex ipſo corneæ ulcere, vel aliunde exſudans, oculum laceſſens, eroſionem ulcerofam adaugens, *temperatur ac obtunditur, topicis*, ſubtiliſſimo pulvere, unguento, aqua ophthalmica, ex abſorbentibus, mucilaginofis, unctuoſis, e. g. matre perl: pp. l. 69: pp. materia perlata, debite edulcorata, cryſtall: pp. tut: pp. creta albiſſ. pompholyge, gum: arab. tragac. rad: alth. ſem: ſœnugræc. ſarcocolla, mucilagine ſem: pſyllii. cydon. albumine ovi, lacte recenti tepido, ol: è vitellis ovar. Compoſita officinalia huc apprime facientia ſunt ung: de tut. ſief alb. cum & ſine opio, trochiſci albi rhaſis &c. it. aquæ deſtillatæ malv. ſambuc. euphras, plantag. ſperm: ranar. ſolani, in quibus inſuper, ſcopo ſiccandi ſimul, poterunt accenſa maſtiches atque thuris grana aliquoties extingui.

Collyria ſicca pulverulenta placide inſufflantur mediante calamo anſerino vel

[c] St. Yves trait. des malad. des yeux. p. 198.

vel corvino: *humida*, aquea tepide & guttatim infunduntur: *unctuosa* super ignem leviter fusa instillantur mediante specillo fulcato, vel illinuntur suspensa manu, mediante tenui penicillo pictorum, è pilis subtilissimis confecto. *Post applicationem* vero talium remediorum palpebræ statim adducuntur, & oculus aliquandiu clausus servatur, ne medicamenta justo citius exundent iterum oculo. Lavatur dehinc oculus tepido decocto fl: sambuc. chamom. hb: absinth. &c. ut omnes probe eluantur fordes. *Repetenda* hæc sunt aliquoties per diem, & tamdiu continuanda, donec doloris, ardoris, immodice fluentis feri acris, & ulceris mitigatio notabilis de sufficienti testentur effectu.

E censu *medicamentorum internorum alterantium* sunt absorbentia, terrea, acidulata, nitrosa, gelatinosa, mucilaginosæ, diluentia: *evacuantium* vero, laxantia, purgantia, diaphoretica, sialogoga, errhina. Quibus omnibus pro dignitate prosequendis jam obstat brevitatis, quo tenemur, studium.

§. XXI.

Tertium momentum, quod consistit in *sordida*, corruptæ, inquinantis & fermenti rationem habentis *materiæ* solerti, sed & provida *abstersione*, ablutione, extersione obtinetur per irrigationem & ablutionem totius bulbi frequentem decocto calido hb: absinth. agrimon. salv. fl: hyperic. &c. coctorum vel in aqua simplici, vel calcis vivæ, applicito dehinc sequenti unguento. ℞. Ung: nihili ʒij. pingued: viper. ʒj. M. D. vel: ℞. Pingued: capon. ʒij. ol: philos. ol: dl: buxi ana gt. vj. M. D. vel: ℞. Ung: basil. - de tut. ana ʒj. ung. ægypt. ʒβ. M. D.

Si *pulvis abstersivus*, mundificativus expetatur: ℞. medullæ ossis sepiaæ sacch: canar. ana ʒij aloës focotr. gr. vj rad: ir: flor. ʒβ. M. f. pulv: subtiliss. vel: ℞. sacch: canar. ʒj. croci austr. gr. v. aluminis usti gr. iij. M. f. pulv. De unguentis illis illinatur lenticulæ magnitudine, vel instilletur una alteraque guttula tepida loco corneæ affecto.

Si *collyrium humidum* expetatur, unum è sequentibus adhiberi poterit: ℞. pulv: aloës focotr. - croc: metallor. ana ʒj-caryoph: aromat. gr. v. aq: fœnic-chelidon: maj. rosar. vini albi ana ʒj. M. D. vel: ℞. alum: usti ʒj. camphor. gr. iij. essent: myrrh. ʒβ. sacch: canar. ʒij. aq: fœnic. - hyssop. - salviæ, - calcis vivæ ana ʒj. M. D. *aqua sapphirina*, item *Crollii* supralaudata, nec non *viridis Hartmanni*, quales in officinis præstant, egregie pariter se gerunt scopo mundificativo. Instillantur quotidie bis terve aliquot guttulæ talis collyrii tepidæ & splenia ipsi intincta palpebris imponuntur.

Conveniunt hætenus laudata medicamenta maxime ad sordida, crustosa corneæ ulcera, minime vero ad profunda & quæ saniem alunt fluxilem, ferrosamque magis & acrem. In illis enim metus est, ne, per nimiam abstersionem, vel sensim lamellæ corneæ penitus perforentur: in his, ne acre additum acri illud magis tale reddat. Unde & hæc fluunt *cautelæ*: à lenioribus esse incipiendum, ad acriora gradatim ascendendum, omnia tolerantia æ-

grorum & effectui medicamentorum accommodanda, in quantitate continua & discreta applicandorum remediorum nec timide nec temere agendum, absterfivis atque resolventibus, ac demulcentibus blandioribus subinde alternandum, activiora medicamenta nonnimis diu super cornea bulboque detinenda, sed post aliquam moram iterum eluenda & extergenda. Inter hæc vero *internis* quoque *medicamentis* pugnandum est, purgantibus per epicrasin, diaphoreticis, aperitivis, detergentibus, balsamicis, imo & specificis, si venerea, scorbutica, cancrofa jungatur infectio & cacochymia. E. largissimo horum censu paucissima saltem delibabimus: R. MP: de succin: crat. ♀: d: rite parat. Resinæ jalap. ana gr. v. ol: dl: fœnic. gt. iij. essent: succin. q: s. M. f. pil. nro. XIII. de ☉. D. una dosi pro adulto, & repetantur aliquoties. Vel propinentur magnes: albis. ʒj. sal: cath: angl. ʒvj. ol: dl: fœnic. gt. iij. ex aqua minerali aut simplici, aut destillata acaciæ. Apozemata & decocta, bis terve indies calide hausta, e. g. R. hb: sanic. agrimon. virgæ aureæ chamæpit. flor. hyper. ana ʒiij. rad: chin: ponderos. caryophyllat. ana ʒj. sarsæp: opt. ʒij. scob: l. sassafr. ʒvj. sem: fœnic. ʒij. M. C. C. D. it. pulvis: R. millep: pp. succin: pp. rad: valer. sem: fœnic. ana ʒiʒ. lap: 69: pp. ʒiij. flor: sulph. ʒʒ. tart: vitr: t. ʒj. rad: gentian. ʒiʒ. sacch. albiss. ʒvj. opobals. ver. gt. vj. m. f. pulv. d. mane & vesperi pondere ʒʒ. vel ʒj. cum aliquot scutellis infusi theiformis modo recensiti, vel aliquot unciiis aquæ visceralis, aut aquæ hed: terrestris. Elixir quoque propriet. sine acido Boerhavii, balsamicum Hoffmanni, essentia lignorum, succini, trifol: fibrin. chaqueril. opobalsami, myrrhæ & similia locum habet.

§. X X I I.

Tertia indicatio præcipit ulceris consolidationem. Hæc quidem ipsius principii vitalis maxime opus est, in eo consistens, ut deperdita corneæ arrosæ, erosæ, excavatæ substantia refarciatur naturali similis; ars tamen plurimum confert, idque non tantum quatenus impedimenta consolidationis removet, sicut in proxime antecedentibus paragraphis tradidimus, sed & actualia suggerit alimenta & remedia, quæ laudabiles succos humoresque generant, unde nova appositione succi glutinosi & fibrarum expansione ac elongatione restituatur, quod de substantia partis fuit consumptum.

Alimenta igitur gelatinosa, bene nutrientia, tenera tamen e. g. juscula consummata, gelatinosa, caro vitulina, ova forbilia, cremores hordei & avenæ, farinacea &c. Vinum vetus, dulce, hungaricum, hispanicum &c. ad finem pastus in moderata quantitate commendantur. Ante pastum propinentur *vel* opobals: ver. gt. v. è jusculo calido, *vel* mane ac vesperi hauriatur saccharo canariensi instillatum & *apozemate* dilutum è thea orientali, hb: c. fl: hed. ter. veronic. fl: hyperic. rad: symphyt. alth. caryophyllatæ, l: santal: citr. sassafr. &c. *vel* exhibeatur ante pastum elix: bals. temperatum Hoffm. elix: propr. c. acido boerh. eff: traumat. &c. *vel*, si hæc pro subjec-
ti

ti & affectus conditione nimis calida videantur, sequens exhibeatur pulvis:
 ℞. l: 69: crud. unic: fossil. hb: agrimon. ana ʒij. ichthyocol: finiff. ʒj.
 mastiches elect. ʒβ. spec: diacr: m. ʒij. sacch: canth: alb. ʒvj. m. f. pulv.
 d. mane & vesperi, trium cultri cuspidum quantitate, propinandus ex aq:
 chæref. scabios. hed. ter. aut *aqua viscerali* [d]. vel & sola hæc aqua diu &
 liberaliter hausta e. g. ab adulto mane & vesperi 3. 4. 5. unciarum quantita-
 te, & sirupo scabiosæ, aut capillor: vener. aliove edulcorata, scopo præsen-
 ti satisfacere potest, sicut alibi in longe gravioribus & fistulosis ulceribus
 egregiam & omni expectatione majorem plus semel præstitisse operam testatur
 præses.

Externa sarcotica, f. carnem generantia huc spectant: albumen ovi, aqua
 ex albumin. ovor., lac lunæ, creta albiff. bol: armen. gum: arab. myrrh.
 elemi, mastich. tutia, pompholyx, lap. hæmat: pp. radix aut succus ex-
 pressus symphyti, ol: ovor. hyperici opobals. balsam: saturni, ung. de tut.
 de quibus jam nuper in disp. de ungue oculi p. 21. egimus. Item oleum sa-
 turni rubrum, cujus meminit Fel. Würz [e]. Qualia in forma subtilissimi
 pulveris corneæ adspergi & afflari, vel unguenti poterunt instillari quoti-
 die bis terve, prout scil. vacuum plus minus repleti & nova corneæ substan-
 tia regenerari incipit, cavendo ne per nimium sarcoticorum usum excitetur
 hyperfarcosis. Sequentem pulverem extollit, non sine fundamento J. M.
 Hoffmannus [f] ℞. album: ovor. nro. XX. pone in vase stanneo ad solem,
 donec exsiccentur, subtilissime tritis adde saccharum in anatica portione,
 pulvis infletur oculo, sine morfu siccans atque consolidans.

§. XXIII.

Quartam indicationem: cicatricem diaphanam lævem & æqualem inducen-
 di exsequuntur ut plurimum & ipsissima modo laudata sarcotica, præsertim
 in subjectis junioribus, imo simplici unguento de tutia pulcherrime consoli-
 data plus semel vidit ulcera corneæ præses. Si quæ vero remanet macula cor-
 neæ albida, tentatur ejus absterasio insufflato debite aut insperso quotidie se-
 mel vel bis, potissimum noctu ante cubitum, polline sacchari canariensis,
 vel rasuræ lapidis lyncis, vel pulvere è saccharo canariensi, testis ovorum
 calcinatis & aluminis usti tantillo. Sed agemus propediem, DEO volente,
 de maculis & cicatricibus corneæ delendis ex professo: aliqua etiam præliba-
 vimus jam in dispp. de hypopyo & ungue oculi, quæ huc trahi merentur.

§. XXIV.

Quinta indicatio docet symptomatibus occurrere urgentibus. Inter hæc
 aliquando *dolor* est acutissimus, pungitivus, aliusque molestissimus, cui po-
 terunt opponi: fofus & epithemata. ℞. flor: sambuc. summit: aneth. fol:
 malv. ana mj. rad: alth. ʒβ. fem: lini ʒiij. - pap: alb. ʒij. M. C. C. D. vel ℞.
 aq: solan. - sperm: ranar. ana ʒβ. album: ovor: duor. M. conquassentur in

F f f 3

spu-

[d] Aquam traumaticam compositam sub titulo visceralis descripsit præses in disp. de
 butyro cacao, & novo dispensatorio Wirtt. p. 149.

[e] Fel: Würz in chirurgia german, p. 2. c. 7. p. 170. & 166.

[f] J. M. Hoffm. in syntag: pathologico-therapeutico c. 29. p. 194.

spumam, ad finem immisceantur, agitando, sief: alb. c. op. 3ß. camphor. gr. v. cum amygd: d. excorticata trita, misc. *vel* palpebris frontique imponatur ung: rofat. & alabastrinum.

Staphylomati metuendo obviam imus non tantum per collyria, balsama &c. tonico-adstrictiva e. g. ung. de tut. facch: saturn. lap: hæmat: pp. terram vitriol: dulc. - lemniam &c. in ipsum corneæ locum excavatum aut perforatum insinuanda, sed & imposita immediate eidem loco lacinia vesicæ bracteatorum auri & huic superposito operculo quodam concavo, è cornu tornato, tenui, adductisque desuper palpebris, oculum spleniis atque fascia sic munimus, ut pessulus quasi obdatur exiturienti prolapsumque minitanti uveæ, ægro tantum non semper supino jacente, capiteque decliviori.

Prosfphysis, f. præternaturalis corneæ concretio cum palpebra, impeditur, partim si æger bulbum oculi, ipso etiam apparatu chirurgico oneratum frequenter motitet gyretque, partim sub quavis deligatione penicillus subtilissimus aut aliud instrumentum verset atque circumducatur placide inter palpebras atque corneam, partim interpositam illis vesicam bracteatorum auri, conveniente unguento, e. g. de nihilo delibutam gestet.

Synechia, i. e. p. n.^{li} iridis vel crystallini cohæsioni cum cornea, præveniendæ non aliud magis quadrat remedium, quam decubitus supinus, capite declivi, oculique laxa, minime compressoria vinctura. Quid in formatis jamjam his affectibus, staphylomate, prosphysi & synechia sit agendum? non hujus est loci. *Hyperfarcosis* generationem amolimus, omittendo intempestiva farcotica, ulcus probe mundificando, factam vero tollimus exsiccantibus, lenibus septicis, qualia commendavimus supra §. 21. & 23.

§. XXV.

Ultimam denique *indicationem*, recidivam avertendi, paucis adhuc tangemus. Scil. ea corneæ ulcera, quæ à causis internis, oculo corporique domesticis orta sunt, toties facile recidivant, quoties eadem priores causæ recurrunt. Unde & plenariæ actualium ulcerum curationi patienter est immorandum & posthac omnis sedulo evitandus error, qui malum revocare posset per causas, in phænom. antecedaneis è censu rerum nonnatural. & p. n.^{lium} enarratas.

Sicuti ergo durante ipso malo strictissime regimen & diætâ observari debent, ita neque post peractam quantumcumque feliciter curam frenum nimis laxare decet, maxime vero, ut aliis quamplurimis in affectibus oculi, vitentur luminis splendidioris adspectus, aer calidus, igneus, aut gelidus, borealis, ventosus, oculis admissus, fumosus, pulverulentus, acris, lucubrationes, cibus acris, valde falsus, aromaticus, cepæ, sinapi, crassus, crudus, potus nimius vinosus, spirituosus, pulveris tabaci abusus. Ventilatio- nes sanguinis, purgationes alvinæ debito repetantur tempore: semen fœniculi mane frequenter masticeatur: palpebræ noctu ante cubitum laventur aqua anhaltina, vel carbunculi, vapor potus caffèæ calidus subinde oculis excipia- tur, & quæ sunt reliqua passim jam alibi monita.

T A N T U M!

DIS-

X X I.

DISSERTATIO MEDICA,

D E

FISTULA CORNEÆ.

QUAM PRÆSIDE

BURC. DAVID MAUCHART P.P.

Tuebitur

MATTH. ABR. MART. GEIGER,

AUGUSTANUS

Tubingæ mense Novembr. anno 1742.

§. I.

DE *fistula corneæ* tractationem *ordiri* decet *ab ipsa fistulæ notione*, quæ tam expedita nondum est, ac aliquibus hucusque visa est. Alii scil. hodiernum ipsi tribuunt callum, ceu phænomenum & prædicatum essentiale ac constitutivum, alii hunc tanquam accidens separabile, quod adesse possit & abesse, saltem admittunt. Neque lis est de lana caprina, aut scholastica saltem de vocibus contentio. Quantum enim ulcus simplex, sinuosum, cuniculosum, nulla carnis & integumentorum induratione p. n.^{li} laborans differt ab ulcere sinuoso & calloso, sive interius & in labiis indurato, tantum quoque differunt utriusque prognosis atque therapia.

Normam vero ad quam exigere hanc litem oporteat, *vetustissimos* putamus medicorum *codices*, *Hippocratis* nimirum atque *Galen*i. Nec facile & sine gravi ratione admittimus ab hisce medicinæ statutoribus atque medicorum antesignanis recedentes quoad terminorum technicorum usum quoscunque successores, ne scil. perpetuo novaturientium hominum pruritu, inductaque rerum nominumque mutatione ac varietate in transversum agantur discipuli atque docentes. Paucis ergo & fideliter ex Hippocrate & Galeno ea excerpemus loca, quæ fistulæ notionem suggerunt antiquissimam.

§. I I.

Hippocrati omnibusque græcis *σύριγξ*, *ιγγῶ*, *ή*, dicitur quod latini fistulam vocant. Derivatur à *συρίσσω*, vel *συρίζω*, sibilum, sibilum edo. Unde *σύριγξ* proprie fistulam denotat pastoriam, musicam. Varios vero & alios canales oblongos, in macro- & microcosmo obvios significat, de quibus videantur lexicographi. Si quod ergo hic pondus sit etymologiæ, ut sæpe suis convenire nomina rebus non solent modo, sed & ordinario debent, videtur ideo nomen fistulæ illis quoque affectibus corporis humani morbificis atque ulcerosis impositum esse, quod profundius angustisque canalibus excavantur, atque orificio suo externo, quod fundo suo angustius esse solet, faniem atque aërem quasi cum sibilu, maxime si digitis premantur in peripheria, solent eructare, atque sic fistulam referre & structura & sono.

§. I I I.

Pathologico - medico sensu τὸ *συριγγῆσαι*, item *ἀπὸ συριγγῆσαι* pluries occurrit in Hippocratis libris [c] denotatque: in fistulam excavari, in fistulam degenerare, ubi vero nec explicite nec implicite de callosa duritie fit mentio. *Vexatus* maxime locus est Hippocratis in Coac. Prænot. S. 2.

Tom. I.

G g g

§.

[c] Hippocr. in Prognost. it. in coac. prænot. it. de locis in homine.

§. 511. in editione omnium Hippocr. operum, quæ latine reddita commentario illustravit Anut. Foësius in fol. Francof. an. 1621. Ita vero sonat ille articulus : ex fistulis maxime molestiam afferunt, quæ in cartilaginosis aut cavernosis locis fieri solent, cavæ sunt & longius excurrunt, assidueque sanie manant, & in quarum osculo caruncucula inest. Facilius autem curantur, quæ in mollibus & carnosus locis, & non nervosis oriuntur.

Hoc loco videtur Hippocrates potissimum agere de fistularum speciebus, quæ sunt difficillimæ & molestissimæ, difficultatem vero ad duo maxime momenta restringere, loca scil. corporis ἄσαρκα, carne vacua & cartilaginosa, tum & eas fistulas, quarum osculo caruncula, σαρκίον, inest : reliqua enim prædicata cavitatis, longioris excursionis atque manationis ichorosæ assidue tantum non omnibus perpetuo competunt fistulis, juxta ipsum quoque Hippocratem. Atqui circa verbum μολῃναι, quod quidem Foësius vertit per : longius excurrunt, varias tamen dubitationes criticas profert : alios scil. legere μυλῃναι, h. e. cuniculosæ sunt aut tortuosæ : alios μυλῃθαι, indurari, occalescere, sic ut illa lectione fistulæ cuniculosæ, hac callosæ denotentur. Lectionem vero tolerabiliorem reputat Foësius, si μολύνοναι, ponatur & sic eæ hic dicantur intelligi fistulæ, quæ in ano & podice consistunt, abominandum foetorem spirant & operosam ac difficilem curationem subeunt.

Verum enim vero, præterquam quod tantum non omnes præcipuique codices το μολῃναι retineant, ex hoc tamen aphorismo non evincitur necessitas calli in fistulis, sed major saltem molestia & curandi difficultas, si fistula cum callo sit conjuncta.

§. I V.

Neque *caruncula*, quæ fistularum nonnullarum orificio apposita dicitur loco Hipp. mox citato, ullo modo callum, carnem induratam, *denotat*, sed *præternaturale* saltem *carnis*, luxuriantis, *augmentum*, quod germanice *wild Fleisch* vocamus, quodque Hippocrates in lib. de medico [d] & alibi ὑπερσάρκωσιν, ἕλκεα ὑπερσαρκεῖναι nominat. Minime hinc adstipulamur probatissimo cætera commentatori Prospero Martiano, quem Hippocratis genium salutavit Bartholinus : ille scil. [e] in not. ad loc. Hippocr. modo allegatum è libro de medico τὰ ἕλκεα ὑπερσαρκεῖναι, ulcera quæ supercrescentem carnem habent, sic explicat : *quando scil. ulceribus caro, s. callosus, supercrescit*. Imo vero ex eodem Hippocr. loco clarissime patet, *ulcera fistulosa* ab ipso simpliciter dici, quæ in *profundum tendunt*, & quæ *cicatrice sunt obducta* & *intus cava*. Itaque nullum calli vestigium hic occurrit. Integer locus sic se habet : at vero ulcera quatuor progrediendi modos mihi habere-

[d] Hippocr. L. de medico p. 21. §. 30.

[e] In libro quem inscribit : magnus Hippocrates Prosperi Martiani notationibus explicatus fol. Venet. an. 1652. p. 7. a.

habere videntur : unum quidem in profundum , cuiusmodi sunt fistulosa , cicatrice obducta , & intus cava : alterum quo ad superiora tendunt , velut quæ superexcrecentem carnem habent : tertium in latum , qualia quæ serpentina dicuntur : quartus modus est , qui solus secundum naturam motus videtur.

§. V.

Aliud validiusque argumentum , pro callo fistulis proprio , hauriunt nonnulli ex *Hipp. loco de fistulis* , ubi non solum exedentia medicamenta e. g. succum majoris tithymali , florem æris ustum , fistulæ immittere , sed & filum lineum quincuplex , seta equina circumvolutum , ne filum cito putrescat in fistula , per hanc traducere & singulis diebus intendere ac copiosum æris florem ustum inspergere , idemque septem diebus facere jubet , ac intra hos fere dies *fistula tunicam* consumi præterdit : *Τὸν χιῶνα σνίπεθαι :* per *τὸν χιῶνα* vero Hippocratem voluisse callum designare contenderunt plurimi.

Neque potest negari , quod *ὁ χιῶν* , *σν* , tunica Hippocrati videatur fieri è materia crassiore , *μῆνιγξ* vero è tenuiore , sicciore ac solidiori , ea fere distinctione , quæ inter tunicam & membranam statuitur ab anatomicis.

Sed per hanc *fistula tunicam* posse etiam intelligi vel varias membranarum in fistulis lacinias carniūque lacerarum fragmenta , quæ illarum loculos efficiunt atque cuniculos , uti haud in frequenter talium frustilla è fistulis denique protruduntur sponte , aut volsella extrahuntur : vel & ipsam intestini recti tunicam (loquitur enim Hippocrates in toto de fistulis libro saltem de fistulis ani) orificio nondum satis patulo hiantem : vel ipsam anicutem , quæ natura crassior est , ac in aliis fistulis plane nondum exesa & perforata est , in aliis non sufficienter : vel & membranam quasi cutaneam , qua solent passim obduci labia atque parietes ulcerum sinuumque & , licet illa non sint callosa , impedire tamen consolidationem , à vero tam alienum haud videtur.

Quod si vero largiamur , hanc in fistulis tunicam designare callum , i. e. solidam quamdam , albam , sensus & humoris expertem carnem , sicuti definit callum Paulus Ægineta , atque sic in fistulis ani non tantum , sed & aliis quibuscumque callum conjungi posse ac solere satis frequenter ; tamen inde *non sequitur : ergo omnis fistula est cum callo* , aut quæcumque sic dicta fistula callum non obtinet , illa nec olim vocata est fistula , nec hodiernum meretur talis appellari.

§. VI.

Finitiones medicæ , quæ Galeno communiter adscribuntur , vindicant *fistula*

G g g

2

callum

callum expressis verbis, quæ hæc sunt : [f] Syrinx i. e. fistula, tubulus est callosus, angustus, oblongus, interdum etiam obliquus, os habens, cui cicatrix obduci nequit, quod humor certis temporibus tenuis excernitur. Hanc fistulæ acceptionem sequuntur è græcis *Paulus Ægineta, Aëtius, Actuarius* &c. inter latinos *C. Celsus, Arabum* quoque *plurimi*.

Quantum vero, aliis etiam è rationibus, acutissimi dubitavere critici de prætenso illo Galeni foetu, spuriasque ac supposititias potius esse finitiones illas medicas prætenderunt; tantum & hoc ipso de fistulis momento confirmatur hæc suspicio, siquidem è statim subjungendis aliis, *Galeno* extra dubium adscribendis, passibus elucescet, quod ipse *callum* non constituerit fistulæ essentialem, sed *expresse distinxerit inter fistulas callosas & non callosas*.

Mox enim de medicamento loquitur, [g] quod & fistulas jungat, & callosas jam exsiccet, contrahat & claudat. Mox ad *Glaucanem* scribit [i]: vidisti vero ipso (scil. medicamento, quod *cirrhum* i. e. fulvum vocant) sanatas *fistulas* aliquando, in quibus angusto longoque existente foramine, cum nondum intus *callum* haberent, sed *sorditiem solum*, immisi primum *lixivium* &c. Imo *Celsus* ipse [i], qui, licet in principio capitis de fistula, hanc nominari dixerit *ulcus altum, angustum, callosum*, paulo tamen post inquit: *vetustate callosa fit fistula*: atque sic apertissime tradit, fistulam dari, quæ ab initio non sit callosa, vetustate vero talis fiat, id quod & methodus curandi ejus testatur. Hinc vere dixit *Celsus*, fistulam nominari *ulcus altum, angustum, callosum*, utpote *callo* sæpius adjungi solito ejusmodi ulceribus altis angustisque, sed ideo tamen non præten- dit, *ulcus* quod non est callosum, sed tamen angustum, altumque non vocari *fistulam*.

§. V I I.

Itaque videat à factione remotus lector, an juxta antiquissimam ex *Hippocrate* & *Galeno* fistulæ acceptionem, recte senserit *Tagaultius*? Qui [k] callositatem cum forma fistulari differentiam essentialem fistulæ constituit ab ulcere sinuoso. Liberum vero cuique relinquimus, malitne *Hippocratem* atque *Galenum*, an vero *Paulum*, *Aetium* cæterosque sequi? Nobis videtur notionum valor ab ipsis primis, vel antiquissimis certe ac probatissimis petendus authoribus. Unde *fistulam* nos definimus: *ulcus excavatum tubulo angusto, alto, mox recto, mox obliquo, varieque flexuoso, uno pluribusve, orificio*

[f] Author finit. medicar. *Galeno* adscriptarum. p. 49. a.

[g] *Galenus* de compositione medicament. per genera. L. 4. p. 245. lit. c.

[b] *Galenus* de arte curativa ad *Glaucanem*. L. 2. vers. latin. p. m. 106. & text. græc. p. 218. §. 10. Ipsius hæc st. verba: Εἶδες δ' αὐτῶ καὶ σύριγγα θεραπευθεῖσαν, ἐφ' ἧς σενῆς ἔσσης ὁπῆς, καὶ μηδέπω μοι φαινομένης ἔχειν ἔνδον ἐν αὐτῇ ἴυλον, ἀλλὰ μόνον ῥύπον. &c.

[i] *Corn. Celsus* de re med. L. 5. c. 28.

[k] *Joh. Tagaultius* instit. chirurgicar. L. 3. c. 18.

orificio angustiore , fundo ampliore præditum , sanie manans , cui frequenter al-
bida parietum internorum , fundi , & labiorum jungitur induratio , s. cal-
lus , aliquando etiam ossis caries.

§. VIII.

Præmittenda hæc erant , tum ut distinctam claramque fistulæ notionem
exhiberemus , tum veniam præoccuparemus vocandi & illas corneæ fistu-
las , quæ callo destituuntur. Has vero jam specialius explanabimus metho-
do nobis familiari per recensitionem primo phænomenorum antecedentium ,
constituentium s. concomitantium atque consequentium , dein pathologice ,
ultimo therapeutice.

Phænomena antecedanea hæc sunt : omnia illa , passim alibi in disputa-
tionibus præsidis de ungue oculi , & ulceribus corneæ recensita , & quæ in
genere *ulcera inducunt corneæ* : In specie vero *medicamenta* ocularia topica
vel nimis acria & septica , vel intempestive repellentia & adstringentia. Illa
scil. in profundum erodendo serpunt inter lamellas corneæ tandemque has
intro perforant : hæc saniem ad interiora cogunt & substantiam corneæ in-
durant. *Ophthalmiæ* habituales , aut frequentes saltem , chronicæ , sordidæ.
Ex ulceribus corneæ bina illa , quæ vocantur *Bothrium* , s. ulcus corneæ
exile , cavum , angustum , purum , sine sordibus purulentis aut crustosis ,
capitulum aciculæ capitatæ referens amplitudine , & *cæloma* , s. ulcus cor-
neæ cavum , rotundum , latius , sed minus profundum bothrio , residens
ordinario in illa corneæ regione , quæ iridi proxima est. Unde in nupera
disp. de ungue oculi asseruimus , hæc bina ulcera ordinarios fistulæ corneæ
natales præbere. Antiquorum imo nonnulli videntur sub nomine bothrii ali-
qua innuisse , quæ ad fistulam corneæ pertinent. *Scrophulosæ* , *scorbuticæ* &
lue venerea infectæ personæ frequentius aliis experiuntur corneæ fistulam.
Vulnera corneæ punctim inflicta per totam ejus substantiam penetrantia.
Hinc & *vulnus corneæ* , in operatione hypopyi inflictum , vel per subjecti con-
ditionem , vel medentis vitium potest evadere fistulosum. Ipsum vero pus in
affectu , qui vocatur *hypopyum* , post corneam in prima oculi sic dicta re-
gione delitescens , copia auctum & acre rosivum redditum , perforando
denique corneam , per se etiam valet corneæ fistulam efficere. Idem res-
pectus est *myocephali* & *staphylomatis*.

§. IX.

Phænomena constitutiva atque concomitantia. Corneæ solutio continui per
cuniculos sinusque angustos , saniosa manatio chronica , pauca ordinario ,
per orificium exile , cum ejusdem , vel parietum fistulæ internorum callosa
frequenter induratione. Fistula hæc in corneæ dimensiones se varie diffun-
dit , longitudine , latitudine & profunditate , mox centro corneæ propior ,

mox peripheriæ : nunc corticem magis lambit , nunc altius se demittit , & sub anterioribus corneæ lamellis l. recto , l. obliquo , l. transverso , l. perpendiculari , l. tortuoso procedit reptatve gressu. Igitur in ordine ad has directiones aliaque phænomena , fistulam corneæ dividimus in *Completam* & *Incompletam* , *Simplicem* & *Compositam*. *Completam* vocamus , quæ in externa & interna superficie corneæ orificiis suis patet , eamque subdividimus in *rectam* & *sinuosam* s. flexuosam , quas statim illustrabimus. *Incompletam* appellamus , quæ in alterutra saltem hiat corneæ superficie , sive externa , sive interna , qualem communiter cæcam appellare solent fistulam atque sic vel in *intus cæcam* , vel *extus cæcam* dispescemus [1]. *Simplicem* vocamus , quæ sine callo est , *compositam* , quæ cum callo. *Woolhousius* dividit fistulas corneæ in rectam , sinuosam & cæcam.

§. X.

Fistula *completa* , quæ etiam penetrans , totalis , perfecta potest appellari , eaque *recta* , cunctas corneæ lamellas à vertice ad basin recta perfodit , in cameram oculi penetrat anteriorem , suoque foramine exilissimo non modo partem saniei transmittit in humorem aqueum , sed hunc quoque transmittit foras. Sic vero transmittit , ut *vel lente roris* instar transfudet humor aqueus interdiu , oculoque detecto , libero : *vel* ad justam oculi plenitudinem noctu , oculo clauso collectus , postea , palpebris apertis , *vi* quasi per siphunculum tenuissimum elusus arcuatim & in longinquum profiliat.

Fistula hæc corneæ *recta* dignoscitur à simplici *vulnere* , punctim inflictio ac exili , fistulam mentiente , quod hoc sit absque sanie , multoque magis sine callo , recens à causa externa ortum ; quale quidem vulnusculum per moram sponte , aut inepta tractatione dehinc facile transit in ulcus & fistulam. Facilius insuper discriminatur à *myocephalo* , i. e. exiguo illo , muscæ caput referente , prolapsu uveæ per corneæ vulnus vel rupturam , quoniam in hoc manifeste conspicitur incuneatum vulnusculo aliquod corpus tunicatum & supra illius superficiem eminens , gryseo fuscum , vel fusco-nigrum.

Sed

[1] Fistulæ in universum alterutra dumtaxat in superficie partis affectæ , interna , vel externa , hiantes appellantur cæcæ. Communiter vocatur cæca interna , quæ aperturam habet saltim extus , s. foris , nullam vero intus : cæca externa vero , quæ aperturam tantum habet intus , & extus nullam. Distinctius hanc differentiam exprimi censet Petitus , celeb. chir. parisiensis si conjunctio *et* interponatur , atque dicatur : fistula cæca & interna , quæ denotet aperturam fistulæ intro vergentem , nulla foris s. extus præsentente apertura. Atque sic vice versa : fistula cæca & externa. Nobis videtur adhuc clarior idea nasci , si fistulam intus cæcam , & fistulam extus cæcam dicamus. Illa intus clausa , sed extus aperta est : hæc extus clausa est , sed intus aperta. Tota cæcum enim supponit finem canalis , tubuli , sinus &c. clausum : fistula vero tubulum & orificio.

Sed *altera fistulæ completæ species est tortuosa sinuosa*, quæ scil. ab externo suo orificio in superficie convexa corneæ decurrit flexuoso ductu uno, vel pluribus, inter lamellas corneæ, in profundum descendit intimamque ejus lamellam pertundit, id quod vel è sola humoris aquei per orificium lenta exstillatione, etiamsi oculo pleno, satis cognoscitur, à fistula vero recta dignoscitur, quod in hac idem humor aqueus, bulbo oculi satis per humorem aqueum distento, per arcum impetuose profiliat, atque orificium hujus fistulæ sinuosæ, penetrantis in cavum oculi, externum directe haud respondeat orificio interno.

§. X I.

Fistula incompleta, intus cæca, angusto hiat orificio in superficie convexa corneæ, non tam in profundum, quam latum potius sub pelliculis corneæ reptat, & cuniculos agit plus minus l. rectos, l. obliquos, flexuosos, tortuosos, unum pluresve, neque tamen intimam ultimamque pelliculam corneæ perforat, nec in cavum oculi penetrat usque. Accuratius inspiciens ophthalmiater observat itaque nonmodo externum hujus fistulæ tenuissimum orificium, emanantem ex eo, aut expressam, saniem, sed & sub extimis corneæ lamellis transpicientes atque candicantes, vel flavo-albescentes diversos unius, pluriumve sinuum, tractus, qui varias æmulantur figuras litteræ I majoris, vel S, vel V, vel Z. &c. Orificium talis flexuosi ductus modo positum est superius modo inferius ipso ductu, modo à latere. Aliquando duobus in superficie hiat orificiis tortuosa hæc fistula, altero ubi ulcus corneæ primo subnatum est, altero circa locum declivorem, aut versus circulum corneæ externum.

§. X I I.

Fistula completa, extus cæca, est, quando abscessus, aut ulcus corneæ intimas hujus lamellas trajiciens saniem infundit anteriori oculi cameræ, sic tamen ut in superficie externa corneæ nullum compareat illius orificium. *Utræque* hæc fistulæ incompletæ, nempe intus cæca, & extus cæca *differunt ab ungue oculi*, quod in hoc pus sit in unum locum coacervatum, stagnans inter corneæ lamellas, sic ut hæc nullam plane nec extus, nec intus patiatur in superficie continui solutionem, sed instar clausi abscessus se habeat, sicque discrepet manifeste ab omni ulcere & fistula corneæ.

§. X I I I.

Fistulas corneæ alia atque alia *comitantur phænomena*. In aliis adest *ulcus corneæ externum*, excoriatio saniosa, solutio continui diffusa, qualis vel antea jam adfuit, quam fistula generaretur, & cum ipsa adhucdum subsistit, vel fistulæ demum supervenit, junctaque manet. In aliis *cornea definito*

finito exiguo saltem spatio, cui nempe fistula innidulatur, *opaca*, *albida*, *albo-flavescent* est, in peripheria vero naturalem servat pelluciditatem, in aliis *amplior* est *opacitas* & albicantium fistulæ sinuum expansio. Ob eandem quoque diversitatem non modo, sed & determinatam ulceris fistulæque in medio, s. centro corneæ sedem, *visus* plus minus *imminuitur*, *aboletur*, *depravatur*: fit nimirum obscurus, nebulosus, indistinctus, denique aliquali saltem luminis perceptione superstite, aut dolorificus evadit, luminis impatiens, confusus, præcipue si, quod sæpe fit, simul jungatur ophthalmia s. externa s. interna: maxime vero atque *subito visus aboletur*, ad tempus certe, quotiescumque post elisum in fistula recta omnem, vel majorem, humoris aquei portionem, cornea subsidet atque corrugatur.

Callus, quem antea §. 7. fistulis non essentialem quidem, sed frequentem tamen declaravimus, has quoque fistulas corneæ frequenter & ordinario comitatur, sic ut indurata, albida, insensibilis substantia, i. e. callus, occurrat vel in ipso saltem fistulæ orificio, vel in ductu, vel fundo, vel & junctim.

§. X V I.

Phænomena consequentia: huc spectant pleraque, quæ nuperrime [m] sunt tradita, quatenus corneæ ulcus vel præcessit & comitatur fistulam, vel secutum est. Fistulam corneæ completam rectam sequitur, oculo aperto & motu suo naturali agitato, vel digitis presso, *humoris aquei effluxus*, vel lente extillantis, vel semel atque simul cum impetu evibrati, instar liquoris per tenuissimam Anelli syringam explosi: hinc statim *collabitur*, applanatur aut rugosa fit *cornea*, *visus aboletur*, *anterior oculi camera*, sive spatium naturale inter corneam ac iridem *tollitur* maxima parte, *cornea* imminet & *contigua fit iridi* atque *pupillæ*, imo uvea atque pupilla lenti crystallinæ incumbunt immediate, sicque totus *oculi bulbus fit contractior*, exilior, ut in microphthalmia aut tabe oculi.

Si post excretum hoc modo humorem aqueum oculus splenio fasciæque modice vinciatur & quietus servetur, *denuo colligitur* successive *humor aqueus* intra 24. vel 48. horas, sicque & plenitudinem oculo & visum restituit; ast detecto, fasciisque soluto, musculisque suis motitato oculi bulbo, prior denuo luditur scena, *humor aqueus iterum effunditur*, cornea subsidet &c. quæ phænomena hoc modo alternant in principio fistulæ per aliquod tempus, si modo post singulas excretiones oculus statim debite contegatur. vinctusque maneat aliquandiu.

§. X V.

Si vero fistula hæc, quamprimum est formata, aliquot diebus aëri libero manserit exposita, tunc *cornea* ordinario *tota opacatur* & deprimitur, *iris*

[m] In disp. Præsidis de ulceribus corneæ §. 13. p. 12.

iris tonum amittit, facile *adhaerescit corneæ ac lenti crystallinæ*, i. e. *synechiam* efficit, *reliquus* ab excretionē, vel denuo generatus *humor aqueus* stagnat, *saniosus* evadit & *purulentus*, *tunicas internas oculi*, & *crystallinum vitreumque inquinat, arrodit, destruit*, & incurabile reddit malum, ut hinc vel idem *fistulosus & ulcerosus* maneat status, vel omnino deformis totius œconomix oculi destructio sequatur. Hæc fistulæ corneæ ea est conditio, cui quadrat tristis Antonii prognosis, in nostra præfatione recensita.

E contrario *si statim*, aut in principio minimum, & tempestive satis debita *adhibeatur medela*, *omnia sunt in salvo*, fistula consolidatur, structura oculi conservatur, visus manet integer & cicatricis leve, vel nullum in junioribus, relinquitur vestigium.

§. X V I.

Fistula sinuosa, quæ ductum suum extendit in latum, sed *in linea recta*, *facilior* est curatu, illa, quæ angulosis & anfractuosis cuniculis reptat, quoniam hi non æque facile & plene per incisionem chirurgicam aperiri possunt: quo magis etiam hi *sinus in profundum* tendunt, aut ipsam quoque *intimam corneæ lamellam perfoderunt*, eo *difficilior* est curatio, l. plane nullum amplius locum habet. In *fistula extus cæca*, sed in cavum bulbi penetrante, lupum auribus tenemus. Si nempe sibi relinquatur intacta, accumulabit successive suum ichorem in cameram oculi anteriorem, dictasque ante (§. 15.) turbas excitabit: si medelæ subjiçiat^r chirurgicæ, per incisionem & apertionem sinus ductuumque, & extirpationem calli, metus est, ne corneæ nimis amplum infligatur vulnus, vel nimium de ejus substantia perdatur, ut dehinc vel plane non, vel per deformem certe opacam amplamque consolidetur cicatricem. Quale tamen remedium adhuc tentare liceat, infra §. 27. & 28. declarabimus.

Utrobique vero in omnibus illis *fistulæ speciebus*, modisve, quæ *callum habent adjunctum*, nulla, nisi hoc delet^o, constantis curæ spes affulget. Quo sinus fuere profundiores pluresve patiensque adultioris ætatis, eo post curationem vel profunditas atque *opacitas*, vel *numerus macularum* albidarum erit auctior. *His tamen* ad ultimum licet *aliquando* adhuc *medicinam parare*, qualem contra cicatrices & maculas, ab operatione hypopyi & unguis, aut ulceribus corneæ oriundas passim publice jam commendavimus.

§. X V I I.

Pathologia: fistulam esse *morbum soluti continui* in confesso est. Quænam vero sit ejus ratio formalis, & quomodo differat tam in genere ab aliis solutæ unitatis morbis, quam in specie à similibus cæteris corneæ læsionibus patet ex aphorismis præmissis.

Subjectum morbi & *causæ* fistulæ corneæ constituit *cornea oculi tunica*.

Tom. I.

H h h

Con-

Consideranda hæc est, qua naturaliter pellucida, ab extus convexa, lævi politaque superficie gaudens, subtilissima epidermide, ex adnata oculi proficifcente obtecta, vasculis sui generis irrigua, pluribus constans lamellis arte unitis, crassa, robusta: quibus autem qualitatibus, structuræ & functioni plurimum & varie derogatur in statu p. n.^{li} fistuloso.

Causa proxima est sanies, itasi, reptatu inter corneæ lamellas, acribus particulis erodens, salino-figentibus indurans orificia & latera ductuum sinuumque fistulorum. Unde cum ex angustissimo orificio externo non possit libere satis ichor emanare, è cuniculis, serpentinis maxime, diffundit se hic in longum, latum & profundum, fistulamque vel rectam, vel sinuosam efficit: fistulam v. extus cœcam, quæ scil. nullum foras emittit orificium, tanto cudit facilius, quod plane nullam puri ad extus concedit eruptionem, idque vel quatenus jam ad intimas corneæ lamellas decubuit pus, vel extus callosa durities, aut intempestive obducta cicatrix puri obicem ponit exiturienti.

§. X V I I I.

Unde ergo cœca hæc fistula saniem eructat suam in anteriorem oculi regionem, *principium & incrementum hypopyi fundat*, destructionem oculi minatur, difficilem dubiamque reddit curam, ut supra monuimus §. 16. In fistula vero completa & recta *cur humor aqueus* certis temporibus cum *impetu & radiatim elidatur*? Causam statuimus motum tunicarum oculi, tendineæ præsertim, tonicum, qui contenta ejus circumcirca à peripheria versus centrum in statu naturali & præternaturali continuo premit, humorem vero aqueum, ad justam bulbi plenitudinem collectum, exprimit per orificium tenue & rectum, ceu locum minoris resistentiæ: intenditur & augetur quoque tonicus hic motus per actualem motum bulbi muscularem, palpebris apertis, foramini fistulæ non amplius applicitis appressisque. Eliso sic, aut pedetentim, sed jugiter, exstillante humore aqueo, necesse est, *corneam subsidere, iridem contiguam fieri corneæ, crystallinum vitreumque humores arctius non tantum uveæ apprimi*, sed & versus anteriora ipsamque *corneæ superficiem internam urgeri*, atque vel tandem *synechiam* (§. 15.) effici, maxime si internarum oculi membranarum, de quibus hic quæstio est, adsit, aut superveniat ex inflammatione, aut ichore in locum humoris aquei è fistula redundante, aliqualis excoriatio & ulceratio. Quod *visus distinctus* è vestigio & *tollatur* per collapsum ac corrugationem corneæ, & sublatus maneat, manente hoc collapsu ac superaccedente synechia, mirum haud est, cum debita radiorum refractio & collectio in focus tot impediatur modis.

Cæterum ex his etiam observationibus constat evidentissime, quod *humor aqueus*, oculo excretus, *successive regeneretur*, atque *visus*, antea hinc amissus, *restituatur*, idque *citra artificium & arcana*, olim à Burrho cæterisque

risque thraſonice jaſtitata : atque ſic etiam panico percellantur terrore , qui ab humoris aquei excretionē infallibilem neſtunt præſagiuntque cœcitatē , cum tamen è *Galeno* [*n*] dudum aliud rectiusque potuiſſent addiſcere , quamvis & ille ipſe huic obſervationi raræ videatur obſtupuiſſe.

§. X I X.

Therapia has ſuppeditat *indicationes* , eo , quo recensentur , ordine , vel & mutato hoc , pro phænomenorum varietate , exſequendas.

- (1) Affluxum p. n.^{lem} humorum ab oculo revocare.
- (2) Staſes humorum , lymphæ , ſanguinis , ſaniei in oculo , præcipue cornea , diſcutere , reſolvere.
- (3) Callum , ſi adſit , tollere.
- (4) Cuniculos ſinufque aperire.
- (5) Ulcus blandis mundificare detergentibus.
- (6) Id ipſum ſinufque quantocyus conſolidare.
- (7) Lævem ac perſpicuam inducere cicatricem.

§. X X.

Qui per *primam indicationem* præcipitur ab oculo affecto revocandus p. n.^{lis} humorum affluxus , oritur maxime vel ab adjuncta ophthalmia , vel ſanie acri , attrahente per modum ſtimuli , vel ab ipſa , quæ fiſtulæ opponitur , operatione chirurgica , ſtatim pluribus explicanda. Symbolam huc quoque ſuam addunt medicamenta , acria , ſtimulantia , luminis aëriſque liberi frequens aut perpetua admiſſio , bulbique motus perpetuus.

Quamobrem omnium primo *cauſas* hæſce *ſtimulantes* , ultimo recensitas *tollere* oportet ac emendare , dehinc *affluxum revellere* ac *derivare* per *ſectionem venæ* pedis , brachii , jugularis κατ' ἰξιν , angularis ejuſdem oculi venæ , *blepharoxysin* , aliquoties repetitam , *hirudinum* poſt auriculas *applicationem* , *cucurbitulas ſcarificatas* in humeris , dorſo , nucha : *pediluvia* acria , lixivioſa , tepida : *ſuppedanea* acria : *veſicatoria* in furis pedum , brachiis , interſcapulio , nucha : *clyſmata* leniter ſtimulantia : *fonticulos* in brachio : *ſetacea* per lobos auricularum trajicienda , aut in nucha ponendum : *revocationem aliorum ulcerum* atque efflorefcentiarum puſtuloſarum per attrahentia , rubefacientia , veſicatoria. Per medicamenta *interna* leniter *purgantia* per epicraſin : blanda *diaphnoica* , *diaphoretica*. Plura de ſpeciali ſingulorum

H h h 2

uſu

[*n*] Galenus de ſympt. cauſis L. 1. c. 2. p. m. 15. Lit. D. Dignus eſt locus , qui totus huic apponatur : Cæterum incredibile quiddam , nec fieri vulgo ſolitus in puero vidimus , qui ſtylo in pupillæ loco fuerat compunctus. Nam cum ſtatim effluxiſſet aquoſus humor , tum pupilla ipſa minor eſt reddita , tum tota cornea apparuit rugoſior. Cæterum ſanatus , poſtea recte vidit , collecto ſcil paulatim eo , qui effluxerat , humore. Verum hæc rara ſunt. Cæcitates autem ejuſmodi vulneribus plerumque ſuccedunt.

usu ac delectu non addimus, ne cramben hanc toties recoquamus, utpote in præcedaneis aliquot dissertationibus oculariis coctam jam atque recoctam. Prudens atque sagax ophthalmiater facile quoque subolfaciet, an, quomodo, quando, quamdiu his ipsis revulsoriis atque derivatoriis uti remediis oporteat, conveniatque? Item quæ discutientia & resolventia, aut mundificativa sint socianda?

§. XXI.

Secundam indicationem discutiendi, resolvendi stases lymphæ, sanguinis, saniei sicco pede transimus, quod illa ex professo in nuperrimis dissertationibus ophthalmicis jam sit pertractata, insuper vero hæc ipsa in præsentī fistulæ casu post agmen stet, & contra conjunctam ophthalmiam unice, vel maxime saltem militet. *Collyriorum* vero *liquidorum*, corneæ instillandorum, sive illa sint resolventia acriuscula, sive septica, *minus tuta fides* est in casu fistulæ completæ & præsertim rectæ, quoniam in cavum bulbi transeuntia molestam, quin periculofam irritationem possent inferre.

§. XXII.

Tertia indicatio jubet callum, si quis adsit, tollere. Obsidetur vero plerumque orificium externum, quin & tota illius ductus minima cavitas aliqua levi duritie aut saltem cuticula quadam, quales consolidationi remoram injiciunt & impedimentum. Septicis vero ac cathæreticis remediis, quæ callo destinantur alias, minime hic locum esse è superiore dilucescit paragrapho. An autem ideo, quod hoc modo ulcerum corneæ fistuloforum oræ callosæ nequeant consumi, fistula corneæ sit promiscue incurabilis, sive absque remedio, ut prætendit Antonius, jam dispiciemus? Sequemur autem vestigia ingeniosiss. & expertiss. Dn. de *Woolhouse*, qui rationalem hancce methodum tenuit olim ac commendavit Præsidi, à nobis jam porro digerendam, illustrandam, augendam.

Nimirum si *in principio fistulæ*, non diu ab ejus formatione, in consilium vocetur ocularius medicus, oculo tum propter humoris aquei excretionem aliquantum collapsa *statim imponat splenium* ex octuplicato linteo, imbutum aqua destillata rosarum, in qua tutiæ frustum, in crucibulo ignitum aliquoties fuerit extinctum, illudque molliter palpebris affecti oculi superliget: *vesicatorium* imponat *nuchæ*, *sanum oculum* pariter *vinciat* & contra lumen defendat, *agrū* in lecto quasi *horizontaliter decumbere*, & *jusculis tantum carnis*, immixta semper antimonii diaphoretici portione, jubet victitare. Oculo interea ad justam & naturalem plenitudinem, à collecta iterum sufficiente humoris aquei quantitate, redeunte, *patiens*, oculo *sano spleniis fasciaque obtecto*, in sella prope lectum, vel *super marginem ipsius lecti*, collocetur, *capite* aliquantillum retrorsum *reclinato*: *acus plana*,
lan.

lanceolæ formâ gaudens, *ânceps*, f. utrinque in lateribus scindens, & *apice brevi tenuique* instructa, diductis palpebris provide *intra orificium fistulæ externum immittatur*, & in *gyrum versando acum*, *callositas* circumcirca *abradatur*, labia & parietes fistulæ recententur, solícite inter hæc *cavendo*, ne, dum in operatione hac aqueus humor per fistulam eliditur atque cornea subsidet, *acus impingat in iridem aut lentem crystallinam*. Unde patet in illa exfoliationis operatione festinandum quidem esse, sed caute.

§. XXIII.

Post factam hanc quasi tornationem ager confestim *supinus lecto immittatur*, sequentis *infra balsami guttula instilletur*, vel placide, specillo aut penicillo mediante, *affricetur orificio fistulæ*, hoc ipsum vero deinde *contegatur hemisphærio*, extus admodum convexo, intus concavo, è cornu quodam tornato, tenui levique, sub palpebras condendo, & bulbo sic imponendo, ut non modo fistulæ orificium, balsamo vulnerario delibutum, sed & tota cornea sub illo hemisphærio libere, citra pressiois & coalitus cum palpebra metum, securè quiescant [o]. Palpebris superponatur splenium, vino traumatico ex herbis vulnerariis calido intinctum, & fascia laxè superinducta, muniatur. *Balsami modo nominati hæc sunt juxta Woolhousium ingredientia*: aqua destillata vesicularum ulmi [p] succus consolidæ majoris expressus, gummi arabicum, ol. ovorum atque balf. de Mecha, omnia miscendo & in formam unguenti redigendo, quæ ergo *hanc in formulam* concinnari posse reputamus.

℞. Gum. arab. puriss. & subtiliss. pulverifat. ℥j.

Liquoris folliculor. ulmi ℥β.

M. solutis, colatis, expressis adde

Balsam. de Mecha, sive opobalsam. veri

Ol. ovr. ana. ℥β.

D. S. Balsamum Vulnerarium.

§. XXIV.

Quotidie bis solvatur ab oculo totus hic *apparatus & priore methodo perga-*
H h h 3
tur,

[o] Methodus hæc Woolhousio vocatur l'emboëttement, suo tempore plenius describenda in tractatione staphylomatis.

[p] Ulmi foliis tempore verno vesiculæ, f. folliculi, quasi tot gallæ, supercrescunt, succo glutinoso traumatico, ad oculi vulnera celebratissimo primum referti, dein & vermiculis minimis, in culicellos postea transformatis repleti. Liquor hic separatim, antequam vermiculi adolecant, mense maio colligitur, vel ad solis radios destillatur. Plura vid. apud. Sim. Pauli in quadripartit. botan. Henric. ab Heer in obs. med. Joh. Boecler. in cynosur. mater. med. Si hic ulmi liquor haberi nequeat, substitui potest albumen ovi, aut aqua inde destillata.

tur, donec nova corneæ substantia, indies aucta, cavum fistulæ repleverit ac foramen p. n.^{le} clauferit. Quamprimum animadvertitur inunctum fistulæ *balsamum* intra oculi cavum se insinuare, fatius est illud *frustillo vesicæ bracteatorum auri*, vel *foliorum auri quadruplici* inunctum applicare orificio fistulæ, quam instillare vel intrudere. Tertio quartove die balsamo illi suadet Woolhousius *addenda* aliquot *grana sarcorollæ*, in lacte muliebri nutrita.

Toto hoc tractationis tempore usque ad occlusionem & consolidationem fistulæ patiens tenetur obsequiosissime *situm* corporis *supinum* in lecto *quietumque*, *oculum* quoque *sanum* jugiter spleniis fasciisque *vinctum* fervare, *nullis* vesci *solidis* alimentis, quæ masticationem & maxillæ motum requirant, neque minus compescere linguam, & ab *omni abstinere confabulatione*.

Si adnatæ corneæve, quin & in oculi interioribus *stases inflammatoriæ* sanguinis vel jam tum sub operatione, quam acu perficiendam supra tradidimus, adfuerint, vel post eam supervenerint, palpebrarum superficies interna, vel & ipsa adnata quotidie *xystro ophthalmico* [*q*] *scarificari* debent. *Ipsa* vero per acum instituta *operatio* (§. 22.) si una vice non satis deterfisse & abrasisse videatur induratos fistulæ parietes internos limbumque, *repeti poterit* sub cautelis ante injunctis. De reliqua consolidatione & perductione ad æquam cicatricem quæ dicenda supersunt, supplebimus in commentatione ad sextam septimamque indicationem.

§. X X V.

Quarta indicatio jubet cuniculos sinusque, fistulæ nimirum *sinuosæ* (§. 11.) aperire, sive hi ipsi sint callosi, sin minus. Apertio, s. *incisio* hæc fit mediante *acu scindente*, ad cataractæ depositionem adhiberi solita, sed quæ sit è tenuissimis atque subtilissimis.

In casu *fistulæ sinuosæ*, sed *cuniculis in linea recta decurrentibus*, immittitur acus in orificium fistulæ, & intra ejus ductum sic propellitur & promoveatur, ut acie sua illum in superficie corneæ discindat aperiatque totum.

In casu autem *fistulæ sinuosæ*, *cujus cuniculi* ductusque varios in itinere angulos *faciunt* & *anfractus*, sufficit eos in superficie, quousque extenduntur, aliquot punctationibus, mediante priori acu illa, perforare, & stagnanti saniei exitum, balsamo autem deterfivo & consolidanti, dehinc applicando ingressum procurare. Si *orificium externum* commune sinuum sit *callosum*, raditur atque discinditur simul eadem acu, vel & *xystro vegetabili*, ex aliquot saltem glumis secalinis, in scopulam compactis carminatur atque raditur.

§. XXVI.

[*q*] De *xystro* hoc ophthalmico ac operatione ophthalmoxysis passim alibi, præcipue vero peculiari in disp. jam olim egit præses.

§. XXVI.

Cum indicatione hac quarta, dicto modo adimpleta, statim *jungantur quinta* etiam atque *sexta*, nempe ulcus blandis mundificandi detergentibus, atque illud cum suis sinibus atque cuniculis ad consolidationem perducendi quamprimum licet. Si enim hi *cuniculi* atque *sinus* aliquandiu relinquuntur patuli ac libero aëri expositi, labia eorum intumescunt, & magnum consolidationi bellæque cicatrici ponunt obicem. Igitur incisione vel punctione *apertis* illis, & aqua tepida simplici, vel destillata plantaginis, in qua tutiæ frustum ignitum aliquoties fuerit extinctum, statim *elutis deterfis*que affricatur mediante penicillo pictorum subtilissimo *balsamum de mecha*, & obligantur postea & tractantur eo modo, quem prægresso docuimus articulo.

Quod si vero *ulterior mundificatio* & deterfio requirantur, poterit tantillum pinguedinis viperarum cum oleo ovorum aut opobalsamo mixtum, vel aqua viridis Hartmanni, aut ophthalmica Crollii per vices, in modica quantitate, illini.

§. XXVII.

In *fistula completa, flexuosa*, per anfractus in regionem oculi anteriorem penetrante, nec non in *fistula incompleta extus cæca*, i. e. quæ intro saltem hiat in cameram oculi, sed in superficie externa corneæ nullam habet aperturam, ancipitis plena res est aleæ, quemadmodum ex parte jam §. 16. monuimus. In priori tamen, *completa scil.* & *flexuosa*, videtur esse combinanda methodus utraque, quam in §. 25. & 22. laudavimus, & ita quidem, ut primo *incidatur*, aperiatur *ductus anfractuosus*, quantum fieri potest usque versus orificium ejus internum, immissa acu scindente per orificium fistulæ externum, cavendo tamen, ne tota corneæ substantia in profundum disseccetur, amplumque vulnus, corneam penetrans, infligatur; deinde vero *vel* statim quoque orificium internum fistulæ, si callosum fuerit, conveniente alia acu, in circulo provide radatur & balsami §. 23. descripti refracta dosi applicita in apertum cuniculum atque orificium, totus oculus statim debite, ut ante dictum, & vinciat & porro tractetur: *vel* primo aperiatur saltem ductus, sinusve, mundificetur atque consolidetur prius, effectæque sic rectæ fistulæ completæ curatio instituatur eo modo, quem §. 22. commendavimus, quæ tanto felicius absolvetur, quo citius post apertionem sinus institui poterit.

Imo fortassis post apertum & consolidatum finum, ne quidem rasiōe & scarificatione orificii interni opus erit, si hoc nullo adhuc induruit callo, quemadmodum *Antonius* [r] refert, fistulam corneæ post 7. vel 8. menses coaluisse

[r] Anton. Maître-Jean, malad. de l'œil, cap. de fist. corn. p. 454.

luisse per excrecentem ex ejus orificio parvulum carnis globulum, successive obfirmatum & cum substantia corneæ unitum.

§. X X V I I I.

In *fistula incompleta*, *extus cæca*, quæ scilicet orificium in superficie convexa corneæ non habet, sed dumtaxat in superficie concava, ad *duo* primum *momenta* respiciendum est: nimirum *an* sinus inter corneæ lamellas *recta*, *an* vero *oblique* & anfractuose terminetur ad orificium suum internum, quo hiat in cameram oculi anteriorem, atque sic in priori casu sinus verticaliter immineat suo orificio, in posteriore vero casu, sinus divergat ad latus, longiore vel breviori tractu, eoque l. recto magis, l. tortuoso? *Cardo* quidem *curationis* vertitur utrinque in incisione, deterfione ac consolidatione sinus, dehinc vero & occlusionem ipsius orificii. Facile tamen dispalescit, quod facilius ac plenioris spes curationis affulgeat in primo casu, quam secundo.

Sed, monente *Celfo*, nihil interest an satis tutum sit præsidium, quod unicum est. Si enim sibi relinquatur talis fistula, effundet non modo magis magisque saniem suam in regionem oculi anteriorem, inquinabit ejus humores, hypopyum efficiet, & denique tunicas oculi internas arrodet, in inflammationem & exulcerationem deducet, atque totam oculi visusque œconomiam destruet: sed & crepaturam & plenariam inducet corneæ perforationem, quæ longe profecto pejor erit artificiali, tempestiva, per operationem facta incisione ac apertione.

Sinus & orificii interni *sedes*, certo corneæ interno loco definita, *detegitur* per tractum, maculam, stigma albidum coloris, vel flavescentis, aut alius obscurioris per lamellas corneæ anteriores adhuc perspicuas colorem suum reflectentes. *Super tali* ergo *macula* fiat lamellarum corneæ omnium *incisio* per acum §. 22. descriptam usque in orificium internum fistulæ, hujus *orificii* cauta levisque instituitur *scarificatio*, applicetur desuper commendatus *balsamus*, & reliquus *apparatus* chirurgicus. Si *cornea* sit *maxima* sui *parte opaca* atque ideo latentes sinuum tractus & orificium fistulæ conspici nequeant, aut pluribus ejusmodi profundisque cuniculis subruta sit cornea, consultius est manum operi haud admove, quam in tenebris caligare, aut æthiopem dealbare.

§. X X I X.

Hypersarcoseos ex hisce fistulis metus est valde exiguus, si non plane nullus; quodsi tamen ex apertis sinibus, aut scarificato fistulæ orificio stamina luxuriantis carnis propullulent, facile compescuntur *desiccativis*, leniter *adstringentibus*, solutione e. g. lapidis divini, quem describit Yvesius, vel medicamentosi Crollii, vel pulvere e lap. hæmat. rad. ir. flor. medulla ossis sepiæ &c. cavendo tamen, ne intempestiva sedulitate deleantur novæ, succrescentis ex orificio fistulæ, carnis granulose, tanquam futura corneæ stamina.

De

De *fungosa* vero, *foeda*, in magnam denique molem increfcente *hypersar-
cosi*, *scirrhosa* induratione, hujusque *in carcinoma transitu*, nec non de
staphylomatis speciebus, qualia, tristi fato, longis, profundis, penetrantibus
corneæ fistulis, maligna præcipue cacochymia laborantium, supervenire pos-
sunt, jam nobis sermo non est, aptiore alio loco pro dignitate exhaustiendis.

§. X X X.

Septimam denique *indicationem*, perspicuam & æquabilem inducendi cica-
tricem, quantum licebit excolemus. Quo autem adultioris fuerit *patiens æta-
tis*, quo profundiores atque plures extiterint fistulæ sinus atque cuniculi,
quo plus de substantia corneæ perditum fuerit, eo minus diaphanam fore
cicatricem jam è longinquo prospicimus, & quo hæc pupillam magis obte-
git, eo magis impiedietur visus. Laterem ergo lavabit, qui relictam talem
albidam cicatricem & maculam reddere diaphanam annitetur; satis officio
fecisse suo potius reputet, impetratata ulceris fistulæque consolidatione & pe-
joris eventus, quem minabantur, aversione.

Ad *lævem* vero & æqualem obtinendam *cicatricem*, eamque in ægro ju-
niore, vel fistula sinuosa, non multiplici aut profunda nimis, *diaphanam*
simul reddendam, conveniunt *blanda detergentia*, quæ nuper demum in
disp. de hypopyo, ungue oculi & ulceribus corneæ commendavimus, &
quæ proxime, D E O volente, in alia dissertatione, de maculis atque ci-
catricibus corneæ, data opera prosequemur, jam vero hujus thematis tracta-
tioni finem imponemus.

F I N I S.



XXII

DE SYNECHIA.

SEU

PRÆTERNATURALI ADHÆSIONE

CORNEÆ CUM IRIDE

DISSERTATIO

Quam Præside

BURC. DAVID MAUCHART P.P.

Defendet pro Doctōratu consequendo

PHILIP. THOM. BEGER

REUTTLINGENSIS

Tubingæ 26 Februarii anno 1748.

§. I.

Synechia est concretio ac cohesio præter-naturalis vel uveæ partis anterioris, quam iridem vocant, vel & lentis crystallinæ cum superficie interna corneæ, unde camera oculi anterior angustatur, aut plane deletur, pupilla distrahitur ordinarie, motumque reciprocum constrictionis & dilatationis amittit, visus autem plus minus imminuitur atque vitiatur.

§ II.

Συνέχεια Græcis denotat continuitatem, perpetuitatem, dicta à συνέχω, constringo, una teneo. Vocari etiam σύναψις, conjunctio, connexio, à συνάπτω, colligo, conjungo, prætenditur abs Woolhousio. Quamvis autem hi termini sint generici, & distinctarum quarumvis partium cohæSIONem promiscue denotent, neque in Hippocr. Galeno, Paulo, Aëtio, Celso, Erotiani Lexico, cæterisque tum vetustioribus, tum recentioribus de morbis oculorum scriptoribus determinatam Synechiæ applicationem ad præsentem nostrum affectum repererim; posse tamen restrictam & specificam Synechiæ acceptionem, qualis in definit. §. I. habetur, commode admitti atque retineri putaverim, ad discriminandas non saltem alias cohæSIONES in oculis præternaturales, quarum statim §. 2. mentio fiet, sed & una voce exprimendum totum illum, præternaturalis cohæSIONis corneæ cum iride affectum morbificum [a].

§. III

Synechia differt ab aliis cohæSIONibus morbificis in oculo obvenientibus: à *Prospaphysi* f. cohæSIONe palpebræ cum cornea: à *Symphysi* f. cohæSIONe palpebræ cum oculi tunica conjunctiva: à *Phthysi pupillæ* f. diametri pupillæ maxima coangustatione, quæ aliquando etiam contingit per exsertas præternaturales fibrillas limbum pupillæ contrahentes, sed tamen absque adhæSIONe ad corneam: à *Synizefi* f. pupillæ plenaria concretione ac occlusionem: à *Rhytidosi* f. corrugatione & subsidencia corneæ, quod tum cornea quidem propius ad iridem accedat, quin & contigua fieri possit, sed citra accretionem & continuitatem: à *Proptosi* uveæ iridisque, sive prolapsu & appropinquatione iridis ad corneæ superficiem internam, illiusque aliquando incuneatione intra labia corneæ vulneratæ, uti fit in proptosis illius speciebus, myocephalo, staphylomate &c. sed tamen absque connascentia, ordinarie saltem.

§.

[a] Sic quidem entia multiplicantur, terminorum technicorum numerus augetur, sed definitiones, aut descriptiones verbosæ evitantur.

§. I V.

Species Synechie sunt : *connata*, f. per nativitatem contracta, qualem vidit olim præses in nosocomio ter centum cæcorum Lutetiæ Parisiorum: *acquisita*, *adscititia*, f. *adventitia* quæ homini nato, varia ætatis periodo, variisque ex causis accidit: plenaria f. *totalis*, quæ totius superficiæ iridis concretionem cum tota superficie interna corneæ importat: *partialis*, quando non nisi aliqua parte iris surrecta versus corneam, huic affigitur. Hæc ipsa, *partialis*, distinguitur respectu determinati in iride loci, punctique cohæsionis fixi in centram & lateralem. *Centralis* est, quæ vel ipsi respondet lenti crystallinæ medioque corneæ, vel ex ipso iridis centro, pupilla per synizesin concreta, educitur: *lateralis* vero, quæ ex iridis latere quodam, plus minus à circulo corneæ interno remota prodit: *simplex* vel solitaria, quæ nullum alium specie distinctum oculi affectum habet conjunctum: *complicata*, quæ uno pluribusve aliis stipata est ejusdem oculi affectibus e. g. laceratione pupillæ, cataracta crystallina, synizesi &c. Respectu durationis alia est *recens* à paucis horis, vel diebus, contracta: alia *inveterata*, quæ per menses & annos adolevit. In ordine ad causas Synechiæ, alia est à *causa externa*, alia ab *interna*, eisque utrinque variis, statim allegandis.

§. V.

Phænomena antecedentia. E censu quidem *rerum naturalium* & *non-naturalium*, quæ directe ad producendam faciant Synechiam paucissima vel nulla suppetunt exempla, si vel solum a nativitate existentis excludamus, licet & talis ipsa Synechia fœtui in utero materno potuerit æque ex morbo ac deviatione formationis oriri. Indirecte tamen & remote possunt omnino & res naturales & non-naturales ad alios oculorum morbos, unde posthac Synechiæ natales pendeant, e. g. ad ophthalmiam in-& externam, suppurationem iridis corneæque &c. disponere ac concurrere.

§. VI.

Ex classe vero *rerum præternaturalium* causæ tam externæ quam internæ plures variæque sistuntur: violentior quilibet *ictus*, *allisio*, valida *compressio*, *contusio* vel nudi, vel palpebris obtecti bulbi ocularis, per corpora solida, crassiora ac tenuiora. Virgula elastica arboris transeunti in oculum vibrata exemplum præbuit præsidi secunda jam vice. *Vulnuscum* undecumque illatum *corneæ* vel *foli*, vel & simul *iridi*, unde non saltem humoris aquei subita fit excretio, &, quamdiu corneæ patet vulnuscum, jugis continuatur exstillatio; sed etiam utriusque tunicæ, iridis scil. & corneæ, nimia appropinquatio, atque facilis conglutinatio, qualis aliquando intra 24. horas, itaque

que satis festinanter, accidit. Perinde est, siue vulnus illud sit casuale, fortuitum, siue artificiale in operatione Hypopyi e. g. aut Synizesis & Phthisis pupillæ inflictum [b]. Staphylomatis notoriæ species, à causis externis & internis inductæ ab initio ordinarie saltem important incuneationem & inclavationem iridis uveæque in lamellas corneæ vel omnes, vel interiores saltem, apertas hiantesque, ut tum successive uvea per vulnus corneæ exeat, promineatque magis magisque, & tandem corneæ concreascit atque Synechiam cum staphylomate junctam cudat. Imo post ipsam Synechiæ peractam operationem denuo libenter pristina recrudescit conjunctio, nisi debite præcaveatur.

Omnes denique causæ ab extus illatæ, quæ gravem irritationem, rosionem, inflammationem, exulcerationem tunicis oculi externis adferre solent, suo jure huc spectant e. g. adustiones per pulverem pyrium, aquam ferventem, calcem vivam inspersam, aliave corrodentia.

§. VII.

Domestica oculi causæ, Synechiam generantes variæ sunt: ophthalmia gravior externa & interna: corneæ abscessus [c], ulcuscula, fistulæ, pus in anteriore camera oculi effusum, stagnansque vel hypopyum: iridis furunculus, abscessus; Humoris aquei defectus per obstructionem & desiccationem in febre ardente.

§. VIII.

Singularem observationem de cataracta membranacea, quæ vero simul rarissimum Synechiæ crystallini ac uveæ cum corneæ præbuit exemplum, jam olim recensuit præses in den wochentlichen gelehrten neuigkeiten, Tübingen ao. 1735. Nro. XII. p. 190. quod ergo operæ pretium fore speramus, ut hic plenius enarretur ex observatione tum facta verbotenus exscriptum. Subjecturus canem vivum sectioni atque demonstrationi vasorum lacteorum atque lymphaticorum in theatro anatomico præsentibus dominis medicinæ studiosis, oculis illum laborare, cataractæ speciem præ se ferentibus, statim observavi. Quare, demonstratis ad thema propositum facientibus, oculorum inspectionem atque sectionem suscepi.

Canis mediocris staturæ, ætatis 4. annorum, venationi prius, jam ab aliquot septimanis agrorum custodiæ nocturnæ adhibitus, tandem vero propter oculorum vitium ab utroque remotus officio & dominis med. studiosis

pro

[b] Hinc in præmissis de Hypopyo & Synizesi disputationibus monuit præses, cavendum esse post illas operationes præternaturalem coalitum iridis cum corneæ.

[c] Synechiæ partialis tres casus recenset, à corneæ abscessibus profectæ, clar. De Mours dans les observat. concernant l'Histoire naturelle & les maladies des yeux in appendice ad Tom. I. versionis gallicæ observat. med. Societatis Edinburgens. in 8. Amstel. 1741. p. 401.

pro objecto anatomico est venditus. Uterque oculus nulla notatus externa labe. Corneæ pellucidissimæ. Bulbi naturaliter turgidi.

Iris utrinque fusci coloris pupillam exhibuit non rotundam, neque consuetæ diametri, sed in utroque oculo oblongam, & in sinistro paulo superius collocatam, atque in superiorem tertiæ peripheriæ regionem, oblique non-nihil distractam. An, & qualem hæ pupillæ in vivo cane servaverint motum constrictionis & dilatationis, naturalem scil. illum, experimentum non cepimus? Id tamen observavimus, canem oculis adhuc satis, pro muniis suis obeundis, & ad incedendum uti potuisse, præsertim dextro.

Cataracta vero, cujus jam mentio facta est, fuit (α) vere membranacea, solida, fibrosa, (β) coloris ordinarii albidii: (γ) non saltem, quod omnibus commune phænomenon est, in camera s. regione oculi posteriore, defixa, sed in anteriorem quoque seu spatium inter iridem & corneam protensa, & caudata quasi appendice inferius in *eodem spatio tenaciter adglutinata circulo interno corneæ*: (δ) insuper vero primaria & suprema sui parte superficiei corporis s. humoris crystallini anticæ leviter, limbo autem pupillæ, inferiori præcipue, fortius adhæsit, & nihilo tamen secius (ϵ) humor crystallinus æque ac aqueus & vitreus naturalem servarunt pelluciditatem atque integritatem (ζ). Eadem, à potiori saltem, phænomena exhibuit alter etiam oculus, excepta saltem appendice caudata.

§. I X.

Phænomena Synechiæ constitutiva & *concomitantia* hæc sunt, è quibus facile hauritur ejusdem diagnosi: visu, inspectione, percipit medicus ocularius facile nimiam iridis vel totalem vel partialem appropinquationem vel contiguitatem ad corneæ superficiem internam, atque sic plane vel deletum vel interceptum saltem, spatium, humore aqueo refertum naturaliter, quod intercedit iridem atque corneam: quæ contiguitas, cum non modo sit proxima & immediata, sed etiam constans, fixa & immobilis maneat sub vario luminis admisso gradu atque frictione oculi placida, ope digitorum palpebris clausis præstita, arguitur eo ipso in continuitatem & firmam transiisse concretionem.

Aliquando huic inspectioni obstitit macula corneæ à vulnere aut ulcusculo relicta eo corneæ loco, cui interius affigitur iris præternaturaliter. Sed impedimentum hoc superatur inspectione à latere, bulbo versus alterutrum angulum magis adducto, nisi quidem longe maxima parte cornea obfusca sit tali macula albida, indelebili. Interim cum in Synechia, partiali præcipue, pupilla versus locum adhæSIONIS in cornea soleat distrahi & luxari quasi, hoc ipso phænomeno præbetur indicium, cui loco corneæ, macula licet alicubi obscuratæ, adhærescat iris.

§. X.

Pupillæ ergo irregularitas, respectu diametri, & figuræ rotundæ, situsque, plus minus ordinariæ & ex necessitate mechanica Synechiam comitatur. Diameter quidem modo naturali respondet magis, modo amplior, modo strictior esse potest, prout adhæsiō iridis ad corneam facta est sub majore vel minore pupillæ, per lumen vel intensius vel remissius, naturali dilatatione: prout concretio iridis plus minus centralis est magis: & prout in ipso examine & inspectione oculi Synechia affecti major minorve luminis in eum vis admittitur. Neque enim semper & absolute tum amittit pupilla omnem suam vim tonicam, nisi in totali ac plenaria totius iridis ac limbi pupillæ ad corneam adhæsiōne, aut & conjuncto nervorum vitio, paralyfin inducente fibris uveæ muscularibus.

§. XI.

Figuræ autem pupillæ, quæ rotunda solet esse, varia est, in ovalem oblongam varieque angulosam commutatio, propter elatam elevatamque atque corneæ præternaturaliter alligatam iridis, aut limbi pupillæ aliquam portionem.

Quod & ipsum præternaturale vinculum efficit, ut pupilla situm mutet, & non modo propius ad corneam admoveatur, sed à centro etiam uveæ aliquando distet notabiliter versus aliquod in peripheria latus.

§. XII.

Visus in Synechia plus minus sibi constat, tantumque ordinariæ non labefactatur, nisi jungantur alii affectus, visum impediētes aut destruentes; impeditur tamen & tanto fit molestior, imo dolorificus, quanto pupilla magis à subjacente crystallino in latus dimovetur, aut nimis ampliata pupilla, intensiori exposita lumini, se nequit angustare, & copiam irruentium radiorum moderari. Habet supra laudatus Dominus *de Mours* l. c. pag. 406. observationem talis pupillæ per Synechiam adeo elongatæ ac hiantis, ut majus lumen ferre non potuerit æger, citra intensum dolorem visusque obnubilationem atque depravationem è variis obversantibus simulacris. Dolorem vero, seu tensionis & tractionis molestiam, ex illa præternaturali adhæsiōne & tensione iridis uveæque, hætenus nec ipse in pluribus observavi ægris, nec apud autores reperi notatum. Reliqua phænomena, quæ subinde comitantur Synechiam, sed ad ejus formam ac essentiam minus spectant, tanquam morbos complicatos ad suam quemlibet referendos classē merito hic prætereo.

§. XIII.

Phænomena consequentia: Synechia non adeo infrequens est affectus, à
 Tom. I. K k k multis

multis patienter sine remedii petitione tolerari solitus, quamdiu visus non afficitur sensibili molestia & dolore. Huic quidem malo subinde medetur juncta corneæ macula, aut cicatrix albida, quæ radios solis molestos atque dolorificos futuros arcet à transitu & illapsu intra oculum.

Unde patet *Synechiam* talem *partialem palliative* posse tractari vel inducenda tali macula corneæ artificiali, vel per vitra colorata, aut alia instrumenta, de quibus in therapia chirurgica dicitur, oculo applicita. *Curative* vero per operationem chirurgicam discissis solutisque compedibus secure & constanter tollitur, data opera ut ne partes operatione divisæ se recipiant de novo concrecantque. *Totalis* vero *Synechie* nulla hætenus innotuit certa medela, difficillimam vero eam semper, si non plane impossibilem fore, quilibet agnoscet, si utraque tunica iris atque cornea mutuis arcte concreverint fibris. Imo difficilem satis & laboriosam fore separationem arbitramur, si vel uno loco sed latiore paulo intime adglutinata fuerit iris corneæ: quoniam summa dexteritate opus est utramque tunicam cohærentem ita separare, ut à neutra notabilis portio abradatur, & si non vulnere, tamen excoriatione profundiore lædatur alterutra. Si medium tenere non liceat, præstat aliquam corneæ potius vim inferre, quam iridi.

§. XIV.

Pathologia. Synechia est *morbis connexionis mutata*, seu compositionis morbus, quem alias vocant, quatenus utriusque tunicæ, nimirum corneæ ac iridis, superficies aliquo ab invicem distans intervallo, præternaturaliter conglutinatur, atque iris maxime situ mutato, propius accedit & contigua, tandem vero continua fit cum superficie concava corneæ, quamvis post excretionem humoris aquei simultaneam subsidens cornea obviam eat & ipsa iridi. Si uvea s. iris simplici saltém contiguitate admoveretur corneæ, posset morbus referri ad situm vitiatum atque ad genus herniæ. Cum vero Synechiæ phænomenon essentiale sit adhæsiō & agglutinatio præternaturalis, rectius morbis connexionis mutata videtur accenferi.

§. XV.

Subiectum morbi hujus *adequatum* est non modo tota uvea, sed & regio oculi anterior atque superficies corneæ concava: tota enim iris cum uvea sedem plus minus mutat, & versus corneam inclinat, vinculisque alligatur corneæ præter naturam, spatium primæ regionis humore aqueo refertum angustatur & interpolatur, imo in Synechia totali plane deletur: cornea concava, quæ libera, æqualis politaque est in statu naturali sic irretitur iridi. *Subiectum morbi principale* ac *primarium* est uvea ejusque præsertim anterior pars, quæ vocatur iris: hæc enim quammaxime patitur situs & compositionis muta-

mutationem, distractionem, pupillæ variam mutationem & hinc quoque visus subinde morbificam inducit affectionem.

Subjectum causæ sæpius in cornea hæret, vulnerata, pertusa, exesa, suppurascente: aliquando in uvea inflammata, furunculum, abscessum &c patiente.

§. XVI.

Subjectum hoc morbi & causæ varium *anatomice* prius aliquantum *dilucidare* juvat, quam ad ætiologiam & symptomatologiam progrediamur. Corneæ quidem anatonem plenius jam tradidit præses disput. ao. 1743. hic edita, sub titulo: corneæ oculi tunicæ examen anatomico-physiologicum: & uveæ structuram à potiori non minus explanavit in disput. de mydriasi sive pupillæ præternaturali dilatatione a. 1745. evulgata: passim quoque in aliis dispp. e. g. de hydrope oculi, de empyesi, de hypopyo, fistula corneæ &c. simul quædam de sic dictis oculi cameris & humore aqueo multa huc spectantia prælibavit. Qualia ergo strictim brevissimeque partim repetemus, partim novis supplebimus additionibus.

Cornea naturaliter cohæret uveæ prope circulum corneæ internum, quo igitur loco & iris propior est corneæ: maxima vero distantia sua, in centro nempe, nonnisi circiter $1\frac{1}{4}$ lineæ altitudine a centro uveæ remotam accurata dimensione notavit *Petit*, medicus: [d] ipsius vero totius sic dictæ cameræ anterioris oculi spatium quantum sit, ex eo fatis intelligitur, quod humoris aquei quantitas in universum, in utraque scil. oculi camera contenti, raro pondus quinque granorum superet.

Unde patet iridem & corneam facile contiguam fieri, si vel cornea aliquantum subsederit, vel uvea antrorsum elevetur. Subsidere vero cornea solet ordinarie, humore aqueo vel per vulnus toto evacuato, vel debita quantitate non secreto: illud enim sphæræ segmentum, quod cornea in bulbo oculi anteriore efficit, convexitatem suam suffultam habet subdito humore aqueo. Cornea superficiem suam concavam obtinet quidem lævem & politam, cui ergo aliud corpus solidum ac molle non facile se affigit, sed tamen porosa est, & ab humore tam domestico, intra lamellas stagnante, quam ab alluente aqueo humore, acribus rosivis factis, in pus conversis, excoriari, ulcerari potest: aut ejus subtilissima vascula per vulnus referata possunt humorem plorare glutinosum, è quibus variis modis adhæioni iridis via panditur.

Sed & ipsa uveæ lamella anterior, iris dicta, mollis, & villosa quasi est, plurimisque irrigua vasculis sanguineis; itaque pars, cui facile aliquod filamentum crassioris puris è corneæ fistula, aut ulcusculo, destillantis, aut ex hypopyo, se adglutinaverit: pars, quæ inflammationi, furunculo, abscessui, excrecentiis æque subest, ac similes aliæ partes, & quæ hinc propius ad cor-

K k k 2

neam

[d] *Petit*, medecin, lettre in 4. à Paris 1729 p. 6. & in mem. de l'Acad. des Scienc. de l'année 1728. p. 419. Edit. Amstel.

neam accedere, ipsique possit irretiri, quamvis putatitia iridis convexitas nihil plane huc contribuat, utpote cum vere planam obtineat superficiem.

§. XVII.

Causa Synechie proxima est varia: excoriatio, exulceratio alterutrius, vel utriusque tunicæ, corneæ ac iridis, & post undecumque factam humoris aquei excretionem ac utriusque tunicæ appropinquationem; qualem intra 24. horas formatam fuisse Synechiam observavit apertissime Dn. de Mours l. c. p. 423 post inflictum scilicet corneæ vulnuscum penetrans, sed tamen iridem non lædens, effluxum humoris aquei, corneæ subsidentiam, & sic inductam hujus appropinquationem ad iridem, sic ut iris coaluerit intra 24. horas cum labiis vulnusculi corneæ. Unde patet, quod & *vulnus corneæ subsidentis* evadat Synechie causa proxima.

Patet aliunde per observationes chirurgicas, digitos excoriatos e. g. ab adustione, parietes internos vaginæ uteri, ab arrosione denudatos, palpebras inflammatas, ulceratas &c. paucis concrefcere horis, si absque medio interposito presse jungantur illæ partes.

Ideoque humor aqueus, quamvis totus simul excretus soleat intra 24. horas plenissime regenerari, non valet tunicas intra hoc tempus præternaturali vinculo junctas iterum dividere. Duæ vero circumstantiæ hanc concretionem facilitant, atque accelerant, si nimirum in imminente tali Synechia oculi affecti pupilla in jugi, aut longa saltem, dilatatione conservetur, detento ut fieri solet ordinariæ ægro in profundis tenebris, atque sic pupilla prohibetur per varios luminis gradus motum suum constrictionis & dilatationis naturalem exercere, & tali motu se defendere ab illa accretione præternaturali, sed imo etiam propter perpetuam illam in tenebris diametri suæ ampliacionem cogitur se retrahere propius ad basin & latera corneæ inferiora, atque cum portione ejus, ibidem vulnerata, vel ulcerata coire.

§. XVIII.

Visum diximus (§. 12.) ut plurimum sibi in Synechia constare, nisi alia concurrant vitia ad Synechiam essentialiter haud spectantia. Si adhæsiō e. g. iridis & corneæ respondeat utriusque centro magis, non fiet notabilis pupillæ vel dilatatio vel distractio, radii visorii iusta directione & copia, per pupillam trajicient, consuetamque subibunt refractionem, adeoque visus sibi constabit, sola hæc incidet figuræ pupillæ mutatio, sub ejusdem per lumen debilius aliquali dilatatione, ut versus locum adhæsiōis aliquantum angulose distracta ac ad pleniorē & æqualem dilatationem immorigera & inepta, sed absque visus impedimento notabili, nisi fortassis ad objecta remotiora, observetur.

Si vero nimis per distractionem hiet, atque ad lumen intensius se contrahere

here nequeat pupilla, tum non potest non organum visus internum principale, à radiis luminis copiose vivideque irruentibus, fortius percelli, ut æque distinctus turbetur objectorum visus, ac dolorificus fiat, talique ægro vel in obscuro perpetim hærendum, vel oculus affectus obtegendus umbraculo aliisque sit mediis defendendus contra lumen fortius.

Si pupilla, iusta licet diametro servata, nimis in latus distorqueatur per lateralem cum cornea adhæSIONem, non poterit alios transmittere radios, nisi qui veniunt ab objectis illud latus, in quod distorta est pupilla, directe respicientibus, reliqui vero radii per maximam corneæ partem trajicientes in iridem incident & inutiliter reflectentur. Unde si hoc oculo voluerit æger distincte aliquod percipere objectum, quod e directo oculi hujus jacet, oportet illum sic ad alterutrum angulum, prout nempe vel in dextro vel in sinistro latere situs ille præternaturalis pupillæ contigerit, detorquere bulbum oculi, ut hæc ipsius pupilla directe obvertatur objecto, & per consequens strabismus huic inducere oculo, dum interea alterius sani oculi axis opticus, per medium bulbum trajiciens, situ naturali & directo respondet eidem illi objecto.

Oportet insuper minus distinctum tum quoque oriri visum; quando in laterali distractione pupillæ radii per corneam & crystallinæ lentis extremum potius quam centrum obliquius illabi, irregulariter refringi & in locum retinæ minus sensilem coguntur incidere. Qualem vero visus alterationem Synechia totalis afferre possit, uti inter phænomena concomitantia ideo non recensui, quod in tribus quos vidit præses casibus conjuncta fuerunt alia oculorum vitia; ita jam à priori & per rationes opticas pariter inquirere nolo, qualis tum in Synechia totali consequi debeat visus affectio, si cæteroquin cornea, pupilla, lens crystallina, humor vitreus & reliquum visus organum præternaturaliter non afficiantur? Ut ne scilicet limites dissertationis nimium protrahamus.

§. XIX.

I. *Therapia*, indicationes suppeditat I. *Præservatoriam*, quæ in variis oculi aliis morbis superventuram & imminentem Synechiam, totalem æque ac partialem avertat tempestive.

II. *Palliativam*, qua, si cura radicalis vel non sit possibilis, vel ab ægro non admittatur, incommoda & mala symptomata mitigentur.

III. *Curativam*, qua cohærentes p. n. tunicæ solvantur & naturali restituantur libertati.

§. XX.

Indicationi præservativæ inservit in casu subsidentis, vulneratæ vel erosæ corneæ, atque hinc facti effluxus humoris aquei, in exulceratione superficiæ corneæ concavæ, in hypopyo &c. (I.) Decubitus ægri supinus & horizontalis, ut iris uveaque non modo longius à cornea retrocedant & in posteriorem magis quam anteriorem oculi cameram inclinent, sed etiam gravita-

tio nifusque lentis cryftallinæ humorisque vitrei in uveam impediantur ; quin & fi humor aqueus vulnere corneæ effluxerit , fpacium novæ collectionis patientius inveniatur , nec tam cito & plene per vulnus corneæ redundet. Quamvis enim humoris aquei interpositio non absolute & femper concretionem iridis ac corneæ poffit impedire , in præfenti tamen hoc cafu , qui metum Synechiæ ex humoris aquei effluxu , & corneæ fubfidentia incutit hæud vanum , plurimum valet , fcopo Synechiam præcavendi , tempeftiva humoris aquei regeneratio , collectio , cameræ oculi interioris repletio & corneæ fubfidentis elevatio. Unde

(2) In hoc ipfo cafu quantocyus danda eft opera , ut vulnus , aut qualicumque folutio continui corneæ penetrans decenter consolidetur , atque fic humore aqueo reftaurato cornea in naturalem fitum & turgescenciam reftituta fervetur.

(3) Licet aliquando in affectibus oculi Synechiam minantibus plenior luminis ufus fit moleftus atque dolorificus , ac ideo tenebras , cæteris paribus , non magis imperent medici , quam fponte potius quærant ægri ; tamen rectiffime & ingeniofe jam olim in fuis dictatis ophthalmiatricis monuit *Woolhoufus* , & ex his repetiit præfes in difp. de Synizefi p. 23. §. 23. nuper etiam juftis ratiociniis atque curiofis obfervationibus illustravit clar. *de Mours* , l. c. p. 414. ff. opus nimirum eſſe potius *lumine frequentius admiſſo* , vel ad folum affectum oculum , vel fi hic à lumine vehementius doleat , ad alterum certe , obtecto fervato ægro oculo. Lumen hoc vel diurnum folare , vel candelæ accenfæ , illudque moderatum , propius vel remotius adhiberi poteft. Si tale ad oculum admittatur fanum , claufo fervato obtectoque ægro , luminis efficacia nihilominus per confenfum redundabit , fenfumque imprimet licet aliquanto debilius , in oculum ægrum obtectum.

Lumine hoc in motum concitata uvea pupillam reddit anguftiorem , circum iridis expandit , five latiore reddit : lumine autem remoto , pupilla iterum dilatatur , circulus iridis fit anguftior , atque talifmodi motus conſtrictorii ac dilatatorii reciprocationibus , intra horam quamlibet ter quaterve repetitis , alia atque alia iridis regio offertur vulnufculo corneæ , & puncta contactus femper mutantur , nec ulli fatis longum conceditur tempus , ut firmiter adhærere poſſit & concreſcere.

Ad mobilitatem hanc uveæ conciliandam facit etiam *blanda frictio* , mediante digito , *bulbi* oculi affecti palpebris obtekti , in illis maxime cafibus , ubi vel nullum adeſt corneæ vulnus penetrans , vel id ipſum ad consolidationem jam jam properat , atque fic per frictionem metus hæud eſt exprimendi humoris aquei. Ubi vero iridis portiuncula vulnere jam eſt affixa , frictio hæc locum habet tanto magis ad excutiendam & repellendam iridem intro in cameram oculi anteriorem , fitumque competentem.

Hiſce igitur mediis tempeſtive utendum , atque tam diu pergendum eſt , donec cornea atque iris juſto diſtent intervallo , omniſque metus evaneſcat mutux concretionis , vel adhæſionis præternaturalis. Quid vero ultra & ſimul

mul agendum sit in vulnere, perforatione, abscessu, exulceratione corneæ in hypopyo, abscessu uveæ &c. in specialibus horum affectuum tractationibus pervidendum est? Cæterum cum supra monuerim §. 6. & 13. post ipsam operationem Synechiæ chirurgicam debite peractam facile fieri posse, ut de-nuo sibi adhærescant & conglutinentur cornea atque uvea, sive iris; itaque ex ipsa etiam indicatione curativa, per operationem chirurgicam præstita, enascitur necessitas hujus, quam modo tradidi indicationis præservativæ.

§. XXI.

Palliatiæ indicationi, quæ respicit incommodum, & dolorificum sensum à lumine, per pupillam patentiore, copiosius immisso, varia satisfaciunt remedia: *evitatio luminis* intensioris, commoratio in locis umbrosis: *umbraculum*, aut vitrum coloratum affecto oculo appositum: patella, qualem ex Solingen delineat celeb. Heister: [e] *palpebræ superioris* diuturna *adductio ad inferiorem*, & utriusque perpetua contiguitas procurata mediante glutinativo emplastro, in forma orbiculari, petiolæ nigræ sericæ superextenso, atque sic perpetua oculi obtectio per proprias palpebras: *artificialis* inducta *macula* albescens in superficie convexa *corneæ*, eo loco, eaque latitudine, qui respondent pupillæ nimis patulæ. Excitari potest facile talis macula corneæ, si lapide infernali caute tangatur locus corneæ, macula notandus: confestim namque albedo inducetur corneæ, eaque vel primo tali attactu sufficiens, vel altero die repetito, adhibita tamen cautela, eluendi, statim ab attactu per lapidem infernalem, oculi, aqua rosarum, vel alia, ut ne sal hoc causticum nimis se diffundat vel super corneam, vel alias bulbi ac palpebrarum tunicas. Cum vero pelluciditas corneæ hoc loco destruat, & opaca fiat hac macula, radiis lucidis transitum viamque ad pupillam præcludit, sicque molestum lumen arcet. Qui solam *pupillæ* amplioris, distractæ, ac *distortæ deformitatem* tolli desiderant, vel occultari potius per curam palliativam, poterunt e modo recensitis ad lumen nimium arcendum propositis, aliquod remedium, si quidem deformitati tollendæ aliam opponere voluerint, necessario relinquendam, eligere.

§. XXII.

Indicationem curativam absolvit operatio chirurgica, abs Woolhoufio *diacrisis* vocata, qua mediante nimirum iris, uno vel aliquot locis corneæ jamjam affixa, vel & lens crystallina per filamentum tenax corneæ cohærens, ab invicem suspenfa manu separantur.

Premissis itaque *generalibus*, quæ hic repetere nolumus, ad præparationem in ejusmodi operationibus necessariis; e. g. venæ sectione, purgatione, diæta &c. *in parato habeat* operator: *speculum oculare*, quod accessum acus per corneam transfigendæ in utroque oculi angulo permittat; quali

[e] Heister chir. lat. tab. 18. fig. 16.

quali hic opus esse poterit tanto magis , quo æger inter operandum morosior , aut inquietior futurus præsumitur , *vel* loco hujus speculi *hamulum oculi suspensorium* , quo mediante palpebra superior in operatione elevata tenetur citra operatoris incommodum , quem in disp. de hypopyo p. 26. §. ult. jam descripsit præses : maxime vero *acum* , quam Woolhousius præcipit apprime *tenuem planamque* , lineæ unius latitudinem in apice habentem , cætera teretem , acutum , scindentem oportet hujus apicem esse , tum ad pertundendam facilius corneam , tum ad separandas & discindendas promptius atque dexterius fibras , quæ corneam iridemque præternaturaliter connectunt. In subsidium vero & supplementum præsto quoque sit acus *ad modum scalpelli subtilis* , in latere scidente nonnihil convexi five arcuati , in dorso autem , eoque lævigato , recti fabrefacta. *Collyrium albuminosum* vulgare , *manipulus gossypii* , *splenia* , *fasciæ* ad manus porro sint.

§. XXIII.

Conclave , in quo suspicitur operatio , fatis *luminosum* esto , ipseque ægrotus in operatione sic *collocetur* , ut lumen illabi oculo possit liberius. Sic enim fiet , ut operator non modo clarius perspiciat , quid acu sua moliatur intra primam oculi regionem , sed ipso etiam copiosiore intra oculum illapso lumine pupilla magis contrahatur , & hac tensione mediante se retrahere à cornea nitatur , atque separationem acu perficiendam adjuvet. *Inter operandum* ut quiete & patienter se gerat ægrotus efficere debet ophthalmiater , vel seria adhortatione , vel adstantium opera , qui caput artusque ægri valide detineant. *Incisionis locus* in cornea est unius quasi lineæ ab ejus circulo , in angulo externo , nisi quidem eo ipso loco occurrat adhæSIONIS punctum : tum enim in circumferentia corneæ inferiore vel alibi remotiore loco potius , quam in eo latere acum defigere decet. Sanum oculum liceret quidem sub operatione detectum liberumque servare , ob illam ipsam , quam in principio hujus §.mi dedimus rationem ; sed cum partim præstet , ægrum non omnia , quæ machinatur operator plenius perspicere , partim sani hujus oculi varius frequensque motus alterum affectum reddat inquietiorem atque instabiliorem , fatius esse videtur , sanum oculum spleniis & fascia prius vincire , quam ægri suscipiatur operatio chirurgica.

§. XXIV.

Operationis hujus chirurgicæ , sive Diæresis potiora hæc sunt *methodi* , *encheiresis* & *cautelarum momenta* : æger conveniente loco & sella , ut supra monui , collocatus & stabilitus jubeatur bulbum oculi affecti deducere & inclinare versus regionem loco incisionis oppositam , ut hic ipse locus axi magis oculi respondeat , & sic elatior evadat , acusque recta infigi citra deviationis metum rectius queat. Operator teneat acum intra tres digitos

gitos, pollicem, indicem, mediumque & hunc quidem sic ad apicem acus exporrectum, ut parum supra lineæ longitudinem apex prospiciat liber, sicque dum perfoditur cornea, impediatur acus nimis profunde intra primam oculi cameram immergi. Tum vero retrahatur nonnihil idem digitus medius, ut profundius, si necesse sit, acus immitti possit. Apex acus, vel & subtilis scalpelli, (§. 22.) dum corneæ lateri infigitur, ita est dirigendus, ut vulnus perpendiculare potius, quam transversum efficiatur, nunquam vero majus aut patentius, quam simplex sibi deposcit acus diameter.

Acu sic ea, qua par est ad locum præternaturalis coalitus attingendum, profunditate intra primam oculi cameram placide ac successive promota, incipiat operator, proximo ad vulnus corneæ loco, cohæsionis separationem iridis à cornea, & utrique sic parcat, quantum licet, ut nonnisi fibras & vincula intermedia solvat, neutramque ex ambabus illis tunicis vulneret, laceretve: si tamen ab alterutra aliquantillum abradi necesse sit, iridis reverenter habendæ potioreni habeat rationem.

§. X X V.

Si una alterave *fibrilla distincta iridem cum cornea irretiat*, hæ ipsæ mediæ dissecantur, faciliore non saltem opera, sed minore etiam, quin nullo, cum metu excoriationis, vel vulnerationis utriusque tunicæ. Si vero tale filamentum longius ab iride, aut ipso pupillæ limbo, aut media lentis crystallinæ tunica arachnoide exporrigatur, refecandum id potius videtur propius ad corneam, quam oppositum adhæsionis punctum in iride, & pupilla: secus vero, ubi lenti crystallinæ adfigitur; hic enim proxime ad lentem crystallinam discindi, vel à lente separari debet circumspecte. Ratio est, quod diaphanam præstare in omnibus punctis oporteat & corneam & arachnoidem tunicam, hancque multo magis, quoniam radii in conum arctiorem per pupillam transgressi & in lente ad perpendiculum refracti liberio-rem requirunt commeatum, & vero filamentum super lente fluctuans vago motu suo radios passim interciperet, novumque fortassis reciperet incrementum, aut affixionis ad corneam punctum. Qualecumque igitur præternaturale vinculum quocumque modo per operationem solutum fuerit, & libera ubique ac distincta reddita sit iris, hæcque ipsa se receperit plus minus versus centrum oculi, sive naturalem suam sedem, tunc operatione rite peracta acus recta oculo est educenda.

§. X X V I.

Post operationem peractam obligandus est oculus mollissime, hoc est citra sensum compressionis, manipulo gossypii, in spuma albuminosa intincti, spleniis & fascia: alter vero, sanus oculus, ante operationem jam spleniis

& fascia obtectus, eo in statu relinquendus. Æger supinus, capite declivi, collocetur in lecto, eoque in situ jugiter quasi immotus defigatur per aliquot dies.

Si vulnusculum corneæ inflictum per prægressam operationem, vel statim, vel postea *medicamen* sibi *vindicare* videatur *incarnans* & modice adstringens, poterit aliquantillum succi è rad. Symphyti recente expressi & cum unguento de tutia, vel balsamo vulnerario Minder. &c. instillari, aut mediante penicillo illini. Raro tamen hisce remediis opus est, cum sponte & brevi coalescat vulnusculum; *quodsi* etiam *humoris aquei portio* vulnere *effluxerit* vel inter operandum, quod rarissime fit, vel post operationem dum acus oculo extrahitur, regeneratur is sponte intra 12. vel 24. horas. *At si* tum *corneæ* ob excretum humorem aqueum *subsederit*, tanto majorem attentionem & diligentiam adhibeat operator, ut ne denuo concrecant paulo ante per operationem separatæ tunicæ.

Ad quod evitandum facit & jugis decubitus supinus atque horizontalis, & lumen ad utrumque, vel alterutrum oculum subinde intromissum, ut supra §. 20. monui.

Cicatricula vulneris si vel maxime reliquerit *maculam albidam*, aut successive lenibus tolletur abstersivis, aut visui certe nihil præjudiciabit, cum à centro corneæ sit remotior.

§. XXVII.

Synechia cum myocephalo, vel cum staphylomate *complicata* ulteriorem sibi vindicat & attentionem & tractationem. Nimirum per vulnus corneæ spontaneum ab erosione purulenta, vel casuale, ictu, punctione, inflictum &c. effluit humor aqueus, cornea collabascit & propius ad iridem uveamque accedit: uvea vero aliquando confestim, aliquando tardius inter labia vulneris corneæ se insinuat non tantum, sed & foras procidit, atque supra corneam eminet, pro magnitudine vulneris, vel tenuis puncti nigricantis & capituli muscæ instar, atque tunc Myocephalus audit, vel instar acini uvæ, atque tunc vocatur staphyloma. Ordinarie & ab initio uvea saltem est incuneata labiis vulnusculi corneæ, & non concreta: fit aliquando tamen successive, ut lamellis corneæ intra vulnus coalescat, idque ipsum extus cicatrice obducatur, atque consolidetur, hocque modo *synechia* cum staphylomate complicitur, & post staphylomatis curationem remaneat. Quo de casu jam nobis esse sermo debet: an scilicet tum quoque operationem chirurgicam, supra laudatam (§. 24.) in usum ducere liceat? Respondemus, quod non: quia uvea tam arcte incuneata, affixa & corneæ lamellis innata nonnisi difficillime, dolorifice & cum metu subsequituræ inflammationis gravioris, aut spasmo convulsivo fibrillarum uvæ, à cornea posset separari: & si separaretur; id ipsum necessario fieret cum notabili quadam deperditione substantiæ, & relicto præternaturali foramine & hiatu

in

in iride, quod vitium profecto deformius esset ac deterius priore, per Synechiam simplicem inducto. Tacemus, quod ipsam quoque staphylomatis, inveterati certe, curationem aliquo tempore post subsequatur, si non præcefferit cæcitas. Prudens ergo ophthalmiater hic lubens superfedebit oleum & operam perdere.

Aliter vero res se habet, quando staphyloma recens debite repressum, & uveæ prolapsæ tota portio refusa intra primam oculi regionem, & corneæ vulnusculum consolidatum fuerit, sed postea concreverit uvea cum corneæ intima lamella exiguo illo spatio, quod vulnus emensum erat interius: tum enim casus erit potius Synechiæ à staphylomate relictæ, quam Synechiæ cum staphylomate conjunctæ, qui vero nihil peculiare sibi vindicat in operatione chirurgica Synechiæ, ab aliis causis inductæ, nisi quod justum sit constituendum intervallum à formatione talis Synechiæ ad tempus instituendæ operationis, donec & cicatrix corneæ satis obfirmata sit, & de visus integritate, aut restitutione spes affulgeat.

§. XXVIII.

De *Synechia complicata cum Synizesi*, sive pupillæ plenaria occlusione, concretionem superest dicendum. Nisi spes sit aperiendæ referendæque per aliam operationem chirurgicam pupillæ, frustra sane acui chirurgicæ subjiceretur Synechia, cum radiis per oclusam pupillam ingressus denegetur.

Quamvis autem Synizesis operatio multo facilius rectiusque perficiatur acu, per scleroticam in secundam oculi regionem adacta, tamen ne duplicis operationis diversæ tædio subjiciatur ægrotus, tentanda est post absolutam Synechiæ operationem, pupillæ etiam referatio, eo modo, quem docuit præses in disp. de pupillæ phthisi ac Synizesi.

Si vero cum *Synechia* fuerit *phthisis pupillæ complicata*, sive hujus præternaturalis & *constans angustatio*, vel tolletur hæc sponte post operationem Synechiæ, si nempe pependerit à constrictione & distractione per elevatam, ad anteriora versus corneam, destructamque portionem uveæ: vel emendabitur remediis aut operatione peculiari, in disputatione modo allegata recensitis.

§. XXIX.

Synechiam consideravimus hucusque tanquam morbum, sed jam quoque respiciemus *ceu remedium*. Ibi fuit morbus spontaneus, nunc sistetur ut artificialis, ut sic alius oculi morbus hoc depellatur morbo, per chirurgiam data opera inducto. Ad hanc reflexionem manu me duxit *Dn. de Mours* l. c. p. 419. & seqq. curiosa observatione & ingeniosa methodo: obtigit huic æger, cui à nativitate gutta serena laborans oculus sinister, in ætate autem virili ab impetu quodam externo (il reçût un coup sur l'œil) dolorem magis magisque ingravescens, tertioque ab ictu diæ lentis crystallinæ secessum in ca-

meram oculi anteriorem, hinc vero acerrimos dolores, inflammationem, luminis, etiam mediocris, intolerantiam nactus est, per totum semestrem nullis expugnabiles remediis, donec per operationem chirurgicam incisa cornea, crystallinum ceu primum doloris & inflammationis fontem & perpetuum stimulum, foras protrahere conaretur Dn. de Mours. Sed incisione corneæ peracta cum æger bulbum oculi præcipitanter versus superiora & sub palpebram retraxisset, atque labium inflicti vulneris superius violenter in subjacentem crystallinum impegisset, recepit se lens hæc crystallina in secundam oculi cameram. Spe igitur & successu hujus operationis, eximendi nempe crystallinum, dejectus operator illum posthac in secunda oculi regione tutius mansurum auguratus, eo potius animum advertit, quo posset novum crystallini reditum in cameram anteriorem prævertere, ac impedire constanter. Consilium itaque cepit in arena, & methodum excogitavit, qua posset uveam vulnere corneæ consolidare, sicque ad anteriora affixam attrahere, ut camera oculi posterior sic ampliata, nidum crystallino faciliorem, camera vero anterior angustata reditum crystallini eo redderet difficiliorem. Adhibuit è diametro oppositam methodum, quæ præcipitur ad evitandam Synechiam, atque hunc ægrum in perpetuis servavit tenebris, oculo scil. sano jugiter splenis fasciæque obtecto, ægro autem oculo per guttam serenam conjunctam luminis sensu privato, ut sic pupilla ægri oculi in jugi maximeque dilatatione permanens viginti quatuor ab operatione horis, uveæ cum cornea (quæ interim regenerato, qui effluerat, humore aqueo. naturalem receperat suam convexitatem) incipientem jamjam concretionem ostenderit inspicienti medico oculario, sed relicta tum vinctura oculi sani: altero autem absoluto nycthemero perfectam & constantem exhibuerit cohæsionem.

Vulnus corneæ consolidatum est penitus, uvea mansit adglutinata corneæ, crystallinus perstitit immotus in oculi camera secunda, omnis dolor & ophthalmia cessare in perpetuum. Itaque artificio procurata Synechia fuit remedio prioribus malis ab irritante & gravitante in iridem crystallino profectis.

§. XXX.

An talis operatio Synechie artificialis ad alios quoque casus transferri queat, sagaci relinquo dijudicandum ophthalmiatro? E. g. si lens crystallina præternaturaliter turgeat, & mole augeatur, ut molestam uveæ pressionem ac distensionem continuam efficiat, ut induretur, lapidescat, & concrementis fabulosis, calcariis exasperetur, sicque limbum pupillæ & processus ciliares dolorifice confricat, stimuletque.

Quibus in casibus cum nonnisi locus operationi palliativæ superesse, nec taliter affecta lens crystallina sede sua dimoveri ac oculo eliminari posse, vel debere videatur, adhiberi poterit artificialis procuratio adhæsionis uveæ ad corneam, unde camera oculi posteriore ampliata, & uvea remotiore facta à crystallino, pressiones & frictiones vel tollentur, vel imminuentur.

DIS-

T A N T U M.

X X I I I.

DISSERTATIO
MEDICO-CHIRURGICA,

DE

PUPILLÆ PHTHISI AC SYNIZESI,

S. ANGUSTIA P. N. ET CONCRETIONE.

Quam Præside

BURC. DAVID MAUCHART P.P.

DEFENDET

CHRISTOPH. FRIDER. FRAAS

Kircho - Teccensis

Tubingæ 29 Decembr. 1745.

THE
DISEASES OF THE
MOUTH AND THROAT

BY
J. H. H. H. H. H.

NEW YORK

1881

CHRISTIAN FRIEDERICH

Author

Translated by

§. I.

REpetimus filum ophthalmiatriæ ac ab intertextis nuperrime aliis disputationum thematibus, nos jam accingimus ad dilucidandum oculi affectum rariorem, illique, quem haud ita pridem publice discussimus, nempe Mydriasi contrarium. Ibi enim de pupillæ præternaturali dilatatione disseruimus, *nunc de ejusdem præternaturali agemus angustia atque concretionē.*

§. I I.

Retinuimus hucusque veterum medicorum denominationes, quibus græcorum maxime principes, insigniverunt plerosque oculorum affectus morbosos. Unde hic non minus servandam putamus præsentis morbi ocularii antiquissimam appellationem, licet non diffiteamur aptiorem facile inveniri posse. Vocatur autem & est juxta *authorem* antiquissimum definit. med. [a] quem nonnulli Galenum supponunt, *Phthisis* pupillæ, hujus immutatio cum obscuritate: *Galenus* insuper duobus in libris: [b] primum in methodo medendi, quam genuinum ejus foetum omnes agnoscunt, disertis verbis, licet in transitu quasi, meminit pupillæ mydriasis, f. dilatationis, & phthisis f. tabis, inductarum à liberali usu topicorum ex opio, mandragora, hyoscyamo &c. nec non in altero de sympt. causis [c] pluries allegat præternaturalem *pupillæ diminutionem*, hic quidem sine nominis specifici impositione. Verbis vero *Pauli Æginetæ* [d] *Φθίσις* (oculi) est affectus pupillæ, coarctatæ, obscurioris atque rugosioris factæ: quæ autem videntur super his, majora adparent. Causa vero est spissitudo, à siccitate potius nata. *Aëtius* [e] hæc habet: *Φθίσις*, f. tabes, pupillæ dicitur, cum angustior & hebetior facta fuerit. Hoc autem plerisque contingit ex periculosis debilitatibus, aut ingenti capitis dolore. His autem majora apparent quam pro naturali modo, quæ ab ipsis videntur, propter pupillæ angustiam. *Actuarius* [f] eisdem tantum non verbis repetit, quæ modo ex Paulo & *Aetio* recensuimus de Phthisi pupillæ, de visu tamen aliter statuens: prætendit enim ea, quæ cernuntur, hic minora omnia apparere. Transmittimus reliquos authores f. antiquos f. recentiores, quod

vel

[a] Gal. Defin. med. *Φθίσις ἐστὶ μείωσις τῆς κόρης μετὰ ἀμαυρώσεως.*

[b] Gal. Meth. Med. L. 3. c. 2. p. m. 17. b. in principio.

[c] Idem de Sympt. Caus. L. 1. c. 2.

[d] Paulus Ægineta, Enchirid. tot. Med. L. 3. c. 22. ἡ Φθίσις, πάθος ἐστὶ τῆς κόρης στενωμένης, καὶ ἀμαυροτέρας, καὶ ῥυτιστοτέρας γινομένης. Τὰ δὲ ὁρώμενα ἀπὸ τούτων, μείζονα φαίνεται, αἰτία δὲ πύκνωσις, ὑπὸ ξηρότητος μάλλον γινομένη.

[e] Aëtius, Tetrabibl. 2. Serm. 3. c. 53.

[f] Actuarius, libro, qui inscribitur Medicus f. de M. Medendi L. 2. c. 6. p. 184.

vel eandem plerique inflant tibiā, vel intactum plane relinquunt nostrum hunc oculi adfectum. *Vegetius* [g] notat illum in brutis obvium morbum vocatum fuisse *σενοροΐασιν*, & *Mercurialis* [h] eundem hominibus subortum, *σενοροΐαν* h. e. pupillæ angustiam.

§. III.

Qua igitur ratione, & quam bene, vel male hæc pupillæ præternaturalis angustia vocetur *phthisis*, s. tabes pupillæ? Jam non disputabimus. Cum vero hæc ipsa saltem *importet diametri pupillæ decrementum* plus minus notabile, remanente tamen aliquo, licet exilissimo, hiato: itaque vel *phthisis* pupillæ speciem, vel alium proprio designandum nomine morbum esse oportet, quando ne hilum quidem *de pupilla superest*, sed iris quasi unum continuum efficit, nullusque sicuti radiis visoriis relinquitur transitus in secundam oculi cameram, sic etiam intuenti alii homini prospectus in illam. Vocatur *Woolhousio* talis omnimoda occlusio & concretio pupillæ *συνίζησις*, *synizesis*, confidentia, à *συνίζειν*, confidere dicta, alias etiam *συνκρίθσις*, à *συν* cum & *κρίθωμαι*, federe.

§. IV.

Itaque *Phthisis pupillæ* est, hujus præternaturalis angustia, constans, ad luminis quoscumque gradus plane nihil mutata, cum visu nonnihil impedito, & hebetiore in loco non satis illuminato: *synizesis* vero est pupillæ plenaria coarctatio, occlusio & subinde concretio, ut plane nullum foraminis vestigium supersit, cum visionis distinctæ gravi imminutione, quin abolitione.

§. V.

PHÆNOMENA ANTECEDENTIA.

Sunt, qui à *nativitate*, alii per *habitum* & defixam minutissimorum objectorum contemplationem, solis, aut rerum lumen copiosum valide reflectentium, ac *nimiam oculorum appropinquationem ad objectum* habitualement, ut myopes fiunt, ita arctiores sibi contrahunt pupillarum diametros. Tales vero *phthisi* pupillæ ideo non laborant, sed dispositi tamen videntur, ad illam facilius incurrendam, si aliæ, quas mox afferemus, causæ superveniant morbificæ. Ab ipsa etiam *nativitate* coarctationem pupillæ ac coalitum perinde gigni posse, (licet nulla hujus rei, experientia & observatione confirmatæ, jam nos subeat memoria,) suspicionem confirmant atretarum exem-

[g] Veget L. 2. Medic. veterinar.

[h] Mercurialis; Prælect. de ocul. & aur. affect. c. 8. p. 98.

exempla, qui clauso præternaturali orificio vel ani, vel urethræ, vel vaginæ uterinæ in mundum eduntur.

§. V I.

Medicamenta *narcotica* copiose, vel diutius applicata oculis, e. g. ex opio, mandragora, hyoscyamo parata redarguit *Galenus* [i] quod nulla alia re sublati ad præsens doloris speciem præstent, quam quod ipsum sensum obstupefaciant, hinc multos cum liberalius fuissent admota, nunquam naturalem statum recepisse, sed ex his principio quidem obscure ac ægre vidisse, tempore vero hypochysi, (suffusione) vel mydriasi, (pupillæ nimia dilatatione) vel phthisi, (pupillæ nimia angustatione) vel corrugatione correptos fuisse. Huc trahi poterit, eodem respectu noxæ, *lolum*, ita dictum *temulentum*, cujus grana cum avena, aut tritico remixta, & vel in panem, vel pultem cocta atque comesta solent inter alios temulentia, soporis, cephalalgia, vertiginis &c. effectus, visum quoque lusciosum ac hebetem reddere, ut hinc adagio medico dicantur, *lolo victitare*, qui sunt quacumque de causa hebetiori visu [k].

§. V I I.

Humoris *aquei simultanea evacuatio* per vulnus corneæ, vel scleroticæ penetrans, undecumque inductum, pupillæ imminutionem infert, qualis quidem pupilla, regenerato paulatim humore aqueo, adhibitæque decenti cura, naturalem successive recipit diametrum; si vero ita diu collapsa & coangustata maneat, limbus pupillæ, maxime si inflammatus, excoriatus, exulceratus simul sit fiatque, facile potest coalescere, totumque sic foramen iridis, quod pupillam constituit, contrahi, & in unam continuam coire membranam: imo propter evacuatam humorem aqueum, corneam plus minus subsidentem, iridemque corneæ magis appropinquantem fieri potest soletque, ut cornea & iridis uno pluribusve locis cohærescant brevi, sicque *synechiam* cudant, nisi hæc tempestive præcaveatur, collocaione præsertim supina ægri in lecto, ut iris gravitet tendatque magis in posteriorem oculi cameram, quam anteriorem. Recenset *Galenus* [l] historiam, quæ genesis angustatæ subito pupillæ illustratur, partim ex humoris aquei subitaneo effluxu, partim ipsius pupillæ compunctione. *Historia notatu digna*, hæc est: cæterum incredibile quiddam, nec fieri vulgo solitum in puero vidimus, qui stylo in pupillæ loco fuerat compunctus. Nam cum statim effluxisset aquosus humor, tum pupilla ipsa minor est reddita, tum tota

Tom. I.

M m m

cor-

[i] Galenus, meth. med. L. 3. c. 2. p. m. 17. a. in fine.

[k] Jo. Jac. Bajerus, Adag. Medicinal nro. 55. p. 117.

[l] Galenus, de Sympt. caus. L. 1. c. 2. p. m. 15.

cornea apparuit rugosior : cæterum sanatus , postea recte vidit , collecto scil. paulatim eo , qui effluxerat humore &c. Hinc etiam ubi visus per corneæ rugositatem adimitur , & pupillæ magnitudo simul minor est facta , propter hanc ipsam concludit , humorem aquosum etiam esse imminutum.

§. V I I I.

Cumpunctiões iridis , prope pupillam maxime , in variis vulnerationum modis , & ipsa etiam ineptiore cataractæ depositione , strictionem & coarctationem sphincteris pupillæ , hujusque sic plus minus notabilem angustiam , vel omnino totalem inferunt constrictionem. A *separatione* etiam iridis , & *uveæ* à circulo interno corneæ post operationem cataractæ male administratam vidit præses olim in Xenodochio Parisiensi ter centum cæcorum (aux quinze vingt) relictam in oculo sinistro pupillæ phthisin , tantæ angustiae , ut pupillæ diameter vix aciculæ caput admisisset , camera oculi anteriore simul valde ampla existente , & lente crystallina per angustam hancce pupillam transparente coloris margaritacei. In oculo autem dextro pupilla valde fuit ampla , cum indiciis cataractæ crystallinæ , s. opacatæ lentis crystallinæ.

§. I X.

Ictus atque *rudiores plagæ* citra inflictum vulnus externum , tam graviter subinde commovent ac contundunt iridem seu uveam , ut vel facta humorum congestione ac stasi in tubulis atque fibrillis uveæ muscoli orbicularis , hæ tumescant , inflentur , atque pupillam arctent : Vel fibrillæ radiales iridis , pupillam dilatantes , labefactentur , debilitentur , ac atoniam incurrant , sicque harum antagonistæ orbiculares efficacius se contrahant : Vel abscessus exilis & exulceratio , aut simplex etiam excoriatio in iride producuntur. Unde hæc , filamentis ad corneæ superficiem concavam extensis , mutuam utriusque oculi hujus tunicæ præternaturalem cohæsionem , (quæ synechia vocatur) atque aliquando pupillæ distractionem magis , (quæ Parastrophe audit) aliquando contractionem & angustationem ad instar marsupii loro contracti efficit. Haud ita pridem observavit præses in viro Tubingenſi quinquagenario , postquam à ramulo arboris in dextrum oculum c. impetu resiliente visus confestim notabilis imminutio & obfuscatio , pupillæ Akinesia , s. immobilitas diametro quidem ejus tum adhuc naturali permanente , ophthalmia , hemicrania &c. essent subsecutæ , tandem quarta hebdomade pupillam multo angustiores factam , immobilemque ad luminis gradus permanentem , insuper vero nonnihil distractam versus angulum oculi externum , cum initiis haud obscuris connexæ p. n. & coalescentis ibidem iridis c. cornea , mediante exili chorda floccosofilamentosa , è pupillæ limbo assurgente.

§. X.

§. X.

In *hypopyo*, f. pure inter iridem & corneam effuso & stagnante, observavit Woolhouſius tanto magis imminui ac *angustari pupillam*, quanto magis in illa oculi regione puris accumulatur quantitas, quod olim jam monuimus [*m*]. Inter alia moleſta atque periculosa ſubinde ſymptomata *empyſis*, f. puris in ſecunda regione inter lentem cryſtallinam atque uveam collectionis, pariter jam olim [*n*] retulimus pupillæ diametrum arctius atque arctius contractam, alias quidem etiam diſtractam atque diſlocatam. In *cataraçta purulenta*, f. abſceſſu lentis cryſtallinæ, prætendit *Antonius* [*o*] pupillam ſemper, plus quam par eſt, imo extreme anguſtam obſervaffe: imo ita conſtrictam ſupponit eſſe, ut etiamſi hæc cataraçta operatione tollatur, tamen pupillæ tanta ſit remanſura anguſtia, ut lumen diſſiciliter ſit tranſmiſſura. Eodem res recidit cum *ulceribus fiſtulisque corneæ internis*, quæ pus ſuum in iridem effundunt, atque l. phthiſin pupillæ, l. ſynizeſin pariunt, uti peculiaribus in illos affectus impreſſis diſputationibus præmonuit præſes.

§. XI.

Cephalæa, hemicrania, ophthalmia interna gravioreſ atque longioreſ haud raro phthiſin pupillæ induxerunt, prout pluribus confirmare poſſet. Præſes exemplis: unicum, ſed rarius afferemus: textor è pago Oeltingæ Adamus Mann quadragenarius, cum cephalæa dudum, & ſimulacris muſcarum oculo dextro jugiter, ſiniſtro per intervalla obvolitare viſarum conflictatus, jam per menſem ophthalmiam viſuſque majorem atque majorem hebetudinem paſſus exhibuit, cum an. 1722. d. 15. Sept. ſeſe Præſidi ſiſteret præſentem, in oculo dextro pupillam anguſtatam in tenuem rimam perpendicularem (inſtar felium) immobilemque, in ſiniſtro autem pupillam quidem pariter immobilem & contractam, ſed tamen figura adhuc circulariſ.

§. XII.

Hippocratis Φθινώδεις ὀφθαλμίαι [*p*] licet à plurimis commentatoribus legantur & explicentur tanquam duæ ſpecies morborum diſtinctæ, poſito ſcil. commate poſt adjectivum illud *Φθινώδεις*, jam olim tamen, & noſtra

[*m*] Præſid. diſp. de hypopyo, habita hinc an. 1742. p. 9. §. penultimo.

[*n*] Ejusd. diſp. de empyeſi, anno 1742. p. 8. §. 5.

[*o*] Anton. Maître - Jean, des malad. de l'œil 8vo. à Troyes an. 1711 p. 314. 248. & 251. Unicam vidit Præſes cataraçtam lacteam, operationi ſubjectam ab ipſo Woolhouſio: ſed nulla aderat pupillæ phthiſis. Cæterum noſ cataraçtam lacteam & abſceſſum cryſtallini c. Antonio non absolute ſynonymos facimus.

[*p*] Hipp. Aphor. S. 3. §. 16.

nostra quidem sententia, rectissime sunt explicatæ à vetustissimis medicis, & ipso etiam Galeno [q] de tabidis lippitudinibus, i. e. ad tabem oculorum terminantibus: ex qua fiunt extenuati ac sicci plus, quam naturæ conveniat, *facta simul & ipsa pupilla angustiore. Atrophia* & particularis tabes *totius bulbi ocularii* distincta quidem est à phthisi pupillæ, sed frequenter hanc adsciscit, uti è mox allegatis non modo Galeni verbis, sed & propriis nostris constat observationibus. Vivit adhuc in nostrate Orphanotrophio Tubingenfi fœmina cælebs, jam à triginta fere annis cephalæa, ac ophthalmiis frequentissimis, spasmodicis misere exagitata, cui jam à 15. annis oculorum bulbi sic extenuari, gracilescere ac contrahi cœperunt, ut in profundum orbitæ retracti, globulos minores, sinister maxime bulbus, referant, cum notabili simul pupillæ angustatione & immobilitate, visuque valde obscuro in sinistro oculo.

§. XIII.

PHÆNOMENA CONSTITUENTIA ET
CONCOMITANTIA.

Phthisis, f. angustię præternaturalis *pupillæ* hæc sunt maxime phænomena constituentia & concomitantia, f. diagnostica signa (α): pupillæ, quæ in adultis & in lumine moderato ordinarie diametrum obtinet $1\frac{1}{2}$. linearum, *notabilis angustia*, per varios decrementi gradus, & denique tanta, ut vix relinquat interstitium, quod aciculæ caput admittat: sicque verbis Ovidii, in Metamorph. sed & alio, huc tamen etiam applicabili sensu:

Fit luminis arctior orbis.

(β) *Immobilitas* i. e. sine reciproca constrictione ac dilatatione ad luminis admissi l. intensioris l. remissioris gradus, aut ad frictiones bulbi, mediante digito, palpebræ adhibitas superiori. [r] (γ) *Angustatio* ordinarie *circularis*, *equalis*, aliquando *inequalis*, *angulosa*, in casu e. g. distractionis per adhæSIONem cum cornea. Aliquando *per modum rimæ oblongæ*, perpendicularis, exemplo superius §. II. allegato (δ). *Color pupillæ*, quantus adhuc per ejus angustiam transparere potest naturalis niger, nisi complicatus sit alius crystallini aut vitrei humoris opacati affectus, l. in se-

[q] Galen. in Aph. Hipp. Commentar. 3. ad §. 16.

[r] Mutabilitatem pupillæ in majorem & minorem diametrum non sola varii luminis admissione, sed frictionibus etiam talibus explorare debet ophthalmiater, quoniam sunt pupillæ, quæ ad luminis mutationes plane non mutantur in sua diametro, quæ tamen frictionibus ejusmodi moventur, aliæ vero, cæque pessimæ, quæ neutri tali obediunt medio.

secunda oculi camera hærens peregrinum corpus (ϵ). *Iridis color atque reliqua conformatio* in statu naturali ut plurimum permanentes : aliquando tamen iridis color mutatur in rubellum inflammatorium, l. fusco-nigrum, quasi è fugillatione, &c. *E limbo pupillæ* aliquando, sed rarissime hic ibi prodeunt filamenta & *tenuæ chordæ*, quæ l. ipsam pupillæ oram connecunt, l. iridem affigunt corneæ. Aliquando *ex iridis superficie*, propius remotiusve à pupilla *excreſcunt*, instar luxuriantis carnis, *moleculæ*, *fungosæ*, fluctuantes, plures paucioresve, quem affectum iridis vocat Woolhouſius $\gamma\pi\epsilon\rho\alpha\upsilon\acute{\xi}\eta\sigma\iota\nu$. Sed, uti diximus, talia rarissime c. phthiſi pupillæ conjunguntur (ζ). *Visus* eo obscurior atque nebulosior, quo pupilla est angustior, l. lumen obscurius & creperum magis unde fit Nyctalopiæ species; objecta vero nec majora, nec minora videntur, ac sunt l. alias sano percipiuntur oculo (η). Si alterutrius oculi pupilla saltem sit phthiſi affecta alterius oculi *sana pupilla* aliquanto fit *amplior*. At *synizesis*, ut omnimodam infert pupillæ conclusionem & contractionem eamque constantem & perpetuam, ita videndi nullam relinquit aliam facultatem, quam quæ sanis remanet, clauso & palpebris obducto bulbo oculario, scil. simplicem luminis ac tenebrarum perceptionem.

§. XIV.

Diagnos distinctarum phthiſis pupillæ *causarum facilis* est in synechia, ulcere corneam penetrante, hypopyo, excreſcentia iridis fungosa, atrophia totius bulbi, stasi inflammatoria iridis &c. Hi enim affectus per attentam inspectionem facile dignoscuntur, si cornea naturalem suam l. in totum, l. potiore saltem sui parte servarit pelluciditatem. *Difficilior* autem est in affectibus, qui post pupillam propius remotiusve, vel & quidam in ipsa iride resident, ac l. sympathicam l. idiopathicam efficiunt phthiſin. e. g. Si choroidea ac uvea sint inflammatae, si musculus orbicularis iridis sit spasmodice constrictus, aut, si hic retinuerit quidem naturalem tonum, fibræ autem iridis radiatæ musculares atonia laborent & paralyſi. *Inflammationis* tamen illius *internæ* signa tum reputamus fore, dolorem internum oculi pungitivum, lancinantem, pulsatorium, calorem, ardorem, summam luminis intolerantiam, hemicraniam, symptomata febrilia : *spasmus musculi pupillæ orbicularis* suspicari licebit, è sensu interno constrictivo, subitanea pupillæ primitiva angustatione, prævia & conjuncta irritatione per punctiōem, vulnusculum, pus acre. *Atoniam* vero & paralyſin *radiatarum iridis fibrarum* muscularium, in statu naturali tum relictis orbicularibus prodent, sensus illius interni constrictorii, modo allegati, atque stimuli circa pupillam absentia, paulatina pupillæ angustatio, prægressi vehementes ac diuturni dolores interni oculi capitique pondus l. à separato, indurato, in cameram anteriorem oculi elapſo, atque basi iridis incumbente crystallino, l. à pure inspissato, quod nervulos fibrasque musculares iridis

tenerrinos premit, & influxum spirituum animalium in musculos hos, pupillam dilatare solitos, impedit & imminuit ex parte.

§. X V.

Species ac differentiae Φθίσεως pupillæ sequentes sunt: pupillæ *partialis*, l. *totalis* arctatio ac constrictio illa phthisis, hæc synizesis venit nomine. *Essentialis* l. idiopathica iridi l. uveæ propria, quæ ex quocumque hujus tunicæ ipsius vitio; symptomatice vero aut *sympathica*, quæ alius partis culpa oritur. *Simplex* quando solus, sibi relictus est hic affectus: *complicata*, si juncta fuerit e. g. Synechia, Parastrophe &c. *Subitanea* vocatur, quæ subito fit: *successiva*, quæ lente generatur, magis magisque sed paulatim arctior facta. *Incipiens*, recensque, brevi, haud ita pridem orta; *inveterata* quæ per menses invaluit annosque. *Connata*, quam foetus in lucem exiens apportavit: *adscititia*, quam homo natus sub variis ætatis periodis demum contraxit. *Unilateralis*, si alterutrius saltim oculi pupilla sit affecta: *bilateralis*, si utriusque.

§. X V I.

Differt phthisis pupillæ ab aliis hujus affectibus: & quidem à *mydriasi*, quod hæc denotet ampliorem præternaturalem & immobilem pupillam: ab *Akinesia*, quod hæc simplicem significet pupillæ immobilitatem, servata diametro sua naturali. *A Parastrophe*, quod hæc pupillæ dislocationem & remotionem à centro iridis notabilem innuat, nullo ad diametrum pupillæ habito respectu. *A Rhogme*, quod hæc lacerationem, rupturam limbi pupillæ, atque sic inæqualem ac ampliorem pupillæ diametrum importet. Ab *infarctu* & *oppletione* pupillæ per corpus solidum, e. g. impactam pupillæ lentis crystallinæ particulam, unde illa quidem occluditur etiam, vel obturatur potius, cum proprie phthisis pupillæ sit ex ipsa coarctatione & contractione sphincteris pupillæ, atque limbi pupillæ constrictione. *Differt* denique ab *angustia naturali*, quæ nonnullis vel à nativitate vel post annos, uti myopibus obtingit, sed quæ nec motum naturalem pupillæ tollit, nec visum obfuscat.

P H Æ N O M E N A C O N S E Q U E N T I A.

§. X V I I.

Phthisis pupillæ, per se, & ab initio, ut nullo dolore, vel alia majore molestia ordinarie stipatur, ita ab ægris diu hæc non percipitur & observatur, vel non curatur. Cum tamen aliquando successive hic fiat, ut cum *Ovidio* loquamur luminis arctior orbis, & denique vix remaneat pupillæ vestigium, hinc vero non saltem foeda iridis conformatio, in omnium oculos statim

statim incurrens exfurgat, sed etiam visus distinctus tum plane tollatur; itaque minime negligendus est hic affectus, sed tempestive decenti cura tractandus. Majorem incutit metum, si ab interna suppuratione malignoque pure arrosa iris colorem induerit ex albo flavescentem aut viridescentem: si luminis plane nulla, vel levissima supersit perceptio: si oculo affecto, palpebris apertis, ne quidem eam retineat lucis & tenebrarum perceptionem, quam sanus animadvertere solet, palpebris obductus: tum enim vel corrupta plane est & destructa iris, vel à tergo uveæ subest mox crystallini, mox vitrei profunda opacatio, aut plane vitium in retina, vel nervo optico per modum amavrosis. Cum enim alias, si per Pharmaciam hæc pupillæ phthisis tolli nequeat, supersit remedium è chirurgia, nimirum immissa convenienti acu aperiendi ac dilatandi coarctatam & contractam plane pupillam; hæc tamen operatio in casu vitiorum modo allegatorum minime locum habet, nisi vel antea, vel simul conjunctus cum synizesi alter morbus tolli queat, & e. g. lens crystallina opaca deprimi. Laterem lavaret quoque chirurgus, si operatione chirurgica dilatare vellet pupillam, quæ ob separationem ligamenti ciliaris uveæ à circulo corneæ interno vel processuum ciliarium à membrana vitrei undecumque inductam (conf. §. 8.) acquisivit phthisin, aut synizesin: aut iridis maxima sui parte arctius cohæreret & quasi agglutinata foret corneæ. Quamvis autem temeraria videri posset hæc operatio, & reseratio pupillæ occlusæ per iridis punctiorem ac sectionem acu faciendas, ob exquisitum hujus tunicæ sensum non modo, sed copiosa etiam sanguinea vascula; docuit tamen experientia, & sanabilia, &, citra visus quoddam permanens, damnum, casu non minus, quam arte sive studio inflicta iridi vulnuscula fuisse. Ab omni quidem rudiori attactu iridis, aut superflua irritatione omnino chirurgus habet, quod sibi temperet.

§. X V I I I.

P A T H O L O G I A.

Phthisis atque *synizesis* pupillæ formaliter & proprie *ad morbos conformationis* spectat, in viis, quæ decenter patulæ debebant esse, præter naturam angustatis atque clausis, licet phthisis, respectu atoniæ & immobilitatis, ad symptomata facultatis animalis, in motu abolito, referri etiam ex parte posse videatur. *Subiectum morbi adequatum* est tunica oculi uvea, in toto suo concreto, qua omnes suas partes & lamellas: *principale* est tunica uveæ muscularis. Fibre enim & tunicæ musculares subiectum sunt & instrumentum motus, sicuti naturalis, ita & præternaturalis atque atoniæ & paralyfis. Subiectum hoc phthisis pupillæ modo est *essentiale*, quod nonnulli vocant, [s] quod

[s] G. W. Wedelius in Pathol. Dogmat. p. 15. §. 8.

quod scil. & morbum & hujus causam proximam in se habet simul, ut in phthisi idiopathica: modo *per consensum*, in mydriasi sympathica. *Subjectum causæ* proximæ, quæ constrictionem & angustationem pupillæ efficit, vel ipsa est iris uveaque, vel alia pars oculi remotior [t].

§. XIX.

Causa phthisis atque *synizesis* pupillæ proxima potest soletque esse *varia*. Orbicularis musculus iridis si stringatur, atque naturaliter, vi suæ actionis & fibrarum directionis contrahatur, pupillam angustat in oculo quovis sano ad luminis vividi illapsum, si vero *radiata*, rectæque *iridis fibræ musculosæ*, quæ naturaliter inferviunt dilatandæ pupillæ, fuerint *debilitatæ*, *atonia* vel *paralysi laborantes*, tunc orbiculares viribus movendi integris, naturalibus gaudentes tanto facilius superant æquilibrium fibrarum radiatarum, rectorum, dilatantium, sicque magis magisque angustatur pupilla.

Quodsi vero radiatæ hæ *fibræ* naturalem suum servant tonum, *orbiculares* autem morbifice, *spasmodice* violenter *contrahantur* & tandem quasi obrigescant, fit pupillæ angustatio, salvis etiam radiatis fibris. Huncque modum nobis imaginamur obtinere, quando e. g. in operatione hypopyi & cataractæ, aliquando subitanea fit ac arctissima pupillæ contractio.

Circulus arteriosus iridis minor, circa pupillæ oram *turgidus*, *tumidus*, tubulos fibrasque orbiculares pupillæ infarcit, expandit, tumefacit sanguine ac subtilissima lymphâ, iridis superficiem tunicamque auget & prorogat versus pupillam, hujusque diametrum hinc minuit, pro stagnationis illius & congestionis majore copia & impetu, plus minus.

Sed è tali congestionè & extravasatione aliquando fiunt etiam *excrecentiæ* quasi *fungosæ*, è fibris tubulisque elongatis, exporrectis, auctisque, quæ filamentis suis, quasi compedibus, irretiunt oram pupillæ, & tela præternaturali compingunt, angustantque pupillam. *Excurrunt* vel *ex ora pupillæ*, vel *alio iridis puncto* aliquando *hi funiculi* longius, ut capreoli plantarum, & internæ superficiei *corneæ* se affigunt, tumque libenter detorquent simul & luxant quasi diametrum & figuram pupillæ, morbosque pariunt non saltem eos, qui vocantur *synechia* ac *parastrophe*, sed & subinde *phthisin pupillæ*. Vice autem versa aliquando *fibrillæ* hæ præternaturales è *corneæ concava superficie*, ulcerosa fungosæque *descendunt in iridem*, & pupillæ limbum, similemque tam Phthisin pupillæ, quam parastrophem inducunt. Hocque *specimen* est *phthisis pupillæ sympathicæ* per consensum cum cornea. Aliud exemplum præbet *inflammatio retinæ & choroideæ*, quæ nervorum pupillarum spiritus animales fervidius exagitat, fibras pupillæ orbiculares inflat, tenditque, & pupillam angustat.

Sanies aut *materia purulenta*, ex hætenus allegata sanguinis in uvea con-

[t] Subjectum hoc *φθίσις* pupillæ curatius jam excussimus anatomice, physiologicè ac pathologicè in disput. de mydriasi, quorsum & hic provocamus.

congestionem & ita generata, vel in *hypopyo*, in genere incumbens iridi, vel in *emphyse* uveam alluens, vel ex *abcessu lentis crystallinae* affricta parietibus pupillæ poterit etiam facile labem suam & acrimoniam fibræ uveæ ac iridis transmittere, eas excoriare, exulcerare, atque sic irritatis orbitalibus pupillæ fibræ, non saltem stringere & angustare pupillam, hyperauxesin, & carnem luxuriantem iridi superinducere, sed & propius jam adductos ad se invicem parietes pupillæ, & contiguos factos in unam denique continuam jungere membranam, atque synizesin parere, simili modo, quo per observationes constat e. g. post vaginæ uteri excoriationem & exulcerationem illius latera facile coalescere, & liberum com meatum amittere, nisi aliquod interponatur tempestive corpus, quod mutuam attactum parietum vaginæ impediat.

§. XX.

De *pupillæ infarctæ*, & *obturatæ* per impacta in ipsius intercapedinem peregrina corpora, speciminibus & causis hoc loco quidem data opera non differemus. Cum autem de operatione chirurgica, quæ phthisi ac synizesi pupillæ, proprie talibus, competit, jam sit agendum, & ipsa hac operatione, illa quoque peregrina corpora à pupilla removeantur, paucis hæc quoque attingemus. *Obstipatur* & infarcitur autem iridis uveæque foramen commune, *pupilla*, sive naturalis manserit amplitudinis, sive dilatatum in mydriasi, sive angustatum fuerit in phthisi, obturatur inquam. l. in totum, l. in tantum, aliquando à *lente crystallina*, præter naturam oræ pupillæ *accreta*, affixa, atque intra pupillam prominente: aliquando ab *eadem exciccata*, indurata, diminuta, & à naturalibus suis vinculis soluta: aliquando à *portione lentis crystallinae separata*, uti fit e. g. post concisionem & lacerationem cataractæ crystallinæ per operationem chirurgicam; aliquando à *grumulo sanguinis*: nec non ab *excrecentia fungosa iridis*, & *pure fibroso* spissiore, concreto.

Qualia igitur corpora, pupillam obturantia & foramen hoc naturale occludentia, si contractiorem & angustiorum pupillæ diametrum simul important, directe ad præsens nostrum *Φθίσεως* pupillæ thema, spectant; quod si vero pupillam, naturalis, imo auctioris diametri existentem, simpliciter infarciant, indirecte tamen huc pertinent, quatenus una operationis fidelia duo parietes dealbantur, & non minus pupilla clausa aperitur, & angusta dilatatur, quam corpora illa peregrina, quantum licet, separantur, removentur, vel ita certe diriguntur, ut ne visui posthac præjudicent.

§. XXI.

Nolumus ad finem hujus partis ætiologicæ, veterum ferram disputationis reciprocare: *an hæc phthisis à siccitate potius, an humiditate proveniat?*

Exsiccatio, induratio, occalescentia, tunicis accidere potest, quæ benignissimis jugiter alluuntur fluidis, sanguine, lymphaque, ut vel solo arteriarum offescentium exemplo abunde constat. Lens crystallina subtilissimo atque pellucidissimo perluta liquido, maximaque sui parte jugiter irrigata humore aqueo, quoties non indurefcit saltim, sed imo in tartaream subinde & arenosam concrefcit substantiam. Possent plura cumulari argumenta, quibus evinceretur ficcitatis uveæ iridisque possibilitas, si non semper per modum exhalationis & transpirationis, quibus exsiccatio perficitur alias, tamen per affluxum liquidi nutritii denegatum, aut indolem liquoris quo perluitur, præternaturalem figentem, incrassantem, humoris aquei effluxum è vulnere corneæ vel scleroticæ &c. Rarius vero hæc evenire, & dubio admodum hoc effectum, ut pupilla hinc angustetur, è contrario autem humiditatem nimiam, congestiones & stases in uvea frequentius hic peccare, non diffitemur. Sed & neutram ex his contrariis causis aliquando locum habere, superius allegatæ inter causas §. 18. spasmus, paralyfis, synechia testantur.

§. X X I I.

T H E R A P I A.

Indicatio observatoria jubet docetque fientem ac metuendam pupillæ phthiasin & synechiam prævenire & avertere :

Indicatio curativa generalis vero, pupillæ diametrum ac mobilitatem naturalem restituere, atque sic speciebus visibilibus liberum reddere com meatum ad organum visus principale.

Huic indicationi curativæ generali *subordinantur specialiores* quæ sequuntur :

(1) Orbicularis musculi pupillæ strictiones spasmodicas relaxare, demulcere : aut hujus musculi antagonistas fibras iridis musculares radiatas, atonia vel paralyfi laborantes confortare.

(2) Sanguinis congestiones, stagnationes atque stases inflammatorias iridis, uveæ, choroideæ, retinæ revellere, dissipare ac resolvere.

(3) Materiam purulentam, rodentem, irritantem, mitigare, discutere, evacuare.

(4) Pupillam angustio rem dilatare, concretam perfodere ac aperire, filamenta, quæ iridem nectunt p. n. corneæ, discindere.

(5) Corpora peregrina, pupillam obturantia, expungere, separare, deprimere, eliminare.

(6) Vel & novo ac alieno loco iridem uveamque pertundere, ac pupillam effingere artificialem.

(7) Inflictum per ejusmodi operationes chirurgicas, l. & casuale vulnusculum iridis ac uveæ in suo limbo consolidare, foramen vero artificiale patulum fervare.

(8) De-

(8) Denique visum roborare, oculoque claritatem restituere.

§. XXXIII.

Ad exequendam indicationem præservatoriam generalem *præcavendi phthisin pupillæ ac synizesin*, dispiciendum est primum, è quanam causa hi affectus immineant? Si ex ophthalmia interna, Empyesi, Hypopyo, Atrophia oculi totius, &c. his affectibus ipsis tempestive decenterque obviam est eundum. A potiori tum quoque valet regula generalis, evitandi lumen intensius, copiosum, atque longius, non modo quod plurimis tum molestum esse soleat, sed etiam, quod pupillam, aliqua adhuc gaudentem mobilitate, in arctius semper cogat spatium. Ad *synechiam*, (§. 7.) vero, quæ metuitur è vulnere corneam penetrante, humoris aquei effluxu, corneæ subsidentia, ulcere corneæ interno, mutuaque iridis ac corneæ nimia appropinquatione, *præveniendam*, & hinc metuendam *pupillæ phthisin* cavendam, lumen per vices & sano & affecto est admittenda oculo, ut lumine hoc in motum concitata iris l. non acquirat punctum adhæisionis ad corneam, l. formari jam cœptum, tempestive dimittat, atque sic puncta contactus subinde mutet, nullamque coalescendi moram fervet. Huc autem plures adhuc pertinent cautelæ, illa etiam quam maxime, quam §. 7. prælibavimus de synechia: quas vero ad plenioram, olim sistendam, synechiæ tractationem fervamus.

§. XXXIV.

Indicationes curativæ §. 22. enumeratas nolumus prosequi omnes, cum pleræque harum spectent ad singulares distinctorum affectuum aliorum oculi tractationes, quales l. jam tradidimus in præmissis disputationibus oculariis, l. Deo volente subnectemus. Itaque quæ hic agenda sint contra internas sanguinis stases, uveæ, choroideæ retinæque tunicarum inflammationes, quæ contra materiem purulentam, in prima vel secunda regione oculi effusam, quæ contra p. n.^{lem} iridis connexionem cum cornea, &c. ea omnia in pleniorè tractatione de ophthalmia, hypopyo, empyesi, synechia &c. suis quæque locis sunt prosequenda atque evolvenda.

§. XXXV.

Stricturas fibrarum orbicularium pupillæ spasmodicas relaxare annitimur sublata primum quousque fieri potest, causa stimulante, educto per operationem chirurgicam pure rodente, vel medicamentis dissipato; extracta vel vera, vel metaphorica spina: tum & medicamentis in- & externis antispasmodicis, nervinis. *Externe*, spongiosa sambuci in ∇. sambuc. valerianæ, pœoniæ macerata, calide palpebris oculi affecti applicata. Cataplas-

mate è fl. sambuc. melil. verbasf. croc. fem. Lini cum mica panis similaginei in lacte cocto , palpebrisque imposito : balsamo frequenter palpebris & supercilio lateris affecti illito , ex Axungia , Castor. ol. nucist. expr. & ol. dest. fuccin. rutæ & lavend. emplastro rubefaciente , quin vesicante , tempori , lateris affecti , applicito : vesicatorio post auriculam posito. *Interne* temperantibus , absorbentibus , antispasmodicis , anodynis : è nitro crystallino , sacch. lactis , l. 69. millep. præpp. cinabr. antim. rectific. \ominus : vol. fuccin. extr. pœon rutæ , castor. pap. err. ther. cœl. liq. c. c. fuccinat. - anod. min. h. &c. *Atoniæ* vero & *paralysi fibrarum iridis radiatarum* opponemus topica , & interna efficaciora aperitiva , excitativa , stimulantia , nervina , tonica. Extus vero collyria , ex infusione caryophyllorum aromat. , croci metallorum , HB. Serpilli , rorismar. fl. lavend. in vino rubro : quam & , in spleniis intinctis , palpebris , & in refracta dosi intra palpebras tepidam instillare licet ; si vero bulbum oculi nimis admordeat , temperari potest admixtione ∇ æ dest. Lavend. & rofar. Vel palpebris diligenter illinendum suademus litum , ex ol. dto anthos , lavend. serpil. aa. gt. x. \sim : formic. spir. vin. camph. aa. ʒij. $\sim \ominus \times$ ci c. calce viv. parat. ʒj. Huic scopo inserviet quoque bals. vit. Hoffm. l. bals. Schaueri , similiaque alia.

§. X X V I.

Ast si pupilla fibrillis ultra citraque excurrentibus angustissime constricta vel penitus concreta fuerit , nullum superest remedium , nisi per indicationem quartam §. 22. *operatio chirurgica* , quam cum Woolhousio vocabimus *dièresin* , qua mediante discinditur rete illud præternaturale , ac uvea irisque aperiuntur in loco pupillæ ordinario , vel prope hunc. *Instrumentum* operationi huic inserviens est acus vel teres , vel plana , qualibus alias cataracta deponi solet. *Cheseldenus* [x] adhibuit scalpellum angustissimum , sive acum , qualis fere ad cataractam supprimendam adhibetur , sed solum in alterutro latere secantem. Mihi videtur teres figura minus apta ; quod suo quidem apice acuto facile per tunicas penetrare , sed infligendum iridi exile foraminulum , satis ampliare nequeat. Acus plana & cuspide donata præstat quidem tereti , sed cum latera non habeat acuta , s. scindentia , pariter non satis adæquata est , vel fibrillis pupillam irretientibus discindendis , vel formini uveæ insculpendo , satis ampliando , nisi magno cum ægri & operatoris incommodo , temporisque dispendio. Adhiberi etiam potest acus apice triangulari , cuspide acuta , & lateribus scindentibus instructa. Cheseldeni acus vero reliquis palmam præripit , ubi majus & novum plane foramen uveæ infligendum est. Optionem relinquimus arbitrio cujuslibet operatoris , qui diversis casibus & intentionibus , hanc illamve acum judicaverit aptiorem.

Spe-

[x] Cheselden , anatomicus & chirurgus celeb. Londinensis in append. ad 4tam edit. anatomix suæ p. 20. & celeb. Heister ex eo in chir. lat. p. 616. f.

Speculum oculi in hac operatione adhibuit Cheseldenus , ad palpebras probe diductas & apertas servandas ; sed carere poterimus hoc impedimento , & vel digitis alterius manus satis divaricare palpebras , vel superiorem saltem attollere *suspensorio palpebræ superioris* lævi hamulo , cujus descript. vid. in nostra disp. de hypopyo , p. 26. §. ultimo.

Antequam operatio instituat in parato quoque sint : *fascia* conveniens utrique obligando oculo. *Manipulus Gossypii* , spuma , agitati cum aq. rosar. Albuminis ovi , madidus ; *lectus* debite apparatus in quem se statim ab operatione recipiat æger. Imo aliquot ante operationem diebus non male *blando purgante* subducetur alvus , & in vegetis atque plethoricis subjectis *vena pedis secabitur* : majore enim adhuc præcautione opus esse in hac operatione censemus quam in cataractæ depositione.

§. XXVII.

Locus , aut *conclave* , in quo suscipienda est operatio , satis sit clarus ; opus enim est accurata inspectione , ut operator & locum pupillæ naturalem , aut alium , quem elegit in uvea pertundendum , & fibrillas præternaturales uveam colligantes , & directionem motumque acus suæ distincte ac dilucide observet.

Si complicata cum *synizesi* fuerit *synechia* (§. 7.) hæc *prius est* per operationem chirurgicam , huic morbo convenientem , *tollenda* , atque tum simul danda opera , ut cum acus jam sit trans corneam adacta , in primam oculi regionem , ut , solutis vinculis , quæ corneam cum iride colligaverunt præter naturam , aperiatur , dein etiam pupilla referetur atque dilatetur , ut ne ad novam , per scleroticæ punctiōnem suscipiendam , *synizesis* operationem sit deveniendum , id quod prudentissime monet *Woolbousius*. Sed & fatetur , *operationem synizesis* multo *felicius succedere* , si in *secunda oculi regione* suscipiatur , quam in prima. Æger , operationi mox subjiciendus , in *sella* collocetur , ut in cataractæ depositione solet : operator quoque situm servet eundem. Cautelæ reliquæ pariter eodem recidunt.

Locus incisionis , acu faciendæ , idem fere est , qui in cataracta consuevit. Nimirum in sclerotica , unius vel sesquilineæ circiter distantia à circulo corneæ externo , & unam fere lineam decliviori loco , quam qui respondet radio , è corneæ centro ad scleroticam recta transversim educto. *Sanus oculus* , ante operationem , splenio & fascia est *obtegendus*.

§. XXVIII.

Operatio sic est perficienda : diductis , probe servatis palpebris jubeat operator ægrotum , *dirigere oculum* affectum *versus canthum internum* , & in eo servare situ : *acum* dicto scleroticæ loco , *perpendiculariter adigat* , uno ictu , ab-

que nimio tamen impetu, per tunicas oculi hic obvias, in regionem oculi posticam, *apicem acus* deinde *inclinat versus uveam*, atque locum pupillæ, cuius vel aliquod vestigium relictum conspicit trans corneam, vel in medio circiter iridis, uveæque investigat: atque tum *fibrillas præternaturales* pupillam colligantes, colore albidas, vel ex albo-rubentes, acu caute *difsecet*, *acumque* (quæ hic lateribus debet esse obtusis, non scindentibus) *intra pupillam* aliquoties hinc inde *verset*, *hancque* magis *ampliet* magisque. Inter hæc vero sollicite caveat, *ne oram pupillæ vel uveam compungat*, aut vulneret. Cum satis aperta & liberata per hanc operationem visa fuerit pupilla, *retrahat* oculo suam *acum* recta, *agrumque* confestim *in lectum collocet supinum*, toto corpore horizontaliter cubantem, oculumque affectum *gossypio spuma albuminosa imprægnato*, *splenio ac fascia* molliter *vinciat*.

Intra hos limites operationis substitit *Woolhousius*, omnemque vulnerationem iridis uveæque vitandam cane ac angue pejus imperavit, hicque in primis attendenda ophthalmiatro præcepit *Davidica verba*: custodi me sicut pupillam in oculo! Rationem facile detegit, qui structuram iridis ac uveæ habet perspectam adeo sensilem, valde vasculosam, ac distinctis fibrarum muscularium phalangibus instructam, denique & uveæ nigredinem, quæ per operationem abrasa, humorem aqueum turbaret insigniter diuque: è quorum singulorum læsionibus nempe tot atque tanta mala iuste metuenda videntur. Sed excussit hunc metum & subactius iudicium & fidelis experientia. Non immorabimur rationibus à priori, ad evitandam prolixitatem, sufficiunt eæ, quæ deducuntur à posteriori, s. experientia, quæ in variis oculorum & uveæ læsionibus e. g. staphylomate, parastrophe, variis vulnusculis & lacerationibus docuit, molestissimas quidem esse & periculosas huiusmodi læsiones, sed non semper, nec præcise ob uveam solam. Maxime vero animum addidit meticulosus Cheseldenus supra laudatus (vid. ad §. 26. not. x) qui *uveam iridemque* non saltem in loco *pupillæ consueto*, sed etiam *ad ejus latera perfodit & aperuit*. Temeritatem vero hanc, quæ videri potuisset, *diluit* & insignis ejusdem scientia anatomica, cujus alias quo profundior ignorantia, eo reddit audaciores aliquos chirurgos, vere tunc temerarios, & *felix* eventus absterisit.

§. XXIX.

Unde *vestigia* celeberrimi *Cheseldeni* confidenter prementes, in eo casu, quo per synizesin pupilla tota quanta est contracta, & in unam continuam coalita membranam, sive à nativitate sive à variis casibus vitæ talis demum est facta; porro jubemus ophthalmiatrum, acu in apice vel utrinque vel alterutro saltem latere scidente, tum usurum, eodem loco & modo quibus supra diximus hanc infigere, *uveam iridem* que vel in naturali loco pupillæ, vel ad latera, *pertundere*, ut cuspis acus intra primam oculi cameram transpiciat, tumque iterum retrahendo acum *vulnus* inflictum *ampliare* ulteriori incisione, quam acus, in latere uno vel utroque scidente, præstat. *Foramini* huic *artificiali*

tificiali diameter conciliatur duarum vel trium linearum, figura vero rotunda, tum effingi nequit, sed oblonga ac transversa, vel oblique transversa resultat, atque sic naturalem formæ gratiam non æque obtinet ac in prior operatione (§. 28).

Poterit *acus*, facta jam modo laudata incisione & dilatatione iridis, *tantisper* quietam *servari intra oculum* & circumspici an satis hiet novum hoc foramen, f. pupilla artificialis: imo, *si* tum deprehendatur *conjunctum cataractæ crystallinæ vitium*, deliberari, annon eadem hac opera, simul cataracta deponi: aut, si puris copia delituerit in secunda regione oculi, f. *empyesis jungatur*, quæ prius ob pupillam totam conclusam ab ophthalmiatro videri nequiverat, hoc pus per vulnus scleroticæ, sub acus extractione tantisper dilatatum, emitti queat? Id quod putaverimus quoque agendum, *si in operatione* contigerit *notabilis effusio sanguinis* in cameram oculi posteriorem.

Locum incisionis & dilatationis uveæ iridisque *aliquando declivior* centro iridis eligere coactus est *Cheseldenus*, ob albuginem f. leucoma, quod partem corneæ superiorem occupaverat atque obfuscarat.

§. XXX.

Si peregrinum corpus pupillam infarserit atque obturaverit, tentanda est ejus per acum quamdam §. 29. laudatam separatio & rescissio, sed caute & suspensa manu molienda, ne vel nimium irritando, vel lacerando gravius priore damnum inferatur, corpusque illud ad fundum regionis oculi secundæ deprimendum est, quemadmodum in operatione cataractæ fit. Si vero jam operatione separatum *tale corpus evaserit in primam oculi regionem*, ea est tractandum methodo, quæ cataractæ crystallinæ à vitreo separatæ, vel toti, vel ejus portioni, in hanc regionem aberranti, debetur.

Si corpus tale infarciens fuerit lens crystallina, indurata, opaca, & mole tum ut solet, imminuta, tentanda quidem est ejus separatio ac depressio, neque tamen mordicus urgenda, si tenacius ac undique adhærescat. Satius tum esse videtur, imitari *Cheseldenum*, qui, intacta cataracta & sedi suæ relicta, uveam iridemque dissecuit, & aperuit paulo supra pupillam, atque radiis luminosis ingressum paravit supra verticem hujus cataractæ, tanto feliciore cum successu visus, quo in ejusmodi casibus lentem crystallinam, cataracta laborantem, minoris diametri, atque molis esse contendit.

§. XXXI.

Post hanc quoque operationem æger se statim componat in lectum, supinus, pectore ac capite horizontaliter quietus decumbat: omniaque præcepta, quæ in prior modo operandi §. 29. debebant inculcari, curæ cordique habeat studiosissime. Oculus vero, hanc operationem passus, defensivo primum illo albuminoso §. 26. est muniendus, dehinc vero contra metum
in-

inflammationis, dolores acutos, agrypniā & quæ alia possent consequi symptomata, pugnandum est in - & externis, quæ copiose non minus ac distincte commendavimus jam olim in disp. de hypopyo p. 29. & seq. it. de empyesi p. 18. ff. nec non quæ ad fontem spectant diæteticum. Cramben igitur hanc non recoquimus. Pauca tamen alia supersunt monenda. Oculus affectus molliter est quavis vice obligandus. Æger, quando apparatus chirurgicus ab oculo demitur, in situ supinō, vel paulisper acclivi, & loco modice illuminato plures detinendus dies, donec omnis evanuerit metus inflammationis internæ, & ipse lumen facile ferat. Quamprimum iris nullam inflammationem, nec exulcerationem exhibet, in debita perstat distantia à concavitate corneæ, ac oræ recentis ac artificialis pupillæ decursu aliquot dierum obductæ judicantur cuticula, f. cicatricula, tum æger poterit in lecto cubare erectior, l. extra hunc in sella confidere, cum ita videatur metus coalituræ iridis cum cornea evanuisse.

§. XXXII.

Indicationi penultimæ §. 22. satisfacit natura magis ac ars: nimirum labia vulneris, in iride ac uveæ facti, cum natent in benigno & quasi albuminoso humore, aqueo dicto, sponte cuticula investiuntur. Ars autem per interna magis, quam topica medicamenta, naturam hic adjuvare potest. Vulnus inflicturn conjunctivæ, scleroticæ atque reliquis tunicarum stratis, facile & sponte pariter, l. levi adjumento per illinitionem externam balsamo Arcæi, ad consolidationem deducitur. Ipsum foramen, nova pupilla, ut constanter hiatum & aperturam pro transitu radiorum servet, efficitur maxime satis ampla, f. longa incisione per operationem statim procurata, detentione oculi aliquandiu in tenebris, naturali transfluxu humoris aquei & fibrarum iridis radiatarum motu: ars parum vel nihil huc contribuere poterit.

Quæ denique indicationi ultimæ §. 22. debentur, visui nimirum roborando, ac claritati oculo restituendæ, illi quidem alibi, e. g. in disp. de empyesi p. 22. §. 24. abunde jam est prospectum, hæc autem, claritas nempe oculi sponte consequitur è reliquis debite administratis. Naturalis plane figura pupillæ nec in primo operandi modo (§. 28.) semper ex arte restitui potest, nec in secundo (§. 29.) imo hic plane non. Oportet enim tum oblongam & aliquando ecentricam fieri ac manere pupillam, quæ tamen figura visui non multum præjudicabit.

§. XXXIII.

Superest *triga questionum prognosticarum*, an post operationem synizesis visus restituatur plene? An pupilla hæc artificialis motum quoque acquirat exer-

exerceatque constrictionis & dilatationis reciprocum , pupillæ naturalis , sanæ analogum ? Annon metus sit coalituræ denuo , artificialis pupillæ ? Non habemus , ut ingenue fateamur , quod vel ex propria , vel aliena observatione regeramus apodictice , nisi quod partim ex analogia , partim justo ratiocinio concludamus , visum , si modicam diametrum habeat artificialis pupilla , oportere illibatum manere ; si vero hiatus sit major , lumen intensum , meridianum , fore molestum visumque turbatum iri. Motum contractionis & dilatationis , manifestum certe , artificialis pupillæ , per methodum Cheseldenianam effectæ vehementer dubitamus remansurum , cum sphincter pupillæ sit , maneatque discissus : tanto autem minus fore periculum auguramur , ne pupilla hæc successive iterum facile angustetur , cum fibræ iridis radiatæ servarint à potiori vim suam dilatandi pupillam , & humor aqueus jugiter permeans concurrat ad viam patulam servandam.

T A N T U M.



XXIV.

DISSERTATIO
DE
STAPHYLOMATE

Quam Præside

D. JUSTO. GOTHOF. GÜNZ, P.P.

PRO DOCTORATU OBTINENDO

Tuebitur

JOAN. MICHAEL. BARTH

SCHKEUDIZ.

Lipsiæ 27 Febr. an. 1748.

I.

E Tſi naturæ providentia oculos noſtros in capite, tanquam in arce, tam mirifice fecit ac collocavit, ut excelsis undique partibus ſepti varia no-
 citura depellere poſſent, atque utiliter latere; tamen variis admodum ingen-
 tibusque caſibus patent, tamque tenuibus membranis veſtiti ac vincti ſunt,
 ut vel minima quævis vis poſſit hanc nobis aciem eripere. Quæ cum non
 exiguam partem ad vitæ ſimul & uſum & dulcedinem conferat, ſumma cura
 tuenda, repellendaque ab oculis omnis injuria eſt. Quæ quamvis omnium,
 etiam medentium, ore pervulgata ſint, tamen in ea artis Hippocraticæ par-
 te, quæ oculorum morbis medendi præcepta continet, tam parum à noſtræ
 ætatis medicis elaboratum fuit, ut opinionem facerent fere omnibus, indig-
 nam hanc artem eſſe, quæ à medicis agitetur, fortassis quod ejus effectus evi-
 dentiffimus eſt, in reliquorum vero morborum curatione multum fortuna
 confert. Utque hoc ægros coegit, ut alios quærerent, per quos ſecundam
 valetudinem recuperarent, ſic ignaro cuidam audaciſſimoque hominum gene-
 ri animum addidiſſe videtur, ut poſt alias, etiam hanc, à medicis relictam,
 provinciam occuparent. Neque eſt facile alia medicinæ pars, quæ manu cu-
 rat, cujus evidentior proſectus ſit, iſque ſolet ignaræ plebis animum ita per-
 cellere, & occupare, ut, qui perſæpe ſequitur, ſiniſtrum eventum fortunæ
 potius, quam curantis inſcitæ tribuat. Eaque medentium negligentia &
 hunc effectum habuit, ut, cum tamen vellent oculorum morbos exponere,
 tum fingerent ſibi alios, tum aliis à græcis latinisque impoſita nomina male
 interpretarentur; quod ſaltem tirones impedit, & calumniandi artem fre-
 quentem occaſionem adfert. Erant tamen, ut olim, ſic etiam noſtra ætate,
 ex medicis aliqui, qui non contenti collyria parare, oculisque hominum in-
 fundere, ad ſe quoque pertinere exiſtimarunt, quæ manus auxilium deſide-
 rant. Qui, quo majorem gloriam conſecuti ſunt, eo magis tironibus, ut e-
 xempla, quæ imitentur, proponi debent. Atque cum his, tum hominum
 valetudinis curandæ cupiditate me facile eo adduci paſſus ſum, ut animum,
 ſicut ad omnem chirurgicam artem, ita ſigillatim ad oculorum medicinam
 adjungerem. Cumque mihi jam publicum aliquod ſpecimen edendum eſſet,
 nulla mihi aptior materia viſa eſt, in qua ingenii vires periclitarer, quam iſ-
 oculorum morbus, quem cum græcis ſtaphyloma nominamus, de quo mihi
 aliqua obſervaviſſe videbar, quæ poſſent, tirones ſaltem, in cognoscendo cu-
 randoque hoc morbo, aliquantum juvare.

I I.

Eſt vero nobis ante omnia conſtituendum, cui oculorum adfectui hoc no-
 men imponamus, quoniam medentes de hac re non plane inter ſe convenire
 videntur.

videntur. *CELSUS*, antiquissimus auctor est, apud quem hujus morbi descriptio occurrit. Eumque evenire ait: [α] si summa tunica attollatur, sive ruptis intus membranis aliquibus, sive laxatis, & similis figura acino fiat. *HIPPOCRATES* enim, quo loco fortassis hujus morbi mentionem facit, non staphyloma adpellat, sed cum vesica comparat [β]. Neque in eorum scriptis, qui, ante *Celsum*, artem in Græcia exercuerunt, quantum ex illis non tam ætatem tulit, quam potius emissum in lucem fuit, vox σταφύλωμα occurrit, ut, cui morbo ea primum imposita fuerit, plane adpareret. *Galenus*, qui, quæ manus curationem postulant, in universum paucis attigit, etsi staphyloma hinc inde nominat, nusquam describit, tamen, quod inter eos morbos recenset, qui a similitudine nomen acceperint, quam cum aliqua externarum rerum habeant, videtur *Celsi* descriptionem confirmare [γ]. Sed memorabilis is locus *Galenus* est, quo [δ] τὰ δὲ σταφύλωματα καλεσμένα ait, τὰ μὲν τῇ θέσει μόνη, τὰ δὲ τῇ διαθέσει παρὰ φύσιν ἔσιν; quod vertendum esse existimo: qui vero (tumores) staphylomata nominantur, eorum alii saltem positu, alii autem adfectione præter naturam sunt. Quæ si nobis interpretari licet, *Galenus* ad prius genus eum tumorem retulerit, qui ex cornea præter naturam, distenta evenit, ad alterum, quem ulcus fecit, quo summa oculi tunica exesa, tantumque extenuata fuit, ut ab aqueo humore in tumorem, paulatim confurgentem, attollatur. Quam olim ab *Ingrassia* [ϵ] datam interpretationem tum quia per se planissima, tum quia *Galenus* cum *Celso* conspirare facit, hujusque aliquantum obscura verba illustrat, lubentissime amplector. Quid enim potest evidentius esse hoc, *Celsum* ex his staphylomatum generibus primum per luxatas, alterum per ruptas membranas indicasse? Neque improbabile est, primum genus à definitionum medicarum auctore descriptum fuisse, qui staphyloma ἑπάρμα κατὰ τὸν τῆς κόρης τόπον esse dicit, ἐμφερὲς ῥαγὶ σταφύλης [ζ], alterum ab eo, qui medicum seu isagogen scripsit. Is enim staphyloma nominari ait, ὅταν ἡ κόρη τῆς ὀφθαλμοῦ μετεωρισθῇ μετὰ φλεγμονῆς καὶ γένηται ὅμοιον ῥαγὶ σταφύλης, λευκὸν τῇ χροιά [η]. Hanc interpretationem *Aëtii* quoque auctoritate tueri possumus, quæ tanto maior erit, quo plenius accuratiusque ipse, præ cæteris græcis medicis, oculorum adfectiones exposuit. *Aëtius* [η] enim, staphyloma fieri docet, si summa oculi tunica, quæ cum cornu com-

paretur,

[α] De re medica lib. VII. cap. 7. art. 11.

[β] De locis in homine p. 408. éd. Foëf.

[γ] De methodo medendi lib. II. cap. 2.

[δ] De tumoribus præter natur. in fine.

[ϵ] De tumor. præter natur. Tom. I. p. 299. Neap. 1553. fol.

[ζ] Cap. XVII.

[η] Cap. XXVII. Verba: τὸ λευκὸν τῇ χροιά videntur glossema esse. Saltem quæ vidi cum dolore & inflammatione staphylomata esse, ea semper pellucida, aut alius saltem, quam albi coloris erant. Neque possunt hæc verba clavum indicare, de quo ab eo auctore, paullo inferius exponitur.

[η] Tetrabibl. II. Serm. III. cap. 34.

paretur, in tumorem, acino similem, levetur, siue laxata tantum, siue etiam rupta. Esse tamen etiam addit, qui maiorem uveæ procidentiam staphyloma nominant, quæ per corneæ ruptionem contingat. Ex quibus quamvis id proprie staphyloma esse manifestum sit, quod *Celsus*, *Galenus*, aliique tamquam unicum, *Aëtius* autem priore loco proposuit, tantum tamen apud plerisque recentiores medicos *Pauli Æginetæ* auctoritas valuit, ut, quia is staphyloma simpliciter alterum uveæ procidentiae genus adpellavit, [9] ad hunc morbum proprie id vocabulum pertinere existimarent; aut potius tam negligenter *Paulum* inspexerunt, ut animum ad eum locum non attenderent, quo staphyloma κύρωσιν nominat, τῇ κερατοειδῆς χιτῶνος ἀτονήσαντος, συν τῷ ῥαγοειδῇ [ι]. Qui deinde ex græcis medicis de hoc morbo aliquid memoriæ reliquerunt, si *Actuarii* excipiamus, ad sola medicamenta pertinent, quæ non parvo numero adversus hunc morbum proposita inveniuntur. Is enim *Paulum* fere in priori loco exscripsit [κ]. Neque apud *Marcellum*, *Plinium*, quem vulgo Valerianum vocant, atque ejus ætatis auctores alios, aliquid, quod ad hunc morbum referri possit, invenitur. Quare ut de Arabibus dicam, etsi *Avicenna* videtur *Paulum* secutus esse, tamen staphyloma non ad procidentiam, tanquam genus retulit, verum ad corneæ rupturam, per quam tamen uvea ita procidat, ut quatuor, saltem nominibus distinctos, morbos faciat, quorum primum formicalem, alterum uveum, tertium vesicalem, quartum clavalem nominat [λ]. Videtur etiam *Rhazes* uveæ procidentiam à staphylomate non distinxisse, quod tamen verisimiliter in corneæ, per ulcus laxatæ, tumore posuit; inter ea enim medicamenta, siue nominat, quæ maculis & leucomati ab ulcere reliquis, tollendis idonea habentur, unum laudari invenio, quo caro in ulceribus generari possit, & uveæ, quam vocat, egressio impediri [μ]. Staphyloma non videtur etiam *Janus Damascenus* ab uveæ procidentia distinxisse; nam ubi de oculi ulceribus agit, uveam per ea interdum procidere habet, præterquam quod staphylomatis mentionem faciat, quod tamen præcedere debet [ν]. Non vero ex corneæ sed uveæ tunicæ ruptione staphyloma oriri *Albucasis* ait [ξ], cujus verbis videtur, vel propter hanc causam, menda quædam subesse, quod, quæ de ejus morbi curatione proposuit, fere ad verbum, ex iis *Aëtii* & *Pauli* locis exscripta sunt, quibus staphyloma dicunt, cornu adsimilatæ tunicæ tumorem esse. Et proxime à *Pauli* mente videretur *Mesue* filius abesse, qui uveæ procidentiam scribit, à pupillæ dilatatione nihil differre [ο], modo id nobis constaret, ac verisimile esset, per pupillam non uveæ foramen,

[9] De medicina lib. III. cap. 22.

[ι] Ibid. lib. VI. cap. 9.

[κ] De method. medendi lib. II. cap. 7.

[λ] Lib. III. fen. III. tr. 2. cap. 6.

[μ] Lib. IX. ad Almanfor. cap. 19.

[ν] De method. med. lib. IV. cap. 11.

[ξ] Method. medendi lib. II. cap. 21.

[ο] Medic. particul. lib. III. cap. 12.

men, verum ipsam corneam, cum *Cicerone* [π] ac *Celfo* [ρ] intellexisse. *JESUS*, Hali filius videtur quidem staphyloma pro genere quodam elevationis uveæ habere [σ], tamen & corneæ tumorem non neglexit [τ], & uveam aliquando cum hac attolli posuit, aliquando per ejus ruptionem vere procidere [υ]. *Constantinus* quem Africanum vocant, *Paulum* sequitur [Φ]. Superest, ut ex barbaris aliqua proferantur; ex quibus *Guido* non aliud videtur staphyloma novisse, etsi vocabulum ipsum non habet, quam quod ex uvea, per corneam ruptam procidente, jam olim *Paulus* oriri dixit [χ]. Neque *Gordonius* staphyloma, sed corneæ ruptionem vocat, per quam uvea ita procidat, ut vel capiti formicæ, vel uveæ capiti, vel clavo adsimilari queat [ψ]; ex quo, quantum à *Pauli* sententia recedat, manifestum est. Propius contra ad verum videtur *Valescus* [ω] accedere, qui uveæ procidentiam non semper cum corneæ ruptione conjunctam esse existimavit, quamvis morbum, grano racemi, ut vocat, non ab similem, non corneæ tumorem nominaverit, sed uveæ procidentiam. Quæ si quis animo attento expenderit, qui olim primi vocabulum σταφύλωμα excogitaverunt, hoc non nisi illi morbo dedisse intelligent, qui in cornu adsimilata tunica in tumorem levata, consistit. Tantum enim valere, saltem in morborum nominibus constituendis, *Pauli* aliorumque inferioris ætatis scriptorum auctoritas non debet, ut eos *Celfo*, *Galeno*, atque *Aëtio* præferamus, quos certe verisimilius est, ex vetustissimorum græcorum scriptis, tamquam fontibus, sua hausisse. *Paulus* contra, quem olim *Aëtio* priorem fuisse, opinabantur, hunc ipsum in quam plurimis locis exscripsit. Accedit, *Paulum*, quo loco manu faciendas curationes proposuit, ejusmodi staphylomatis descriptionem dedisse, qualis à *Celfo* data fuit. *Aëtius* etiam, postquam his duabus non ab similem descriptionem dedit, esse nonnullos subjicit, qui & uveæ procidentiam, quæ per fissam, ruptamve corneam eveniat, staphyloma nominent; ex quo priscos medicos sequitur hoc nomen non uveæ prolapsæ tumentique imposuisse, verum corneæ, in tumorem levatæ. Et fortassis iis, qui & uveæ procidentiam staphyloma nominarunt, id faciendi occasio data fuit hoc, quod apud unum ex prioribus medicis obiter legebant, in staphylomate, quod ruptis membranis enatum sit, uveam interdum per corneam ruptam, in ejus nempe sinum, procidere.

III.

[π] De nat. deor. lib. II.

[ρ] Loc. cit. art. 13. Κορνειάμ *Ruso Ephesio* de appellat. part. C. H. lib. I. cap. 5. & isagoges ac definitionum medicar. auctori cornea est, quod si *Ingrassias* loc. cit. p. 298. perpendisset, utriusque hujus libelli auctorem fortassis non reprehendisset.

[σ] De oculis tract. II. cap. 65.

[τ] Ibid. cap. 60.

[υ] Ibid. cap. 66.

[Φ] Loc. comm. med. lib. IX. cap. 15.

[χ] Chirurg. part. II. cap. 2.

[ψ] Liliū medic. part. III. rubr. 3.

[ω] Philon. pharmaceut. & chirurg. lib. II. cap. 17.

III.

Jam vero, ut quæ de natura morbi dicenda sunt, facilius in notitiam veniant, sedes ejus in conspectum quemdam adducam. Cornea igitur, quæ ^{Corneæ-structura, & uveæ tunica posita ostenditur.} etiam, cum *Celfo*, summa tunica adpellari posset [α], paullo minoris sphaeræ, quam qualem ipse oculus refert, aut potius elliptici corporis, segmentum est [β]. Eique duriorē tunicam jam olim *Brissseau* præcipue [γ] ita junctam esse ostendit, ut cum ipsi fere, ut squamæ adsimilatum, os parietali, insideat, in averfa seu interiore facie, amplioribus terminis ac verò circulo, circumscribatur. Tamen id vere tantum in superiore inferioreque parte est, quo corneam ellipticam esse necesse est. Qua vero parte sclerotica tenuata incumbit, cornea plane perlucens esse; nisi in senibus, non desinit. In iisque lunulas, à *Morgagnio* memoratas, facit [δ]. Nolo jam de numero lamellarum hujus tunicæ disputare; cujus vel à natura non videtur eadem ex toto crassities esse. Id tamen omittere non possum, eam, ut ab aliis, à vicinis membranis profectis, vestiatur, ita ab una aliqua tenuissima succingi. Atque hæc quidem ad uveæ adversam faciem, iridem nominant, pertinet [ϵ]. Illarum cum duæ sint, interior cum conjunctiva cohaeret, quæ non procul à cornea, cellulosa quasi substantia dimissa, scleroticæ sensim arctius, & proxime ad corneam, tam arcte jungitur, ut sine multo labore, integra separari, & quomodo corneam cingat, ostendi non possit. Et propter hunc nexum, conjunctiva in chemosi ac venerea ophthalmia vehementer intumescit, nec raro rumpitur. Est vero in corneæ loco, plane ut hæc ipsa, pellucida. Altera, quæ exterior est, ab epidermide provenit, quæ ad palpebrarum marginem, ut ad labia, urethræ ostium, similesque alias partes, tenuata paullulum, pellucidiorque facta, introrsum flectitur, & conjunctivam ex toto vestit. Neque vero id unquam invenire potui, quod nonnulli proposuerunt, quatuor rectorum musculorum aponeuroses, quas non paucos, sine ulla causa contendere video, peculiarem aliquam, albugineam dictam, tunicam constituere, ad corneæ fabricam aliquid conferre, quin semper potius in sclerotica, etsi prope à cornea, sic terminari vidi, ut nulla arte integræ separari possent. Et corneæ quidem sua vascula esse, etsi sanguinem non vehentia, manifestum est; neque fere dubitari potest, ea tum sub illa, à conjunctiva pro-

[α] Sciendum tamen est, quam solet summam tunicam vocare, corneam cum sclerotica, esse. Præterea oculum duas summas tunicas habere ait, corneam & choroideam. Vide lib. VII. cap. 7. art. 13.

[β] Vide hoc accuratius determinantem *Petitum* in comm. Acad. Reg. Sc. Par. 1728. p. 418. éd. Amst. Vide etiam animadversionem Cl. *Morgagni* Epist. XVI. §. 28.

[γ] *Traité de la Cataracte* p. 9.

[δ] Loc. cit.

[ϵ] *Morgagnius* se hanc membranulam in molosso cane vidisse scribit, in homine non, loc. cit. §. 29.

proveniente, lamina, procedere, tum inter hanc atque summam, ab epidermide profectam, terminari, quorum hoc per pustulas, græci *Φλυκταίνες* vocant, quibus ad probandum *Porterfieldius* [5] usus est, videtur ostendi posse, id vero per lymphaticum succum, inter corneæ lamellas effusum, quem morbum albuginem cum St. *Wesio* [6] nominamus, magis per sanguineas inflammationes manifestum est. Facit quoque ad rem nosse, corneam non, nisi per aqueum humorem, qui subest, attolli, ac tendi, neque in ea utrinque vascula tantum, verum etiam ampliores vias patere, per quas, ut in morientibus, atque post mortem, aqueus humor exit, & cornea flaccescit, sic aqua, in quam oculus coniectus fuit, vacuum locum subit, corneamque iterum attollit. Huic alia tunica subtenfa est, quæ duriori, proxime ad corneam, juncta, rotundo foramine, quod hodie pupillam vocant, concava, uvea vulgo nominatur. Eaque tota plana [7] à temporum parte, qua paulo latior est [8], duas fere lineas æquat, à cornea, ubi maxime, dimidiam lineam distat, atque, in averfa parte, plicas habet, quæ, in circulum positæ, illis tunicis inhærescunt, quæ vitreum humorem ac lentem crystallinam includunt. Tenuem hanc tunicam esse, seque ita movendi facultatem habere, ut plana manens, quod media parte foramen est, modo angustet, modo ampliet, parum attinet dicere.

I V.

Uvea pro-
cidencia
exponitur
staphylo-
matis na-
tura de-
claratur.

His igitur morbi sedibus ostensis, ad hunc ipsum redeamus, quem cum supra dictum sit evenire, si cornea attollatur, de illo staphylomatis genere, quod uveæ procidentiam nominare malim, non nisi ita dicam, ut, quam male hoc fuerit cum vero staphylomate confusum, manifestum fiat. Itaque staphylomatè aliquem laborare sciendum est, in cujus oculis altera cornea, sive tota, sive ex parte, magis quam altera, prominet. Fere autem frequentius accidit, ut cui pars quædam corneæ in tumorem levetur, quam tota. Idque per causas staphylomatis manifestum erit. Oportet tamen cum hoc pustulas non confundi, præcipue paullo altius corneæ insidentes, quæ inter abscessus, &, si apertæ sunt, inter ulcera referri debent, & staphylomati nonnunquam occasionem adferunt. Alius morbus est, quem distinguere à staphylomate interdum non solent, sub quo tota cornea attolli videtur. Tunica, quæ, à conjunctiva profecta, corneæ innascitur, interdum intumescit, & corneam paullulum attollit. Eam tamen nunquam totam corneam levasse vidi, semper fere albidam, nonnunquam vasculis interstinctam, crassam neque pellucidam, neque in cornea tantum, verum etiam in scleroticæ finibus, tumidam. Staphyloma autem inter hernias referendum esse existimo, cum in ejus sinum, ex membranulis corneæ vel laxatis, vel ruptis or-

tum,

[5] Med. Essays of Edimb. vol. III. p. 162.

[6] Traité. des malad. des yeux part. II. lib. II. cap. 12.

[7] Vid. *Petitum* loc. cit. 1728. p. 295. sqq.

[8] Conf. *Winslow* V. C. in comm. Ac. Sc. Par. 1721. p. 423.

tum, quæ subest, aqua irrumpat. Quam, quia illæ, ut plurimum tenuiores factæ, membranulæ, fere ut acini membranæ succum vinosum, includunt, in eaque pariter atque in hoc, non raro quasi striæ quædam [α] crassioresque particulæ adparent, non sine causâ, videntur græci hunc morbum *σταφύλωμα* nominasse. Cum vero corneæ, præter aqueum humorem, uvea quoque tunica subsit, fortassis hæc etiam in illum corneæ sinum irrumpet, indeque *Paulus* illique omnes excusari poterunt, qui, per corneam ruptam, uveam procidere scripserunt. Quamvis vero ex Arabibus & barbaris medicis aliquot de hoc morbo sic dixerint, ut an corneam ita rumpi voluerint, ut uvea per ejus vulnus exeat, dubitari possit; tamen à *Paulo* data staphylomatis descriptio nimis clara est, quam ut eam aliter, ac superiore aliquo loco fecimus, (II.) interpretari liceat. Quare de altero illo staphylomatis genere dicamus ante, quam de uveæ in corneæ sinum procidentia videamus. Atque uveam, in plus quam ducentis exemplis, neque per sectam aut laceratam, neque per exesam ruptamque corneam, me unquam vere elapsam vidisse memini. Quod quamvis equidem ita accipi nolim, ac si tot priscorum æque ac recentiorum temporum medicos deceptos fuisse existimarem, & ejusmodi uveæ procidentiam in fictorum morborum numero habendam esse, tamen eam inter rarissimas adfectiones referre non dubito. Neque ex *Antonii*, tanquam unius ex præstantissimis oculariis medicis, exemplo improbabile esse videtur, staphylomata in univsum parum attente inspecta, accurateque tractata fuisse, cum se *Antonius* scribat, non nisi semel staphylomatis curationem suscepisse [β], cujus etiam, apud omnes chirurgicarum observationum scriptores, nullum satis idoneum exemplum occurrit. Deinde talem ab omnibus morbi hujus descriptionem datam fuisse invenio, curationemque propositam, quæ corneæ potius tumori aut herniæ, quam uveæ procidentiae conveniat. Ut enim uveam tantisper per vulnus aut ulcus corneæ elabi ponamus, quis eam sine summo dolore, vehementissimaque inflammatione premi à cornea adducique posse, crediderit? in quam omnes ciliares nervi terminantur, quæ tam acuti sensus est, ut, ad levissimum quemque luminis accessum moveatur, inflammataque insanire interdum hominem faciat. Tamen horum apud plerosque auctores nulla fere mentio fit. Eosque verisimillimum est, horum malorum nullum vidisse, quod factæ illi uveæ procidentiae supervenerit. Nam præter hoc, quod nullum auxilii genus propositum reperitur, quo ejusmodi adfectibus quasi oppressis succurri possit, ea potius medicamenta commendata fuerunt, quæ, vel in quavis alia parte corporis, non levem dolorem, inflammationemque movere debent; de quo, si adu-

P p p 2

rentia

[α] An hæc fortassis eadem ac illæ lineæ, quas *Petitus* loc. cit. 1726. p. 99. & *Morgagnius* loc. cit. §. 28. observavit?

[β] *Traité des maladies de l'œil. Part. II. cap. 18. p. 449.*

rentia nominavero, nemo facile dubitabit [γ]. Neque mitior aptiorque illa curatio futura est, quam propemodum omnes ita instituere jusserunt, ut elapsa uveæ pars vel lino injecto vinciatur, quod ipsam emori, & abscedere faciat, vel ligata, saltem ex parte, etiam præcidatur [δ]. Ut enim de dolore summo non dicam, quem lino injecto excitari necesse est, non tam tolli malum, quam insanabile hac curandi ratione fieri debet, quæ, præterquam quod non restituat uveam, etiam adnasci corneæ in vulnere ulcereque facit. Accedit ad hæc, uveam ita procidere exireque poni, ut non solum muscæ caput, verum etiam uvæ acinum [ε] & pomum ipsum [ς] referat; quæ tanta magnitudo est, ut incomprehensibile esse videatur, potuisse aliquem, qui vel semel uveam in oculo humano viderit, ejus generis tumores pro uveæ vitiis habere. Et parum abest, ut hanc tunicam negem, posse, sive per vulnus corneæ, sive per ulcus, procidere. Utque primum de vulnere dicam, etsi uvea tam lata est, & tam parum à cornea, præcipue, aqueo humore effuso, collapsa distat, ut vulnus facile contingere possit, nulla tamen videtur causa esse, per quam per vulnus exire debeat. Quod quam parum in cornea hiare soleat, ut non dicam, quia ex unguis, & hypopyi curatione manifestum est, uveam tamen sciendum est, non per aqueum humorem impelli, à quo alias lenti videretur adprimi debere, verum se ipsam sustinere, aut si etiam ab aqueo facile impelli posset, hoc tamen, propter ejus foramen, pupillam vocant, vix fieri; corneam vero uveam, non, ut abdominis musculos atque peritonæum intestina, includere, ut quemadmodum hæc, illis incisis, ita uvea debeat, cornea dissecta, erumpere. Sed hoc equidem amplius urgere nolo; quod fortassis per latius vulnus, aqueo humore uno impetu effluente, simul quasi effundi possit. Contra per ulcus corneæ uveam procidere posse, parum mihi probabilis res visa est. Cornea enim si quando subito ex ulcere rumpitur, uvea, per inflammationem prægressam, destructa, humoresque oculi soluti confusique inveniuntur ita, ut vitreum humorem, cum retinæ particula, exiisse viderim, uveam nunquam. Et hæc quidem ad cele-

[γ] *Galenus* cantharidum succum illinere jubet de compos. med. sec. loc. lib. IV. cap. 8. in quo ipsum *Nonus* sequitur de partic. morb. curat. cap. LVII. & *Actuarius* loc. cit. lib. VI. cap. 5. *Alexander* medicamentum commendat, quod chalcitidem habet, lib. II. cap. 6. p. 153. neque æs ustum, cadmia, &, quæ exedunt corpus, alia ab iis collyriis absunt, quorum usum *Paulus Aegineta* suadet lib. III. cap. 22. pariter ac *Guido de Cauliaco* & *Valescius de Taranta* loc. cit.

[δ] Hæc curatio videtur & *Aetio* placuisse, dum eam adversus omnia staphylomata proponit loc. cit. cap. 35. Apertius ligaturam vel cum vel sine sectione, commendarunt *Albucasis* loc. cit. *Jesus Hali* filius loc. cit. cap. 65. & *Guido* loc. cit. *Valescius de Taranta* loc. cit. non improbat, suadet etiam *Brunus* chirurg. magn. lib. II. cap. 7. ac recentiores pene omnes.

[ε] Vid. *Paulus* lib. III. cap. 22. *Actuarius* loc. cit. lib. II. cap. 7. *Avicenna*, barbari fere omnes, & ex recentioribus non pauci.

[ς] Conf. *Paulus* & *Actuarius* loc. cit. Quam hi cum pomo, *Avicenna* videtur cum vesica comparare.

celerem inflammationem, indeque ortam corneæ ruptionem spectant. Alia ulcerum ratio est, in quibus, exterioribus aliquot corneæ laminis exesis, reliquæ laxantur, & in tumorem sublatæ non, nisi post aliquot interdum menses, solvi potius videntur, quam rumpi. Per quod ulcus, cum vero staphylomate conjunctum, si uveam dixerò, minus facile, quam per vulnus exire posse, eos omnes mihi adsensuros esse spero, qui, quæ paullo ante contra vulnus argumenta prolata sunt, spatiumque uveam corneamque, in tumorem sublatam, intercedens, diligenter expenderit. Ex iisque uveam tunicam consequitur, ne quidem in corneæ laxatæ sinum posse procedere, nisi vel multum laxata fuerit, vel ad summam illam tunicam adducta; quod probabiliter per hanc ipsam fieri, in duobus hominibus instituta, experimenta me docuerunt. Corneæ enim, cum aliqua simul laxatæ sublatæque scleroticæ parte, excisæ sinui uvea adhærebat, quæ tumida & quasi carnea facta ab altera parte cum lente crystallina coaluerat. Iique homines diros antea cruciatus passi fuerant; per quos, cum humor continuo in oculos destillaret, ita fortassis uvea quoque laxata fuit, ut se versus corneam inclinaret. Quo tamen neque *Celsus* [ζ] illustrari posse crediderim, qui summam tunicam, siue ruptis intus membranis aliquibus, siue laxatis, attolli scribit, neque *Paulum* [η], qui idem fieri habet, cornea simul cum uvea laxata. Quis enim inter utramque nexus est? Et quis corneæ crediderit ab uvea, aliquantum distante, posse aliquod robur accedere? Quare, nisi *Celsus* hoc loco per summam tunicam non corneam, sed scleroticam intellexerit, vel, quæ de membranis ruptis aut laxatis habet, glossæ fuerint, erunt sine dubio, per illas interiores membranas, corneæ tunice lamellæ intelligendæ; quam expositionem, superiore aliquo loco, (II.) tum *Galenii*, tum definitionum medicarum & isagogæ auctoris descriptione confirmavimus. Ad *Pauli* vero excusationem, qui uveam non tam procidere scripsit, quam per corneam, vulnere ulcereve ruptam, ita exire, ut variæ magnitudinis colorisque tumores formet, nihil fere videtur adferri posse. Quare, ut ad propositum meum redeam, si uveæ aliquam procidentiam esse, fatendum est, quæ mihi videtur à myocephalo veterum non diversa esse, quæcumque veteres pariter ac recentiorum temporum medici de uvea, ita per corneæ vulnus aut ulcus erumpente, scripserunt, ut tumor uvæ acinum vel pomum æquet, ea quidem puto omnia debere ad verum staphyloma referri, cujus ut figura perquam varia est, sic etiam magnitudo. Nam si cornea tantum ex parte attollitur, siue unus, siue duo tumores sint, interdum muscæ caput, aliquando passulam minorem coctam æquat. Frequentius tota tunica sublatæ ad uvæ acini magnitudinem accedit, nonnunquam ita tumor increfcit, ut, sclerotica simul tantillum sublatæ, contegi à palpebris non possit. De reliqua staphylomatum varietate dicam; ubi prius eorum causas exposuero. Qui vero ex

[ζ] Loc. cit.

[η] Lib. VI. cap. 19.

recentioribus medicis hanc mecum sententiam plane teneat, invenio neminem. Invenio tamen, qui præter id staphylomatis genus, quod secundum eos, quorum *Aëtius* meminit, in vera uveæ procidentia consistit, quodque definitionum medicarum & isagogæ auctores, ut distinctum à staphylomate morbum, descripserunt, ac *μυοκέφαλον* nominarunt, & id admittunt, quod quasi hernia corneæ, aut aneurysma est. Ex quibus *Ingrassiam* [θ], *Fabricium ab Aquapendente* [ι], *Theveninum* [κ], *Antonium* [λ], *Heisterum* [μ] & *Col de Vilars* [ν] nominasse sufficiat. Imo sunt etiam, qui, non nisi hunc morbum, staphyloma adpellant, in cuius tamen sinum uvea interdum procidat. Ex quorum numero à *Vega* [ξ] est, *Paræus* [ο], *Vidius* [π], *Scacchus* [ρ], *Purmannus* [σ], *Verduccius* [τ], *Woolhousius* [υ] & *St. Yvesius* [φ].

V.

Per quas
causas,
& qua
ratione,
staphylo-
mata ex-
citantur
declara-
tur.

In staphylomate vero etsi corneam, ut in omnibus herniis peritonæum, diduci atque multum distendi, fere perpetuum est; tamen, sive intus sive extus, propemodum semper ex ejus membranulis aliquæ simul ruptæ esse inveniuntur. Et hoc quidem frequentius in exterioribus incidere, in staphylomate laborantium corneis excisis, capta experimenta me docuerunt; quibus sive ruptis, sive excisis, interiores aqueo humori cedunt atque laxantur. Raro cornea vulneratur, atque percutitur, quin, si oculus non rumpitur, ejusque humores effunduntur, staphyloma eveniat. Oculus enim telo obtuso læsus propemodum semper perditur. Contra non pauca mihi, præcipue feminarum exempla innotuerunt, in quibus cornea tunica, cultri vel forficis apice, quo ad vestimentorum nodos resolvendos paullo negligentius utebantur, quasi aberrando, in oculum illapso, lacerata in tumorem sub lata fuit. Quem tamen nunquam protinus exortum vidi, aut facile minorem factum, quam qui totam corneam occuparet.

Solet

[θ] Loc. cit. p. 299.

[ι] Operat. chirurg. p. 25. éd. pat. 1641. fol.

[κ] Operat. de chirurg. cap. 103.

[λ] Loc. cit. part. II. cap. 18. p. 443. sq.

[μ] Institut. chirurg. Tom. I. p. 626.

[ν] Dictionaire med. chirurg.

[ξ] Art. medend. lib. III. sect. II. cap. 7.

[ο] Oper. lib. XVI. cap. 16.

[π] De curat. membr. lib. IV. cap. 1.

[ρ] Subsid. medic. lib. I cap. 21.

[σ] Chirurg. lib. I. cap. 16. p. 132.

[τ] Operat. de chirurg. Tom. II. cap. 8. art. 4.

[υ] Differt. ophthalm. p. 340.

[φ] Loc. cit. p. 230. sq. monendum etiam est, *Doleum*, postquam varie illa procidentiae uveæ genera ex *Paulo* recensuit, esse illa probabiliter fragmenta veterum addere. Encyclop. chir. lib. I. cap. 12.

Solet is etiam frequentissime inæqualis esse, atque tam tenuis, pellucidusque, ut non, nisi filis quasi quibusdam, aut fibris huc illuc ductis, firmari, & paulum obscurari videatur. Neque ab hoc tumore probabiliter diversus fuerit, quem veterum medicorum aliquis primus staphyloma nominavit. Cum uvæ enim maturioris acino, ex reliquis, vel totius oculi, tumoribus nullus est, qui, sive magnitudinem spectes, sive summam aqueum includentis tunicæ tenuitatem, hoc ipso, aptius comparari queat. Videtur hoc staphylomatis genus id esse, quod, cum *Vega*, (α) plerique corneæ ruptionem nominarunt, & quod, cum alterum totum album esset, lividum aut subnigrum colorem habere posuerunt. Longe frequentius esse id staphyloma solet, quod ex ulcere nascitur, quod corneam rodit & exest. Nolo jam omnem de ulceribus corneæ doctrinam exhaustire, in qua multa parum clara sunt. Solent autem vel ex humida lippitudine oriri, vel inflammationem sequi, quæ corneam ipsam nonnunquam infestat. Frequentius tamen humida ophthalmia non per se ulcera facit, sed si ea superhabita fuerunt, quæ cum falsæ lacrymæ, aut acrioris pituitæ fluxum concitare possunt, tum eam promanare libere ex oculo non sinunt; quod fere per omnia collyria efficitur, si protinus post primum mali impetum, & frigidiuscula adhibentur. Quæ, ex hac causa, in cornea ulcera nascuntur, quia non nisi summam ejus tunicam rodunt, raro tardiusque staphyloma faciunt. Neque fere facere solent, nisi diutius neglecta vel male curata. Alia eorum ulcerum ratio est, quæ, sive ex pustulis, in summa corneæ tunica natis, fiunt, sive ex abscessibus, altius insidentibus, atque ungue. Quæ cum corneam brevi tempore profundius rodant, & exedant, cedere eam aqueo humori oportet, laxatamque in tumorem attolli. Quapropter frequens hoc malum pueris esse solet, quorum corneæ, dum variolis laborabant, pustula insedit, præcipue si, quod nostris mulierculis in more est, oculum variis medicaminibus inunxerunt. Neque ungue, per acum vel scalpellum, curata staphyloma nascitur, nisi summis corneæ membranulis latius incisus, ac nimium laxatis. Parum etiam ab hac causa hypopyi curatio differt, & quæ cicatricibus per acum adhiberi solet, si ea paullo altius demissa, & cornea vexata, neque vulnus satis cito, ac firma cicatrice clausum fuit. Cui rei vel abdominis vulnera fidem facere possent, quæ non raro ventris hernia consequitur. His ipsis diebus etiam puellam vidi, in cujus cornea staphyloma per exedentia medicamenta natum fuit, quæ agyrta, ad extenuandam cicatricem, negligentius adhibuerat. Quæ ex his causis staphylomata fiunt, cum perraro totam corneam occupent, vix unquam solent ad acini magnitudinem accedere. Occupant vero utplurimum illa, quæ chemosin non perfecte solutam sequuntur, si adnatam, etiam qua parte corneæ inhærere incipit, tenet. Suppurata enim propemodum semper oculum potius rumpit, quam corneam laxat, & in tumorem attollit. Neque fere minora esse solent, quæ

sine

sine ulcere vel vulnere , per solam corneæ laxationem , eveniunt. Emolliunt vero eam turgidamque faciunt , cum qui in diuturna , sed minus vehementi , inflammatione humores manant , tum aquosa , nimiumque tepida collyria atque fomenta. Neque albuginem improbabile est , corneæ membranas sensim laxare posse. Sed hæc staphylomata , ut corneam parum levant , sic quoque rariora sunt.

V I.

Per quas causas , & quaratione, staphylomata exci- tentur , declaratur. Varietas igitur staphylomatum permagna est. Ut omittam , quæ jam de causis , causis retuli , sunt alia cum diversis aliis oculorum adfectibus conjuncta , alia non. Quæ ex ulcere fiunt , non raro exulcerata manent , donec vel sponte rumpantur , vel sectione tollantur. Ab his vero , pariter ac ab illis , quæ ex vulnere nata sunt , acerbissimus dolor , sive perpetuus , sive per intervalla , & secundum tempestatum mutationes , rediens , pariter ac vigiliæ , sæpe non absunt. Neque id etiam sine his malis est , cum quo ophthalmia conjuncta est , interdum mitior , raro perfecte cessans. Quæ ex his vetusta sunt , per ea interiores oculi partes ut plurimum destructæ , & humores soluti sunt. Vidi etiam pterygia & pannos ex inflammatione natos , qui cum staphylomate cohærebant. Neque infrequens vitium crassa cicatrix esse solet , quæ summam corneæ levatæ tunicas constrictas tenet , & staphylomata crescere non finit. Quæ interdum cum staphylomate conjuncta sunt , pupillæ etiam , inæqualiter vel contractæ , vel diffusæ immobilitas , aut tremor , ea , ut nonnunquam ex staphylomate nascantur , solent tamen etiam ab aliis causis proficisci. *Covillard* [α] staphyloma vidit , atque curavit , cum magno ectropio conjunctum. Aciem vero staphylomata semper hebetant , frequentius corrumpunt , quod , ubi de curatione quaeritur , animadversionem desiderat. Refert etiam scire , an recens natum , an vetus staphyloma sit , atque si nuper ortum , an brevi tempore multum increverit , an parum. Ut plurimum parum crescere solent , quæ ex adnatæ ulcere orta , cum pterygio aut panno conjuncta sunt , vel cicatricem habent. Aliorum quoque albus vel albicans color est , aliorum lividus aut subniger ; quorum hæc fere magna ac pellucencia esse solent , illa contra parva. Alba tamen tantum non omnia corneam fere totam occupant , ex perlucetibus non pauca corneæ inhærentem passulam minorem æquant. Sunt hæc ex eorum genere , quæ ex inflammatione vel pustula fiunt. Quæ albicantia esse dixi , pariter ac alba , nonnunquam ex parte , pellucentem tunicam habent , & , qua durior oculi membrana finitur , subrubram. Is albus color non semper à cicatrice est , neque hæc exulcerato staphylomati semper inducta , etsi ut plurimum. Quæ contra perlucentem membranam habent , ea fere exulcerata sunt. Et quamvis omnium rotunda figura sit , alia tamen majoris sphaeræ partes sunt , alia longius & quasi in conum pro-

[α] Observ. Jatrochirurg. XXVIII.

producta, cujus rotundulus apex sit. Neque vero videtur illud oculorum vitium huc referri posse, de quo peculiaris est *Burgmanni* ad *Laurentium Heisterum* V. C. Epistola. Nam is homo omnes oculorum tunicas laxatas & elongatas habuit, ut morbus adeo ad procidentiam potius oculi, quam staphyloma, videretur referendus esse. Fuit tamen à celebribus oculariis medicis *Antonio* [β] & *St. Yves* [γ] inter staphylomata relatus etiam is tumor, in quem durior nonnunquam oculi tunica attollitur, quam cum *Celsus* simul cum cornea, summam tunicam nominet, à vero proximum est, neque antiquos medicos hæc duo vitia distinxisse. Nolim autem mihi objici, corneam tunicam debere olim à duriore distinctam fuisse, quam vel *Celso* priores græci *κερατοειδέα* tunicam nominasse inveniuntur. Nam quod *Celsus* [δ] hanc corneam tunicam scribit, qua parte alba sit, satis crassam esse, pupillæ loco extenuari, quid potest planius esse hoc, veteres totam superiorem tunicam, cujus albam partem juniores scleroticam, perlucen-tem corneam seorsim dixerunt, *κερατοειδέα* nominasse, quod, si opus es- set, posset *Galenus* [ε] etiam & *Magogus* auctoris [ς] auctoritate confir- mari. Neque dubitari potest, durioris membranæ, herniis non absimiles, tumores veteribus inter staphylomata relatos fuisse; saltem clavi, qui *Celso* [ζ] in albo oculi orta tubercula sunt, ab *Aëtio* [η] *Paulo* [θ] & re- liquis fere omnibus, etsi non eodem modo, tamquam staphylomatum ali- quod genus, describuntur. *Pauli* enim procidentias à staphylomatibus di- versas non esse, superiore aliquo loco ostendimus. Durioris autem mem- branæ staphylomata tum propter densitatem firmitatemque hujus membra- næ rariora sunt, tum propter adnatam & musculos, quibus vestita est, & choroidem ac retinam, quibus succincta. Oportet etiam medicos sibi ca- vere, ne omnis generis tumores inter staphylomata referant, qui in du- riore membrana fiunt; quemadmodum contra videtur veteribus medicis accidisse, ut, si non, durioris, saltem perlucens seu corneæ membranæ staphylomata exulcerata, gravissimosque dolores moventia, carcinomata nominarent. His omnibus denique id herniæ genus accenseamus, quod *S. Yves* videre contigit, quodque ex sclerotica, prope corneam, rupta & ad- nata laxata, ortum est, in cujus sinum humor aqueus irrupit.

§. VII.

[β] loc. cit. p. 445.

[γ] loc. cit. p. 213. His auctoribus etiam *Heisterus* V. C. accedit loc. p. 626.

[δ] Lib. VII. c. 7. art. 13.

[ε] de Usu Part. Lib. X. c. 3.

[ς] Cap. X.

[ζ] loc. cit. art. 12.

[η] loc. cit. cap. 34.

[θ] Lib. III. cap. 22.

[ι] loc. cit. p. 231. sq.

V I I.

Recensentur, quæ in staphylomate, ejusque curatione vel spem vel periculum ostendunt.

Non omnia staphylomata cum visui, tum vitæ æque multum nocent. Minimum periculi habent, quæ tantum exiguam aliquam corneæ partem occupant, præcipue si non in ipso pupillæ loco sunt. Oportet tamen inflammationem abesse, per quam acies facile corrumpitur. Staphyloma enim & per se, & ubi ablatum est, quod perquam facile fit, per cicatricem factam, visui parum officit. Neglectum vero, quia videtur aciem parum lædere, frequentes ophthalmias concitat, quæ si oculi interiora occupant, videndi facultatem tollunt, si in exterioribus subsistunt, vel crescere staphylomata faciunt, vel in ulcus malignum mutant, aliquando & oculum rumpunt. Alia majorum ratio est, quorum quæ alba sunt, ut plurimum omnem aciem corrumpunt, neque facile curationem admittunt, qua oculo integritas, & videndi facultas restituatur. Sinunt tamen hominem fere sine alio periculo, immo fere sine molestia esse, nisi si adnata simul levata est, qua corneæ innascitur. Tali enim staphylomati venæ ampliatae, & inflammatio, interdum quoque unguis aut pterygium & pannus supervenire solent. Quod igitur per se prorsus intactum relinqui posset, id oportet interdum, majoris mali metu, etiam ferro tolli. In hoc solo auxilium inveniunt, quibus cornea tantum in tumorem levata est, ut con- tegi palpebris non possit. Pressus enim & medicamentis superhabitis vexatus oculus vehementissima potest & lethali inflammatione corripí. Ut vero curatio, quæ per ferrum fit, omitti in aliis hujus generis tumoribus debeat, in hoc tamen ne quidem potest. Est enim propemodum semper cum inflammatione & ulcere, ac si sclerotica simul in tumorem attolli incipit, cum immani adeo dolore conjunctum, ut æger somnum capere non possit, ac, febre accensa, nonnunquam insanire incipiat. Si per se mitius malum est, possunt tamen hæc omnia per cilia excitari, quæ apicem tumoris continuo vexant. Fit etiam interdum, ut oculus rumpatur, ex quo fere immedicabile carcinoma nasci solet. Inter hæc vero, quia cornea perlucens manet, aliquis luminis sensus est, quod tamen ægro spem nullam sanationis veræ perfectæque facere potest. Protinus potius ad scalpelli curationem decurrendum est, ut ab altero oculo noxa avertatur, quam solet humorum destillatio facere. Majus autem certiusque adversus omnia fere staphylomata, in manu, quam in medicamentis, præsidium est. Utraque visum aliquando ex parte restituunt, manus & ferrum ut plurimum tollit. Neque cum utraque curatione nihil periculi conjunctum est, in primis si oculum antea longa tædiique plena lippitudo tenuit, aut mali habitus corpus, & vitium in humidis est, ut venerea lues, cacochymia, scorbutus. In his satius est curationem differre, donec expurgatum corpus fuerit. Aliquid etiam ad curationem confert, quæ per medicamenta fit, tempus, cujus ratione staphyloma vel vetus vel recens esse solet. Vana autem opinio est, tum eorum

eorum, qui, quousque medicamentis pugnari debeat, tempore definire volunt, tum qui manum scalpellumque vel omni paulo majori staphylomati admove-
re.

V I I I.

Quibus igitur oculus staphylomate tumet, non uno modo succurritur. *Curatio*
Invenio prope omnes tantam habere in medicamentis fiduciam positam, *staphylo-*
ut ea in omni staphylomate tentare præcipiant, modo id vetustatem non *matum,*
habeat. Scribunt autem multum proficere, quibus siccandi adstringendi *quæ per*
que vis sit, neque ex horum numero acriora eximunt. Nolo hic plenius *medica-*
exponere, quæ in veterum scriptis, adversus hoc morbi genus, medica-
menta laudantur. Fuit enim de his alio jam loco (IV.) expositum. Ex
iis autem, quæ recentiores medici proposuerunt, huc pertinere existimo
ligni sancti fructus immaturos contusos, & oculo impositos, quos *Fabri-*
cus ab Aquapendente commendat, (α) fomenta illa atque collyria à *Plem-*
pio laudata, (β) pariter ac ab *Antonio* (γ) & à *Cl. Heistero* (δ) pro-
positam aquam, quæ alumen exceptit. Quod medentium consilium nolim
tirones temere arripiant. Tutum enim non esse videtur, si inflammatio
oculum tenet, sive fecerit staphyloma, sive etiam supervenerit. Minimum
hanc prius profligari oportet. Sed hæc medicamenta in universum & iis
parum conveniunt, quorum oculos inflammatio jam sæpius infestavit, &
quibus staphylomatis tunica tenuissimæ sunt vel etiam ruptæ. Neque de-
mum utilia esse adversus illa staphylomata queunt, quæ, parum elata,
crassas & albas tunicas habent, quæ fere semper sicæ sunt. Ut enim ejus-
modi staphylomata tolli possent, summas tunicas extenuari oporteret, in-
teriores, quæ laxatæ levatæque sunt, contra adstringi. Sed ne illis exte-
nuatis, hæc multo magis laxentur, non vanum metum esse, scire licet ex
iis, quæ de causis staphylomatum dicta sunt. (V.) Ut vero posse medi-
camenta in reliquis hujus mali generibus aliquem usum habere non negem,
tamen ea, nisi quæ aliquam tantum partem cornæ occupant, & quæ ve-
teres videntur *μυοκεφάλος* nominasse, superhabere adhuc non volui, ne-
que adhibita ab aliis cum fructu vidi. Mihi autem usus ostendit, tutissi-
mam huic staphylomatis generi medendi rationem esse, quam à celebri a-
pud Parisienses oculario medico *S. Yves* accepi, quo olim in oculorum ad-
fectibus medendi arte præceptore usus sum. Oportet summo staphylomati
lapidem admove-
re, cui ab inferno nomen est, idque iterum & tertio, sed
manu admodum temperata, facere. Et hoc quidem tanta moderatione per-
agendum est, ut cum ab oculo, tum etiam à palpebris, omnis noxa a-
ver-

[α] loc. cit. p. 25.

[β] Ophthalmogr. Lib. V. cap. 22.

[γ] loc. cit. p. 446.

[δ] loc. cit.

vertatur. Quapropter hæ manu diducendæ sunt , & æger jubendus , ut , quantum fieri potest , figat oculum. Et quo hæ partes omnino tutæ præstentur , & cum dolor , tum omnis inflammationis metus avertatur , commodissimum est vasculum vel aqua , vel lacte & aqua inter se mistis , tepidis , plenum ita oculo aliquandiu admoveere , ut summam ejus partem alluant. Per lapidem igitur , hac cum moderatione , staphylomati admotum , cum levis aliqua suppuratio moveatur , tunicis laxatis corneæ , se contrahendi occasio adfertur , ac tumor primo imminutus , exigua quadam cicatrice inducta , tandem totus tollitur. Dividi tamen hanc curationem oportet , & lapidem , ubi per triduum , quadriduumve , medicus conquievit , iterum & aliquando tertio , ad moveri. Inter hæc tutum non est , oculum devincire , quem à plena luce remotum esse sufficit. Neque corneam & palpebras in hoc malo inter se coalescere frequens est ; præstat tamen noctu tenerioris vesicæ frustulum , quod unguentum excepit , quale illud *Woolhousii* est , inter palpebras inferere. Ubi hoc unum supererat , ut ulcus cicatrice clauderetur , *S. Yves* aqua ophthalmica usus fuit , qualis rubra est , vel quæ lapidis divini & metallorum croci aliquot grana habet , quo tunicis corneæ plus roboris adderet. Fere commodius est , unguentum in oculum conjicere , quale *Woolhousii* est. Hæc curatio homini videndi facultatem propemodum plene reddit.

V I I I.

Quæ staphylomata per compressionem curari possint, declaratur, & quo ea modo fieri debeat.

Staphyloma cum hernia aut potius cum aneurysmate vero comparari posse , supra retuli. Potest igitur dubitari , annon etiam , ut hæc , compressione curari queat. Invenio hanc curandi rationem jam olim à *J E S U* filio *Hali* , [α] propositam fuisse , neque *Woolhousio* [β] displicuisse videtur , & *Heistero* V. C. probatur [γ]. Existimat etiam *de la Faye* [δ] , staphylomate laborantibus optime compressione succurri , etsi non aliud videtur hujus mali genus admittere , quam quod ex uveæ procidentia nascitur. In compressione autem adversus omnia staphylomatum genera , pariter ac adversus hernias & aneurysmata , præsidium non est , neque *Woolhousii* [ϵ] sententiæ possum accedere , qui ea compressione sanari posse , existimat , modo recentia sint. Valet autem aliquando compressio , cum in tollendo staphylomate , tum in ejus augmento reprimendo , quod , qui uti hoc auxilio volunt , sollicite distinguere debent. Vinci igitur ac tolli per compressionem aneurysmata non possunt , in quibus adeo laxatæ exte-

nua-

[α] loc. cit. cap. 60.

[β] loc. cit. Id enim repressio , repositio , reductio herniæ oculariæ videntur indicare , quarum meminit.

[γ] loc. cit.

[δ] Remarques sur *Dionis* Cours d'Oper. p. 547.

[ϵ] loc. cit.

nuatæque corneæ lamellæ sunt, ut proxime à ruptione absint; quæ dolent & inflammata sunt, aut corneam exulceratam habent, quæque occalluerunt. Ut hæc etiam compressionem tuto ferant, quæ oculo semper inimica est, tamen illa vel in carcinoma mutari possunt. Atque compressionem tutum auxilium esse, nisi ad ea staphylomata persananda, persuadere mihi non possum, quæ ex vulnere orta, quod telo acuto factum est, in parvo corneæ laxatæ tumore consistunt, vel ex ulcere nata, tamen pura, sine dolore, parva, & in puerili corpore sunt. Incrementum enim corporis, ut in aliis herniis sanandis, sic etiam in hac, permultum valet [5]. Neque alia eorum ratio est, quibus, ne nimis increcant, medentes fasciam injicere jubent. Excipienda enim esse, quæ vel cum humida lippitudine, vel cum acuta ophthalmia conjuncta sunt, & quæ palpebris contegi nequeunt, vix attinet dicere. Etiam inter exulcerata multa fasciam non ferunt, quæ adeo adversus omnia staphylomata in universum per se parum utilis est, cæteras curationes adjuvare potest. Neque id video ab iis plane neglectum esse, qui staphylomatum curationem per compressionem proposuerunt. Injici tamen fascia debet non ante, quam ubi ad cicatricem inducendam perventum est, sive perfectæ sanationis causa, tumor medicamentis aut filo, sectioneve sublatus fuerit, sive in eo, quod sanari non debeat, inflammatio vel alia mala profligata sint, vel ulcus purgatum. Illa, ut oculus tantum noctu devinctus sit, desiderant, hæc, ut etiam de die. Nunquam vero tutum esse, sciendum est, fasciam nudo staphylomati injicere, sed oculo palpebris contacto, inter quas tamen & oculum prius aliquid inferi oportet, ne inter se coalescant. Cornea enim lamina, qualem *de la Faye* [6] contra uveæ procidentiam laudat, ut staphyloma non iritet, ferri tamen diu, sine incommodo, non potest. Nihil expeditius est, illa machina, cujus icon apud *B. Platnerum* [7] est, modo ita adaptetur, ut non tam premat, quam tumorem contineat. Quapropter & aliam figuram habere debet, si tantum ad coercendum staphyloma imponitur, quod variam & figuram & magnitudinem habet. Nam difficillimum est, plumbeam laminam fascia ita adstringere, ut oculum non premat.

X.

Sed his quidem ut plurimum parum proficitur; quare malum, quod medicamentis, modicæque compressioni non cedit, manu curandum, & tumor, vel filo, vel scalpello ac forfice tollendus est. Ut prius de illo dicam, veteres invenio tantum non omnes à sectione abhorruisse propter

De curatione per linum, agitur, hoc, quod staphyloma-

Qqq 3

[5] *Woolbousius* ait, se omnes staphylomatis species, cum visus instauratione, in infantibus, aliisque omnibus, qui ad annos pubertatis nondum pervenerint, per compressionem curare. loc. cit. Sed hoc certe nimium est.

[6] loc. cit.

[7] Institut. Chirurg. Fig. XIII.

ti injiciendum est.

hoc, quod, cum aciem putarent restitui non posse, volebant tamen oculum servare, ex quo, scalpello adhibito, humores omnes effluere oportere, existimabant [α]. Fuerunt, qui staphyloma mori cogeant, flaccidumque decidere, filo, si staphylomatis radix angusta, sine acu injecto, & nodo sensim constricto [β]. Plures, ne linum, quo duplici utebantur, effugeret, cum eo acum, per imam medii staphylomatis partem, trajecerunt, ejusque duo capita ex superiore, alia duo ex inferiore parte, inter se adstrinxerunt [γ]. *Aëtius* [δ] & *Paulus* [ϵ], in magno tumore hæc sufficere non rati, jusserunt prius aliam acum, ad ipsas radices, per medium tumorem, ab inferiore parte versus superiorem, trajicere, tumque alia acu, duo lina ducente, versus angulos oculorum, transfluere, & quæ modo dicta sunt, peragere. Ut ex his tribus auxiliorum generibus primum utile sit, reliquis duobus parum tribuendum esse existimo. Nam quo magis staphyloma increvit, eo fere vehementius dolet, eo copiosior acriorque humor ad oculum destillat, quæ mala per linum exasperari oportet. Accedit, in magno vetustoque staphylomate, tam tenues corneæ lamellas esse, ut linum non paullatim secando, verum, protinus in ipsa curatione, tumorem excidat, per quod vulnus humores oculi omnes, etsi non sine periculo, effluent; nam quia vulnus paulo angustius est, inflammatio solet, ut plurimum vehementissima, supervenire. Vidi etiam staphyloma, quia æger impatiens erat, ab acu, dum trajiciebatur, laceratum fuisse. Quod fortassis enim *Aëtio* accidit, qui tenues acus commendat. Præter hæc accidit sæpius, ut uvea prolapsa interiori corneæ parti adhæreat, quæ filo simul constricta dolorem inflammationemque summam movere debet. Longe tutior commodiorque ea medendi via est, qua linum tumori simplex, & sine acu, injicitur, quæ tamen in parvis tantum staphylomata tuta est, & in quibus non tota cornea laxata est. Neque tamen hæc nimis parva esse oportet, aut saltem angustiore radice inhærere. Usus mihi ostendit, si paullo majus staphyloma sit, & tunicas non nimis extenuatas habeat, acu etiam duo lina ducente, tenuissimaque transflui posse, tumque ex utraque parte ligari. Lini vero capita, temperata admodum manu, inter se adstringi debere, sciendum est. Dum mordet filum, latatasque tunicas contrahit, inflammationem lenem movet, quam cum suppuratio sequi debeat, vulnus, quod à tumore paullatim exciso superest, sensim clauditur.

[α] Vid. *Aëtius* loc. cit. cap. 35. cum quo Græci & Arabes fere omnes sentiunt.

[β] Primus videtur hoc *Guido de Cauliaco* proposuisse loc. cit. saltem acus non meminit, deinde *Scacchus* loc. cit. p. 109. *Dionisius* Cours d'Operat. p. 546. ed. 1740. *Purmannus* loc. cit. p. 133. & *Antonius* loc. c. p. 450.

[γ] Hæc est altera earum curationum, quas *Celsus* memorat, loc. cit. art. II. & quam etiam, saltem si mediæ magnitudinis staphyloma sit, commendat *Fabricius ab Aquapendente* loc. cit. p. 26. *Theveninus* loc. cit. *Dionisius* loc. cit. aliique.

[δ] Loc. cit. cap. 35.

[ϵ] Lib. VI. cap. 19. Habet etiam *Albucasis* loc. cit.

ditur. Rarius fit, ut exigua quædam quasi fistula maneat, quæ tamen parum vel nihil nocere solet. Nam quod ex aqueo humore effluit, cum exiguum sit, cum lacrymis misceri solet, & ad nares profluere.

XI.

Supereſt, ut de ea curatione dicam, quæ ſcalpello peragitur. Ejusque tres *Varia per* modi eſſe inveniuntur, qui à medentibus propoſiti ſunt. Veteres, ut ex *Celſo* *Scalpel-* [α] patet, in ſumma parte ſtaphylomatis, ad lenticulæ magnitudinem, ex- *lum ſa-* cidebant, deinde exedentia medicamenta infricabant. Quod an recentiorum *cienda cu-* aliquis imitatus ſit, equidem nescio. Video autem cum olim *Aëtium* [β] & *Paulum* [γ] & ex Arabibus *Jesum Hali* filium [δ], tum ex noſtræ ſupe- *rationes* *propo-*rioriſque ætatis medicis aliquos [ϵ], ſtaphylomata, quæ latioreſ radicem *nuntur.* habent, primo acu linum ducente tranſſuiſſe, deinde apicem reſecaſſe, quo adeo ex duplici *Celſi* curatione unam fecerunt. Alterum tertiumque modum ex præcipuiſ noſtræ ætatis oculariis medicis unus, St. *Tves* propoſuit, quos, quales ab eo, qui jam Pariſiis hoc nomine celebris eſt, accepi, ſæpiuſque adhiberi vidi, quaſque & in hac urbe curationes perfeci, proxime deſcribam. Quartus parum ab eo differt, quo in hydrophthalmi curatione utimur. Eumque jam olim *Jesum Hali* filius propoſuiſſe videtur [ζ], & poſt eum *Theveninus* [ξ], ac *Dionisius* [η]. Primum igitur, quid de veterum illa curandi ratione ſentiendum ſit, dicam. Eam vero, ſi ſtaphylomata in univerſum conſidero, alteri illi, quam per ligaturam fieri debere volunt, præferendam eſſe exiſtimo, primum propter hoc, quod cum dolorem, tum inflammationem leniorem movere debet, deinde, quod non totam corneam tollit, ſed, ſumma tumoris parte exſecta, contrahere ſe reliquum facit, corneamque ad priſtinam formam redire; tandem, quod, quantum videndi facultatis ſupereſt, ſervare poteſt. Quomodo hæc curatio inſtituenda ſit, ſtatim aperiam, ubi prius de quarto quædam modo dixero. Videtur iſ cum ea curatione comparari poſſe, quam vulgo hydrocelæ adhibent, quæ tamen morbum non tollit, ſed ad tempus levat. Semper enim tumor rurfus adſurgere ſolet. Accedit, oculum ejuſmodi ſectionem minus, quam ſcrotum, ferre, etſi & hoc interdum vehementior inflammatio invadit. Atque St. *Tves* [θ] facile credo, neque ſatis tutum hoc auxilium eſſe, neque certum. Ubi igitur ad ſcalpel-
lum

[α] Loc. cit.

[β] Loc. cit.

[γ] Loc. cit.

[δ] Loc. cit. cap. 65.

[ϵ] Vid. *Paræus* lib. XVI. cap. 16. *Molinettus* Diff. anat. pathol. IV. cap. 6. p. 157.

Theveninus loc. cit. *Antonius* loc. cit. p. 452.

[ζ] Loc. cit.

[ξ] Loc. cit.

[η] Cours d'operat. p. 546.

[θ] Loc. cit. p. 235.

lum decurrendum est, non expedit, omne staphyloma eodem modo curare, quod præcipue videndi facultatis causa tenendum est, quam unus ex toto tollit, cæteri ex parte servant. Mala enim symptomata, cum periculo ac deformitate, solent fere omnes æque bene tollere. Aliquid etiam tum color staphylomatis variat, tum magnitudo. Parvis igitur staphylomatibus, & quæ aliquam tantum corneæ adhuc perlucens partem occupant, neque vetusta sunt, si linum non ferunt, hanc medelam parare soleo. Post hominem, quem lumini obversum, in sedili colloco, jubeo ministrum adstare, qui & caput teneat, & superiorem palpebram diducat. Inferiorem potest ipse medicus curans deprimere. Etiam inutile non est, præcipue, si timidus homo aut doloris impatientissimus est, ex adstantibus aliquem manus ejus prehendere, ac coercere. Medicus deinde ante ægrum stat, & acu tenuissima, parumque curva, filum simplex, tenueque ducente, quam, si in dextro oculo vitium est, sinistra prehendit, si in sinistro, dextra, tumorem ab exteriori angulo versus interiorem transfuit, ac lino paullulum adducto, levat. Tum is, ad ipsas radices, angustiore ancipiti scalpello, quali ad venas secandas utimur, transversus inciditur, posteaque forcice totus excinditur. Potest etiam tumor, acu cum lino omissa, forcipula prehendi, tumque refecari, si, ut aliquoties vidi, staphyloma qua parte jam ruptum est, ut apex forcicis immitti possit. Aliam curationem iis adhibendam esse existimo, in quibus maxima corneæ pars in tumorem sublata est. Quæ si pellucida sunt, neque, nisi in summa parte, multum erosa, neque omnem aciem corruperunt, conducere altera illa à *Celfo* descripta curatio potest, qua summa tantum staphylomatis pars excinditur. Spem enim felicitis curationis robur facit, quod cornea à durioris membranæ parte habet, & per quod se potest, aqueo humore effuso, contrahere, tandemque coalescere. Oportet tamen non nimis parum excindere, alias enim tum aliquis tumor manet, tum etiam staphyloma interdum redit. Quam curationem successum habituram esse, si per corneam, nimis erosam extenuatamque, sperare non licet, hanc totam excidi necesse est; curatio vero non alio modo, quam quo prior ordinatur, nisi quod scalpellum in durioris oculi membranam demitti oportet, ejusque aliquam partem, cum tota cornea, tolli. Cum enim humores oculi, cum aliqua videndi facultate, servari non possint, expedit eos maximam partem effundere, quod, uvea simul resecta, ejusque cum crystallino vitreoque quasi concreto succo, nexu sublato, fit [1]. Vulnus enim, quod paulo angustius est, ab erumpente humore premitur, eoque vehementissima inflammatio movetur. Multo lenior est, quæ illam curationem excipit, ac brevi suppuratione finitur, qua cornea contrahitur, ac vulnus clauditur. Ubi firma cicatrix inducta fuit, arte paratum oculum inter palpebras inferi oportet, qui alteri par sit, ac bulbi relictæ motum sequatur. Hoc etsi miserum, tamen unicum auxilium est, quod præcipue iis paratum est, quibus tum cornea tota, tum, cum hac, etiam durior

[1] Curationem non plane ab similem commendasse etiam video *Scacchum* loc. cit. pag. 110.

durior oculi tunica, ex parte, in tumorem attollitur. Eodem modo illis succurritur, quibus cornea maximam partem vehementer extenuata est, ac per interiorum partium confusionem, omnis videndi potestas perit. Neque aliam medicinam invenire possunt, qui album sibi callosumque staphyloma tolli cupiunt. Præstat tamen ejusmodi staphylomate laborantibus ægris persuadere, ut, si cornea parum levata, & ipsi sine dolore sunt, malum patienter ferant, quam decoris causa, saltem difficilem, curationem sustineant.

X I I.

His omnibus ea subiicienda sunt, quæ cum ante, tum post curationem, circa victum & medicamenta, observari oportet. Si corpus integrum, & malum sine dolore ac inflammatione est, saltem, per aliquot dies, tenui lenique victu utendum est, & proxime ante curationem, vena secanda, & alvus laxanda. Aliquando etiam, his omiſſis, ad scalpellum decurrendum est, si dolor inflammatioque ab adfrictu pendet, quem palpebræ ciliaque, præcipue rupto staphylomati, faciunt. Interdum humor in oculos destillat, & staphyloma exulcerat, quod si in corpore parum integro fit, & in quo cacochymia, scorbutus, aut venerea lues est, ante curationem, tum medicamenta danda sunt, his morbis vincendis profligandisque idonea, tum humor ex oculo in aliam partem evocandus. Expeditissimum est, sive in humero, sive in crure, fonticulum excitare, aut ulcus in nucha facere, per quod plura lina xylina transmittantur. Non alio modo fonticulum profuisse existimo, per quod se *Brebisius* [α] gloriatur, ex lippitudine ortum staphyloma sanasse; modo hoc fuerit; nam tres tantum pustulas fuisse, verisimillimum est. Ipsa curatio, in calido loco, & in jejuno corpore fit, ne vomitus, qui alias supervenire solet, vulnus irriter, humorumque adfluxum concitet. Utque saltem vehementior inflammatio avertatur, expedit altera hora post curationem, sanguinis magnam vim detrahare, & abſtinentia ac quiete pugnare. Inter ea, quæ extrinsecus superhabenda sunt, aqua tepida & ovi album est, quorum illa oculum protinus lavari oportet, illud cum aqua plantaginis, rosarum aliave simili peragitatum ac mixtum, panniculo excipi, oculoque imponi. Quibus, si inflammatio averti non potest, hac reprimente medicina omiſſa, utile est, cum fomento ex aqua tepente facto, cataplasma sæpius de die tepidum imponere, quod ex interiore panis parte, lacte & vitelli ovi, cum pauxillo croci fit. Sæpe etiam necesse est, iterum tertioque venam secare, neque intus, adversus æstum danda, medicamenta negligere. Si alvus minus respondet, oportet etiam frequentes in eam lotiones infundi. In his, donec vulnus ad cicatricem spectet, persistendum est; tum vero aqua vel unguento potius uti decet, cui leniter adstringendi vis est, & oculum machina idonea paululum premi. Neque aliter fere, etsi minus operose, pugnandum est, ubi parvum aliquod staphyloma sive lino, sive scalpello, excisum est. Inutile

*Indican-
tur ea,
que felici-
sanationis
caussa
cum ante,
tum post
scalpelli
usum, a
medenti-
bus pera-
genda
sunt.*

Tom. I.

R r r

etiam

[α] Act. N. C. Tom. III. obs. 49. p. 153.

etiam non est, quod veterum ac recentiorum aliquot voluisse invenio, ut æger, per totam curationem, supino corpore capiteque sit, etsi evidentior huius usus est, si uvea, quæ prociderat, in sedem suam reducta fuit. Et hæc quidem omnia ad ea pertinent, quorum in cornea sedes est. Quæ ex durioris membranæ vitio nascuntur, si vulnus est, per compressionem, si ulcus, per scalpellum curanda esse existimo. Sufficit vero vel summam staphylomatis partem excindere. Humores enim facilius, quam in corneæ staphylomate, servari possunt, &, cum acies interdum vix hebetior facta sit, etiam debent.



XXV.

DISSERTATIO
DE
STAPHYLOMATE.

QUAM PRÆSIDE
BURC. DAVID MAUCHART P.P.

Pro Doctōratu obtinendo tuebitur

PHIL. FRID. BENJ. HOELDER,

STUTTG.

Tubingæ 18. Decemb. anno 1748.

§. I.

NEcdum finis est affectuum vel corneæ, vel uveæ, oculi tunicarum? Quamvis enim in præmissis pluribus dissertationibus egerimus de variis corneæ maculis, ulceribus, fistula, vesiculis pustulisque: de hypopyo: de hydrope oculi: de mydriasi, pththysi pupillæ, sinizesi, synechia &c. affectibus vel corneæ, vel uveæ iridive propriis, atque communibus; supersunt tamen plures intricati difficilesque, quos e labyrintho tot authorum, in diversa abeuntium, extricare non minoris aliquando est operæ, quam rationali atque felici subicere curæ.

§. II.

Itaque *cornea porro subit vel substantiæ suæ præternaturalem crassitiem & scirrhositatem, vel intumescuntiam, vel attenuationem nimiam: vel subsidentiam & corrugationem: vel superexcrecentiam, membranaceam, carneam, fungosam, cancrofam: vel exesionem & perforationem ulcerosam, malignam: vel itasin & rubedinem inflammatoriam; vel aliam coloris mutationem: vel vulnus, totam penetrans substantiam, cum humoris aquei effusione, aliquando & iridis uveæque procidentia foras: vel suarum aliquarum modo lamellarum exulcerationem, erosionem, aut undecumque inductam attenuationem, propter quam vel tota cornea, vel pars ejus in altum, & majorem convexitatem elevatur, protuberat, atque intalem effectum quasi sacculum recipit humoris aquei portionem, subinde etiam iridis, vel uveæ. Distinctam horum affectuum denominationem atque tractationem suo fervantes loco, jam ad incudem revocamus, quem ultimo recensuimus, affectum, cui *staphylomatis* imposuere nomen & antiqui authores & recentiores.*

§. III.

Etymologia quidem staphylomatis in aprico est; siquidem *σταφυλωμα*, τὸ, derivatur à *σταφυλή*, ἡς, ἡ, uva, hinc & Latini affectum staphylomatis vocant *uvationem*, quod baccam uvæ minorem æmuletur protuberans vel cornea adhuc integra, vel per eandem pertusam, hiantem, prolapsa uveæ portio: & quamvis stricte loquendo staphylomatis acceptio determinetur ad certam harum protuberantiarum speciem, vel subdivisionem, *staphyloma* tamen communiter pro genere horum affectuum constituitur, per synecdochen speciei. Sed quid staphyloma sit formaliter, quæ genuina ejus definitio formalis, non prius enucleare audemus, quam præeuntium, vetustissimorum maxime, authorum vestigia legerimus.

§. I V.

Apud *Hippocratem* vix aliud occurrit vestigium quod huc trahi possit, præter pauca & obscura, quæ ita sonant: membranæ vero tres sunt, oculos ipsos custodientes, superna quidem crassior, media vero tenuior, & tertia tenuissima, quæ humorem conservat. Ex his superior quidem & crassissima, si læsa fuerit, morbum facit. Media vero, ipsa etiam periculi plena est, & ubi rupta fuerit, foras velut vesica prominet. Tertia tenuissima, omnino periculosa, quæ humorem conservat [a]. Quamvis hinc & aliunde vero sit simillimum, per tres oculum custodientes tunicas ab Hippocrate intelligi corneam, (tam transparentem, sive corneam strictè dictam, quam opacam, sive scleroticam vocatam) uveam atque retinam: ac mediæ quidem illius, uveæ, rupturam aliquando fieri; non tamen patet, quomodo ex hac ruptura possit in forma cystidis prominere uvea, nisi corneam simul vel relaxatam & prominentem, vel ruptam supponas, e cuius ruptura, vel vulnere pars uveæ, pariter ut plurimum ruptæ & in modum cystidis convolutæ, promineat foras? Utut sit, *nomen certe staphylomatis non habet Hippocrates noster.*

§. V.

Cornelius *Celsus*, primi à C. N. seculi author, [b] hæc habet: in ipso autem oculo nonnunquam summa attollitur tunica, sive ruptis intus membranis aliquibus, sive laxatis, & similis figura acino fit. Unde id staphyloma Græci vocant. Quantus eheu in historia medicinæ hiatus ab Hippocrate ad Celsum! Quinam sint illi Græcorum, quos Celsus allegat, & qui nomen staphylomatis cuderint, injuria temporum atque jactura librorum perditorum, vel saltem in tenebris adhuc latentium, potior videtur esse causa, cur nesciamus, quam ignavia inquirentium? Videmus tamen Celsum cum Hippocrate conspirare, quod pariter per summam oculi tunicam intelligat corneam, vel scleroticam, quod accuset itidem ruptas intus membranulas, & figuram acino similem fieri tradat, quæ parum vel nihil distat, à figura cystidis. Quid Celsus hoc loco per *summam tunicam* velit, e subsequo cap. de natura oculorum & eorum suffusione dispalescit.

Nimirum *κεφατοειδής*, corneam, tam opacam, quam diaphanam intelligit. Hanc attolli, elevari, protuberare supponit, atque sic acini figuram referre, idque sive à ruptis intus membranis aliquibus, sive laxatis. An hic capiendæ sunt iris & uvea, quæ tamen firmissime connexæ sunt,

&

[a] Hipp. de locis in hom. S. 4. p. 408. l. 45. ff. edit. Foëf.

[b] Corn. Celsus de re medica L. 7. c. de staphylomate oculi p. m. 634.

& unam constituunt tunicam? An tenuissima crystallini tunica in computum hunc quoque trahenda? Sit ita! quid tum? Harum vel ruptura, vel laxatio, vel etiam hinc facta ad corneæ superficiem internam appropinquatio nondum faciunt corneæ præternaturalem protuberantiam, id quod in variis casibus *ρῶγμῆς*, pupillæ disruptæ, *συνεχείας*, adhærentis aut concretæ iridis cum superficie interna corneæ, & *χαλασποφῆς*, dislocatæ, ad latus retractæ pupillæ, *ὑπεραυξήσεως*, supercrescentis iridi & pupillæ carnis, experientia testatur.

An ergo rectius putatur Celsus per membranas intus *vel ruptas vel laxatas intellexisse*, ipsas corneæ lamellas, & plura, quibus, arctissime quidem conglutinatæ, constat, strata? Quæ Hipp. [c] non modo jam indigitasse videtur, juxta suspicionem Foësi: Galenus autem [d] diserte affirmavit, & recentiores Anatomici uno confirmant ore [e]. Quales ergo lamellæ interiores, corneæ concavitati propiores, vel rumpantur, vel laxentur, atque sic exteriores minus resistere valeant vi humorum oculi distensivæ? Ad hunc sensum collimat forte germana Celsi versio, quam D. Joh. Küffner, Racenburgensis ad Oenum edidit WORMATIÆ AN. 1539. fol. 103. a. ita sonans: *Aber inwendig in dem Aug erhebt sich zu Zeiten eyn Heutlein oben her, nemlich, wann innen etliche Heutlin zerrissen oder leedig werden; und ist einem Weiberling gleich, daher es die Griechen staphyloma heysen.*

Sane magna cunctis veri specie hic verborum sensus tribui Celso posse videtur, nisi duplex, quam statim subjungit, curatio difficillime se pateretur conciliari: utraque enim hæc eo redit, ut, quod acini figura protuberat in cornea, vel per ligaturam tollatur, vel excidatur. Atqui vero utrinque, post ablatam partem protuberantem, maxima relinqueretur deperditio substantiæ corneæ, humores effunderentur, & consolidatio hujus vulneris non alia obtineretur, quam quæ in fatale detrimentum & pelluciditatis corneæ, & figuræ oculi globosæ, & quod maximum est, visus non posset non cedere. Hinc videtur ipsa duplex hæc operatio magis appropriata tali staphylomati, quod prolapsam ex hiante p. n. cornea sistis uvæ particulam, in forma acini inflatam, atque vel ligatura, vel scalpello tollendam, si reponi haud possit. Ne quid ergo diffiteamur, locum hunc Celsi obscurum maxime ac dubium declaramus.

§. V II.

Sed dispiciamus de Galeno, an is majorem affundat lucem? Passim quidem is mentionem facit staphylomatis, sed duobus saltem locis, & ne ibi qui-

[c] Hippocr. de carnibus S. 3. p. 253. lin. 10. usque ad 18. & Foësius in not. p. 317. §. 48.

[d] Galenus de oculis, Edit. Juntar. in fol. S. 7. p. 910. b. lit. H. & cornea de multis corticibus composita est, uno super alium locato &c.

[e] Vid. Præsid. disp. de examine corneæ anatomico & physiolog. p. 15. §. 2.

quidem distincte ac sufficienter illud delineat. Primo enim in illo capite, quo recenset, qua ratione veteres medici nomina morbis imposuerint, inquit [f] : staphyloma, i. e. oculi morbus, cum in summa tunica quidam acino simile eminet : & alio [g], tanquam cardinali loco, inquit : τὰ δὲ σταφυλώματα καλέμενα, τὰ μὲν, τῇ θέρει μόνῃ, τὰ δὲ διαθήσει παρὰ φύσιν ἐσέν. Quæ latine sic reddit Horatius Limanus in oper. Galeni in latinum conversis idioma : quæ autem staphylomata vocantur, alia quidem solo positu, alia vero ipsa dispositione præter naturam sunt. Clarif. vero Güntz [h] ita putat vertenda : qui vero (tumores) staphylomata nominantur, eorum alii saltim positu, alii autem adfectione præter naturam sunt. Horum Galeni verborum interpretationem quam olim dedit Ingrassias, adoptat modo laudatus Güntz, ceu planissimam & quæ Galenum cum Celso conspirare faciat. Scilicet videtur ipsis Galenus retulisse ad prius staphylomatis genus eum tumorem, qui e cornea p. n. distenta evenit, ad alterum vero, quem ulcus effecit, quo summa oculi tunica exesa, tantumque extenuata fuit, ut ab aqueo humore in tumorem, paulatim consurgentem, attollatur.

§. V I I.

Ingeniosæ huic conjecturæ annon repugnat generale prædicatum, quod de tumoribus, hoc Galeni paragrapho recensitis, enunciatur prima statim linea? ἄλλοι τινὲς ὄγκοι, ὧν δὲν διαίρετον ἔχοντες, i. e. alii quidam tumores nihil dividuum, (sive separabile, f. fissile) habentes; aut qui non habent solutam unitatem pro phænomeno vel constituyente, vel concomitante, ideoque ulceris subsumptionem excludunt. Sane qui τὸ διαίρετον per selectum vertit supra nominatus Horatius Limanus nullum plausibilem verbo huic sensum reddidit. Aut licetne Galenum e Galeno interpretari? Dum ipsi [i] διάθεσις νοσώδης audit, non solum cum aliqui ægrotant, sed etiam cum quispiam istorum affectuum incipit exoriri : ut hinc in dubio illo Galeni paragrapho sensus esse possit, non saltem staphylomata vocari quæ actu, & evidentia & majora exhibentur, sed illa quoque, quæ sunt in fieri, in limine positionis. Si vero juxta Langii assertum, quod habetur in Lexico Castello-Brunoniano, titulo diathesis, hæc quoque significet Græcis complicatos affectus, facilius erit conciliatio solius positionis cum complicatione, i. e. ut non solum staphyloma vocetur, quod in sola corneæ elevatione præternaturali, sed etiam conjunctis vel vulnere, vel arrosione & erosionem corneæ, vel uveæ in sinum corneæ protube-

[f] Galen. method. med. l. 2. f. 9. b. lin. 8.

[g] Galen. de tumoribus p. n. In vers. lat. S. 3. p. 846. c. 17. five ultimo.

[h] Just. Godofr. Güntz disp. inaugural. de staphylomate, Lipsiæ 1748. p. 3. seq.

[i] Galenus in Librum sextum Hip. de morbis vulgaribus, commentar. 5to S. 3. p. 189.

tuberantis prolapsu, vel omnino uveæ per ruptam corneam protrusione foras constiterit.

Duo adhuc *Galen*i loca conferri merentur; altero [1] inquit: & tunica uvea ut plurimum relaxatur, cum corneam nimium erodi contigerit: altero [m] dicit: contingit vero nonnunquam, ut tunica, cornea appellata, profundum habeat ulcus, qua deinceps exesa tota, aliquid ex ea tunica procidat, quæ secunda post corneam ordine sita est, uvea appellata: & ipsa pupilla una divulsionem patiatur: atque ex his tribus omnibus, quælibet passio oculi existimetur, quodvis ulcus & erosio ad solam corneam pertinet, procidentia ad uveam, & divulsio ad pupillam.

Quorsum vero cumque, nasum hunc cereum flectamus, hoc certe consequitur, e manca & obscura hac *Galen*i descriptione nec claram nec distinctam staphylomatis ideam exsculpi posse.

§. VIII.

Authorem, incertum quidem, sed antiquissimum tamen, *definitionum medicarum* & *Isagoges*, quæ communiter *Galen*o adscribuntur, si consulemus, *ibi* staphyloma dicitur primo, id quod in pupillæ loco confurgit acino uvæ simile: & paulo infra describitur esse: elevatio versus pupillæ locum cum inflammatione, acino uvæ similis: *hic* vero, quando oculi pupilla cum inflammatione & dolore attollitur & acino uvæ simile redditur, album colore. Inter reliquos primorum seculorum [n] Græcos medicinæ scriptores, qui staphylomatis expressam atque ampliorem fecerint mentionem, nonnisi *Aëtium*, *Paulum*, & *Actuarium* habemus, quos itaque nunc in scenam producimus. Et *Aëtius* quidem, gravis, disertus atque de ophthalmiatria bene meritus auctor, primo [o] de myocephalis dilucide sic scribit: cum ulcera, quæ propter erosionem aut ruptionem corniformis tunicæ fiunt, profunda evadunt, pars aciniformis tunicæ procidit, & quod prolapsum est nigrum aut cœruleum apparet. In circuitu vero circa fundum ejus partis quæ procidit labia corrosæ corniformis tunicæ alba apparent. Et, si adhuc magis pars prolapsa duraverit, labia ruptionis

[1] -- de causis morborum, class. 3. c. 10. fol. 9. b. de causis morborum in genere positionis.

[m] -- de differ. morb. class. 2. c. 13. fol. 5. b. de compositis morbis instrumentorum.

[n] *Aëtius*, *Amidenus*, ad finem Vti seculi, vel initium VIi scripsit: *Paulus*, *Ægineta*, haud ante seculum VIIum vixit, licet abs *Clerico* in IVtum & abs *Conringio* in Vtum collocetur: vid. *Freind*. hist. med. p. 95. & *Schulz* hist. med. p. 337. *Actuarii*, incerta quidem *Epocha*, *Freindio* tamen putatur haud multo ante finem Sec. XIII. extitisse, contra *Lambecium* & *Fabricium*, hist. med. p. 178. l. 1. & p. 175.

[o] *Aëtius* *Tetrabibl.* 2. Serm. 3. c. 33.

Tom. I.

S s s

tionis tunicae corniformis callosiora facta adhuc magis alba apparent. Divulsa est autem omnino in uviformis, sive aciniformis tunicae prolapsu pupilla ipsa, ut omnino non appareat, aut & situ & figura immutata. Capite autem sequente [p] dicit, differentias staphylomatum plures esse: nam & causas affectionis varias esse: appellari vero staphylomata non saltem, cum corniformis tunica fuerit elevata & eminentiam acino uvæ similem fecerit, ob humores sub aliquam corniformis tunicae striam [q] collectos, à quibus humoribus coactam corniformem tunicam sustinere contingat ac elevari & incurvari, facereque staphyloma citra ruptionem; &c. Sed appellari etiam staphyloma, cum ob corniformis tunicae rupturam, magnus uviformis tunicae prolapsus factus fuerit. Differre hæc duo staphylomata, addit, quod in illo elevatio sola sit tunicae corniformis, unde etiam tota moles albidior appareat: in hoc vero ruptura quoque facta sit tunicae corniformis, & quod prolapsus est, cœruleum aut nigrum appareat.

Manifestum ex his est, quod Aëtius duas staphylomatis admittat species, alteram quæ in sola corneæ elevatione ac protuberantia: alteram, quæ in ruptura corneæ, & prolapsu per illam uvæ, hujusque protuberantia in corneæ externa superficie consistat. In genere hæc recte traduntur! Sed confundit in prima specie distinctos corneæ affectus, qui ab humoribus & pure intra corneæ lamellas collectis oriuntur, & vel unguis vel leucoma, vel phlyctæna, vel pustula vocantur. Neque ideo ad staphyloma referendi sunt, quod horum nonnulli prominentiam in cornea aliquam important.

§. I X.

Paulus Ægineta [r] sic habet: τὸ μὲν σταφύλωμα κύρτωσις ἐστὶ τῆ κερατοειδέος χιτῶνος ἀτονήσαντος σὺν τῷ ῥαγοειδεῖ, ποτὲ μὲν διὰ ρευματισμὸν, ποτὲ δὲ δι' ἐλκωσιν. i. e. Staphyloma quidem est curvatio (sive gibbositas) corniformis tunicae, infirmatae (sive debilitatae) una cum uviformi, aliquando per fluxionem, aliquando autem per exulcerationem. Alibi vero idem aliter habet [s]: Proptosis casus est uvæ tunicae, ab erosionem sive disruptionem corneæ proveniens, quæ exigua adhuc, ita ut muscæ caput referat, Myocephalon nuncupatur: aucta vero amplius instar uvæ acini, staphyloma dicitur. Ubi vero plurimum succreverit, adeoque egreditur, ut palpebras transfiliat, Melon: cum denique occalluerit, Clavus, sive Græcis ἦλος appellatur.

§. X.

[p] Aëtius Tetrabibl. 2. Serm. 3. c. 34.

[q] Lamellam, stratum, quarum pluribus componi corneam supra §. 5. dictum est.

[r] Paulus Æginet. L. 6. c. 19.

[s] Idem L. 3. c. 22. p. m. 176. edit. in 8vo. & p. 436. in fol.

§. X.

Actuarius [*t*] ne latum quidem unguem à Paulo recedit. Ita enim scribit : proptofis autem est uveæ tunicæ procidentia , quæ erofa ruptave cornea tunica contingit. Hæc prout major minorve cernitur , varia quoque nomina accipit , quæ fingula ab ea re , cui familia fuerint , denominantur. Nam fi exigua adhuc fuerit , ut mufcæ capitulo fit fimilis , *μυοκέφαλον* : fin plusculum fuccreverit , ut uvæ acinum referat , *σαφύλωμα* (five uva-
tio) dicitur : at fi plurimum prolabitur , ut ultra palpebras profiliiffe videatur , *μήλον* (five malum) nominatur : quod fi quid etiam ex eo cal-
lum duxerit , *ήλος* , (five clavus) nuncupatur. Facile autem & tres hi authores conciliantur , & tanquam interpretes ac commentatores Celfi at-
que Galeni merito fufpiciuntur , & duces habentur totius gregis medico-
rum diverfarum nationum atque linguarum , ab eo tempore in noftram ufque ætatem , ea tamen cum differentia , ut aliqui utramque hanc ftaphy-
lomatis fpeciem , quæ vel fine , vel cum uveæ prolapfu fit , alii hanc po-
teriore , & à potiori quidem , agnoverint.

§. X I.

Arabum medicorum , *Avicennæ* , *Mefues* , *Rhafis* , *Albucasis* , *Jefu Haly* testimonia prætermittimus , quod nihil agere videntur aliud , quam cram-
ben à Græcis toties jam appositam , recoquere ; ideoque nec aliorum poft illa tempora viventium authorum , qui ftaphylomatis fecerint mentionem ,
plaufta cumulabimus. Quicquid enim e. g. *Conftantinus* ille *Africanus* ,
Gordonius , *Valefcus* , *Guido* , *Vega* , *Vidus Vidius* , *Ingraffias* , *Fabricius*
ab Aquapendente &c. imo recentiores ultimorum feculorum fcriptores quam-
plūriini , quorum vero nomina recensere fuperfedemus , tradiderunt eodem
femper cum Græcorum , & Pauli Æginetæ maxime , placitis recidit.

§. X I I.

Recentiffimos vero , qui præfenti hoc feculo claruerunt *authores* , quot-
quot nobis vel innotuere , vel quos evolvere libuit , præcipuos enarrabi-
mus , eorumque fententias de ftaphylomate redigemus in claffes : Ima. *claffis*
efto eorum , qui ftaphyloma retulerunt absolute ad genus *προπτώσεως* ,
five procidentia , prolapfæ fcilicet & prominentis uveæ per fauciam , vul-
neratam , perforatam , erofam , corneam. *Sebast. Melli* Venet. Prof. Chi-
rurg.

S s s 2

[*t*] Actuarii , Zachariæ filii , medicus five de method. medendi , L. 2. c. 7. p. m.
183. G. H.

rurg. [u] Joh. de Gorter, med. Prof. Harderovic [x]. Hic vero non solum uveæ prolapsus per vulnus corneæ, sed etiam vel crystallini, vel vitrei, sic dicti humoris, prominentiam, ad staphylomatis species refert. Zachar. Platner [y] med. Prof. Lips. haud ita pridem, quod vehementer dolemus, fatis ereptus, sub classe ac nomine vulnerum recenset staphyloma: & quamvis hic alibi [z] meminerit corneam quoque malis humoribus emolliri & turgidam effici, quæ res etiam minuatur aciem, tamen hanc qualemcumque turgescientiam corneæ non accenset staphylomati: Guil. Coward [a], Med. D. Londinens. videtur omnino ad hanc classem quoque revocandus esse, cum statuatur, myocephalon, staphyloma &c. esse prolapsus & procidentiam uveæ, quæ ratione gradus propensionis, sive extuberantiæ, variis insigniatur nominibus: hosque affectus rupturam corneæ ut plurimum consequi. Huic sententiæ pariter accedere videtur Woolhouse [b] in enumeratione quadraginta operat. Chirurg. in oculis, cum ibi staphyloma, myocephalon &c. asserat, non esse nisi diversos gradus herniæ tunice uveæ, quando corneæ accidit ruptura. Quæ tamen ejus sententia mox sequenti §. dabitur vel mutata, vel illustrata.

§. XII I.

II. *Classis* eorum esto, qui statuunt duas quasi species staphylomatis, quarum altera consistat in sola protuberantia corneæ relaxatæ & distentæ, ordinariæ absque uveæ procidentia in illius sinum. Altera in ruptura corneæ, & trans illam prolapsa uvea. Jac. Guillemeau Gallus, [c] prioris quidem seculi scriptor: William Read, ophthalmiater Anglus [d]. Uterque vero hic author, nec non plures alii, gravem committunt hunc errorem, ut elevationem corneæ, à pure inter lamellas corneæ collecto ac stagnante

[u] Sebast. Melli pract. chir. idiom. Ital. in 8vo. In Venetia a. 1724. P. I. p. 452. §. 2. 3. & p. 455. §. 3. Alius etiam auctor Italus recentior Filippo Masiero in opere chirurgico in 4. in Padoua an. 1724. p. 36. a. Staphylomatis facit mentionem, sed tam brevem tamque imperfectam, causæ etiam alicujus minime probabilis, ut parum facere ad rhombum videatur.

[x] Joh. de Gorter chirurg. repurgata, 4to. Lugd. Bat. an. 1742. p. 245. §. 1085.

[y] Zach. Platner. Instit. chirurg. rationalis. 8vo. Lips. an. 1745.

[z] Id. ibid. p. 196. §. 316.

[a] Guil. Coward. ophthalmiatria 8vo. Lond. an. 1706. idiom. Lat. p. 117. §. 2. p. 120. §. 2.

[b] Dn. de Woolhouse specification des quarante operations, qu'il enseigne & pratique aux yeux §. 4. Præfixa hæc est libello in 8vo quem edidit le Cerf, Offenbach ad mœnum ante viginti circiter annos.

[c] Jac. Guillemeau, in german. versus *Augen-und Zahn-Artzt*, in 8. Dresd. an. 1710. p. 203.

[d] William Read. account of all Diseases incident to the Eye 8vo Lond. sine anno. edit. secund. c. 13. p. 123.

nante profectam, ad staphylomatis referant species. Supra laudatus *Woolhousius*, ophthalmiater Anglus, Lutet. Paris. tunc degens [e], ita differit: repressio & restrictio, repositio vel repulsio tunicæ uveæ prolapsæ in omnibus staphylomatis speciebus: atque reductio herniæ oculariæ recentis (cum visus restauratione) in infantibus, aliisque omnibus, qui ad annos pubertatis nondum pervenerunt. Ista vero hernia ocularia malum est adhuc pene incognitum, & consistit in corneæ relaxatione quadam & protuberantia, contraque naturam protensione, & in tunicæ uveæ mollificatione & strangulatione (ad instar glandis quercinæ in proprio calice) ipsique corneæ adhæsiōne, absque vero ulla corneæ ruptura, aut perforatione, uti communiter solet accidere in omnibus staphylomatis speciebus, seu malum appareat in forma capitis muscæ, seu acini, seu summitatis clavi, seu mori: certo autem elapso tempore, nulla huic morbo solutæ unitatis curatio, præterquam palliativa reperitur.

Pergit idem *Woolhousius* eodem capite: inhibitio, emendatio, reformatio, resectio, resumptio difformitatis oculariæ, quam nominare licebit oculum gibbum seu corneam (& aliquoties scleroticam ipsam) incurvatam, relaxatam, disruptam & prominentem: vel (secundum veteres) Melon, i. e. malum, quando cornea vel sclerotica (cum adnata) protruditur, attenuatur, & abscedens enormisque facta se extra palpebras foris exerit, in oculum sanum fluxionem attrahens & spectaculum exhibens informe & horrendum. Sicuti E. hic mentem suam typis expressit *Woolhousius* satis clare ac distincte, ita in suis dictatis ophthalmiatricis, quæ ipse etiam hujus disputationis præses olim calamo excepit ex ore hujus præceptoris, diserte quidem ad proptofin uveæ retulit staphyloma ejusque species, sed & addidit, alteram dari speciem staphylomatis, quando cornea sine erosione & ruptura est relaxata & attenuata, & se attollit & protuberat, in forma acini uvæ, habens in peripheria basis suæ circulum album.

Antonius Maître-Jean, Chir. Gallus [f] staphyloma, sive Gallis Raissiniere, expressis verbis distinguit, in talem primam speciem, quæ oritur à relaxata, attenuata, & ad extus protrusa per humorem aqueum cornea, sicque in monticulum vel gibberem elevata: & in alteram, quæ afficitur à cornea penitus rupta, atque uvea per hanc ruptam expulsa, & in gibbum rotundum prominente. De *St. Yves*, ocularius Parisiens. [g] exacte consonat modo dictis per Antonium, illamque saltim addit speciem staphylomatis, quæ in ipsa sclerotica accidit, exemplo quodam per ipsum illustratam.

S s s 3

In

[e] *Woolhousii* catalogus 40. Operat. chir. in oculis, qui habetur in append. Centur. V. & VI. Ephemerid. N. C. cap. 3.

[f] *Antonius Maître-Jean*, Traité des malad. des yeux, 8vo a Troyes an. 1711. p. 444.

[g] *St. Yves* nouveau traité des malad. des yeux, 8vo. Paris. an. 1722. p. 238. sq.

In hanc classẽ denique collocandus etiam est Chiron noster Germanus ; celebr. puto *Heisterum* [*b*], qui sic habet : staphylomatis vocabulo gemina præcipue noxa comprehenditur. Altera est , quando cornea in oculo tunica magis , quam naturaliter decebat , sensim attollitur : altera vero incidit , quoties uvea sive pupilla per vulnus aliquod in tunica cornea , sive ab internis sive ab externis causis factum , prorumpit , deformemque super oculo tumorem efficit , quo utplurimum visus destruitur.

§. X I V.

III. *Classi* eorum , qui diserte statuunt , staphyloma dari vel per solam corneæ dilatationem , & protuberantiam , vel per conjunctam uveæ procidentiam in sinum dilatatæ hujus tunicæ corneæ , vel per prolapsum uveæ e cornea perforata , accensendus maxime est *Woolhousius* , uti ex ejus sententia typis expressa , & scripta oralique patet per §. proxime antecedentem. At vero IV. *Classẽ* format *Benedict. Duddel* , chirurg. & ocularius Londinensis [*i*], qui supponit in staphylomate uveam esse prolapsam , in tunicam corneam sive simpliciter dilatatam & prominentem , sive per illam ipsam perforatam pertusamve.

§. X V.

V. *Classẽ* tuetur , *Cl. Günz* , Prof. Anat. & Chir. Lipsiensis [*l*] qui , p. 11. §. 4. dicit : itaque staphylomate aliquem laborare sciendum est , in cujus oculis altera cornea , sive tota , sive ex parte , magis quam altera , prominet : p. 14. circa medium asserit : parum abesse , ut uveam neget posse sive per vulnus corneæ , sive per ulcus procidere : pag. 13. circa medium vocat fictam uveæ procidentiam , pag. 12. circa medium affirmat , se non meminisse uveam in plusquam ducentis exemplis , neque per sectam aut laceratam , neque per exesam ruptamve corneam unquam vere elapsam vidisse : addit tamen : se nolle ejusmodi uveæ procidentiam in fictorum morborum numero habere , inter rarissimas tamen affectiones referre. Unde fluctuante adhuc animo tandem p. 15. l. 5. 6. concludit : uveam fortasse per latius vulnus , aqueo humore uno impetu effluente , simul quasi effundi posse. P. 11. ad finem , staphyloma vero inter hernias referendum esse existimat , cum in ejus sinum , ex membranulis corneæ vel laxatis , vel ruptis ortum , quæ subest , aqua irrumpat. Itaque verum staphyloma is constituit in sola corneæ præternaturali elevatione & protuberantia , in cujus sinum nonnisi humor aqueus redundet. Et sicuti mentem veterum hoc

[*b*] Laur. Heisteri institut. chirurg. in 4to. Amstel. 1739. p. 625. f. c. 59. §. 1.

[*i*] Bened. Duddel, Treatise of the Diseases of the Horny-Coat of the Eye in vol. Lond. 1729. S. 11. p. 57. 62.

[*l*] Just. Godofr. Günz disp. de staphylomate , Lips. an. 1748. p. 11. §. 4.

hoc modo affectus sibi videtur, ita p. 17. l. 6. e recentioribus medicis, qui hanc cum ipso sententiam plane teneat, se neminem invenire fatetur.

Quænam de his assertis, multo labore & ingenio e vetustissimis auctoribus erutis nostra mens sit, ex antecedaneis partim jam elucescit, partim e subsequituris palam fiet, quantum scilicet vel arctiores dissertationum culæ limites, vel animus à contradicendi, nedum cribrandi studio alienissimus permittent.

§. X V I.

Itaque vel tandem ad *staphylomatis definitionem* pergimus, nec à mente veterum, quod speramus, nec plerorumque recentiorum alienam: *Staphyloma est tumor ut plurimum mollis, membranaceus, extus vel in cornea, vel sclerotica protuberans, ortus sive ex harum tunicarum p. n. attenuatarum elevatione, protrusione, ac distensione, per humorem aqueum solum, vel & impulsam uveam: sive ab earundem tunicarum perforatione plenaria & per hanc facta eruptione tunice uveæ: magnitudine, figura, colore, numero, symptomatibus varius: corneam bulbumque ocularium, ipsumque visum vario modo ledens destruensque.*

Staphyloma hic accipimus, pro more veterum atque recentiorum per synecdochen speciei, atque sic generali denominatione vocamus staphyloma, quod specialius pro certa saltem specie protuberantiæ in cornea sumi solet.

§. X V I I.

Differentias, species, modos, varietates Staphylomatis constituimus sequentes:

Staphyloma corneæ.

scleroticæ.

totale: totam occupans tunicam & parziale: aliquam modo partem ejus.

simplex: unum in uno oculo.

duplex, multiplex: duo: plurave in uno oculo.

racemosum, vel proliferum.

clausum { à sola dilatatione corneæ & suscepto in ejus sinum humore aqueo:
à conjuncto uveæ prolapsu in illum sinum.

apertum: cornea perforata, uvea foras prolapsa.

minimum: myocephalon. } magnitudine & figura

medium: Staphyloma κα- } capitis muscæ,

τ' ἐξοχήν dictum. } acini uvæ,

maximum: melon, malum. } mali,

callosum: clavus. } capitis clavi.

foli-

folitarium : sine conjuncto alio affectu p. naturali.
 complicatum cum aliis oculi affectibus , e. g. cum Synechia ,
 ectropio , fistula corneæ &c.
 diaphanum.

Staphyloma opacum : cyanei , grisei , fusci , nigri , coloris &c.
 recens : vetus.

benignum : malignum.

visu debili , confuso , abolito.

Hæc aliaque prædicata , nec non differentias à congeneribus similibusque aliis corneæ affectibus prosequemur , & illustrabimus inter phænomena staphylomatis constituentia atque concomitantia. His autem jam præmittimus

§. XVIII.

Phænomena antecedanea staphylomatis. *Ætas* quælibet subijci potest atque solet. Raro homini connascitur , nisi in ipso partu rudes obstetricis manus labem intulerint. Infantilis tamen atque puerilis ætas plus habent quod metuant , ob frequentiores illis ophthalmiam inflammatoriam , humidam acrem , atque solennes huic ætati morbillos variolasque. Talis etiam est nonnullis *ampliatio naturalis diametri pupillæ* , quæ nullam quidem adhuc visus læsionem importat , sed tamen dispositionem ad faciliorem sicut concretionem præternaturalem cum cornea concava , ut in disputatione de Synechia demonstravimus , ita quoque ad procidentiam , sive in dilatatam , sive per ruptam & perforatam corneam. Reliquas non saltem res naturales , medicis dictas , sed & nonnaturales , tanquam causas staphylomatis proegumenas & procataërticas , sicco pede præterimus , quod non nisi e longinquo , & per intermedias plures causas propiorem aliquem in ordine ad staphyloma nexum fundent causalem.

Sed tanto est uberior seges *rerum præternaturalium* , quæ propius cum induendo cohærent staphylomate. *Medicamenta* , uti alias , sic etiam hic , inepto ac intempestivo usu fiunt causæ morborum. Vapores , epithemata , collyria humida instillata , vel in majori gradu caloris , vel virtutis relaxandi & emolliendi constituta , corneæ lamellas nimis irrigando , relaxando , tumefaciendo : acria vero & septica erodendo , attenuando : nimium & intempestive adstringentia , lupum stibulis includendo , acrem rosivum tumorem introrsum repellendo , diffundendo per substantiam corneæ. *Morbilli* , *variolæ* , *vesiculæ* , *pustulæ* , *ulcera* , maxime profundiora , corneæ , *unguis* , *hypopyum* , substantiam laminaeque hujus tunicae vel ab extus , vel ab intus exedendo , corrodendo & vel attenuando saltem & debilitando densitatem corneæ naturalem , multiplicesque laminae. *Contusio* , *vulnus* vel superficiale , vel penetrans , attenuando , perforando , rumpendo substantiam corneæ : vel scleroticae. *Virus venereum* , ophthalmia venerea , arrodendo , corrodendo corneam. *Ophthalmia* inflammatoria interna pariter ac externa , humida acris , fervida , epi-

epiphora, præsertim si, quæ tunc solent esse acres lixiviosæ quasi & salinofaniosæ, lacrymæ aliæque serositates intempestiva sedulitate, vel alias, palpebris nimis diu adductis, sive clausis, corneam inundaverint. *Oculis* illapfa, *inpersa* acria, aspera, fervida, irritando, affluxum concitando, abradendo, exulcerando, escharam, cicatricem inducendo. *Pterygii* nimis *profunda* *separatio* per scalpellum, auferendo nimis, attenuando, debilitando lamellas corneæ exteriores. Incipiens vero aut jam formatum staphyloma potest etiam a vehementi, vel frequenti *sternutatione*, *tussi*, *vomituque*, subitaneum sumere incrementum, & vel lamellis corneæ, jam tum attenuatis, ruptura, crepatura induci, vel major prolapsæ uveæ pars protrudi.

§. XIX.

Phænomena *constituentia* & *concomitantia*: (α) *Tumor* membranaceus, elevatio, protuberantia tunicarum corneæ, vel scleroticæ, vel uveæ, extrorsum prominens, *ordinarie mollis*, licet plus minus *subinde tensus*, aliquando etiam *callo obduratus* (β). *Totalis* quidem si totam corneam, *partialis*, si hanc illamve partem ejus & regionem, in medio, vel lateribus & peripheria, prope circulum corneæ externum attollat, hocque modo in sinum faccumve quasi distendat corneam, quo *vel solius aquei humoris vel & uveæ*, versus corneam, magis quam decet, expansæ ac procidentis *recipiat partem*, atque sic *clausum* constituat *staphyloma*, quod tunicæ corneæ una alterave lamella, aut, si staphyloma fiat in sclerotica, tunicis oculi albuginea & adnata, sit obtectum. In peripheria baseos staphylomatis talis corneæ, circulus est albidus, ipse tumor vero in sua basi modo latior, modo angustior. At, si plane penitusve *perforata* fuerit *cornea*, tumor, quem efficit prolapsa pars uveæ, major minorve, vel est concavus, instar vesiculæ, humore aqueo in illum irruente distentus: vel solidus, compressus, sphaericus, irregularis, aliquando per modum laciniae propendentis ex uvea lacerata, ruptave: & tale staphyloma vocamus *Apertum*.

(γ) *Tumor* hic corneæ partialis *numero variat*. *Simplex*, quando unicus talis; *duplex*, vel *multiplex*, cum plures distincti, minores, unam eandemque corneam, diversis locis obsederint, & racemum quasi baccarum sibi invicem contiguarum aliquando efformaverint, ut tunc racemosum, sive botryoides staphyloma, vel & proliferum saluari possit, soleatque.

(δ) *Tumoris magnitudo* per gradus variat: *myocephalon*, muscæ caput referens *magnitudine*: *staphyloma*, latinis uvatio, acinum uvæ nascentem, ad maturitatem nondum deductum, vel & ex ipsa specie minorem æmulator, hocque ipsum est staphyloma proprie sic dictum à *σταφυλή*: *Melon*, sive malum, ad pomi, quin majorem accedit, magnitudinem, ut palpebris contineri ac obtegi porro non possit. Imo subinde, horrendo spectaculo in globum, foedissimamque crescit massam, quæ suo ambitu pugnum virilem duplo, quin fere triplo superet, quales ipse vidit Præses.

Staphylomatis hæc varietates ut à magnitudine partim, partim vero etiam figura, qua similes æmulantur alias res, distinguuntur, ita *Clavus*, Græcis *ῥαλος*, inter staphylomatis species relatus, & figura plano-convexi capitis clavi, & callosa duritie imprimis discriminatur [m].

(ε) Ratione *figura*, præter jam dicta tumor est vel hemisphæricus, vel sphæroides, vel sphæricus, vel plano-convexus, vel conicus, vel æqualis, vel inæqualis, gibbosus, angulosus. &c.

(ζ) Respectu *coloris* pariter admodum variat: diaphanus est, si tumor à corneæ lamellis, pelluciditatem suam naturalem servantibus, formetur, si vero cornea ulcerosa simul fuerit, aut cicatrice obducta, albescit, vel ad cyaneum vergit colorem. Si in sinum facculumve corneæ dilatatae inciderit iris, tumor staphylomaticus colorem præ se feret; qualis solet naturalis iridi, vel cæsius, vel griseus, vel fuscus, vel niger obtingere, aut pro ratione mutationis & corruptionis, quæ supervenit iridi per inflammationem, supurationem, strangulationem vel in sacco, vel vulnere angustiori corneæ. Hinc iris, sive aliquot adhuc corneæ dilatatae lamellis inclusa coërceatur, sive per corneæ vulnus & foramen eruperit, alios adhuc colores, rubrum, lividum, variegatum adsciscere potest. Imo & facculus talis pellucidus nonnullis striis, fibris, venulisque, subtilissimis opacis, incerto ordine interpolatur atque variegatur; quo vero staphyloma propius accedit ad circulum corneæ externum, eo magis rubet, venisque rutilat in illo confinio.

(η) *Crassities* staphylomatis clausi, sive facciformis, ordinarie tenuis est, aliquando tenuissima, hinc crepaturæ proxima, aliquando dum inveteravit, & è prægressa ulceratione obductum est cicatrice, densior atque compactior evadit: potest etiam crassitiei notabile augmentum accedere, si lamellis corneæ simul impactus humor glutinosus, ut in leucomate fit, inniduletur. In aperto staphylomate prolapsa foras uvea, tenuis quæ solet esse naturaliter tunica, solet à molli tenuitate sua in crassissimum, atque durum degenerare concrementum, ut supra, lit (δ). jam indigitavimus.

(θ) *Complicatur* facile cum aliis oculi affectibus staphyloma: cum varia ulceratione, plus minus profunda corneæ, fistula corneæ, ectropio, pterygio, synechia, hypopyo variis corneæ ulceribus atque maculis, pupillæ parastrophe, mydriasi, hippo uveæ, variisque ophthalmiæ speciebus &c. quales affectus partim aliquandiu præcedere solent staphyloma, partim consequi, & junctim servari per longius vel brevius tempus.

(ι) *Benignum* staphyloma ratione moris genivæ, vocari potest, quod mitioribus, curationem atque consolidationem admittentibus stipatur phænomenis: *malignum*, sive mali moris, quod de septica, contagiosa participat natura.

(κ)

[m] Clavus refertur inter staphylomatis species ab Aëtio, Paulo Ægineta, Actuaria &c. à Celso quidem oculis etiam tribuitur, sed in albo, scil. adnata tunica, formatus, neque ab ipso refertur ad staphyloma.

(κ) *Recens*, quod ante paucas accidit horas, vel dies: *vetus*, quod jam diu & subinde plures annos duravit, & ægro confenuit.

(λ) Ratione *modi & graduum fiendi*, atque *crescendi* alia staphylomata subito, alia successive in notabilem augentur molem. Evæ per erosionem & attenuationem corneæ fiunt, lente generantur: quæ per vulnus, & fortio-rem impetum, subito prorumpunt ordinarie: alia diu intra terminos medio-critatis subsistunt: alia quæ sunt cum cicatrice in cornea, vel cum pterygio tardiora sumunt incrementa. *Sclerotica staphyloma* rarius accidit ob majorem tunicæ firmitatem, minorem convexitatem, albugineæ tunicæ & tendinum musculorum oculi superjacentium robur, ac choroideæ firmiorem adhæ- sionem.

§. XX.

Ex hæcenus dictis ergo patet, phænomenum maxime constitutivum ac essentialiale staphylomatis poni in tumore, elevatione, protuberantia: notari vero meretur, quod, in casu rupturæ ac patentioris corneæ inflicti foraminis, procidens uvea tumorem quidem supra corneam efficiat, sed tunc ipsa cornea frequenter collapsa sit atque corrugata, effuso jugiter per illud vulnus corneæ humore aqueo, qui fornicem corneæ naturaliter sustinere debet.

Cæterum quæ staphyloma comitantur reliqua *phænomena*, redeunt (α) ad *ophthalmiam*, quæ in aliis cum rubore est ac ardore levi, in aliis graviore, vel constanter, vel transitorie, vel periodice. Jungitur interna aliquando ophthalmia, inflammatoria acutissimi doloris, luminisque impatientissima, cum agrypnia, & hemicrania lateris affecti, illacrymatione serosa, acri, vel fluxu sanioso (β): ad *dolorem* punctorium, pulsatorium, ardentem, ex inflammatione: rosivum ab excoriatione & ulceratione: tensivum & tractorium, è distractione & divulsione procidentis uveæ (γ): ad molestiam & *impedimentum motus palpebrarum* ac *bulbi* ocularii, si staphyloma in magnam increverit molem, & aliquando palpebris obtegi renuat (δ): ad *impedimentum*, confusionem ac abolitionem visus. Scilicet corneæ convexitas notabiliter vel aucta, vel collapsa, & complanata, superficies externa corrugata, aut aliquot eminentibus colliculis è staphylomatum pluralitate inæqualis, etiam si cornea manserit diaphana, non possunt non, per rationes dioptricas, obicem visui ac confusionem parere. Obnubilabitur atque tollitur autem visus tanto magis, quo vel cornea magis erit opacata, cicatrifata, uvea distrac- ta, imo destructa, cum aliis prono hinc fluentibus alveo cæteris œconomix oculi disturbiis.

§. XXI.

Differt clausum staphyloma corneæ ab *hydrophthalmia*, sive hydrope oculi, quod in hoc tota cornea sit prominula, neque tamen sola protuberet, sed totus oculi bulbus, una sit in omnes dimensiones auctior, rarissime etiam hydrophthalmix jungatur ophthalmia, quæ tamen staphylomatis tantum

non perpetuus comes est; scleroticæ verò staphyloma, particulari, ad certum saltem scleroticæ locum determinato tumore aquoso bullato, diaphano, per quem ipsum scleroticæ vulnus aut foramen præternaturale transpicit, facile dignoscitur ab hydrophthalmia: differt idem & discriminatur, à *phlyctæna*, vel vesicula aquosa, corneam obsidente, quod *phlyctæna* sit maneatque ordinarie minima, vel minor certe bulla, figuræ magis sphaericæ, angustioris baseos, summe pellucida, absque circulo in basi albo: & à *staphylomate aperto*, quod formatur ab uvea, per corneam perforatam elapsa & aliquando in vesiculam inflata, *distinguitur phlyctæna*, causis prægressis, vulneris, ictus, erosionis, exulcerationis, figura bullæ minus sphaerica, sed irregulari magis, colore griseo, vel fusco, vel alio, non crystallino ac diaphano. Si vero clausum staphyloma obsiderit conjunctivam, ex humore aqueo per ruptam scleroticam evadente & in vesiculam collecto, hanc bullam sagax ophthalmiater, à *phlyctæna* & *pastula conjunctivæ* diversam esse subolfaciet per vim externam in illo staphylomate prægressam, quæ rupturam intulit scleroticæ, per subitanæam genesin, corneæ aliqualem subsidentiam, & accurata inspectione percipiendam scleroticæ solutionem continui, à vulnere, aut erosione ulcerosa natam. Elevatam in cornea *pustulam prodeit*, color puris transparens, sublata pelluciditas, amplior hujus abscessus basis. *Unguis* & *albugo*, sunt vitia & itases vel humoris lenti, albescentis, vel ipsius puris inter corneæ lamellas: & licet in leucomate aliquando etiam elevata & prominula sit cornea, hanc tamen protuberantiam non æque sustinet vel corneæ substantia, vel aliud corpus trajiciens corneam, sed viscosus, subalbidus humor, inter corneæ lamellas hærens, easque distendens: cæterum color albo-cretaceus, leucomati essentialis maximam una fundat differentiam à staphylomate. A *Paralampsi* quomodo separandum sit staphyloma, per illius definitionem, quam dedit olim præses [n], innotescet satis; scil. Paralampsis est macula corneæ resplendens, elata, crassa, durior, omnem radiis transitum præcludens, medium corneæ convexæ, aliquando maximam hujus superficiei partem externam, obsidens.

Hypersarcosis, *fungus*, *tumor cancriformis*, corneæ superficiem convexam obsidentes, turgescentes, colore carneo, livido, substantia spongiosa, madore seroso, fanioso, & respective doloribus pungitivis, in cancro nempe, se produnt facile, quantum distent à staphylomate, qua tali: utprimum enim staphyloma illorum affectuum induit naturam, non amplius audit staphyloma.

§. XXII.

Phænomena consequentia; staphyloma corneæ, sive clausum, sive apertum (§. 17.) subinde accidit, tam frequens verò non est, quam multi oculorum

[n] Præsid. disp. de maculis corneæ p. 15. §. 9. confer. ejus disp. de leucomatibus Tobiaæ.

lorum affectus alii. Quod in modica corneæ, non perforatæ nec ulceratæ, subsistit protuberantia, diutissime, & sæpe tota vita, gestatur sine molestia atque periculo, maxime si lamellæ corneæ occalluerint, & ulteriori expansioni resistent fortius; tum vero, ut & alias, maculæ & cicatrices albidæ, opacæ visui tanto magis præjudicant. Quod è longa, aut profundiore lamellarum corneæ exulceratione natum est, vel statum ulcerosum servat, vel ulcere mundato atque consolidato, relinquit, in personis adultis certe, maculam perennem, radios luminosos ab ingressu in oculum tanto majore visus detrimento arcentem, quo centrum corneæ magis occupaverit. Diffunditur vero subinde talis albedo totamque obsidet corneam, fœdo sane spectaculo.

Aliquando tamen staphyloma corneæ clausum per menses annosque incrementum capit majus atque majus, ut limites palpebrarum longe transgrediat, atque mole sua, motuque, quem ex musculis servavit aliqualem, evadat molestissimum, & fluxiones serosas, acres, purulentas, si nondum adsint, concitet molestas, atque periculosas, palpebram inferiorem evertat, & alteri sano, per consensum insidietur oculo: ita pariter, in quacumque staphylomatis specie gravior, aut habitualis inflammatio, exulceratio, acutus dolor junguntur, alter oculus semper gravissime periclitatur ob consensum, nisi tempestive & efficaciter occurratur. Quod racemosum & proliterum quasi est staphyloma clausum, difficillimæ est tractationis, & vix coercibile, nisi bulbi incisione, vel omnino excisione; fit tamen in hoc & reliquo staphylomate, quod per solam accidit corneæ præternaturalem dilatationem, sive concurrat ulcerosa exesio, sive non, ut sponte tandem crepet, & humorem aqueum non modo eructet, sed & lentem crystallinam, aut vitrei partem, si non elidat, tamen foramini corneæ incuneet.

In his corneæ staphylomatibus clausis impacta aliquando pars uveæ accrescit corneæ, atque sic constituit synechiam: aliquando strangulatam vidit *Woolhousius* uveam, in tali corneæ dilatatæ sinu sive sacco, qui sc. orificium in basi sua habuit angustius, ac fundus erat, qui supra corneam eminebat, pari ratione ac subinde herniis intestinalibus & omentalibus accidit in inguine, vel umbilico, vel alibi. Hinc vero necesse est uveam vel lacerari, vel divelli, & pupillam sive uveæ foramen, vario modo affici, vel detorqueri, vel lacerari, vel claudi.

§. XXIII.

Staphyloma corneæ apertum, (§. 14.) non modo eandem labem affricat uveæ, sed & successive naturalem iridis uveæque colorem mutat, ordinarie in albescentem: si vero lividus hic evadat, pars prolapsa indurescat, punitivis continuo infestetur doloribus, vel rebelles in tempore lateris affecti dolores urgeant, canceri imminentis suspicionem movet. Quemadmodum è contrario in spongiosam invalescens notabilem massam, fungum oculo conciliat, qui in horrendam fœdissimamque increfcit molem, & denique transit facile in ulcus cancriformum. Qui ergo, in ulceroso & inflammatorio, maxime inve-

terato, staphylomate corneæ clauso, sub cineribus gliscit ignis, & ipse jam toti œconomix oculi perniciem minitans, hic in apertam erumpit flammam & omnibus oculi tunicis atque humoribus exitium affert, atque destructionem.

Observavit tamen præses plus semel, in tali prolapsu uveæ & mira ejusdem divulsione & abruptione non modo visum aliquem sub præsentē morbo, sed etiam post hunc curatum, superfuisse satis distinctum, id quod casus secundus, infra §. 28. subjunctus, evincit, modo corneæ centrum restiterit illibatum, & interna uveæ pars, quæ intra oculum remansit, non fuerit intense inflammata, aut si fuerit, dissipetur iterum.

Sclerotica staphyloma multo est infrequentius ob hujus tunicæ robur & minorem convexitatem, albugineæ tunicæ & tendinum musculorum oculi, superpositorum atque accretorum constrictionem, atque choroidæ firmiorem adhæSIONem.

Utrumque staphyloma, & corneæ & scleroticæ, si mole auctum, exco-riatum, aut exulceratum, & palpebræ diu clausæ, ac staphylomati appressæ fuerint, facile cudit præternaturalem cohæSIONem, vel cum cornea, *prophyisin* dictam, vel cum tunica adnata, *symphyisin*.

§. XXIV.

Staphylomata qualiacumque *solis raro auscultant medicamentis*, nisi cauta accedat compressio, vel alias manus chirurgica: quæ utut subinde non sit necessaria, in casu, quem tetigimus in limine §. 22. aliquando infida, ut in casu malignitatis cancrisæ; tamen aliquando non saltem ad tollendam deformitatem, sed & alterius sani oculi conservationem, atque dolorum, vigiliarum &c. mitigationem & ablationem ceu unicum superest præsidium, quamvis miserabile satis. Illæ vero veterum medicorum susceptæ staphylomatis ligaturæ multis magnisque premuntur utplurimum difficultatibus, molestiis, doloribus atque periculis, abscessibus, longis suppurationibus, omnium oculi humorum evacuatione, aut saltem fistula corneæ remanente, quemadmodum & ipsi accidit Antonio, qui semel tantum ejusmodi operationem staphylomatis suscepit, nec in posterum administrare voluit.

Si persona laboret caco-chymia scorbutica, venerea, aut alias cum ophthalmiis graviter sit conflictata, metus curationis vel operationis chirurgicæ si non irritæ, tamen longæ difficilisque futuræ incutitur, maxime si caco-chymiam illam ante operationem chirurgicam satis emendari, vel tolli non patiatur quodcumque impedimentum. In tempore venire & hic, quod vel repressionem, reductionem, repositionem, vel aliam chirurgicam staphylomatis cujuscumque operationem, vel pharmaceuticam tractationem spectat, omnium quidem rerum primum est, non audemus tamen, vel & infantili aut puerili ætati, aureos promiscue confirmare montes, quos pollicitus est

Woolhousius (§. 13.) scilicet restorationis visus, absolute, semper, promiscue procurandæ

§. XXV.

Pathologia : omne, quodcumque à nobis vocatum *staphyloma ad morbos conformationis*, in corneæ superficiei inæqualitate, protuberantia, figuræ mutatione, tunicæ relaxatione, situ uveæ mutato, conjunctivæ protuberantia, &c. referimus. *Subjectum morbi* est ordinarie cornea tunica, rarius sclerotica, in his enim, aut in illarum superficiei externa protuberat & coheret staphyloma. Sunt & ipsissimæ hæ tunicæ *subjectum* simul *causæ* à potiori; aliquando tamen *subjectum* causæ constituunt aliæ etiam oculi partes, e. g. uvea intense inflammata, turgida, incrassata, sclerotica externo impetu violento fortissime subitoque compressa, vel acri humore, pure exesa, perforata, camera oculi anterior inquinata pure, quod superficiem corneæ internam arrodit, & resistantiam corneæ debilitat, &c. *Genus morbi* hujus, staphylomatis, à quamplurimis & antiquis & recentioribus Medicis assignatur *proptosis*, sive procidentia, quatenus vel ipsa cornea, vario modo, (§. 19.) se proripit antrorsum, vel uvea prolabitur è sede naturali in sinum corneæ, vel foras per hiantem ruptamque corneam. *Hippocrates* [o] generali appellatione, omnes pupillæ dimotiones, transmotiones illas vocat *μελανίμημα*, quando pupilla, rupto oculo, loco movetur, & distinguit illa in majora & minora. Sed illi Authores nonnisi genus subalterum, sub morbo conformationis comprehensum, tanquam hujus speciem, proponunt. Qui staphylomata, certasve saltim ejus species referenda putant *ad genus herniarum*, pariter speciem morbi conformationis allegant. Neque his nos opponemus sententiis, modo debitam non omitant distinctionem inter procidentiam & herniam, juxta *Wedelium* [p], qui *procidentiam* prædicari ait de prolapsu ad extra, extra corpus, ut sensibus fiat visibilis, intra parietem obtensum, vel membranam: *herniam* vero, quando intra continentium sphæram adhuc subsistit è situ suo deturbatum membrum. *Morbos compositionis*, sive connexionis sub morbis conformationis comprehendimus, qui vero staphyloma, quod est cum- & ex vulnere corneæ, ideo morbis solutæ unitatis vindicaverit, causam efficientem talis staphylomatis cum formali confundet.

§. XXVI.

Causa staphylomatis proxima, est varia, pro hujus varietate & speciebus: corpus quodcumque sive fluidum sive solidum, lamellas corneæ, ac scleroticæ nonnullas extus aut intus atterens, erodens, vulnerans, contundens, exulcerans, sicque solutionem continui inferendo debilitans, attenuans,

[o] Hipp. Prædict. L. 2. S. 2. p. m. 102. L. I.

[p] G. W. Wedelius, Pathologia med. dogmatica. 4to. Jen. 1692. p. 85. §. 20.

nuans, unde reliqua corneæ & scleroticæ integra substantia attenuatur, se plus justo expandi & protrudi patitur, ceditque magis atque magis à tergo & circumferentia prementibus oculi tum humoribus, tum membranis externis, naturaliter tono & vi contractili gaudentibus, præcipue si, quod subinde fit, accedat status uveæ ac choroideæ inflammatorius, turgescens, pulsatorius: sicque humor aqueus, corneæ proximus à tergo urgetur versus corneam, licet ipse copia aut orgasmo non turgeat, & in corneæ superficiem internam quasi arietat, lamellas corneæ, crassitie ab robore debilitatas propulsat foras, atque sinum corneæ intus excavatum replet, distenditque. Oportet vero utramque hanc causam semper conjungere, quoniam sine lamellarum corneæ attenuatione & debilitatione humor aqueus non valet corneam attollere, saltem eo modo, quo fit in staphylomate: nec cornea, etiamsi attenuata, in gibbum protrudi, nisi à tergo propellatur: imo subsideret hæc potius aut complanaretur sola tali attenuatione, tanto magis, quod totam corneam collabasci statim observamus ab humoris aquei simultanea evacuatione per vulnus oculi. Hæc itaque genesis est staphylomatis clausi, solitarii, sine conjuncta uveæ procidentia, sive receptione in sinum corneæ dilatatæ.

Verum, quæ sit causa proxima, *cur uvea in laxata corneæ sinum abripiatur*, cum tamen naturaliter, & in præsentī corneæ præternaturali convexitate plus, distet à cornea, transversim in oculo expandatur, & in tota sua peripheria prope circumulum corneæ internum satis firmiter affigatur, imo lentis crystallinæ ac corporis vitrei appensis ponderibus retineatur, atque sic difficilis, si non impossibilis videatur ejus, uveæ scilicet, talis abreptio & protrusio, qualis hinc etiam apud Clariss. *Günziun* C. c. p. 15. vix fidem invenit, paucis edifferemus? Hæret omnino tunc potissimum in ipsa uvea vitium, inflatur hæc, intumescit, inflammatur, laxatur à suis vinculis, propius accedit ad corneæ concavum, & quemadmodum in synechia vel totali, vel particulari, appropinquat & adhæret corneæ superficiem internæ, naturalem suam concavitatem servanti, sic insinuatur in præternaturalem sinum faccumve dilatatæ corneæ. Fit autem atque observatur talis uveæ aberratio facilius atque frequentius in lateribus, versus peripheriam, quam in medio corneæ, quod ibi uvea propior est corneæ.

§. XXVII.

Staphylomatis aperti, (§. 19. lit. B.) quod nimirum constituit pars uveæ prolapsæ minor majorve, *causa proxima*, est foramen, hiatus, ruptura, penetrans in oculi interiora, corneæ vel scleroticæ inducta, vel per successivam majorem atque majorem sive scleroticæ sive corneæ exesionem, exulcerationem, attenuationem, & tandem spontaneam crepaturam, vel simultaneum vulnus, punctum cæsimve inflictum, patentius maxime ac amplius, lamellis corneæ integris, non debilitatis antea per morbum: unde

unde porta aperta foras ruit uvea, *vel* subito, si gravis ictus, contusio, impetive totum oculi bulbum concusserit atque constrinxerit, sicque & ipsam uveam divulserit, abruperit atque propulsaverit: *vel* successive laxata, tumefacta, emollita, suppurascente uvea, turgesciente vitreo, magisque per inflammationem tensis oculi tunicis, conjunctiva, sclerotica, choroidea. Superveniunt ut plurimum & *saucia* hæ *causæ*, ut primo, dum oculi, vel ob luminis impatientiam, vel medicamentorum applicationem, spleniis fasciisque obiecti in tenebris versantur, & tum sponte fiat maxima pupillæ ampliatio, ac uvea in ambitu suo quasi laxata facilius per foramen corneæ laterale possit excidere: secundo ipsa bulbi, corneæ præsertim, compressio, per impositam strictiorem fasciam inducta, corneam propius adducat uveæ.

Clara luce hæc omnia radiant, atque sic *tam à priori demonstratur*, posse *uveam vere procidere* per foramen corneæ, seu vulnere, seu ulcere inflictum exesumve, quam à posteriori per observationes, & sententias tot fide dignissimorum virorum abunde constat. Mirari hinc fatis non possumus, quî factum sit, ut clariss. ac diligentiss. Günzius in plusquam ducentis, ut disp. cit. p. 12. contendit, exemplis nunquam vere elapsam viderit uveam, neque per sectam aut laceratam, neque per exesam ruptamve corneam. Et, p. 14, (quod quidem §. 14. nostra disp. jam allegavimus,) parum hinc abesse fateatur, quin neget hanc tunicam (uveam,) posse sive per vulnus, sive per ulcus procidere: aut, si denique tot tantisque viris contradicere nolit, p. 12. tamen inter rarissimas affectiones referre non dubitet. Sed p. 15. idem ipse tamen allegat observationem propriam in duobus hominibus factam, ubi corneæ, cum aliqua simul laxatæ sublatæque scleroticæ parte, excisæ sinui uvea adhærebat, quæ tumida & quasi cornea facta [q] ab altera parte cum lente crySTALLINA coaluerat. Eosque homines refert diros antea cruciatus fuisse passos: per quos cum humor continuo in oculos destillaret, ita fortassis uveam quoque laxatam fuisse, ut se versus corneam inclinaret.

Atqui vero quæ potuit in biga horum casuum procidere uvea in sinum corneæ, cur non poterit in alio casu per vulnus corneæ penitus excidere?

§. XXVIII.

Mittimus alienas *in hanc rem observationes*, quarum paucae quidem debita concrisptæ *αμφιβεία* reperiuntur apud authores, & paucas quasdam spe-

[q] Tunicæ partesque corporis nostri parvæ tenuesque aliquando maxima p. n. incrementa sumunt. Testatur id subinde trans corneam perforatam uvea elapsa, caruncula lacrymalis, clitoris &c. Stupenda fuit illa longissima coniformis expansio tunicarum utriusque oculi post mortem genita & observata in suspenso fure, cujus meminit data opera in Dissert. epistolari, Heistero dedicata, Burgmannus Rostoch. 1729.

speciminis loco producimus, ex *schedis* observationum *præsidis*, è propria praxi olim consignatarum, verbotenus descriptas. Anno 1721. Lutetiæ Parisiorum, ubi ille tum degebat apud cel. Chir. Dn. *Gerard*, nosocomii virorum à charitate dicti, chirurgum primarium, appulit d. 28. Junii in eodem nosocomio puer, æt. 14. annorum, qui in platea cum sodali ludens acceperat d. 26. ejusd. ictum ossis super corneam oculi sinistri, (sine palpebrarum ulla læsione) unde *cornea trifariam*, quasi in triangulum *fissa* est, cujus centrum in medio existit corneæ. Multum sanguinis fudit, oculusque subsedit, ob humoris aquei effluxum. Non dolet. Prima oculi camera tota sanguine extravasato rubet, ita ut nihil de iride, vel pupilla conspiciatur. Versus angulum internum oculi in circulo corneæ, ubi radiorum unus dicti vulneris triangularis terminabatur, cornea quasi oblique secta & elevata erat, *per quam fissuram portio exigua nigricans iridis trajecerat*. Æger nec lucem nec tenebras distinguit. Biduo post ictum, die nempe 28. Jun. primum deligavi, (quæ scil. Procerum nosocomii in me exterum singularis erat benevolentia) per venæsectionem incepti, diætā tenuem, decubitum supinum, continuo observandum, commendavi, crebras itidem fomentationes sequentes ex decocto herb. veron. & hyssop. rad. consolid. maj. cui additum est parum aquæ calcis vivæ & spiritus vini.

D. 28. Jun. usque in 10. Julii dictas fomentationes continuavi ter quaterve per diem, singulis vicibus deligando oculum ægrum, & postea quoque sanum. Myocephalum augescentem repressi successive splenio triangulari, in angulum internum oculi applicito, positis insuper quadratis, fasciaque, oculus simplex & duplex dicta, firmatis. Versus octavum diem camera anterior sensim sensimque serenata est, incipiendo à parte superiori. Interea temporis nullum fere dolorem sensit, objectam candelam accensam ex omni latere, quo posui, distinxit versus diem duodecimum, nullum vero aliud objectum.

Bulbus oculi incipit elevari & naturalem recipere convexitatem. Cicatrices nullam efficiunt protuberantiam aut opacitatem, excepto vulneris centro, ubi nimirum tres radii vulneris triangularis concurrunt, ibi macula formatur albida. d. 7. Jul. Xenodochio valedixit. Oculi læsi bulbus non omnino ita convexus, sed magis applanatus est, de Myocephalo nonnisi vestigium, puncti instar nigricantis, restat. Tota iris conspicitur per corneam transparentem, sed pupillam occultat macula in medio corneæ, iris plus justo propinqua est corneæ, contra quam appulsa videtur tanquam à corpore solido & turgente, quod à tergo premit, quodque crystallinum esse suspicor, qui post tales ictus facile turgescit & glaucomaticus evadit. Nullum distinguit objectum.

Alter casus, staphylomatis nempe corneæ, & prolapsus uvæ obtigit Præsidis valde singularis Stuttgardiæ a. 1726. d. 16. Sept. in viro mercenario Martin. Nuffer, æt. 48. an. Hic ante tres septimanas noctu impegit oculum

lum sinistrum in regulam (*den Maßstab*) lecto acclinatam, unde palpebra valde intumuit, multum feri cruenti statim profluxit, cum subsequis mox mox enormissimis doloribus. Imposuit Dn. Chir. Gechter, (hodierno die superstes senior & primarius Stuttgardiensium chirurgus) sacculos resolventes calidos in vino coctos, unde dolor cessavit intra decendium. In præsentiarum adnata rubet mirum quantum & inflammata est, cornea superius prope circulum *perforata transmittit magnam uveæ partem*, suppuratam albidam, instar laciniae dependentem, ut iridis & uveæ post corneam appareat non nisi dimidia portio, instar segmenti perpendicularis à circuli corneæ interni loco superiore versus inferiorem. Pupillæ vix superest vestigium, nisi ad latus internum circuli corneæ versus angulum oculi internum, ubi instar lineæ potius transversæ quam foraminis observatur. *Visus mirifice* adhuc salvus. Distinguit forficem, annulum, bacillum ceræ Hispanicæ &c. Per suppurationem abcessit lacinia uveæ propendens. Vulnusculum est consolidatum. Idem visus perstitit anno post, quo virum iterum examinavi. Quid dehinc cum oculo factum, nescio?

Tertius casus sistit *complicatum sclerotica staphyloma*, valde curiosum Lutet. Paris. 1721. d. 17. Jan. Vir 50. an. ictum pilæ in oculum sinistrum accepit in sphæristerio dum pilas collecturus ad humum se inflecteret. Ex hac contusione, larga mox oculi hæmorrhagia & inflatio, dolor in medio oculi lancinatorius. Quæ cuncta post V. S. remiserunt. Ante decendium jam in Xenodochium Charitatis apportatus nihil egit aliud, quam oculum vino fovere aromatioco, venam bis secare, semel purgare. Hodiernus dies est vigesimus primus ab ictu. Jam conjunctiva tota rubet, tumet. Cornea pellucida & bulbus debite repletus est. Pupilla valde dilatata, non tamen lacerata. *Vulnus sclerotica* versus canthum internum, distantia lineæ à circulo externo corneæ. Extra vulnus *propendit filamentum album*, quod pro pure non poterat haberi, quia tenax instar veræ membranæ fuerat: retinam duritie & tenacitate superat. Magis ergo ad tunicam uveam accedit, cujus nigredinem solitam non servavit, quia per suppurationem levem inter hos 21. dies quasi ablutum fuit. *Corpus vitrei* etiam magnitudine *pisi protuberat*, membranula subtili, & quasi miniato colore tincta, obductum, quam tunicam vitream, parum inflammata, judico. Egere plane nihil oculo distinguit. Cætera bene habet.

Omnes quotquot oculum hunc inspexere, perditum declaravere. Ipse etiam Woolhousius, quem ut hunc quoque examinaret oculum, adduxi, non amplius eum posse consolidari, post 21. dies elapsos pronunciavit coram adstantium corona, sed penitus aperiendum esse, humoresque emit-tendos, atque sic evacuatum bulbum cicatrice claudendum. Regeffi è vestigio: extremum hoc fore remedium, consultius tentari prius leniora, quoniam (α) cornea sit adhuc pellucida (β): iris non lacerata (γ): insipienti humores non appareant turbidi, vel peregrino imbuti colore: (δ) nullum in morâ sit periculum, cum per hos 21. dies, quibus vi-

treus non repositus neque vulnus clausum fuit, nec inflammatio, nec vitrei protuberantia increverint. Quapropter mox vesicatorium tempori sinistro imponi iussi, oculum sæpe fomentari decocto veronicæ & hyssopi. Ipse palpebras Xystro vegetabili strenue scarificavi, pro vasis deplendis & inflammatione moderanda. Diæta sit tenuis, cubet capite in dextrum latus inclinato. D. 18. Jan. Vesicator. nullam excitavit vesicam: dolores lancinatorii subinde redierunt, bene tamen dormivit hæc nocte. Inflammatio eadem. Oculo instilletur sequens ung. ℞. ung. de tut. ℥ij. ol. ovor. ʒß. Balf. de Mecha. gt. XII. Fiorovant. gt. vj. succ. expr. rec. consolid. maj. ʒj. M. D. D. 19. omnia ut prius, continuentur ante præscripta. Introduxi sub palpebras compressorium methodo Woolhousiana (l'emboitement) splenia triangularia gradualia (alterum altero amplius, latiusve) angulo interno oculi applicui. Utrumque oculum obligavi. Labia vulnusculi callosa parum scarificavi. D. 20. Oculus valde doluit: non dormivit: suppuratio copiosa: maculam contraxit cornea albam prope circulum suum versus canthum externum. Fortius imposui vesicatorium tempori sinistro: fomentet toto die oculum: decocto pro fomentatione addatur aq. calc. viv. & sp. vin. parum. Omisi compressas & fasciam. D. 21. dolor cessavit: satis quieta nox: prolapsus vitrei idem: macula corneæ alba persistit. Scarificavi Xystro palpebras & conjunctivam. Fomentet oculum. Vesicatorium educit feri copiam. D. 22. bene dormivit: scarificavi labia vulneris, s. rupturæ. Fomentet oculum. D. 23. oculo & sinistro capitis latere vehementer doluit. Scilicet vix semel interea oculum fomentavit. Macula albicans in cornea restat. Inflammatio eadem. Applicetur clyσμα. Oculum deligavi spleniis triangularibus, in angulo interno applicitis, & quadrato, imbutis collyrio sequenti: ℞. ∇. ros. fœn. plantag. aa ʒiij. sacch. ʒ. & alumin. aa ʒß. cum albumine ovi conquassatis. Instillavi oculo guttas aliquot ung. ophthalmici Woolhousii. D. 24. bene dormivit, nec oculo, nec capite doluit. Maxima vitrei portio regressa. Macula corneæ, inflammatio conjunctivæ & carunculæ lacr. persistent uti prius. Decocto pro fomentatione addidi parum rad. symphyti: deligavi compressis triangularibus, externe applicitis. D. 25. Scarificationem repetii. Macula restat. Bene valet. D. 26. Bene dormivit, oculus non dolet. Ung. ophth. oculo instillavi; fomentavi: compressas, sive splenia triangularia cantho majori applicui &c. D. 30. Vitreus penitus regressus: caruncula vero lacrymalis adhuc tumida propendit. Macula corneæ eadem. Scarificavi labia novellæ cicatricis. Fomentet toto die oculum decocto consueto. Cætera pancreaticæ valet. Tota conjunctiva adhucdum rubet. D. 3. Febr. Cicatrix magis magisque firmatur, adeo non est deformis, ut vix locus vulneris percipiatur. Unguento ophthalmico addidi aliquoties balf. de Mecha guttas aliquot. Plane jam quoque detumuit caruncula lacrymalis, & in sursum se recepit angulum. Pupilla versus angulum internum distracta apparet.

paret. Reliqua ut prius. Abiturientis viri statum porro explorare non licuit.

Mirabitur fortassis B. L. quod nulla, vel adeo parca sit facta mentio medicamentorum internorum. Oportuit hanc curam maxime Medico Xenodochiali relinquere. Casus hos, licet multa contineant aliena à præsentî themate, volumus exhibere, prout in ephemeridibus Præsidis extiterunt. Sed nec sic quidem male! Omnia enim ad medicinam oculariam faciunt. Cæterum à posteriori demonstrant, ni fallimur, quod erat demonstrandum: nempe dari vere procidentiam uvæ per ruptam tam corneam, quam scleroticam.

§. XXIX.

Therapia: ad hanc enim, ne nimis prolixè simus, est properandum. Indicationes formamus, (α) omissivam, (β) curativam, (γ) pal-
liativam,

Omissiva indicatio: quid omittere, quid non agere deceat? In staphylomate clauso levi, sed inveterato nihil temere moliendum est vel pharmaceuticis, vel chirurgicis remediis, quia levis ejusmodi protuberantia facile toleratur; habitualis & chronica vero difficillime tollitur, & cum metu reddendi malum pejus. Nihil agendum est in staphylomate clauso, quod in majorem affurrexit molem, si visus aliquis superstes sit nec deformitas crucem figat: si cancrofa malignitas aperte concurrat cum staphylomate aperto, racemoso, fungoso, præstat malum non curare, quam curare, ne hic vel maxime chirurgus redarguatur effato Hippocratico [τ]: turpissimum est, per manus operam non assequi quod cupias. Instituta enim tunc operatio chirurgica, per adustionem, extirpationem &c. communiter recta ducit in cymbam Charontis.

Indicatio curativa præcipit

- (α) Protuberantias corneæ, scleroticæ reprimere, naturalem tunicis his convexitatem restituere.
- (β) Partes prolapsas quantocyus reponere, vel
- (γ) Septicis, forfice, ligatura tollere,
- (δ) Solutam vel corneæ, vel scleroticæ unitatem consolidare; inductam hinc cicatricem dirigere, confirmare.
- (ϵ) Maculas corneæ, seu ab exulceratione, seu à vulnere præsentès & futuras abstergere, prævenire.
- (ζ) Massam sanguineam purificare; affluxum ab oculis revellere, derivare: circulum sanguinis & subtilissimæ lymphæ in oculo liberum reddere.
- (η) Ophthalmiæ, ulceribus, acutissimis doloribus, vigiliis perpetuis, aliisque symptomatibus urgentibus una obviam ire.

V v v 3

(9) Ad

[τ] Hipp. Libr. de Medico, S. I. p. 20. circa medium.

- (9) Ad extremum mali, corneam, aliquando & scleroticam incidere, abscindere, humores, tunicas evacuare, vulnus consolidare.

Indicatio palliativa docet

- (α) Protuberantiæ incrementum compescere.
 (β) Tunicarum crepaturam impedire.
 (γ) Manationem ulcerosam exsiccare, tollere.
 (δ) Statum cancrum moderari, delenire : ne se diffundat serpatque impedire.
 (ϵ) Bulbum oculi, vel per spontaneam exulcerationem ruptum & collapsum, vel post tunicarum, corneæ, scleroticæ etiam ex parte abscissionem, subsidentiam, consolidare, &, si libeat, oculo artificiali obtegere.

§. X X X.

Indicationibus his omnibus tres quidem inserviunt fontes, Pharmaceuticus, chirurgicus, atque diæteticus & amicas sibi manus commodant, potior tamen ratio est in dextra chirurgi manu, sive necessitatem spectes, sive efficaciam, sive securitatem.

Medicamenta acria, septica, caustica, qualia veteres, atque nonnulli recentiores applicari jusserunt, ad staphylomata consumenda & extirpanda, dubiæ, quin periculosæ, sunt alexæ, vel suspensa certe manu, magna cum cautione, & non nisi in minoribus staphylomatibus, absente ophthalmia graviore & acri, vel cancrosa humorum colluvie, debent adhiberi. Observavit procul dubio cunctas hæc cautelas sæpe jam laudatus Günz in disp. cit. p. 27. cum scriberet, quod ipsi usus ostenderit tutissimam huic staphylomatis generi (scil. myocephalo, & staphylomati quod aliquam tantum partem corneæ dilatatæ occupat) medendi rationem esse, quam olim à Parisino oculario, Dn. de St. Yves, Præceptore suo acceperit. Oportet, inquit, fumino staphylomati lapidem infernalem (causticum ex D. & aq. fort. paratum, in forma sicca) admove, idque iterum & tertio, sed manu admodum temperata, facere. Et hoc quidem tanta moderatione peragendum est, ut cum ab oculo, tum etiam à palpebris omnis noxa avertatur. Quapropter hæc manu diducendæ sunt, & æger jubendus, ut, quantum fieri potest, oculum figat. Et quo hæc partes omnino tutæ præstentur, & cum dolor, tum omnis inflammationis metus avertatur, commodissimum est vasculum vel aqua, vel lacte & aqua inter se mistis, tepidis, plenum ita oculo aliquandiu admove, ut summam ejus partem alluant. Per lapidem igitur, hac cum moderatione staphylomati admotum, cum levis aliqua suppuratio moveatur, tunicis laxatis corneæ se contrahendi occasio adfertur, ac tumor primo imminutus, exigua quadam cicatrice inducta, tandem totus tollitur. Dividi tamen hanc operationem oportet, & lapidem, ubi per triduum quatrimumve Medicus conquievit, iterum & aliquando tertio, admoveri. Inter hæc tutum non est oculum devincire, quem

quem à plena luce remotum esse sufficit. Neque corneam & palpebras in hoc malo inter se coalescere frequens est; præstat tamen noctu tenerioris vesicæ frustulum, quod unguentum excepit, quale illud Woolhousii est, inter palpebras inferere. Ubi hoc unum supererat, ut ulcus cicatrice clauderetur, St. Yves aqua ophthalmica usus fuit, qualis rubra est, vel quæ lapidis divini & metallorum croci aliquot grana habet, quo tunicis plus roboris adderet. Fere commodius est, unguentum in oculum conjicere, quale Woolhousii est. Hæc curatio homini videndi facultatem propemodum plene reddit. Hucusque Clarif. Günz è mente Yvesii [s]! Hoc itaque modo, qui celeb. hos viros præeuntes sequi voluerit, indicationi illi per septica, causticaque §. 29. lit. γ allegatæ satisfaciет.

§. XXXI.

Universali autem & majori applausu recepta sunt medicamenta tonica, adstringentia in forma pulveris, balsami, unguenti, mucilaginis, collyrii humidi, decocti, in epithematibus, sacculis aut per vaporem appliciti, quæ & tunicas corneæ, scleroticæ, laxatas, attenuatas, crepaturæ proximas, & partes è tunicis ruptis prolapsas robovent, contrahant, repellant. Si temperata fuerint hæc adstringentia, aut solventibus commixta, aut in forma epithematis, decocto ingredientium vinoso imprægnati, applicita diligenter palpebris, non roborandi & adstringendi saltem, sed discutiendi quoque viribus una fidelia duos parietes dealbabunt, stasesque sanguinis, & lymphæ in vasculis & poris tunicarum, dissipabunt potius, quam augebunt. Neque ego quidem, reformidaverim vel alumen crudum, vel lap. hæmatit. pp. vel sanguin. Draconis, vel succum recenter expressum symphyti, & similia, dummodo tempore, modo, locoque debito adhibeantur. Quæ ex his sub unguenti, balsami aut mucilaginis forma applicantur ipsi affectæ parti immediate, neque tamen eorundem diffusio super totum oculi bulbum admitti velit, possunt exigua quantitate tenui penicillo, quali pictores utuntur, parti affectæ illini, & palpebræ aliquandiu digitis servari diductæ, deinde vero frustulum tenuissimæ vesicæ, quæ bracteatoribus auri usualis est, superponi, atque sic inter bulbum ac palpebras interposita servari. Atque hæc quidem topica adstringentia in illo potissimum staphylomate valent, quod lamellarum corneæ dilatationem, nimiamque expansionem pro fundamento habet, tum & quod ex uvea foras prolapsa oritur, aut, cujus post repositionem uvæ procidentis peractam, relictum vulnus, sive foramen est arctius contrahendum. Sed in ipso tamen minore myocephalo, nedum staphylomate, sola hæc medicamenta vix satisfaciunt, nisi accedat externa compressio, vel per sola imposita

spile-

[s] Dn. de St. Yves de usu lapidis infernalis contra staphyloma nihil habet in suo de morbis oculorum libro, ulceribus quidem in tarsis palpebrarum eum affricat, l. c. p. 220.

splenia , injectamque arctiorem fasciam , quā simplicissima methodo subinde usus est Præses felicissime , vel per machinas & instrumenta prementia & comprimantia , palpebris , aliquando ipsi bulbo oculari , partive affectæ & protuberanti propius applicita. Unde jam hunc curandi modum strictius prosequentes , primæ , quam formavimus , indicationi plenius satisfaciemus.

§. XXXII.

Compressio , quæ per sola splenia , e molli detritoque parata linteo , & fasciationem , quæ audit vel simplex , vel duplex oculus , peragitur , sic est adornanda , ut splenia ; e quadruplicato linteo in figuram triangularem complicata , alia aliis majora , tum & aliquod quadrangulare spissum , fasciæque , duas fere ulnas Parisinas longa sic applicentur , ut minimum e triangularibus spleniis primum applicetur loco palpebrarum , qui respondet protuberanti corneæ , vel scleroticæ , dehinc aliud triangulare , latius , superimponatur priori , & , si opus videatur , huic etiam superstruatur tertium , adhuc latius , cunctis vero his superingeratur quadrangulum , & denique fascia circumducatur , quantum æger ferre possit , vel successive , strictior. Si punctum compressionis magis vergere debeat versus angulos oculi , figura spleniorum tanto magis requiritur triangularis. Cæterum figura spleniorum rem non conficit , modo sufficienter & debito loco premant. Splenia hæc triangularia possunt vel sicca , vel spir. vini imprægnata , vel collyrio conveniente imbuta , applicari calida , extimum vero siccum & bene calidum , ne interiora cito refrigescant. Solet etiam spleniis lamina plumbea extus illigari , ad vim compressionis augendam. Mutatur & repetitur deligatio pro symptomatum & circumstantiarum ratione , vel per trihorium , vel sihorium , vel & tardius.

Si quæ adsint contraindicationes , e. g. gravis inflammatio , vel status ulcerosus , copiosam aut acrem plorans saniem , vel dolores acuti &c. tum vel differenda est talis compressio in commodius tempus , vel moderanda , vel superinducenda corneæ est lacinia tenuissimæ vesicæ , unguento Woolhoussii ophthalmico , aliove , peruncta , ut ulceri non modo occurratur mundando & consolidando , sed etiam impediatur præternaturalis concretio corneæ , scleroticæve cum palpebris. Cæterum si vel maxime oculus sanus in curatione staphylomatis alias vinctura non opus habere videatur , hic tamen ubi oculus staphylomate affectus compressioni subjicitur , e re est , sanum pariter obligare oculum , quoniam si alter sanus oculus quaquaversum in visione commovetur , eundem sequi motum oportet quoque alterum , licet compressum & fascia munitum oculum , sicque punctum contactus & compressionis determinatum mutare , ac insimul molestam atque periculosam subire frictionem.

§. XXXIII.

Has simileſve compreſſiones, fortiores certe, locum non habere contra partem uveæ prolapſam, quæ ſic periculofe contunderetur: neque etiam in magno ſtaphylomate clauſo totali, inveterato & occalleſcentibus ejus lamellis, quoniam hoc eſſet laterem lavare, facile patet. Machinam vero compreſſoriam invenit Woolhouſius; quam compreſſorium Hippocratis inſtrumentum vocat, (quo loco tale deſcribat Hippocrates, nondum inveni?) ſimplicem, unica patella conſtantem, & duplicem, duabus gaudentem patellis, pro ambobus oculis, qualemque duplicem delineatam exhibet celeberrimus Platner [t], hanc, inquam, machinam commodius, citiusque quam faſciationes alias, applicare & remove licet, & vim compreſſionis quovis momento vel relaxare, vel intendere, mediante hujus machinæ arcu, per cochleam pro lubitu apprimendo. Ipſa machina holoserico eſt obducta, & patellæ ejus, quæ brachio per cardinem verſatili affixa eſt, ſubjiciuntur molles compreſſæ, ſive ſplenia, ut nimium rudis palpebrarum oculique compreſſio obtundatur. Patella ſuperficie ſua inferiore, qua palpebras attingit leviter ſinuata eſt. Hæc vero excavatio non minus ac totius patellæ magnitudo reſpondeat ſtaphylomatis magnitudini ac convexitati neceſſe eſt.

Hactenus externæ compreſſionis ſpecimina ſtitimus; an vero, & quomodo ipſum oculi bulbum ea parte, qua protuberat in ſtaphylomate, liceat per immediatam compreſſionem coercere videamus?

§. XXXIV.

Annunciavit Woolhouſius ante plura luſtra hanc methodum, quam vocavit *Remboitement*, vel *emboitement*, quæ latine poſſet reddi incapſulatio, vel operculatio: illam vero nullibi, & ne quidem in dictatis ſuis plene & diſtincte propalavit, ſed oretenus ſaltem ſuis tradidit aſſeculis. Vocavit *emboitement*, quoniam inſtrumentum hoc compreſſorium capſulæ (*à une boîte*) aſſimilatur, & pars bulbi ocularii prominens & convexa comprehenditur ſub capſulæ hujus concavitate: capſulæ vero ſphæricæ vel hemiſphærium, vel aliquod ſegmentum modo eſt hæc dimidiata capſula.

Capſulæ hujus *materia* poteſt eſſe varia. E cornu, plumbo, argento, aurove tornata, vel fabrefacta. Tenuem & nitide politam, vel lævem eſſe decet, extus convexam, intus concavam, ejuſque & diametri & concavitatis, quæ parti affectæ oculi comprehendendæ ac comprimendæ reſpondeat. Unde ſi totam corneam complecti debeat, dimidiam ſphæram ſive hemiſphærium majus conſtituere debet, ſi partem corneæ vel ſcleroticæ aliquam ſaltem o-

Tom. I.

X x x

periri

[t] Platner, inſtit. chir. §. 589. Tab. 6. f. 13.

periri debeat, segmentum sphaeræ minus, aut quadrantem sphaeræ, vel alijs figuræ frustulum, modo intus sinuatum sit, æmulari necesse est.

Modus applicandi hic est: capsula, sive patella talis cujuscumque magnitudinis & figuræ, tepefacta, convenienti unguento, vel mucilagine irrorata parti protuberanti, palpebris antea satis diductis, placide admoventur, palpebræ desuper clauduntur, spleniis obteguntur & fascia vinciuntur, vel compressorio Hippocratico, §. 33. placide apprimuntur. Finis & usus talismodi compressionis est varius: scil. compressionis, repressionis tunicarum, corneæ, vel scleroticæ protuberantium: repressionis uveæ, in sinum dilatatæ corneæ procidentis: impediendæ concretionis corneæ, vel conjunctivæ oculi cum interna palpebrarum tunica conjunctiva: præveniendæ hyperfarcosis, aut extantioris cicatricis, comprimendorum & ad se invicem apprimendorum vulneris vel corneæ, vel scleroticæ labiorum pro maturanda & confirmanda eorundem consolidatione: præmuniendi & obfirmandi bulbi ocularii, ut ne post factam paracentesin recidat in pristinum hydropem, sive hydrophthalmiam: compingendi & in globosam figuram conformandi reliquias bulbi ocularii post extirpationem partis ejus anterioris. Sed ingenue notavit ipse Woolhousius, quod solidorum atque durorum ejusmodi corporum immediatæ impositiones, facile irritent atque rubefaciant oculum, (si l'emboitement commence à chagriner & rougir l'œil) & negotium faceffant corneæ, (*l'emboitement, qui de soi-même ne fait aucun plaisir à la cornée*) dolores excitent, albam corneæ maculam inducant, id quod nostro etiam casu §. 28. p. 34. exhibito patescit; itaque caute hic est mercandum, & in casu præsentis momentosæ inflammationis, aut gravium dolorum ab hac methodo abstinendum donec illa sint profligata mala, alias vero, quod supra monuimus, tali patellæ & oculo interponendum est tenuissimæ ac mollissimæ illius vesicæ bracteatorum auri frustulam, reliquis etiam cautelis, supra inculcatis, de excisione lateris patellæ, de figenda patella, ne super oculum instabilis oberret &c. solícite inhærendum, minime neglectis etiam indicationibus reliquis therapeuticis atque diæteticis, quales mox subjungemus.

Quamdiu talis patella compressoria super oculi bulbo relinquenda sit, determinant tolerantia ægri, & necessitas protuberantiæ, nondum subsidentis quantum satis est, aut vulneris nondum absoluta consolidatio, aut metus concretionis mutux bulbi cum palpebris. Hinc aliquando continuatur hæc methodus, per aliquot dies, aliquando plures septimanas, sine remissione. Aliquando interponuntur feriæ. Alias quotidie, vel semel, vel bis mutatur, & renovatur totus apparatus, nova applicatur vesica, & patella à fordibus purgatur, & vel eadem statim reponitur, vel nova, donec prior siccata satis & munda fuerit.

§. XXXV.

At vero, si staphyloma sit apertum, si uveæ pars per vulnus aut rupturam corneæ exciderit, tum sane ineptus fuerit, quisquis ante dictam arctio-

ris

ris compressionis viam calcare tentaverit: ita enim uvea inter malleum & incudem periculose non minus ac molestissime versaretur. Illud tum potius primo & primario est agendum, ut juxta nostram indicationem secundam §. 29. *pars prolapsa ocyssime reponatur*. Itaque sive hæc pars uveæ prolapsa mycephalon, sive staphyloma, sive clavum referat, quocumque anni tempore acciderit, sive febricitet æger, nec ne, advolare chirurgum jubet Woolhousius, tanquam ad ædium incendium, ut opem ferat sine mora: & si quidem vesperi noctuve se primum obtulerit æger, hunc in lectum se componere jubet, capite supino & declivi decubiturum, per clyfma evacuari, (sed reddere illud in subjectam patinam non mutato corporis situ) venæ sectionem vel tum, vel craftina luce, non parcam, admittere, nisi alia contraindicent; postea vero, cum, lumine diurno favente, liceat statum morbi rectius explorare. Partis prolapsæ repositio, si quidem illa nec valde tumida, inflammata, suppurascens, vel callosa, aut plane sphacelata fuerit, tentatur hoc modo: ægri caput in talem situm collocatur, qui partem uveæ prolapsam inclinet in viam declivem: palpebra digitis chirurgi leniter fricatur, agitur, premiturque eo loco, qui subtus respondet parti prolapsæ. Sin regressus prolapsæ partis hinc minus eveniat; specillo tenui, e cornu, vel virga balænaria facto, apicem latiusculum, planum, & levissime flexum habente, retruditur placidissime, & intra cavum primæ oculi cameræ reponitur.

Si corneæ vulnus, aut foramen nimis angustum sit, & obstet huic repositioni, dilatandum illud est incisione, per tenue scalpellum falcatum, quod præcepit jam olim Woolhousius, sed in illo vulneris angulo, vel latere, quod plagam neque deducat versus centrum corneæ, pupillæ obversum, neque in circulum corneæ, quoniam ibi, consolidata plaga, quæ remanet opaca cicatrix visui nocet, hic vero separatio uveæ à cornea, vel sclerotica, aut suppuratio interna, & hipus iridis sequuntur. Statim vero ab hac dilatatione vulneris, molienda est reductio uveæ prolapsæ, multo nunc facilius succedura. Si vero nec hac encheiresi prolapsa uvea se reponi patiatur citra magnam vim & contusionem, quid ultra sit agendum, infra addemus.

§. XXXVI.

Post felicem vero repositionem, habenda ratio est situs ægri maxima cum attentione ac diligentia, prout foramen vulnusve obsederit hanc illamve regionem corneæ. Cum enim cornea fuerit pertusa in parte superiori, sub palpebra superiore, debet æger caput erectum, in lecto sedens potius quam cubans, tam diu servare, donec pars prolapsa penitus non modo sit regressa, sed etiam reditum non affectaverit, tum vero apparente vulneris cicatrice caput ægri successive magis reclinandum est, ut iris removeatur magis magisque à cornea, & in humore aqueo fluctuet, modo locoque naturali, atque sic impediatur synechia. Quorsum & hæc facit cautela, ut oculus affectus sæpe, & aliquandiu lumini exponatur, modico quidem & tolerabili, ut

uvea, seu iris hinc se contrahat, magisque secedat à confiniis corneæ, per quam antea fuerat elapsa. Id quod in cæteris quoque staphylomatibus, alio corneæ loco obviis est observandum. Si cornea hiet inferius, sub palpebra inferiore, molestum hunc cubandi situm tenere cogitur ægrotus, ut inverfo modo, caput ad inferiora lecti dependens & declive, pulvinaribus tamen sustentatum, corpore supino jacente jugiter habeat, & illud, pro refocillatione bis terve saltem per semihorium quotidie in lineam rectam & cum trunco corporis horizontalem attolli curet, sed opponat tum simul, relapsuræ & exiturienti uveæ, comprimentes & suffulciantes suos vel alienos digitos. Si cornea in latere interno, vel externo sit perforata, optimus ægri situs est supinus, horizontalis, capite inclinato in latus vulneri oppositum. Si vero vulnus occupaverit centrum corneæ, tum idem supinus ac horizontalis situs, sed absque capitis inclinatione in latus, convenit. Diversi hi situs exquisitè sunt tenendi, donec vulnus corneæ ostenderit cicatricis e facta consolidatione initia, id quod, administratis simul traumaticis medicamentis, aut & aliis remediis intra 8. vel 15. dies circiter fieri solet: in staphylomate autem illo inferiore duplum sicut sedulitatis, ita & temporis exigitur; certi enim & attentissimi homines constituendi sunt, qui dies noctesque ab initio hæreant à latere ægri, & vel impatientem vel dormientem impediant ab intempestivo noxioque capitis motu.

Sin minus tota uveæ procidentis pars repelli primo actu valuerit, relinquenda est in dies subsequos, quibus, sedata interim inflammatione & intumescencia corneæ & conjunctivæ, orificioque, per detumescenciam, aut lenem suppurationem patientiore facto, dehinc reliquum operæ & repositionis absolvi commodius poterit.

§. XXXVII.

Post repositionem partis prolapsæ administratam, ægroque in debitum corporis atque capitis situm collocato, imponitur labiis corneæ vulneratæ & hiantis frustulum vesicæ bracteatorum auri, imbutum collyrio, ex albumine ovi conquassato cum succo rad. symphyti fortiter expresso, vel alio simili temperato conglutinante remedio, & ex instrumentis compressoriiis, supra recensitis, aliquod tamdiu applicitum gestatur, donec novella consolidati vulneris cicatrix penitus confirmata fuerit. Inter hæc vero non saltem resolventia, temperantia, aliaque pro symptomatum exigentia, propinquantur medicamenta, sed diætæ summo etiam cum rigore studendum est. Nulla solida sumat æger alimenta, quæ vel manducationem atque maxillæ fortiolem exposcant motum, vel ipsa liquida, calorem & orgasmum excitantia, vel & in universum valde nutrientia. Subsistendum illi potius est in usu, eoque modico jussulorum carniū, cum vitello ovi conquassatorum, cremoris avenæ hordeivæ, pultium varii generis, gelatinæ pomorum, lacticiniorum &c. cum decocto ad potum e fl. til. hord. crud. rad. liquir. acetosæ, sem. fœnic. & similibus, interposita per alternas noctes emulsione e sem. 4. frig. amygdalis dulci-

dulcibus, sem. pap. alb. c. ∇ . cer. n. viol. & buglos. edulcorata vel sacch. canar. vel sir. pap. alb. aut fl. paralyf.

Hoc ipso intervallo, quo cicatrix formatur, abunde temporis conciliatur, quo humor aqueus à corneæ ruptura vel ante, vel sub repositione uveæ prolapsæ evacuatus, possit regenerari, atque sic naturalis reddi corneæ figura convexa.

Si labia vulneratæ vel ruptæ corneæ callosa sint, oportet illa post repositionem partis prolapsæ factam refricare ac animare per providam scarificationem, ope subtilioris xystræ vegetabilis, aut tenuis scalpelli falcati, acutissime scindentis in apice, aut certæ acus chirurgicæ perficiendam. vid. Præsid. disp. de fistula corneæ. p. 25. §. 22.

§. XXXVIII.

Quid si autem pars uveæ extra vulnus corneæ prolapsa nullo possit reduci modo? Si fuerit exilis portio, aut longior quidem, sed tenuior, instar filamenti, solet intra vulneris angustæ labia quasi strangulari, & successive, brevi dierum intervallo per suppurationem sponte abscedere; si tamen suppurationem maturare volueris, & tentare num, abscissa, quæ propendet, parte, vel reliqua vulnere incuneata pars tunc facilius reprimi, vel certe vulneris labia citius consolidari possint, per nos licet. Ligaturam talis prolapsæ partis, quæ circumdato & adstricto cerato filo vel serico vel lineo à nonnullis, veteribus maxime, suadetur, atque sic lentum hunc separandi modum, majore cum irritatione ac dolore junctum longe postponimus simultaneæ abscissioni proxime ad superficiem corneæ, forficis vel scalpelli ope, peragendæ.

Si *pars uveæ prolapsa vehementer intumuerit* ac adeo increverit, ut ipsam corneæ diametrum æquet vel superet, sicque non amplius quæstio sit de reponendo tali staphylomate, sed potius extirpando, antequam ulterius capiat incrementum, & malum variis augeat malis: tum videtur optima hæc esse methodus, quam Yvesius laudat, quamvis illam videatur tamen magis destinare staphylomati clauso, & quod totam corneam nondum occupavit. Nempe per medium staphyloma curva eademque acuta acus cum annexo filo serico traducitur. Tum, dempta protinus acu, duo fili serici capita paululum contorta sinistræ manus digitis apprehenduntur, scalpelloque vel phlebotomo deinceps adhibito, paulatim sub filo tumor separatur, donec tandem forficis adjumento penitus rescindatur, & à cornea, cui maxima parte accumbit saltem, aliqua vero cohæret, separetur citra corneæ excoriationem aut vulnerationem, quantum fieri potest. Quamvis enim in tali casu locum habere possit aliquis à veteribus jam, Celso, Aëtio, Paulo &c. per ligaturam tollendi modus; tamen merito illos detestantur Woolhousius, Antonius, Yvesius, Heisterus in chir. c. de staphylomate &c. quod ut plurimum gravissimos dolores, inflammationem ac suppurationem ciere soleant. Néque metus, qui veteribus usum scalpelli reddidit suspectum, nos hodie tangit: illi enim falso

sunt opinati, humorem aqueum semel effusum non regenerari, & hinc aciem videndi perire. At si partis uveæ prolapsæ moles tanta sit, ut ipsum pomum æquet, vehementer dubitamus, ut tali modo dicta methodo possit abscindi? Aut si possit, annon (cum tamen hic actum sit de videndi potentia & naturali figura oculi) extremum simul cum staphylomatis resectione, vel mox post eam, quæri debeat remedium in incisione, aut circumcissione totius hemisphærii anterioris bulbi ocularii, & evacuatione oculi.

§. XXXIX.

Ut vero staphylomatis clausi, simplicis, quod in sola corneæ, non perforatæ, sed extensæ saltem protuberantia consistit, tractatio chirurgica per medicamenta & instrumenta superioribus §is allata semper haud procedit, si illa staphylomata fuerint magna, inveterata, callosa, exulcerata, ut summa staphylomatis hujus tunica nimium tenuis existat, tonumque & debitam crassitiem recipere non valeat; ita quoque methodus curandi est ineunda alia.

Cardo hujus curationis in eo vertitur, ut insigniter dilatata tunica cornea ad naturalem reducatur convexitatem, & cum non possit alio modo faciformis ejus expansio intra naturales restitui limites, id quod superabundat, vel semel atque simul, uno ictu, per sectionem, vel paulatim, per ligaturam, tollatur. Duplicem hanc curationem staphylomatis esse tradidit *Celsus*, cap. de staphyl. duplex, inquit, est curatio: *altera*, ad ipsas radices per medium transuere acu, duo lina ducente. Deinde alterius lini duo capita ex superiore parte, alterius ex inferiore adstringere inter se, quæ paulatim secando id excidunt. *Altera*, in summa parte ejus ad lenticulæ magnitudinem excidere, deinde spodium aut cadmiam infricare, utrolibet autem facto, album ovi lana excipiendum & imponendum, posteaque vapore aquæ calidæ fovendus oculus & lenibus medicamentis ungendus est. *Paulus Ægineta* [u] jubet acum ab inferiore parte sursum per radices staphylomatis trajicere, deinde alteram acum, duplex filum trahentem, ab angulo, qui ad manum spectat, ad alterum per radices staphylomatis transmittere, tum, manente priori acu, lini sinus amputare, atque ita uveæ superiora inferioraque filis deligare, mox acu extracta lanam albumine ovi infuscatam supra accommodare. Ab hujus inde solutione blandis infusionibus oculus fovendus est, quoad una cum staphylomate fila excidant. *Aëtius* [x] staphylomatibus, quæ angustum fundum habent, & non maligna sunt, constrictionem sive ligaturam

[u] Paul. Ægin. encheirid. l. 6. cap. 19. Notari meretur, quod author hoc ipso capite, quo hanc operationem præcipit, hanc præmittat staphylomatis definitionem: staphyloma, inquiens, esse membranæ corneæ una cum rhagoidea seu uvea, debilitatæ incurvationem sive gibbositatem. Ergo hic uvea prolapsa ligatur simul cum corneæ dilatatæ sinus seu sacco.

[x] Aëtius tetrabibl. 2. serm. 3. c. 35. p. m. 343.

ram commendat. Jubet duas accipere acus, non valde crassas, neque oblongas, filum duplex intortum habentes, æquali prorsus longitudine. Deinde ægrum ad pedes tuos collocare, capite ipsius reflexo, ita ut occiput ipsius genibus tuis innitatur. Et deinde disparatis palpebris, per medium staphylomatis fundum, ex supernis deorsum transmittere acum. Deinde dum detinetur oculus ab acu transmissa, alteram acum duplex filum habentem similiter transmittere à parvo angulo ad magnum, per medium itidem staphylomatis fundum, quo figura duarum acuum transmissarum cruciformis fiat, aut literæ X. similis. Nam quo obliquior facta fuerit transmissio, facilius extrahuntur acus. Deinde incisus duplicatorum filorum principiis, superna duo principia, superno acus principio subicere, inferna vero inferno, ac strenue constringere: optimam vero constrictionem fieri, rectis principiis ad obliqua ductis & hoc modo colligatis. Deinde apicem staphylomatis resecare, solo fundo ipsius relicto gratia filorum, ut ne elapsis ipsis humores oculi effundantur & oculus cavior fiat. Staphyloma vero excindi partim compendiarie curationis gratia. Citius enim fila excidere, & ulcerationem curari: partim ut minori æger affligatur dolore per totum curationis tempus, cum & corpora transpirent, & neque magna inflammatio consequatur. Post resectionem vero apicis staphylomatis præcipit extrahere acus, filis, velut dictum est, constrictis, & tunc lac infundere, aut ovi candidum: superne vero oculo imponere ovum cum rosaceo ac modico vino concussum, & molli lana exceptum nec non tempori. Postera die fomentum facere per spongas probe expressas, & lacte infuso, lanam ovo imbutam imponere & deligare, idque tam diu, donec fila excidant: his vero elapsis collyria tenera, qualia ulceribus conveniunt, mundificantia, ac denique cicatricem inducentia imponere.

Quæ difficultates premant hos ligandi modos, quæ mala consequantur, abunde vel soli docuerunt Antonius Maître-Jean atque Günz, loc. plus semel jam. cit.

§. XL.

Tamen modo laudatus *Günzius*, disp. cit. p. 32. §. 10. admittit in staphylomate parvo, & ubi non tota cornea laxata est, linum simplex, sed sine acu, injiciendum. Imo se usu edoctum asserit, quod, etiamsi staphyloma paulo majus sit, & tunicas non minus extenuatas habeat, acu etiam tenuissima, duo lina ducente transui posse, tumque ex utraque parte ligari; lini vero capita, temperata admodum manu, inter se adstringi debere. Tum mordente filo, laxatasque tunicas contrahente, inflammationem lenem moveri, suppurationem sequi, atque vulnus, quod à tumore paulatim exciso superest, sensim claudi; aliquando tamen hinc, sed rarius, fistulam manere exiguan, quæ vero parum vel nihil noceat, cum id quod ex aqueo humore effluit, exiguum sit, cum lacrymis misceatur & in nares profluat.

Exemplum talis curationis per ligaturam, unico filo absque acus transmissione abs se factam, & staphylomatis, angusta basi gaudentis, octavo dehinc die

die sponte separati, sed remanente hinc exili fistula, per quam humor aqueus per vices effluxit, recenset *Antonius Maître-Jean* l. c; aliam vero vidit à quodam chirurgo dexterrime, ad *Celsi* modum, administratam staphylomatis operationem, post quam elapso ad diem nonum staphylomate cum filo, bulbus oculi per vulnus relictum totus fuit exinanitus & collapsus, foramen corneæ tamen consolidatum denique est & cicatrice obductum mediante, quæ sequebatur, suppuratione.

Yvesius utitur quidem, in staphylomate (clauso) quod non totam occupat corneam, acu modice curva & scindente tenuissima, filum sericum trahente, qua medium staphyloma transfigit, & cum sericum filum trajectum est, acum retrahit, extrema fili attrahit, & leniter contorquet manu sinistra, tum vero phlebotomo (lanceola communiter dicto) incidit tumorem in basi sua ultra filum, & reliquum abscindit uno forficis ictu. Ægrum oculum devincit, ut post cataractæ operationem solet, aqua communi cum spir. vin. mixta, atque sic ait vel corneam, spissiore cicatrice claudi, vel relinquere exilem saltem fistulam; sed patet, *Yvesium* in hac operandi methodo non adhibere filum & acum scopo ligandi, & per ligaturam tollendi paulatim staphyloma, sed ut saltem ansam conciliet, qua mediante staphyloma magis attolli, & inter secandum firmiter teneri possit. Hanc *Yvesii* methodum sequitur *Günz*, in staphylomate, quod aliquam tantum corneæ adhuc pellucens partem occupat, neque vetustum est. vid. ejusd. disp. cit. p. 34.

Unde sequitur, si staphyloma possit vel digitis, vel vossella, aut hamulo apprehendi, attrahi atque satis firmiter teneri, ne quidem acu filoque opus esse. Ita *Heisterus*, chir. loc. cit. clavum, staphylomatis speciem, ex oculo propendentem longitudine digitorum articuli, sinistræ manus binis digitis comprehendit, forficeque idonea haud infeliciter ad radices abscidit.

§. X L I.

Curationes per ligaturam ac abscissionem hæcenus recensitæ respexerunt staphyloma clausum parziale, in quo nempe pars saltem aliqua corneæ subblata protuberat. Ubi vero maxima corneæ pars, vel tota quanta valde prominet, & malum magnitudine refert, aut pluribus staphylomatibus proliferis, racemosis obsita est, gravis & cum absoluto visus non saltem, sed etiam figuræ oculi detrimento juncta duplex superest operatio chirurgica, ad quam igitur nonnisi in externo necessitatis casu confugere decet.

Itaque in specie illa staphylomatis, quæ *μήλον* sive malum audit, ubi tota cornea attenuata valde protuberat, *Woolhousius* transversim primo incidendum oculi bulbum mediante scalpello falcato à cantho majori, usque versus circulum corneæ in cantho minore, dein & ab inferiore parte in superiorem, sic ut incisio crucis figuram referat: posthæc extrahi & evacuari omnes non modo humores, sed & tunicas oculi, ne vestigium quidem relinquendo ipsius etiam choroideæ, ac retinæ: sanguinis serique fluxum

xum hinc concitatum permitti per aliquot plorare horas, interea vero faucium hunc oculum jugiter tepido foveri decocto virgæ aureæ ac veronicae.

Prima vespéra inducit Woolhousius oculo parum ung. basilici nigri, altero die rescindit aliquas angulorum corneæ lacinias, & jugiter oculo impositum servat facculum, fl. melil. chamom. & sambuci repletum, calidum. Quando suppuratio cessare, dolor & tumor imminui incipiunt, tunc ægro supinus in lecto situs permittitur, & ter quotidie de balsamo suo ophthalmico composito instillat. Oculum diligentissime mundificat, & subinde moveri jubet in omnes plagas. Si vulneris crucialis angulos animadvertit super se invicem implicari, aut se extremis suis arripere, tunc volsella illos solícite coordinat, & ad mutuam æqualem conjunctionem disponit. His observatis, globum hunc oculi intra 8. vel 10. dies repleri, ac cicatricem multum procedere contendit. Si humor aqueus secundo tertiove die nimis citò regeneratur, ut fit in junioribus personis, non saltem plus rescindit ab angulis vulneris, sed in eorum consolidatione operam quoque dat, ut aliquod foraminulum in loco incisionis factæ remaneat, ne bulbus posthac in majorem naturali oculo globum, increseat, sed quo nimium est humoris hoc redundet foraminulo. Ipsum hoc bulbi nimium augmentum moderatur aliquando patella cornu concava, vel plumbea, ea diametro prædita, quam oculus sanus habet, (de quali supra egimus) novo succrescenti bulbo debite imposita.

Hæc vero Woolhousiana methodus longe remota est ab ea, quam nonnulli tenent, quamque Yvesius atque Günzius, cœu neque satis tutum, neque certum taxant auxilium, quoniam iris in operatione non simul auferatur. Hunc itaque modum incidendi, evacuandi ac consolidandi oculum scire decet, ideo maxime abs Woolhousio commendari, ut oculi bulbus non planè collapsus fœdusque relinquatur post operationem, & iste homo superfedere queat oculo artificiali, quem facile sano oculo labem vel tandem affricare observavit, ideoque nemini author est, ut admittat. Cæterum penes lectorem esto judicium, annon præstet talis operatio, quæ bulbum naturali multo minorem, & undique clausum ac perfecte consolidatum relinquat, quem vel palpebris, exili orbiculo serico, emplastro glutinante oblitò, ad se jugiter adductis occultare, vel artificiali oculo liceat obducere? Quam globum oculi habere, nonnisi magnitudine similem naturali, cætera vero cicatrice alba fœdum, & fistula laborantem. Neque possumus non mirari, qui supponat Woolhousius, vel fieri possit, ut humor aqueus regeneretur continuo in tali oculo, cui & omnes humores & tunicae internæ fuerint ablati?

§. XLII.

Quibus ergo hæc crucialis incisio non arridet, poterunt hanc quæ sequitur

Tom. I.

Y y y

Qui

sectionem & oculi quasi *circumcisionem* pro arbitrio substituere, cum cæteroquin præcipue & absolute destinata ac necessaria sit staphylomati racemoso, in quo nempe & tota cornea est valde attenuata, sed pluribus etiam tuberculis monticulosa, sive hæc in suis sinulis solum contineant humorem aqueum, sive particulas iridis. Jubet *Woolhousius* ante subeundam gravem hanc operationem studiose 15. dierum spatio præparari, pro subjecti & symptomatum ratione, purgando, venam secando, temperatam tenuemque dietam fervando, sanguinem purificando, humorum acrimoniam absorbendo: e quibus lap. 69. aut millepedes vivos, contusos &c. post operationem peractam quoque continuari suadet, hic certe non minus quam in altera operatione, quæ cruciali fit incisione, §. 41. Oculum mediante falcato scalpello, in scleroticam una alterave linea (sufficere unica nobis videtur, ut tendinibus musculorum oculi tanto certius parcatur) à circulo corneæ externo, incidit & in circulo sic circumcidit, ut tota atque integra cornea, una cum scleroticæ parte confini, in circulo rescindatur, unde ablato hoc oculi anteriore quasi hemisphærio, & resecta uvea, facile sequuntur, vel sponte, illi adhærentes sic dicti humores crystallinus atque vitreus, vel digitis exprimuntur, vel per subsequam suppurationem una cum choroïdea atque retina paulatim solvuntur atque excernuntur.

Quid in hac circumcisione oculi, laboriosa sane ac dolorifica, de reliquo sit observandum, e. g. ut æger alienis manibus ceu marpesia cautes stabiliatur, palpebræ satis diducantur, cornea protuberans trajecto filo attollatur, & inter secandum firmetur, vel in factum incisione foraminulum hamulo immisso detineatur, & reliquum circumcisionis perficiatur vel forficula probe scindente, vel scalpello illo falcato, id quidem sagax ophthalmiater facile divinaverit.

Post operationem jubet porro *Woolhousius*, utramque oculi affecti palpebram aliquot dies extus perlini balsamo diafulphuris Rulandi, & frontale applicari, mane noctuque repetendum, ex ung. alabastrino, ipsi vero bulbo vulnerato applicari ol. ovorum c. pulv. tutiæ pp. in unguenti consistentiam reductum. Atque sic spem facit brevi obtinendæ tam consolidationis, quam præveniendæ degenerationis e staphylomate racemo in cancerum.

§. X L I I I.

Potiora curationis chirurgicæ præmisimus. Sed aliqua supersunt post operationem chirurgicam attendenda. Vehementi, quæ aliquando supervenit, inflammationi occurrendum est V. Sectione repetita in pede, brachiove lateris affecti, vesicatoriis in brachiis, scarificatione internæ superficiei palpebrarum per xylstrum vegetabile: (quam *Woolhousii* methodum ocularius Londinensis ille Duddel, ambabus quoque amplectitur.) Alvi subductionibus per clysmata blanda, epithematibus calidis resolventibus, frontali refrigerante, internis absorbentibus, nitrosis, papaveraceis. Ita simul fiet, ut dolores ardentes, pungitivi, agrypnia temperentur atque successive tollantur. Suppurationi, si nimia sit & acris, opponuntur leniter siccantia, tonica, balsamica, tem-

temperata, spirituoſa, in modica doſi: ſin parcior illa ſit, topica adhibentur emollientia, cataplaſmata, ung. digeſt. ſimpl. humectantia collyria è ſolo lacte & aqua tepida hordeata cum tantillo mellis roſati.

Si poſt brevem laudabilis ſuppurationis decurſum vulnus ad conſolidationem tendat, naturæ hic conatus facile adjuvatur ung. digeſtivo, cui myrrha, olibanum, maſtiche ſunt remixta, vel baſamo Arc. vel ung. ophthalm. Woolhouſii, ac ad finem vel ſiccis tenuiſſimis pulveribus è ſarcocolla, maſtiche, bol. armén. pp. baſf. indic. alb. ſicco &c. aut tinct. myrrh. & ſuccin. vel & plane ſicco linteo carpto. Si exilis corneæ fiſtula remaneat, animus non ſtatim, quod plerique faciunt authores, deſpondendus, ſed allaborandum eſt, ut hæc penitus claudatur atque conſolidetur, ea methodo, quam præſes docuit in diſp. de fiſtula corneæ p. 25. §. 22: tradidit, quamque ipſo confirmavit uſu. Antonius libr. cit. p. 454. certe obſervavit talem ſcleroticæ fiſtulam, poſt 8. meſes conſolidatam globulo carneo, qui è fiſtula excrevit, & cum ſclerotica coaluit.

Maculæ, cicatrices, quæ remanent in cornea poſt ſtaphylomatis partialis & exigui curationem, quomodo tractari debeant, nec non exulcerationes corneæ, operationem chirurgicam vel antecedentes, vel conſequentes, patet abunde e Præſid. diſp. de ulceribus & maculis corneæ.

Et ſicuti aliquando ſanguinis depurationem ante operationem aliquandiu moliri vel decet, vel licet, ita poſt operationem non male in nonnullis continuatur & veteri ad oculos affluxui aliud paratur colatorium per fonticulos, repetitas purgationes blandas, cucurbitulas in dorſo, humeris ſcarificatas, ſanoque oculo parcitur, quantum licet, ab aura inſalubri, nimia lectione, ſcriptura &c.

§. X L I V.

Atque ſic indicationibus §. 29. enumeratis fatiſfecimus, ſparſim quidem. Duo ſaltim ſuperſunt *curationis palliativæ* momenta. Alterum, coſmeticum quaſi, tingendarum corneæ macularum albidarum, in quo veteres operoſe, ſed vano conatu deſudarunt. Adhibuere tincturas quaſi atramentofas, ſcopo denigrandi maculam albidam. Quaſi vero nigra macula præſtaret alba? Inanis imo noxiuſ eſt omnis talis conatus. Niſi enim macula ſe patiatur vel diſſipari, reſolvi, vel abſtergi, reliquis corneæ, quæ ſubſunt, lamellis diaphanis manentibus, oleum & opera perduntur.

Alterum momentum eſt, impoſitio & adaptatio *oculi artificialis*, ad deformitatem occultandam. Aſt cum præter opinionem pagellæ jam nimis excreverint, ſervamus hoc thema in aliud tempus, atque ſic imponimus finem.

F I N I S.



XXVI

PROGRAMMA,

DE

OCULO ULCERE CANCROSO,

LABORANTE FELICITER EXTIRPATO

ADSTRINGENTIBUS ANTEA INTEMPESTIVE

ADHIBITIS.

A

CAROLO FRID. KALTSCHMIED

FACULT. MEDIC. JENENSIS DECANI.

Jenæ 26. Septemb. anno 1748.

Yyy 3

V Ir quadraginta annorum ophthalmia interna laborans sinistri oculi, medicastri opem postulans, aquam ophthalmicam hujus suasu adhibet, ex aqua rosarum cum saccharo ꝥ compositam. Doloribus indies auctis, medicaster aquam rosarum alumine imprægnatam per viginti quatuor horas applicat, subsequenter cruciatibus atrocissimis auctaque bulbi oculi magnitudine ad duplum, adhibitis per aliquot diebus frustra speciebus resolventibus in vino coctis, vasa in tunica adnata & sclerotica scalpello aperit. Paucis vero diebus post tunica cornea quasi scalpello hinc inde discissa & indies magis magisque elevata, tumorem protrudit cancrosum avellanæ magnitudinem superantem, ex atro rubrum, ichorem foetidum continuo plorantem, quem figurâ schematis annexi prima refert. Jamque & dolores dextrum invadebant oculum, doloribus capitis simul urgentibus atrocissimis. Nulla desperato casui relicta spes, nisi per extirpationem totius oculi sinistri admota manu chirurgica. Præparato igitur probe per aliquot dies per congrua evacuantia & venæ sectionem aliaque medicamenta corpore, oculum sinistram Deo juvante feliciter excidi, prout excisum oculum figura 2 exhibet, momentaneumque dextro oculo simul attuli levamen, ita ut, doloribus fugatis, oculus [edenter] objecta distincte magis quam antea in statu sano cognoscere potuerit, ac post tres septimanas lætus ad suos abierit.

Inflammationes vel resolutione, vel suppuratione, vel in gangrænam & sphacelum, vel in scirrhum terminari experientia & praxis docet, quæ de oculi inflammationibus testatur, hanc non nisi resolutionem postulare, nisi eventus expectandus sit admodum tristis, cum in aliis partibus & suppuratione inflammationes ad salutarem perducant finem. Prout autem in omnibus corporis nostri partibus inflammatio in scirrhum terminata, certissimum promittit cancerum vel ulcus cancrosum, citius vel tardius pro diversitate causarum occasionalium generatum, ita jam aliquoties oculos extirpare coactus sum, ubi medicastri adstringentibus intempestive adhibitis eosdem scirrhosos & postea cancriferos effecerint. Idem etiam in nostro casu adhibitis, adstringentibus evenisse in aprico est. In variis inflammationibus & imprimis oculorum externis levioribus præmissa imprimis larga venæ sectione, vel scarificatione, vel sola aqua frigida, ægros sæpius sanari neminem practicum latet. Pessime vero nostrum ægrum sanguineo-cholericum plethoricum, intermissa venæ sectione, nullis adhibitis medicamentis laxantibus, resolventibus, temperantibus ac diluentibus nefario ausu solis aggressus est adstringentibus, quippe quæ stringendo vasa minima obstructionem eorum, inspissando magis magisque ac figendo humores, adeo pertinacem reddidere inflammationem affluxumque lymphæ blandæ quasi ex composito prohibuere, ut omnis resolutio postea frustra fuerit tentata. Certissimum utique experientia teste præ omnibus adstringentibus in ophthalmiis, præter interna medicamenta imprimis evacuantia & venæ sectionem spondent levamen adhibita externa (adjectis
pro

pro re nata lenientibus) resolventia spondent, quæ simul tonum oculi partibus ita reddunt, ut discussa stasi ac robore vasis restituto, molestissimam sæpius ophthalmiam præcavere queamus chronicam, ita, ut illustris quondam Halensium *Hoffmannus* passim in scriptis elegantissimis testetur, se longe majorem usum ex adhibitis in ophthalmiis speciebus, ex radice valerianæ, herba valerianæ & euphrasie cum semine fœniculi in dimidia parte vini & aquæ sambuci coctis expertum esse, quam ex omnibus adstringentibus. Dignum esset argumentum cui prolixius inhæreremus, nisi instituti ratio postula-
ret, ut ad recensendum vitæ curriculum accederemus dignissimi nostri candidati.

EXPLICATIO SCHEMATIS

Fig. I.

Exhibet oculum ante exstirpationem delineatum

Fig. II.


Bulbum oculi excissum ostendit

a b c d e sistit fines tunicæ adnatæ f. monstrat nervum opticum abscissum.



Fig. 1.



Fig. 2.



255 507



THE UNIVERSITY OF CHICAGO PRESS

XXVII.

DE MYDRIASI,

SEU P. N.

DILATATIONE PUPILLÆ,

DISSERTATIO MEDICA.

Quam Præsides

BURC. DAVID MAUCHART P. P.

Tuebatur

PHIL. JAC. NEUFFER

STUTTGARDENSIS.

Tubingæ 29 Martii 1745.

§. I.

Pupilla oculi, Græcis κόρη, γλήνη, ὄψις, Gallis *prunelle*, vel pupille, germanis, in nostra Patria *das Kindlein im Aug*; alibi *der Stern im Aug*, aliis æquivoce *der Augapffel*, est naturale foramen tunicæ illius oculi internæ coloratæ, cujus lamina anterior vocatur iris, posterior uvea.

§. II.

Foramen hoc *rotundum* est, *diametrum* $1\frac{1}{2}$ linear. habet, in centro fere iridis collocatum. Non eandem servat jugiter amplitudinem in eodem homine : naturaliter enim & *sponte dilatatur* notabiliter, si oculus in loco versetur obscuro, *angustatur* vero in loco illuminato, clariore. Quo itaque circumfusa oculo tenebricosa obscuritas major fuerit, eo magis etiam ampliabitur pupilla, & quo lumen vividius incidet in oculum, eo strictior evadet. Nonnihil etiam hæc diameter variat, per imminutionem, in conspectu proximorum objectorum : & per incrementum, in visione remotiorum.

§. III.

Aliis à nativitate amplitudo pupillæ aliquanto major, aliis minor est, in ordine ad alios quamplurimos, & *diametrum* §. 2. determinatam, citra vel ullum, vel notabile saltem visus impedimentum superat, nisi quod ampliore præditi pupilla luminoso in aëre molestius, minusque distincte videant, quam in aëre minus illuminato, & obscuro; illi vero, qui pupillam servant angustiores, vice versa.

§. IV.

Utriusque oculi pupillæ observantur æqualis diametri, eidem luminis gradui si exponantur una. Si vero oculorum alteruter palpebris obtegatur suis, altero patulo relicto, tunc *pupilla patentis oculi subito ac notabiliter dilatatur* : ast in æqualem cum altera pupilla *diametrum restituitur*, simul ac alter detegitur oculus & eodem percellitur lumine.

§. V.

Naturalis amplitudo pupillæ *afficitur* præter naturam tum *nimia angustatione*, tum *excessiva dilatatione*, perpetuo ac constanti utrobique modo. Angustationis & recessus à naturali diametro in minorem graduales sunt

differentiæ : quando nimirum tam arcte stringitur & occluditur pupilla , ut nullum plane foraminis relinquat vestigium , in affectu , qui vocatur *Synizesis* : aut quando arctior saltem & multo angustior naturali fit , in affectu , qui veteribus audit *phthisis pupille*.

In *ectasi* , f. *chalasi* iridis , cum excrescentiæ & appendiculæ iridis quasi fungosæ naturalem pupillæ diametrum occupant , aut lens crySTALLINA opacata & intrusa infarcit , alia est viæ & foraminis occlusio , per obturationem.

§. V I.

Excessivæ & p. n. lis dilatationis pupillæ specimen præbet *Mydriasis* , f. *Platycoria* : *situs pupillæ mutati* , à centro iridis notabiliter distante pupilla , in hujus *parastrophe* , f. dislocatione : figuræ autem & magnitudinis simul vitiosarum , in ejus *Rhogme* , f. ruptura ac laceratione varia.

§. V I I.

Motus pupillæ , reciprocus ille constrictorius atque dilatatorius , *labefactatur* vel imminutione & abolitione in *Akinesia* , f. paresi pupillæ , sive hæc sit p. n. amplior , f. angustior : in *mydriasi* , perpetua & constanti nimia dilatatione : motu depravato , in *Hippo* , f. tremore spasmodico iridis.

§. V I I I.

Mydriasis , *μυδρίασις* , *εως* , *ἥ* , dicitur l. *ἀπὸ τῆς ἀμυδρῶς ὁρᾶν* , à visu obscuriore , quasi *ἀμυδρίασις* : l. *ἀπὸ τῆς μυδᾶν* , h. e. *ὕγραίνεσθαι* , quod pupilla superfluo redundet humore [a]. *Ἀμύδρωσις* , obscuratio , hebetatio , ab *ἀμυδρὸς* , obscurus , subobscurus , tenuis , synonymon aliquibus est *ἀμαυρώσεως* pro generali obscuratione & languore. Cur *mydriasis* scribatur abs Platero in prax. Tract. I. non capimus ? Nisi l. auctoris errorem , l. typosetæ arguamus. Vocatur etiam *πλατυκορία* & *πλατυκορίασις* , à *πλατὺς* , amplius , spatiosus , & *κόρη* , *ἡ* , pupilla.

§. I X.

Mydriasis est affectus oculi p. n. quo pupilla præter modum ampliatur & ampliata permanet , sine reciproco constrictionis & dilatationis motu , visu directe hinc & ordinarie parum , quin subinde nihil fere , læso , nisi aliquando ad ultimum.

§. X.

Hippocratis Coi scripta nullibi mentionem faciunt *mydryasis* : quamvis ali-

[a] Joh. Gorraei definit. med. voc. *μυδρίασις*.

alicubi [b] ab eodem allegentur αἱ κόραι ἢ μικρότεραι, ἢ ἐυρύτεραι. pupillæ aut minores, aut ampliores. Celsus vero [c] de mydriasi oculorum inscripto capite sic habet: non multum ab hoc malo distat id, quod μυδρίασι Græci vocant. Pupilla effunditur & dilatatur, aciesque hebecit: ac pene difficillime genus id imbecillitatis eliditur. In utroque vero, i. e. & paralyfi & mydriasi, pugnandum est per ea omnia, quæ in caligine oculorum præcepta sunt, paucis tantum mutatis. Galenus [d] in transitu quasi attingit modo, dum pupillæ dilatationem exempli loco citat & mydriasin appellari notat. Libro tamen de symptomatum causis paulo plura habet de pupillæ dilatatione, eamque distinguit in connatam & adscititiam, semperque visui præjudicare & ad perspicaciam visus noxiam esse vult, nulla mentione facta alius cujuscumque visus p. n. affectionis. In libris vero, qui ab nonnullis Galeno tribuuntur, & finitionibus quidem medicis [e] definitur mydriasis: alteratio facultatis visoriæ, turbatis humoribus: in introductione autem, s. medico, [f] mydriasis appellatur, cum pupilla nihil quidem colore variat, dilatatur autem magis, quam natura poscat, ut iridis circulo fiat proxima, & visioni noceat. Obscura, vaga & inepta est mydriasis descriptio in ipsis illis finitionibus medicis p. 48. a. quod nempe sit occæcatio, quasi ferramento candente administrata.

Oribasius [g] hæc habet: cum pupillæ color nihil immutatur, sed multo quam naturaliter esse consuevit, est latior & interim lumine penitus privat, interim vero quæ videntur, multo minora apparent omnia, mydriasis malum vocatur. Aëtius [h] primum paucis meminit, inter alios oculorum affectus, pupillæ dilatationis, quæ mydriasis & platycoria appelletur: postea vero [i] pluribus ita tradit: mydriasis appellatur, cum pupilla colore quidem nihil abalienatur, multo vero latior quam pro naturali modo evadit, ut aliquando ad iridis circulum accedat, & quandoque in totum visum impediat. Aliquando tamen vident, verum obscure, & quæ videntur ab ipsis, omnia minora putantur, diffuso scil. spiritu visivo.

Colludit cum Aëtio Paulus Ægineta [l] de mydriasi sic statuens: cum pupilla

[b] Hipp. Prædictor. L. 2. S. 2. p. 102. edit. in fol. ff. 162r.

[c] Cornel. Celsus de re med. L. 6. c. 6.

[d] Cl. Galenus meth. med. L. 3. c. 2. p. m. 17. b. in principio: & de symptomatum caus. L. 1. c. 1.

[e] Finit. med. p. m. 48. b. lin. 6.

[f] Introductio, S. Medicus c. 15. p. 59.

[g] Oribasius Synopf. L. 8. c. 44. de mydriasi.

[h] Aëtius Tetrabibl. 2. Serm. 3. c. 2. p. m. 327.

[i] Id ibid. c. 52. de mydriasi p. 352.

[l] Paulus Ægineta de re med. L. 3. c. 22. de morbis oculorum.

pupilla colore quidem nihil alterata apparet, verum multo latior, quam pro naturali modo, & quandoque visum in totum impedit, quandoque multum, & quæ videntur ab ipsis, omnia minora esse putantur, mydriasis appellatur affectio.

Ast *Actuarius* [m] novum, & illi, quod Aëtius & Paulus attulere, contrarium in visu phænomenon affert: cum pupilla, inquit, colore nihil evariat, sed multo quam naturæ competat, latior fit, interdum ægro visionem omnino præripit, interdum plurimum adimit, ut omnia, quæ visui occurrunt, *majora*, cum tamen sint minora, esse videantur. Vitium mydriasis appellatur.

§. XI.

Nolumus, plures è veteribus auctores cumulare, tantoque magis, quod alius ex alio textum exscripsisse modo, paucis mutatis, neuter vero, vel unus certe vix alterve affectum hunc aut vidisse, aut observasse attentius, aut prudenter distinxisse videantur. A Græcis profecto, supra allatis, auctoribus semel imbuta servavit odorem testa diu apud Arabes non tantum, sed varios etiam in occidente Medicos. Celeber. circa finem seculi decimi sexti Medicus, *Mercurialis* [n] multa retinuit de veterum næniis, ingeniumque torfit in reddenda ratione putatitii illius, quasi essentialis phænomeni, de apparentibus in mydriasi objectis minoribus, quam revera sunt.

§. XII.

Inter primos, qui de phænomeni hujus veritate dubitaverint, eminet ingenio praxique felicissimus ille Felix *Platerus* [o]: qui, necdum inquit, etsi talis pupillæ dilatatio eveniat, res, quæ cernuntur, minores quam sunt, repræsentari, sicuti aliqui opinati, observare potuimus. Errorem hunc nihilominus post Platerum recoxit vir de re medica alias meritissimus, *Sennertus* [p]; ast *Plempius* [q] solidissime impugnavit falsum hoc assertum, mirum atque miserum esse dicens, quam tumultuentur auctores in reddenda ratione: cur in pupillæ dilatatione res minores, in constrictione majores appareant? Cum falsum sit, accidentia illa dictas sequi pupillæ constitutiones: deceptum igitur fuisse Paulum Æginetam, quem primum hujus erroris auctorem reputat, cum non respondeat vel experientia, vel ratio.

§. XIII.

[m] *Actuarius* meth. meth. L. 2. c. 7. p. m. 184.

[n] Hieron. *Mercurialis* de oculor. & aur. affect. c. 9. de pupillæ dilatatione.

[o] Fel. *Platerus*, prax. 8vo. Basil. 1509. T. 1. p. 236.

[p] Dan. *Sennertus*, pract. medicin. in 4. an. 1628. ff. L. 1. p. 3. S. 2. c. 26. p. 846.

[q] Vopisc. Fortunat. *Plempius*, ophthalmograph. in 4. Amsterod. an 1632. L. 5. c. 6. p. 326. it. L. 4. problem. 59. p. 298.

§. XIII.

E recentioribus ophthalmiatri *Maitre-Jean* [r] mydriasis mentionem faciens varias ejus recenset species, à semetipso observatas: at ne verbulo meminit talis objectorum diminutæ magnitudinis. *Yvesius* autem [s] neque nomen, neque descriptionem, nec exempla mydriasis habet, nisi eo trahere velis, quæ sub titulo guttæ serenæ imperfectæ complectitur. *Taylor* [t] longa quidem enarrat serie, & numeris, pro more suo, magis, quam nominibus distinguit varios uveæ ac pupillæ affectus, quorum nonnulli quidem ad mydriasin referri possent, nisi omnes comprehenderent visus l. omnimodam, l. notabilem, eamque l. subitanæ, l. successivam abolitionem atque imminutionem, nullibi inter hæc facta mentione singularis illius in mydriasi, à plurimis authoribus asserti, phænomeni, de apparentibus objectis, minoribus quam actu sunt.

§. XIV.

Pro complemento confusionis opinionum duos superaddimus ocularios scriptores Anglos, *Banister* [u] & *Read* [x] quorum uterque contrarium adstruit in visione phænomenon illi quod plerique asserunt cæteri: illos scil. qui mydriasi laborant, opinari omnia quæ vident objecta esse majora, quam revera sunt. Neuter horum reddit rationem, cur circa hoc momentum à veteribus, primisque authoribus græcis dissentiat, & vel exemplis, vel autopsia confirmat assertum. Cætera quoque satis jejune obiterque hunc affectum ambo pertractant, atque *Banister* quidem ex aliis, quæ habet, sine judicio exscripsisse, *Read* vero è charta *Banisteri* transtulisse eadem in suam papyrum, absque ulla vel emendatione, vel mutatione notabili videntur.

§. XV.

[r] Ant. Maitre-Jean. Traité des malad. de l'œil, en 8. à Troyes 1711. p. 2. c. 5. p. 309.

[s] De St. Yves Traité des malad. des yeux. en 8. à Paris 1722. p. 2. c. 28. p. 346. ff.

[t] Jean Taylor Mechanisme de l'œil, en 8. à Paris 1738. c. 48. p. 342. ff. inprimis §. 212.

[u] Richard Banister: a Treatise of one hundred and thirteene Disease of the Eyes, and Eyelids. Lond. 1622. in 12mo S. 6. c. 1. de mydriasi, ubi, cum statim in principio dixerat, visum aut valde debilitatum, aut penitus esse deperditum, paulo post subjicit: They which are troubled with this disease, thinke every thing which they see, to be greater then it is. h. e. quicumque hoc affecti sunt morbo, putant quamlibet rem, quam vident, esse majorem, quam est.

[x] William Read, a short but exact Account of alle the diseases, incident to the Eyes. 8. Lond. sine anno, L. 6. c. 1. p. 127. Iisdem tantum non utitur verbis a quibus Banister.

§. X V.

Tanto igitur ophthalmiatriæ cultoribus oportet esse gratiora, quæ cum publico ante paucos demum annos communicavit de mydriasi observata atque ratiocinia *Di. Demours* [y], vir in oculari studio non obiter versatus. Contractam dabimus, quam recenset amplissime, jugique commentario docte illustrat, illam historiam: Fœmina 60. ann. temperamenti sicci ac cholericæ, è trimestri ophthalmia oculi sinistri prægressa non modo gravem retinuit oculi sinistri inflammationem, salvo in totum dextro, sed & palpebras habuit inflammatas tumidasque, corneam ulcere superficiali, longo, lineari, transversim, paulo infra centrum corneæ, extenso obsessam & à lateribus hujus lineæ ulcerosæ aliquantum turbatam, s. opacatam, sic tamen ut trans hancce maculam observari potuerit tum forma pupillæ, tum color iridis: pupillam valde dilatatam, irregularem & immobilem: visum hebetem non modo, & confusum, ut litteras alicujus libri majusculas vix, minores plane non perceperit, sed ita quoque depravatam, ut hoc affecto oculo pupillaque valde dilatata, omnia objecta viderit multo minora, quam sano oculo, cujus pupilla multo fuerat angustior sive naturalis. Feliciter denique post trimestrem curam restituta est, cuncta phænomena morbifica evanuisse, excepta tenui nebula, corneæ obducta, pristino ulcusculi vestigio: pupilla naturalem successive recepit diametrum, mobilitatem atque figuram, visusque est restitutus p. 356.

§. X V I.

Hanc tamen visus affectionem in mydriasi singularem, qua videntur objecta minora, quam revera sunt, non esse symptoma mydriasis vel ordinarium, vel essentiale ipse agnoscit *Demours* l. c. p. 374. §. 4. hinc quoque causam ejus alibi quærit statuitque, quam in pupillæ dilatatione, ut itaque individualis hic casus mydriasis fuerit complicatus non saltem cum ophthalmia, sed & cum singulari illa objectorum apparentia, quæ magnitudinem diminutam.

§. X V I I.

Phænomena mydriasis antecedanea sunt: oculi naturaliter magni, amplis præditi pupillis, iridibusque s. fuscis, nigrisve s. cæsiis; fallitur tamen oppido *Plempius* in ophthalmograph. L. 5. c. 6. p. 327. s. opinatus, ut plurimum ab ortu homines eas nancisci pupillarum figuras, nec facile ab externa causa, vel interna dein adipisci: nimis facile consentit etiam illis,

[y] P. Demours, med. de Paris, observations concernant l'histoire naturelle & les maladies des yeux. Quæ subjunguntur versioni ejus gallicæ observationum societatis in Scotia Edimburgensis. 8vo. à Amsterd. 1741. p. 344. ff.

illis, qui prætendunt nigros habentes oculos, fere magnis esse pupillis, ideoque in pupillæ dilatationem præ reliquis promptius incidere: frequens enim observatio non confirmat. Ætas puerilis accusatur ab *Aëtio*, loc. supra cit. aliisque, ob tunicarum, quod prætexunt, debilitatem. Squalor carceris tenebrofi longus, propter quem pupilla magis magisque dilatata ac diu talis persistens amittit vim se contrahendi. Medicamenta narcotica, copiose vel diu oculis applicita, de quibus solide differit *Galenus* [2]: quod nimirum medicamenta ex opio mandragora & hyoscyamo, doloribus oculorum adhiberi solita, nulla alia re sublata ad præsens doloris speciem præstent, quam quod ipsum sensum obstupefaciant, hinc multos, cum liberalius fuissent admota, nunquam naturalem statum recepisse, sed ex his principio quidem obscure ac ægre vidisse, tempore vero hypochrysi, suffusione, vel mydriasi, pupillæ nimia dilatatione, vel tabe, vel corrugatione correptos fuisse.

Plaga, impetus violentior, allisio simileve injuriæ, vel detecto oculi bulbo, vel palpebris oblecto exceptæ. e. g. pila in sphæristerio violenter oculo impulsæ: cujus ad finem dissertationis duo proferemus exempla è propria praxi, simillimum vero aliud legi potest apud *Forestum* [a], qui & tibicines sæpe mydriasin incurrere observavit, quod buccis fortiter inflatis canunt. Ophthalmia, f. sicca, f. humida, occupans interiora oculi. Paralysis nervorum oculi, quinti paris maxime ac optici. Unde mydriasin subinde præcedunt palpebrarum bulbique paralysis, atque gutta serena incipiens & perfecta. Hydrophthalmia, f. nimia humoris aquei abundantia, oculi hemisphærium anterius non modo, sed & pupillam distendens*. Turgescentia vitrei p. n., lentem crystallinam impellens in pupillam, unde hæc dilatatur. In colliquatione vitrei prætendit *Woolhousius* pupillam naturali ampliorem & semper quasi immobilem, visumque admodum esse impeditum.

§. X V I I I.

Phænomena constitutiva & concomitantia: primaria sunt ac pathognomonica (α): pupillæ amplitudo præternaturalis, nimia: eaque (β) constans perpetua, ad lucis appulsum atque frictionem palpebræ superioris, se non moventis, vel constringentis. Dilatatio per gradus ordinarie augeatur, aliquando etiam subito fit maxima, præsertim à causis & injuriis externis. Maximus is dilatationis gradus est, quando pupilla sic ampliatur, ut iris fere se totam retrahat ad circulum corneæ internum, sui que vix relin-

[2] *Galenus* de meth. med. L. 3. c. 2. p. m. 17. a. in fine.

[a] *Petr. Forestus* observ. L. 11. de morb. oculor. obs. 28. p. 35. in observ. & scholio.

* vid. *Præsid. disp. de Hydrope oculi* p. 11. §. 20.

relinquat vestigium, ac admiratione dignum sit, quorsum se condant adeo notabilis portio iridis uveæque? Circulus pupillæ hic p. n. dilatatus ordinarie regularis est & æqualis, aliquando autem irregularis, distracta magis ad hoc vel illud latus pupilla: aliquando magis elliptica fit (γ). Pupillæ sua constat naturalis nigredo, ut vulgo loquuntur, sive pupillam hanc dilatatam insipientibus apparet vacuum quasi, non illuminatum, obscurum, simili modo, quo per foramen majus, minusve è longinquo in vacuum alicujus conclavis intuentibus illud ipsum videtur nigrum esse. Nebulosa tamen quædam levis perturbatio diffusior atque profundior, quam crystallini incipiens opacatio in cataracta, observatur introsipientibus, pro varia distantia & oculi commotione, accedere & recedere (δ). Mydriasin plusquam duodecies in homine observavimus, nunquam vero conjunctam visionem illam depravatam, cujus primum Oribasius aliique subsequi fecere mentionem, (§. 10.) minutiorum sc. apparentium objectorum, quam actu sunt, notavimus, nec talem unquam è pupillæ dilatatione, qua tali, proficisci posse audacter statuimus. Unde suspicamur, veteres illos medicos aut ipsos nunquam mydriasin vidisse, vel attentius observasse, aut aliquem horum revera quidem visionem illam depravatam deprehendisse, sed in mydriasi complicata, qualis illa fuit Dni Demours, (§. 15. 16.) atque dehinc ex accidentali phænomeno essentielle, & extraordinario constituisse ordinarium, citra rationem ac experientiam.

Imo vero plures vidimus, (confer. exempla cas. ad finem dissertationis hujus) quibus sub maxima etiam pupillæ præternaturali dilatatione visus tam perstitit salvus, ut omnia objecta distinguere ac litteras legere valerint (ϵ). Sed exempla quoque sunt non infrequentia visus in mydriasi hebetis, nebulosi, confusi, ut nonnisi majora distincte perceperint objecta (ζ). Quo magis exponitur pupilla p. n. dilatata luminis fortiori, eo major est confusio visus, imò aliquibus luminis sensus molestior: unde (η) in loco mediocriter illuminato commodius atque distinctius vident: (θ) visus in aliquibus vel statim in principio, vel successive factus obscurior, aliquando tandem plane aboletur, tumque vel complicata statim fuit gutta serena, vel superaccessit, atque sic mydriasis abiit in talem guttæ serenæ speciem, quæ secum habet pupillæ dilatationem: vel gutta serena incepit cum mydriasi. Accuratioribus enim hodiernorum observationibus [*b*], propriis etiam quamplurimis nostris certum est ratumque, guttam serenam non absolute nec semper comitem habere dilatationem pupillæ, quin potius guttas occurrere serenas, quæ aliquando naturalem servant pupillæ amplitudinem, aliquando præternaturalem adsciscunt angustiam.

§. X I X.

Differt mydriasis à reliquis pupillæ affectibus, & quidem ab ipsa ama-
vrosi

[*b*] Dnn. de St. Yves, Taylor, Demours, & aliorum.

vrofi & *gutta serena*, quod in his visus, absque vitio extus conspicuo, vel subito totus aboleatur, vel magis magisque desciscat in plenariam cæcitatem, sive p. n. ampliata sit pupilla, s. nimium constricta: à *phthisi pupillæ*, quod illa nimiam pupillæ dilatationem, hæc nimiam importet angustiam: *ab Akinesia*, quod hæc fixam, immobilem, aut segnem certe, respectu motus sui contractorii supponat pupillam, absque diametri augmento p. n. li: à *Parastrophe*, quod hæc pupillæ dislocationem & remotionem à centro iridis notabilem innuat: à *ruptura*, *laceratione pupillæ*, quam *ῥωγμὴν* appellat *Woolhousius*, quod hæc circularem pupillæ ambitum plane destruat, & plus minus irregulariter patentem efficiat & hiulcam.

§. X X.

Species mydriasis facimus: *naturalem*, improprie sic dictam, quæ insignem quidem & extraordinariam importat dilatationem pupillæ, sed absque motus pupillæ visusque læsione, qualis vel connata est, vel adscititia, successu ætatis demum acquisita, à causis externis & internis: *sympathicam*, aut *symptomaticam*, quæ non ipsius uveæ iridisve culpa, sed alienæ partis accidit vitio, à causis, circa finem §. 17. allegatis: *idiopathicam*, s. *essentialem*, in ipsius uveæ quadam parte fundatam.

§. X X I.

Phænomena consequentia: Recens, non inveterata mydriasis curatur facilius, uti testantur exempla, quæ notavit *Forestus*, *St. Yves*, *Demours*, nostraque ipsa &c. Nec quæ naturæ lege habetur, bona est, nec quæ p. n. est, inquit *Galenus* [c]. *Celsus* autem asserit [d], quosdam sine ulla manifesta causa subito occæcatos fuisse: e quibus nonnulli, cum aliquandiu nihil vidissent, repentina profusione alvi lumen receperint. Analogice alvi profluvium superveniens ophthalmiā correpto, bonum *Hippocratis* [e] huc etiam spectare videtur.

Commodum aliquod e pupillæ dilatatione, per nativitatem contracta, laudat *Platerus* [f] exemplo alicujus, cui cum pupilla contigisset amplissima, licuit capite immoto per visum dignoscere objecta non saltem directè jacentia, sed & in lateribus dissita, quod & propria, in se ipso facta olim observatione confirmat. Propria pariter experientia & in multis aliis repetita, evincit visionem in utroque oculo similem permanere, etiamsi alte-
rius

[c] Galenus de symptomat. caus. L. 1. c. 1. p. m. 14. f.

[d] Celsus de re medica L. 6. c. 6.

[e] Hipp. aphor. S. 6. §. 17.

[f] Platerus prax. L. 1. c. 7. de vis. læs. p. 23. b.

rius oculi pupilla multo sit amplior, quam alterius: hos etiam vesperascente cœlo, aut in loco non admodum illuminato, acutius videre reliquis hominibus, atque sic mydriasi hanc existere causam aciei visus vespertine recte judicat idem *Platerus*.

Respiciunt hæc maxime à nativitate contractam, pupillæ majorem dilatationem, quæ per plurimos vitæ annos sine ulteriore labe & vitio visus durare poterit; præternaturalis vero pupillæ dilatatio, & mydriasis stricte sic dicta, seu ab externis, seu ab internis inducta causis, eodem vestigio diu stare non solet, quin graviolem in visus læsionem ac abolitionem invalescat, præcipue si oculus eadem laborans, luci vividiori sæpius exponatur. Simili enim ratione tum excæcantur, ac qui e diuturnis subito protracti tenebris, visu ante gavisi adhuc, hunc repente perdunt omnem.

§. X X I I.

Quamvis enim recentem, neque gravibus aliis complicatam affectibus mydriasi curabilem esse, contra *Plempium* [g] aliosque, evincant vel sola *Foresti*, *Demours*, *St. Yves*, nostraque exempla, & *Hippocrati* videantur [h] pupillæ aut minores, aut ampliores factæ meliores esse illis, quæ cæsum, aut argenteum, aut cœruleum nactæ sunt colorem; tamen verissimum est *Galen*i effatum [i]: nec quæ naturæ lege habeatur pupillæ dilatatio, nec quæ p. n. sit, bonum esse, & dudum annotavit *Avenzoar*, [l] dilatationem pupillæ, si negligatur, transire in cataractam.

Woolhousius tam in dictatis, quam explicatione orali vix aliquot lineis, ad rem spectantibus, affectum mydriasis tetigit plurimaque omisit ad rhombum facientia, recte tamen monuit, pessimam esse mydriasi, cum paralyti muscutorum oculi, aut spasmo musculi iridis (hippum intelligit) conjunctam. Prioris symptomatis dabimus infra §. 36. speciem casu admodum singulari. Sive igitur paralytici quidpiam in palpebris, oculique musculis antecesserit, sive consecutum sit mydriasi, metus imminet plenariæ tandem visus abolitionis: & vice versa si visus imminutionem æquis passibus comitetur pupillæ dilatatio, tanto minus de mydriasi bene sperare licebit, & ne quidem de cura somniare, quæ scil. resolutis fibris uveæ muscularibus in confirmato malo nullum porro locum invenit.

§. XXIII.

[g] *Plempius*, ophthalmograph. L. 5. c. 6. p. 329. §. 8. inquit: conscribunt practici curationes mydriasis & tabis pupillæ: & multi in observationibus suis per exempla edita omnes earum pene species sanatas affirmant. Ego medius fidius nulli eorum veram mydriasi, vel tabem pupillæ curandam obtigisse affirmaverim: vel si contrigerit, non curasse eos.

[h] *Hipp.* prædictor. L. 2. S. 2. p. 102.

[i] *Gal.* de sympt. caus. L. 1. c. 1. p. m. 14. f.

[l] *Avenzoar.* oper. pract. thes. dicto L. 1. tract. 8. c. 7.

§. XXIII.

Mydriasis illa symptomatica, quæ nonnullis hydrophthalmia & empyesi laborantibus, aut à lente crystallina, pupillæ incuneata accidit, fata sua habet communia cum ipsis suis, unde pendet, affectibus; his enim tempestive debiteque sublatis, evacuatis, dissipatis, locove motis tollitur & ipsa mydriasis, nisi, ex diuturnitate nimix dilatationis, proprium & immedicabile vitium contraxerit uvea, vel per modum paralysis, l. obrigescentiæ & corrugationis.

§. XXIV.

Pathologia. mydriasis maxime referenda videtur *ad morbos conformationis*, qua vias p. n. patulas hiantesque, respectu np. phænomeni essentialis in diametro pupillæ auctiore, s. majori amplitudine. Symptomatum classi ea vindicari videtur, & actionis quidem animalis, in sensu visus, læsæ ac imminutæ, si is notabiliter sit labefactatus: actionis depravatæ, si vere observentur objecta minora, quam actu sunt: actionis animalis, in motu, abolitæ, respectu impotentix motus contractorii pupillæ. Præferendum tamen putamus primum genus, morbi scil. conformationis, facta denominatione à potiori, licet omnino alterum quoque phænomenon, immobilitatis pupillæ, à mydriasi præternaturali, stricte sic dicta, sit inseparabile. Phænomena visus autem variant, & magis sunt accidentalia.

§. XXV.

Subiectum morbi, dilatationis pupillæ præternaturalis *adequatum* est tunica oculi uvea, in toto suo concreto, qua omnes suas partes & lamellas: *principale* est tunica uveæ muscularis; fibræ enim & tunicæ musculares sunt subiectum & instrumentum motus, sicuti naturalis, ita & præternaturalis. Subiectum hoc mydriasis modo est *essentiale*, quod & morbum & causam in se habet simul, ut in mydriasi idiopathica, §. 20. modo *per consensum*, causa hærente extra uveam, e. g. in lente crystallina, in mydriasi np. sympathica §. 20. 17. 5.

Subiectum igitur causa proximæ, quæ dilatationem uveæ præternaturalem producit, vel ipsi inhæret uveæ, vel aliis oculi partibus in- & externis unde consensu l. privativo, l. positivo compatitur uvea. Non potuimus hæc ex institutionibus medicis præterire, cum non modo ad accuratiorem pathologiam notorie spectent, sed viam quoque sternant ad distinctam solidamque tam ætiologiam, quam therapiam.

§. XXVI.

Sed ob graves easdem rationes ipsum hoc mydriasis subiectum, *uvea*,

ejusque foramen, *pupilla*, curatius *expendi* merentur *anatomice*, *physiologice* ac *etiologice*. Ex anatomicis quidem eā saltem strictius prosequemur, quæ mydriasi propius tangunt. Tunica oculi *choroidea* (quam aliqui etiam vocant *uveam*) accedens ad commissuram scleroticæ cum cornea in circulo firmiter annectitur per fasciolam quasi aliquam, *ligamentum ciliare* dictum, replicatur vero dehinc in transversum, per modum septi transversi, tuncque vocatur *uvea*, quæ, in medio circiter [*] foramine rotundo perforata est, quod audit *pupilla*.

Uvea hæc tribus constat *lamellis*, tenuibus, arcte sibi invicem agglutinatiss: *anterior*, versus corneam, est in aliquibus variè colorata, hinc *iris* vocatur: *media*, inter anteriorem & posteriorem collocata, duplici *fibrillarum*, quæ musculares esse videntur, ordine constat, altero *orbicularium*, pupillæ oram ambientium, altero *radiatarum*, ex uveæ circumferentia & basi assurgentium: *posterior*, versus crystallinum respiciens, fusco-nigra, & undulatis quasi plicis, prominulis, plurimis, è ligamento ciliari versus pupillam radiatim excurrentibus, quæ vocantur *ciliares processus*, instructa est.

Processus hi *ciliares* in suis extremis juxta pupillam sunt latiores ac eminentiores, angulis terminati acutis. In cujusque processus ciliaris duplicatura subtilissimum deprehenditur rete vasculorum. Assignant aliqui his processibus structuram fibrillarum musculosam. Respondent processibus ciliaribus prominulis totidem fulci, in membrana vitrei, hyaloïde, insculpti.

Plurima, quæ hætenus de uvea tradidimus anatomica, conspirant observationibus *Ruysschii*, *Heisteri*, *Morgagnii*, ac præcipue *Winslovii*. Sed cum *Meryus* rotunde asserat, nullas in iride fibras observari circulares, quibus pupilla constringi posset & angustari: *Morgagnius* etiam anceps hæreat, circa l. asserendas, l. negandas hæc orbiculares fibras, ac nuperrime scripserit *Hallerus*, se nec in homine, nec bove illas reperire, optabile vero esse, ut inveniantur [m]; itaque & nostras, quantulascumque, de his pupillæ fibris orbicularibus adjungemus observationes, & olim factas, & recentissime coram philiatorum, intentis adspicientium oculis, corona repetitas:

In circulo dissectuimus scleroticam ac subjacentes internas oculi tunicas, in distantia quatuor fere linearum à conjunctione suâ cum cornea pellucida. Separavimus vitreum atque crystallinum à ligamento & processibus ciliaribus, atque removimus hosce humores una cum hemisphærio bulbi posteriore, ut uveæ structuram atque confinia pupillæ scrutaremur à parte sua postica. Solvimus vero tandem quoque ipsam uveam iridemque à suis ad scleroticam adhæ-

[*] Uveam in medio hætenus diximus perforari, addito *et* circiter: quod si nimirum pupilla à centro iridis revera & semper distet magis versus oculi majorem angulum, ut Winslow prætendit in mem. de l'Acad. des Sc. an. 1721. p. 413. parum, certe ad nostrum thema, importat.

[m] Mery, mem. de l'Acad. des Sc. an. 1704. p. 352. §. 2. edit. Amstelod. Morgagnii, advers. anat. 6. animadvers. 69. p. 88. Haller in prælect. Acad. Boerhaav. ad instit. vol. 4. p. 146. not. nro. 2. & p. 148. not. b.

adhæſionibus, ut iridem ac pupillæ limites à ſuperficie harum anteriore rimamur. Utrobique vero non ſaltem naturale illud pigmentum, quo obducuntur perpetuo, & uvea quidem fuſco-nigro, ſubinde & iris, hæc vero in aliis, cæſio, grifeo, ſed & tenuiſſima quædam lamella, fibris muſcularibus impoſita, diſtinctas fibrarum muſcularium directiones obvelat, in iride præſertim, & circa limbum pupillæ anteriorem pariter ac poſteriorem, ut ne quidem radiatæ fibræ, de quibus tamen nemo hodie dubitat, in iride veniant in conſpectum, in averſa quidem parte, ſ. in uvea maniſeſtiores.

Unde ſuſpenſa manu & placidiſſime appreſſimus ſpongiolam mollem, humidamque, ut pigmentum illud abſtergeremus atque tolleremus ſucceſſive. Comparuerunt hinc evidentiſſe ſtatim fibræ radiales, in uvea præſertim, ad limbum pupillæ excurrentes. Circa pupillam quidem, unius vel ſeſqui-lineæ circiter latitudine, alia ſtructura, alius ordo videbatur, ſed non diſtincte orbicularis, donec ſcalpello placide abraderemus lamellam tenuiſſimam, & fibris radiatis & pupillæ impoſitam limbo, atque tum demum maniſeſte circulares, ſ. orbiculares, pupillam ambientes, plurimas, proxime ſibi adjacentes detegeremus fibrillas muſculares, latitudine, quam diximus, unius, vel ſeſqui-lineæ. Conſpeximus illas & nudo, & variis, optimiſque microſcopiis armato oculo, evidentiſſe in parte uveæ, lentem cryſtallinam reſpiciente.

Si quis dubitet, muſculares eſſe has fibras, & orbiculares & radiatas, reſpondemus: colorem habitumque illis eſſe, inſtar alius tenuis fibræ, indubitato muſcularis, diſtinctas obſervari à vaſculis ſanguineis, cera artiſcioſe repletis: diſtinctoſque ſiſti circulos ſanguineo-vaſculoſos, majorem & minorem Ruſchii atque Hovii: à nervorum indole remotiſſimos eſſe: ideoque motui uveæ, ſ. pupillæ, dilatatorio & conſtrictorio inſervire explicando, hunc vero omnium optime ac expeditiſſime tribui fibris muſcularibus.

Hactenus enarratæ obſervationes maniſeſtiſſimæ ſunt in bovis atque ſuis oculo, quos nuperrime exploravimus. Similia vidimus plus ſemel in oculo humano, in quo autem eaſdem proxime repetemus. Supponimus ergo ſufficienti cum certitudine demonſtratas eſſe orbiculares pupillæ fibrillas, ceu hujus ſphincterem.

§. XXVII.

Nervis inſtruitur *uvea* quamplurimis, aſt ſubtiliſſimis. Scilicet è pari tertio nervorum, è medulla cerebri oblongata prodeuntium, oculorum motorio dicto, formatur intra oculi orbitam, cum ramulo quinti paris, ejuſque ophthalmici ſuperioris ganglion lenticulare, è quo plurima filamenta exeunt nervea, quæ nervum opticum ambiunt, una cum pluſculis vaſis ſanguineis, illiſque ſociantur ac immiſcentur ramuli nervei è ſexto pari. Ex omnibus hiſce nervis atque ſanguineis vaſculis formantur faſciculi vel chordæ, quorum alter altero craſſior eſt, ſic tamen ut craſſiſſimus diametro non ſuperet $\frac{1}{8}$ lineæ. Intranſt dehinc ſcleroticam, alii in diſtantiâ $1\frac{1}{2}$ linearum à nervo optico, alii $2\frac{1}{2}$ linearum, alii trium linearum. Neque tamen mox totam perfodiunt ſcleroti-

roticam, sed intra ejus substantiam proreptant longitudine 2. vel 3. linearum, tum vero demum interiore scleroticæ superficie perforata decurrunt inter scleroticam atque choroideam, numero tres, quatuorve, aliquando sex vel octo, æqualibus fere intervallis, & uveæ tandem appropinquantes dividuntur in ramulos, quorum plurimi radiatim distribuuntur per uveam, reliqui ligamento inferuntur ciliari: suntque hi ipsissimi illi nervi, qui Ruyfchio ciliares audiunt, atque Petit, medicus, pupillares esse potius vocandos reputat.

Clariss. *Petit*, medicus, in *memoir. de l'Acad. des Sciences* an. 1727. p. 13. & 16. describit fibrillas à sexto pari intra orbitam se adjungere nervis à mox recensito ganglio exeuntibus & nervos illos ciliares formantibus. Imo id. author prætendit ramificationes etiam intercostalis nervi, (quem distinctis ramis ille contendit in quintum & sextum par intra cranium terminari, cum alii plerique hinc oriri statuunt) associari ramis quinti & sexti paris in orbita, ad constituendos ciliares nervos [n].

XXVIII.

Uveæ vasa sanguinea sunt primo arteria. Oritur à carotidis internæ trunco, ad latus sellæ equinæ, truncus arteriæ ophthalmicæ egressus, per lateralem externum locum foraminis optici una cum nervo optico progressus in cavum orbitæ, dividitur in alios tres trunculos, quorum alter scleroticam perforans plurimis furculis, tam circa posteriora, quam medium ejus distribuitur in uveam iridemque, & arterias ibi parit ciliares, miris, flexuosis, circularibus & retrogradis ramificationibus subtilissimis uveam exornat iridemque; maxime vero notabiles duo hinc exfurgunt in iride circuli, major ad basin ejus, minor versus & circa pupillæ oram [o].

Ramus exoritur alius ex eadem carotide interna prope sellam equinam, loco paulo inferiore, qui exiens foramine inæquali, s. fissura orbitali superiore

[n] Mira hic quoque est authorum varietas & discordantia. Celeber. reliqui anatomici nihil observare potuerunt, quod à sexto pari accedat nervis ciliaribus. Morgagnius etiam epist. 16. n. 55. confectarium Petiti refellit, quod ab experimentis dissectorum in canibus vivis nervorum intercostalium in collo, & hinc enatis in oculo phænomenis deduxit ille, scil. concurrentium è nervis intercostalibus ramulorum ad compositionem nervorum ciliarium. Variat autem ipsa natura passim & notabiliter in origine, distributione & numero nervorum. Facilis præterea lapsus est, & error in evolvendis & distinguendis nervorum ramulis tenuissimis, varie implicitis.

[o] Ruyfchius delineat passimque describit hos circulos arteriosos in homine, vitulo, balæna. epist. problem. 13. tab. 16. it. thesaur. anat. 2. tab. 1. Fasciculum authorum & descriptionum collegit diligentiss. Haller, vid. ejus notas ad prælect. Boerhaav. vol. 4. p. 94. not. d. p. 150. not. a. Item ejusd. icon. anat. nervorum & arteriar. oculi, in icone oculi dextri nro. 1. 2. 3. 4. Hovius in tract. de circul. humor. motu in ocul. describit passim & arteriosum & venosum circulum, imo distincte nitideque delineat in tab. 2. & 5.

riore in orbitam, distribuitur plusculis ramificationibus, quæ medium scleroticæ perforantes implantantur maxima parte in choroideam. Venæ, his arteriis respondentes, sanguinem ex oculis referunt partim in venam jugularem internam mediantibus sinibus orbitalibus, cavernosis, petrosi, partim in venas jugulares externas.

§. XXIX.

Sufficiant hæc anatomica pro scopo præsentis. Ante vero quam explicare adgrediamur pupillæ præternaturalem dilatationem ac immobilitatem, prælibare quædam decet de *modo causisque naturalibus, quibus in statu sano & dilatatur & constringitur pupilla reciproce*, juxta phænomenon §. 2. Si fibræ musculares radiatæ, ex uveæ basi assurgentes, atque orbiculares, oram pupillæ cingentes, in quas terminantur priores radiatæ, queant demonstrari, uti quidem demonstratas §. 26. putamus, res erit in salvo. Has quidem, orbiculares s. circulares sphincterem pupillæ constituentes, in balænæ bovifque oculo manifeste obvias, putat celeberrimus Heisterus [p] facilem ac perspicuam rationem suppeditare, qua ratione pupilla contrahatur atque angustetur, atque simul è ciliarium processuum situ ac natura intelligi dilatationem pupillæ, ut hinc commento illo Meryi [q] opus non sit, qui, cum fibras iridis circulares, quibus pupilla possit contrahi, deneget, solas vindicet rectas, in peripheria uveæ terminatas, corporum cavernosorum penis æmulas fingit, l. cit. p. 360. quales ergo elongentur, prout plus minus animentur ab influis spiritibus animalibus, cum alias omnino fibra muscularis, actuata spiritibus animalibus, se contrahat ac abbreviet [r].

Alium modum excogitavit ingeniose Haller [s], aliquantulum idem Meryanæ, aut Fabricianæ correspondentem hoc problemate: an forte causa est, inquit, in nervulis ligantibus venulas minimas, retinentibus humorem in vasculis arteriosis iridis, ut distenta pupillam arctent. De la Hire [t] varias comminiscitur causas mutue dilatationis ac constrictionis pupillæ, fibrasque iridis radiatas musculares, ad circulum pupillæ minorem, non extremum limbi, tendentes sibi concipit in contractione constitutas retrahi versus suum punctum.

[p] L. Heisterus disput. de anatomies subtilioris utilitate. Helmstad. 1728. p. 39. f.

[q] Mery, memoir. de l'Acad. des Sc. an. 1704. p. 352. ff.

[r] Hier. Fabricius ab aquap. tract. de oculo, visus organo, in fol. Venet. an. 1600. c. 6. p. 95. virilis pudendi motui assimilat uveæ motum: ita, ut sicuti penis per insitam quamdam facultatem erigitur, eamque erectionem externum objectum movet, ita uveæ tunica, insita facultate modo dilatetur, modo stringatur, excitata tamen ab externa luce, oculum ingrediente. Hucusque Fabricius! An ergo hujus vestigiis institit Mery, & allegatam facultatem insitam dilucidavit? Quam vere, quam bene non disquiremus prolixius? Certe non demonstravit identitatem structuræ cellulosæ, s. cavernosæ fibrarum iridis motricium c. corporibus penis cavernosis, nec reliqui mechanismi, qui ad penis erectionem concurrat. In anatome plus valent oculi, quam fecundissima phantasia!

[s] Alb. Haller prælect. Acad. Boerh. in proprias institutiones vol. 4. p. 148. not. b.

[t] De la Hire, memoir. de l'Acad. an. 1709. p. 120.

punctum fixum, f. peripheriam, atque sic dilatate pupillam; aut si à contractione remittant atque resiliant, virtute quadam elastica, iis muscularibus fibris insita, tum iterum arctari pupillam. Aut fortasse fibras quoddam iidem musculo inesse putat elasticas, quæ nonnisi in hunc finem inserviant: aut denique statuendum esse, alium musculum tenuem, priori incumbentem, fibris præditum circularibus, alterius antagonistam, quatenus hæ circulares fibræ, in actione ab invicem divaricatæ juxta suam directionem, occluderent pupillam, cessante alterius musculi actione: huncque modum, ceu naturæ convenientiorem, se libentius adoptare fatetur.

Morgagnius [v] dubitat adhuc quemadmodum de fibris pupillæ orbicularibus, ita etiam de causa contractionis pupillæ naturali. Illas vero ulteriori scrutinio anatomico subtiliori tanto magis commendandas censet, quo minus, donec hæc lis planissime dirimatur, ne curativæ quidem indicationes affectuum motus pupillæ præternaturalium constitui possint.

Inter recentissimos ophthalmiatros *Taylor* [x] & *Demours* [y] cum anatomicis simpliciter supponunt duo plana fibrarum uveæ muscularium, orbiculare & radiatum f. rectum; sed physiologicam applicationem sicco pede transeunt. Plures omittimus alios & veteres & recentiores, quoniam, quos novimus, nihil habent ultra jam allata.

Non diffitemur & nobis crucem figere tam authorum, adeo contraria fronte pignantium, dissensiones quam rem ipsam. *Paucis ita sentimus*: omnes explicationes, quæ supponunt fibrarum muscularium intumescuntiam à sanguine arterioso jugiter influente, sed non libere per venas redeunte ortam, vel hoc satis premuntur dubio: quomodo hinc deducatur, vel salvetur tam pernix pupillæ reciproca dilatatio atque constrictio, cum sanguis nequeat tam velocem subire affluxum & refluxum. Sane ipsius penis exemplo patet, nec intumescuntiam ejus, nec detumescuntiam, f. erectionem & flaccescuntiam subito vel fieri, vel alternare.

Qui non nisi fibrillas musculares unius generis, radiatas, admittunt, prompte quidem rationem reddunt, cur ab earundem contractione & abbreviatione pupilla dilatetur? Nimirum ob retrahentes se fibras musculares à pupillæ peripheria versus uveæ basin atque ligamentum ciliare. Cur vero angustetur? Quoniam scil. remittente fibrillarum tensione & actione, hæ iterum elongatæ longiores reddant suos radios musculares, undique ad pupillam excurrentes, hancque sic faciant angustiores.

Sed quis calculum subduxit, an hæ fibræ musculares tantum longitudine crescant, quantum pupilla amplitudine decrescit? quæ tamen proportio sibi respondere debet. Qualem sic energiam modumque agendi asseremus luci, à cujus illapsu notabiliter constringitur pupilla, quæque lux spiritus animales in fibrillis muscularibus actuare, i. e. ad motum, ad contractionem has excitare

[v] Jo. Bapt. Morgagni *adversar. anat.* 6. *animadvers.* 69. p. 88.

[x & y] Jean Taylor *lib. cit.* c. 7. p. 23. Demours *lib. cit.* p. 379.

citare videtur. Quodsi vero lux dicto hoc modo agit vero simillime, tunc non posset non ex hypothese & ætiologia priore pupilla ad luminis appulsum dilatari potius, quam angustari; quod tamen refragatur experientiæ. Quid statuemus de constante, perpetua pupillæ dilatatione p. nli? Anne licebit in qualibet mydriasi idiopathica venditare pro causa perpetuam, tonicam, convulsivam radiatarum muscularium fibrillarum actionem, abbreviationem, in illis quoque casibus, ubi cuncta phænomena uno ore testantur de resolutione & paralyti nervearum atque musculorum oculi partium, quemadmodum in subjuncto ad finem differt. casu primo? Quomodo explicabitur p. n. lis nimisque angustatio pupillæ, indies quasi constrictioris, ut nullum perforationis naturalis, f. pupillæ vestigium supersit, imo subitanea aliquando pupillæ arctissima constrictio & angustatio à variis in- & externis causis, nisi supponantur fibræ orbiculares pupillæ, instar sphincteris, nimium se contrahentes? Certe non patet, quomodo è meris radiatis, f. rectis uveæ fibræ hæc totalis pupillæ arctatio & oclusio fieri possit? Quodsi enim illas omnes finxeris paralyticas, minime contractas abbreviatasve, tamen non possunt simplici hac relaxatione in longius maxime subito, excurrere, quam in statu quietis & relaxationis suæ naturali consueverant. Nolumus vero aut his, aut aliis diutius immorari suspicionibus ac opinionibus, cum ad finem §. 26. demonstraverimus, existere revera fibras pupillæ orbiculares, easque musculares.

§. X X X.

Igitur fibras hæc orbiculares pupillæ, in actionem deductas muscularem, sphincteris officium præstare, pupillam naturaliter ad certum usque terminum angustare, sicque antagonistas esse radialium, f. rectarum, neminem putamus inficias iturum, quemadmodum & nos cum universa antecessorum caterva consentimus, pupillam dilatari per fibras radiatas, quatenus hæc se retrahunt versus principium punctumque suum fixum, basin iridis, sicque fibras, quibus inferuntur, orbiculares, tunc quiescentes retrahunt ac pupillam ampliant. Motus hic uterque est involuntarius, automaticus, nobis insciis, f. volentibus, f. nolentibus exercitus [2].

Causa efficiens utriusque motus proxima est influxus spirituum animalium, modo in radiatas musculares fibras fortior, modo in orbiculares. Quæ vero sit causa determinationis spirituum animalium ad hanc, illamve potius fibrarum speciem, intricatior est quæstio? Haud sufficit nobis illa finalis causa: fieri pupillæ constrictionem, in loco plus, aut valde illuminato, ut ne admissa luce copiosa nimis fortiter percellatur organum visus inter-

B b b b 2

num:

[2] Loquimur hic de hominis pupillæ motu, eoque ut se habet ordinarie. Contrarium enim vidimus ipsi ac mirati sumus in fele, ulula majore & aliquot avibus indicis, quæ in eodem luminis gradu mox ampliarunt, mox angustare pupillas. Rarissimo hoc evenit in homine.

num : dilatationem vero , in lumine minore , crepero , ut majore sic introniffa luminis copia distinctius videantur objecta. Non procedit fane hoc ratiocinium , ut duriores alios taceamus nodos , in eo casu , ubi lente crystallina adeo opacata , ut vix aliqualis sensus luminis superfit , pupilla tamen fervat in quamplurimis ejusmodi ægris liberrimum suum contractionis atque dilatationis motum [*a*] sicque mox minorem , mox majorem admittit luminis copiam , quamvis nec imminuta hæc , nec aucta visui præjudicare , neque etiam organum visus primum , sive hoc in retina , sive choroidea constituitur , notabiliter afficere valeat.

Phænomenon est constans atque certissimum , in oculo sano , contrahi pupillam ab admissio luminis intenso , radiisque vivide & copiose per objecta reflexis : lumine vero decrescente , dilatari pupillam. *Lumen* ergo est *causa movens excitansque*. Sed *quomodo* ? Et cur intensa lux magis agit in fibras orbiculares pupillam arctantes , quæ radiis tamen luminosis , in iridem incidentibus , multo minorem offerunt superficiem , quam radiatæ , dilatationi famulantes ? Lucem concipimus agere summa velocitate particularum subtilissimarum atque mobilissimarum , quibus motum imprimit spiritibus animalibus , in fibrillis iridis ac uveæ nerveis atque muscularibus undulantibus ; cum vero hi radii luminosi , corneam & humorem aqueum trajicientes ad perpendiculum refringantur , ac magis convergentes reddantur , ita major horum radiorum copia ad pupillam , ejusque peripheriam determinatur , majorque illorum activitas redundat in fibras pupillæ orbiculares , quam radiatas , licet hæc ampliore spatio pateant radiis incidentibus luminosis. Quantum vero intendantur lucendi , penetrandi , imo & urendi vires lucis ? Constat evidenter per experimenta e radiorum collectione & concentratione in focum [*b*]. Qui meliora scit , impertiat ; arripiemus ea ambabus. Redibimus nunc e diverticulo hoc physico ac physiologico in viam , & , quæ porro huc spectant e pathologia , prosequemur , eo nunc planiora ac faciliora , quod speramus , futura.

§. X X X I.

Subjectum causæ mydriasis sunt fibræ iridis ac pupillæ mox radiatæ magis

[*a*]. Miramur profecto quosdam auctores supponere , in omni cataracta , seu vicio p. n. lis membranæ , seu lentis crystallinæ opacatæ orta fuerit , abolitam esse pupillæ contrahendæ potentiam. Ex illorum quidem hypothese hoc fluit consectarium. Sed refragatur experientia. Haud ita pridem deposuit , spectantibus plurimis Philiatris , præses fœminæ cataracta laboranti lentem crystallinam , visu , qui antea nonnisi luminis discrimen à tenebris fœminæ reliquerat , feliciter restituto , pupilla vero ejus sanissimæ , qua diametrum & mobilitatem , simillima fuit. Non ergo astipulamur Demoursio , dicenti : pour que la prunelle se retrecisse , il faut toujours que la lumière agisse librement sur l'organe immédiat de la vue , & cette action est absolument nécessaire. loc. cit. p. 281. §. 3.

[*b*] Supponimus hæc alibi demonstrata in physicis , opticisque.

gis illæ, mox orbiculares. Si paralyfin patiantur orbiculares, salvæ vero maneant radiatæ, tum hæ tanto liberius ac efficacius se retrahentes, pupillam ampliant magis magisque ac dilatatam fervant, ob impotentiam antagonistarum orbicularium: salvis vero & immunibus his orbicularibus possunt radiatæ contrahi spasmodice, aut e congestione & stasi sanguinis in circulis uveæ arteriosis & venoso abbreviari atque tendi, hoc modo æquilibrium cum orbicularibus superare ac pupillam efficere diuque retinere patientiorem. Casus, quem desideratis. noster beatus *El. Camerarius* [c] recenset, testatur e nervis, extra cavum oculi adhuc constitutis, aliquem facta irritatione, per vulnuscum in cantho interno sinistri oculi exiguum, inducere eidem posse non saltem mydriasin, guttam serenam & palpebræ superioris paralyfin, sed & dextro oculo caliginem atque toti dextro lateri hemiplexiam. Stupendo plane exemplo!

Eveniunt supra dicta in mydriasi idiopathica: verum in sympathica potest utrisque fibris muscularibus, & radiatis & orbicularibus, in se nulla labe affectis, tamen violenter pupilla distendi, & dilatationem perpetuam subire ab infarctu & incuneatione per lentem crystallinam, tumidam, anteriorum protrusam, capsula sua solutam, aut per grumum sanguinis &c. Atque sic sponte sua patet, quæ sint utriusque mydriasis variæ causæ proximæ?

§. XXXI.

Superest, ut *phenomena quædam explicemus*. Si fibrarum orbicularium solarum supponatur paralyfis, quomodo fit, ut radiatæ potentiam motus fervent, cum tamen nervi, & radiatis & orbicularibus inserti fibris muscularibus, unius ejusdemque sint originis atque propaginis, muscularium autem fibrarum resolutio pendeat ab impedito & abolito spirituum influxu in nervos? Videntur *vel* illi ramuli nervorum, qui in ligamentum ciliare excurrunt distincti, radiatis uveæ fibris immersi, perstare immunes: reliqui vero tenuiores per uveam excurrentes ad pupillam, hujusque fibras orbiculares, omnino p. n. affici posse cum effectû paralytico: *vel*, etiamsi utramque fibrarum uni eidemque trunci atque rami forent nervei, tamen eorundem aliquando extrema saltem debilitari ac resolvi posse, salvis truncis & exinde profectis ramulis lateribus. Ultima hæc ætiologia videtur magis inservire illi explicandæ mydriasi, quæ ab ictu impetuque externo vel confestim, vel brevi post inducitur, quatenus à violentia percussioneis tennerrima nervulorum filamenta, fortem subito passâ compressionem atque constrictionem, idem subeunt fatum, quale nervi per Anatomicorum experimenta patiuntur à pressione, ligatura, abscissione.

Quanta sit ejusmodi percussionum vis plurima demonstrant exempla e. g. baculi teretis, non acuti validissima ac perniciosissima impulsio ad abdomen, citra ullam continui solutionem, sed tamen ex opposito crepantis hinc le-

B b b b 3

tha.

[c] *El. Camerarius* in *E. N. C.* cent. 3. obs. 55. p. 130.

thaliter medii renis , quale haud ita pridem Stuttgardiae habuimus tragicum specimen. Imo percepimus à fide dignis , cæcitatem utrique oculo fuisse subito inductam à globo tormentario majore , non ignito , propius ante oculos prætervolante.

Visus in mydriasi *læditur* , vel quatenus in luminoso loco nimium percellitur , à transmissis copiose radiis , organum visus principale , atque sic objectorum perceptio partim fit dolorifica , partim confusa & obscura , atque hinc in loco mediocriter illuminato commodius atque distinctius vident. Unde quidem facile fit , ut alii lumine fortiore diu perculsi in cæcitatem incidant denique : alii vero & robustiores successive huic lumini adfuecant , illudque tolerant impune. Virum vidimus , cui & vulnere oculi & subnato hinc staphylomate periit , & ablata est dimidia pars , s. segmentum , iridis uveæque , perpendiculari abruptione , sicque , loco uveæ , cujus saltem in altero restante segmento superfuit rimæ , non foraminis rotundi , vestigium , magnus relictus est hiatus , sed tamen visus simul eousque salvus , ut forficem , anulum , bacillum ceræ hispanicæ & similia grossiora distinguere valuerit objecta.

Cæterum cum pupilla , l. amplior , l. angustior mutare angulum opticum nequeat , ideo nec majora , nec minora , quam revera sunt , visu percipiuntur objecta : atque sic à priore & posteriore patet , (conferatur §. 18. lit. A.) in mydriasi , qua tali , & per se , objecta nec majora , nec minora apparere , quam alias sano percipiuntur oculo. Unde phænomenon illud *μικροβλέψως* , quod Dn. Demours in mydriasi observavit , §. 15. ceu adventitium , accidentale transmittimus hac vice , quia stricte & essentialiter non spectat ad mydriasin. Plura non addimus ætiologica , ne videamur nimis prolixi.

§. XXXIII.

Therapia. Indicationes curativæ sunt.

1. Nervorum obstructions referare.
2. - - - strictureas relaxare.
3. - - - pressiones tollere.
4. Fibras uveæ orbiculares roborare.
5. Congestiones atque stases humorum in iride ac uvea resolvere.
6. Causas pupillam infarciētes & obturantes tollere.

Palliativæ vero sunt : 1. Impedire nimium noxiumque luminis ingressum.

2. Prævenire progressum causæ morbificæ ad alios nervos oculi & affecti , & sani.

Indicata & *materia indicatorum* è tribus sic dictis hauritur *fontibus* , & primo quidem *chirurgico* , suis quæque indicationibus debita attemperanda. In casu plethoræ , congestionis sanguinis ad caput & oculum præsentem , vel

me-

metuenda ophthalmia interna, vel alia etiam stagnatione sanguinis in uvea citra inflammationem, similibusque casibus locum habent *venæsectio* revulsoria in pede, vel brachio lateris affecti, repetita etiam vel in brachio, l. jugulo: aut *cucurbitula scarificata* profundius, & repetitis ictibus, in dorso: aut *hirudinum applicatio* ad tempora, pone auriculas: vel propiore adhuc scopo derivandi, præmissa tamen venæsectione revulsoria, *blepharoxysis* per xylstrum vegetabile (de quibus olim publice egimus abunde) & hinc, repetita aliquoties hac operatione, liberalior sanguinis ferique procurata excretio. Ipse cum operatione junctus dolor vim stimuli ac revulsivonis simul exercet in ordine ad nervos bulbi ocularii in- & externos.

Majoris vero hoc respectu sunt efficacix *vesicatoria* in brachiis, nucha; an & super palpebra ipsa superiore & supercilio affecti oculi? Posita. Certe *frictionem* validam supercillii, oculi mydriasin patientis, mediantibus digitis aliquid præstare posse spem facit curiosa *Valsalvæ* in dissert. anat. observatio mulieris, percussæ impactu ungue galli indici in alterum oculum, & , pauco hinc fuso sanguine, illico visu privata. Triduo post inspiciens oculum Valsalva, nullamque sive extus, sive intus deprehendens læsionem, valida pollicis compressione agitavit nervum supra orbitam oculi erumpentem, eo loco quo ex orbita emergit, hoc cum mirabili eventu, ut, cum vix hoc esset factum, pristina visio statim fuerit oculo restituta.

In quantum huc pertineant *setacea*, *lobulis auricularum trajecta*, aut aliquando *enemata*, sagax facile intelliget ophthalmiater. Si mydriasis sympathica pendeat ab hydrophthalmia, ab incuneata lente crystallina, à grumulo sanguinis infarciante, removenda sunt hæc impedimenta, si per pharmaciam nequeant, operationibus chirurgicis diversis, de quibus autem rectius alio vel actum jam est, vel agetur adhuc, loco.

§. XXXIV.

Fons pharmaceuticus suggerit primo *externa*, topica, varia in varios scopos: discutientia, resolventia: tonica, roborantia, subadstringentia: aliquando utraque mixta: eaque in forma collyriorum humidorum, epithematum sacculorumque, humidorum atque siccorum, cataplasmatum. Excussimus omnem fere penum ejusmodi materiæ medicæ in prægressis aliquot dissertationibus oculariis, illa maxime quæ agit de hypopyo, ut cramben toties recoquere superfedeamus. Recurrent ad calcem præsentis dissertationiculæ aliquot formulæ remediorum, tam externorum, quam internorum, unde sapienti sat [d].

Interna sunt l. evacuantia vel alterantia medicamenta: ex illis *purgantia* tunc maxime facient ad rhombum, quando peccat cacochymia, feri stagnatio

[d] Selectas, quæ huc faciunt, remediorum formulas suppeditant Bened. Faventinus in lib. de curand. morbis cap. de pupillæ dilatatione: Petr. Forestus in obs. pract. L. II. & pupillæ dilatat. Obs. 27. & 28.

natio, quin effusio occupat interiora oculi & humorum affluxus ab oculo revocandus est. Aliquoties vero talia blanda repetere præstat, quam uno fortiore impetu per drastica agere. *Emetici*, post venæsectionem & resolutiva præmissa, tentamen non plane videtur explodendum, si vel obstructio quædam nervos ciliares extimos occupet, vel ex irritatione truncorum & ramorum posteriorum nerveorum fibræ iridis radiatæ convellantur atque retrahantur spasmodice. Ita scil. in apoplexia emeticum, tempestive propinatum, multis est inter heroica remedia. Huc etiam respiciunt, quæ superiore demum paragrapho laudavimus de motu frictionis supercilii, & lata hinc subitanea planeque admirabili ope. Tacemus, quos Taylor recentissime machinatur miras bulbi torsiones atque subversiones quasi in gutta ferena. Nuperrime observavimus affectum oculi, qui visus duplex audit, s. quando unum objectum morbifice videtur duplex, ultra decendium perdurantem, illico sublatum & curatum fuisse ac perstitisse spontaneis aliquot sternutationibus. Prudens v. medicus indicationes & contraindicationes probe trutinans facile distinguet usum & abusum emetici. *Naribus fluxum* inducere seroso-pituitosum per errhina non est absolum, quodsi hinc etiam sternutationes modicæ provocentur.

Ex *alterantium* censu sunt *aperitiva*, *resolventia*. Infusa, decocta rad. 5. aper. Angel. Pimp. min. Valer-Arist. long. & rot. ver. farsæp. chinæ, sem. fœn.-anis. stellat. L. fassaf. fl. sambuc. Hb. hyssop. salv. fumar. hepat. nob &c. Cinnam. calide, frequenter forbillanda, l. etiam frigide, pro potu, bibenda. Serum lactis c. chæref. nasturt: hort. lupuli turionibus, fumar. recentibus, vel c. extract. trif. fibr. Valerian. cal. arom. rutæ. juscula viperar. italicarum. In forma pulveris. rad. ari vino pp. jr. fl. ononid. costo dulci, millep. pp. rad. valer. fylv. terr. fol. tart. tart. vitr. t. balsamo-saccharum c. tantillo balsami peruviani. In forma essentia vel tinctura: liq. terræ. fol. Tartari. TR. ♂. Tartari. fat.-♂. pomat. es. lign. fassaf. el. aper. cl. mixt. S. L. Acidulæ alcalinæ, ♂ les.

Antispasmodica: extr. pæon.-rutæ-castor.-pap. err. succin. pp. millep. ☉. puris. Cinabar. ☉. vol. succin. liq. C. C. succin. liq. anod. min. H. In emulsionibus sem. card. mar.-pap. alb. - pæon. ▽ paralyf. - beton-pap. errat. til. - ceras. n. *Tonica*, roborantia. cinnam. caryoph. arom. NM. Ambra, corall. r. pp. L. ☽. citrat. Terra. lemn. fragment. L. 5. pretios. margar. pp. croci ☉. Grana chermes, mastiche, succ. granat. citri-granor: chermes, fl. ros. r. Tunicæ, horumque conservæ, elix. vit. M. c.-vitr. myns. es. dulc. - ambr. liq. Aquæ 4. cordiales, - mastich. - cin. cyd. - lavend. - naphæ, - lil. - conval. c. vin. - salv. c. vin. spec. diarrhod. ab. - diacret. M. pulv. anal. fr. M. c. &c.

§. XXXV.

Fons diæticus respondeat indicationibus & curativis & palliatis, & præfer-

præservativis. Itaque cibus & potus, pro variis speciebus & causis mydriasis varius esse debet, modo tenuis & attenuans magis, modo refrigerans, modo calefaciens. Specialiora non tangemus.

De *aëris* atque *luminis usura* subjiciemus quædam: luminis non intensi, non nimis fulgidi usu non penitus interdicendum censemus, imo potius, nisi inflammatoria contraindicet ophthalmia, aut sensus luminis dolorificus, ipsum lumen aliquatenus remedii vices præstat. Unde post epithematum aliorumque palpebris impositorum renovationes ac repetitiones oculum affectum lubentes uno alteroque horæ quadrante denudatum relinquimus & successive adsuëfacimus lumini primum debiliori, dein intensiori. Solis vero radios directe incidentes, aut ab objectis valide & copiose reflexos evitare jubemus, maxime ab initio.

Sanus oculus, e ratione modo allata, non opus habet fasciatione aut velamento, si modo à nimia luce sibi caveat æger. Si vero in longum tempus protracta mydriasis metum faciat lædendi visus e nimia luce, inter legendum aut scribendum necessaria, muniri potest oculus simili patella, quam describit ex Solingen *Heisterus* ac delineat [e].

§. XXXVI.

Denique ad illustranda & confirmanda, quæ hæctenus de mydriasi diximus, annectendi supersunt *aliquot casus à præside observati*; cujus igitur ex ephemeridibus practicis excerptos fideliter hic damus, prout suo quisque tempore consignatus fuit.

Cas. I. Stuttgardiæ an. 1725. mens. Febr. Marcel. Bez, viator, æt. 49. an. robustus, alias etiam sanus, nisi quod colicæ sæpius fuerit obnoxius. Puero adhuc nati sunt abscessus glandulosi, dysepuloti, ex odontalgia, tandem vero, & hucusque consolidati. Ante semestrem dysakoiā auris dextræ, dein difficilis deglutitio, & vox quasi per nares loqueretur. Subinde vertigo capitique dolor. Per inspectionem deprehendi dimidium palatum lateris dextri, quousque musculosum est, in parte sua postica prolapsum, antrorsum atque deorsum simul protrusum, uvulam quoque versus radicem linguæ ac laryngem nimis propendentem. Partes illæ tument & plus justo rubent, atque infarctæ sunt, amygdala dextra tumida & duriuscula. Lingua se habet naturaliter & deglutitio parum impeditur. Suspicebam polypum grandiusculum, e foramine posteriore naris dextræ propendentem, qui palati fornicem ita antrorsum propellat atque deprimat; sed accuratiore exploratione per tactum & visum nihil tale reperi. Sed potius auguror catarrhalem partium harum glandulosarum intumescientiam, & tonum earum atque musculosarum relaxatum, quasi paralyticum, cum tuba eustachiana obstructa.

Tom. I.

C. c. c. c.

D. 124

[e] Heister. chir. lat. Tab. 18. fig. 18.

D. 14. Febr. V. S. pedis ad zvj hodie instituta. \mathcal{R} . Gum. euphorb. \mathfrak{zj} . succin. fl. pp. mastich. aa. $\text{z}\beta$. cerat. de beton. $\text{z}\beta$. bals. peruv. \mathfrak{zj} . M. applicentur vertici raso.

D. 16. Ejusd. \mathcal{R} . fol. fen. f. f. zj . Agaric. albis. $\text{z}\beta$. rhab. opt. zj . Hb. rorismar. salv. hyssop. aa. p. j. beton. M. j. sem. anis foenic. aa. zj . Cryst. Tartari $\text{z}\beta$. M. C. C. inf. ∇ fervid. lbij . dein vini alb. veter. frigid. $\text{lbj}\beta$. dosis m. & vesp. haustus.

D. 22. Ejusd. à vin. med. quotidie, bis terve $\kappa\acute{\alpha}\tau\omega$ purgatus est. Omnia ut prius. Gargarisma sumat man. & vesp. \mathcal{R} . Hb. plantag. min. fl. sambuc. aa. mj . - balauft. lavend. aa. $\text{m}\beta$. myrrh. r. $\text{zj}\beta$. cryst. Tartari. zij . M. C. C. coq. in vin vet. alb. & aq. font aa. $\text{lbij}\beta$. ad remanent $\text{lbj}\beta$. cui colat. & expref. add. mellis rosar. $\text{zj}\beta$. D. species residuæ & expressæ apponantur calidæ lateri colli affecto, intra linteum quadruplicatum. D. 26. Feb. Palatum & uvula situi naturali restituta, tumor idem. Deglutitio jam difficilior. \mathcal{R} . ef. trif. fib. - \mathfrak{z} . Tartar. fat. lud. - succin. aa. zij . M. D. m. & v. gt. 50. è vino. Superbibat apoz. hoc. \mathcal{R} . Hb. c. fl. beton. veron. aa. Mj . R. liquir. $\text{z}\beta$. anis. foenic. cubeb. aa. zj . M. Repetatur prius gargarisma. D. 1. Apr. Tumor internus faucium subsedit aliquatenus: vox liberior e gargarismate lact. caprilli cui folia salviæ incocta. A triduo tumor faciei emphysematicus. Propter stranguriam e binis heri positis vesicatoriis \mathcal{R} . L. \mathfrak{D} . pp. cryst. pp. conch. mar. pp. aa. $\text{z}\beta$. Cinabaris \mathfrak{z} . rectific. gr. xij. sir. pap. er. ol. amygd. d. rec. expr. aa. zvj . ∇ . beton. malv. foen. samb. aa. $\text{zj}\beta$. M. D. singulis trihoriis tria cochlearia. D. 2. Sept. *Hemicrania* dextri lateris à quinque septimanis, & *paralysis palpebræ superioris* dextræ infecuta, oculo salvo. Anorexia & hectica emaciatio. Applicentur duo vesicatoria decussatim. \mathcal{R} . Hb. c. fl. beton. fl. paralyf. aa. Mj . - lavend. Hb. melis. aa. $\text{M}\beta$. R. - sarsæp. zj . cubeb. zj . Anis. foen. aa. \mathfrak{zj} . M. D. pro infus. theæf. man. & vesp. \mathcal{R} . ef. succin. TR. \mathfrak{z} Tartar. fat. lud. an. zij . liq. C. C. succin. $\text{zj}\beta$. D. gt. 45. man. & vesp. Cervici imponatur cerat. de beton. - melil. aa. zij . bals. peruv. \mathfrak{zj} . M. D. 10. Sept. Dolores à triduo cessant, dextra faciei pars tumida, parotis, suppuratio larga è sinu fistuloso ad incisorem dentem superiorem dextri lateris. \mathcal{R} . \mathfrak{z} . d. rite parat. Extr. cath. aa. \mathfrak{zj} . L. aloës - castorei aa. $\mathfrak{z}\beta$. mag. jalap. gr. XXIV. ol. dl. succin. gt. X. eff. L. aloës q. f. M. F. Pil. Nro. LX. D. quotidie XV. D. 19. Sept. A pilulis aliquoties per inferiora quotidie purgatus. A decendio observatur constans immobilitas, f. cataplexis bulbi ocularii dextri, cum mydriasi, f. dilatatione pupillæ, hujusque simul immobilitate. Palpebræ superioris resolutio continuat. Motus rheumatici, vagi: venæ pedis sectio nuperrime instituta. \mathcal{R} . millep. pp. specif. ceph. m. pulv. temp. hal. aa. \mathfrak{zj} . m. div. in vj. dos. d. unus m. & v. Vehiculum. \mathcal{R} . Aq. til. cer. n. beton. aa. zij . rosar. lil. conval. c. vin. aa. $\text{z}\beta$. sir. pæon. paralyf. aa.

℥iij. M. Applicetur vertici vesicatorium latius. Spina dorsi ungatur ℞. ung. resumpt. Fern. nervin. august. aa ℥vj. bals. perv. ʒβ. M. D. 28. Sept. Paulo melius habet quoad omnia, cataplexi bulbi palpebræque excepta. ℞. ♂. alb. gr. viij. croc. austr. ℥j. camph. gr. I V. Aq. naph. ℥vj. rofar. ℥iv. sp. lavend. ℥ij. m. applicetur sæpius in die palpebris, in forma epithematis. Parotidi dextræ tumidiori ℞. empl. de ran. c. ♀. Vig. - reg. burrh. aa ℥iij. ol. philos. q. f. camph. ℥ij. m. Accedit jam quoque tortura oris, versus sinistrum latus sanum tractio. D. 10. Octobr. D. D. Seeger, tum Poliater, (νῦν ἐν ἀγίοις) & ego, consultatione habita, statum morbi declaravimus conclamatum. Præsentia symptomata sunt: in faucibus, multa sputatio, effluxus salivæ ichorosæ, spissæ, colore carneo, foetentis, ex angulo labiorum oris dextro, lingua crassa, tumor ille internus post ultimos dentes molares dextros malignæ epulidis indolem acquirit & majorem molem, gingiva circa molares dextri lateris tumida, divaricata, dens & maxillæ pars carie laborant, palati tunica c. uvula longius delapsa in dextro latere. Gustus salvus, sed motus linguæ gravior, deglutitio vel pultis difficillima, sæpius jam à liquido, lacte e. g. forbillato, metum suffocationis incurrit. Nares siccae, patent. In facie flavedo icterica, oris tortura, s. labia sursum in sinistro latere retracta, album oculi flavescent, sero turgidum, quod bulbum oculi reddit prominentiorem, & digitis motitatum rugas agit, (ἐπανάστασις ὀχθώδης;) totus bulbus immobilis, digitis quidem huc illuc volubilis, jam ultra bimestre visu salvo, sensim tamen magis deficiente, ut illo oculo legere amplius nequeat, monetas tamen adhuc & majora objecta tam remotiora, quam propinqua distinguat. Visus duplex hujus oculi abhinc aliquot septimanis cessavit. Pupilla notabiliter dilatata, ad lucis appulsum immobilis, ante & post pupillam nihil p. n. le conspicitur. Dolor obtusus in supercilio & fronte dextris per intervalla incerta adhuc affligit. Auris dextræ gravis auditus. Faciei latus dextrum nuper continuo stupens, jam calet perpetuo magis altero latere. Parotis dextra scrophulosa in apicem intumescit pyramidalem & indurescit; pariter & ille tumor scrophulosus, sub angulo maxillæ dextræ, grandescit. In occipite prominent hic ibi dolorificæ exostoses exiguæ. Vertiginosus & totus emaciatus est. Non vomiturit: neque tenditur nucha: rheumaticis doloribus ut nuper regio ischiadica sinistra, ita nunc tibia dextra afficitur. Appetitum satis vegetum satiare vetat impedita deglutitio.

Consensimus in setaceum nuchæ & usum succi expressi nasturtii aquatici, ter in die, e jusculo carnis, dosi cochlearium duorum. d. 13. Nov. mortuus est. Noluimus quidquam de prolixioribus his rescare notaminibus, ut historice pateat, quali modo inceperit in hoc vietore mydriasis, quem fecerit progressum, quibus aliis complicata fuerit symptomatibus?

Casus II. Tübingæ an. 1743. Mens. Jul. Adolescens quidam, æt. 15.

an. vegetus, fanus, sanguineus in sphæristerio pilam vi propulsam oculo excepit dextro. Hinc statim illarum palpebrarum tumor, fugillatio, qualis & adnatæ. Altero die sanguinis exigua extravasatio inter corneam & iridem, in fundo camerae anterioris. Pupilla magis magisque dilatari & immobilis, visu tamen salvo, fieri cœpit. Tumor & ecchymosis d. 27. Jul. evanuerunt post facculos resolventes in vino coctos, frequenter oculo impositos, ac per interna è ①. crySTALLIN. rad. valerian. millep. pp. specif. ceph. m. cort. chaq. Sed mydriasis illa hucusque permansit tanta, ut amplitudo pupillæ quadruplo superet naturalem, atque iris nonnisi tenuem circulum in basi, s. ad circulum corneæ internum, relinquat. Visus est distinctus, integer. Nullus dolor nec à principio adfuit, neque nunc. Jussi jam ante octiduum frequenter illini palpebris bals. Schaueri, (Spiritus illum oleosum penetrantem nervinum, quem Augustæ Vindelicorum duo fratres Schaueri componunt atque divendunt) id quod repetendum, & facculos sequentes siccos applicari per noctem calentes jussi. R. flor. lavend. stœch. arab. anthos, ros. r. Hb. serpil. mari ver. aa ʒj. camph. ʒj. pulv. caryoph. aromat. ʒβ. M. C. C. D. Pulveris seq. summat man. & vesp. quantum duo capiunt cultri cuspides ex ▽ ceras. n. R. fem. rut. cardam : min. aa ʒβ. r. valer. ʒiβ. millep. pp. ʒij. sacch. albis ʒβ. M. F. P. D. D. 7. Dec ad me rediit. Inveni pupillam dextram, antea enormiter dilatatam & immobilem, nunc ad diametrum fere naturalem, paulo adhuc altera naturali ampliorem, rediisse, motumque plane naturalem recepisse, visu integro manente, nullaue omnino oculi labe relicta. D. 15. Febr. 1745. domum meam accersivi hunc adolescentem, ut denuo inspicerem oculum ejus. Nullum plane in eo vitium deprehendi. Pupilla oculi hujus olim affecti, eadem fuit diametro cum alterius, æque ac prompte se contrahens ad luminis illapsus, & in loco obscuriore se dilatans. Legendum hoc oculo typum minutiorum obtuli, quem facile ac prompte legit; fassus tamen est, quod si oculum hunc lectioni aut minutiorum objectorum contemplationi longius adhibeat, visum aliquatenus fieri nebulosum. In toto autem hujus mydriasis cursu nunquam expertus est visum, quem veteres Græci Aëtius, Paulus Æginetæ &c. de mydriasi prædicant, scil. quod objecta appareant minutiora, quam sano observantur oculo.

Casus III. Lutetiæ Parisior. Anno 1721. d. 17. Jan. in Xenodochio, à charitate dicto, mihi relicta est, è singulari Antistitum benevolentia, viri quinquagenarii cura, cui ab ictu pilæ in sphæristerio ante decendium accepto reportavit pupillam valde dilatatam, non tamen laceram, vulnus scleroticæ in latere versus canthum internum, in distantia lineæ à circulo externo corneæ. Extra vulnus propendebat filamentum album, retina tunica multo tenacius, pro uveæ, à colore naturali per moram desciscentis, portione habitum. Corpus vitrei magnitudine pisi protuberabat. Æger hoc oculo

talpa

talpa cæcior. Vitreum suæ reddidi pariter sedi, ac uveam prolapsam, vulnus feliciter consolidavi, sine bulbi relicta deformitate. Pupilla versus angulum internum oculi magis magisque distenta apparuit. Visus hucusque restitui non potuit. Excessit in hoc statu reconvalescentiæ Xenodochio, nihilque porro comperi de hoc patiente.

Casus IV. Stuttgardiæ an. 1723. d. 17. Mart. Sutor æt. 40. an. macilentus ante tres septimanas cadens noctu dextrum sic impegit oculum, ut hinc tumor atque ptosis, s. relaxatio paralytica, palpebræ superioris mox insequerentur. Ille jam subsedit, sed restat hæc, cum mydriasi. Minora objecta non facile distinguit, & ab intensiori lumine percellitur moleste. In deambulatione sæpe vacillat quasi vertiginosus. Quem morbus exitum habuerit ignoro? Utpote medicamentorum & operosæ methodi statim pertæsus fatum tranquille subeundum duxit.

Supereffent plurimi casus enormis pupillæ dilatationis cum gutta serena complicatæ; verum cum præcise non spectent ad nostrum thema poterunt ad aliam occasionem differri.

F I N I S.



XXVIII

DE HYDROPHALMIA,

DISSERTATIO MEDICA.

QUAM PRÆSIDE

BURC. DAVID MAUCHART P.P.

Tuebatur

CHRISTOPH. PAUL BEGER

REUTTLINGENSIS,

Tubingæ 14. Febr. 1744.

THE UNIVERSITY OF CHICAGO

LIBRARY

1900

THE UNIVERSITY OF CHICAGO

1900

THE UNIVERSITY OF CHICAGO

1900

1900

§. I.

B *Ulb*us oculi vocatur globus ille, tunicis, continentibus, atque humoribus, contentis, in sphaericam quasi rotunditatem coactus, orbita conclusus, organum visus constituens continensque.

§. II.

Bulbi hujus *magnitudo pondusque* pro diversa hominum aulorum conditione variant tantisper. Medium calculi tenendo, deprehenditur bulbus, pinguedine musculisque liberatus, è cadavere, brevi à morte, erutus pendere 147½ grana: axis ejusdem 11. lineas cum ½. & diameter 11. lineas cum ¼. emetiri [a].

§. III.

Maximum compagi robur fœnerantur tunicae sclerotica atque cornea, tenaces, validæ [b], expansioni nimia plurimum renitentes.

§. IV.

Est vero & sic dictis oculi humoribus determinata quantitas: aquei circiter granorum v: crystallini gran. ivß: vitrei gr. civ. Unde quam exigua sit utriusque sic dictæ oculi camerae capacitas, nonnisi gr. iv. v. ad summum vj. humoris aquei naturaliter admittens, facile patet?

§. V.

Paucissimum esse recens natis infantibus humorem aqueum testatur modo laudatus Petit observationibus repetitis [c]. Variat quantitas ejus in diversis aulorum subjectis non modo, sed haud raro quoque in binis unius ejusdemque individui oculis. Neque unum eundemque jugiter persistere, sed re-

for-

[a] Petit, med. lettre, in 4.to Paris. An. 1724. & in memoir. de l'Acad. des Scienc. an. 1728. édit. Amstel. p. 408. seqq. ubi & pondus humor. oculi humani traditur. Determinavit jam antea qq. Plempius in ophthalmograph. p. 43. humoris aquei pondus ad gr. iij. vel iv.

[b] Talem esse corneam nuper demonstravimus in peculiari disp. de hac tunica Scleroticam alio sistentius tempore.

[c] E corneæ crassitie, rugositate, nimisque pauca quantitate humoris aquei deducit Petit causam: cur infantes recens nati non videant distincte? mem. de l'Acad. an. 1727. pag. 349.

forberi veterem atque dissipari, *novumque generari* perpetua secretione, sequentia probant argumenta: reliquorum corporis nostri fluidorum similis conditio: humoris aquei evaporabilitas per corneæ poros: prompta facilisque regeneratio post simultaneam ejusdem evacuationem per vulnus corneæ, seu artificiale, seu casuale, in fistula corneæ, hypopyi operatione &c. Falsum igitur est, quod statuit *Plempius* in ophthalmograph. P. I. C. 16. p. 44. quod nempe semel evacuatus in adultioribus (in comparatione scil. ad ætatem infantilem atque puerilem) fere semper sit irreparabilis.

§. VI.

Cameram oculi anteriorem terminant cornea atque iris: *posteriorem* uvea, lentisque crystallinæ, propria tunica conclusæ, superficies anterior. *Pupilla*, f. foramen uveæ plus minus rotundum amplumque, constituit medium communicationis utriusque cameræ: quarum *anteriorem esse ampliore* posteriore tot evictum est experimentis [d]. contra *Woolhousium*, sicut jam olim hoc ipsi coram testatus est præses.

§. VII.

Qualitates manifestæ humoris aquei hæ sunt: color diaphanus, clarus, aqua tamen pura minus limpidus: *substantia* fluxilis, sed lenta tamen & saponacea quasi pinguis [e]. Juniorum animalium fluidior est atque limpidior: *sapor* atque *odor* nullus. Servatus tamen aliquot dies in vitro putrescit atque foetet, ut albumina ovi in vitro per octiduum servata.

§. VIII.

Humoris hujus è brutis collecti ʒv. [f]. stiterunt Nuckio, loc. cit. per *destillationem è retorta*, leni igne, humorem aqueum, in *coagulum album*, sed tenuioris consistentiæ, abeuntem & brevi post in plurimas *bullulas* (instar smegmatis hispanici, aqua agitati) mutatum, sed crassioris jam consistentiæ: *aquam* in vas recipiens stillantem, *limpidam* & admodum pellucidam: destillatione ad siccitatem continuata, aquæ destillatæ, sapore & odore omni
ni

[d] Viror. celeberr. Heisteri, Morgagni, Winslovii, Petiti.

[e] Galenus comparat humorem aqueum cum ovi albumine: alii etiam hinc albuminum vocavere. Vocavit tamen & Galenus L. I. de sympt. caus. c. 2. ὑγρὸν ὑδατοειδές; ast albumen ovi propriis terminis continetur, non diffuit, sicuti humor aqueus. Unde Vesalius, ut galenicam comparisonem salvet, prætexit, Galenum intellexisse illam ovi aquam, quæ, dum illud coquitur, putamini, sudoris in modum incumbit: vel ipsum etiam albumen, virgis aliquandiu, aut alias agitatum, & fluxile redditum, quæ plurimorum est interpretatio.

[f] Difficulus ex hominum cadaveribus una vice colligeretur sufficiens quantitas humoris aquei ad experimentum destillatione faciendum. Analogum, aut non valde diversum supponere licebit brutorum humorem aqueum.

ni destitutæ ʒiijß. *caput mortuum* gr. xxij. coloris ex obscuro flavi, tenaciter cohærens, excepta portione exigua friabili, odoris empyreumatici, falsedinis in ore manifestæ [g].

§. IX.

Subiectum secretionis hujus aquei humoris in uveæ tam anteriore quam posteriore ponimus superficie: quoniam in pupillæ omnimoda vel constrictione & concretionem, vel obvelatione & infarctu per adglutinatam circumquaque, aut impactam cataractam, nihilominus utraque oculi regio, seu camera, humore suo gaudet aqueo.

§. X.

Vasa, *colatorium speciale*, quæ sint? in diversum abeunt authores: aliis arteriarum oculi internarum extremitates: aliis glandulæ, sed nondum demonstratæ, in ligamento ciliari: aliis nervi oculi: aliis crySTALLINA lens vitreumque corpus, transudantia humorem aqueum: aliis vasa lymphatica: *Nuckio* aquæductus, quos vocat, sive propagines ramuli arteriæ carotidis internæ, foramine optico egressi è cranio in orbitam, & aliquot ramusculis scleroticam perforantis, qui uveam ac iridem exornent, non sanguinem, sed lympham, humoris aquei materiem, vehentes [b]: vascula oculorum aquosa adducentia, quorum in utriusque oculi orbita unus truncus è novo reti arterioso arteriæ carotidis ortus, in duos ramos divisus scleroticam aliquot locis perfodit, per choroideam pergit, circulum arteriosum uveæ format, ex hoc oblique demittit ramulos, quos *Hovius* vocat vasa nevrolymphatica, proximos humoris aquei fontes, in tract. de circular. humor. oculi motu.

§. XI.

Præfixa brevitatis non finit nos immorari excutiendæ, vel dirimendæ huic liti. Supponimus tamen ex æquo, myriades *arteriolarum* & ex harum *lateralibus derivatos canaliculos*, diaphanam atque tenuiorem vehentes lympham, in choroidea ac uvea obvios, hujusque præsertim sic dicto circulo arterioso, *stillare humorem aqueum* instar roris in utramque oculi cameram: ejus vero *portionem* quamdam *poris corneæ elabi*, ac *reliquam* in vasa abducentia, lymphati-

[g] Ant. Nuck. sialograph. & ductuum aquosor. anatome nova. 8. Lugd. bat. 1690. p. 140. seqq. & p. 153. seqq. Caput mortuum porro examinare vel elixiviando, vel fortiore igne urgendo, vel aquam destillatam reagentibus explorare neglexit. Confer. quæ Boerhavius tradit de examine chymico albuminis ovi, chem. p. 2. p. 345. f. ubi monet, salini nihil inesse albumini ante ignis actionem applicatam. Ignis ergo & hic infidus analysita!

[b] Chrouet, Hovius &c. demonstravere, quod ductus Nuckii aquosi non actu vehant humorem aqueum, sed sanguinem. Admittuntur tamen pro fontibus, & scaturiginibus trium oculi humorum. Vid. Hovii de circ. humor. oculi motu. p. 47.

phatiko-venosa resorberi, sicque humorem aqueum circulari motu jugiter & adferri & referri.

§. XII.

Arteriae, oculi interiora subeuntes, sunt à carotidis internæ, cranium ingressæ ramulis anterioribus, foramine optico, ac inæquali seu lacero (quod vocat Heisterus: galli fissuram orbitalem superiorem:) è cranio exeuntibus, & partim cum nervo optico cavum oculi intransibibus, partim hic ibi scleroticam perforantibus, atque tunicis choroideæ, retinæ uveæ, &c. insertis. Ramis hisce carotidis internæ junguntur per anastomosin, circa medium bulbi, rami carotidis externæ orbitales, qui ab ejusdem ramo maxillari interno proficiscuntur.

§. XIII.

Vene sanguinem lymphamque, ex oculo reducidos infundunt partim jugularibus venis, partim sinibus duræ matris, per *Santorini* sic dicta emissaria [i].

P A T H O L. E T S E M I O L O G I A.

§. XIV.

Humor aqueus afficitur p. n. iniquatione varia, commixto sanguine, in Hypohæmate: pure, in Hypopyo & empyesi: *lymphæ* albicante, lactea, in cataracta cystico-lactea, rupta, vel perforata: *flavedine* aliquando, in ictericis: *filamentis*, atomis albidis, griseis, nigricantibus, in cataracta incipiente-membranacea, & separatis per ictum, contusionem, moleculis nigris ex uveali humore fusco-nigro: *incrassatione*, lentore, spissitudine: aut *nimia tenuitate*, fluxilitate: Sed & *nimia quantitate*, in *hydrophthalmia*. De iniquatione humoris aquei in hypopyo, hypothæmate, ictero, jam tractavimus in præmissis dissertationibus. Jam differemus de hydrophthalmia.

§. XV.

Hydrophthalmia est morbus conformationis bulbi ocularii, in magnitudine aucta, expansione p. n. li nimia tunicarum ejus omnium, in hemisphærio oculi anteriore potissimum, sicque aucta ejusd. dimensione in longum, latum & profundum, à specifica causa, humore scil. aqueo, p. n. aucto, copiosiore & stagnante in sic dictis oculi cameris, anteriore ac posteriore. Dicitur ἀπὸ ἰσχυρῆς aqua, & ὀφθαλμία, ocularia ægrotudo. Audit etiam *hydrops oculi*: die *Augen-Wassersucht*: gallis *hydropisie de l'œil*.

§. XVI.

[i] De his arteriis venisque plura vide in Winslow expos. anat. Halleri icon. nervor. & arteriar. oculi: Taylor mechanisme de l'œil.

§. XVI.

Hydrops hic oculi similis est illi, quem *Fabricius Hildanus* vocavit *Hydrocardiam*, serum in cavo pericardii nimium: aut dilatationi & protuberantiæ sacci lachrymalis, quam *Anellus* appellavit *hydropem sacci lachrymalis*: aut *hydrocephalo* interno, colluviei ferofæ in ventriculis cerebri p. n.li &c. Unde appellatio hydropis ocularii civitate medica donatur, quamvis alias hydrops prædicetur de illis l. cavitatibus majoribus, l. interstitiis, quæ naturaliter nullo liquore, saltim notabili, irrigantur, uti sunt hydrops pectoris, ascites, anasarca, hydrocele.

§. XVII.

Ab hydrophthalmia differunt: *anasarca palpebralis*, cum palpebra l. superior l. inferior, l. utraque simul, sero sub cute turgent, bulbo oculi in dimensione justa servato. Anasarca, seu *œdema adnatæ tunicæ* sero turgentis & totum oculi hemisphærium antè aliquando obducentis, & linearum aliquot crassitie prominentis, aut exiguum saltem in medio locum vacuum relinquentis, per quem transpicit cornea. Distinguuntur facile pariter *phlyctænæ*, bullæ sero limbo infarctæ, majores minoresve in adnata, circulo corneæ, imo sub ipsa epidermide corneæ.

Illam vero *corneæ* l. particularem, in aliqua dumtaxat sui regione, l. universalem, in tota superficie, *protuberantiam*, ex arrosis vulneratisve ejusdem lamellis sive externis, sive internis, atque sic reliquis, nondum erosis, extrorsum protrusis atque ab humore aqueo propellente turgescens, *ad herniæ & prolapsus corneæ speciem* magis referimus.

§. XVIII.

Bulbi ocularii ex orbita *prolapsus*, procidentia, Græcis *Celsoque* proptosis, ecripsimus f. expressio, exophthalmia denotant bulbum oculi sede sua motum, foras ex orbita prominentem, extra palpebras propendentem, bulbo vel in naturali magnitudine, saltem aliquandiu, persistente, vel eadem aucta, plus minus notabili. Si bulbus insigniter, instar oculi bovini, turgescat, vocatur *buphthalmus*, f. *buphthalmia*, à βῆς, bos & ὀφθαλμός, aut particula intensiva βγ.

§. XIX.

Solet in *hydrophthalmia* bulbus omnino etiam ad ultimum sic intumescere, ut buphthalmiam constituat; sed non omnis buphthalmia est à vitio abundantis aquei humoris: imo mole auctus oculus se proripit è sede orbitali foras, atque incurrit exophthalmiam. Sunt vero & prolapsus ocularii bulbi,

justam dimensionem servantis, sine buphthalmia. Hinc male confunduntur à nonnullis authoribus.

§. X X.

Hydrophthalmiæ *diagnosis*: successive globi ocularii augmentum, naturalem dimensionem superans $\frac{1}{3}$. parte, l. dimidia, l. altera tanta: turgida tensio: cornea plus solito elevata & prominula: iris autem profundior, à superficie interna corneæ remotior [k]: pupilla immobilis, aliquando amplior, alias strictior, angustior: visus ab initio illibatus, successive debilior, obscurior: maxime cum, ut subinde fit, caliginosa corneæ obnubilatio, humorisque aquei turbiditas sociantur: aliquibus dolor tensivus, obtusus, circa fundum oculi, licet perpetuus fere, valde tamen mitis, aliis multo gravior est cum ejusdem lateris affecti hemicrania, stupore partium faciei, aliquando emphysemate totius lateris & odontalgia, insomniis. Accedunt sub molis ulteriore incremento exophthalmia, illacrymatio, ectropium.

§. X X I.

Turgescentia & *incrementum* p. n. le *humoris vitrei* adauget itidem notabiliter dimensionem oculi, duramque infert ei tensionem; si tamen absque juncto humoris aquei accidat incremento, hinc facile distinguitur, quod teste *Woolhousio*, humoris vitrei limbus circa crystallinam lentem elevatus huic umbram offundat, atque strabismus versus superiora efficiat, duritiem extra-

[k] Innuunt hæc omnino spatium anterioris oculi camerae multo auctius ampliusque, majorique humoris aquei quantitate repletum, quam naturaliter solet. Verum, sicuti hæc major liquoris copia nihil visui præjudicat, ita neque lenti crystallinæ situm infert mutatum, & depressionem versus centrum oculi, quamvis supponatur, proportionate majori humoris aquei quantitate simul irrigari secunda quoque oculi regio: neque figuram crystallini mutat in superficie sua anteriore, è convexa in planam; è quibus phænomenis rationem deduxit cel. olim Scheidius in disp. de visu vitiato, Argent. 1676. p. 49. cur objecta, in tali oculi constitutione, videantur minora, quam revera sunt? Impugnavit nuper Scheidium Dom. de Mours, med. Paris. in observat. historię naturalis & morbor. oculi, adjectis versionibus gallicæ observationum medicar. Societatis Edimburg. in Scotia; Quamvis autem Scheidius non tam provocet ad pondus humoris aquei gravitans in superficiem lentis crystallinæ, complanando eam, uti videtur Scheidii verba intellexisse Dn. de Mours, sed ad tensionem processuum ciliarium, ab exuberante aquei copia, aut affluxu humoris inductam, unde crystallini superficies convexa quadantenus explanetur; tamen & hæc processuum ciliarium supposita tensio per humorem aqueum exuberantem, in nostro hydrophthalmiæ casu videtur *nec tanta* esse, quia maxima humoris aquei pars in anteriore camera continetur, & corneam magis, quam uveam, distendit, tum quoque portio humoris aquei in camera posteriore conclusa æquibrat una c. humore vitreo anteriorem quantitatem; Nec, si vel maxime concedatur, tantæ efficacis, quæ anteriorem lentis crystallinæ superficiem convexam queat complanare, saltem notabiliter, quoniam processus ciliares non inferuntur in crystallinam lentem, sive tunicam ejus, sed in tunicam vitrei corporis, in peripheria lentis crystallinæ.

traordinariam bulbo conciliet, doloremque obtusum cum notabili visus diminutione inducat. Iris procul dubio tunc etiam ad corneam magis appropinquabit, & convexitatem induet, vere talem, sed morbosam omnino [1].

At, si p. n. le *augmentum humoris aquei vitreique concurrat*, quod à priori, & per *Nuckii* observationes in *siatographia nova* p. m. 123. fieri posse ac fovere constat, *difficilior est diagnosi*, nisi, è mole nimia, velocius incremente, ac insigni duritie & strabismo, utriusque vitii conjunctionem hariolari liceat.

Neque vero quoad curationem magni interest hoc discrimen. Ad summum enim paracentesis, in sclerotica debite instituta, una fidelia duos parietes dealbat.

§. XXII.

Prognosis. Pedetentim incrementum ordinario moles per menses, atque diu subsistit in certo notabili expansionis gradu. Rarissime diminuitur sponte. Medicamentis etiam difficulter dissipatur, si malum sit inveteratum, &, si decreverit, visus tamen plus minus labefactatur. Si humor aqueus sit concretus, congelatus quasi, turbidus, cataractam mentiens, tenuem facit curationis spem; si vero liquidus, fluidus atque limpidus persistit, plenior. Facilior etiam est curatio hydrophthalmiæ è vitio adducentium vasorum, quam abducentium. Accedente interna externaque inflammatione partes oculi internæ facile destruuntur suppuratione, aut labefactantur, cornea exeditur, crepat, atque sentinam humorum eructat, nisi hæc præveniat tempestiva incisio, sive punctio. Hæc vero aliquoties ordinario repetenda est, quoniam post unam alteramque punctiōem bulbus, qui hinc subsederat, novum capit incrementum, donec tandem intra debitæ magnitudinis limites consistat, vel in minorem se contrahat globulum, id quod satis est ordinarium post prægressam suppurationem internam & synchysin, s. confusionem destructoriam trium oculi humorum, præcipue vitrei [m].

§. XXIII.

Hydrophthalmiam retulimus §. 15. ad genus morborum conformationis in magnitudine aucta. *Causa proxima* est humor oculi aqueus stagnans, abundans, distendens corneam atque scleroticam. Potest vero harum quoque laxitas cum atonia conspirare. Crassior aliquando turbidusque simul fit aqueus humor ex ipsa stagnatione, & tenuioris suæ portionis resorptione in vasa

[1] Naturaliter, in sano statu, iridem non esse convexam, sed planam solidis demonstravit argumentis Petit, medicus. *mémoires de l'Acad. des Scienc.* an. 1728. p. 307. seqq.

[m] De eventu hujus operationis plura dabimus proxima occasione, ubi de paracentesi oclaria agemus.

vasa abducentia, & diffatione per corneæ poros. Capiunt vitium, ni moveantur, aquæ! Hinc etiam in hydrope pectoris, ascite, hydrocele serum extravasatum non flavi tantum & lixiviosi, sed & varie turbidi, viridescentis, albescentis &c. haud raro conspiciamus coloris, & consistentiæ crassioris, viscidæ, ramentosæ, feculentæ &c. Propter hanc p. n. lem suam crassitiem præcludit sibi consuetam exitus viam, quam in statu naturali habet ex parte, nimirum per corneæ poros.

Causam vero stagnationis & augmenti humoris aquei proximam ponimus in vasis ejus abducentibus obstructis, compressis, adstrictis, superfluum non referentibus §. II. 13. dum nihilominus vasa adducentia vel naturalem aquei quantitatem, vel & solito majorem continuo afferunt effunduntque in sic dictas oculi cameras.

§. X X I V.

Sed, abducentibus vasis salvis, *causa etiam inherere potest vasis adducentibus* laxis, nimia humoris, ejusque serosi nimis, fluxiliorisque jugiter affluentis quantitate irrigatis, ut abundantis sic humori aqueo satis absorbendo revehendoque imparia fiant reducentia vasa, naturaliter constituta.

Difficultate non caret distincta certaue *diversæ hujus causæ diagnosi*. Anatomosin quidem morbificam vasorum adducentium, atque lympham fluxiliorem, copiosam arguere videntur ætas puerilis, temp. phlegmaticum, prægressi frequentes catarrhi tenues, falsi, aut ophthalmia serosa, humoris aquei pelluciditas consueta, visui naturali similior, velox hydrophthalmiæ incrementum, ejusque faciliior promptiorque curatio.

Vasorum reducentium culpam produnt dyscrasia humorum viscida, catarrhi crassi, gramiæ viscidæ, crustosæ, humor aqueus per corneam transparentis turbidus, visus obnubilatus.

T H E R A P I A.

§. X X V.

Indicationes : (1.) Resolvere, discutere obstructions vasorum abducentium, f. revehentium humorem aqueum. (2) Attenuare, corrigere cacochymiam viscidam, crassam, impuram, ut totius massæ sanguinæ, sic in specie humoris aquei stagnantis. (3) Acrasiam serosam, fluxilem, divertere, revellere, evacuare per alia emunctoria, alvum, renes, cutem, nares &c. de hinc increffantibus, mucilaginosi, absorbentibus figere. (4) Dissipare stases in oculo inflammatorias, in-&-externas. (5) Tunici oculi, scleroticæ atque corneæ præsertim, robur addere, blandam adstrictionem conciliare, ut & ipsæ reagant fortiusque repellant stagnantem aqueum humorem, ac hydrophthalmiæ recidivam impedian. (6) Humorem aqueum abundantem, impurum, si medicamentis non auscultet,

eva-

evacuare per chirurgicam operationem, oculi paracentesin. (7) Si interna suppuratio sit inevitabilis, hæc emollientibus & paregoris promovenda, pus tempestive emittendum, quemadmodum fit l. in hypopyo, l. empyesi [n].

§. XXVII.

Subordinantur hæ sibi *indicationes* pro ratione morbi, causarum, incrementi, durationis, præmissorum jamjam remediorum, tolerantiae ægroti &c. suum ergo cuique tribuet dogmaticus ophthalmiater, iustoque singula adhibebit modo ac tempore, & primo quidem e *Fonte Dietetico* in genere præcipitur aer tepidus, purus: victus *εύχρηστος καὶ εὐπεπτός*, modicus, specialiter vero in casu intemperiei viscidæ humorum, aperitivus, tenuis, incisivus, aromaticus, contra serum fluxile nimis ac tenue, incrassans magis, gelatinosus. Ibi potus vinosus, aromaticus, hic aquosomucilaginosus. Motus corporis placidus.

§. XXVIII.

E fonte pharmaceutico: evacuantia, laxantia, purgantia per epicrasin, vel repetita brevibus intervallis: pilulæ præsertim e MP. de succin. crat. ♀. d. rite parat. resin. jalap. ol. dist. anis. Diaphoretica, diuretica cum incisivis remixta: errhina, sialogoga, mastigatoria.

Ex *Alterantium* classe, resolventia, discutientia, aperitiva, interna: infusa theiformia, decocta, è rad: angelic. scorzon. pimp: min. hirundinar. carlin. valer. farsæp. l: fassafir. sem: fœnic. &c. eff: pimpinel. succin. scord. l: fassaf. TR. †: acr. mixt: S: L: TR: ♂: tartari: lud. ♂: cydon. &c. millepedes, rad. valer. &c. in pulvere.

Externa: discutientia in sacculis humidis atque siccis, toties in præmissis dispp. laudata. Maritanda cum leniter desiccativis, adstrictivis. In casu autem suppurationis oculi internæ cataplasmata emollientia, paregorica.

§. XXIX.

E fonte chir. generalia primo huc spectant illa præsidia, quibus materia morbifica ab oculis divertitur, revellitur, derivatur, evacuatur per clysmata stimulantia, purgantia, vesicatoria, fonticulum in artubus, setaceum nuchæ & auricularum, hirudinum applicationem post auriculas, ad tempora, venæsectionem pedis, brachii, cucurbitulas scarificatas in dorso, nucha: specialiter vero & efficaciter per *paracentesin*, perforationem, punctio-

Tom. I.

E e e e .

nema

[n] Post evacuationem puris quid sit agendum, servamus ad operat. chir. abscessus interni oculi, sepedi, extirpationis oculi.

nem oculi, vel in sclerotica, vel cornea, atque simultaneam sic evacuationem humoris aquei, superabundantis. Sub incudem vocabimus alias hoc thema peculiari dissertatione.

§. XXX.

Cautela practica: non opponenda statim in principio sunt adstrictiva fortia topica. Hæc magis quadrant post præmissa resolventia & depletum paracentesi oculum. Inepta, frustranea, imo periculosa est prolapsi oculi repositio tentata, dum bulbus adhuc valde turget atque tumet. Fidem suam nunquam temere adstringat ophthalmiater de visu hic servando integro, neque paracentesin eo differat usque, donec omnia in oculo susque deque mota sint.

Breves è voto Domini respondentis fuimus, modo non simul obscuri!

T A N T U M.



XXIX

DE PARACENTESI OCULI

IN

HYDROPTHALMIA

ET AMBLYOPIA SENUM;

D. I S S E R T A T I O

MEDICO-CHIRURGICA.

Quam Præside

BURC. DAVID MAUCHAR T. P. P.

Tuebatur

THEOPH. ANDR. SARWEY,

CHÆROPOLITANEO.

Tubingæ 28 Sept. 1744.

THE UNIVERSITY OF CHICAGO

LIBRARY

1911

CHICAGO

1911

CHICAGO

CHICAGO

CHICAGO

CHICAGO

CHICAGO

CHICAGO

P R Æ F A T I O.

Pertexenda est, quam nuper in disp. de hydrope oculi cepimus, tela. Summis modo digitis ibi tetigimus, brevitatis studio, chirurgicam illius morbi operationem, paracentesin, s. punctiorem bulbi ocularii, tum maxime necessariam, cum invictum medicamenti malum majora indies sumit incrementa & structura non tantum oculi, sed & functioni magis insidiatur magisque. Hinc quantocyus removenda est ac eliminanda hæc causa, medicis continens dicta, atque, si redeat, iterum iterumque simili tollenda methodo.

Non vero saltem in hydrope oculi, s. hydrophthalmia, sed etiam in serosa, vel lymphatica corporis vitrei turgescencia & humoris aquei lentore nimio, & vappida quasi minusque pellucida crasi, &c. locus est operationi nostræ.

Parum, vel nihil lucis fœnerant & veterum & recentiorum edita de morbis & curationibus oculorum monumenta. Opera tamen pretium est, nisi nos fallunt omnia, rariori quidem, sed momentoso ac difficili subinde, oculi hydropi succurrere: imo gratiam profecto meritissimam initura videtur operatio chirurgica ab illis, è litteratorum maxime censu, qui, ex humoris aquei lentore præternaturali ac turbiditate, post quinquagesimum ætatis annum, magis magisque visum hebetari, obscurari, minoribus objectis distincte percipiendis non amplius sufficere, in crepusculo caligare, ac perpetuo conspiciendorum jugo (nisi quidem Hispanica æstimatio tedium leniat) subjici, & ne sic quidem satis se adjuvari experiuntur: & vero è paracentesi desideratam hujus amblyopiæ medelam obtinent.

Igitur præsentì opella trademus hujus paracentesis oculariæ definitionem, etymologiam, inventionem, indicantia, præparationem ad operationem, media & instrumenta, pungendi methodum & cautelas, remedia pharmaceutica & diætetica adjungenda, symptomatum supervenientium mitigationem & ablationem, vulnusculi tractationem pharmaceutico-chirurgicam, operationis modum agendi & juvandi, ejusdemque eventum fructumque, tandem & vindicias ab objectionibus. Faxit DEUS omnia cedant in sui nominis honorem atque salutem ægrotorum!

§. I.

Paracentesis oculi est operatio chirurgica, qua pertunduntur tunicae oculi, vel conjunctiva, huicque subjectae sclerotica, uvea, choroida, vel cornea, mediante lanceola, aut acu tricuspile, sive cannulata, sive nuda, ad evacuandos oculi humores noxios, in binis, ita dictis, oculi cameris maxime delitescentes.

§. II.

Παρακέντησις, paracentesis derivatur à παρακέντέω, pungo, à latere pungo [a]. Hippocrati, [b] Galeno, [c] Paulo Ægineta, [d] istiusve non tantum ævi, sed omnium quoque posteriorum medicorum libris obvia vox denotat punctiōem, perforationem abdominis in ascite, ad liquorem in cavo abdominis hærentem evacuandum. Acu puncturam in suffusione, f. cataracta, oculosque terebratos, speciem paracentesis memorat Cælius Aurelianus [e]. Perforatio pectoris, in ejus hydrope ac empyemate, item scroti in hydrocele dudum jam sub paracentesis nomine venit, tandem & oculi compunctio, f. pertusio, cum humoris notabili emissionē præsertim facta, eadem paracentesis appellatione comprehensa est.

§. III.

Paracentesis in oculo instituendæ, §. I. quānam primi sint auctores, quantum nobis constat, indigitabimus. Transmittimus tamen in præsentiarum illas bulbi punctiōes; quæ fiunt in operatione hypopyi, hypohæmatis, empyesis, fetacei ocularii [f], cataractæ, &c. quales etiam non omnes cum finali causa paracentesis, evacuatoria nempe, conveniunt, multoque minus huc referendas censemus incisiones chirurgicas ampliores, scalpello, vel forfice perficiendas, quemadmodum in extractione particularum lentis crystallinæ, vel etiam integræ ejusdem, in cameram anteriorem evagatarum, aut sub operatione cataractæ concisoria & discerptoria separatarum, it. aliquando in staphylomatis operatione, vel abscessus in oculo profundioris incisione & apertione fieri solet: atque sic restringimus, uti totam de paracentesi oculi tractationem, sic etiam originem ac inven-

[a], Male ergo plurimi paracentesin per th scribunt.

[b] Hippocrates Cous multis locis meminit παρακέντησις. Vid. Foëssi Oeconom. Hip. voce παρακέντησις.

[c] Cl. Galenus meth. med. L. 14. c. 13. p. m. 90. b. &c.

[d] Paulus Ægineta Encheirid. totius med. L. 3. c. 48.

[e] Cælius Aurelianus de morb. acut. & chron. L. 1. c. 5.

[f] De quibus actum est abunde in præcedaneis dispp. præsidis.

inventionem ad illos maxime casus, ubi *vel humor aqueus* copia, lentore ac turbiditate, *vel vitreus* lymphæ turget copiosa.

§. I V.

„ Equidem *C. Plinius* [g] de succo utriusque anagallidis, fl. phœniceo, & cœruleo, prædicat: quod cum melle attico discutiat oculorum caliginem & ex ictu cruorem, & argema rubens, magis cum attico melle inunctis pupillas dilatet: & ideo hoc inungatur ante, quibus *paracentesis* fit. Sed dubium est, annon potius hic eam oculi paracentesin, s. puncti-
nem intelligat Plinius, quæ fit ad suffusionem, s. cataractam acu tolli sue-
tam, quam eam, de qua nobis jam maxime sermo est, perforationem,
ad emittendum humorem aqueum? Videtur enim eo fine adhiberi ac inun-
gi succus iste cum melle attico, ut pupillas dilatet; atqui vero in nostra
paracentesi nulla opus est prævia pupillæ dilatatione, quæ tamen in cata-
ractæ ordinaria depositione posset eo inservire, ut operator majorem cata-
ractæ ambitum & acus immissæ motum plenius perspicere possit.

§. V.

In antiquissimis pariter ac mediæ ævi scriptoribus nullum aliud vestigium
reperire potuimus, quo vel constitisse illis saltem de nostra oculi paracen-
tési probabile fuerit, nedum ipsa operandi methodo, vel exemplis. Inter
recentiores diligentissimus *Valentini* [h] observationem, à celeb. tum me-
dico Francofurtensi, D. *Wesem* communicatam, sub titulo hydrophthal-
miæ, punctura acus percuratæ, seqq. adfert verbis: „ Suaferat jamjam
„ ille medicus eradicationem oculi, ad hydrophthalmiam funditus curan-
„ dam: tentavit tamen primo, annon pertusione oculi aliquid efficere pos-
„ set? Quod adeo feliciter cessit, ut evacuato prorsus humore, adhibitis
„ internis, & imperata legitime diætâ malum prorsus victum fuerit”. Ple-
niorem tamen & morbi & operationis historiam, imprimis, num visu resti-
tuto salvoque malum sit devictum, desiderari, manes optimi viri ægre non
ferant

Nuckius vero [i] luculenta duo habet exempla, alterum juvenis Bre-
dani, alterum matronæ cujusdam Hagienfis, quibus ipse paracentesin o-
culi, ad humoris aquei, in eorundem hydrophthalmia superabundantis e-
vacuationem, administravit. Nuckii vitulo arasse videtur *Hovius* [l] ita
differens: „ In hydrophthalmia purgato corpore, si cacochymicum fuerit,
im-

[g] *C. Plinius Secundus* Hist. mundi L. 25. c. 13. circa init.

[h] Mich. Bernh. *Valentini* in E. N. C. Anno 6. obs. 70.

[i] Ant. Nuck. *Silaograph.* 8. Lugd. Bat. 1690. p. 120. 125.

[l] Jac. *Hovius* de circular. humor. motu in oculis. 8. Lugd. Bat. 1716. p. 120.

„impedimenta humorum refluxum cohibentia, si possibile, mox remota, quodsi voto non respondent, ne nimium extendatur, cornea perforanda, ut humores superflui evacuentur, & oculus ad pristinam naturalemque magnitudinem redigatur.

Bartisch, Plempius, Briggs, Guillemeau, Banister, Coward, Maitre-Jean, St. Yves, Read, Duddel, Taylor &c. qui expressam oculariæ scientiæ ac praxi navarunt operam ne verbulo quidem attingunt paracentesin oculi, licet horum nonnulli mentionem faciant hydrophthalmiæ. Sed celeberr. *Heister*, ut generali suæ chirurgiæ plurima intersperset egregia ophtalmiatica, sic [m] difertis etiam verbis & hydrophthalmiam pertractat, & operationem chirurgicam ejus, nempe punctiorem oculi atque humoris aquei abundantis emissionem edocet, ac exemplo, e propria praxi desumpto, illustrat. *Bassius* provocat [n] saltem ad instrumentum singulare, quod *Woolhousius* contra hydropem oculi invenerit.

§. V I.

Is vero *Woolhousius* jam ante semiseculum fere [o] publico annuntiavit, se valde curiosum invenisse instrumentum, *paracenterium* dictum, pro nova sua hydropis oculi operatione. Post hæc etiam edidit catalogum 40. operationum chirurgicarum, quas oculis administret [p], ubi §. 10. tacitam oculariæ paracentesis facit mentionem, sub titulo emissionis, renovationis, redintegrationis aquei humoris, vitiiati, turbidi, atque ut loquitur, hydropici &c. Typis autem impressam nullibi, quantum novimus, publicavit. I. morbi, I. operationis historiam: tradidit tamen suis auditoribus, inter quos ipse fuit per biennium fere præses hujus disputationis, & viva voce & scripto. Neque vero sibi tribuit inventionis gloriam, eo certe respectu & fine, quo adhibetur paracentesis contra amblyopiam, ab impuritate humoris aquei in senio contractam, sed fatetur laudatque authorem celeberr. quemdam ocularium Londinensem, *Turberville*, Patri *Woolhousii*, itidem oculario, contemporaneum conjunctissimumque amicum, qui retulerit se hanc operationem acceptam referre Capitaneo cuidam Anglo, quindecim annos olim Pechini apud Sinas commorato, à quo illam didicerit. Hanc operationem feliciter pluries abs *Turbervillio* exercitam, spectante *Woolhousii* Patre, imo se ipsum vidisse civem Londinensem, cui is paracentesin hancce intra 11. annos bis adhibuerit, donec &

[m] Laur. Heisteri institut. chir. 4. Amstel. 1739. p. 633.

[n] Henr. Bassii. *erläuterter* Nuck. 8. Hall. 1728. p. 234. in nota ad fin.

[o] J. Th. de Woolhouse Catalogue d'instrumens pour les operations des yeux; vid. Journal des-Scavans an. 1696. p. 682. edit. Amstelædam.

[p] E. N. C. ad Cent. V. & VI. append. p. 134. an. 1717. it. in Dissertations savantes & critiques de Mr. de Woolhouse, mises au jour par Mr. le Cerf, Dr. en med. &c. à Offenbach sur le Meyn: statim post præfationem libri.

& ipse hanc in Hibernia & Gallia pluries tentaverit felicissimo cum successu, refert noster *Woolhousius* [*q*].

§. VII.

Indicantia paracentesis nostræ sunt (*α*) : *hydrophthalmia*, f. hydrops oculi, ab exuberante humoris aquei copia ortus, isque medicamentis tolli renuens atque majora indies incrementa minitans atque pericula (*β*). Humor *aquei* lentor p. n. atque *turbiditas vel totalis*, unde radiorum luminosorum atque specierum visibilium liber transitus impeditur, atque visus hebetudo enascitur, f. amblyopia : *vel partialis obfuscatio*, quando filamenta tenuia, aliæve atomi, in ipso humore concretæ, vel e nigro uveali pigmento separatæ fluctuant in humore aqueo, secunda oculi regione detento, visusque impedimentum & deceptionem efficiunt, quasi obvolitantium muscarum aut araneorum pedum (*γ*). Corporis *vitrei* serosa *turgescencia*, l. solitaria, l. cum aquei humoris incremento conjuncta toti conformationi bulbi non tantum sed visui valde perniciofa (*δ*). Sagaciorum judicio relinquimus : annon in simili *turgescencia*, f. serosa, f. purulenta ipsius *crystallinae lentis*, & in lactea, quæ vocatur, cataracta, paracentesis locum habere possit, sive acu ad cataractas deponendas adhiberi solita, paulo majore, seu tricuspide tenuissima acu cannulata, quam Galli *trois-cart* appellant, atque dehinc vel serosi, l. lactei, l. purulenti liquoris emissio, vel exsuctio (*ε*) ? Pus in secunda oculi regione fluctuans, l. *Empyesis*, de qua haud ita pridem in peculiari egimus dissertatione.

§. VIII.

Nomen huic punctioni oculariæ specificæ, determinatæ ad renovandum humorem aqueum, (§. 7. lit. β. prima divisione) imposuit Turbervilius Katastasiæ, *Woolhousio* referente ; rectius vero *ἀποκατάστασις* vocatur, quæ denotat redditionem, restitutionem, it. restitutionem in pristinam formam & statum : unde *Woolhousius* eam quoque vocavit, renovationem, seu redintegrationem humoris aquei. Ast nos retinebimus nomen generale paracentesis, cum entia non sint multiplicanda præter necessitatem, & ipsa hæc *ἀποκατάστασις* aquei humoris non alia intelligatur, quam quæ fit mediante paracentesi.

§. IX.

[*q*] Provocamus hic & in seqq. ad collegia dictata *Woolhousii*, quæ in plurimorum versantur manibus, ipsiusque etiam Heisteri, Platneri &c. quos ideo ceu maxime idoneos provocamus Judices, quantum differant illa dictata, passim manca, confusa & intricata à nostra, quam hæcenus in ophthalmiatriam contulimus opera qualicumque, plurimis accessionibus & emendationibus aucta ! Id quod præfiscini dixerimus.

§. IX.

Præparatio ægri ad operationem fit, pro ratione subjecti & symptomatum, purgationibus, venæsectione, diæta tenui ac exsiccante. Brevi ante operationem vel jusculum, l. vinum generosum, vel analeptica quædam potio in exigua dosi propinatur, prout ex his alterutrum vel magis requirat æger, vel melius ferat. *Instrumenta vero atque media*, quibus æque peragitur hæc paracentesis, ac, quod ab operatione reliquum est laboris perficitur, pauca sunt: *speculum oculi* optimum Woolhousianum: quale delineat Heisterus Chir. lat. Tab. 17. fig. 16. *Acus tricuspis*, intra cannulam abscondita, ut extremo saltem apice e cannula promineat, structura accedens ad exemplar, quod Heisterus sinit Tab. chir. lat. 24. sed brevior multoque angustior tenuiorve, calamus corvinum crassitie vix æmulans: estque hæc ipsissimum, quod novorum nominum mirus amator, Woolhousius, suum vocavit *paracenterium*: *similis acus*, sed *cannula & manubrio denudata*: porro *lanceola*, phlebotomiæ alias destinata, in mucronem acutiorem desinens, emplastro circumvoluto munienda usque ad brevem apicis nudi prominentiam: *patella* quædam *plumbea*, vel *hemisphærium concavum*, e cornu tornatum, vel *compressor Hippocratis*, qui est machina compressiva, similis illi, quam e Platero delineat Heisterus chir. lat. T. 16. f. 20. quæ vero loco noduli, per lit. A. denotati, habet patellam ferream, holoserico obductam: *collyrium humidum*, infra §. 14. descriptum: *albumen ovi*, cum alumine crudo in spumam conquassatum, manipulo gossypii illitum: *splenia aliquot* e linteo multiplici, quadrata: *fascie* duæ, 6. vel 7. pedes longæ, duosque pollices latæ. Non promiscue, sed accomodate ad sua indicantia §. 7. hæc usurpentur instrumenta, ut e sequentibus patebit. Casus etiam sunt, ubi *ampliore* opus fuerit *instrumentorum apparatu*, qualem in disp. de empyesi §. 13. descripsimus.

§. X.

Locus paracentesis in oculo est vel *electionis* vel *necessitatis*. *Necessitantem* vocamus, quando bulbus aliqua sui parte magis protuberat [r], tunicas ibi obtinet tenuiores, aut singularia obstant impedimenta, quo minus loco, alias debito, vel consueto possit institui. Hoc igitur casu perinde est, seu in medio anteriore bulbo in cornea, seu à latere punctio fiat. *Locus electionis* est ille, in quo & punctio securior est, & nulla cicatrix, ægri visum posthac impediens, corneamve deformans relinquitur. Unde dispalescit, corneam minime pro subjecto punctiois, præsertim in medio s. centro, eligendam esse, sed potius scleroticam, lineæ, l. ulteriori, distantan-

[r] Nuckius l. c. in hydrope oculi, tribus excrescentiis cornuum in modum obstiti; unam ex his protuberantiis ipsis pertudit.

tantia à circulo corneæ , inque latere bulbi externo , sive quod respicit cantum oculi externum , loco aliquantum decliviore , quam in cataractæ depositione moris est , in cavum usque regionis secundæ oculi perfodiendam esse ; si vero bulbum oculi distendat , hydropicumque reddat vitreus nimium turgidus , oportet in punctione duas circiter lineas à corneæ circulo recedere.

§. XI.

Modus , quo *paracentesis* administrari debet , huc redit : æger in fellâ paulo humiliore confideat e directo luminis ac operatoris , sanus oculus splenio fasciaque obducatur , oculus affectus oculario stabiliatur speculo , vel , si in prægrandem auctus sit molem , digitis alterius manus ab operatore , vel quodam amanuensi firmetur non saltem , sed & versus angulum internum , si nimia moles permiserit , dirigatur aliquantum , cum nempe incisio in sclerotica est facienda ; si vero cornea sit pertundenda , non opus est hac bulbi adductoria detorsione. Acus , punctioni inservitura , & ad latus externum circuli corneæ infigenda (§. 10.) ipsi conjunctivæ , scleroticæ &c. recta & repente intrudatur in regionem oculi secundam , non profundius , quam dictarum tunicarum crassities requirit : nisi quidem in turgescentiâ vitrei serosa mucronem acus in ipsum vitrei corpus , atque sic paulo ultra internam choroideæ superficiem adigere oporteat.

Si acus cannulata ad hanc punctiōem fuerit adhibita , extrahatur acus e cannula , hæc vero relinquatur , ut mediante ipsius canali liquidum p. nle oculo effluat , id quod in hydrophthalmia fit rivulosa emanatione. Humoris una vice tantum effluere permittatur , quantum sponte promanat. Si lanceola pro bulbi perforatione adhibeatur , oportet illam limbis suis sciendentibus , altero sursum , altero deorsum spectante , infigere , ac vulnusculum facere perpendiculare : porta vero sic aperta lanceolam , ut in ventrefectione sit , confestim extrahere , ac humori præternaturali exitum præbere.

§. XII.

Inflictum acū vel nudā , vel cannulatā , vel lanceolā *vulnusculum servari apertum* integrō triduo , vel quatrīduo jubet Woolhousius , procul dubio in eum finem , ut non saltem omnis isque crassior humor aqueus effluat , qui jam tum , cum operatio instituebatur , adfuit , sed is etiam qui denuo colligetur post operationem factam. Sed quomodo servari debeat apertum , non tradit. Equidem in paracentesi abdominis , & scroti pariter aliquando , solet cannula , extracta acū , intra vulnusculum relinqui , & epistomio claudi sicque serum , quoties e re videtur , citra novam punctiōem , facile denuo evacuari : vel in abscessibus fistulisque orificium servari paululum immissa turunda : aut labia vulnusculi cujusdam unguento pomato , aliove emolliente peruncta digitis subinde diduci distrahiq̃ue solent ,

Efff 2.

sicque

ficque impedita consolidatione, conniventia præstari ac hiulca, quemadmodum in sanguinis missionibus ex eodem venæ incisæ vulnuscule intra unum diem repetendis aliqui consueverunt. Verum enim vero si aliquam ex hisce methodis oporteat eligere, nos quidem *turundulam e linteo carpto* præferremus, quoniam à reliquis metueremus nimiam irritationem, affluxum copiosorem & inducendam inflammationem: certe post primas aliquot punctiones vulnuscule à consolidatione non videtur porro esse arcedendum, cum tarde, longoque intervallo nova colluvies demum colligatur & tandem plane desinat, tum vero ipsa punctio repeti facile possit vel in priore loco vulnusculi, firma cicatrice nondum coaliti, vel vicino novo.

§. X I I I.

Bulbus oculi ordinario non in totum liberatur ab hoc diluvio prima punctione, subsidet tamen notabiliter. Neque consultum est intempestive sedula bulbi compressione mediantibus digitis ulteriorem tunc restitantis aquei humoris copiam exprimere, tam ne læso jamjam oculo vis inferatur ulterior, ut Nuckius monet, quam ne, subitanea bulbi subsidentia totali, cornea nimium appropinquetur iridi ac pupillæ, vel uvea ad crystallinum nimis apprimatur & affricetur. Si vero humor præ nimia spissitudine cunctetur exire, vel dilatandum est vulnuscule mediante lanceola, aut forfice, vel liquor tenax canaliculo suctorio, qualem Platerus [s] describit, aliove, per suctionem provocandus; vel injecto per tenuem Anellianam syringam liquore diluente, tepido attenuandus atque eluendus, uti ex professo talia profecuti sumus [t] olim.

§. X I V.

Absoluta operatione, ac humoris aquei quantitate sufficienti educta, bulboque oculi, antea valde turgido, jam notabiliter collapsio & contractione facto hanc nos suademus fasciandi methodum, ad inflammationem æque præveniendam, ac e præcedanea distensione debilitatis oculi tunicis robur tonumque conciliandum: scilicet collyrium hoc instilletur bulbo tepidum: ℞. Tut. præparat. ʒj. Sacch. Saturn. Scrupulum semis aq. plantag. rosar. aa ʒij. spir. vin. camph. Scrupulum unum. M. Lindeolum molle, hoc collyrio imbutum, toti bulbo, sub palpebris, obducatur: palpebris autem superimponatur gossypium albumine ovi, cum alumine crudo in spumam agitato madidum, & supra hæc splenium siccum multiplex. Cuncta firmentur fascia mediocriter adstricta.

Singulo sic horio repetatur eadem methodus, uno pluribusve diebus. In
poste-

[s] Fel. Platerus Prax. c. 7. p. 283.

[t] Disp. de Empyem. p. 15. 16. & de hypopyo p. 26.

posterum vero, cum *maiore opus sit adstrictione ac compressione bulbi ocularii*, hancque non impediat inflammatio dolorifica, paracentesin insecta, imponendum est loco gossypii albuminosi splenium e linteo multiplici crassius, *decocto adstringente imprægnatum calidum*, huicque aliud siccum superinjiciendum, fasciaque nunc strictius apprimendum utrumque. *Decoctum illud* paretur e rad. symph. tormentillæ an. ℥ij. gallar. 3vi. fl. balauft. 3j. M. C. Coq. in aq. ferrarior. & calcis vivæ an. ℥ij. ad dimidias, colat. add. spir. vin. rectific. 3vj.

§. X V.

Patella plumbea, cujus primo meminit *Nuckius*, dein *Heisterus*, imponenda bulbo, post hujus punctiōnem, pro fortiore compressione, non quadrat promiscue. In illo quidem casu, quo eam adhibuit *Nuckius* [u] tuto potest adhiberi: nimirum ibi non erat quæstio de visu vel conservando, vel restituendo, sed bulbo saltem ad convenientem reducendo magnitudinem, ut neque se denuo pateretur nimio humorum confluxu distendi, neque impediret artificialis oculi applicationem; ast corneæ in debita pelluciditate ac nitore conservandæ non æque quadraret tam plumbea isthæc gravisque patella, quam arctior fasciatio.

Metum hunc aliquatenus diluit quidem *Heisteri cautio*, qua patellæ linamentum carptum, albumine ovi & rosarum aqua madidum subdit atque sic asperiores attritum avertit: anne satis quoque pressionem, affricationem, stimulum? *Post operationem applicitumque fasciationis apparatus*, utroque oculo obligato, in lectum se componat æger, supinus atque quietus jaceat, in tenebris jugiter versetur. Paucos, eosque siccantes assumat cibos, carnem assam potius, quam elixam, cultro tamen concisam, ne fortius masticare cogatur, &, quod ultra §. seqq. jubebitur, exequatur strenue. *Post vitrei punctiōnem* suadet *Woolhousius* decoctum rad. helleb. n. naribus attrahendum, &, quando bulbus e voto subsedit, satisque humoris oculo videtur eductum, sub singulis oculi novis fasciationibus guttulam vini emetici ordinarii tepidam bulbo instillandam, palpebrasque & spleniis, decocto granatorum imbutis, obtegendas, & supra hæc injiciendum compressorem Hippocratis, (§. 9.)

§. X V I.

Repetenda aliquoties est hæc *paracentesis* in hydrophthalmia, cum novo humorum confluxu turget bulbus oculi. Quinta vice repetitam in duobus subjectis memorat *Nuckius* l. c. eo cum eventu, ut denique ferverit bulbus desideratam magnitudinem. Danda vero simul est opera, ut aliis quoque remediis affluxus & congestio ab affecto revocentur oculo, serosa sanguinis

Ffff 3

caco-

[u] Nuck. Sialogr. p. 124.

cacochymia corrigatur, vasa oculi obstructa referentur, debilitata roborentur & visus acuatur. Sed cramben pharmaceutico-diæticam hic non recoquemus, allatam scil. ad nauseam usque, in dispp. præmissis, præsertim de hydrophthalmia §. 27. & ff.

Neque cunctis his indicationibus tuto supersedere licet vel in misero casu illo, qui curam dumtaxat palliativam admittit, nec quidquam spei in ordine ad visum facit reliquum. Cum enim hic agatur de turgescencia & mole oculi foeda, molesta, dolorifica atque periculosa tandem futura, constanter & secure tollenda ac coercenda, nec non de avertendo transitu in fungosam, malignam & cancerosam naturam, satis operæ pretium fore reputamus, si tanta præveniantur mala, quamvis visu privatus, imo deformis angustiorque remaneat oculus.

§. X V I I.

In casu hydrophthalmiæ, quæ fit vel e sola vitrei turgescencia serosa, l. conjuncta cum humoris aquei superabundantia, præcipit Woolhousius idem *instrumentum, modumque adhibendi*, quibus usus est *Tourbervillius* ad humorem aqueum turbidum in *amblyopia* evacuandum. Enarrabimus ergo, fide Woolhousii, *totum processum curæ*, quem inivit olim ingeniosus ille ocularius *Tourberville*: nimirum acum tricuspidem, *trois-cart* dictam, tenuem, manubrio & cannula privatam, dicto (§. 10. & 11.) scleroticæ loco infixam rotavit aliquoties inter indicem pollicemque, quasi terebrand. Punctionem, in amblyopia ex humore aqueo non quidem abundante, sed turbido, orta, instituit paulo inferius, ac in cataracta solet, ut inferior atque feculentior humoris aquei portio tanto facilius efflueret loco foraminis declivior. Parum quidem, etiamsi totus fuerit excretus humor aqueus, in utraque oculi camera contentus, effluere potuit in hac operatione, cum naturaliter tota ejus quantitas grana v. vix superet in ipsis quoque adultis. Statim à punctione supinum in lecto collocavit ægrum, oculumque operationi subjectum quam mollissime obligavit imposito gossypio, quod imprægnatum fuit defensivo ordinario ex albumine ovi. Rationem cur, facile subolfacimus: ne scil. post humoris aquei evocationem subsidens cornea nimium apprimeretur iridi, oculusque, aliquantum collapsus spatium servaret liberum pro nova sui repletionem, per aqueum humorem regenerandum: cumque hæc operatio soleat in utroque suscipi oculo, per se patet, utrumque tanto magis esse obtegendum vinciendumque molliter, quod alias per canonem in ejusmodi operationibus uterque oculus semper sit obtegendus, ægrotusque servandus, sub fasciarum solutione & alias, in obscuro loco, licet alteruter modo oculus operationi subjectus fuerit. Hanc fasciandi methodum ac ægri in tenebris detentionem protraxit ad octo, pluresve dies.

§. XVIII.

§. XVIII.

Quali *pharmaceutico - diætetica* hanc suam paracentesin profecutus curâ fuerit *Turbervillius*, statim subjungemus : nimirum 5. vel 6. ab operatione horis plane nullum ægro suppeditavit alimentum, neque primo octiduo concessit aliud quam jusculum carnis vitulinæ ac gallinacæ. Propinavit insuper quovis mane seq. jusculum medicatum : ℞. Columbam juniorem deplumatam concisamque, Hb. chæref. rec. mij. M. Coq. in aq. fontan. ℥viii vase obtecto ad remanent. ℥iv. Colaturæ huic immittantur duæ viperæ vivæ mediocres, aut una major, capite extremaque cauda truncatæ, ab exuviis & pinguedine liberatæ, in frusta concisæ, ipseque sanguis extillans pariter in jusculum depluat. Vasi terreo, vel stanneo, bene lutato, & obturato jusculum hoc viperinum includatur, & in MB. digeratur, leniterque coquatur, atque postea in vase probe obtecto ad usum fervetur. Haurienda vero est quovis mane hujus jusculi, denuo calefacti ℥ß. Hocque pergendum est tramite integris 15. vel 20. diebus [x]. Interponit etiam pro potu aquam lactis destillatam, juxta descriptionem in dispens. Londinensi.

§. XIX.

Post primum ab operatione *octiduum*, vel decendium talis æger ad luminis admissionem usumque pedetentim est assuefaciendus, à decubitu diurno liberandus, & cum denique circa decimum quintum, vel octavum in publicum est proditurus, valedicere jusculis viperinis, sed harum loco uti debet, 20. vel 30. dierum spatio, *infusione* contritorum 15. vel 20. *millepedum* vivorum e modica vini hispanici quantitate. Prout diureticum hoc remedium urinas plus minus moverit, poterit & numerus millepedum, & curæ tempus vel extendi, vel diminui.

In posterum vero *abstinendum* est non saltem ab omnibus, quæ sanguinem nova inquinare cacochymia oculosque possunt lædere, præsertim à frequenti lacrymatione, gelido vento, immodica lectione ac scriptione &c; sed tempestivis etiam purgationibus ac scarificationibus, oculariisque remediis, oxydercicis, humores purificare decet & oculum confortare : imo primis ab operatione mensibus ab omni lectione & scriptione suos dehortatur ægros *Turbervillius*.

§. XX.

Eventus curæ hujus *Turbervilliane* fuit, ut amblyopia non tolleretur modo perfectissime, ac minutissimorum quoque objectorum clarus atque distinctus redderetur visus, qualis adolescentum lynceus esse solet : sed & talis inte-

[x] Quam confuse, sparsim & præpostere totum hunc processum descripserit *Woolhousius*, dictatorum ejus possessores agnoscent facile.

integer perstaret septem octove annos; cum vero iterum deficere occiperet, pari felicitate restauraretur, repetita priori methodo. Exemplum hujus curæ Turbervillianæ supra, §. 6. allegavimus, ex recensione Woolhousii, luculentum pariter ac felicissimum: quæ ideo vestigia feliciter pressit & ipse Woolhousius. An vero plures è nostratibus hanc visui suo hebeti medelam chirurgicam facile sint permissuri, justum nobis dubium faciunt seculi, quod vivimus, mollities, nimisque sensilium ægrotorum teneritas, qui non cæcutire modo, sed & prorsus cæci esse malunt, quam ex operatione chirurgica vel tantillum dolere.

§. X X I.

Vulnusculi unius, vel plurium paracentesi inflictorum facilis est *consolidatio* atque cicatrificatio. Ipsum collyrium & albuminosum, & adstringens aliquod facile huic satisfaciunt intentioni. Si tamen vulnusculum, turundula immissa patulum sit servatum atque eo ipso magis dilatatum, poterit, extracta turunda, balsamum Arcæi, vel opobalsamum illini, & linteo carpto, vel tenuissima bracteatorum auri membranula obtegi, atque sic consolidatio facile obtineri.

Symptomatibus huic operationi *supervenientibus*, præsertim in vitrei punctione & acus rotatione intra oculum, tempestive est *occurrendum*. Sunt vero hæc partim dolorifica, partim inflammatoria, & quæ ex his consequuntur, vigilæ, febris, spasmodici motus, suppuratio &c. Unde Woolhousius mox post vitrei punctiorem jubet nuchæ *vesicatorium* imponere, inter scapulas vero *emplastrum* è *pice navali*: imo, si temporum arteriæ fortiter pulsant, sicut ordinario fit, aut hemicrania saltem jugiter instet, ipsam *arteriotomiam* præcipit, s. in temporibus, s. post auriculas. Vesicatorium quoque s. in nucha, s. brachiis in qualicumque paracentesi oculi potest applicari, tam ad præveniendum mala symptomata, quam ad imminuendum affluxum nimium humorum ad oculos, hydropisque oculi recidivam. *Temperantia*, *antispasmodica*, *diaphoretica* & *anodyna* tempestive sunt variis symptomatibus destinanda. Si fungus oculi metuatur post paracentesin, abstinendum est ab humidis & unctuosius medicamentis: surrogare vero oportet *exsiccantia*, *adstringentia*, imo & *cauteria actualia*, vel & denique totius *fungi extirpationem* moliri.

§. X X I I.

Modum agendi juvandique in hac operatione Turbervilliana imaginamur talem: evacuatione humoris aquei viscosioris turbidique tollitur non modo causa hebetudinis visus, medium nempe crassius impuriusque, per quod radii minus libere vivideque ad fundum oculi trajicere valuerunt: sed & ansa præbetur recens sècernendo humori aqueo dilutiori ac puriori, quatenus oscula vasculorum, humorem aqueum sècernentium atque resorbentium minus post hanc operationem chirurgicam pressa & inviscata funguntur liberius suo
off.

officio: infimul vero per remedia pharmaceutica atque diætetica magis magisque corrigitur, inciditur atque resolvitur dyscrasia lymphæ viscida, & impura in oculis, atque sic depuratus humor aqueus limpiditatem suam multorum decursu annorum servat.

Quod acum tricuspide, oculo infixam, inter digitos aliquoties rotaverit Turbervillius in casu amblyopiæ, non tam factum eo fine putaverimus, ut frictione quadam vascula uveæ, vel choroideæ lacefferet & aperiret, aut lentem crySTALLINAM attereret, sed potius ad foramen, quod acu fecerat, dilatandum, ut crassior aqueus humor expeditius efflueret. Illustrat hanc operationem observatio haud infrequens, hebetudinis visus emendatæ & ablatae, ad tempus certe, post superatam ophthalmiam humidam, cum longa & copiosa feri, è glandula lacrymali, & muci spissioris, glutinosi, purulenti è glandulis *Meibomii* sebaceis ploratione

Paracentesis autem in *hydrophthalmia*, ab exuberante aqueo humore orta, pariter non modo tollit è vestigio causam continentem, sed & locum facit activitati medicamentorum tonicorum atque adstringentium, ut cornea atque sclerotica fortius jam resistere queant novæ expansioni, & vasa humorem aqueum copiosius adducentia nimisque patula stringantur. Certe quæ primas punctiones brevi consequuntur, nova humoris aquei collectio & abundantia satis testantur de præternaturali vasorum adducentium anastomosi.

In hydrope oculi, à turgescencia vitrei corporis serosa acum tricuspide oculo infixam, pariter, ut in priori Turbervilliana methodo, sexies circiter inter digitos gyrat *Woolhousius*, nova etiam procul dubio hac è ratione, ut serum in textura oculisque vitrei corporis detentum eliceret magis ipsique vulnus infligeret amplius. An vero hæc methodus tantumdem valeat ad visum restituendum aut conservandum, ac ad hydropem penitus curandum, hoc loco non disquiremus?

§. XXXIII.

Quem ergo denique usum fructumque ex hac varia paracentesi liceat capere, paucis declarabimus (α)? Hydrophthalmiam tollit perfecte ac constanter, atque sic non deformitatem tantum aufert, sed prævenit etiam gravia, è nimio humoris aquei incremento, ac enormi tunicarum distensione metuenda buphthalmiæ, crepaturæ bulbi, staphylomatis, fungi, dolorum, canceri &c. mala. Aut (β) si vel maxime casus existant, jugiter à punctiōibus recidivantis hydrophthalmiæ, novam tamen & his medelam, licet temporariam, adfert punctiōnis repetitio (γ). Imperfectas quidem tales vocaveris curationes, quibus nec visus abolitus restitui, nec hebetior emendari, nec qualiscumque adhuc ante operationem superstes conservari possit semper atque certo. Ita est, in principio hydropis oculi spem aliquam visus conservandi magis, quam restituendi, si penitus fuerit abolitus, facere licet, fidem vero suam obstringere prudens non audebit operator (δ). Serosa colluvie turgescens vitreus, in paracentesi vulneratus, & liberatur ab hac lymphatica sar-

cina, &, facta consolidatione vulneris, servataque naturali limpидitate, in naturalem reductus diametrum non amplius super lentem crySTALLINAM eminet, definitque confusas radiorum inferre refractiones ac obnubilationem. Atque sic curatur singularis etiam hæc amblyopiæ causa (ε). Methodo & exemplo Turbervillii curatur visus hebetudo & obscuratio per eductum humorem aqueum, vel lentore turbido in universum peccantem, vel particulis heterogeneis filamentisque inquinatum, atque surrogato in hujus locum puriore regenerato. Qui profecto non contemnendus est paracentesis effectus, etiamsi post sex novemve annos illa repeti debeat (ζ). Eadem hac Turbervilliana methodo, acusque rotatione & affricione ad processus ciliares, hi, segniores antea, sic excitantur, tonum recipiunt, lentem crySTALLINAM reddunt mobiliorem, nunc propius, nunc remotius admovent retinæ, illamque convexiorem reddunt, sicque ad presbyæ curationem faciunt (η). In empyesi, hypohæmate, hypopyo paracentesis oculariæ usus est palpabilis, atque in præmissis dispp. de hypopyo & empyesi luculenter demonstratus (θ). An, & quis possit usus esse paracentesis in lentis crySTALLINÆ ipsius [y] serosa, lactea, vel purulenta turgescencia, jam supra §. 7. tanquam problema attulimus?

§. X X I V.

Ad ultimum elidendæ sunt aliquæ *objectiones*, quibus nostra paracentesis impugnari posset speciose. Posset enim prætexi: quod etiamsi veterum medicorum formidinem intempestivam de humore aqueo, semel evacuato, non amplius reparabili abjiciamus, subsequi tamen possit, ex ejus evacuatione per paracentesin, corneæ & scleroticæ subsidencia & corrugatio, atque sic regionum oculi, anticæ ac posterioris collapsus, tunicarum ad se invicem appropinquatio, imo adhæsiō uveæ p. nlis, & limbi pupillæ interni adcretio ad tunicam lentis crySTALLINÆ arachnoideam, idque tanto facilius, quod mucrone acus infixæ & intra oculum rotatæ non possit non aliqualis earum tunicarum laceratio, vel excoariatio induci, cum tanta sit secundæ regionis oculi angustia, quæ, juxta accuratum *Petiti* [z] calculum, non sine violentia & damno admittat acum illam tricuspidem, in paracentesi adhibendam. Quin imo ex affricione, stimulo, excoariatione, illatis oriatur inflammatio atque suppuratio periculosa; quodsi vero ipsa lens crySTALLINA acu lædatur, fricetur, compungatur, hæc reddatur turbida & cataractam acquirat: &, si vel nihil aliud, redeat labor actus in orbem, paracentesis non sit nisi temporarium & inconstans remedium, quoniam nec corrigere vitiosam aquei humoris crasin, nec vasorum, quæ humorem aqueum adducunt atque reducunt vitia possit emen-

[y] Lentem crySTALLINAM in sua capsula naturaliter irrorari limpидissima, sed paucissima, lymphæ notaverunt Morgagn. advers. anat. 6. p. 90. & Petit, med. Acad. des scienc. an. 1726. p. m. 112.

[z] Idem Petit, medicus, mémoires de l'Acad. des sciences an. 1728. & in Schediasmate an. 1729.

emendare. Imo denique si vel maxime desideratus post paracentesin affulgeat eventus, hic tamen potius debeatur longæ ac efficaci curæ pharmaceutico-diæticæ, quæ operationem hanc chirurgicam præcessit, comitatur atque sequitur.

§. XXV.

Sed ita *respondemus* ad hæc dubia (α): vanus omnino fuit tam veterum quam recentiorum metus, ne humor aqueus post evacuationem non regeneretur, isque metus, uti tot aliis experimentis, ita collectione nova post paracenteses excutitur totus (β). Repentina & totalis oculi subsidencia sollicitè cavetur in paracentesi hydrophthalmiæ, non omnem una primaque vice humorem emittendo. In casu vero amblyopiæ, ab humore aqueo, qua impuro saltem, non abundante, profectæ, omnis quidem semel atque simul evacuatür aqueus humor, sed, cum hinc non possit magnus subsequi collapsus oculi, tunicæ etiam interiores humidæ maneant, & brevi novus succedat humor aqueus, non est, quod metuamus internam tunicarum molestam frictionem, aut perniciosam concretionem (γ). Etiam si vel data opéra, vel ex improvise processus ciliares, ligamentum ciliare & interna superficies vel choroideæ, vel uveæ fuerint nonnihil acutiusculis attriti, excoriati, atque vulnerati, tamen non facile concretio tunicarum internarum, neque periculosa inflammatio, aut suppuratio subsequitur, cum partim novus à tergo sequens humor aqueus se dictis interponat tunicis, partim vero medicamenta tempestive opponantur inflammationi metuendæ (δ). Lentis crystallinæ, nisi & ipsa vitio laboret, §. 7. lit. γ . indigitato, læsioni prospicitur hac cautela, ut ne acus infigatur profundius, quam tunicarum, bulbum oculi continentium atque constituentium crassities requirit (ϵ). Quod si tamen acus attigerit & parum compresserit ipsam lentem crystallinam, modo non vulneraverit, damnum est nullius momenti (ζ). Repeti quidem paracentesis semel iterumque debet in hydrophthalmia, ast sufficit repetitione ipsa juvare; & licet (η) unitis cum reliqua pharmaceutico-diætica cura juvet viribus, maxima tamen gloriæ pars debetur paracentesi, quoniam, mediante hac, non modo causa hydropis oculi & amblyopiæ continens tollitur è vestigio, sed reliquis etiam remediis via sternitur, ut liberius ac efficacius agere possint, qualia scilicet ante operationem, & sine hac, fuerunt irrita.

T A N T U M !

G g g g x

TABULA

TABULA DISPUTATIONUM

VOLUMINIS PRIMI.

I. J. ANDREAS CONRADI memorabilem gravissimi vulneris curationem tradidit quo globulus plumbeus cerebri partem quassaverat. Primum prodiit Leidæ 1722. pag. 1

II. RUDOLPHUS CHRISTIANUS WAGNERUS *de contraffitura* rogante Leibnizio disputavit Jenæ ann. 1708. Curiosissimus mortalium scire avebat, num omnino severior mathesis hujusmodi calamitates admittat. Eam noster cum exemplis practicis conjunxit, & ostendit utique id malum accidere posse. 15

III. J. FRIDERICUS CRELLIUS Heisteri, illustris viri, olim gener, *de tumore capitis fungoso post cariem cranii exorto* Helmstad. 1743. maximum & enorme malum ferius funestum descripsit. 45

IV. JOANNIS CASPARI disp. *de exostosi cranii rariore*, Argentor. 1730. Funestæ à venerea causa exostoseos rarum exemplum delineavit. 63

V. J. HADRIANUS SLEVOGT *de carie cranii*, Jenæ 1695. Funestum etiam eventum cum vermibus duræ membranæ insidentibus, erudite, ut certe solebat, enarravit. 84

VI. BARTHOLOMÆI MURRY thesis in hæc verba, *ergo post gravem ab ictu vel casu capitis percussione non juvante etiam iterata terebratione dura meninx incisione aperienda*, Paris. 1736. proposita, vanam religionem experimentis refutavit, qua duram membranam ignariores chirurgi suspexerunt. 97

VII. DANIEL HOFMANNUS *rarissimam cerebri quassati sanationem cum notabili substantiæ deperditione* Tubingæ 1719 protulit. Puerum ipse bene novi, cui later de recto in caput delapsus pene totam calvam comminuerat, ut cerebrum dispersum exsiliret: & à tanto tamen malo nullum vestigium in animi & corporis viribus memini superfuisse. 109

VIII. CHRISTOPHORUS TEUBELER proprias inque castris collectas historias *de vulneribus cerebri non semper lethalibus* defendit, Halæ 1750. non absque physiologia. 121

IX. Eximia & rara disputatio GOTHOFREDI SAND *de fungo cerebri* agit, quem masculis perterebrationibus & incisionibus curavit. Regiomonti 1700. 169

X. Programma est clar. viri GEORGII AUGUSTI LANGGUTH, *de sinus frontalis vulnere sine terebratione curando* Wittemberg. 1748. Ostendit hæc vulnera, quæ vulgaris opinio difficillima facit, absque labore conciliari. 201

XI. LUDOLPHI HENRICI RUNGE, nostri aliquandiu auditoris, disp. *de morbis præcipuis sinuum ossis frontis & maxillæ superioris & quibusdam mandibulæ inferioris*. Rinteli 1750. Mala chirurgis ne nominata quidem cum novis instrumentis tradit, quibus manus medentis sibi ad hos anfractus interni capitis viam aperit. 205

XII. J. CASPARI SCHOBINGERI diligentis olim Yvesii & Winslowi discipuli, *de fistula lacrymali*, Basil 1730. non quidem nunc raram, sed recte descriptam curationem continet, quæ perforato osse unguis obtinetur. 229

XIII. Poterat forte abesse PETRI CHRISTOPHORI BURGMANNI *de singulari tunicarum utriusque oculi expansione* epistola Rostochii 1729 edita, quæ morbum, si ita licet ea voce uti, cadaveris & longe conicum prolapsum corneæ in suspenso reo delineat. 251

XIV. ÆGIDII CRATONIS KECK *de ectropio* disp. Tubingæ 1733. habita,

multa peculiaria & imprimis cataractæ membranaceæ duas historias continet, & diarium legitimæ curationis. 271

XV. Incipiunt hic egregiæ ill. olim Archiatri BURCHARDI DAVIDIS MAUCHART de morbis oculorum disputationes, quæ præcipuum pretium hujus primi voluminis efficiunt. Discipulus Woolhoufii, minus autem præceps præceptore suo, in morbis oculorum curandis magnam partem studiorum & laborum suorum posuit, summo suo cum decore. Quæ eruditi viri plurimus rerum usus detexit, hic continentur, nulla enim præter hæc ejus scripta supersunt. Ergo prima sit disputatio, *de tumoribus cysticis palpebrarum & singulari steatomatice scirrhuso tumore e palpebra superiori excisso*. Tubing. 1750. neque enim ordinem temporum, sed partium potius secutus sum, quarum vitia descripsit VIR ILL. Apparet, & ubique apparebit, plurima lectio veterum, subtilis nominum & morborum distinctio, cum memoria rei gestæ feliciter conjuncta. Candidè vero & hic & ubique præsidia aperit, quæ vel à manu, vel à medicamentis mutabatur vir clar. & diarium curationum, quales historiæ nunc plurimum, etiam à physicis, laudari solent. 291

XVI. IDEM *de ophthalmoxysi nov-antiqua, seu Hippocratico Woolhoufiana*, Tubing. 1726. celebrem eo tempore administrationem describit, qua solebat Woolhoufius aliquantum sanguinis penicillo ex aristis secalinis facto elicere. Autoritas tunc plurima huic instrumento erat, & arcana fere materies. 315

XVII. Ejusdem, *de maculis corneæ* disp. Tubing, 1743 imprimis propriam observationem habet maculæ in ea membrana, quæ senibus frequens & molesta est. 339

XVIII. *Tobiæ leucomata* ibid. eod. anno descripta ad curiosam chirurgiam pertinent. Totam rei gestæ historiam subtilius aggressus suspectam reddit, & plurima ubique fabulæ vestigia reperit. 365

XIX. *Unguis oculi*, de quo egit Tubing. 1742. est ulcus corneæ lamellis ejus membranæ interjectum. 380

XX. *Ulcera vero corneæ* ibid. eod. anno dicta non clausa, sed in alterutra facie corneæ aperta sunt. 396

XXI. *De fistulis corneæ* ibid. eod. anno præter accuratam horum malorum divisionem, subtilem etiam administrationem tradit, qua callus tollitur, & qua sinus corriguntur. 415

XXII. *De Synechia* ibid. 1748. historiam pessimi mali, difficilem curationem chirurgicam, utilitatem denique hujus mali ad alia graviora mitiganda tradit. 435

XXIII. *De pupilla phthisi & synizesi* 1745. Exempla aliqua diminutæ pupillæ, causæ variæ, curatio WOOLHOUSIANA & CHESELDENIANA hic exstant. 452.

XXIV. J. GOTHOFREDUS GUNZ *de Staphylomate* disputavit Lipsiæ 1748. Is vir ill. dum vixit, variis inimicitiae suæ testimoniis me infestavit. Verum non oportet eum dolorem intercedere, quin ea mihi laude digna videantur, quæ vere omnino in eo magna fuerunt. Cum eruditione & lectione veterum auctorum, chirurgiæ peritiam, & laudem felicitis praxeos conjunxit, & in anatome etiam cum diligentia versatus est, suisque meritis ad archiatri munus sibi viam aperuit. Erat autem mens ipsi paulum in alios, quorum decora viderentur suis obesse, iniquior, parcusque vixit laudator & infrequens. Mihi ob maxillaris internæ arteriæ rectius descriptæ æmulationem infensior fuit, quam oportebat esse, certe alienarum laudum adeo cupido scriptori. Verum hæc odia cum ipso tumultata sunt! Aliquot certe chirurgicæ disputationes mihi mereri visæ sunt; ut hic, honesto inter MAUCHARTANAS loco, recuderentur. Hæc quidem de qua nunc ago, opinionem minus veram continet, aut nunquam aut raro omnino uveam per corneæ vulnus prolabi, atque reprehensionem ill. MAUCHARTI meruit, quæ proxima disputatione continetur. Verum etiam cum hoc vitio multæ per experimenta natæ observationes insunt. 475

XXV. BURCHARDUS DAVID MAUCHART in disp. *de Staphylomate* Tu-

bing. 1748. CL. GUNZII disputationem, quam modo dedimus, passim correxit, uveæ prolapsum per exempla restituit, diversas species staphylomatis copiose definivit: curationes mitiores, quæ situs ope, aut modicæ compressionis fiunt, sollicitè descripsit, transfusionem rejicit & sequitur curationem Wolhousianam. 499

XXVI. CAROLUS FRID. KALTSCHMIED in progr. *de oculo ulcere cancroso laborante feliciter extirpato*. Jen. 1748. hoc infortunium adstringentibus medicamentis tribuit, eaque ab oculorum inflammationibus jubet exulare. 541

XXVII. BURC. DAVID MAUCHART *de mydriasi* rariori morbo, quem inter recentiores ocularios medicos pauci tetigerunt: removet ab eo falsam persuasionem, obiecta minora apparere: observat, non semper in cataracta pupillæ vim contractilem perire: describit & contra nos defendit fibras circulares uveæ, quas nos, posterioribus in periculis, nunquam vidimus, ne microscopio quidem admoto. Tubing. 1745. 545

XXVIII. Ejusd. *de hydrophthalmia* Tubing. 1744. Aliqua anatomica præmittit, iridemque convexam esse cum PETITO negat, quam nos in animalibus tamen convexam esse certo vidimus. Figuram etiam lentis cristallinæ mutari a filamentis ciliaribus minime admittit. Cæterum curationem ad aliam occasionem differt. 575

XXIX. Ejusd. *de paracentesi oculi* Tubing. 1744. Operationem vix a quoquam descriptam instrumentum a Woolhousio promissum magis quam dictum, tum alteram exponit methodum, qua TURBERVILLIUS, celebris in Angliâ ocularius medicus, olim humorem aqueum emittere & meliori mutare conatus est. 587

FINIS TOMI PRIMÆ



